

Պ Ա Տ Մ Ա Կ Ա Ն

ՈՒՍՈՒՄՆԱՍԻՐՈՒԹԻՒՆՆԵՐ

ՀՐԱՏԱՐԱԿՈՒԹԻՒՆ Ա. ԳՈՒԿԱՍԵԱՆԻ

Ն. ԱԴՈՆՅ

ՊԱՏՄԱԿԱՆ
ՈՒՍՈՒՄՆԱՍԻՐՈՒԹԻՒՆՆԵՐ



Լոյս ընծայեց

Ա. ԿՈՆԴԱՐԵԱՆ

Copyright by « LA RENAISSANCE »

73, Avenue des Champs-Élysées — PARIS (8^e)

1948

Պ Ա Ր Ի Ս

1903թ. կատարում է մի ոչ երկարատեւ ճամբորդութիւն դէպի Կովկաս: Թիֆլիզում գտնուած ժամանակ կատարելագործում է իր սովորած վրացերէնը, մասնաւոր դասեր առնելով քաղաքի վրացի մէկ քահանայից: Այնտեղից անցնում է Էջմիածին, օգտուելու համար Մատենադարանի ճոխ ձեռագրներից: Այստեղ առաջարկ է ստանում մնալ Էջմիածնում եւ դառնալ դասախօս Գէորգեան ձեռնարանում, բայց չի ընդունում այդ առաջարկը:

Անհրաժեշտ նիւթերը ամբարած՝ Ն. Աղոնց վերադառնում է Պետերբուրգ եւ ձեռնամուկ լինում պատրաստելու իր «Հայաստանը Յուստինիանոսի դարաշրջանում» («Армения в эпоху Юстиниана») թէզը, մագիստրոսի գիտական աստիճան ստանալու համար: 1908 թուին երկտասարդ գիտնականը փայլուն կերպով պաշտպանում է Արեւելեան լեզուների Փաբլիլթէի առջեւ իր վերոյիշեալ թէզը եւ Ն. Մառի ու Ի. Զաւախովի ներկայացրած նպաստաւոր եզրակացութեանց հիման վրայ ստանում է Հայկական բանասիրութեան մագիստրոսի աստիճան եւ իրաւունք՝ դասախօսելու համալսարանում, իբրեւ պրիվատ-դոցենտ:

«Հայաստանը Յուստինիանոսի դարաշրջանում», որ գրուած է հրատարակուած է ուսուերէն լեզուով, մի մեծածաւալ աշխատութիւն է, երկու մասից բաղկացած: Առաջին մասը նուերուած է Արեւմտեան կամ Բիւզանդական Հայաստանին, իսկ երկրորդը՝ Արեւելեան կամ Պարսկական Հայաստանին: Գրքի սկզբի էջերում հեղինակը պատմականն է անում Հայաստանի բաժանման եւ գծում երկու Հայաստանների սահմանը: Ապա անցնում է Արեւմտեան Հայաստանի քաղաքական աշխարհագրութեան եւ ճշտում է Ա. Բ. Գ. եւ Դ. Հայքի սահմանները, ինչպէս նաեւ մեծ քաղաքների եւ աւանների տեղագրութիւնը: Շարունակութեան մէջ վեր է լուծում Յուստինիանոսի քաղաքացիական եւ զինուորական «բարենորոգումները», որոնք, ինչպէս ցոյց է տալիս Ն. Աղոնց, ուրիշ նպատակ չունէին, բայց եթէ Հայաստանի հելլենացումը: Աշխատութեան երկրորդ մասը նուերուած է Պարսկական կամ Արեւելեան Հայաստանին, որտեղ շարունակում է իշխել նախարարական կարգուսարքը: Ն. Աղոնց կանգ է առնում Մարգապանական Հայաստանի վարչական վիճակի վրայ եւ որոշում է նրա սահմանները: Ապա անցնելով նախարարական կարգին, քննութեան է ենթարկում նախարարութիւնների քանակը, նրանց սահմանները եւ տեղագրութիւնը եւ ծանրանալով նախարարութիւնների ծագման հարցի վրայ, պարզում է նրանց տոհմական եւ աւատապետական հիմերը: Այս վերջին գլխում ուսումնասիրութեան նիւթ դարձնելով հայ աւատապետութեան հարցը, մանրամասն վերլուծութեան է ենթարկում նրա էութիւնն ու առանձնայատկութիւնները:

Ն. Աղոնցի երկրորդ մեծ գործը իր դոկտորայի թէզն է՝ «Դիոնիսիոս Թրակացիին եւ հայ մեկնիչները» («Дионисий Тракийский и армянские толкователи»), որ նա ներկայացնում է Փաբլիլթէին 1915թ. եւ հրատարակային փայլուն պաշտպանութիւնից յետոյ, ստանում է 1916 թուին

Հայկական բանասիրութեան դոկտորի գիտական աստիճան եւ կարգուած համալսարանի պրոֆեսոր: Գիտական մեծ արժէք ներկայացնող այս գործը, որ բաղկացած է 307 մեծադիր էջերից, հրատարակուած է նոյնպէս միայն ուսուերէն լեզուով:

Մինչեւ 1917 թուի համայնավարական յեղաշրջումը Ն. Աղոնց ապրում է մշտապէս Պետերբուրգում, դասախօսելով համալսարանում եւ աշխատակցելով ոուս եւ հայ գիտական պարբերաթերթերում իր եւ մասնագիտութեան վերաբերեալ նիւթերի շուրջը գրուած մենագրութիւններով: Պէտք է ասել, որ վերը մատնանշած երկու թէզերից զատ, թիւններով: Պէտք է ասել, որ վերը մատնանշած երկու թէզերից զատ, հանդուցեալի գիտական գրեթէ բոլոր աշխատութիւնները կարճ մենագրութիւնների բնոյթ են կրում. մի հանգամանք, որ Ն. Աղոնց ինքը բացատրում էր Ն. Մառի դպրոցի ազդեցութեամբ:

Տալ այստեղ ցանկը հանդուցեալ պրոֆեսորի գիտական աշխատասիրութիւնների՝ աւելորդ էնք համարում, քանի որ Միլլոնեան Փօնդի Յանձնախումբի հրատարակութեամբ լոյս տեսած Ն. Աղոնցի Ֆրանսերէն հատորի մէջ Հայոց Պատմութիւն (Histoire d'Arménie) Ֆրանսերէն հատորի մէջ տպուած կենսագրական ակնարկը՝ գրուած մեր կողմից, վերջանում է մեծանուն գիտնականի գլխաւոր գործերի ցանկով եւ միւս կողմից, Վիեննայի «Համադէս Ամսօրեայ» 1947թ. մայիսի գրքոյկում զետեղուած է նրա աշխատասիրութիւնների ամբողջական ցուցակը:

1917 թուի համայնավարական յեղաշրջումը վերջ դրաւ մեծ գիտնականի պետերբուրգեան շրջանի գործունէութեան: 1920թ. ապրիլին նա անցնում է արտասահման եւ, մօտ մէկ տարի, Լոնդոն մնալուց յետոյ, հաստատում է Պարիսում: 1930ին հրաւիրում է Բրիւսել, ստանձնելու այնտեղի Ազատ Համալսարանի Հայոց լեզուի ու գրականութեան եւ բիւզանդագիտութեան ամբիոնները:

Արտասահմանում եւս, չնայած նիւթական ծանր պայմաններին, Ն. Աղոնց շարունակում է իր գիտական գործունէութիւնը: Պարիս եւ Բրիւսել եղած ժամանակ տպագրում է Հայերէն եւ օտար (գլխաւորաբար Ֆրանսերէն) լեզուներով հրատարակող պարբերաթերթերում մի պէս Ֆրանսերէն) լեզուներով հրատարակող պարբերաթերթերում մի պէս Ֆրանսերէն) լեզուներով հայագիտական եւ հայ-բիւզանդական շարք ուսումնասիրութիւններ հայագիտական եւ հայ-բիւզանդական շարք ուսումնասիրութիւններ շօշափող նիւթերի շուրջը, ձեռք բերելով միջազարարարութիւնները շօշափող նիւթերի շուրջը, ձեռք բերելով միջազարարարութիւնները շօշափող գիտնականի համբաւ: Իր գլուխ գործոցը պիտի ընդամենը չափանիշով գիտնականի համբաւ: Իր գլուխ գործոցը պիտի ընդամենը չափանիշով գիտնականի համբաւ: Իր տեղի ունեցաւ Բրիւսել 1942 վերջին տարիներին: Վաղահաս մահը, որ տեղի ունեցաւ Բրիւսել 1942 թուի յունուար 27ին, չթոյլատրեց որ աւարտուի այս գործը: 1946ին Պարիսում լոյս տեսաւ Հայոց պատմութեան նախնական շրջանին նուերուած մասը:

Մեր նպատակից դուրս է, կենսագրական այս ակնարկի մէջ, տալ վերլուծութիւնը Ն. Աղոնցի ձգած գիտական ժառանգութեան: Այդ կ'անեն, անշուշտ, մասնագէտները՝ բանասէր եւ պատմագէտ: Բայց

իբրեւ տպաւորութիւն, ստացած հանգուցեալի երկերի ընթերցումից եւ դիտական գանազան հարցերի շուրջը տարիներ շարունակ նրա հետ ունեցած զրոյցներից, պիտի յայտնեմ, որ իր ամբարած հսկայածաւալ պաշարով, ձեռք բերած նիւթը մշակելու առանձնայատուկ մէթոդով եւ սեփական ու ինքնուրոյն եղրակացութիւնների յանգելու ու դրանք հիմնաւորելու բացառիկ կարողութեամբ Ն. Աղոնց, ապահովաբար, համարուելու է մեր ժամանակուայ հայ ամէնաականաւոր գիտնական - պատմագէտը:

Բայց այս ամէնը չէ: Ն. Աղոնց հայ կեանքի միւս մարդերին անհազորդ եւ միայն իր մասնագիտութեան ինքի մէջ ամփոփուած գիտունը չեղաւ երբեք: Նա ունեցաւ իր մասնակցութիւնը հայ հասարակական կեանքի առաջադրած հարցերի քննութեան մէջ, հանդէս գալով իբրեւ պարագլուխ հանրային որոշ հոսանքի: Այն հոսանքը, որին պատկանում էր Ն. Աղոնց և որին մնաց հաւատարիմ մինչեւ իր կեանքի վերջը, հայ կղերա-պահպանողական հոսանքն էր:

Կովկասի նուաճումից յետոյ, ինչպէս յայտնի է, հայերը դարձան ցարերի սոսկական հպատակներ: Զուրն ընկան ոչ միայն մեր ազգային անկախութեան, այլ նոյնիսկ ազգային-քաղաքական ինքնօրինութեան ծրագրները: Միայն հայ եկեղեցին ստացաւ մի կազմակերպութիւն, որ պարունակում էր ինքնօրինութիւնը հեռաւոր կերպով յիշեցնող տարրեր: Դրա հետեւանքով էլ հայ հասարակական մտքի ճիւղաւորումը տեղի ունեցաւ ոչ թէ պետական-քաղաքական, այլ պետական-քաղաքական, զպրոցական եւ մշակութային հարցերի շուրջը: Այս հարցերի նկատմամբ երեւան եկած տարբեր ըմբռնողութիւնները ծնունդ տուին հասարակական տարբեր հոսանքների, որոնցից գլխաւորները եղան կղերա-պահպանողական եւ ազատական հոսանքները: Պայքարը նրանց միջեւ, որ տեղի ունեցաւ մամուլի էջերում եւ սկսուեց Մոսկուայում («Հիւսիսսփայլ» եւ «Ճոռաքաղ»), փոխադրուեց այնուհետեւ Թիֆլիզ, որտեղ Գր. Արծրունու ազատական օրգանի՝ «Մշակ»ի դէմ դուրս ելաւ Պ. Սիմէօնեանի պահպանողական «Մեղու Հայաստանի»ն եւ ապա Սպ. Սպանդարեանի «Նոր Դար»ը: Գալով հայ մտաւոր միւս կեդրոնին՝ Էջմիածնին, այնտեղ իշխեցին մենատիրաբար հայ կղերա-պահպանողականները եւ այն էլ ոչ միայն պահպանողական Մակար կաթողիկոսի օրով, այլ նաեւ ազատականների բուհներով ընտրուած Խրիմեանի ժամանակ:

Ն. Աղոնց, ինչպէս յիշատակեցինք վերը, բացեց իր աչքերը գիտակից կեանքի առջեւ Էջմիածնի ձեմարանում, որ ամբողջովին գրտնում էր կղերա-պահպանողական ուսուցիչների ձեռքին եւ, նրանց ազդեցութեան տակ էլ կազմաւորուեց պատանի ձեմարանցու հոգին ու միտքը: Եւ երբ «հասունութեան վկայականը» գրպանում նա Թիֆլիզից Պետերբուրգ մեկնեց բարձրագոյն կրթութիւն ստանալու համար, արդէն արեւ էր փր ընտրութիւնը: Ցարերի մայրաքաղաքում նա փնտուեց

ու դտաւ նախեւառաջ Կ. Եղևանին, որ կղերա-պահպանողական հոսանքի ամէնահեղինակաւոր պարագլուխներից մէկն էր: Ն. Աղոնց սերտ յարաբերութիւններ հաստատեց Կ. Եղևանի հետ եւ դործակցեց նրան՝ վարելու համար եկեղեցու շուրջը խմբուած հայ դպրութի գործերը: Երկար տարիներ եղաւ անդամ Պետերբուրգի Եկեղեցական Խորհրդի, իսկ իշխան Արամելիք-Լաղարեւի մահուանից յետոյ, Մոսկուայի եւ Պետերբուրգի հայ համայնքների կողմից ընտրուեց այս վերջինի տեղ հոգարարձու Լաղարեւան ձեմարանի:

Բայց վերը մատնանշած պահպանողական եւ ազատական հոսանքների բախման կենտրոնները հետու էին Պետերբուրգից եւ այդ պատճառով էլ Ն. Աղոնց գործօն մասնակցութիւն չունեցաւ Թիֆլիզում, Բաղուսում, Երևանում եւ Կովկասի հայաշատ միւս քաղաքներում տեղի ունեցող պայքարի մէջ, մի պայքար, որ մղում էին հակաուսուցիչ կողմերը ազգային եկեղեցական հաստատութիւնները եւ հանրային - մշակութային կազմակերպութիւնները իրենց ազդեցութեան ենթարկելու նպատակով:

Փաղափարական պայքարի մէջ, սակայն, նա ունեցաւ իր բաժինը: Իր բաղմակողմանի դարգացումը, հրապարակագրի տաղանդը եւ մասնաւորապէս ազգային անցեալի խորհմուտ ծանօթութիւնը նա լիւրջի օգտագործեց հիմնաւորելու համար ճշմարտութիւնը պահպանողական հոսանքի գաղափարաբանութեան: «Նար Իար»ի եւ կղերա-պահպանողական միւս օրգանների մէջ գրած յօդուածներով, ինչպէս նաեւ հրապարակային ելոյթներով նա պաշտպանեց հայ եկեղեցին, հայ հողեւորականութիւնը, հայ դաւանանքը, գրաբար լեզուն եւ ազգային աւանդութիւնները ազատականների յարձակումների դէմ, որոնցով «Մշակ»ի մարդիկ աշխատում էին նսեմացնել ազգային այդ արժէքների նշանակութիւնը հայ անցեալ, ներկայ եւ ապագայ կեանքում եւ պահանջում էին բարենորոգումներ մտցնել եկեղեցական եւ հանրային կազմակերպութիւնների մէջ:

Երբ յեղափոխական կուսակցութիւնների ստեղծումով դործնապէս դրուեց Հայ Դատի լուծման խնդիրը յեղափոխական միջոցներով, Ն. Աղոնց պահպանողական հոսանքի միւս ներկայացուցիչների հետ միասին, դիրք բռնեց յեղափոխական կուսակցութիւնների, նրանց առաջադրանքների եւ, մասնաւոր, դործելակերպի դէմ: Հետագայում իր գաղափարակիցներից շատերը փոխեցին իրենց դաւանանքը, ուղեկից դարձան ծայրայեղ նպատակներ հետապնդող քաղաքական նորակազմ հոսանքների, բայց նա մնաց հաւատարիմ հայ պահպանողականութեան հիմնական սկզբունքներին մինչեւ իր մահը: 1928 թուին Բոստոնի «Հայրենիք» ամսագրի յունիսի գրքոյի մէջ տպագրած «Մեծ եղեռնի տարելիցի» իր մէկ յօդուածի մէջ Ն. Աղոնց, քննութեան առնելով հայ ազատագրական շարժման ձախողման պատճառները, յանդում է այն եզրակացութեան, որ տաճկահայ ժողովուրդը՝ «ցնցոտիների մէջ մարմնով և

հոգով», հասունացած չէր այդ ազատագրման համար, որի կոչը, գրում է նա, «դրսեցի էր յղացումով և գործադրութեամբ»։ Ն. Աղունցի տեսակէտով միակ ուղիղ ճանապարհը մինչեւ այսօր կ'մնում է քաղաքական այն շաւիղը, որ դժեւ է դեռ 18րդ դարում «անդրանիկ յեղափոխական ղողանջը» անիծող Սիմէոն Կաթողիկոսը, մեր օրերի որակումով՝ այդ յայտնի «հակայեղափոխականը»։ «Վարդաժամ էին, գրում է Ն. Աղունց, եւ Հնչակների ղողանջը ե'ւ Դրօշակների ծածանումը»։ «Հող եւ ջուր, վարժապետ, քահանայ, հաշտ կեանք, պետական հաւատարմութիւն, համերաշխ գրացիութիւն» — ահա այն ծրագիրը, որ պէտք էր հայ ժողովրդին։ Պահպանողական գաղափարները, որ դաւանում էր Ն. Աղունց, գտել են իրենց արտայայտութիւնը պատմական այն վերլուծումների մէջ, որ անում է նա այս հատորում տեղ գտած իր մի քանի յօդուածներով։

Մեծ գիտնականի, ակնաւոր ու շիտակ հրապարակագրի եւ հանրային գործիչի իր անվիճելի կարողութիւններին Ն. Աղունց միացնում էր նաեւ հմուտ գրականագէտի ձիրքեր։ Վկայ իր խմբագրած «Բանբեր Գրականութեան եւ Արուեստի» պարբերաթերթը, որի երկու հատորները լոյս տեսան Պետերբուրգում 1903 եւ 1904 թ.թ. եւ որի հրատարակութեան դադարումը ցաւով պիտի արձանագրուի հայ գրականութեան պատմութեան մէջ։ Թէ իր բովանդակութեամբ եւ թէ արտաքին յարգարումով «Բանբեր»ը աննախընթաց երեւոյթ էր իր ժամանակի համար եւ չափազանցութիւն չի լինի եթէ ասենք, որ նմանը չունեցաւ նաեւ հետագային։ Ն. Աղունց «Բանբեր»ի մէջ յայտնաբերից նախեւառաջ խմբագրի անառակելի հմտութիւն։ Նա կարողացաւ իր շուրջը համախմբել ժամանակի ամէնայայտնի գրողներին եւ, ինչ որ խիստ հաճելի նորութիւն էր, ապահովեց արեւմտահայ գրագէտների մասնակցութիւնը Պետերբուրգում հրատարակող Վր պարբերաթերթին։ Միւս կողմից, Գրական նշմարներ ընդհանուր վերնագրի տակ նոյն «Բանբեր»ի մէջ տպագրած իր յօդուածներով, եւ ՆՓրոն — Բրոքհաուզի հանրագիտական Հայաստան (Армения) բառի տակ գեանդած ընդարձակ մենագրութեամբ, նուիրուած հայ պատմութեան եւ գրականութեան, ինչպէս նաեւ «Պէշիկթաշլեան եւ կցորդ խնդիրներ» («Հայրենիք», 1931 թ. յուլիս) յօդուածով, ցոյց տուաւ, որ լեզուական եւ պատմական հարցերի հետ միասին խոր եւ լայն ծանօթութիւն ունի նաեւ օտար եւ հայ գեղարուեստական գրականութեան ու գրադատութեան մասին։

Մեծ գիտնական, հմուտ հրապարակագիր ու գրականագէտ, այլ նաեւ պարկեշտ հանրային գործիչ ու հայրենասէր — ահա այն բազմապիսի յատկութիւնները, որ կենտրոնացնում էր իր մէջ Ն. Աղունցը։

Ա. Խ.

Ա. Մ Ա Ս

ՔԱՂԱՔԱԿԱՆ ՀՈՍԱՆՔՆԵՐ ՀԻՆ ՀԱՅԱՍՏԱՆՈՒՄ.—
 ԲԱԳՐԱՏՈՒՆԵԱՅ ՓԱՌՔԸ.— ՀԻՆ ՀԱՅ ՇԻՆԱԿԱՆՈՒԹԻՒՆԸ.—
 ՀԱՅԱՍՏԱՆԻ ՈՍԿԵՀԱՆՔԸ.— ՀԻՆ ՀԱՅՈՑ ԱՇԽԱՐՀԱՅԵԱՑՔԸ։

ՔԱՂԱՔԱԿԱՆ ՀՈՍԱՆՔՆԵՐ ՀԻՆ ՀԱՅԱՍՏԱՆՈՒՄ

I

Դարերից ի վեր սովորութիւն է դարձած վատարանել հայ ազգութիւնն իր որպէս թէ հակահասարակական յատկութեան համար: Ներքին խռովութիւններն ու քնդհարումները հասարակական կեանքի ասպարէզում որակում են միշտ իբրեւ հետեւանք անմիաբան և հակոտակիչ ոգու: Անմիաբանութեան համբաւը համարում է քնդարոյս խորշոմ մեր ալեւոր ճակատին: Նա ինքն է պատճառ կարծւում և մեր ճակատագրական դժբախտութեանց: Յան եւ ցրիւ, մանաւանդ ներհակ եւ հակասուն գործունէութիւնն է, որ տանում է մեզ դէպի վտանգների եւ դառնութեան նեղուցները:

Այսպէս էին մտածում հները եւ նրանց հետեւելով՝ նորերը:

Հայ ազնուականութիւնը, երկրի ամենակարեւոր առաջնորդ ոյժը, ներկայանում է մեզ յետնորդներիս հին մատենագիրների մօտ այնպիսի սեւ գծերով, որ միայն հառաչել կարելի է: Երկպառակութիւն, գժտութիւն, դաւադրութիւն, տեսակ տեսակ մեքենայութիւններ հիմն ունենալով եսասիրութիւն, փառամոլութիւն, քսութիւն, ամեն ստորին ձրգտում, բայց ոչ հասարակական բարձր խոյացում, — ահա ինչպէս է նկարագրւում նախարարական միջավայրը:

Կողմնակալ գրիչներն ուզում են հաւատացնել յամառօրէն, որ հայ իշխանները այնքան տկարամիտ էին, որ գերադասում էին օտար կուսակալին սեփական թագաւորից եւ կամ նրանց համար աւելի յարգի էին Չունակներն ու Բրքիչոնները քան Ներսէս - Սահակները:

Չափազանցութիւնը երբեք առաքինութիւն չէ մանաւանդ մատենագրի համար, որից պահանջւում է անաչառ եւ խոհուն կշռանք: Մեր նախնիք յաճախ մեղանշած են արդարութեան դէմ, աղաւաղելով ժամանակակից իրողութիւնները: Ծնորհիւ նրանց միակողմանի եւ թիւր լուսարանութեան մեզ ներկայանում է անցեալը շատ անգամ որպէս անհատա-

կան սանձարձակութեանց ասպարէզ, զուրկ գաղափարական դեկավար նշանաբաններէց:

Հարկաւ հներից չի կարելի սպասել երեւոյթների վերլուծում, անցքերի գնահատում այնպէս, որպէս պահանջում է արդի քննիչ միտքը: Ոչ մատենագիրների տեսակէտը եւ ոչ նոցա յանձնարարականները չեն կարող պարտադիր համարուել մեզ համար: Նրանց յայտարարութիւններն անգամ յարգի են լոկ իբրեւ կուսակցական ապրումների արդիւնք:

Եթէ պատմական ստոյգ իրողութիւնների վրայից հանենք այն պատրանքը, որ պատկանում է մատենագիրների անձնական տեսութեան, եւ հետեւենք անցքերի յաջորդական ելեւէջներին, կը տեսնենք, որ նրանց հիմը կազմում են երկու քաղաքական գործելակերպ, երկու ուղղութիւն, ձգուած ամբողջ դարեչրջանի երկարութեամբ: Հայրենասէրներ եւ դաւաճաններ չէին եւ ոչ էլ բարեմիտ եւ շարագործ ոյժեր, որ դէմ առ դէմ կանգնած պայքարում էին ընդգրկած ուղիների վրայ: Երկու խոշոր հոսանքներ էին, որ ձգտում էին միմեկին նպատակին տարբեր միջոցներով, միևնոյն մարմնի հարազատ հատուածներ, բռնուած նոյն քաղաքական տենդով:

Ի՞նչ էր նրանց գաղափարական ինքնորոշումը:

Հարցս միայն տեսական չա՛հ չունի: Թւում է, որ հին դարերի քաղաքական հոսանքները մի տեսակ նախաշաւիղներ են նոր ժամանակուայ մեր կուսակցական խմորումների:

Ասել է թէ ազգային մտայնութիւնը քաղաքական մեծ հարցի հանդէպ մնացել է հաւատարիմ հնութեան աւանդներին: Հաւատարմութիւնը բնաւ գիտաւիցական չէ այս դէպքում, այսինքն, նա արդիւնք չէ հին ուղիների ծանօթութեան: Նման պարագաներն են, որ ծնել են նման հոգեբանութիւն և նման քաղաքական տրամադրութիւն ու ուղեգիծ, հին եւ նոր ժամանակները:

Անցեալում ունինք մի լայն շրջան, որ իր քաղաքական տողորմումներով նման է մեր տակաւին թարմ ազատագրական շարժման եւ խրատական՝ շատ նկատումներով:

* * *

Իններորդ դարի կէսերին իրականացաւ Հայի քաղաքական երազը: Հայաստանի մի մասը, փոքր բայց կարեւոր բաժինը, ազատոււմ էր արաբական լծից:

Այն արիւնը, որ թափեցին Հայերը վերջին անգամ Արշակունի թագի պաշտպանութեան համար, ուղիղ չորս դա-

րով էր անջատուած երջանիկ օրից, երբ կորցրած թագը գալիս էր զարդարելու Բագրատունի իշխանի գլուխը:

Աչոտը իրաւունք ունէր տօնելու իր յաղթանակը տակաւին 861 թուին:

Չորս դարը խաղաղութեան, անոյշ քնի ոսկէ ժամանակամիջոց չէր: Գրեթէ անընդհատ պատերազմների, խռովքի, անկումի եւ ամբարձի փոթորկալից շրջան էր: Ի՞նչ գործօն եւ կամ դեկավար ոյժեր կային հրապարակի վրայ եւ ի՞նչպէս էին դասաւորուած ձգտելի նպատակի հանդէպ: Նրանք տարբեր էին քան այժմեան ուժերը, ինչպէս եւ տարբեր է այն ժամանակուայ եւ արդի հայ հասարակական կեանքի կառուցուածքը:

Յայտնի է, որ հին Հայաստանում տիրող իրաւակարգն էր Ֆէոդալականութիւնը կամ հայ բառով նախարարութիւնը:

Շատերը կարծում են, որ նախարարական կարգը մեծ չարիք էր մեր երկրի համար: Արդարութիւնն ընդդէմ է այս կարծիքին: Այսպէս մտածել, նշանակում է բռնանալ պատմութեան վրայ, մեղանշել իրականութեան դէմ եւ ոտնահարել պատմական հեռանկարները: Ֆէոդալականութիւնն ընդունուած էր ամբողջ իրանական քաղաքակրթութեան լայնատարած աշխարհում եւ նրա հասարակական եւ քաղաքական կազմակերպութեան հիմն էր: Արդ ոչ միայն իրանական պետութեանց, այլ եւ Իրանի քաղաքակրթութեան ստեղծող ոյժը, ինչպէս հեղինակաւոր իրանագէտներն են կարծում, հէնց նոյն Ֆէոդալ իրաւակարգն էր: Նրա քայքայմամբ տուպալում, կործանում է պարսկական այն բարձր քաղաքակրթութիւնը, որ ծաղկել եւ բարգաւաճել էր Աքեմենեան, Արշակունեաց եւ Սասանեան հարստութեանց ժամանակ: Պարսից ազնուականութիւնն էր այդ քաղաքակրթութեան ստեղծողն ու պահպանողը եւ, երբ նա բնաջինջ եղաւ Արաբների ձեռքով, ընկաւ եւ նրանց գործը:

Նոյնանման դրութեան մէջ էր ե՛ւ Հայաստանը: Քանի որ շէն եւ կանգուն էին նախարարական տները, քաղաքական կեանք կար երկրում: Նրանց անկումով մեր հայրենիքի դուռները մնացին միշտ բաց աշխարհակայների եւ արկածախրնդիր հրոսակների առաջ: Արաբները հեշտութեամբ տիրացան Հայաստանի այն մասերին, ուր ազնուականութիւնը գրեթէ անհետացել էր, ծծուելով Բիւզանդական կայսրութեան մարմնի մէջ:

Այսօրուայ գեղջուկ Հայաստանը, կար ժամանակ, որ աշխարհիս ամենից արիստոկրատ երկիրն էր: Քանի՛ քանի

տասնեակ մեծ ու փոքր իշխանական տոհմեր թառած էին Հայոց լեռների կրճերին: Ամեն մէկն ունէր իր անառիկ ամրոցը եւ իր այրուձին, որ է յայտնի թուով հեծեալ մարտիկներ: Այրուձին բազկացած էր գրեթէ բացառապէս իշխանական ընտանիքների դատակնիքից եւ մերձաւորներից: Հայ ազատանի, որեւր կամ մանկտի տակը՛վ պատմագիրները հասկանում են ազատ դատի սրբիներ:

Այրուձին պատմական իմաստով համագոր է արեւմուտքի միջնադարեան chevalier-ի եւ կազմում է հայ սապետութիւնը: Միակ մշտական գինուորական ուժն էր այրուձին ընդդէմ արտաքին թշնամիների եւ հայ աշխատուոր շինականութեան նեցուկը:

Այս կոչումով հայ նախարարները կարող են քաւել իրենց մեղքերը, եթէ ժամանակակից պահանջկոտ մտքերը հակամէտ են նրանց կեղեքող դաս անուանել:

Հների աչքում նախարարները բարերար պահապաններ էին: Երբ Արարների նենգութեան զոհ գնաց նախարարական տոհմերի մի խոշոր մասը, ահա թէ ինչ է ասում ժամանակակից պատմագիրը այդ ասթիւ. «Բնակիչը աշխարհիս մնացին իբրեւ գիւտնձող ծխեալ ի հրոյ եւ իբրեւ զօրան փխրեալ առ ոտն կոխեալ խոզից, թափուր եղեալ աշխարհս Հայոց ի տոհմէ նախարարաց, մասնէին սրպէս զոչխարս ի մէջ դայլոց»:

Այս սրտառուչ համեմատութիւնն արդէն բաւական է ինքնին ընտրուելու նախարարութեան պատմական դերը: Նա է երկրի առաջնորդը, առանց որի, ինչպէս առանց հովուի, ոչխարները ընկնում են դայլերի բերանը. նա է ժողովրդի պահապանը, առանց որի ծխում է նա խանձողի նման եւ ինչպէս խորձեր կոխուում խոզերի սոտի տակ:

Ծնորձիւ մշտապէս սպաւազինուած ազնուականութեան, Հայաստանը երբեք այն օրին չի հասել, որ դիւաթաւայ փառի յաղթական թշնամու առջև, ինչպէս տեսանք այդ նախարարութեան անկումից յետոյ: Նրա օրով մեր երկիրը նուաճուած չի եղել բառի բուն իմաստով: Հսոմ, Պարսիկ, Արար եւ Բելզանդիոն չեն կարող պարծենալ, որ նախարարական Հայաստանը պարտուած դարձել է նրանց սովորական նահանգը: Դարերի ընթացքում հայ Ֆէոդալները կարողացան կուռել եւ պահել իրենց զիբքը եւ ազատութիւնը: Նրանց թշնամի պետութիւնները ծանր փորձերից յետոյ ընտելացան մեղմելու իրենց յաւակնութիւնը: Տարեկան տուրք եւ գինուորական օղնութիւն, — ահա այն երկու համեստ յանձնա-

նութիւնները, որոնցով նախարարութիւնը դնում էր իր եւ երկրի ազատութիւնը արտաքին թշնամուց:

Արշակունեաց անկումից յետոյ «ի նախարարսն Հայոց անկանէր թագաւորութիւնն», ասում է պատմիչը:

Թագաւորի պարտականութիւնը Պարսից վեհապետի հանդէպ կատարում են, ուրեմն, նախարարները: «Գանձն յարքունիս Պարսից երթայր, շարունակում է պատմագիրը, սակայն, այրուձին Հայոց բովանդակ ի ձեռն նախարարաց առաջնորդէր ի պատերազմի»:

Նախարարները յօժար են արքունի դանձը, սովորական տուրքը վճարելու, բայց երբեք յանձնելու այրուձին օտարի ձեռքը: Հրաժարուել այրուձից, նշանակում է զինաթափ լինել, որ է ինքնասպանութիւն գործել:

Երբ Արարները խուժեցին Հայաստան է դարում, հայ իշխանները արիարար դիմադրեցին զէնքով:

Թէոդորոս Ռշտունեաց իշխանը արաստովոր հեռատեսութեամբ զգալով նոր աշխարհակայների անպարտելի հեղեղը, բարուք համարեց հաշտութիւն կնքել այն պայմանով, որ երկրի ամենէն կարեւոր ասանդը, սեղական իրաւակարգը չտուժէ եւ անվրէպ պահպանուի: Նրանից յետոյ Հայերը աւելի նպաստաւոր դաշինք կուրու պատահութիւն չեն ունեցել: «Ոչ ասնում ի ձէնջ սակ զերեւամ մի եւ ապա յայնժամ տաջիք երդմամբ, որչափ եւ դուք կամ իջիք եւ հեծեալ կալէք յաշխարհիդ թե հաղար եւ հաց յաշխարհէն տուք եւ ես սակս արքունի անգարեմ: Եւ հեծեալս յԱսորիս ոչ խնդրեմ, բայց այլ ուր եւ հրամայեմ, պատրաստ լիցին ի դործ. եւ ոչ արձակեմ ի բերդորայն ամիրայս եւ ոչ տաճիկ սպայ ի բազմաց մինչեւ ցմի հեծեալ: Թշնամի մի՛ մտցէ ի Հայս եւ եթէ դայ Հոռոմ ի վերայ ձեր, արձակեմ ձեզ զաւրս յօգնականութիւն, որչափ եւ դուք կամ իջիք»:

Արարների այս գիջող եւ մեղմ ոգին քաղաքական մեծ խորհուրդ ունէր: Զինական ուժերով տակաւին հարուստ Հայաստանի համակրութիւնը քաղել եւ նրա զօրութիւնը լարել ընդդէմ Բելզանդիայի, իրենց իսկական ախոյեանին, խոհական մեծ քայլ էր Արարների կողմից:

Հայ նախարարութիւնն անպէտ չէր իր խոշոր հարեանների քաղաքական նկատումներին: Հասկանում էր իր մէջպետական զրութեան նշանակութիւնը եւ ձգտում էր ե՛ւ արժեցնել իր կարեւորութիւնը ե՛ւ շահաւէտի ստիճանների թշնամութիւնը իւր համար: Հայերը խուլ հանդիսատեսներ չեն եղել Արեւելքի եւ Արեւմուտքի մրցութեան եւ կամայ թէ բուն խառնուել են նրանց ընդհարումներին:

Թէ որքան կարեւոր էր համարուած Հայի մասնակցութիւնը, վկայ են պատմութիւնը և երէկուայ տակաւին թարմ յիշողութիւնները:

Հայ զէնքի կշիռը ցոյում է մի սքանչելի պատմութեամբ, հնութիւնից մեզ հասած: Վասակ Մամիկոնեան, հայ այրուծիի սպարապետը, որ երկար տարիներ մեծ անախորժութիւններ էր պատճառել Պարսից թագաւորին, վերջապէս զերի է ընկնում Պարսից ձեռքը: Ծապուհ թագաւորը դառնում է հայ զօրականին հետեւեալ խօսքերով.

«Աղուէս, դու էիր խանգարիչ որ այսչափ աշխատ արարեր զմեզ, դու ես այն, որ կոտորեցեր զԱրիս այսչափ ամս, եւ զի՞ գործես. զմահ աղուեսու սպանից զքեզ»:

Քաջարի զօրավարը, Վասակը, թէեւ գերի, պատասխանում է խրոխտաբար. «Այժմ քո տեսեալ զիս անձամբս փոքրիկ, ոչ առեր զչափ մեծութեան իմոյ, զի ցայժմ ես քեզ առիւծ էի եւ արդ աղուէս: Բայց մինչ ես Վասակն էի, ես սկայ էի. մի ոտնս ի միոյ լերին կայր եւ միւս ոտնս ի միոյ լերին կայր: Յորժամ յաջ ոտնս յենուի, զաջ լեառն ընդ գետին տանէի, յորժամ ի ձախ ոտնն յենուի, զձախ լեառն ընդ գետին տանէի»:

Գոռոզ արքան զարմացած, բացատրութիւն է խնդրում: Հայ իշխանը մեկնում է աներկիւղ, որ երկու լեռները Պարսիկ եւ Հոռոմ պետութիւններն են եւ նրանց բախտն է, որ կախուած էր իրենից:

Անձամբ փոքր, բայց հսկայ Վասակը մարմնացումն է հայ մարտական նախարարութեան:

Վիպական հոյակապ պատկերը ցոյց է տալիս, որ հայ իշխանները գերազանցօրէն գիտակցում էին իրենց դերը միջազգային բախումների ժամանակ: Բայց ի՞նչ էր նրանց ուղեգիծը երկու սլաքների միջև, արդեօ՞ք հետամուտ էին սեփական քաղաքականութեան թէ զուրկ ազգային ձգտումներից ճօճուած էին հարեւանների ինքնահաճ հովերից:

Պէտք է խոստովանել, որ Ֆէոդալ կարգերը վատ համբաւ ունին գրեթէ ամենուրեք: Հայ նախարարութիւնը, որ նմանապէս Ֆէոդալականութիւն է, բնական է, որ մասնակից լինի եւ նրա թերիներին եւ վատ անուան:

Անշուշտ, հայ իշխանական մեծութեանց մէջ կային այնպիսիները, որոնց մտքի հորիզոնը աւելի հեռու չէր գնում քան աչքի տեսութիւնը եւ որոնց համար հայրենիքի սահմանները կանգ էին առնում այնտեղ, ուր վերջանում էր իրենց կայուածը: Բայց ընդհանրութիւնն այդպէս չէր: Ինչպէս դասակարգ հայ ազնուականութիւնը ոչ միայն հայրենի

նասիրութիւն եւ ազգային բարձր ձգտումներ ունէր, այլ եւ անձնուիրութիւն եւ կորով հետապնդելու իր ձգտումների իրագործումը:

Հայրենիքի եւ ազգի սէրը մի բնական զգացմունք է, որ բխում է մարդու բնութիւնից իսկ եւ կապուած է անգամ անհատական ինքնասիրութեան, եւ միայն արատաւոր մարդիկ կարող են թափուր լինել այդ զգացմունքից, ինչպէս դատարկ են եւ սեփական արժանապատուութիւնից: Ինքնաճանաչ հասարակութեան համար վէճը հայրենասիրութեան սկզբունքի շուրջ չէ, այլ այն միջոցների եւ գործերի, որով արտայայտուած է սկզբունքը: Ճշմարիտ հայրենասիրութիւնը ուրիշ նպատակ չունի, եթէ ոչ ապահովել հայրենիքին այնպիսի պայմաններ, ուր նա կարողանայ զարգանալ ազատօրէն եւ իր բաժին ծաղիկը բերէ համամարդկային քաղաքակրթութեան փնջին:

Անկաշկանդ բարգաւաճելու ամենակարեւոր պայմանը քաղաքական անկախութիւնն է: Ազատութեան համար մղուած կռիւնները եւ ջանքերը գրեթէ կլանում են ազգերի պատմութիւնը:

Հայ նախարարութիւնը եւս ծարաւի էր ինքնուրոյնութեան: Ոչ մի ժամանակ այնքան ճիգ եւ արիւն չէ թափուած օտար լուծը թեթեւացնելու եւ կամ իսպառ թօթափելու համար, որքան նախարարական շրջանում:

Երկու տրամադրութիւն էր տիրում առաջնորդող ուժերի մէջ համաձայն երկու ճանապարհի, որ տանում է դէպի քաղաքական տենչանք: Ըմբոստութեան արիւնոտ ուղին եւ խոհեմութեան զգուշաւոր դիրքերը, գործունէութեան տարբեր միջոցներ են, տարբեր դրօշակներ: Սրանց շուրջն էին դասաւորուած երկրի գործօն ուժերը, ղեկավար ունենալով երկու նշանաւոր տներ:

Մի ուղղութեան դրօշակակիրներ էին Մամիկոնեան սխրագործ իշխանները, միւսի՝ ծանրախոհ Բագրատունիները:

Տեսականօրէն երկու հոսանքները միմիանց չեն բացասում, բայց գործնական գետնի վրայ ծնում են բախումներ, աղետալի հետեւանքներով: Այստեղից է եւ Մամիկոնեան եւ Բագրատունի տոհմերի ողբերգական թշնամութիւնը:

Նախարարական շրջանների պատմութիւնը էապէս այս երկու տների պատմութիւնն է:

Բաւական չէ նրանց նկարագիրը տալ: Կ'ուզէի աչքի անցնել թեթեւակի բոլոր նշանաւոր քաղաքական անցքերը, որ տեղի են ունեցել Հայաստանում Արշակունեաց անկումից

մինչեւ Բագրատունիների բարձրանալը: Ամեն ոք ի վիճակի
կը լինի անձամբ համոզուելու, թէ ի՞նչ դեր են կատարել եր-
կու դրոշակակիր աները հայ անցեալում եւ ի՞նչ է նրանց ըն-
տանեկան եւ քաղաքական դիմամարտութեան հիմը:

Հայերը դեռ սգի մէջ էին:

Հազիւ սթափուած այն ընդարմացնող հարուածից, որ
Պարսիկները հասցրել էին Արշակունեաց գահին, պատաս-
խանատու դասը հետամուտ եղաւ վերականգնելու կորցրած
թագը: Վարդանանց եւ Վահանանց կռիւները անդրանիկ
փորձերն էին, որ անյաջող անցան:

Նրանց քաղաքական բնոյթը տարակուսանքից դուրս է,
թէեւ սքոզուած է եկեղեցական շքեղ շուրջաօրի տակ: Այդ
կեղծ ծածկոցը, որ այնքա՞ն խնամքով եւ ոգեւորութեամբ
փոել են ցայտմ մեզ համար սրբազան ձեռքեր, ինքն իրեն
վերանում է Վասակի դատի ժամանակ, որպէսզի ցոյց տայ
ամբաստանուած մարդու վեհութիւնը իր անկման մէջ, վե-
րանում է, որպէսզի մերկացնէ, սղատէ ճշմարտութիւնը
սոսկալի կրքերի բռնութիւնից:

Պարսիկները առանձին փափկանկատութեամբ գահա-
գուրկ Հայոց մարդպանութիւնը յանձնել էին Սիւնեաց իշ-
խան Վասակին, նախարարների մէջ ամենակարող դէմքին:

Նրա շրջանում է ծագում ապստամբութեան միտքը:
Հետագայի պատմութիւնը իրաւունք է տալիս կարծե-
լու, որ գործին խառն էր եւ Բիւզանդական դուռը, թերեւս
խկական դրդիչը:

Յազկերտի գահակալութեան առաջին տարիները պար-
սիկները ասպատակել էին յանրաւի կայսերական հողերը
հակառակ 422 թուին կնքած դաշինքի: Թէոդոս կայսրի խա-
ղաղասիրութիւնն էր պատճառը, որ ապօրինի արշաւանքը
ծանր հետեւանքներ չունեցաւ:

Վասակի ծրագիրը կարող էր ներշնչուած լինել Բիւ-
զանդիայից որպէս հակացոյց կամ վրէժ պարսիկներից կրած
վիրաւորանքի համար:

Թէոդոս կայսրը մասնակից էր շարժման եւ խոստացել
էր օգնութիւն: Վասակը նախապէս ապահովելով թիկունքը
Յունաց կողմից, համաձայնութեան էր եկել նաեւ անմիջա-
կան դրացիների՝ Վրաց, Աղուանից եւ Աղձնեաց աշխարհնե-
րի հետ, որպէսզի միահամուռ ուժերով նետեն պարսկական
լուծը:

Սակայն, Թէոդոս կայսրը մեռնում է 450 թուին 28 յու-
նիսի: Ծրագիրը մնում է կախուած օդի մէջ, քանի որ նոր
կայսրը, Մարկիանը, չի ուզում Հայերի պատճառով վրդո-

վել խաղաղութիւնը Արեւելքում, մանաւանդ որ քաղկեդո-
նական վէճերը արդէն սպառնում էին տակնուվրայ անել ամ-
բողջ պետութիւնը:

Այս պայմաններում այլ բան չէր մնում, եթէ ոչ հրա-
ժարուել կամ յետաձգել խոռվութեան ծրագիրը: Սոհեմու-
թիւնն էր թելադրում այս նահանջը ե՛ւ խոհականութիւնը,
որպէսզի սուրբ գործը չվիժէ անխորհուրդ արկածախնդրու-
թեամբ:

Տարաբախտաբար ուշ էր: Յուզուած ամբոխը շատ էր
յառաջացել եւ արդէն արիւն թափել: Դիւրբարբոք գլուխ-
ները ծանր վիրաւորանք էին հասցրել պարսիկ կրօնաւորնե-
րին եւ պետական մեծ ոճիր գործել, աւերելով ատրուշաննե-
րը եւ ջուրը նետելով սրբազան հուրը: Հրդեհը արդէն վառ-
ւած էր:

Սոռվարարների գլուխն է անցնում Մամիկոնեան կրտ-
սիճ տունը: «Ամենայն իրք այսպիսի գործոց, ինչպէս վկա-
յում է Մամիկոնեան պատմիչը, ի բնէ յուրով Մամիկոնէիցն
ազգաւ եւ նոցա միաբանութեամբ ելեալ էին ի գլուխ» եւ
«առանց առաջնորդութեան ազգին այնորիկ եւ ոչ մի ինչ իրք
եւ գործք աշխարհիս Հայոց երթեալ էին ի գլուխ»:

Այսպիսով նախարարների ուխտը քակուած է: Ապրս-
տամբները բաժանուում են երկու բանակի, մէկն ուզում է շա-
րունակել գործը, միւսը, տեսնելով ձախորդ հանգամանքնե-
րը, նախադասում է յետ կենալ եւ ամեն ինչ մոռացութեան
տալ: Առաջնի ղեկավարներն էին Վարդան Մամիկոնեան եւ
Ներշապուհ Արծրունի, երկրորդի՝ Վասակ Սիւնի եւ Տիրոց
Բագրատունի:

Ոչ ուրացութեան եւ ոչ դաւաճանութեան մասին խօսք
անգամ չի կարող լինել: Երկու կողմն էլ հաւասարապէս հա-
սարակական շահն ի նկատի ունէին: Տարբեր էին նրանց տե-
սակէտները, երկուսն էլ կասկածելի իրենց առաւելութեամբ:

Ապստամբութեան ծրագիրը հիմնուած էր Արեւմուտ-
քից ակնկալած օգնութեան վրայ: Ունայն յոյս. կայսրը ոչ
պակաս փութով քան Պարսիկները վերացրել էր Արշակու-
նեաց թագը Յունական բաժնում: Թեթեւամտութիւն էր յու-
սալ, որ այդ կայսրը օգնէր Հայերին վերականգնելու կորց-
րած անկախութիւնը Պարսկական բաժնում:

Ուխտապահների դիրքը աւելի նպաստաւոր չէր: Մի
ժողովուրդ որ այնպիսի անտարբերութեամբ վերաբերուեց
Արշակունիների վերջին հառաջանքին, անընդունակ էր կամ
անկարող նորէն խոյանալու դէպի քաղաքական բարձունքը:

Հայի ոյժերը չէին ներուժ խրոխտանալ մեծ պետութեան դէմ:

Ուխտատանները սթափուելով երազներից փրկեցին երկիրը ահեղ փորձանքից, իսկ ուխտապահները մարտիրոսացան, դիտակցօրէն մահը գրկեցին, որ անմահանան եւ օրինակ ծառայեն սերունդներին եւ խրատ՝ բռնաւորին, որ բռնութիւնն էլ իր սահմաններն ունի եւ որ հայ ժողովուրդը չէ ուզում գլորուել մինչեւ ստրկութեան յատակը:

Հայաստանի խռովեալ վիճակը տեւեց զրեթէ տասը տարի մինչեւ գերուած նախարարների դարձը:

Քսան տարի չանցած վերստին աղմկում է երկիրը: Առանձին պատճառ չկար, եթէ ոչ հին վէրքի մորմօքը:

Ժամանակակից պատմիչը գանգատուում է, որ «աւազակ, անպիտան, հացկատակ, վատտոհմիկ» որեարները յառաջ էին քշուում, իսկ արժանաւոր մարդիկ յետ մղուում:

Այսպիսի չարիք լուրջ շարժառիթ չէ կարող նկատուել քաղաքական ծանր քայլերի: Թւում է որ բանսարկուն դարձեալ արեւմտեան կեղծ բարեացակամն էր:

Հայ աւագանիները, սրտացաւ իշխանները Գիւտ կաթողիկոսի մօտ հաւաքուած խորհրդակցում են իրերի դրութեան մասին եւ ուրիշ դարման չեն գտնում, եթէ ոչ «ի խընդիր լինել օգնականութեան և ապստամբել: Առաքէին գաղտ եւ պատգամաւորս միանգամ եւ երկիցս առ թագաւորն Յունաց Լեւոն, որոյ թէպէտեւ յանձն առեալ կամէր օգնել, յերկարէր ժամն եւ խափանէին խորհեալքն»:

Լեւոնը Մարկիանի յաջորդն էր եւ թաշաւորեց 457-474 թիւը: Եթէ նոր ապստամբութիւնը, որ պայթեց 482 թուին, պատրաստուում էր դեռ Լեւոնի օրով, նշանակում է, որ նա նոր բան չէր իսկապէս, այլ հին կրակը՝ վառուած 451 թուին, որ շարունակում էր միալ:

Հրապարակի վրայ նոյն հին կուսակցութիւններն են, հին երկփեղկ մտածողութիւնը: Մէկի պարագլուխը դարձեալ Մամիկոնեան տունն է, շրջապատուած նախկին համակիրներով՝ Արշարունեաց, Վահեուենի, Պալուենի եւ այլ տոհմերով: Հակառակ բանակում կանգնած են Գատիչոյ Մախազ Սորխոտունեաց իշխանը և Վասակի համախոհը, և Սիւնեաց իշխան Գրեհոնը: Վասակի նման Գատիչոյ Մախազն եւս, որ դատապարտուել է սեւ բախտի եւ ընկել սերունդների անէծքի տակ, միանգամայն անպարտ է: Գատիչոն ապրել էր անձամբ նախորդ անցքերի դառնութիւնը, նրա յիշողութեան մէջ դեռ չէր ցամաքել թափուած անմեղ արիւնը: Իրաւամբ

կարող էր խորշելի համարել նոր ցնցումները եւ աղետաբեր՝ երկրի համար:

Պէտք է խոստովանել, որ Վարդանանց կռուից յետոյ Պարսիկները ամեն զիջումներ արին Հայոց: Արքունի հրամանով Ատրորմիզդ մարզպանը յայտարարել էր կրօնական ազատութիւն, «ի կամս մարդոյն թողեալ ըստ իւրաքանչիւր մտաց որպէս զինչ եւ կամի պաշտել՝ պաշտեսցէ»: Ներումն էր շնորհուում բոլոր փախստականներին եւ քաղաքական յանցաւորներին, բացի ձերբակալուած անձերից, որոնց մեծ մասը ազատ թողնուեցին: Այլ եւ «թողուլ հրամայէր զհարկս աշխարհին եւ զայրուձին եւս զարքունի թեթեւացոյց առ ժամանակ մի»:

Այսքան ներողամիտ քաղաքականութիւնից յետոյ նոր աղմուկներ յարուցանել, խաղաղութիւնը վրդովել պիտի թուէր անիմաստ:

Շատերը կարծում էին, որ նոր ցոյցերը ծնունդ են Մամիկոնեան խռովասէր ոգու: «Ոչ է հնար սմա (այսինքն Վահանայ) առանց ապստամբութեան կեալ ի հայս: Յիշեցուցանէին Արեաց եւ զնախնեացն նորա զմիոյ միոյ թէ ո՞վ ի նոցանէ ոչ խռովեցոյց զԱրեաց աշխարհ եւ ոչ արար մեծամեծ վնասս եւ մահունս: Արդ երբեւէ, ասեն, սա զնոյն խռովութիւն յարուցանելոց է ի վերայ ձեր»:

Վահանը Վարդանի եղբօր՝ Հմայեակի որդին էր: Հմայեակն եւս ընկել էր խռովութեան տարին: Հնարաւոր է, որ Վահանին օտարոտի չէր եւ ընտանեկան վրէժխնդրութեան ոգին: «Ի հարցն իմոց ես տղայ մնացի, ասում է Վահանը, ո՛չ զվաստակս նոցա, որ առ Արեաց աշխարհն լեալ է, գիտեմ եւ ո՛չ յանցման նոցա հաղորդ ինչ էի»:

Արդեօ՞ք այս խօսքերով պատմագիրը չէ ուզում արդարացնել իր հերոսին այն կասկածներից, որ նա իբրեւ թէ մերձաւորների մահուան վրէժը լուծելու աղազաւ է որ ըմբոստացել է:

Ճշմարիտ է Վահանի զէնքի շաշիւնը այն ժողովրդակաւութիւնը չունէր, ինչ որ Վարդանինը, բայց նրա շարժառիթները նոյնչափ ազնիւ էին և հեռու անձնականութիւնից:

Խնդիրն այն է, որ ինչ որ տանելի էր Գատիչոյի և նման իշխանների համար, անհանդուրժելի էր թւում Մամիկոնեան կտրիճների տեսակէտից: Երբ որ Վահանի համախոհները առաջարկում են նրան գործի գլուխն անցնել եւ պարզել ապստամբութեան դրօշը, խոստանալով նաեւ Վրաց եւ Հոնաց օգնութիւնը, Մամիկոնեան իշխանը պատասխանում է. «զԱրեաց ուժն և ստամբակութիւնն քաջ գիտեմ և զՀռոմոց

զթուլութիւնն և զխարէութիւնն. և զձեր ծանուցեալ է փորձիւ իմ թէ որպէս հարանց մերոց ուխտեցին երգմամբ և ստեցին: Եւ վասն Վրաց արքայի և Հոնացոյ զորս ասէք, Վիրք առանձին թեթեւ ինչ աշխարհ են և այրուծիով սակաւաւորք, բայց վասն Հոնաց ո՛ր գիտաց, հաւանի՞ն դալ թէ ոչ, որք չենն ի միջի եւ չերեւին: Բայց քան զամենայն եւս առաւել յանձանց երկերուք, վասն զի մարդիկ սուտք էք եւ անվստահք»:

Ծանր յանդիմանութիւնից անուած՝ պատասխանում են խօսակիցները. «Չամենայն զոր ասացերդ, լի ասացեր, ճշմարիտ ասացեր եւ արդար: Բայց զոյս մեր ոչ ի Հոռոմս եղեալ է և ոչ ի Հոնս, բայց նախ յողորմութիւնն Աստուծոյ, բարեխօսութեամբ սրբոյն Գրիգորի եւ ի մահ նախնեացն որ նահատակութեամբ իւրեանց հաճոյ եղեն Փրկչին Քրիստոսի, և ապա ի մահ անձանց մերոց, քանզի լաւ համարիմք մի ժամ մեռանել, քան թէ զամենայն օր զեկեղեցւոյ եւ զքրիստոնէից զարհամարանս տեսանել եւ զքակտումն»:

Ապստամբ բանակի շունչը Մամիկոնեաններն էին: Տրամախօսութիւնը ուրիշ նպատակ չունի պատմագրի գրչի տակ, եթէ ոչ ընդգծել Մամիկոնեան իշխանի յեղափոխական խռովութեամբը: Վահանը ապստամբում է եւ երկու տարի շարունակ ձակատում է պաքսկական հետապնդումներին ամենայն յաջողութեամբ: Պերոզ թագաւորը սպանում է Հոնաց արշաւանքում 484 թուին եւ նրա յաջորդ Վաղարշը հաշտութեան է կանչում ըմբոստներին, մեղքը ձգելով իր նախորդի ամբարտաւան ուսերին:

«Մեք որ ապստամբեցաք, ասում է Վահանը յաղթանակի օրը, ոչ եթէ գիտէաք եթէ մեք Արեաց առաջի ինչ կարեմք կալ, զի և զմեր տառապանացս ոյժ գիտեմք և զԱրեաց այնպիսի մեծ եւ զանհամար գնդի եւ ուժոյ զսաստկութիւն, բայց միայն զմեռանելն եղաք առաջի եւ նմին պատրաստ եմք եւ առաւել եւս ուրախ եմք զի զանուանի զլաւ մահ մեռանեմք»:

Գեղեցիկ խօսքեր են, վայել կրօնաւորի, բայց ո՛չ քաղաքական գործիչի: Կրօնաւոր հեղինակը դրանով ուզում է բնորոշել այն հոսանքը, որի առաջնորդն է Մամիկոնեան տոհմը: Վահանը յաղթող հանդիսացաւ եւ ձեռք բերեց մարկպանութիւնն ինքը եւ իրենից յետոյ իր եղբայր Վարդը:

Հակառակ հոսանքը կարող էր զսպել յաղթականների հրճուանքը եւ արդարացնել իրենց վերապահ գիրքը, ցոյց տալով, որ յաղթութիւնից յետոյ Հայերը աւելի բան չստացան, քան ունէին ապստամբութիւնից յառաջ:

* * *

Աւելորդ սնապարծութիւն կը լինէր վերագրել Վահանի յաջողութիւնը միմիայն նրա զէնքին: Գահակալական վէճերը եւ մօտալուտ պատերազմի վտանգը Բիւզանդիայի հետ, հարկադրեցին Պարսից Իուսը օր առաջ խաղաղացնելու Հայաստանը:

Վաղարշի յաջորդ Կաւատի օրով արդարեւ սկսուեց պատերազմը, որ տեւեց ամբողջ դար և եթէ երբեմն դադրում էր՝ միայն նորա համար, որ վերսկսուի աւելի լայն ծաւալով: Այս շրջանը խրատական է նրանով, որ հայ գործիչներին բերում էր դառն հիասթափութիւն քրիստոնեայ Արեւմուտքի նկատմամբ: Յուսախարութիւնն այնքան մեծ էր, որ ստիպուած էին Մամիկոնեաններն և Բագրատունիք միացած ոյժերով դուրս դալ կայսերական ոտնձգութիւնների դէմ:

Յուստինիանոսի օրով եւ նրա հրամանով արեւմտեան կամ բիւզանդական Հայաստանը ենթարկուեց արմատական փոփոխութեան: Նախարարական իրաւակարգը վերացւում էր: Հարաւային Հայաստանի հինգ նախարարութիւնները, որ անկախ իշխանութիւններ էին, ճանաչուած 298 թուի դաշինքով, կորցնում էին ընդմիջտ իրենց ինքնուրոյնութիւնը:

Ամբողջ երկիրը Փոքր Հայքի հետ միասին բաժանւում էր նոր վարչական միութիւններին, որոնք կոչւում էին Առաջին, Երկրորդ, Երրորդ եւ Չորրորդ Հայաստան: Առաջինի մայրաքաղաք եւ վարչական կեդրոն էր նշանակւում Կարին կամ Թէոդոսիոպոլ, երկրորդի՝ Սեբաստիա, Երրորդի՝ Մելիտինէ, Չորրորդի՝ Նփրկերտ կամ Մարտիրոպոլ, այժմ Մուֆարդին: Ամէն մէկի կառավարութիւնը յանձնւում էր սովորական պաշտօնեայի կոմէս (որ է կոմս) անունով, որ նստում էին յիշածս կեդրոններում:

Կարինում այն ժամանակները տակաւին ապրում էին Արշակունեաց վերջին շտաբիդները: Յայտնի էր մանաւանդ Արտուանը, որ յետոյ անցաւ Բիւզանդիա եւ մեծ անուն հասնեց: Արշակունիներին սահմանակից էին Սպերի Բագրատունիք եւ Տայքի Մամիկոնեանները:

Երեք նշանաւոր տների ներկայութիւնն ախոյեան պետութիւնների սահմանադրւին յղի էր ամեն անակնկալներով: Տների մրցութեան թէ պետութիւնների նենգամիտ քաղաքականութեան հետեւանքով միշտ հնարաւոր էր սպասել բարդութիւններ:

Սպերի ոսկեհանքը մի գայթակղիչ կռուախնձոր էր

չըջակայ իշխանների համար: Այս առթիւ ծագած տեղական դժտուժիւնները շուտով քաղաքական բնաւորութիւն ստացան: Կայսեր կողմից նշանակուած մի պաշտօնեայ Ակակի(ոս) անունով, որ ծագումով նոյնպէս հայ էր, աչք ունենալով ոսկեհանքի վրայ, սպանեց նրա տիրոջը իշխան Համադասպին եւ դրաւեց թանկարժէք գոյքը: Այս մարդը, որ օտարներին ծառայելով չէր աշխատում գոնէ չվնասել իր արենակիցներին, անհանդուրժելի էր եւ իր ապօրինի գործի պատիժն ստացաւ, սպանուելով Հայերի ձեռքով:

Բիւզանդիայից եկաւ նոր պաշտօնեայ, Սիտտա անունով, որ աւանաւոր զինուորական էր: Սա եւս ընկաւ Հայերի սրից: Երբորդ պաշտօնեան, որ փոխարինեց Սիտտային, անունը Բուզ(էս), անձամբ ծանօթ էր յիշեալ Արտաւանի հօրը, Յովհան Արչակունի իշխանին, ուստի իր մօտ է հրաւիրում նրան բանակցելու պատրուակով եւ սպանում է նենգօրէն իր վաղեմի բարեկամին:

Յովհանին ուղեկից էր Վասակ իշխանը, որ եւ նրա փեսան էր, աղջկայ ամուսինը: Հաւանօրէն Վահանի եղբոր Վասակի թոռն էր, եւ որդի այն Գրիգորի, որ հայ գնդով գնաց Վաղարշ թագաւորի օգնութեան՝ Վահանի կողմից: Վասակը զգալով լարած թակարդը, խորհուրդ տուեց իր աներոջ հաւատ չընծայել Բուզին եւ յետ դառնալ: Յովհան չանսաց եւ զոհ գնաց իր միամտութեան եւ բիւզանդական խարդախութեան: Իսկ Մամիկոնեան իշխանը փախչելով ազատուեց կորուստից:

Կայսերական պաշտօնեայի տմարդի վարմունքը լցրեց դառնութեան բաժակը: Հայ իշխաններն արդէն զայրացած էին Յուստինիանի քաղաքականութիւնից: Ընդհանուր դժգոհութեան եւ տրտունջի թարգման է հանդիսանում Վասակ Մամիկոնեանը: Դեսպանութեան գլուխ անցած՝ նա ներկայանում է Պարսից Սոսրով թագաւորին եւ բացատրելով կայսերական քաղաքականութեան վտանգաւոր հետեւանքները Արեւելքի համար, խորհուրդ է տալիս պատերազմ յայտարարել, քանի ուշ չէ, խոստանալով Հայոց աջակցութիւնը: Եւ այն մեծ քրիստոնեայ թագաւորը, որի անունով եւ յուսով այնքա՛ն արիւն էր թափուել երէկ միւս օրը, տրտունջի առարկայ էր եւ թշնամի, որի դէմ օգնութեան էր կոչում անօրէն համարուած թագաւորը:

Պատերազմասէր Պարսից արքան առիթ էր որոնում, որ բանակը շարժէ: Կռիւն սկսուեց: Համատարած ժանտախտը խանգարեց Սոսրովի զէնքի յաջողութիւնը: Բիւզանդական զօրքերը յառաջացան անարգել մինչև Դուին, Պարսկահայոց

մայրաքաղաքը: Նոր հիասթափութիւն տիրեց Հայերին: Վասակ եւ Արտաւան, շարժման ղեկավարները, ստիպուած էին հաշտուել կայսեր հետ եւ մտան նրա ծառայութեան մէջ:

Պատերազմական գործողութիւնները դադարեցին 543 թուին, որ յարմար առթիւ վերստին արժարծուեն:

572 թուին սոյն Վասակի որդիքը՝ Վարդան եւ Վարդ սուսերահար արին Դուինում Պարսից մարզպան Սուրէնին, լուծելով իրենց աւագ եղբոր Մանուէլի մահուան ոխը, որի սպանութիւնը վերագրում էին Սուրէնին: Ուղղադուժիւնը նորէն վրդովուեց երկրում: Միաժամանակ եւ Վրաց Գուրգէն թագաւորը ոտի կանգնեց Պարսից դէմ: Նրան միացան լեռնական ցեղերը:

Անտարակոյս էր, որ ընդարձակ շարժման ետեւը թագնուած էր դարձեալ կայսեր չարաշուք պատկերը: Յուստինիանի պատերազմները դադար առին 526 թուին խաղաղութեան դաշնագրով, որի կէտերից մէկը պարտաւորում էր կայսերական կառավարութեան վճարելու Պարսիկներին տարեկան 500 լիտր ոսկի, որ է 30 հազար ոսկեղբամ, յիսուն տարուայ ընթացքում:

Յուստին կայսրը առիթ էր փնտռում, որ խախտէ դաշինքը եւ հրաժարէ ծանր պարտականութիւնից: Քրիստոնեայ Հայերի և Վրացիների խլրտումները լաւագոյն պատրուակն էր:

Երբ Պարսից դեսպանը գալիս է դրամը պահանջելու, Յուստին կայսրը հարկաւոր է համարում նկատելու, որ «դրամի վերայ հիմնուած բարեկամութիւնը գովելի չէ» եւ անմիջապէս նշանակալից հարց է տալիս Հայոց շարժման մասին: Դեսպանը պատասխանում է, որ խառնակութիւն կար, բայց ներկայումս կարգը վերականգնուած է:

Կայսրը, որ խորամանկ է քան խորագէտ, յայտարարում է, որ «ինքը պատրաստ է պաշտպանելու ապստամբ Հայերին եւ չպիտի ներէ որեւէ բռնութիւն նրանց դէմ, քանի որ միւսնոյն քրիստոնեայ հաւատն են դաւանում»:

Սելաջի դեսպանը, որի անունը Սիրուխտ էր եւ ինքն քրիստոնեայ, հաւանօրէն ասորի, եթէ ոչ հայ, առարկում է, որ հէնց քրիստոնէութեան շահերն են որ պահանջում են հրաժարուել պատերազմներից, որովհետեւ ընդհարումների միջոցին ամենից շատ վնասուելու են քրիստոնեաները, քանի որ նրանց երկիրն է ուղղմարեմ լինելու: Այլ եւ հասկացնել է տալիս նրբօրէն, որ պատերազմի հետեւանքը դեռ յայտնի չէ թէ ինչով կը վերջանայ, եւ երբեք մարդու կամքից չէ կախուած:

Սիրուխտի խօսքերը իմաստութեան դաս է, որին պէտք ունէինք դեռ երէկ մենք անուղղելի երազատեսներս, նմանապէս մեր եւ քրիստոնէութեան կասկածելի հովանաւորները:

Պատերազմը սկսուեց, բայց կայսրը շուտով ստիպուեց զինադադար խնդրելու: Բանակցութեան ժամանակ երեւաց, որ գոնէ Պարսիկների կարծիքով Հայոց ապստամբութեան պատճառը բիւզանդական դաւադիր խաղերն էին:

Պարսից Որմիզք թագաւորը զոհ գնաց պալատական յեղաշրջումի: Մօր կողմից թուրք էր, դաժան և բիրտ, և ատելի նոյնիսկ մերձաւորներին, որոնք և սպանեցին նրան: Վահրամ Չորին, որ Պահլաւ կամ Պարթեւ իշխանական տնից էր, փորձեց տիրանալ գահին և վերականգնել Արշակունեաց թագը: Թերեւս յաջողէր, եթէ Արեւմուտքի անպատեհ միջամբտութիւնը չլինէր: Մաւրիկ կայսրը հարկաւոր գտաւ Որմիզքի որդուն Սոսրովին պաշտպան կանգնել և հաստատել նրան հայրական գահի վրայ:

Չորինի խռովութիւններին մասնակից էին եւ Հայերը: Նախ քան ապստամբելը Չորին կոչ է անում Հայերին, յորդորելով յարել իրեն և ընդհանուր ոյժերով ջնջել «տիեզերական պատուհասը՝ Սասանեան տունը»: Ըմբոստ իշխանը խոստանում էր Հայերին անկախութիւն. երդում էր տալ նրանց նախկին թագաւորութիւնը հին սահմաններով՝ մինչեւ Կապիոն (Կովկաս) լեռները եւ Աղուանից դուռը (Դերբենդը), մինչեւ Արուաստան ու Մծբին:

Կոչը պատրիչ էր: Հայ իշխանները, որ առիթ էին որոնում գլուխ բարձրացնելու Պարսից բռնութեան դէմ, միացան Չորինին: Առաջնորդը դարձեալ Մամիկոնեան տունն էր ի դէմս Մուշեղ զօրավարի:

Հայ պատմագիրը անպարտ է համարում Մուշեղին եւ այնպէս է ձեւացնում, որ իրրեւ թէ նրա օգնութեամբ է որ Պարսիկները կործանեցին Չորինին:

Բայց Պարսից տեղեկութեամբ Մուշեղն մասնակից եւ օգնական է եղել ապստամբներին: Այս է պատճառը, որ պատերազմից յետոյ հայ զօրավարը կոչւում է Դուռը, իրրեւ քննութեան և կամ յանդիմանութեան համար: Մուշեղ գնում է արքունիք, առնելով հետք երկու հազար ձիաւոր: Թագաւորի հրամանով ուզում են Մուշեղին զինաթափ անել և ապա թոյլ տալ ներկայանալու նրան: «Լոյժ գկամարդ եւ զսուսերդ ի միջոյ քումմէ, ասում են նրան, և մերկեա ի քէն զսպառազինութիւն քո, զի ոչ է օրէն մտանել առաջի թագաւորին»:

Մուշեղի սիրտը կասկած է ընկնում եւ պատասխանում է համարձակ. «Ի մանկութենէ իմմէ սննդակից եղեալ թա-

գաւորաց ի նախնեաց իմոց եւ հաւուց եւ այժմ հասեալ կամ ի դուռն արքայի ի տելի հանդիսի: Ե՞ս զսպառազինութիւնն իմ յանձնէ իմմէ ի բաց մերկացայց եւ լուծից զկամարս եւ զգօտիս յանձնէ իմմէ զոր ոչ երբեք յուժանեմ ի տան իմում յուրախութեան, եւ կամ ինձ արժա՞ն իգէ գիտել զչարութիւնդ Պարսից»:

Այս խօսքերով հայ զօրականը թողնում է եւ հեռանում առանց տեսնել ուղելու թագաւորին:

Սոսրով գիջում է, բայց սառն է ընդունում, «ոչ ձգեաց արքայ զձեռն որպէս յերեկն եւ յեռանդն»:

Մուշեղը հեռանում է դժգոհ:

Պարսից թագաւորը զրկում է ետելից «երդումն սոյ կնքեալ» ի նշան հաշտութեան, գիտենալով որ Մամիկոնեան առիւծը միշտ վտանգաւոր է երբ տրտնջող է:

Այս միջադէպը գեղեցիկ դժեր է բերում Մամիկոնեան իշխանների նկարագրին:

II

Սոսրով, հայրենի գահը նստելով, իր բարերար Մաւրիկի հետ բարեկամութեան դաշն կնքեց 591 թուին եւ ի տրիտուր գիջաւ նրան Հայաստանի մեծադոյն մասը, թողնելով իրեն Դուին, Սիւնիք եւ Վասպուրական:

Հակառակորդ պետութիւնների հաշտութիւնն իսկ աղետաբեր եղաւ մեզ համար ոչ նուազ քան նրանց թշնամութիւնը: Ինչպէս այժմ, այնպէս էլ հնում ե՛ւ կուում եւ համբուրում էին զօրեղները մեր դիակները վրայ:

Քրիստոնեայ կայսրը բարեմիտ էր դէպի Հայերը, երբ Հայաստանը Պարսից ձեռքին էր: Հէնց որ զբաւեց հայ հողերը, փոխեց իր դոյնը:

Մաւրիկ կայսեր վերագրում էին Հայերը մի քստմնելի ամբաստանագիր, ուղղուած Սոսրովին. «Ազգ մի խոտոր եւ անհնազանդ, ասէ, կան ի միջի մերում եւ պղտորեն: Բայց ե՛կ, ասէ, ես զիմս ժողովեմ եւ ի Թրակիա գումարեմ եւ դու զքոյդ ժողովէ եւ հրամայէ յարեւելս տանել, զի եթէ մեռանին, թշնամի մեռանին, եւ եթէ սպանանեն, զթշնամիս սպանանեն եւ մեք կեցցուք խաղաղութեամբ: Զի եթէ դոքա յերկրի իւրեանց լինիցին, մեզ հանգչել ոչ լինի»:

Դժուար թէ կայսրի բարոյական սնանկութիւնն այնքան յառաջացած լինէր, որ այսպիսի թուղթ գրէր: Զազրելի ծրագրները չեն սիրում լոյս եւ ծնում ու հասունանում

են մթութեան մէջ: Հայ զրոյցը, սակայն, արտացոլում է ստուգիւ իրական դրութիւն:

Պարսիկները գումարել էին հայ այրուձին եւ փակել Սպահանում, իսկ իշխաններին տարել Տիզգոն: Յոյներն եւս իրենց բաժնի հայ ոյժերը տեղափոխել էին Թրակիա, կռուելու ընդէմ թշնամիների:

Այսպիսի պայմաններում հայ դեկավար ոյժերը հարկադրուած էին մաքառել եւ Պարսիկների եւ Յոյների դէմ: Պարսկական բաժնում նրանք սպանում են պետական համարակարին եւ խլում գանձած տուրքը. «Ի գանձուղ այդորիկ զՀայաստան մեր արացուք եւ առեալ ի նոցանէ օգնութիւն պատերազմեսցուք ընդ երկոսիցն թագաւորսդ և բռնութեամբ դերկիրդ մեր ի մեզ դարձուցուք»:

Այսպէս մտածողների թւում էին նաեւ Մամակ Մամիկոնեան եւ Գազիկ Մամիկոնեան:

Յունական բաժնում եւս ժայթքում է դժգոհութիւնը: Կայսրը պահանջում է հայ այրուձին երկու նշանաւոր եւ ազդեցիկ ցեղի ներկայացուցիչների, Սահակ Մամիկոնեանի եւ Սմբատ Բագրատունու, առաջնորդութեամբ, որ ուղարկէ Թրակիայի ճակատը:

Իշխանները խորհում են եւ վճռում են ապստամբել. «Սնդրէին ի բաց կալ ի ծառայութենէն Յունաց թագաւորին և նստուցանել իւրեանց թագաւոր զի մի և նոցա հասցէ մեռանել ի կողմանս Թրակացոց, այլ կեալ եւ մեռանիլ ի վերայ աշխարհից իւրեանց»:

Հայ նախարարների հայրենասիրական բարձր զգացումը վկայում են եւ օտար աղբիւրները:

Սահակ Մամիկոնեանը հնազանդւում է կայսեր հրամանին, իսկ Սմբատ Բագրատունին ճանապարհից յետ է գալիս եւ ապստամբների գլուխն անցնում: Նա է որ սպանում է Յովհան պատրիկին, լուսական բաժնի կառավարչին 591ին:

Մամիկոնեան տրամադրութեանց արտայայտիչն էր Համագասպ Մամիկոնեանը, որ Յունաց Հերակլ զօրավարի հետ էր եւ ընդդէմ ապստամբական ցոյցերին: Այս ժամանակներից սկսած հետզհետէ զօրանում է Մամիկոնեան հոսանքի թեքումը դէպի Արեւմուտք, իսկ Բագրատունեացը դէպի Արեւելք:

Սմբատի յանդուգն սպանութեան գործը քննելու եկաւ մայրաքաղաքից սենատոր Գոմեստը: Հետեւանքը եղաւ՝ բռնել Սմբատին եւ տանել կայսեր: Քրիստոնեայ թագաւորը ուրիշ միջոց չգտաւ պատժելու ըմբոստ իշխանին քան ձգելու կրկէս գազաններին կուր: Սակայն, հայ կտրիճը զլացաւ եւ

այդ հաճոյքը պատճառելու ցնցող տեսարանների ծարաւի վեհապետին:

Յոյն պատմագիրը վկայում է, որ Սմբատը հրաշքով ազատուեց սոսկալի մենամարտից: Իսկ հայ պատմիչը բացատրում է հրաշքի էութիւնը: Յուսահատ իշխանը բուռնցքով ուշաթափ է անում արջին, եղջիւրներից կախուած տապալում է կատաղի ցուլին, եւ ճարպիկ ոստիւնով վերելակում առիւծը եւ կոկորդր սեղմելով խեղդում: Ամբոխը եւ ամենից առաջ կայսրուհին ի տես այս անսովոր քաջութեան պահանջում են ազատութիւն, եւ փոշոտ իշխանը կրկէսից ելնելով հրաւիրում է արքունիք:

Ահա այս հսկայի սերունդն է, որ պիտի մի օր ժառանգէր Հայոց թագը: Սմբատ չմնաց կայսրի մօտ եւ յարմար առիթով անցաւ Խոսրովի ծառայութեան եւ նշանակուեց Վրկանի եւ յետոյ Հայաստանի մարզպան: Նրա որդին Վարազ-Տիրոց եւ սրա որդին Սմբատ արժանացան Պարսից թագաւորի վստահութեան նոյն պաշտօնում:

Արարները նուաճեցին Իրանը եւ նրա հետ եւ Հայաստանի մի մասը: Բագրատունիք առժամանակեայ ճօճումներից յետոյ կանգ առան նոյն քաղաքական գծի վրայ, ինչ որ ընտրել էին Պարսից օրով: Արարները եւս, անձանօթ նախարարական բարքերին, սկզբում փորձեցին բռնի ուժով վերջ տալ վտանգաւոր տոհմերին, բայց շուտով ստիպուեցին աւելի հաշտ ուղի դտնել: Բագրատունի իշխանների խոհեմութիւնն ու զգուշութիւնը սանձեց արարական բրտութիւնը, և Աշոտ Վասակեան նշանակուեց իշխան իշխանաց 732 թուին:

Մամիկոնեանների հեղինակութիւնը նսեմանում էր: Աշոտի բարձրացումը ոչ միայն նշան էր հակառակ հոսանքի պարտութեան, այլ եւ հարուած Մամիկոնեան տան անուան: Այրուձին, որի ժառանգական սպարապետներն էին Մամիկոնեան իշխանները, անցնում էր Բագրատունեաց ձեռքը:

Տոհմական ինքնասիրութիւնը վիրաւորուած տեսնելով, երկու եղբայր՝ Գրիգոր եւ Դաւիթ Մամիկոնեանք՝ փորձեցին խլել Աշոտից առաջնութեան պատիւը: Աշոտն ունէր սակայն զօրեղ հովանաւոր յանձին երկրի պետի՝ Մրուանին, խալիֆայութեան գահի թեկնածուին: Հազիւ իշխանութեան գլուխ անցած Գրիգոր, պէտք է տեղի տար Աշոտին Մրուանի հրամանով:

Մամիկոնեանների փորձը ծանր նստեց, հետեւանք ունենալով Դաւիթի կորուստը:

Օմայեան հարստութիւնը վերջացաւ ութերորդ դարի կէսին Մրուանի մահով, զիջանելով իշխանութիւնը Արաս-

եան տան: Սառնակ դրութիւնից ուղեցին օգտուել Մամիկոնեաններն եւ ազատուել Արարներէ: Շարժման ոգին Գրիգոր Մամիկոնեանն էր:

Առանց Աշոտի համաձայնութեան, որ երկրի պատասխանատու տէրն էր, գործը դատապարտուած էր անյաջողութեան: Ուստի աշխատում են համոզել Աշոտին: Երկու հոսանքները վերստին բախուում են, եւ հայ պատմութեան ամենէն դրամատիկ էջերն են, որ ծաւալուում են մեր առջեւ, որ յաւէտ կանաչ պիտի մնան մեր յիշողութեան եւ գիտակցութեան մէջ:

Պարտք եւ պէտք եմ համարում բերել Աշոտի խրատը բմբոստացողներին: «Ով եղբարք, ասում է Աշոտ, ոչ տեսանեմ խոհական մտաց զգործ անզգայութեանդ, այլ անուղղայ խորհուրդ եւ բանս տարապարտս: Քանզի ահա նուազունք են զօրքս մեր ի մէջ բունութեանն Իսմայէլի եւ ոչ կարեմք գդէմ ունել զօրաց ևնցա եւ ոչ գերկիր մեր հանել ի բերանոյ վիշապացն: Եւ միայն աշխատութիւն եւ վտանգ հասուցանեմք ի մտածումս մեր: Այլ եթէ կամիջիք ընդունել զխրատ իմ, ոչ արասցուք զբանդ զայդ եւ հարկեսցուք նոցա որպէս ցարդ եւս եւ կալցուք զստացուածս մեր, զայգիս, զանտառս եւ զանդաստանս մեր»:

Ահա մի պարզ եւ պայծառ խորհուրդ: Սակայն, Գրիգոր Մամիկոնեանի համախոհները, որ հակառակ հոսանքին էին պատկանում, չեն համաձայնում ընդունել իմաստութեան խրատը, այլ սպառնում են: «Եթէ ոչ միաբանեսցիս ի խորհուրդս մեր, ոչ մնասցէ առ քեզ եւ ոչ մի ոք ի զօրաց քոց: Չկարեմք ժուժկալել տագնապիս, յորում կայ երկիրս Հայոց»:

Այս յուսահատական ճիւղը չէր, որ բռնադատեց Աշոտին միանալ խոզվարարներին: Մամիկոնեան իշխանը, Գրիգորը, կենտրոնացրեց իր ոյժերը իր սեփական կալուածում, Տայքում, ոչ միայն նրա դիրքն ու ամբողջիւնը նկատի առնելով, այլ գլխաւորապէս այն հաշուով, որ օգնութեան խոստում էր ստացել կայսերական զօրքերի կողմից, որ նրստած էին Պոնտոսում. «Քանզի էր ի մէջ նոցա ուխտ խաղաղութեան հրամանաւ կայսերն Կոստանդնի»:

Դարձեալ օտարի ստայօդ խոստումներն էին, որ յոյս էին ներշնչում ապստամբութեան նախաձեռնողներին: Թւում է որ այս հանգամանքն էր, որը ստիպել էր Աշոտին տալ իր ակամայ հաւանութիւնը:

Արդարեւ, Կոստանդին Կոպրոնիմ կայսրը արշաւեց եւ առաւ Կարին եւ Մելիտինէ քաղաքները, բայց հեռու էր Հա-

յերին դարման հասցնելու մտքից: Ապստամբութեան ծրագիրը վտանգուեց եւ օդ ցնդեց: Իշխանների միաբանութիւնն քակուեց. Աշոտը հեռացաւ, որ գնայ Բագրեւանդ եւ ներկայանայ արարական հրամանատարին:

Մրազրի վիժման պատճառը, անշուշտ, Աշոտն էր: Մամիկոնեան Գրիգորը ռիսկեցաւ եւ, գիշերը յարձակուելով Աշոտի վրայ, բռնեց եւ տուեց իր սպանուած եզբօր Դաւթի ծառաներին «բառնալ զլոյս աչաց նորա»:

Երկրի մտաւոր աչքը կորցրեց իր տեսութիւնը, Աշոտը կուրացաւ և աչքի լոյսի գնով փրկեց Հայաստանը նոր փորձանքից:

Պէտք կա՞յ նկատելու, որ Աշոտն իր վարմունքով նուազ ուխտանենդ չէր Գրիգորի նկատմամբ, քան Վասակ Սիւնին՝ Վարդանի: Բայց տե՛ս, որ պատմիչը «որդիք յանցանաց» է անուանում Գրիգորի կուսակից ուխտապահներին եւ ինքը Գրիգորը «սատակէր ի կենաց անյիշատակ բարձեալ ի միջոյ», մինչդեռ Աշոտը դառնում է «պսակ պերճութեան եւ փառք ազգիս Հայոց»:

Աշոտին յաջորդեց իր հօրեղբօր Բագարատի որդի Սահակը, «գեղաղէչ երեսօք, երեւելի հասակաւ եւ ազնուական բնութեամբ»:

Հաւանօրէն Սորենացու հովանաւոր Սահակ իշխանն է, որ անմահ յիշատակ թողեց իբր նախաձեռնող «Հայոց Պատմութեան»:

Զախողուած ընդվզումի դառնութիւնը մնաց Մամիկոնեանների սրտում որպէս հանգած կրակի ծուխ եւ մի օր պիտի պայթէր: Հէնց որ անցաւ քսանամեայ օրհասական ժամանակը, երկիրը ծածկուեց խռովքի նոր ամպերով: Մարտական ոյժերը ոգի առած ասպարէզ ելան մի անգամ եւս փորձելու ազատուել ատելի սնուրից, «լաւ համարեալ զմահ քաջութեամբ, քան զկեանս վտանգաւորս», ասում է ականատես պատմիչը:

Ապստամբութեան դրօշակը ծածանում էր կրկին եւ կրկին անգամ միեւնոյն ձեռքերում: Արտաւազդ Մամիկոնեանը Դուին քաղաքում զէնքի պատրաստութիւն տեսնելուց յետոյ, քաշուեց Շիրակ եւ զարկեց արարական հարկահանին Կումայրի աւանում (որ է արդի Ալեքսանդրապոլ, վերակնքուած վերջերս Լենինական, փոխանակ վերականգնելու հին անունը, որ պահել է ցարդ ժողովուրդը՝ Գիւմրի):

Նշանը տրուած էր: Մուշեղ Մամիկոնեանի սրից ընկաւ մի ուրիշ հարկահան և ինքն ամբացաւ Արտազերս հինաւուրց բերդում: Լուրը հասաւ Դուին մայրաքաղաքը: Չորս հազա-

րանոց բերդապահ գունդը եկաւ Մուշեղի վրայ, բայց ջարդ կերաւ եւ նահանջեց:

Ամբոխն արդէն խուժել էր փողոցները, կանայք ողբով և վայով ընդառաջում էին սիրելիներին: Յանկարծ որտեղից ուր յայտնուեցին չրջիկ քարոզիչներ, որ գրգռում էին ժողովուրդին եւ քաջալերում յաղթութեան յոյսով. «Մերձեալ է ահա ժամանակ փրկութեան ձերոյ, դռնում էր մի կրօնաւոր. զի այժմ ընդհուպ դարձցի գաւազան թագաւորութեանն միւս անգամ ի տուն թորգոմայ առնուլ ձեօք զվրէժ յաղգէն իսմայէլի: Եւ դուք մի գանգիտէք յերեսաց նոցա թէ նուազունք իցէք, զի մի այր ի ձէնջ հալածեսցէ զհազարսն եւ երկուքն զբիւրսն»:

Սակայն, այս բոլորը լուի ինքնախաբէութիւն էր կամ, ինչպէս պատմիչն է որակում, «տեսիլ սուտ եւ բաղձալի սրբտի»: Ապստամբները յաջողեցին իրենց կողմը քաշել Սմբատ սպարապետին, կուրացած Աշոտի որդուն: Նա Մամիկոնեանների փեսան էր եւ ստիպուած էր զիջանել: Երկրի պետը, իշխանաց իշխանը Աշոտն էր, յիշեալ Սահակի որդին, «այր տամբութեան, խրատեց չանսալ մոլեկան մոնոզոնի (կրօնաւորի) քարոզին եւ յետ կենալ վնասակար ձեռնարկից:

Կուսակցական հայեացակէտների ընդհարման սուր վայրկեան էր: Աշոտի դիրքը փափուկ էր: Քսան տարի առաջ նոյն վիճակի մէջ էր միւս Աշոտը, այս Աշոտի պապի եղբայրը: Նրա նման եւ հետեւութեամբ Աշոտը պատասխանատուութեան ծանր բեռը ուներին չյապաղեց, չվեհերեց արտասանել այս վճիռ եւ խոհուն խօսքերը:

«Մանկունք էք եւ կրտսերագոյնք հասակաւ եւ գիտեմ եթէ ոչ կարէք զդէմ ունել զօրութեան բազմագլուխ վիշապին, զի հզօր է զօրութիւն նորա եւ անթիւ բազմութիւն ընդ ձեռամբ նորա եւ անչափ պատրաստութիւն զինուոց ի գանձս նորա: Եւ ամենայն թագաւորութիւնք որք հակառակ կային իշխանութեան նորա, փչրեցան որպէս գանթ բրտի: Զի թէ հոռովմայեցւոց թագաւորութիւն ոչ կարաց համբառնալ զձեռս ի վեր, այլ սարսեալ դողաց յերեսաց նորա եւ ոչ յանդրգնիլ ընդդէմ տէրունեան հրամանին, զի եւ դուք չէք անտեղեակ ամենայն զօրութեան արքային յունաց, քաջութեան անձին նորա եւ բազմութեան եւ պատրաստութեան զօրաց նորա, զի ամենեւին ընդ միտ անգամ ոչ էառ ածել զմտաւ առնուլ զաշխարհս հայոց ի ձեռաց նորա, Կոստանդին, որդի Լեւոնի, որ մենամարտեալ ի միում աւուր ընդդէմ ահաւոր գազանացն, սպան զառիւծն իբրեւ զուլս այ-

ծեաց: Արդ որ գայս ոյժ զօրութեան ունէր, այնպէս ընթադրեալ է յահէ չարաթոյն գազանին որ ապականէ գերկիր: Իսկ դուք յո՞վ արդեօք ապաւինեալ և կամ որով զօրութեամբ եւ որով ուժով կարէք գդէմ ունել անյաղթելի իշխանութեան նոցա:

«Արդ՝ եթէ հաճոյ թուի անձանց ձերոց, ընկալարուք զխրատ իմ, քանզի զօգուտն ձեր եւ զպիտոյսն եւ զանդորրութիւն աշխարհիս տեսանեմ ես: Զի այս լինի ելք գործոցդ, կամ դառնալ ձեզ եւ մտանել ընդ հնազանդութեամբ նոցա եւ հանդարտիլ եւ կեալ խաղաղութեամբ յերկրիս ձեր եւ կամ մերժիլ փախստեամբ համօրէն ընտանեօք յերկրէս ձերմէ եւ լքանել, թողուլ զժառանգութիւն հարցն ձերոց, զքնակութիւնս ձեր, զանտառս եւ զանդաստանս, նաեւ զգերեզմանս հարց ձերոց եւ երթալ բնակիլ նժդեհութեամբ ընդ արքային յունաց եւ կամ թէ ոչ՝ անկանիցիք ի ձեռս նեղչաց ձերոց ի կենացս, զի գիտեմ ես զբարս աստուածութեան իշխանին Իսրայէլի, զի ոչ դադարէ մինչև կատարէ զկամս անձին իւրոյ»:

Հեռատես իշխանի իմաստուն խրատը, որ մինչիսկ մեզ համար քաղաքական գործունէութեան հիմ կարող էր համարուել մօտիկ անցեալում, մնաց ձայն բարբառոյ յանապատի: Ապստամբները արդէն պաշարել էին Կարինը: Դուինը սարսափի մէջ էր: Յանկարծ մի տիտուր լուր ցնցեց երկիրը. արարական բանակը, բաղկացած 30 հազար վարձկան թուրքերից ոմն Ամրի հրամանատարութեամբ եկել հասել էր Խլաթ քաղաքը: Աշոտն այս պահին նոյն քաղաքումն էր եւ տեսնելով ահաւոր վտանգը, պատուէր զրկեց իբրեւ թէ ամենուրեք միանալ եւ հաւաք ոյժերով դէմ դնել թշնամուն: Թուում է, թէ պատմագրի կողմից արդարացման տկար փորձ է: Աշոտը հաւանօրէն գնացել էր թշնամու բանակը հաշտութեան առաքելութեամբ:

Ապստամբները հաւատ չընծայեցին Աշոտի պատուէրին, կարծելով որ նա ուզում է նենգօրէն ազատել Կարինը պաշարումից եւ հաճոյանալ արարներին:

Մի գունդ ապստամբներ անցան Արճէշ քաղաքը, բայց անյաջողութեան դիպեցան չնորհիւ քաղաքացիների մատնութեան: Արարները յառաջացան Բագրեւանդ եւ բանակ զարկեցին Արճնի գիւղի մօտ:

Արճէշի գոյժը Կարին հասած, հայերը լքեցին պաշարումը եւ խոյացան դէպի թշնամին: Պատմիչն անգամ զարմանում է, որ փոխանակ փախչելու յունական սահմանը եւ ազատելու իրենց կեանքը, ճակատեցին թշնամու դէմ, «լաւ

համարեցան ընտրել զմահ անձանց, քան տեսանել զկորուստ աշխարհիս եւ զանպատուութիւն եկեղեցւոյ Քրիստոսի»:

Հազիւ հինգ հազար էին, իշխանազունք եւ շինական ժողովուրդ: Սկզբում քաջութեամբ յետ մղեցին թշնամու գրոհը, բայց յետոյ ընկճուեցին բազմութեան առաջ, մանաւանդ որ ռամիկ ոյժերը շուտով լքեցին իրենց դիրքերը եւ ցրուեցին: Մնաց միայն իշխանական որեարը, որ իրար քաջալերելով նետուեցին գիտակցաբար մահուան գիրկը. «Քաջութեամբ մեռցուի ի վերայ աշխարհիս մեր եւ ի վերայ ազգիս մեր եւ մի տեսցեն աչք մեր կոխան ոտից պղծալից լեալ գարբարանս մեր»:

Այս սրբազան մրմունջը շրթունքին ընկան երեք հազարի չափ նահատակներ եւ նրանց թւում Մուշեղ Մամիկոնեան եւ Սմբատ Բագրատունի: Հայրենիքի զոհերը մնացին անթաղ, անձրևի եւ արևի տակ. «ոչ լալ եւ ոչ հաց սզոյ բեկանել ի տունս իւրեանց եւ ոչ տալ գերեզմանի, այլ բացընկեցիկ օթագացեալ ի վայրի յարեւու եւ ի փոշոջ եւ յանձրևի եւ ի մրրիկս հողմոց»:

Երկիրը հառաչեց եւ ողբաց ինքնուրաց քաջերի մահը, առանց նրանց «մնացին թափուր յօգնականութենէ նոցա եւ մատնեցան ի ձեռս գազանաբարոյ թշնամւոյն»:

Արճէշի կոչը տեղի ունեցաւ հրոտից 4 շաբաթ օր, իսկ Արձնի՝ նոյն ամի 13 = 775 ապրիլի 15 եւ 23ին: Արիւնալից ամպերն անցան հայ հորիզոնից, երկիրը խաղաղեց եւ նորէն լծուեց շինարար աշխատանքի: Ապստամբ Սմբատի որդին Աշոտ Մսակերը խոհեմ քաղաքականութեամբ հիմը դրեց Բագրատունիների իսկական գորութեան: Կամսարականներից գնեց Արշարունիքը եւ Բագարան տեղափոխեց իր նիստը: Որդին Բագարատը հաստատուեց Տարօնում, միւսը, Սմբատը, յաջորդեց հօրը:

Թ դարը հայութեան համար նշանաւոր էր առանձնակի: Ոչ միայն իրենց հայրենիքում էին յառաջանում Հայերը, այլեւ Բիւզանդական պետութեան մէջ ամուր դիրքեր էին գրաւում, որ մի օր տիրանան Կոստանդին Մեծի գահին: Իսկ արաբական պետութիւնը նշաններ էր ցոյց տալիս քայքայման: Խալիֆաները փառքի վերելքը կատարած սկսել էին իջնել, որ մօտ ապագայում խաղալիկ դառնան վարձկան թիւրք զինուորների ձեռքին: Բաբելի շարժումը, որ ոչ միայն քաղաքական գոյն ունէր այլեւ ընկերային, մեծապէս հարուածեց պետութեան վարկը: Ծայրագաւառների ամիրաները գլուխ բարձրացրին եւ ձգտում էին անջատուելու:

Այս բոլորը գաղտնիք չէր նաեւ Հայերից: Անարդար կը

լինէր յանդիմանել, որ երբեւիցէ Հայերը բաւականին չըջանկատ չեն եղել քաղաքական մեծ գալիքների հանդէպ: Հետուն տեսնել, շատ հեռուն թափանցել, անհնարին չէ եղել մեզ համար: Մեր ազգային թերութիւնն այն է, որ անկարող ենք ընթանալ իրերի հետ ոտն առ ոտն, շտապում ենք կանխել դէպքերը, առջեւն ընկած վազում ենք, փոխանակ ետեւից գնալու, գնալու յամրաքայլ:

Մսակերի որդին, Բաղարատը, ինչպէս եւ Արծրունեաց իշխանը, զգալով Արաբների տկարութիւնը, վճռեցին չվճարել սովորական հարկը: Պէտք եղաւ ճնշումի, որ արքունի սուրբը գանձուի: Մի օր էլ պետական հարկահանները սպանուեցան Տարօնում: Քաղաքային ընոյթի մահափորձերը դառնացրին Արաբներին: Մուստավաքիլի օրով մի կատաղի փոթորիկ անցաւ Հայաստանի վրայից և այն վերջինն էր և լաւագոյն ապացոյց պետութեան թուլութեան: Որքան հզօր է պետութիւնը, նոյնչափ վեհանձն է դէպի հպատակ ժողովուրդի ըմբոստացումը, եւ որքան թոյլ, այնքան դաժան:

Ապիկար եւ մեղկ խալիֆայի կողմից իններորդ դարի կէսին եկաւ մի թիւրք Բուղա անունով, որ թէեւ 80 տարեկան էր, բայց բնածին անգթութիւնը չէր մեղմացել նոյնիսկ զառամ տարիների ծանրութեան տակ, եկաւ ողողելու Հայաստանը արիւնով: Արիւնուշտ էր Բուղան ի բնէ եւ խարդախ, զի խարդախութիւնը անգթութեան կարապետն է: Նենգօրէն եւ ողորջ լեզուով իր մօտ կանչեց գրեթէ բոլոր ազգեցիկ իշխաններին Տարօնի, Վասպուրականի, Սիւնիքի, Գարդմանի, մինչեւ իսկ Խլաթի եւ Թիփլիսի կասկածելի մուսուլման ամիրաներին, բոլորին կալանաւորեց եւ տարաւ Բաղդադ:

Շատերը մահացան օտարութեան մէջ: Նահատակուեց եւ Սմբատ իշխանը, որի արաբական անունն էր Աբլարաս: Բայց նրա որդին Աշոտ լուծեց հօր եւ միւս մարտիրոսների արեան վրէժը իր յաղթանակով: Արաբական լուծն ընկաւ Հայաստանում ճիշտ այն միջոցին, երբ Հայի միւս գաւաղը՝ Վասիլ բարձրանում էր Բիւզանդիայի գահը:

Աշոտի յաղթութիւնը Բագրատունեան հոսանքի յաղթանակի օրն էր եւ Մամիկոնեանների՝ պարտութեան: Աշոտ իպուր չէր, որ Մամիկոնեան Կուրդիկ իշխանի գլուխը կրած զրկեց Մամարա խալիֆին:

Կուրդիկ իշխանի արիւնտ գլխի հետ ընկաւ ընդմիջա եւ այն կարմիր դրօշը, որ ծածանում էր այնպէս պերճօրէն չորս յիշածս դարերի պատմութեան վրայ: Կարմիր դրօշը տանում էր դէպի քաղաքական ազատութիւն արեան ուղիներ:

րով: Բռնութեան դէմ բռնաթիւն, ոյժի դէմ ոյժ, արեան փոխարէն արիւն — ահա դրօշի նշանաբանը: Նախնիք զարգարել են Վարդանին, Աւարայրի հերոսին, Կարմիր կոչումով: Նրա քաջարի սերունդը, որ նոյն վեհութեամբ փայլեց հետագայում, իրաւունք ունի նոյն կոչման իր այնքան պանծալի եւ յառաջամարդիկ անուններով:

Դժուար է գտնել որեւէ պատմութեան մէջ մի իշխանական տուն, որ դարերի ընթացքում մնար այնպէս հաւատարիմ իր տոհմական մտայնութեան եւ աւանդներին: Ութերորդ դարի Մուշեղը յար եւ նման է չորրորդ դարի Մուշեղին: Արեան հետ ժառանգում էին ընտանիքի հերոսական սգին: Անուններն անգամ որ անցնում էին սերունդէ սերունդ յուշարարներ էին իրենց անցեալի: Մամիկոնեան տունը՝ հայ զինուորական կորովի մարմնացումն է, հայ սապետական կարողութեան կենդանի պատկերը:

«Սրի երկիւղը անձանօթ է մեր տոհմին, ասում է Վարդանը, և մեզնից և ոչ մէկը և ոչ մի ժամանակ չէ քաշուել սրի ահից: Եւ թէ ինչպէս աւելի բարի ընկերի մասին ենք հոգացել քան մեր անձի, բոլորին յայտնի է»:

Ճշմարիտ նկարագիրը Մամիկոնեան տան, որ տայիս է պատմիչը Վարդանի բերանով:

Հայ երկրի ու ժողովրդի արժանապատուութեան ուխտուած զինուորներն էին, որ անհաւասար կռիւների մէջ ուժասպառ եղան, հերոսներ, որ այրուեցին անձնուիրութեան հրդեհներում: Ի՞նչ է հերոսութիւնը, եթէ ոչ արհամարհանք մահուան յանուն մերձաւորի:

Մամիկոնեան կտրիճները իրօք մի մի հերոսներ էին, աննման ծաղիկներ, սիրուած մեր անցեալի սպառաժողովում, եւ պատուաբեր ամեն մի պատմութեան: Այց չընող ծաղիկները արեւակէզ ընկան:

Իրաւ է նոյն Վարդանի արտունջը, ուղղուած նախարարներին.

«Յանկ ձեր մղեալ է զմեզ ի նեղ եւ զձեր անձինս ի բաց ունելով՝ մեր միայն սղզս պատահեալ է վշտաց մեծաց եւ մահուց»:

Վշտերն ու մահերը սաստկացան մանաւանդ Վարդանից յետոյ, ինչպէս անտանք, եւ Մամիկոնեան որեարը արենաքամ իջաւ պատմական դաշտից այն ժամանակ, երբ նորա երջանիկ մրցակիցը Բագրատունեաց տունը բարձրանում էր աջողութեան սանդուխտով դէպի արքայական սպարանքը:

Այլ էր Բագրատունիների նկարագիրը, նրանց խառնուածքը եւ ընտրած ուղին: Ոչ պակաս քաջ եւ հայրենասէր,

Բագրատունի իշխանը միւսնոյն ժամանակ չըջանկատ է եւ գործնական: Չկարենալ զսպել կրքեր, զայրոյթը պահել իր ամանի մէջ թուլութիւն է: Բռնութեան դարեր էին, երբ կոպիտ ոյժի հանդէպ հասարակական շահը յաճախ պահանջում էր լուր քան խօսել եւ տոկալ քան յուզուել: Անհատական խիզախութիւնը, հարկաւ, պատրիչ է, բայց շատ անգամ աղետարեր ընդհանրութեան: Պատասխանատու գործիչը ստիպուած է յաճախ հրաժարիլ շահատակութիւններից, եւ կեսնքի դանութիւնները պահել իր ներսը, համբերութեան երկանաքարի տակ մանրել ոչնչացնել ծանր ապրումները ատանց որեւէ արտաքին պայթոցի:

Սկզբում Բագրատունի Սմբատները Մամիկոնեանների նման սավոր էին ձեռքը պահել դաշոյնի վրայ, իսկ հետագայում Աշոտները ստիպուած էին ձեռքը դնել ձախափին: Մանրախոհ եւ խորաթափանց՝ Բագրատունիք համակիր չէին ցնցումների, ընդունակ էին անգամ չարիք գործելու, աւելի մեծ չարիքի առաջն առնելու համար:

Եթէ Մամիկոնեանները հայ խաչելութեան եւ սրի շողջողուն քարերն են, Բագրատունիք հայ խոհականութեան քարէ սիւներն են: Գաղիկ թագաւորի արձանը, որ երեւան եկաւ Անիում, ներկայացնում է մեզ ասպետների թաղակիր դաւակին ոչ նժոյգը սանձած, նիզակը ճօճելիս, սաղաւարտը դրլխին, այլ որպէս ալեփառ ծերունի, նման աւելի վանահօր քան զինուորականի — երկար վերարկու, մէջքը սլնդած դօտիով, մանրածալ փաթեթը գլխին, եւ պարզած բողոկնների վրայ կանգուն հայրենի սրբարանը:

Աշոտի համար, ասում է ժամանակակից պատմիչը. «Ոչ ի հակառակութիւնս ինչ կամ ի կռիւս ընդ թշնամիսն մաքառեալ, քան թէ բարեզգեաց բանիւք և բարի օճանաւ ածեալ զնոսա յուզողութիւն եւ ի կամս իւր»:

Այս սղոք եւ հաշտ քաղաքականութիւնը, որին աշխատում էին հետեւել Բագրատունիներն ընդհանրապէս, այնքան էլ դիւրին չէր: Համակերպման ուղին խեճքեկ է եւ ծանր բարոյապէս: Կորանալ մինչեւ ստորութիւն բռնաւորի առջեւ, ուխտանենդ լինել, եղբայրասպանութեամբ, ուրացութեամբ խղճի ձայնը խեղդել — ահա փչերն ու տատասկներն այն կաճանների վրայ, որ տանում էին դէպի Բագրատունեաց թագն ու դահր:

Սմբատի սերունդները, այն Սմբատի, որ գազաններից ահ չունէր, հարկադրուած էին իջնել մինչեւ հյութեան ստորիքը, որպէսզի հողեկան կսկծոս գայարումների գնով սպասուին հայրենիքի բարօրութիւնը: Աշոտ թագաւորի հայրը

Մմբատ կոչում է Սոստովանող: Նոյն կոչումին արժանի է նրա թագակիր որդին, այն, որ բարձրացաւ զահ Կուրդիկ Մամիկոնեանի արենաթաթախ դիակի վրայից...

* * *

Մրցակից հոսանքների մէկի յաջողութիւնը յաճախ մոռանալ է տալիս միւսի արժէքը: Միակողմանի վերաբերումն է, եւ զալիս է այն դատաւորներից, որոնք դատուած են կուսակցական շարքերում:

Առաջին շրջանում մինչեւ Սասանեան հարատութեան անկումը զօրեղ էին եւ ազդեցիկ Մամիկոնեան տրամադրութիւնները: Նախարարական կարգը տակաւին ատոք վիճակի մէջ էր: Տենչանքները կապուած էին զէնքի եւ զբահի շաչիւնին եւ բոլորում էին տոհմական սպարապետների անուան շուրջը: Ընդհանուր համակրութիւնը նրանց կողմն էր: Հայ մատուրականութեան եւ գրի ներկայացուցիչները՝ Փաւրատոս, Եղիշէ, Ղազար, Յոհան Մամիկոնեան, բոլորն էլ Մամիկոնեան տան փառաբանիչներն են եւ նրանց ուղղութեան կողմնակից: Եօթներորդ դարը յոյսերի եւ համակրութեանց ճօճման ժամանակ էր, եւ այդ դարի պատմագիր Սերէոսը աշխատում է բարեխիղճ լինել եւ անաչառ՝ մրցող ոյժերի հանդէպ:

Արարների հաստատուելուց յետոյ զգալապէս յառաջանում են Բագրատունիք եւ հետզհետէ զբաւում են երկրի համակրութիւնը: Մամիկոնեան արծիւները, ճիշտ է, դեռ շարունակում են խոյանալ մարտի դաշտերում, բայց երդիչներ չունին: Պատմագիրները՝ Ղեւոնդ, Յովհան կաթողիկոս, Շապուհ Բագրատունի, Ասողիկ գովաբանում են բացառապէս Բագրատունի իշխաններին, նրանց ջատագովներն են:

Այս պատմիչների թւումն է հոչակաւոր պատմահայր Մովսէս Սորենացին: Բագրատունիների գուսանն է նա եւ Մամիկոնեանների նգովիչը: Իր Բագրատունի մեկենասին հաճոյանալու համար չէ, որ գովում է նրա տոհմը: Պատմահօր անձը եւ կոչումը կասկածի իրաւունք չեն տալիս բնաւին: Սորենացին գաղափարական հակառակորդ է Մամիկոնեան քաղաքականութեան, եւ սիրող հասարակական անդորրութեան:

Պատմահայրը մեծ հայրենասէր էր. նրա հայեացքը պարտաւորիչ կը լինէր, եթէ վերաբերէր իր ժամանակուան կացութեան: Բայց ցաւն այն է, որ նոր կչուով մօտենում է հին պատմութեան եւ այնտեղից է ուզում հանել Մամիկոն-

եան փայլուն անունները, ջնջել նրանց յիշատակը: Արտաւազդ, Մուշեղ, Վասակ, Մանուէլ չորրորդ դարի այս ճաշխարհիկ հերոսները, որոնց այնքա՛ն յուզիչ նկարագիրը Փաւստոսի լաւագոյն էջերն են կազմում, չգոյ են համարուում Սորենացու մօտ, բայց յիշում է Վահան Ուրացողը՝ Մերութանի բնկերը, հարկաւ, առանց Մամուէլի, որ սպանելով դաւաճան հօրը, սրբեց Մամիկոնեան անբիծ անունը այդ միակ արատաւոր ստուերից:

Փաւստոսի հերոսների քաջագործութիւնները Սորենացին վերադրում է ուրիշներին՝ Առաւանեան, Ամատունի եւ կամ Բագրատունի տներից: Հայ մտքի խոշոր մեծութիւնը՝ Սորենացին այսքան յաչաղկոտ է եւ նեղսիրտ, այսքան կուսակցական: Թւում է որ շատ դառնացած է եղել իրեն ժամանակուան Մամիկոնեան աղմուկներից:

Դժուար է ուրանալ Մամիկոնեանների կարմիր հետքը մեր պատմութեան մէջ: Եթէ ներեյի է համեմատել հասարակական մարմինը անհատի հետ, Մամիկոնեան տոհմը Սորենացուց յառաջ եւ յետոյ էր եւ մնաց հայ ազգի բարախուն սիրտը:

Սորհուն գլուխը, իմացականութիւնը, եթէ անգամ չոյենք հակառակ հոսանքը նրան վերապահելով այդ կարողութիւնը, անյուսալի ոյժ է առանց սրտի ներշնչումների: Գործնական ասպարէզում զգացական զեղումներն են մտքի խիսկական թեւն ու թափը: Մամիկոնեան հոսանքն էր պատրաստել այն սերմերը, որից բուսաւ Բագրատունիների հունձը: Ազատասիրութիւնը եւս պէտք ունի հողածու ձեռքերի: Սիդախումները եւ բողոքի որոտումները որքան եւ անհետեւանք, այն նշանակութիւնն ունին, որ չեն թողնում, որ ժողովրդի խոնարհութիւնն ու հլութիւնը հաւասարուի ստրկութեան:

Պէտք զգալ եւ պարտք պաշտպանելու քաղաքական իրաւունքները անգամ մահուան գնով, ահա այն հողը, որի վրայ կանգնեց Բագրատնի արքունիքը եւ որի պատրաստութեան են ծառայած եւ նախորդ գինական շարժումները:

Սխալ կը լինէր կարծել սակայն, որ երկու խոշոր հոսանքները, որ աղօսում են մեր անցեալի չորս դարը, երկու իշխանական ընտանեկան տրամադրութեանց սոսկական ծընունդն են, կամ նրանց տոհմային ընդունակութեանց արտայայտութիւնը: Մամիկոնեան եւ Բագրատունի տները երկու ուղղութեանց առաջնորդներն են, ղեկավար ոյժերը եւ ոչ նրանց ստեղծագործողները: Եթէ այդ իշխանական տոհմերը բնաջինջ չլինէին կամ եղած լինէին շատ առաջ, հոսանքները պիտի շարունակուէին: Գուցէ կը կորցնէին որոշ երանգը, որ

պայմանաւորուած է երկու տների տնտնտեսական յատկութեամբ, բայց իրենց կութիւնը ոչինչ չէր սուծի:

Գծածս քաղաքական հասանքներն աւելի խոր արժատներ ունին եւ հանգչում են պատմական կեանքի զարգացման տարբեր տնտեսական-հասարակական երևուածների վրայ: Դրանք են հին նախարարական կարգը եւ նորածին քաղքեւիութիւնը:

Սկզբում աիրական էր Հայաստանում, ինչպէս եւ ամբողջ Իրանում Փէոզայականութիւնը: Սասանեանների անկումով պիտի թուլանար եւ չքանար արեւելեան այդ հինաւուրց իրաւակարգը: Արարները նպաստեցին նրա քայքայման: Չորս դարուան անընդհատ կռիւներում նախարարական յիսունի չափ տոճմերը ջնջուել էին եւ մնացել միայն մի տասնեակ: Արդ՝ Մամիկոնեան հասանքը հայ Փէոզայականութեան, հայ զինուած ազնուականութեան ասպետական շունչն էր: Ազնուականութեան տկարացման եւ անկումի հետ պիտի վերանար հրապարակից եւ նրա զաղափարական յայտարար Մամիկոնեան տունը: Արարները չէին, որ պիտի հովանաւորէին Մամիկոնեաններին:

Անցնող ազնուականութեան դիրքերը հեռոճեաէ գրուում էր նոր բիրգեբրական դասը, քաղքեւի հասարակութիւնը: Իշխանական ամբողջները մամստում էին եւ քաղաքները շենանում: Ահա այդ նոր հասարակական ոյթին է, որ յենում են Բագրատունիները, նօսրացած ազնուականութեան պետերը:

Նախարարական Հայաստանի իւրաքանչիւր անկիւն կեանքի փոքր բայց անկախ հնոց էր, ինքնամփոփ եւ ինքնուրաւ տնտեսական եւ հասարակական մի միութիւն: Ինքն իր պիտոյքներն է հայթայթում, պարտպերով հողապործութեամբ եւ անասնապահութեամբ: Ուրիչ դասակարգ չկար բացի աշխատուոր շինականութիւնից: Սա պէտք ունէր իր իշխանին, որ պահպանէր սահմանները արտաքին թշնամիներից, օտար յարձակումներից եւ սա ու կողոպուտից:

Քաղաքային բնակչութեան հաշիւներն այլ են: Սրա գրաղմունքն է վլխաւորապէս փաճառաչահութիւն եւ արհեստներ: Երկուսն էլ պահանջում են գործունէութեան լայն եւ մեծ շրջան եւ ճանապարհների ապահովութիւն: Միահեծան իշխանութիւնը գերազասելի է քան մանր տէրերի ցանցը, որ իրապէս մի թակարգ է սպրանք տանող եւ բերող կարաւանների համար: Նկատելու է նաև, որ քաղաքների բնակչութիւնը բաղկացած էր մեծ մասամբ օտարներից. աւելի

արար, հրեայ, ասորի եւ պարսիկ կային քան հայ, որ աւկաւին բնակել չէր առեւտրի:

Պաղաղ քաղաքականութիւնն աւելի էր համապատասխանում քաղաքներին քան ազատագրական իրարանցումները: Արճէչի օրինակը խրատական է: Երբ հայ ազատամբները՝ 772 թուին գնացին Արճէչի վրայ, քաղաքացիները դադանի իմաց տուին Պլաթ արարական բանակի հրամանատարին, որի հետ էր Աչոտ Բագրատունին. «Նւ իրբեւ մօտ հասանէին ի քաղաքագիւղն, բնակիչք քաղաքին յատաջ պատուցին ի քաղաքն Պլաթ աւ Ամբ զօրաւար Իսմայէլի զգալուսա նախարարացն Հայոց»:

Արարները գալով դարան մտան եւ յանկարծակի յարձակուելով հայ զօրքերի վրայ, մօտ հաղար եւ հինգ հարիւր մարդ կոտորեցին:

Ճէոզալների, գեղջուկների եւ քաղաքների բնակիչների բախումը նկատել եւ արձանագրել է Պարենացին: Վաղարշակի բերանով յայտարարում է. «Հրաման տայ քաղաքացեաց մարդկան արգոյ եւ պատիւ լինել քան զգեղջկաց եւ գեղջկաց պատուել զփաղափացիս որպէս զիշխանս: Եւ քաղաքացեաց մի կարի աւ գեղջկոֆն պերճանալ, այլ եղբայրաբար փորել, վասն բարեկարգութեան եւ աննախանձոտ կենաց, որ է շինութեան եւ խողաղութեան կենաց պատճառք եւ որ ինչ նման ալտոցիկ»:

Յզվացած քաղքեւիութիւնը նկրտում է բունել թաւամած իշխանների տեղը: Պատմագիրը բնական է համարում այս ձգտումը եւ յորդորում է գեղջուկի դասին՝ տալ նրան պատկանելի իշխանական յարգանքը: Մարդասիրարար խորհուրդ է տալիս, որ քաղաքացիք էլ շտա չպերճանան եւ եղբայրաբար վարուեն շինականների հետ ի շահ բարեկարգութեան երկրի: Հասարակագիտական կարեւոր յեղաշրջումն է, որ տեղի է ունեցել կեանքում:

Մանուկ բայց արդէն պերճացած դասակարգի համար զանկալի էր եւ նպաստուոր Աչոտների քաղաքականութիւնը՝ կամաց կամաց հաւաքել երկիրը, բնդլայնել իշխանութեան սահմանները եւ երկարել հաղորդակցութեան ուղիներն առանց խցելու կապերը հարեւան մեծ պետութեանց հետ: Նորաստեղծ գրութեան փայլուն արտայայտութիւնը, նրա արբունքը դառնալու էր շուտով արքայական Անին, խոչոր վաճառաչահ կենտրոն արեւելեան առեւտրի: Նոյն Անին էր դառնալու այն հնոցը, ուր պիտի ձուլուէին հայ ազնուականութեան ղէնքերը, որպէսզի նոր պայմաններին համա-

կերպուելով փայլէ հայ նոր հանճարը առեւտրական եւ արդիւնաբերական աշխարհում:

Մինչ Անիում մարում էին Փէոդալականութեան վերջին ճառագայթները, Արեւմուտքը նոր էր ողջունում նրա արշալոյսը: Հասարակադիտական տեսակէտից Արեւելքին էր պատկանում առաջնութիւնը, եւ նա էր կարապետը նոր բուրժուական իրաւակարգի:

Այսպիսով՝ մի թաղից դէպի միւս թագը տանող չորս դար ժամանակամիջոցը ընթացել է զարգացման հետեւողական շաւղով: Որքան էլ բեկուած, խզուած լինի յառաջդիմութեան թելը արտաքին արհաւիրքներից բայց եւ այնպէս կեանքը սահել է նրանց վրայից: Պսակաւոր Բագրատունիների հովանու տակ հայ աշխատանքը կարողացել է պարփակել իր ազգային սահմանների մէջ եւ իր նպաստը բերել համամարդկային քաղաքակրթութեան շտեմարանին:



ԲԱԳՐԱՏՈՒՆԵԱՑ ՓԱՌՔԸ ¹⁾

Հազուադիւտ են պատմութեան մէջ այնպիսի իշխանական տներ որպիսի են Բագրատունիք, հազուադիւտ Արեւելքում թէ Արեւմուտքում: Տոհմ է բազմադարեան, աշխարհաչէն և աշխարհակալ և փայլեց իր հանճարով յատկապէս արաբական շրջանում:

Իններորդ դարը ընկճուած ազդութիւնների սթափումի եւ զարթումի դար էր: Արարական պետութիւնն այլևս ահարկու չէր թւում: Ամիրապետների երեկուան հուժկու ձայնը սկսել էր նուազել: Նրանց կուսակալներն անգամ անջատական հակումներ էին ցոյց տալիս և պատրաստ էին պատեհ առթիւ խզել իրենց կապերը կենտրոնական իշխանութիւնից: Խալիֆների պետութիւնն անպայման քայքայման մէջ էր, մինչ նրա ախոյեան Բիւզանդական կայսրութիւնը նոր ոգի առած ընթանում էր դէպի բարձրութիւն:

Քաղաքական մթնոլորտի լոյծ դրութիւնը գաղտնիք չէր: Խլրտումներ ու խռովութիւններ անպակաս էին որպէս բնական հետեւանք: Ազգային ճնշուած դպացումներն արթնացած հետամուտ էին իրենց օրինական իրաւունքների: Պարսկաստանը, կրօնական ազանդաւոր պատրուակի տակ, սնում էր եւ ծաւալում քաղաքական ազատագրութեան ծրագիրներ: Զօրաւոր շարժումը ծայր էր տուել Հայաստանի սահմանադիւրում, Ատրպատականի մէջ: Մուսուլման ներքին գթութիւնները հնարաւորութիւն տուին Հայերին հանգիստ առնել եւ վերակազմուել մերձաւոր անցեալի ահաւոր հարուածներից:

Տարաժամ ապստամբութիւնն որ պայթեց ութերորդ դարի երկրորդ կէսին շլատել էր հայ մարտիկ ոյժերը: Մամիկոնեան առիւծները, ըմբոստութեան այդ աներկեւան դրօշակակիրները, վերջին հրաժեշտն էին տուել հայ կեանքին: Ասպարէզը մնացել էր նրանց հակառակորդ եւ մրցորդ Բագրատունի իշխաններին: Խոհեմութիւն չէր, անշուշտ, Մամիկոնեանների կողմից՝ կանխել ապագան եւ բաց ճակատ յար-

¹ Դերկայ յօդուածս հիմնովին վերամշակումն է այն գրութեան որ երեւաց Հայրնիքի մէջ նոյն վերնագրի տակ: Վերջիցս հազիւ բանի մի էջեր են մնացել անփոփոխ:

դարել թշնամու դէմ մի այնպիսի ժամանակ, երբ սա, թէև արդէն անկման ճանապարհի վրայ, բայց տակաւին բաւականին զօրեղ էր սանձելու անհնազանդութեան ճիգերը: Պէտք էր սպասել հիւժման վերահաս ժամին, որպէսզի կտրելի լինէր յանգել յաջողութեան, յանգել մանաւանդ առանց մեծ զոհողութեան:

Բայց եւ այնպէս 775 թուի ապստամբութեան խիզախ փորձն անպատեղ չանցաւ: Պարտութիւնները, սարմախան դաշտերի անյաջողութիւններն եւ իրենց յատուկ խորհուրդն ունեն: Մամիկոնեան ընդվզումը թողեց այն կտակը որ յազթական Արարը բնաւ անպարտելի չէ եւ ո՛չ էլ հայ քաղաքական տենչանքը՝ սին Երազ:

Երազն իրականացաւ շորհիւ Բագրատունիների, որոնք հեռուեցին եւ պսակեցին յաջողութեամբ մի քաղաքականութիւն որի հիմը դրել էր Բագրատունի Աշտա Կոյրը, նա որ գոհնեց հայրենիքին իր աչքերի լոյսը: Տոկուն աշխատանքով, շրջանկաւ հեռաանտութեամբ, կշռելով հանգամանքները, չանտեսելով ո՛չ մի միջոց, նաեւ դէնքի գիմելով ի հարկին, Աշտա Կոյրի սերունդը կարողացաւ պատկառանք ազդել հայ անուան եւ թագեր կապել ոչ միայն հայրենի երկրում, այլ եւ նրանից դուրս: Բագրատունի տոհմը, որպէս հինաւուրց մայրի, փոնց իր յայնատարած ճիւղերը հայ եւ հարեւան երկիրների վրայ: Ասաջին փորձն էր կապել հայ, վրացի, ալթայն եւ միւս դրացի ժողովուրդները համերաշխութեան օղակով Բագրատունի հարստութեան հովանու ներքոյ:

Մեծախորհուրդ է, որ վրաց ազգային յիշատակարանը, յայտնի Քարքիլի ցխովրեքան, բացում է այն նշանաւոր յայտարարութեամբ թէ հայ, վրացի, Ալթայն, Միւսքերի, Լեզգի եւ միւս կովկասեան ժողովուրդները կտրում են մի բնտանիք եւ սերում են հսկայ Թորդոմից որ յաղթեց Ներքութին եւ հաստատուեց Արարատի ստորտում:

Վրաց յիշատակարանը իմբողջում է ոչ յատաճ քան ժԱ. դարը, մի այնպիսի ժամանակ, երբ վրաց ազգային ինքնագիտակցութիւնն ու քաղաքական կեանքը մեծ խոյանքի մէջ էր: Շատերին խորթ է թուում որ այսպիսի պայմաններում վրացի զրիչը հնարուոր է գտել խոստովանել եւ տալ հային ասաջնութեան պատիւ: Սակայն պէտք չէ մոտանալ որ յիշատակարանի հեղինակը եկեղեցական անձ է: Որքան եւ կաշկանդուած լինէր նրա միտքն ազգային ինքնասիրութեամբ, նա չէր կարող, փանականին յատուկ բարեպաշտութեամբ, ուրանալ Սուրբ Գրքի հեղինակութիւնը որի համաձայն նորազ մարդկութեան սրբանը Արարատն է, Հայաս-

տանը, չէր կարող անտեսել պատմական ճշմարտութիւնը որ Հայաստանը թէ իր տարածութեամբ եւ թէ անցեալ կեանքով «հանուրց հիւսիսականաց վեհագոյնն» է: Նա քաջածանօթ էր հայ պատմական մատենագրութեան, որի նմանը չունէին գրացիները եւ սրից քաղած նիւթերն եւ ներշնչումները դրալի են նրա առասպելական երկի մէջ: Այս բոլորի հետ հաշուի է առնելու եւ Բագրատունեաց կատարած խաղաբար դերը, նրանց շաղկապող քաղաքականութիւնը: Հայ գաւաղ լինելով, գործեցին Վրաստանում որպէս Վրացի, եւ Ալթայնում ծառայեցին տեղական շահերին: Այն դիտակցութիւնն, որ միեւնոյն կոճղի արեւակից ոստերն են, պահեց նրանց մէջ հաշտ համակեցութեան ոգին եւ սովորական մրցութեան ետանդը երբեք չարատուորուեց արիւնասեղ տեսարաններով եւ ո՛չ էլ երբեմնակի ընդհարումները աւելի մեծ ծաւալ ստացան քան այն յուզումները որ պայթում էին, Ֆէոդալական միջովայրի յատուկ ելակէջներով, միեւնոյն երկրի զանազան տարրերի մէջ: Բագրատունեան շրջանի բարի հարեւանութիւնը եղակի երեւոյթ է, երբ յիշենք մարդկային այն տկարութիւնը որ ամեն տեղ եւ ամեն ժամանակներում գրացի ժողովուրդները համակուած են փոխադարձաբար անբարի պղպայտումներով:

I

Բագրեւանդի արիւնասեղութիւնը 775 թուին հիմը դրեց նոր քաղաքականութեան: Ըմբոստական ցոյցերը տեղի տուին խոհեմութեան: Մամիկոնեան կարմիր զինուորները իջան պատմութեան ասպարէզից: Մուշեղն ընկաւ մարտի դաշտում: Նրա երկու սրբիները փախան Վասպուրական: Վրիժառու թշնամին հարածում էր նրանց: Մեհրուժան Արծրունին սպանեց ամբողջաբար Մամիկոնեան պատանիներին, սեւ անուն թողնելով պատմութեան մէջ: Նրանց քոյրը ստիպուեց ամուսնանալ Ջահապ մուսուլման իշխանի հետ, վերահաս փտանդից փրկուելու համար:

Մամիկոնեան իշխանուհին Արարի հարստանեկան տուգաստում՝ որպիսի սղբերգութիւն է Մուշեղների մարտի տան մէջ:

Քիչ յետոյ կորու նաեւ Կամսարական նշանաւոր տունը: Խաղրաց արչաւանքին, նրանց դէմ ելնելով, մեռաւ Ներսէս Կամսարականը 785 թուին եւ նրանով վերջացաւ Կամսարական տոհմը, Մամիկոնեանների ազգական եւ հուստարիմ

դաշնակիցը: Այս երկու փայլուն աստղերն ընկան դրեթէ մի-
ստամանակ հայ երկնակամարից:

Մնացին Բագրատունիք պատասխանատու դերում մի-
գապատ ապագայի հանդէպ: Ուղին դժուարակոխ էր, թէեւ
նրանց ընտրած քաղաքական թելը թւում էր հաստատ: Քանի
մի սերունդ նոյն ուղիով էին ընթացել: Աշոտ Կոյրի թողած
աւանդին հետեւեցին նրա հօրեղբորորդի Սահակը, եւ սրա
որդի Աշոտը, և այն Բագրատը որ ընկաւ Ներսէս Կամսարա-
կանի հետ Խազարաց եւ Հոնաց դէմ ճակատելով 785 թուին:

Աշոտ Կոյրի որդին Սմբատ ապարապետ մասնակցեց 775
թուի ապստամբութեան, թերեւս, այն պատճառով որ Մա-
միկոնեան փեսայ էր: Մի քայլ էր որ կարող էր վարկարեկել
արարական իշխանութեան առ Բագրատունիներն ունեցած
փստահութիւնը: Իշխանաց իշխան կարգուեց Արարների կող-
մից Տաճատ Անձեւացին որ այդ միջոցին, 782 թուին, թողել
էր բիւզանդական ծառայութիւնը եւ անցել Արարների կող-
մը: Օթման ոստիկանը դժուարանում էր կատարել ամիրա-
պետի կարգադրութիւնը, տեսնելով հայ իշխանների ընդդի-
մութիւնը: «Յղէր դեսպանս առ իշխանն իւրեանց, ասում է
Ղեւոնդ, եթէ ոչ է կամք միաբանութեան նախարարաց Հա-
յոց, եթէ զայր մի ապստամբեալ յիշխանութենէդ քումմէ և
ձեռն տուեալ առ արքայն Յունաց կաղուցանել իշխան ի վե-
րայ այսոցիկ որ նուաճեալ են ընդ իշխանութեամբ քով, դու-
ցէ եւ դաւաճան զօրաց մերոց յինիցի»¹:

Տաճատ Անձեւացին առաջին ապստամբութեան ժամա-
նակ թողել էր հայրենիքը, մտել բիւզանդական բանակը եւ
մեծ հուշակ ստացել քսաներկու տարուայ ծառայութեան ըն-
թացքին: Սրա թեկնածութեան ընդդիմացող իշխանները,
հարկաւ, Բագրատունիներն էին, որ իրենց ժառանգական
իրաւունքն էին համարում իշխանաց իշխանի կոչումը: Ոս-
տիկանը ստիպուած էր տեղի տալ բարձր հրամանին եւ իշ-
խանութիւնը տալ Տաճատին, որ Հարունի անձնական բարե-
կամն էր:

Տաճատ սպանուեց Խազարաց արշաւանքին Բագրատ
Բագրատունու եւ Ներսէս Կամսարականի հետ 785 թուին:
Ասպարէզը մնաց Սմբատի որդիներին:

Սմբատի եղբայրը, ուրեմն Աշոտ Կոյրի միւս որդին,
որ կոչուում էր Վասակ, յիշուում է 775 թուի ապստամբու-
թեան ատեն, բայց յայտնի չէ թէ անմիջական մասնակցու-
թիւն ունեցաւ Բագրատունի կուռին: Վասակ թողեց հայրենի

1 Ղեւոնդ, ԳԼ 1Բ. (Ս. Պետերբուրգ, 1887 թ.):

ամրոցը Դարոյնք, այժմու Բայազիտը, եւ հեռացաւ Տայք:
Սա է, այս Վասակը, Վրաց Բագրատունիների նախահայրը,
ինչպէս կը տեսնենք:

Սմբատ երկու որդի ունէր, Աշոտ որ կոչուեցաւ Մա-
կեր, եւ Շապուհ: Սրանք են, որ սկիզբը դրին Բագրատու-
նեաց մեծութեան: Ի՞նչ պայմաններում և ինչպէ՞ս գործեցին
երկու եղբայրները եւ իրենց յետնորդները, հայ աշխարհի
նորոգ շինարարները:

Սուովարար ցոյցերի հետեւանքով արաբ իշխանութիւնը
հետամուտ եղաւ զօրացնելու արաբական գաղութները Հա-
յաստանում:

Ինչպէս արեւելեան բոլոր աշխարհակալները, ամիրա-
պետները սովորութիւն ունէին ցեղակից գաղութներ հաս-
տատել նուաճուած երկիրներում, որպէս բնական նեցուկ
իրենց տիրապետութեան: Հարկաւ, ամենից առաջ աշխա-
տում էին բռնել խոշոր կենտրոնները և ռազմական նշանա-
կութիւն ունեցող ամրոցները ստուար զինուորական ոյժե-
րով, որոնց յարում էին անմիջապէս իրենց բնտանիքները և
այսպիսով կազմում էին մուսուլման ազդեցիկ համայնքներ:

Հայաստանի, բառիս լայն, արաբական ըմբռնումով,
բոլոր գլխաւոր քաղաքները հոծ արաբական բնակչութիւն
ունէին: Ոչ միայն վարչական եւ զինուորական կենտրոննե-
րը, Դուլին, Պարտաւ, Թիփլիս, Կարին, Խլաթ այլ եւ միւս
խոշոր աւանները, Արճէշ, Բերկրի, Դատուան, Նախճուան,
Հեր, Սալմաս, մուսուլմանների ձեռքին էին:

Ղեւոնդ երէցի ասելով, Եզիզ որդի Ուսադի, որ ոստի-
կան եկաւ Խալիֆ Մանսուրի առաջին տարին, ուրեմն 754
թուին, «աճեալ արս յորդուցն Իսմայէլի բնակեցոյց ի նմա
նոցին ընտանեօք պահել զքաղաքն եւ զգուշանալ ի թշնա-
մեաց»: Եւ կարգեաց նոցա պատրաստութիւն կերակրոց յաշ-
խարհէս Հայոց»:

Երբ Մուշեղ Մամիկոնեան ապստամբելով սպանեց Բագ-
րեւանդում Ապումճուր անուն արաբ պաշտօնեային, նրա
վրայ եկան «յորդուցն Իսմայէլի ի քաղաքէն Կարնոյ որք էին
արք իբրեւ երկերիւր վառեալք կուռ սպառազինութեամբ»:

Սրանց պարտութեան լուրը Դուլին հասնելուն պէս, քա-
ղաքի մուսուլմանները շտապեցին օգնութեան ոմն Ապուն-
ջիպ արաբացու առաջնորդութեամբ եւ ունենալով «ընտիրս
հեծելոց իբրեւ արս չորս հազար» յարձակուեցին Մուշեղի
վրայ:

Հայ ապստամբները պաշարեցին Արճէշ, անշուշտ,
որովհետեւ Արարների կենտրոն էր: Բնակիչները իմաց տը-

ւին Սլաթ արար ոյժերին քաղաքի պաշարման մասին: Արաբական զորքը, Սորասանեան մեծ բանակը, մօտ 30 հազար մարդ, արդէն ժամանել էր Սլաթ: Ապստամբութիւնը ճնշելուց յետոյ, հաւանական է որ հազարաւոր Սորասանցիների մի մասը եւս մնաց Հայաստանում, որպէս մշտական բնակիչ:

Ութերորդ դարի վերջին քառորդին արար իշխանութիւնը մեծաքանակ ցեղեր գաղթեցրեց Հայաստան եւ ետեւէ եզաւ նրանցից կազմելու հողատիրական միութիւններ, որպէս հակակշիւ նախարարական կարգերին:

Արաբական յայտնի եւ ազդեցիկ ցեղերը վաղուց բոյն էին դրել հայկական Միջագետքում, Ամիգի, Եղեսիայի եւ Մծբնի շրջաններում: Անապատի որդիները դիւրաւ տապալեցին Մասանեանների աշխարհաստան պետութիւնը մասամբ այն պատճառով, որ ցեղական յենարաններ ունէին պիտուոր ձանապարհների վրայ: Դարերի բնթացքում արաբական հեղեղը հասել էր կամացուկ եւ լճացել Եփրատ եւ Տիգրիս գետերի տափաստաններում, ծնունդ տալով մեծամեծ իշխանական տներ, որ բնական հանգրուաններ դարձան նորեկ աշխարհակալների համար:

Հիւսիսային Միջագետքը, չին Ասորեստանը, որ Արարները կոչում էին Անգիրա «կղզի», բաժանուած էր երեք շրջանի՝ Դիար-բակր, Դիար-Ռաբիա եւ Դիար-Մուդար: Դիար յաջնակի ձևն է Կար բառի որ նշանակում է «բնակութիւն», իսկ Բակր, Ռաբիա եւ Մուդար արարական նշանաւոր ցեղեր են, որ գրաւել էին այդ շրջանները: Առաջնի կենտրոնն է Ամիգ, որ ցայժմ էլ պահել է արարական Դիարբակր կամ Քուրք արտասանութեամբ Դիարբեքիր անունը, երկրորդի՝ Մծբնի եւ երրորդի՝ Եղեսիա կամ Ուսա (Քուրբերէն՝ Ուրֆա):

Արարները, յայտնի է, բաժանուած էին երկու մեծ հատուածի՝ հիւսիսային, որ կոչուած է Նիգար, եւ հարաւային՝ Եաման կամ չին գրութեամբ Յաման: Յիշեալ երեք ցեղերը պատկանում են հիւսիսային հատուածին: Սրանցից շատ յատաջ Միջագետքում հաստատուել էին Եաման կամ Եմեն հատուածին պատկանեալ ցեղեր, որոնց թոււմ Տայ ցեղը: Այսպէս են կոչուած Ասորիները Արարների: Նոյն Տայ անունից է ծագում եւ պարսկական Տանիկ բառը, ընդունւած մեզ մօտ:

Թոււմ է թէ ամենահին գաղթականութիւնը Հայաստանում հարաւային կամ Եաման ցեղիցն էր: Սրանք կողմնակից էին Օսմայեան տան, մինչդեռ Նիգար ցեղը պաշտպան էր Արասեան խալիֆներին:

Մեր պատմագէտները յիշում են Յամանիկ իշխան արաբացի Պարտաւ քաղաքում: Երեւում է որ Յամանիկ գաղութ է եղել Աղուանից մայրաքաղաքի շրջանում: Հաւանական է նաեւ որ գաղութը Օսմայեանների ժամանակներից լինի, նկատի առնելով այդ ցեղը համակրութիւնը Օսմայեան խալիֆներին:

Աւելի դրական տեղեկութիւն կայ Նիգար ցեղի մասին: Հարուն ալ Ռաշիդի առաջին տարին, ուրեմն 786 թուին, սասիկան եկաւ Իւսուֆ իբն Ռաշիդ սու-Սուլամի, որը մեծ գաղթականութիւն բերեց Նիգար ցեղից: Մեծ հատուածներ կային նմանապէս Բակր եւ Մուդար ցեղերից: Բակրի արիւն ունէր Շայբանի տոհմը, որ հաստատուած էր Ամիգ եւ զորանալով ձգտում էր ձեռք դնել մերձակայ հայ հողերի վրայ: Կուսակալութեան պաշտօնը, որ յաճախ արոււմ է այդ տոհմի ներկայացուցիչներին, նպաստուոր միջոց էր նրանց զօրացման:

Շայբանի տոհմից էր Եզիդ իբն Մագխադ, որ երեք անգամ կուսակալ նշանակուեց Հայաստան 775-800 տարիների ընթացքին: Առաջին կուսակալութեան ժամանակ, մօտ 787 թուին, տեղափոխեց Հայաստան Ռաբիա ցեղից մեծ բազմութիւն: Բակր ցեղը, որին պատկանում էր ինքը, մի ճիւղաւորումն էր Ռաբիայի, ուրեմն, իր ցեղակիցներին էր բերել հաստատելու Հայաստան, ամբացնելով նրանց միջոցով եւ իր տոհմի ազդեցութիւնը:

Իսկ Եզիդի յաջորդ Արդալ Կաբիրը գաղթականութիւն հանեց Մուդար ցեղից նմանապէս մեծ չափով: Այս ցեղը մի քանի ճիւղեր ունէր, որոնց մէջ յայտնի էին մանաւանդ Կայս եւ Ուրման: Կայս տարածուած ցեղ էր եւ այնքան ազդեցիկ, որ երբեմն նրա անունով էր կոչոււմ ամբողջ Նիգար խումբը:

Արդալ Կաբիր սասիկանի բերած գաղթականները Կայս եւ Ութման ցեղերիցն էին, որ մեր հեղինակների մօտ կոչոււմ են Կայսիկ եւ Ութմանիկ (ինչպէս Տաճիկ, Պարսիկ, Սուժիկ): Կայսիկները հաստատուեցին Ապահուենայ դաւառում, կենտրոն ունենալով Մանազկերտ, այժմ Մելազկերտ, քաղաքը, իսկ Ութմանիկները՝ նրանց հարեւան Ասրերանի դաւառում, Բերկրի քաղաքի եւ Ամիկ բերդի սահմաններում:

Սերէոս պատմիչը հաւատացնում է որ տակաւին Թէոդորոս Ռշտունիի օրով արար զինուորները հաստատուեցին Ասրերանի դաւառում: Բիւզանդական Մաւրիան զօրավարի Կէմ Ռշտունի իշխանը որպէս թէ խնդրած էր Արարներից օգնական զօրք եւ Մաւրիանին վանելուց յետոյ բնակեցրել էր եօթն հազար արար զինուորներ Ասրերանի եւ Աղիովիտ, այսինքն

այն շրջանում, ուր ոտ դրին Կայսրիկ եւ Ութմանիկ ցեղերը: Դժուար թէ Ռչտունի իշխանի ժամանակակից արարական գաղութը յարատեւած լինի մինչեւ Կայսրիկների գալուստը: Հաւանորէն, երբ Ռչտունուց յետոյ Հայաստանը նորէն ինկզանդիոնին անցաւ, Արարները հեռացան կամ ոչնչացան: Նրանց մասին խօսք չկայ հետագայ դարերի շարժումների ժամանակ:

Յամանիկ եւ Նիզար ցեղերը բերել էին իրենց նոր բնակավայրը իրենց հին փոխադարձ ատելութիւնը եւ թշնամութիւնը: Ի՞նչ գժտութիւններ էին ծնել նրանց մէջ, յայտնի չէ: Հաւաստի է միայն այն, որ նոյն եզրիք Բ Մագիադ Շայրանի, որ Նիզարներին բերել էր Հայաստան, նորէն կուսակալ գալով, մերձ 799 թուին, ստիպուած էր մեղմացնել եւ հաշտեցնել Նիզար եւ Յաման ցեղերը:

Այս տեղեկութիւնները ստոյգ են, որովհետեւ ծագում են արար Եակուբի մատենագրից, որ երկար տարիներ ապրել է Հայաստանում և քաջածանօթ է տեղական պատմութեան¹:

Այսպէս, ուրեմն, Հարուն ալ Ռաշիդի օրով (786-809) երեք յաջորդական ոստիկան բերեցին Հայաստան երեք ցեղերից զանգուածներ, Նիզար, Ռաբիա եւ Մուզար:

Թուում է որ հոսանքը չզաղարեց և հետեւեալ դարում: Նոյն եզրիքի որդին Սալիդ երկու անգամ ոստիկան նշանակուեց Հայաստան 830 եւ 843-844 թուերին եւ երկու անգամն էլ իր պաշտօնատեղին եկաւ Ռաբիա ցեղի բազմութեամբ: Սրանց մի մասը, հաւանական է, մնացած լինի երկրում: Նրան է վերադրուում Գանձակ քաղաքի շինութիւնը, որ պէտք է հասկանալ վերաշինութեան մտքով²: Անբնական չէ, որ նոր քաղաքում արար բնակչութիւն թողած լինէր:

Տիրահռչակ Բուղա զօրավարը եւս իր հետ արար գերդաստաններ էր բերել, ինչպէս վկայում է թովմա Արծրունին. «սկսան այնուհետեւ աներկիւղ համարձակութեամբ սփռել տարածանել ի վերայ երեսաց երկրիս ամենայն ազգքն տաճկաց որ ելեալ էին գհետ նորա (Բուղայի) ընտանեօք իւրեանց, և ձեռնամուխ եղեն բաժանել զերկիրն յինքեանս»³:

Սմիդ քաղաքի Շայրանի տոհմին հարեւան էր մի ուրիշ մուսուլման իշխանական տուն, որ մեր մատենագիրները կոչում են Չորահա, իսկ Արարացիք՝ Չուրարա: Այս տան ոստանն էր Արզն, Աղձնիքի գլխաւոր քաղաքը, նրա ձեռքն էր նաեւ Նիբրկերտ (այժմ Մուֆարդին) և Բաղէշ: Շայրան տոհ-

1 Marquart, Osteuropäische und Ostasiatische Streifzüge, p. 453.
 2 Մովսէս Կազանկ. Գ. 41. Ի.
 3 Թովմա Արծրունի, Գ. Ե, էջ 170 (Կ. Գօլիս, 1852):

մի հարեւանութիւնը վտանգաւոր էր եւ մշտական սպառնալիք, ուստի Չուրարի որդիք հակամէտ էին մշակելու բարի յարաբերութիւն հայ իշխանների հետ:

Արարները միակ օտարամուտ տարրերը չէին:

Ութերորդ դարի կէսին Հուսեօս կամ Մաջար ժողովրդեան մի հատուած, ձեղքելով կովկասեան շղթան, եկաւ հեռաւոր հիւսիսից եւ հաստատուեց Ուտեաց աշխարհի սահմաններում: Իրանք յայտնի են մեր մատենագիրների մօտ Սեւորդիք անունով: Սակայն, յաջորդ թ դարում սրանք արդէն ձուլուել էին Հայերի հետ եւ աւելի դաշնակից էին ընդդէմ Արարների, քան թշնամի:

Իններորդ դարի կէսին զօրավար Բուղա բաց արաւ Դերբենդի պահակը եւ 300 ընտանիք խազար ժողովրդից բերեց եւ բնակեցրեց Շամքորի շրջանում: Իսկ Դարիալի (Արանաց դուռն) մօտերքից բերեց նոյնքան Օս ընտանիք եւ հաստատեց Դմանիս¹:

Կարեւորը եւ վտանգաւորը, սակայն, արար բնակչութիւնն էր թէ՛ քանակով եւ թէ՛ քաղաքական արժէքով: Քաղաքները, երկրի այդ զարկերակները, նրանց ձեռքն էին: Եւ որովհետեւ քաղաքները կապուած էին միմեանց կանոնաւոր ճանապարհներով, ուստի արար դաղթականութիւնը աւելի սերտ եւ կազմ միութիւն էր, քան անջատ եւ անմատոյց ամրոցներում փակուած նախարարական ոյժերը:

Ղեւնդ Երէցը յիշում է արժունի պողոտայ, որով հասկանալու է պետութեան կողմից խնամուած ճանապարհ: Ոստիկանական մայրաքաղաքից, Դուրիից, մի շարք գծեր տանում էին դէպի երկրի ծայրերը.

Դուրին, Մանազկերտ, Արճէշ, Սլաթ:

Դուրին, Նախճուան, Հեր, Արտաւիլ:

Դուրին, Սիսական, Կաղանկատու, Պարտաւ:

Դուրին, Բագարան, Կարին:

Պարտաւ միացած էր նաեւ կարեւոր կենտրոնների՝ Թիփլիսի, Դերբենդի, Վարդանակերտի եւ Արտաւիլի հետ:

Հայկական բարձրաւանդակի երկու նշանաւոր դռները, Սլաթ եւ Նախճուան, բաց էին եւ դիւրին էր ի դէպ հարկի զօրամասեր հանել Ատրպատականի եւ Միջագետքի բանակներից եւ շարժել երկրի ներսը:

Մոռանալու չէ նաեւ, որ քաղաքացի արարները լաւ կազմակերպուած էին: Իւրաքանչիւր քաղաք ինքնավար համայնք էր յատուկ ազգապետի եւ դատաւորի առաջնորդու-

1 Brosset, Histoire de la Géorgie, I, 266.

Թեան տակ: Իսկ հողատէր բազմութիւնները, ինչպէս Կայսիկ եւ Ութմանիկ ցեղերը, հաստատեցին իշխանական տներ: Կայսիկների իշխանական տոհմը կոչոււմ էր Ջահապ, արարերէին Ջահաֆի, (որ իսկապէս իրանական Շահապն է) սկիզբն առնելով այն անձից, որ փեսայացաւ Մամիկոնեանց:

Օտարամուտ համայնքները բարեկամ չէին տեղական շահերի: Նրանք պտուտակներ էին պետութեան վարչական մեքենայի եւ պատրաստ էին ամեն կերպ պիտանի լինել երկրի արաբ պաշտօնէութեան: Երբ խուժոււմ էին արաբական զորքերը, նրանք էին առաջնորդոււմ: Եթէ հարկաւոր էր ամբաստանել կառավարութեան առաջ որեւէ անախորժ հայ իշխան, յօժարակամ վկաները դարձեալ տեղացի արաբ բնակիչներն էին: «Տաճիկը Հայաստանեայց, որ բնակեալ էին ի կողմանս կողմանս աշխարհիս առաջնորդէին Բուհայի ի մուտ և ելս աշխարհիս», գոչոււմ է Թովմա Արծրունին: «Ամբաստան յոյժ լինէր (Աբուսեթ) զԱշոտոյ հանդերձ թղթովք Տաճկաց որք էին ի կողմանս Հայոց», վկայոււմ է դարձեալ նոյն պատմագիրը:

Արաբ գաղութները կատարեալ որոգայթներ էին, լարած երկրի սրտոււմ: Առանձին կեցուածք ու քայլուածք, առանձին շարժ ու ձեւ էր հարկաւոր հայ ղեկավար ոյժերի կողմից այն կատաղի պայքարոււմ, որ սկսուեց Հայաստանում ընդդէմ արաբական բռնութեան իններորդ դարու սկզբում և որ նոյն դարու վերջում այնպէս էր քաղաքական ազատութեան:

II

Աշոտ Մսակերն էր այն մեծ անձը, որ իր եղբոր Շապուհի հետ հանեց երկիրը վհատ եւ լքուած վիճակից եւ մեծագործ հիմնադիրն եղաւ նոր եւ լուսաւոր շրջանի:

Սմբատ սպարապետի, 775 թուի զոհերից մէկի, որդիքն էին: Երկար ժամանակ ապրում էին անյայտութեան մէջ: Արդեօք պատահող էին ամիրապետի արքունիքում թէ ապաստանել էին հեռու Սպեր գաւառը, խուսափելով Արարների վրէժխնդրութիւնից, եւ խոհուն լուսութեան մէջ պատրաստոււմ էին առաջիկայ պայքարին: Նրանց հօրեղբայր Վասակը նմանապէս քաշուել էր Տայք, որտեղից հիմը պիտի դնէր Վրաց քաղաքական վերածնունդի:

Աշոտը կոչոււմ է Մսակեր գուլջ այնպէս, ինչպէս Արծրունի իշխաններից մէկը կոչոււմ էր Կովակեր: Հնարաւոր է նաեւ, որ հակապահեցողական ազատամտութեան արդիւնք է

այս յորջորջումը: Յայտնի է Աշոտի յարաբերութիւնը Սաւանի եպիսկոպոս Թէոդոր Աբիկուրայի հետ կրօնական խընդիրների առթիւ:

Աշոտի առաջին գործը եղաւ նոր եւ ապահով ոստանի հոգսը: Բագրատունեաց բնիկ ոստանը Դարոյնքն էր, այժմեան Բայազիտը, Կոգովիտ գաւառում, Մասիսի ստորտում: Դարոյնքի ապահովութիւնը վտանգուել էր եւ ռազմազիտական արժէքը նսեմացել այն օրից, երբ արաբ ցեղերը, Կայսիկ եւ Ութմանիկ, եկել եւ հաստատուել էին հարեւան Հարք եւ Ապահունիք գաւառներում: Մի կողմից սրանք միւս կողմից ոստիկանական Դուիներ մշտական պահակազօրքով, մէջտեղը Դարոյնքն էր երկուստեք հարուածի տակ: Հայրենի միւս կալուածը Սպեր հեռու էր եւ անապահով Բիւզանդիայի կողմից:

Դարոյնք եւ Սպեր, մէկը մօտ Արեւելեան մեծ պետութեան, միւսը՝ Արեւմտեան, Բագրատունի տոհմի երկու ոտներն էին, ամուր կռուանները, որոնց յենոււմ էին փոփոխակի, նայելով թէ ո՞ր պետութեան դէմ էին ծառանում եւ որի՞ն ծառայում: Դարոյնք այժմ կորցրել էր իր նշանակութիւնը յիշեալ պատճառով:

Տեսանք, որ 775 թուին մեռաւ Սագրաց դէմ պատերազմելիս Ներսէս Կամսարական: Այնուհետեւ Կամսարական իշխաններ չեն յիշոււմ: Պէտք է ենթադրել որ տոհմը սպառուել էր: Աշոտ Մսակերն օգտուեց այս հանգամանքից եւ Կամսարականների ժառանգներից գնեց Արչարունիքի մի մասը, ուր Բագարանն էր, եւ հաստատուեց այնտեղ:

Անակնկալ խոչընդոտ: Արչարունիքի մի մասը Արտազերս հռչակաւոր ամրոցով պատկանում էր Մամիկոնեաններին: Այստեղ էր ամրացած Մուշեղ Մամիկոնեան իր ընտանիքով, Բագրեւանդի ճակատի հերոսը: Արաբ Ջահապ իշխանը, այն որ ամուսնացել էր Մուշեղի դուստրներից մէկի հետ, «յափշտակեալ էր մասն ինչ յԱրչարունեաց եւ խորհէր տիրել ի ձեռն կնոջն բոլոր աշխարհին»:

Ջահապ եկուոր արաբ ցեղերի պետն էր, որոնց պատճառով Աշոտ իր հայրենի ոստան Դարոյնքից քաշուել էր Բագարան: Այս անախորժ հարեւանութիւնն այժմ հետապնդում էր նրան, որ անհանդուրժելի էր: Աշոտ, իր եղբոր Շապուհի հետ, ընդդիմացան Ջահապի յաւակնութեան: Ոչ միայն տիրացան Արչարունիքին, այլ եւ «ելեալք զկողմամբքն Շիրակայ հարին զզօրսն Իսմայէլի որ անդ եւ գրաւեցին յինքեանս զՇիրակ եւ զԱշոցք եւ զգաւառն Տայոց»¹:

1 Վարդան, ՍԱ (= Շապուհ Բագրատունուց):

Ասել է թէ Բագրատունի եղբայրները ձեռք բերին Ախուրեանի ամբողջ հովիտը եւ Տայք, եւ քանի որ Դարոյնք եւս չթողին, ուրեմն նրանց երկիրը տարածուած էր Կողովիտից մինչեւ Սպեր: Այս յաջողութեան համար է, որ Աշոտ կոչուած է նաեւ քաջ:

Ուղիղ հարիւր տարի առաջ Աշոտի նախնիքներից մէկը, Սմբատ Բիւրատեան, թողել էր Դարոյնք եւ հաստատուել Տայքի թուխար բերդում, «որպէս զգուշութիւն ի Իսմայելյացոց»¹:

Կայսիկ եւ Ութմանիկ Արաբները ցանկալի հարեւաններ չէին բնաւ:

Գնունեաց տունը, որ ապրում էր Աղիովիտ գաւառում, չուտով զգաց նոր դրացիութեան դառնութիւնը եւ դիմեց Աշոտին: Հազար մարդով Աշոտ մտաւ Աղիովիտ, հանեց Գնունեաց տոհմը, տարաւ բնակեցրեց Տայք:

Այս կտրուկ միջոցը բացատրելու է նրանով, որ Գնունիք նեղուած էին ոչ միայն հարեւան արաբացիներից, այլ և արաբ իշխանութիւնից: Մոռանալու չէ, որ նրանք եւս մասնակցել էին Մամիկոնեանց ապստամբութեան ի դէմս Վահան Գնունու, որ կոչուած էր Դաշնակ (երաժի՞շտ):

Նոյն ժամանակները տեղի ունեցաւ նաեւ Շապուհ եւ Համամ Ամատունեաց իշխանների գաղթը 12 հազար մարդով դէպի Տայք, այնտեղից Պարխար լեռները: Այրուծին եւ իշխանները մտան բիւզանդական բանակը, իսկ հասարակ ժողովուրդը հաստատուեց այնտեղ, որ ցայժմ էլ կոչուած է Համչէն, այսինքն Համամաչէն, Շապուհի որդու Համամի անունով: Եթէ ստոյգ է, որ Ամատունիք ապրում էին Արտազի շրջանում, անհաւանական չէ ընդունել, որ այս չուն եւս արդիւնք էր նոյն վատ հարեւանութեան մի կողմից Կայսիկ ցեղի, միւս կողմից Դուինի արաբների:

Աշոտի եւ Շապուհի առաջին նուաճողական փորձերը յաջողեցին: Հանգամանքները նպաստաւոր էին: Հայ շարժման հետ զուգարար ընթանում էր պարսկականը: Յուզումները բազմանում էին եւ պատրաստում էին մեծ փոթորիկ: Աբբասեան հարստութեան յաղթանակը կատարուած էր պարսիկ ոյժերի օժանդակութեամբ: Իրանական ազդեցութիւնը աճում էր հետզհետէ:

Առաջին խռովութիւնն ընդդէմ Օմմայեան տան ի նըպաստ Աբասեանների, որ տեղի ունեցաւ Պորասանում, ոմն Աբու-Մուսլիմ պարսիկի գործն էր: Հարուն ալ Ռաշիդի օրով

1 Ղեւնդ, էջ 26 (Ս. Գեորգիւրով, 1887 թ.):

Աբու-Մուսլիմի քարտուղարը Ատա ալ Մուկանա խմորեց քաղաքական մեծ շարժում ընդդէմ Արաբների, թագնուելով կրօնական վարագոյրի ետեւ:

Ատա հռչակեց ինքն իրեն որպէս մարմնացեալ աստուած: Նրա գործունէութեան ասպարէզը արաբական Հայաստանի արեւելեան ծայրերն էին աւելի քան բուն Ատրպատականը: Փայտակարանն էր նոր աստուծու ընտրեալ վայրը, արաբական Բայլական քաղաքը, որ գտնուում էր Պարտաւից 14 փարսախ հեռաւորութեան վրայ դէպի Երասխի ուղղութեամբ:

Արաբ փորձառու զօրավարները եկան պատժելու օտարոտի աղանդաւորին: Չկարողացան: Վարդանակերտի մօտ ճակատեցին, յաղթեց Ատա և գնաց ու առաւ Քալաթ ալ Կիլաբ (չների բերդ) կոչուած ամրոցը, որ Սիւնիքի սահմաններում է որոնելու: Պարտաւից նոր զօրք եկաւ, դարձեալ ձախողեց եւ զօրապետները ընկան կուում:

Ատա ալ Մուկանա խրախուսուած արշաւեց Դուին եւ պաշարուած պահեց չորս ամիս: Եւ դարձաւ Բայլական:

Հարուն ալ Ռաշիդ դրկեց իր երկու նշանաւոր զօրավարներին, մեզ ծանօթ Եզիդ բ. Մագիադ ալ Շարայնի եւ Շահեա ալ Հարաշի: Մէկը մտաւ Ատրպատական 12 հազարանոց զընդով, միւսը՝ Հայաստան 10 հազար մարդով: Երկուսը միացան յարձակուելու աղանդաւորի վրայ: Սակայն Ատա մեռել էր արդէն եւ նրան յաջորդել Բայլականցի ոմն Սական, աղանդաւորի մերձաւոր բարեկամը:

Առաջին անյաջողութիւնից յետոյ Բայլականցիք լքեցին ապստամբներին եւ ընդունեցին քաղաք ամիրապետի զօրավարներին: Սական փախաւ Քալաթ ալ Կիլաբ ամրոցը, բայց յետոյ ստիպուեց զէնքը վայր դնել եւ ներում խնդրել խալիֆի զօրավարներից: Եզիդ բ. Մագիադ բարուք համարեց զրկել նրան ամիրապետին: Երկիրը խաղաղեց:

Պառնակ դրութիւնից օգտուելով անձնական հաշիւներ էին յարդարում իրար յաջորդող կուսակալները եւ քաղաքապետները: Հիւսիսային անհանգիստ հարեւանները՝ Պաղարները եւ Ծանարք եւս գլուխ բարձրացրին եւ պատեհ առիթ համարեցին հարաւ սուրալու աւարառութեան նպատակով:

Այս պայմաններում, երբ խալիֆի մտահոգութիւնը կենտրոնացած էր այլուր, Աշոտ եւ Շապուհ կարող էին հարուածել մուսուլման Ջահապին, առանց վախենալու խալիֆի բարկութիւնից:

Ռաշիդի մահից յետոյ ծագեցին գահակալական աղմուկներ: Նրա ցանկութիւնն էր բաժանել պետութիւնը իր

երեք որդիների մէջ: Սահայն Ամին, որ ծնուած էր իշխանուհի մօրից, յաջողեց գրաւել գահը (809-813): Մամուն սպանեց նրան եւ խլեց իշխանութիւնը: Նոր խոսովութեանց դուռը բացուեց:

Նոր գահակալը Հայաստանի եւ Ատրպատականի կուսակալութիւնը յանձնեց Տահիր իբն Մուհամմատ աս Սանանի: Այդ ժամանակ Հայաստանում կուսակալ էր Իսհակ բին Սուլիման ալ Հարաչի, նշանակուած սպանուած ամիրապետի կողմից: Սա չանսաց նոր խալիֆի հրամանին եւ չուզեց զիջանել երկիրը նորեկ կուսակալին: Կուսակցական յուզումներ բարձրացան նոր եւ հին խալիֆի, նոր եւ հին կուսակալների շուրջը:

Տահիր աս Սանանի Ատրպատականի Վարդանակերտ կամ Վարթան, ինչպէս Արաբներն են ասում, քաղաքը ժամանելով, բանակցութեան մէջ մտաւ հայ սպարապետների եւ իշխանների հետ եւ սրանք ընդունեցին Մամունի իշխանութիւնը: Հաւանօրէն, խօսքը Աշոտի եւ Շապուհի մասին է:

Սրանց հակառակ, Իսհակ բին Սուլիմանի կողմը բռնեցին այն քաղաքները որ ազանդաւոր Ատա ալ Մոկանայի առաջնորդութեամբ ապստամբել էին խալիֆի դէմ, եւ ամենից առաջ Բայլականը: Իսհակի կուսակից յայտարարեցին իրենք իրենց նաեւ Ներսէս և Աբդ ալ Ռահման տեղական իշխանները¹:

Ոստիկանական մայրաքաղաք Պարտաւ Տահիրի կողմն էր: Ուստի Իսհակ բին Սուլիմանը յարձակուեց Պարտաւի վերայ, բայց պարտուեց Տահիրի ղրկած զօրքերից եւ փախաւ, թողնելով իր որդուն թշնամու ձեռքին գերի:

Ահա այդ ժամանակ է որ Տահիրի դէմ դուրս եկաւ Աբդ ալ Մելիք ալ Ջահաֆի, որ ոչ այլ ոք է, բայց եթէ որդի մեզ արդէն ծանօթ Ջահապ իշխանի, հակառակորդի Աշոտի եւ Շապուհի:

Բայլականցիք քաջալերուած արշաւեցին Պարտաւի վերայ եւ պաշարեցին այնտեղ Տահիրին: Շուտով օգնութիւն հասաւ ամիրապետից: Տահիր ազատուեց: Ինչ որ զարմանալի է, Աբդ ալ Մելիք ալ Ջահաֆի պատիժ չկրեց իր ըմբոստութեան համար, այլ ներման արժանացաւ: Կարգը վերահաստատուեց երկրի մէջ:

Այս թանկագին տեղեկութիւնները, որ պարտական ենք

1 Սրանց հետ էին նաեւ Օմար եւ Հազուն, որ թերեւս մի անձի անուն է և խանգարուած: Գուցէ կարգալու է Համգա Արզուն, այսինքն Համգա Արծրունի: Յայտնի է որ Աշոտ Արծրունին, Բուղայի գոհերից մինը, կոչուած էր որդի Համգայի: Թերեւս, խօսքն այս անձի մասին է:

նոյն արաբ Եակուբի մատենագրին, լոյս են սփռում Վարդան պատմիչի հակիրճ խօսքի վրայ, որ քաղուած է Շապուհ Բագրատունու, անցքերին ժամանակակից հեղինակի, պատմական երկից. «Իսկ Ջահապն ապստամբեալ յիւրմէ իշխանէն գայ նստի ի Դուլին բռնութեամբ որդուով իւրով Աբդալալու»¹:

Քիչ յետոյ պատմագիրը դաւնալով Ջահապին հաղորդում է, որ Ջահապի տունը զօրացաւ Դուլինում այնքան, որ հինգ հազար զօրքով կամեցաւ գնալ Տարօնի վրայ, որ պատկանում էր Աշոտ իշխանին, այսինքն Մասիերին: «Ողջախոհ եւ քաջ» Աշոտ առանց սպասելու զօրքերի հաւաքման, երկու հարիւր ձիաւոր եւ երեք հարիւր հետեւակ մարդով յարձակուեց Ջահապի որդու վրայ, կոտորեց նրա զօրքերից երեք հազար հոգի եւ աւարի տուաւ բանակը: Միեւնոյն ժամանակ Շապուհ, Աշոտի եղբայրը, ասպատակեց Դուլինի կողմերը եւ աւարով դարձաւ: Մինչ քաղաքից դուրս են գալիս զօրքերը հետապնդելու Շապուհին, քաղաքացիք յարձակուում են Աբդ ալ Մելիքի վրայ եւ սպանում: Լքուած զօրքերը ցրում են:

Ջահապ իշխանը հաստատուած էր Ապահունիք: Մամունի գահակալութեան առթիւ ծագած կուսակալական հակառակութիւններից օգտուելով Ջահապի որդին, Աբդ ալ Մելիք, ձեռք էր դրել Դուլինի վրայ, կամենալով ապահովել իր բնիկ կալուածը Ապահունիք, նաեւ արեւմտեան կողմից, ուր բնկնում էր Տարօն նոյն Արածանի գետի հովտում: Աբդ ալ Մելիք աչք է ածում Տարօնի վրայ: Բայց չի յաջողում եւ ինքն էլ զոհ է գնում իր բռնութեան:

Այստեղից հետեւում է, որ Աշոտի եւ Ջահապի մրցութիւնը՝ տիրանալու հայ երկրին, շարունակուում էր եւ ներքին խուլ մաքառումը պայթում էր երբեմն պատերազմով: Երեւում է նաեւ, որ բախտի ժպիտը Ջահապի երեսին չէր, եւ որ Աշոտ յաջողել էր տիրանալ Տարօն գաւառին:

Յաջորդ հերթական ընդհարումը Աբդ ալ Մելիքի ժառանգ Սեւադայի հետ էր: Հաշիմից յետոյ կուսակալ է գալիս Հատիմ իբն Հարթամա իբն Այան: Քիչ յետոյ նա լսում է որ Մամուն ամիրապետը սպանել է իր հօրը՝ Հարթամին: Մամուն յաղթել էր իր եղբօրը չնորհիւ Պարսիկների: Նրա արքունիքում զօրացել էր պարսկական ազգային հոսանքը ընդդէմ արաբական կուսակցութեան: Հարթամի մահը վերագրւում էր պարսիկ ազդեցութեան: Սպանուածի որդին Հատիմ ապստամբեց խալիֆի դէմ, թողեց Պարտաւ քաղաքը եւ

1 Վարդան, էջ 77:

քաշուեց Վրաստան: Հօր սպանութիւնը տեղի ունեցաւ 201 հիշրի = 816-817 թուին: Ապստամբութիւնն ուրեմն այս ժամանակներն էր, հաւանաբար հետեւեալ 817-818 թուին:

Հատիմ կոչ է անում երկրի իշխաններին եւ «Հայ ժողովրդի պետերին», այլ եւ բանակցութեան մէջ է մտնում Բարեկ, Հայ հեղինակների Բարան, աղանդաւորի հետ, որ Սուլամեան կոչուած կրօնական շարժման գլուխն անցած սպառնում էր արար իշխանութեան նոր եւ վտանգաւոր ցընցումով:

Ապստամբ Հատիմի տեղ եկաւ կուսակալութեան պաշտօնով Եահեա իրն Մուադ 204 հիշրի = 819-820 թ. քանի անգամ ճակատեց, բայց միշտ անյաջող: Օգնական զօրքով զրկուեց խալիֆ Մամունի կողմից Իսա իրն Մուհամմադ 205 հիշրի = 820-821 թուին: Սա եւս պարտուեց եւ թողեց Ատրրպատականը, ուր տեղի ունեցան կռիւներ ընդդէմ Բարեկի եւ եկաւ Հայաստան:

Այստեղ Սեւադա իրն Արդ ալ Համիդ ալ Ջահաֆի նոյնպէս ըմբոստացած էր կենտրոնական իշխանութեան դէմ: Իսա իրն Մուհամմադ խոստանում է նրան տալ Հայաստանի կուսակալութիւնը, միայն թէ ետ կենայ չար մտքից: Սակայն Սեւադա խուլ մնաց: Իսա ելաւ նրա դէմ եւ ընկճեց զէնքի ոյժով:

Մրանից յետոյ է, որ Սեւադան ընդհարուեց Աշոտի եւ Շապուհի հետ: «Իսկ Սեւադա ոմն ի տանէ Ջահապայ չորիւք հազարօք կուուեալ ընդ Աշոտոյ եւ ընդ եղբօր իւրում Շապհոյ, մեռաւ Շապուհ ի պատերազմին եւ զկնի երկուց ամաց մեռաւ Աշոտ ի տան իւրում եւ ա՛ռ զիշխանութիւնն Սմբատ որդի նորա»:

Ասողիկի վկայութեամբ Աշոտ իշխեց քսան տարի: Աղբիւրը Շապուհ Բագրատունին է, ուրեմն, վստահելի: Հարուն ալ Ռաշիդ մեծ արչաւանք սկսեց Բիւզանդիայի դէմ 806 թուականին¹: Անհաւանական է, որ իր թիկունքը ապահովելու համար Հայաստանում, իշխանութիւնը յանձնած լինի Աշոտին հէնց նոյն տարին: Այս հաշուով Աշոտը մեռած պիտի լինի քսան տարի իշխանութիւնից յետոյ 826 թուին: Նրա եղբայր Շապուհը մեռաւ երկու տարի յառաջ Սեւադայի դէմ կռուելիս, ուրեմն կռիւր եւ մահը տեղի ունեցան 824 թուին: Իբրձեալ Ասողիկից գիտենք, որ Աշոտի որդին Սմբատ պատանդ էր դրուած խալիֆի դրան եւ վերադարձաւ հայոց

275 թուին, որ է Քրիստոսի 826: Եթէ իշխանի դարձը կապ ունի հօր մահուան հետ, ապա իրաւ է որ Աշոտ մեռել է նոյն տարին:

Որպէսզի Հարուն հիմ ունենար Աշոտին իշխանութեան կոչելու 806 թուին, պէտք է որ նա արդէն անուն հանած եւ ազդեցիկ անձն լինէր երկրում: Սխալ էլ լինի ենթադրել, որ Աշոտի առաջին գործերը, մանաւանդ Ջահապի դէմ մղած կռիւր Արշարունիքի համար, յառաջ են քան 806 թիւը եւ կատարուել են, ինչպէս յիշեցինք վերեւ, Ատա հերձուածողի շարժման նպաստաւոր մթնոլորտում:

Վարդանի ասելով, Աշոտ եւ Շապուհ «հասարակ բաժանեցին գհայրենիս իւրեանց»: Շապուհին բաժին էր ընկել Սպեր գաւառը, ուր 837 թուին Թէոփիլ կայսրը նրա որդի Աշոտին պատրկութեան պատիւ տուաւ: Տարօնը Աշոտի իշխանութեան մէջ էր:

Երբ Ջահապը իր որդի Արդ ալ Մելիքի հետ բռնացել էր Դուինում, Վրաց երկրի իշխան Աշոտը, որ կիւրապաղատութեան պատիւ ունէր, Լեւոն Հայկազն (813-820) կայսրին դիմեց օգնութեան ընդդէմ արար իշխանների, բայց չյաջողեց: Սա Մսակերի ազգակիցն էր, նրա հօրեղբօր թոռը եւ իշխում էր Կղարջքում:

Արդեօ՞ք սրա խեթալը Դուինի բռնաւորի վրայ արեւակցական պարտք էր հանդէպ Մսակերի, թէ որեւէ յաւակնութիւն ունէր մերձակայ հողերի վրայ: Հաւանական է առաջին ենթադրութիւնը, քանի որ Մսակերը հաստատուած էր Բագարան: Աշոտի միջամտութիւնը նշան է, որ տոհմական կապերը տակաւին սերտ էին Կղարջքի եւ Շիրակի Բագրատունիների մէջ:

Աշոտ Մսակեր եւ Շապուհ տիրացել էին ոչ միայն Տարօնին, այլ եւ Մոկաց աշխարհին: Թովմա Արծրունին գիտէ Սմբատ եւ Մուշեղ Մոկաց իշխեցողը: Սմբատից առաջ թուում է թէ նոյն գաւառի իշխան էր Մսակերի որդի Սահակը:

Ասորի մատենագիր Դիոնիս Թելմահրէ Յակոբիկ եկեղեցու պատրիարք (812-845) իր պատմական երկում, որից միայն քաղուածներ են մնացել Միքայէլ Ասորի ժամանակագրի մօտ, հաղորդում է հետաքրքիր միջնադէպ պարսիկ Սուլամեան կոչուած աղանդաւորական շարժումից, ուր յիշատակում է Իսահակ որդի Աշոտի, որպէս իշխեցող Կորդուաց աշխարհին սահմանակից երկրի, որ կարող է լինել Մոկաց աշխարհը:

Սուլամեան շարժումը շարունակութիւն էր Ատա ալ Մոկանա աղանդաւորի գործի, աւելի սուր կերպարանք ստա-

1 Եակուբի, II, 562; Marquart, Streifzüge, էջ 458:

2 Theophanes, էջ 747-748 (հր. Բոննի):

ցած: Քաղաքական եւ անգամ ընկերվարական յոյզեր էին կրօնական կեդաւորումով: Կարելի է ասել, որ Խուռամեանք այն ժամանակուայ կոմմունիստներն էին: Քարոզում էին ինչքի եւ կանանց ընդհանրութիւն, ժխտելով սեփականութեան իրաւունքը: Հաւատ ունէին, որ մի օր իրենցից մի թագաւոր է ելնելու, մի Մահդի, որ վստահութիւն ներշնչելով դէպի իր անձը, պիտի հռչակուի աստուած: Ով նրան հաւատայ, մեռնելուց 40 օր անցած յարութիւն պիտի առնէ եւ վերադառնայ իր ընտանիքը, որպէսզի յետոյ անյայտանայ մի գաղտնի անկիւնում:

Հարուն ալ Ռաշիդի վերջին տարիներին երեւան եկաւ ակնկալուած Մահդին, որ երեսին քօղ ձգած, հռչակում էր իրեն մերթ Քրիստոս, մերթ սուրբ հոգի: Շատ չանցաւ եւ խուռներամ բազմութիւնը շրջապատեց նոր մարդարէին: Կողոպտուի եւ աւարի յոյսն էր մանաւանդ, որ ողբերում էր շատերին: Մահդի հաստատուեց Կորդուաց լեռներում եւ սարսափ տարածեց իր շուրջը Մաւղէք եւ Տուր-Արդին: Մամուն խալիֆն անգամ երկիւղ էր կրում նրանցից: Քրիստոնեայ մի վանք կողոպտելու ժամանակ մեծ հարուած ստացան զօրավար Հասանից: Մահդի, քօղը մի կողմ նետելով, փախաւ Աշոտի որդի Սահակի երկիրը: Սահակ բռնեց և շղթայեց կարծեցեալ մարդարէին: Խուռամեանները յարձակուեցին գիշերով Սահակի վրանի վրայ ազատելու իրենց թագաւորին: Սահակ շտապեց գլխատել Մահդիին և առնելով նրա գլուխը, իր գոյքը եւ ընտանիքը փախուստ տուաւ:

Քիչ յետոյ, երբ Սահակ զօրքով գնացել էր կուռելու Արաբների դէմ, Խուռամեանք ուզեցին Սահակի ընտանիքը եւ որդիները բռնել: Գաղտնիքը բացուեց: Սահակի կնոջ եղբայրը, որ կրօնաւոր էր, ժողովրդեան բազմութեան հետ մտաւ ամրոցը, ուր Սահակի ընտանիքն էր, դիմադրելու թշնամու յարձակման: Մեծ յոյս ունէին բարեպաշտ կրօնաւորի աղօթքի վրայ: Սահակի կինը ստնդի մանուկը դրկին աղաչում էր Աստուծուն որ գոնէ անմեղ մանկան համար օգնէ եւ փրկէ վտանգից: Պաշարողները բերդի դուռն այրեցին եւ ներս խուժեցին: Մի ուրիշ կրօնաւոր նիզակը ձեռքին յառաջ նետուեց եւ մի հարուածով տապալեց նրանց առաջնորդին: Սահակի կինը վճռել էր մեռնել քան ընկնել ամբարիշտների ձեռքը: Ամբողջ գիշերը չքնեց եւ առաւօտեան զէնքի պահեստից առաւ մի ոսկեգօծ թուր, յուսալով որ նրա փայլի վրայ կը դան թշնամիները եւ կը սպանեն իրեն: Փորձանքն անցաւ: Ամբողջ անուշադիր տիկնոջ սկսեց կողոպտուտի ետեւէ լինել եւ հետապնդել փախչողներին: Մինչ այս մինչ

այն, վրայ հասան Սահակի մարդիկը, ապա ինքն իր բանակով, եւ հալածեցին թշնամիներին:

Նոյն պատմագիրը հաւատացնում է, որ Մահդիից յետոյ Խուռամեան աղանդաւորների պետը եղաւ մի ոմն Հարուն եւ նրա սպանութիւնից յետոյ Բարեկ¹:

Վերեւ տեսանք, որ Բարեկի մասին առաջին անգամ լսում է Հատիմ իրն Հարթամի ապստամբութեան ժամանակ 816-817 թուին: Մովսէս Կաղանկատուացու վկայութեամբ, Հայաստանի սահմաններում, Սիւնիքում, երեւում է Բարան (այսինքն Բարեկ) 270 հ. = 821 թուին: Եթէ արդարեւ այն անձը, որ սպանուեց Սահակի ձեռքով, Բարեկի նախորդներիցն է, ապա սպանութիւնը տեղի է ունեցել 821, գուցէ եւ 817 թուից յառաջ:

Ո՞վ է Մահդին եւ իրօք նրա բնակավայրը Կորդուաց լեռներումն է՞ր թէ Ատրպատական, ինչպէս հաւատացնում են արաբ մատենագիրները, դժուար է ասել:

Մեր նպատակի համար բաւ է այսքանը, որ Սահակի միջնադէպը դասելու է հաւանօրէն 820 թուից ոչ ուշ: Կորդուաց աշխարհի մօտերքը իշխում էր այդ ժամանակ Սահակը, Աշոտ Մսակերի որդիներից մէկը: Խօսքը Մոկաց գաւառի մասին է որ իրապէս սահմանակից է Կորդուքին եւ Բագրատունեաց ձեռքին էր:

Այս Սահակի որդին պէտք է լինի Սմբատ Մոկաց իշխեցողը, որ Բուղայի ձեռքից ազատեց Վասպուրականի դերիներին²: Սա Բուղայի բարեկամն էր: «Յոյժ սիրեցեալ եղեւ ի զօրավարէն», ուստի եւ շատերը շիտթում են Մսակերի որդու եւ յաջորդի՝ Սմբատ-Աբլարասի հետ, մինչդեռ սրա մասին առաջին անգամ խօսում է պատմագիրը, երբ սկսում է պատմել Բուղայի գալստեան երկրորդ տարուան անցքերը³:

Սմբատ Մոկաց իշխեցողի որդին է թերեւս Մուշեղ Մոկաց իշխեցող (եւ ոչ իշխեցողը, ինչպէս տպուած է), որ յիշում է թովմա Արծրունու մօտ եւ սպանուեց ծեր հասակում Անձեւացեայ Գուրգէն իշխանի ձեռքից⁴:

Բիւզանդական սահմանների վրայ հաստատուած էին Մսակերի եղբայրը Շապուհ Սպերում եւ Մսակերի հօրեղբոր թոռը (կամ որդին) Աշոտ Կիւրապաղատ Կղարջբում: Շապուհ ընկաւ, ինչպէս տեսանք, Սեւաղայի դէմ կուռելիս 824 թուին, թողնելով իշխանութիւնը իր Աշոտ որդուն: Սրա սե-

1 Michel le Syrien (éd. Chabot), III, էջ 50:

2 Թովմա Արծրունի, Գ. 2, էջ 154, 155 (Կ. Պօլիս, 1852):

3 Նոյն, Գ. 9:

4 Նոյն, Գ. 17 եւ 19:

րընդիցն էր Շապուհ Բագրատունի պատմագիրը: Հաւանա-
կան է, որ առաջին Շապուհը, Մսակերի եղբայրը այն Շա-
պուհ Բագրատունին է, որի պատուէրով Ղեւոնդ երէց գրեց
իր պատմութիւնը:

Շապուհի դրացին էր Աշոտը որ Ղեւոն Հայ կայսրից
(813-820) կիւրապաղատութեան պատիւ ստացաւ: Սրա
պսոյ Վասակ Բագրեւանդի խոովութեան ժամանակ քաշուել
էր Տայք եւ Կղարջք: Աշոտ կարողացաւ ընդարձակել իր իշ-
խանութիւնը եւ «տիրեաց ի Կղարջաց մինչեւ ի Տփսիս լեռ-
նակողմամբ հանդերձ»¹: Աշոտ փորձեց իր ազդակիցներին՝
Մսակերին եւ Շապուհին օգնել ընդդէմ Ջահապի, երբ սա
Դուինը գրաւել էր:

Ըստ Վրաց Տարեգրքի, Աշոտ սպանուեց Քրոնիկոնի
46, այսինքն (780+46=) 826 թուին: Մսակեր եւս մեռաւ
նոյն տարին:

Աշոտ Մսակեր ունէր չորս որդի եւ երկու դուստր:
Աւագ որդիները Դաւիթ եւ Բագարատ հաստատուել էին Տա-
րօն, իսկ Մահակ եւ Մուշեղ՝ Մոկաց աշխարհում: Մուշեղ
Մոկաց իշխեցող, որոջ չէ թէ Մսակերի՞ որդին է թէ Մահա-
կի: Մսակերի կրտսեր որդին Սմբատ ժառանգեց կենտրոնա-
կան իշխանութիւնը:

Հին աշխարհին եւս ծանօթ էին քաղաքական ամուսնու-
թիւնները: Մսակեր իր մէկ դուստրը տուաւ կնութեան
Աղձնիքի յայտնի մուսուլման իշխան Մուսէին, Զորահայի
որդուն: Այս ծայրագաւառի իշխանութիւնը դժուար հա-
րուածելի էր և մշտական վտանգ հարեւան Տարօնի համար:
Աշոտ յոյս ունէր խնամիական կապերով սանձելու եւ չեղո-
քացնելու հնարաւոր սպառնալիքը: Վարդանը յիշատակում
է, որ Մսակերի որդիք «Դաւիթ եւ Մահակ եւ Մուշեղ եւ
Բագարատ առեալ զմայրն իւրեանց չողան ի Նփրկերտ սու
Սալաֆն ամիրայ, սիրով ընկալեալք ի նմանէ»¹:

Նփրկերտ, ինչպէս Բաղէշ, մտնում էին Մուսէի իշխա-
նութեան մէջ: Արդեօք ընտանեկան այց էր մօր կողմից իր
դստեր, թէ աւելի լուրջ պատճառ կար, ինչպէս կարելի է
ենթադրել որդիների ուղեկցութիւնից:

Աշոտի միւս դուստրը, Հոնիսիմէն, ամուսնացաւ Արծ-
րունեաց իշխանի հետ, որի անունը մեր մատենագիրները
չեն պահել: Հոնիսիմէն երեք որդի ունեցաւ, Աշոտ, Գուր-
գէն եւ Գրիգոր: Արարները Աշոտին անուանում են Աշոտ իրն

1 Վարդան, էջ 78:

Համգէ իրն Գագիկ: Ուրեմն Աշոտի հայրը եւ Հոնիսիմէի
ամուսինը Համգէն էր եւ սա որդի Գագիկի:

Ութերորդ դարու սկզբում, յայտնի են Գրիգոր եւ Կո-
րիւն Արծրունիք: Աշոտ Կոյրի ժամանակ Վահան Արծրունու
որդիք, Սահակ, Համազասպ, Գագիկ եւ վերջինս զաւակնե-
րը, Համազասպ, Սահակ եւ Մեհրուժան, նշանաւոր դէմքեր
էին հրապարակի վրայ, մարտնչող արաբական բռնութեան
դէմ, թեւակից Մամիկոնեան կտրիճներին: 786 թուին,
յայտնութեան օրը, մարտիրոսութեան պսակ ստացան Հա-
մազասպ և Սահակ: Արաբ բռնակալի վրէժխնդրութիւնն էր,
որ ճայթեց յետին եւ դաւող ժամին ընդդէմ խոովարար եղ-
բայրների: Մեհրուժանը ուրացաւ հայրենի հաւատը, «ղգե-
նոյր զկերպարան գայլոց» եւ փրկեց իր կեանքը: Գուցէ սի-
րելի եղբայրների մահն էր այն «մեծ աղէտը», որի համար
Մեհրուժան սպանեց Մուշեղ Մամիկոնեանի երկու որդինե-
րին, որ ապաստանել էին Վասպուրական, սպանեց, ուղենա-
լով վրէժ լուծել նրանց հօրից, որպէս աղէտի պատճառից:
Նահատակուած իշխանների վարքում յիշուում է, որ Մեհրու-
ժան անպատիժ չմնաց: Դաւիթ Մամիկոնեան խողխողեց
նրան: Դիւրին բան չէր խթել Մամիկոնեաններին:

Մամիկոնեանների անկումից յետոյ միակ ակնածելի
տունը, որ կարող էր մրցել Բագրատունիների հետ Արծրու-
նիք էին: Հեռատեսութիւն էր Մսակերի կողմից՝ ամուսնա-
կան կապերով պահել կասկածելի ակոյեանին քաղաքական
համերաշխութեան շրջանում:

Բագրատունի իշխանուհին Հոնիսիմէ վերածնեց Արծ-
րունի տոհմը, պարգեւելով երեք քաջարի զաւակ: Նրանցից
Աշոտը եղաւ Արծրունիների համար այն ինչ որ իր պապ Մսա-
կերը՝ Բագրատունիների:

Աշոտ Մսակերը բոլորեց իր կեանքի ընթացքը պատմա-
կան խոշոր գործիչի պատասխանատու դերում, եւ բոլորեց
փայլով եւ փառքով: Արաբական բռնութեան ծանրագին
օրերն էին, երբ Աշոտ հրապարակ իջաւ: Երկիրը աւեր, կազ-
մալոյժ նիւթապէս եւ բարոյապէս, լաւագոյն ոյժերը քա-
մուած, մնացողները քաշուած ասպարէզից: Հագարացիք
սպառսպուռ տիրել բռնել էին Հայաստանեայց, հեծեծում է
ժամանակակից պատմագիրը, աշխարհիս մեծամեծները նը-
լազել, իսկ «մնացեալք ղօղեալք դադարեալ կային ընդ լծով
ծառայութեան նոցա»:

Այս դրութիւնից հանեց երկիրը Աշոտ, հանեց իր բա-
զուկներով եւ ծանրախոհ գլխով: Իր օգնականները իր մեր-
ձաւորներն էին՝ իր ընտանիքը, եղբայրը, չորս որդին, եր-

կու դուստրը, բոլորն էլ ծառայեցին միեւնոյն գործի: Մի քանի տարուայ ընթացքում յաջողեց ամուր դիրք բռնել մայր երկրի սրտում, մի ոտը Շիրակ, միւսը Տարօն, մի բազուկը դրած Սպերի եւ Տայքի վրայ, միւսը պարզած դէպի Վասպուրական:

Քաջ եւ իմաստուն իշխանը շնչաւորեց երկիրը, վերականգնեց բեկուած հաւատը դէպի ապագան, աշխուժեց գործունէութեան նոր տենդով:

Յաջորդներին մնում էր շարունակել սկսած գործը արթնութեան մէջ, աչքերը յառած գալիք արշալոյսին: Գիշերն անցել էր եւ վերացող աղջամուղջը խոստանում էր յուսալից պայծառ օրեր:

III

Բուղայի շահատակութիւնները տեւեցին երեք տարի 852-855:

Իւսուֆը եկաւ 300 թ. Հ. որ սկսում է 851 թ. ապրիլի 28ից, իսկ ըստ արաբական տեղեկութեան, հիջրի 237, որ գալիս է նոյն 851 թ. սկսած յուլիսի 5ից: Եկած պիտի լինի ուրեմն յուլիսի 5ից յետոյ: Նենգութեամբ ձերբակալեց Բագարատ իշխանին եւ գնաց Մուշ ձմերելու: Այստեղ նրան սպանեցին Սուլթեյիք, ըստ արաբական վկայութեան հիջրի 237 ռամազան ամսին, որ է 852 փետրուար-մարտ: Նրա վրէժը առնելու եկաւ Բուղան 852 թուի ամառը, «ի հասանել ամառնային ջերմութեան»¹: Կուռեց Արծրունի Աշոտ և Փուրգէն իշխանների դէմ, բռնեց նրանց եւ անցաւ ձմերելու Դուրնում:

Յաջորդ 853 թուի գարնան ելաւ Թիփլիսի եւ Ծանարքի դէմ եւ գնաց անցնելու ձմեռը Պարտաւ:

Հետեւեալ 854 թուին գարնան սկսուեցին պատերազմական գործողութիւնները Աղուանից իշխանի դէմ: «Եւ եղեւ մօտ ի կատարումն հասանել ամին երկրորդի գալստեան նորա, ել գնաց ի կողմանս Աղուանից»:

Բուղան եկել էր 852 ամառն, հետեւապէս 854ի գարնան մօտ էր լրանալու նրա գալստեան երկրորդ տարին: Աղուանից կուրները տեւեցին ամբողջ տարի, ուրեմն մինչեւ 855ի գարունը, եթէ չափազանցութիւն չէ պատմագրի խօսքը՝ «յերկարեցաւ գործ պատերազմաց սոցա իբրեւ մօտ ի լնուլ ամի միոյ»²:

1 Թովմա Արծրունի, Գ. 8, էջ 188 (Կ. Գօլիս, 1852):
2 Նայմ, էջ 206:

Եսայի ձերբակալութիւնը, հետեւապէս, պիտի պատահած լինէր 855ին: Նոյն տարուայ մէջ է նաեւ միւս հայ իշխանների կալանաւորումը: Սրանց բոլորին ուղի ձգեց դէպի Սամառա, իսկ ինքը «եմուտ ի Պարտաւ ձմերել անդ»:

Բուղայի Հայաստանից մեկնումն ընկնում է այսպիսով 856ի սկիզբը:

Սոյն 856 տարին համարելու է Աշոտ Բագրատունու իշխանութեան առաջին տարին:

Բուղան յետ կանչուեց: Նրա փոխարէն ոստիկան եկաւ Մուհամետ իբն Սալիդ Եսայանի Բուղայի գալու չորրորդ տարին. «ապա ի չորրորդ ամին եղեւ դալն Մահմետայ Սուլթի (կարգա՝ Սալթի) որդւոյ»¹, ուրեմն 856 թուին:

Սա պատուէր ունէր խաղաղացնել երկիրը, ներումն չնորհելով ըմբոստացած ոյժերին: Արաբական քաղաքականութիւնը փոխում էր իր վերաբերումը դէպի Հայերը, ընտրելով հաշտութեան ուղին: Պէտք էր օր առաջ վերականգնել անգործութիւնը, մեղմել յուզուած կրքերը խաղաղ եւ զիջող միջոցներով: Գերուած իշխանների դարձը ևս ուշանալու չէր:

Բռնութեան այս նահանջը մի նշան էր որ արտաքին վտանգ կայ եւ պետութիւնը պէտք ունի ոչ միայն ներքին խաղաղութեան, այլ եւ Հայերի համակրութեան: Արդարեւ, Բիւզանդական բանակն արդէն հասել էր Եփրատ եւ հրամանատարը ոչ այլ ոք էր եթէ ոչ Պետրոն(աս), Թէոդորա կայսրուհուհու եղբայրը և Մամիկոնեան շառաւիղը: Ճիշտ 856 թուին առել էր Սամոսատ եւ Ամիդ²: Պատերազմական գործողութիւնները շարունակուեցին մինչեւ 863 թիւը: Մելիտինի արաբ ամիրան եւ նրա զորգամբ Պաւլիկեան աղանդաւորները, բոյն դրած այժմեան Դերսիմում, յաճախակի ասպատակութեամբ վրդովում էին խաղաղութիւնը: Կայսերական զօրքերը գալիս էին նրանց պատժելու:

859 թուին ինքը Միքայէլ կայսրը արշաւանքի գլուխն անցաւ, բայց իսկական հրամանատարը հուշակաւոր Վարդ(աս)ն էր, Պետրոնի եղբայրը³: Երկրորդ անգամ եկաւ Պետրոն, եւ յաջողեց յաղթական վերջ դնել պատերազմին 863 թուին: Սոյն թուին ընկաւ Նփրկերտի (Մուֆարդին) մօտ արաբական զօրավարներից Ալի իբն Եահեա ալ Արմանի: 862 թուին հոկտեմբեր-նոյեմբեր ամսին Ալի եկած էր Հայաստան որպէս ոստիկան, բերելով իր հետ խալիֆի հրամանը՝ նշանակել Աշոտ Բագրատունուն իշխան իշխանաց: Դարձին Նփրը-

1 Մովսէս Կաղանկատ. Գ. 20 (Փարեզ, 1860):
2 Theoph. Cont. 167.
3 Gen. 91.

կերտի մօտ ընդհարում ունեցաւ բիւզանդական մի գնդի հետ եւ սպանուեց:

Արաբների պարտութիւնը նշանակալից էր: Սալիֆայական աստղը թեքուել էր: Թիւրք վարձկան գնդերը, որոնք սկզբում մեծ ծառայութիւն մատուցին ամիրապետներին, հետագայում այնքան ոյժ եւ ազդեցութիւն ձեռք բերին, որ իրենց սանձարձակութեան խաղալիկ շինեցին արքայական գահը: Մուտաւաքիլ սպանուեց 861 թուին իր որդու ձեռքով եւ թիւրք զօրքերի թելադրանքով: Այնուհետեւ Սալիֆայական գահը արիւնահեղ դաւերի առարկայ դարձաւ: Իրար ետեւից արիւնոտ ձեռքերով գահ բարձրացան տասն տարւայ ընթացքում հինգ հոգի: Մուտաւաքիլին յաջորդեց իր որդին Մուստասիր 861-862, յետոյ եղբորորդին, Մուստային 862-866, եւ ապա իր որդիք, Մուտազ 866-869, Մուհտազի 869-870 եւ Մուտամիզ 870-892:

Իսկապէս խառնակ շրջան էր, արաբական աչքը չէր սեւեռած Հայաստանի վրայ: Հայ իշխանները օգտուեցին բարենպաստ պայմաններից բուժելու իրենց վէրքերը, կազդուրուելու Բուղայի հասցրած հարուածներից: Կարճ միջոցում Հայ երկիրը նորից թեւաւորուեց քաղաքականապէս: Արաբների ձախորդութիւնները օգտագործեց մանաւանդ Աշոտ Բագրատունին: Նրանց եօթնամեայ պատերազմը (856-863) Բիւզանդիայի հետ բերեց Աշոտին իշխանաց իշխանի պատուաւոր դիրքն ու կոչումը 862 թուին, իսկ յաջորդող գահակալական զփտութիւնները յարգարեցին ուղին դէպի արքայական թագը 885 թուին:

Քաղաքական մեծ յաղթանակ էր, որ տարաւ Աշոտ Բագրատունին, գործելով իր տոհմին յատուկ խոհականութեամբ: Մեծամեծ դժուարութիւններ կային, որ բղխում էին երկրի ներքին եւ արտաքին կացութիւնից, ծանր պայմաններ, որ սեփական են Փէոդալական միջավայրերին՝ լի մրցող եւ հակամարտ սլաքներով: Հարթել բոլոր այլազան բախումները, քայլելով անվրէպ դէպի որոշ նպատակ, մի գործ էր, որ պահանջում էր առանձին կարողութիւն եւ վարպետութիւն: Բագրատունի իշխանը եղաւ այդ վարպետը:

Բուղայի դարձի կարաւանը մեծ էր եւ հարուստ կալանաւոր խոշոր դէմքերով, բայց եւ այնպէս երկիրը դեռ չէր զսպուած, հակառակ նրա բռնութեան եւ խստասիրտ նենգութեան: Թափած արեան եւ աւերակների մէջ հեռում էր տակաւին ապստամբութեան ոգին: Վասպուրականի իշխանները, նրանք, որ հաւատ չընծայելով Բուղայի երգումներին, ազատ էին մնացել, կառչած իրենց ամրութեանց, հէնց որ

լսեցին Բուղայի անյաջողութիւնը Մանարքի դէմ, նորից սիրտ առան, չորս հազարանոց բանակ կազմեցին եւ Արուշափըր Արծրունու առաջնորդութեամբ ասպատակեցին Ճուաչ եւ Թոռնաւան գաւառները: Նրանց վրայ եկաւ Նախճուանի արաբ ամիրան, ոմն Աբրահամ: Ընդհարումը տեղի ունեցաւ Սողադբերք գիւղի մօտ եւ չնայելով, որ արաբ գնդին օգնութեան հասաւ Բերկրի արաբ ազգաբնակիցները, Հայերն յաղթեցին: Արաբներն արդէն նահանջում էին, երբ Արուշափըրի քեռորդի Սահակ Արուսեակեմ իշխանը, որ կռուի ղեկավարն էր, ձիուց ընկնելով, տեղն ու տեղը սպանուեց թշնամու սրից: Նրա մահուամբ հայ զօրքերը ցրուեցին:

Երկրորդ անգամ Արուշափըր կազմեց նոր գունդ Վասակ Կովակեր իշխանի հրամանատարութեան տակ:

Սմբատ Բագրատունին կողմնակից չէր ապստամբական ցոյցերի: Թովմա Արծրունու ասելով, Սմբատն էր, որ դրդեց արաբ Աբրահամին ելնել Արուշափըրի դէմ: Նոյն պատմագիրը հաւատացնում է, որ դարձեալ Սմբատն էր, որ ուղարկեց Գուրգէն Արծրունուն Վասակ Կովակերի դէմ:

Վասպուրականի նշանաւոր իշխաններից էր Գուրգէն, Արծրունի տոհմից, որդի Արուսեակի: Բուղայի բռնութեան ժամանակ, չուզենալով «կալ հակառակ չարի», քաշուել էր Բագրեւանդ իր քեռի Գուրգիկ Մամիկոնեանի մօտ: Այնտեղից անցնում է Սպեր, ուզում է կայսեր ծառայութեան մէջ մտնել, բայց յետոյ միտքը փոխում է եւ գալիս է Սմբատ Սպարապետի մօտ:

Ահա այս իշխանն է, որի միջոցով Սմբատ ձգտում է խեղդել Վասպուրականի շարժումը: Գուրգէն եկաւ ամրացաւ Զղմար եւ Սրինգ բերդերում, ձերբակալեց Վասակ Կովակերին եւ զբաւեց Վասպուրականի տէրութիւնը:

Սակայն, Գուրգէն չարդարացրեց Սմբատի բոլոր յոյսերը: Նա եւս Արաբների դէմ ելաւ, յարձակուեց նախապէս այն արաբ ազգաբնակիցների վրայ, որ Բուղայի հետ եկել եւ հաստատուել էր երկրում, սրի անցրեց, իսպառ ջնջելով «զամենայն ազգս տաճկաց որ բնակեալ էին ի Վասպուրական տէրութեան»:

Բուղայի հրամանով Գուրգէնի դէմ եկաւ ոմն Բուտել զօրավար, որ միանալով Ութմանիկ Արաբների հետ, այլ եւ թիկն ունենալով մի քանի հայ ազատներ՝ թշնամի Գուրգէնի, յարձակուեց վերջինիս վրայ Որդոք գիւղի մօտ, Հայոց Զորի արեւմտեան սահմանազլիում: Գուրգէն 400 մարդով ջարդեց արաբ երկու հազարանոց գունդը եւ քչեց իր սահմաններից: Բուղան ստիպուած էր ճանաչել պաշտօնապէս

Գուրգէնի իշխանութիւնը: Մինչեւ անգամ բերել տուեց նրա համար Սալիֆայի կողմից «սուսեր իշխանական, գօտի արիական, քուքք խիզախողք եւ երիվար բարձրավիզ»:

Ինչպէս որ Սմբատի կալանաւորումից յետոյ նրա իշխանութիւնը անցաւ Աշոտին, այնպէս էլ Աշոտ Արծրունու գերութեամբ Վասպուրականի իշխանութեան տէր դարձաւ Գուրգէն Արուբելլը:

Գերեվարութեան վեցերորդ տարին, Հայոց 306 թիւը լրացած, եօթերորդ տարու, ուրեմն 307ի, սկիզբը, դարձան կալանաւորուած իշխանները: Հայոց 307 սկսում է 26 ապրիլ 858 տարին: Այս հաշուով գերիները դարձր ընկնում է 858ի ամառը: Ըստ Թովմա Արծրունու այս ժամանակն էր, որ եկաւ գերութիւնից Գրիգոր իշխանը, որ կոչւում էր Գերենիկ, Աշոտ Արծրունու որդին, եկաւ արքունի հրամանով տիրելու աշխարհին իր հօր փոխարէն: Գրիգոր հազիւ 12 տարեկան էր, երբ յաջորդեց հօրը: Նախորդ 857 տարին դարձել էր Ասիսաղաց աշխարհից Աշոտ Արծրունու եղբայր Գրիգորը: Իսկ 859 թուին գերութիւնից ազատ արձակուեց Աշոտի միւս եղբայրը՝ Գուրգէնը: Ինքն Աշոտը մնաց գերութեան մէջ երկար տարիներ, եւ վերադարձաւ միմիայն 868 թուին:

Սոքա բոլորը թեկնածու էին Վասպուրականի իշխանութեան եւ ընդհարումը Գուրգէն Արուբելլի հետ անխուսափելի էր: Գրիգոր եւ Գուրգէն եղբայրները շուտով մեռան, առաջինը 858ին, երկրորդը 860ին, այսինքն իրենց դալուց մի տարի յետոյ: Վէճը այսպիսով սահմանափակուած էր Գերենիկի եւ Գուրգէն Արուբելլի միջեւ: Վերջինս պատրաստ էր իշխանութիւնը գիշանել Գերենիկին եւ հեռանալ Բիւզանդիա մտնելու կայսեր ծառայութեան մէջ եւ արդէն ուղի էր ընկել, երբ ձերբակալուեց Աշոտ Բագրատունու զորմամբ եւ յանձնուեց Ատրպատականի արաբ կուռակալին, որ եւ բանտարկեց նրան:

Այնուհետեւ Գուրգէնի կեանքը նմանում է արկածաւոր վէպի, ուր նա ներկայանում է որպէս ժողովրդական հերոս և այդ ոգւով զրի է առել նրա կեանքը, հաւանօրէն, Շապուհ Բագրատունին, որից քաղում է Թովմա Արծրունին:

Գուրգէն փախչում է բանտից և գալիս Վասպուրական: Գերենիկ գինւում է նրա դէմ եւ նորից կալանաւորում եւ ձգում Հաղամակերտի բանտը: Այստեղից եւս փախչում է, գիշերում մի վանքում, բայց վանահայրը նենգօրէն մատնում է նրան Գերենիկին: Զաքարիա կաթողիկոսի եւ Աշոտ Բագրատունու միջնորդութեամբ հաշտութիւն է կնքում Գերենիկի եւ Գուրգէնի միջեւ: Գուրգէն բաժին է ստանում

Մարդաստան գաւառը, որպէս «բուն բաժին Գուրգենայ»:

Թուում է թէ Գուրգէն Արծրունեաց տան Մարդպետական ճիւղի շառաւիղն է: Սրա հայրը Արուբելլը սպանուած է եղել Գերենիկի պապի ձեռքով: Ի՞նչ է եղել գթաութեան պատճառը, յայտնի չէ: Գուրգէն յիշում է ընտանեկան թըշնամութիւնը, բայց ռիսկալ չէ ուզում լինել: Նա աւելի կասկած ունի Աշոտից, թէ «գուցէ իբրեւ դապասամբէ ումեմնէ գեկուցանիցէ գնմանէ առաջնորդին Տաճկաց», ուստի եւ չմնաց Մարդաստանում, այլ գերադասեց ապրել շրջիկ կեանքով, «չըջաբերական յեղափոխմամբ»:

Գուրգէնի կասկածն անհիմն չէր: Աշոտ Բագրատունին աշխատում էր գրաւել արաբ կառավարութեան վստահութիւնը իր քաղաքական ծրագիրների համար: Հաւատարմութեան հաստատուն ապացոյց էր Արաբների աչքում թշնամական վերաբերումը դէպի կայսրը եւ նրան համակիր անձերը: Գուրգէն Արուբելլը յարաբերութեան մէջ էր Միքայէլ կայսրի հետ եւ ցանկութիւն ունէր անցնելու սահմանը: Կայսրը չըջապատուած էր Մամիկոնեան իշխաններով, իր մայրն իսկ Մամիկոնեան իշխանուհի էր: Գուրգէնի երակների մէջ եւս Մամիկոնեան արիւն կար: Նրա մայրը Բագրեւանդի Քուրդիկ իշխանի քոյրն էր: Քուրդիկն արդէն անցել էր Բիւզանդիա եւ մեծ հռչակ հանել: Գուրգէն ուզում էր նրա օրինակին հետեւել:

Աշոտ Բագրատունին արգելք հանդիսացաւ, ինչպէս որ անյաջող անցաւ եւ նրա առաջին փորձը Աշոտի հօր Սմբատի օրով: Բագրատունի իշխանը հասկանում էր որ բիւզանդական բանակում ընդդէմ Արաբների գործող հայ ոյժերը մեծապէս վարկաբեկում էին եւ դժուարացնում այն հայ գործիչների դրութիւնը, որոնք երկրի ներսը մաքառում էին իրենց վիճակը բարւոքելու համար: Աշոտ քաղաքական հակառակորդ էր այսօրինակ փախստականների: Նա խափանեց Գուրգէնի փախուստը, խափանեց նաեւ մի ուրիշ իշխանի նման քայլը շատ արատաւոր պայմաններում: Դա Գրիգոր Մամիկոնեանն էր, յիշեալ Քուրդիկ իշխանի որդին: Գրիգորը գերուած իշխանների մէջ էր և մինչ բոլորը ազատութիւն ստացան հաւատուրացութեան սեւ գնով, Գրիգորը մնաց անզբրդուելի իր կրօնի մէջ եւ բանտից փախաւ եկաւ Բագրեւանդ իր կալուածը:

Արժէ բերել պատմագրի եղբրական տողերը. «Եւ Գրիգոր Մամիկոնեան արիարար պահեալ զհաւատն, ելանէ ի բանտէն և գայ մտանէ ի գաւառն իւր Բագրեւանդ, և կամէր ամրանալ ի գաւառն Գարեղիինց ի Գաղանածակսն, որ եւ

զկնի եօթն աւուրց մեռանի: Եւ իմացեալ ոստիկանին Մահմետի որ ի Հայս, առաքէ առ Աշոտ որդի Սմբատայ, զի ուր եւ իցէ ըմբռնեալ առ նա տարցի: Եւ նորա հատեալ զգլուխ մեռելոյն, առաքէ առ նա ասելով թէ կամեցաւ անցանել առ Յոյնս եւ իմ զկնի առաքեալ սպանի եւ ահա գլուխ նորա: Եւ խնդաց Մահմետ և զգացուցանէ Ջափրի և նորին հրամանաւ պատուէ զԱշոտ, տալով նմա զգաւառն Բագրեւանդ եւ արծաթ բիւրս հինգ: Եւ յայնմհետէ բարձաւ ի Հայոց յաշխարհէս ազգն Մամիկոնէից»¹:

Մահմետը Մուհամետ իբն Սալիդ Շայբանին է, որ ոստիկան եկաւ Բուղայից յետոյ եւ նոյն պաշտօնին էր դեռ, երբ բանտից փախած՝ եկաւ Գրիգորը: Մահմետը պատուէր ունէր բռնել փախստականին եւ այդ ծանր գործը յանձնուում է Աշոտին, որ եւ կատարում է այնպէս, ինչպէս ինքն է հաղորդում իր իշխանաւորին:

Այս տեղեկութիւնը վարդան պատմագիրը պարտական է Շապուհ Բագրատունուն: Սա իր ազգակցին՝ Աշոտին (Աշոտի հետ Շապուհ երկու եղբոր թոռներ էին) արդարացնելու համար տալիս է Գրիգոր Մամիկոնեանի սպանութեան տարօրինակ բնոյթ, կամ կրկնում է ժողովրդական մի գրոյց, յօրինուած նոյն նպատակով: Աշոտը խառն էր անբախտ իշխանի սպանութեան մէջ: Քաղաքագէտը գուցէ եւ արդարացնէ այս ոճիւրը, բայց այլապէս երբեք չպիտի ներուի մեծ իշխանին այս եղբայրասպան սուրբ եւ ոչ այն անարգ արծաթը:

Աւելի պերճախօս վկայական չէր կարող լինել Աշոտի հաւատարմութեան, քան այս արիւնոտ գլուխը: Հայոց 311 թուին նստաւ գահ Ամիրալմուճնին Ահմատ, ասում է Ասողիկ, եւ «տայ գերկիրս Հայոց Ալեայ՝ որդւոյ Յահէի. սա կացուցանէ իշխանաց իշխան զԱշոտ»:

Ահմատ՝ Մուստային խալիֆի անունն է, որ գահ բարձրացաւ հիջրի 248 թ. ուսմագան ամսին, որ է 862 թ. հոկտեմբեր 18ից նոյեմբեր 17: Հայոց 311 թուականը համապատասխանում է 862 ապրիլի 25 մինչեւ 863 ապրիլի 24: Ալի որդի Յահէի մեզ ծանօթ Ալի իբն Եահան ոստիկանն է, որի գալուստը հետեւապէս ընկնում է 862 հոկտեմբերի 18 մինչեւ 863 ապրիլի 24 ժամանակամիջոցը: Հաւանական է, որ եկած լինի Մուստայինի դահակալութիւնից անմիջապէս յետոյ, 862 տարին դեռ չբոլորած: Սոյն այս 862 թուին պէտք է նշանակուած լինի Աշոտ Բագրատունին իշխանաց իշխան: «Եւ այսպէս ապա զկարգ սպարապետութեան քաղաքա-

1 Վարդան, էջ 81:

վարեալ, ասում է Յովհաննէս կաթողիկոսը, մինչեւ համբաւ բարւոյն ի դուռն արքունի հասանէր»: Ապա Ալի Արմանի ոստիկանը դալիս է եւ Աշոտին նշանակում իշխանաց իշխան ամիրապետի հրամանով «բազում զգեստիւք եւ արքունական պատուով ճոխացուցեալ, ի նա հաւատալով զսակս Հայոց եւ զամենայն բեկար արքունի»:

Այսպիսով Աշոտը եղաւ «պատուականագոյն եւ առաջին քան զամենայն նախարարութիւնս Հայոց», և բոլորը դաշինք էին կնքում նրա հետ որպէս «արդարեւ ընդ թաղաւորական զարմի»¹:

Թովմա Արծրունին հաղորդում է, որ երբ Աշոտ ստանձնեց Հայոց աշխարհի վերակացութիւնը որպէս իշխան իշխանաց, հետամուտ եղաւ նուաճելու «զիշխանս Հայոց, զՎրաց եւ զԱղուանից, որ եղեւ իսկ»:

Այստեղից երեւում է որ Աշոտին յանձնած Հայաստանը հասկանալու է աւելի ընդարձակ, արարական, իմաստով, այսինքն նրա մէջ մտնում էին նաեւ Վրաց եւ Աղուանից երկրամասերը:

Երկրի ներսը իր դրութիւնը ամրապնդելու համար, Աշոտ հաշուի պիտի առնէր մանաւանդ Վասպուրականի եւ Սիւնեաց զօրաւոր իշխանական տները: Թովմա Արծրունին պատմում է որ իշխանաց իշխանը գնաց Դերենիկի վրայ եւ կալանաւորեց նրան, որպէս անհնազանդի: Լսելով այս լուրը, Գուրգէն Արուբելլ, որ Վասպուրականից հեռացած աստանդական կեանք էր վարում, իսկոյն վրայ հասաւ Տարօնի կողմերից պաշտպանելու Դերենիկին ընդդէմ Աշոտի: Սա ստիպուած էր ազատ թողնել Դերենիկին եւ հաշտութիւն կնքել: Հաշտութիւնը սրբագործուեց ընտանեկան մերձեցումով: Իշխանաց իշխանը իր դուստրը Սոփին տուաւ կնութեան Դերենիկին, որը թէեւ հազիւ 15 թէ 17 տարեկան էր, բայց արդէն այրի էր: Փեսան գնաց Աշոտի հետ Բագարան եւ այնտեղ կատարուեց հարսանեկան հանդէսը 311 թուին Հայոց, որ է 862-863:

Քանի որ հարսանիքի ժամանակ Աշոտ յիշում է Թոմայի մօտ որպէս իշխանաց իշխան, ուրեմն եւ այս պարագան վկայում է, որ Աշոտ իրօք իշխանաց իշխան նշանակուած պիտի լինէր 862ի վերջերին:

Արծրունիների մէջ ազդեցիկ էր այդ ատենները Վահան իշխանը, Վասակ Կովակերի եղբայրը: Վահանին իրեն քաշելու նպատակով Աշոտ իր միւս դուստրը ամուսնացրեց նրա հետ:

1 Յովհ. Կաթողիկոս, էջ 74 (հրատ. Էմինի):

Միեւնոյն ժամանակ Գուրգէն Արուբելջ վերջնականապէս հաստատուեց Անձեւացեաց աշխարհում: Մուշեղ Անձեւացու մահուամբ, նրա այրին Հեղինէ առաջարկեց Գուրգէնին իր ձեռը եւ Անձեւացեաց իշխանութիւնը: Այսպիսով Վասպուրականի տեղական վէճերն ու խռովութիւնները առայժմ դադարեցին:

Աշոտը բարեկամական յարաբերութիւններ հաստատեց նաեւ Միւնիքի հետ: Գրիգոր Սուփանին յաջորդել էր իր որդին Վասակ Գարուռը Գեղարքունիքում: Վայոց Ձորի իշխանն էր Վասակ Իշխանիկ վերակոչուածը: Գարուռին Աշոտ փեսայացրեց իրեն, տալով նրան իր Մարիամ դուստրը, եւ պաշտօնապէս ճանաչել տուաւ նրա իշխանութիւնը խալիֆի կողմից: Գարուռը չուտով մեռաւ, թողնելով մի ժառանգ, որ կրում էր իր պապի անունը, Գրիգոր Սուփան:

Վասակ Իշխանիկը եւս մեծ պատկառանք ունէր դէպի Աշոտը եւ ինչպէս ասում է պատմագիրը, «խրատու նորա զունկն մատուցանէր խնամով իբրեւ զօրէնս միշտ ի սրտի իւրում պահելով»:

Աշոտի աչքը նմանապէս Տարօնի վրայ էր, ուր գերւած Բագարատի փոխարէն իշխում էին իր երկու որդիք Աշոտ եւ Դաւիթ: Դաւիթ որդին, Աշոտ, ամուսնացաւ յետոյ Շապուհի դստեր հետ, որ Աշոտի որդին էր¹:

Այսպէսով բարեկամական եւ խնամէական ցանցով կապուած էր Աշոտ իր չրջապատի հետ: Ըմբոստ իշխաններին սաստելու հմտութեամբ Աշոտ հեղինակութիւն էր: Հարկերի կանոնաւոր վճարումով ապահովել էր իր դիրքը նաեւ բարձրագոյն իշխանութեան առաջ: Ներքին վէճերը եւ գժտութիւնները վերացան: Երկիրը խաղաղեց յուզումներից եւ սկսեց ազատ շնչել: Տասն տարին 862ից մինչեւ 871, անդորրութեան շրջան էր:

Իշխանաց իշխանի վարչական ձիրքերը, արդիւնաւէտ յանգումները, երաշխիք էին լաւագոյն օրերի: Շատերն արդէն զգում էին մօտիկ ապագան: Ոչ միայն «ամենեքեան դաշինս ընդ նմա դնէին», այլ խորհում էին, որ «եթէ դէպ ինչ պիտոյից գտցէ», այսինքն եթէ առիթը ներկայանայ, առաջարկեն նրան արքայական գահ:

Առիթը մօտալուտ էր: Թագակիրները դիւրութեամբ չեն զիջանում թագը ուրիշներին: Հարկաւոր էր մի վերջին փորձութիւն նախ քան թագ կապելը:

Իշխանաց իշխանական տասնամեայ շրջանի վերջերին

1 Յովհաննէս Կաթողիկոս, էջ 98:

քաղաքական հորիզոնը սկսուեց պղտորուել: Բիւզանդական զօրքերը նորից Եփրատի ափերին էին: Պատերազմը սկսուեց 871 թուին եւ շարունակուեց մինչեւ 874 թիւը: Կայսրը, հայազն Վասիլը, ինքն էր ղեկավարում շարժումները: Մի տարի ընդհատուեց կռիւը եւ վերստին արժարժուեց 876 եւ 877 թուերին:

Ամիրապետական գահի շուրջը տարիներից ի վեր սաստկացող խռովարար մրցութիւնը վերջացաւ Մուսամիդի դահակալութեամբ (870-892): Կայսեր պատերազմը, ճիշտ է, Պաւլիկեան իշխանութեան և Մելիտինի արաբ ամիրայի հետ էր, բայց գաղտնի չէր, որ սրանց ետեւը կանգնած էր արաբ պետութիւնը: Սահմանազլխի ընդհարումները կարող էին յուզումներ խմորել հայ իշխանական միջավայրում, ուր կրքերը հազիւ զսպուած՝ պատրաստ էին հրդեհուել ամեն պատեհ առթիւ:

Մուսամիդ խալիֆը, այս վտանգաւոր հնարաւորութիւնը նկատի ունենալով, պատերազմի սկզբից եւ եթ Հայաստան ղրկեց Յիսէ որդի Շէյխի: Սա քաջածանօթ Շայբանի ցեղիցն էր:

Ամեն անգամ երբ Հայաստանում քաղաքական կացութիւնը երկիւղ էր ազդում, ամիրապետները դիմում էին Շայբանի իշխանական տան աջակցութեան: Տիրելով Ամիրի չրջանին, սրանք սահմանակից էին Հայերին և յարմարագոյն գործիք խալիֆի ձեռքում ընկճելու հայ ըմբոստութիւնը:

Ի՞նչ էր Յիսէի պաշտօնը, մօտէն յայտնի չէ: Թովմա Արծրունին ասում է որ Յիսէ «զգօրապետութիւնն Հայոց ունէր»¹: Արարները պահակ զօրքեր ունէին կարելու դիրքերում: Հաւանական է, որ Յիսէ նրանց հրամանատար էր նշանակուած: Նա եկաւ ճիշտ պատերազմի տարին 871 թուի զարնան²:

Յիսէ Հայաստան մտաւ թէ չէ, կռուի բռնուեց Աշոտ Արծրունու հետ: Աշոտը նոր էր վերադարձել գերութիւնից: Կալանաւորուած 852ին, արձակուեց միայն 868ին, գերութեան մէջ մնալով 17 տարի: Թովմայի բնագրի մէջ գրչագրական սխալներ են սպրտուած եւ խանդարած ժամանակագրութիւնը: Ստոյգ ընթերցումը վերականգնելու համար ինքը Թովման հաստատուն ելակէտ է ընծայում: Նա պատ-

1 Թովմա Արծրունի, էջ 242:

2 Կաղանկատուացի խօսում է Յիսէի մասին 318 թուի շարժը յիշելուց անմիջապէս յետոյ, 318 թ. շ. = 869 ապրիլից - 870 ապրիլ: Արարանան տեղեկութեամբ նա նշանակուեց հիշրի 256ի վերջը, 870 նոյեմբեր, Tabari III, 3 էջ 1841: Ըստ Եակուբի, 621, Յիսէ եկաւ 257 ջուլմատ բ. ամսում, որ է 871 ապրիլ: Երեւի, նշանակումը տեղի է ունեցել 870 նոյեմբերին, իսկ դաւը՝ 871 ապրիլին:

մում է որ Աշոտն ընկերացաւ Բուղայի որդի Մուսէին, երբ սա գնում էր Կզուին քաղաքացիների դէմ, որ ապստամբել էին Տաճիկներից: Մուսէն խոստացել էր Աշոտին արչաւանքից յետոյ միջնորդել եւ նրան ազատ արձակել իր հայրենիքը: Մուսէն յաջողութեամբ վերջացրեց կռիւր, բայց զլացաւ կատարել իր խոստումը: Աշոտը փախաւ եւ եկաւ հայրենիք: Ապստամբ Կզուինը Ատրպատականի Կազուին քաղաքն է, ուր ըմբոստացել էր Արուստուխի իշխանը եւ սրան սանձելու ուղարկուեց արդարեւ Մուսէ:

Կռիւր տակաւին շարունակուում էր, երբ գահակալական խռովութիւնները ստիպեցին Մուսէին յետ դառնալ Բագդատ: Մուսէն զարձր այդ թուից առաջ է: Բուղան ինքը սպանուեց 868 թուին: Այս ժամանակներն է տեղի ունեցել Աշոտի դարձը²:

Աշոտ Արծրունի տուն դառնալով, սկսաւ խէթ աչքով նայել այն հանգամանքի վրայ, որ Գուրգէն Արուսեղը հաստատուել էր հարեւան Անձեւացեաց աշխարհում: Աշոտը պահանջում էր որ Գուրգէնը իր երկրի մի մասը գիջանի Դերենիկին: Գործը արիւնհեղութեան պիտի հասնէր, եթէ իշխանաց իշխանը իր որդի Մահակի միջոցով չմիջամտէր վէճին եւ հաշտութեամբ վերջ չդնէր եղբայրասպան կռուին:

Աշոտ Արծրունու հետեւեալ ընդհարումն եղաւ արաբ Ութմանիկ ցեղի հետ: Այս անհանգիստ տարրը սպանել էր Ռոստոմ Վարաժնունի իշխանին եւ գրաւել Ամիւկ բերդը: Տիրացել էր նաեւ Վարազ վանքին, բանտարկելով վանահօր: Արծրունեաց իշխանը պատրաստուում էր զէնքի ոյժով պատժել Ութմանիկ գերբիջներին, երբ սրանց օգնութեան հասաւ Յիսէ տասն եւ հինգ հազար հեծելազորի գլուխ անցած: Այս անգամ միջնորդ հանդիսացաւ իշխանաց իշխանի փեսան, Վահան Արծրունին իր որդի Գագիկ Արուստունի հետ եւ ստիպեց զէնքը վայր դնել: Յիսէ թւում է մտադիր է եղել խուժելու Վասպուրական, ինչպէս կարելի է եզրակացնել

1 Masudi, Prairies d'Or, VII, 12.

2 Թովմա, էջ 236, տալիս է դարձի ստոյգ թուականը. «է 6է ամի Հայոց թուականութեան եկն Աշոտ Վասպուրական իշխան ի գերութենէն»: Անտարակոյս, 6է = 307, ուղղելու է 6ժի 317, որ է 868-9 թիւր: Արդարեւ, նոյն պատմագիրը, էջ 244, վկայում է որ Աշոտը ապրեց յետ գերեզարձի 6 տարի եւ մեռաւ 6ԻԳ թ. 2. Հինգ-յարթի որ 6 հոռի, որ է 874 թիւր մայիսի 27: Հետեւապէս դարձել էր 868 թուին: Թովմայի խօսքերը, էջ 243, «է ամ ի գերութեան արարեալ եւ գ ամ կնցեալ յետ գերեզարձն լինելոյ» յայտնի հայագէտ Dulaurrier, Recherches de la Chronologie, p. 265, սրբազրում է «է ամ ի գերութեան եւ ծգ ամ յետ գերեզարձն լինելոյ: Մինչդեռ ուղղելու է միայն գերութեան և տարին ծե (կամ ծէ): Աշոտ կայանաւորուեց 852 եւ ազատուեց 868, հետեւապէս մնաց գերութեան մէջ 853-867, այսինքն՝ 15 տարի:

պատմագրի այն նկատողութիւնից թէ Աշոտ եւ Դերենիկ յանձնառու եղան Յիսէի առաջ արքունի հարկերը վճարել եւ «դարձուցին ընդ նոյն ճանապարհ ընդ որ եկեալ էր, ոչ թողացուցին նմա ելանել ընդ աշխարհն Վասպուրական»: Յիսէ թողեց զնաց Պարտաւ և «այլ ոչ եւս այնուհետեւ համարձակ յանձն առնոյր մտանել ընդ աշխարհս Վասպուրական»¹:

Յիսէ երկար չմնաց Աղուանից մայրաքաղաքում: Երեւի ձմերելուց յետոյ, յաջորդ 872 թուին, հեռացաւ, թողնելով այնտեղ քաղաքապետ մի ոմն Յամանիկ իրեն հաւատարիմ մի անձն: Սակայն Յամանիկ չարդարացրեց նրա վստահութիւնը եւ Արծրունի իշխանների նման սա եւս ծառայաւ իր տիրոջ դէմ, ձգտելով անկախութեան: Յիսէն հարկադրուած էր զէնքի դիմել անհնազանդ Յամանիկին սաստելու համար: Հայ իշխանների օգնութեամբ պաշարեց Պարտաւը, պատերազմեց Յամանիկի դէմ գրեթէ մի ամբողջ տարի եւ առանց յաջողելու հեռացաւ Ասորիք: Նորէն եկաւ, կռուեց եւ դարձեալ ձախողեց:

Մովսէս Կաղանկատուացին պահել է մեզ Յամանիկի անունը որ էր «Մահմուտ որդի Ապղմեհդի և կոչիւր Եմեմիկ» (կարդա՛լ Եմեմիկ): Այս Եմեմիկ Մահմետի դէմ եկաւ Ասորեստանից Եսայի որդի Շեխայ, այսինքն Յիսէ, արաբերէն իսա իբն Շէյխ, կամակից ունենալով իշխանաց իշխան Աշոտին: Ասորիք կամ Ասորեստան ասելով հասկանալու է այս դէպքում Ամիգի չրջանը, Շաւրան ցեղի տունը:

Պարտաւի վրայ գնացին Յիսէ եւ Աշոտ եւ «քաջամուխ կան ի մարտի դամս 13»²: Նոյն օրերում վախճանուեց Աղուանից հայրապետը: Սամուէյ եպիսկոպոսը Աշոտի հաւանութեամբ ընտրուեց յաջորդ 326 թ. 2. այսինքն 877-878 թուին:

Ասել է թէ Յամանիկի եւ Յիսէի կռիւր պատահել է այս ժամանակ եւ թերեւս երկրորդ կռիւն է: Ուշադրութեան արժանի է պատմագրի նկատողութիւնը որ մարտը տեւեց 13 տարի: Եթէ ներելի է կարդայ զամիսս 13 փոխանակ զամս, 13 ամիսը կը համապատասխանէ թովմայի մի տարուան, «տուեալ պատերազմ ընդ քաղաքին զտարի մի»³: Իսկ եթէ այնպէս հասկացուի, որ Յամանիկ մնացել է սանձարձակ ըմբոստ 13 տարի շարունակ, պէտք է ենթադրել, որ ընդվզումը սկսուել է Յիսէի հեռանալուց յետոյ 872 թուին եւ տեւել է մինչեւ Աշոտի թագաւորելու նախօրեակը, ուրեմն իրօք 13 տարի:

1 Թովմա Արծրունի, էջ 243:
2 Մովսէս Կաղանկատուացի. Գ. զլ. 21.
3 Թովմա Արծրունի, էջ 245:

Պարտաւի ապստամբ իշխանի փառասիրական ձգտումներն աւելի հեռուն էին դնում: Նա ուզում էր ձեռք դնել ամբողջ Հայաստանի վրայ: Յիսէն հեռացաւ 878ին: Յաջորդ տարին նա Միջագետքում կուում էր Կունդաշիկ իշխանի դէմ հիշրի 266=879-880:

Յամանիկ երազում էր նրա տեղը բռնել եւ «թուղթս եւ դեսպանս մի զմիոյ կնի առնելով առ իշխանս աշխարհիս», առաջարկում էր իր թեկնածութիւնը «ի վերակացութիւն Հայոց»: Հայերը սակայն գերադասեցին իրենց մէջ տեսնել Ահմաթ որդի Հալթի, որ է արդէն ծանօթ Մուհամետ իրն Սալիդ, այն անձը, որ Բուղայից յետոյ կուսակալ եկաւ եւ մեղմ քաղաքականութեամբ վերականգնեց խաղաղութիւնը խռովուած երկրում: Իշխանների ցանկութիւնը յարգուեց եւ Մուհամետ նշանակուեց Հայաստան:

Արաբական իշխանութիւնը իր զորութեան վայրէջքին հասած՝ ստիպուած էր յարմարուել երկրի տրամադրութեան, երբ կուսակալ էր նշանակում: Տրամադրութեան յայտարարը Աշոտ իշխանաց իշխանն էր: Ակնածելի ոյժ ոչ միայն տեղացի արաբ իշխանաւորների աչքում, այլ եւ խալիֆի ներկայացուցիչ կուսակալի: Իրերի ընթացքը ցոյց էր տալիս, որ կամ պէտք էր զիջանել ասպարէզը նրան, կամ փորձել տապալելու եւ մէջտեղէն հանելու վտանգաւոր իշխանին: Բախումը անխուսափելի էր:

Նոր կուսակալը ոտ կոխեց Հայաստան: Ընդառաջ ելան մինչեւ Դաղուան ացոցեցիկ իշխանաւորները, Դերենիկ Արծրունին իր իշխաններով, Տարօնի Աշոտ Կիւրապաղատը, Մուկաց իշխան Մուշեղը, Ապահունեաց բռնաւոր Աբլբառ Կայսիկը: Միայն իշխանաց իշխանը չչարժուեց տեղից, այլ իր կողմից ուղարկեց Շապուհ եղբորը: Այսպիսի շքախումբով Մուհամետ իրն Սալիդը ուղղուեց դէպի Դուին:

Սալիդի որդին չարդարացրեց այն մեծ վստահութիւնը, որ ցոյց էր տուել դէպի նրա անձը Հայ երկիրը եւ ամենից առաջ իշխանաց իշխան Աշոտը: Արդեօք բարձրից յանձնարուած կուսակալը Աբլբառ Կայսիկի հետ միասին ծրագրում են նենգութեամբ բռնել հայ իշխաններին եւ զինաթափ անել երկիրը: Այս նպատակով գաղտնի յարաբերութեան մէջ են մտնում Պարտաւի ըմբոստացած Յամանիկ բռնաւորի հետ եւ խորհուրդ տալիս, որ նա թշնամի ձեւանալով դուրս գայ որպէս թէ կուուելու նորեկ կուսակալի դէմ, բայց իրօք միանալու նրա եւ Աբլբառի ոյժերին ընդդէմ իշխանաց իշխան Աշոտի եւ միւս հայ իշխաններին:

Ահա այս ճգնաժամին է որ Աշոտը փայլեց իր խորիմաց կարողութեամբ եւ հեռատեսութեամբ: Պատմագիրը իրաւամբ կոչում է նրան «առաւելեալն իմաստութեամբ»: Տարիների փորձառութիւնը քանձարան էր բարի խորհուրդների, որ շնչում էին թէ արաբական միջավայրում պէտք է միշտ արթուն մնալ, որովհետեւ գոյը կարող էր դալ ամեն ժամու: Աշոտ անհոգ չէր նստած: Մուհամետի գալու օրից նա բռնել էր վաղօրօք բոլոր կարեւոր դիրքերը, «կամուրջների խելերը եւ ձորերի կիրճերը» եւ յաջողել էր ձեռք ձգել այն նամակը, որ Մուհամետ եւ Աբլբառ գրել էին եւ յատուկ սուրհանդակով դրկել Յամանակին:

Արաբ դաւադիրները սկսել էին արդէն իրենց մութ գործը, ջանալով միեւնոյն ատեն պառակտել հայ ոյժերը: Բանասարկութեամբ դժտեցին Դերենիկ Արծրունուն Տարօնի իշխանի՝ Աշոտ Կիւրապաղատի հետ:

Բսու մարդիկ հաւատացրել էին Դերենիկին որ Աշոտ ձգտում է խլել նրանից իշխանութիւնը: Ամբաստանութեան զոհ եղաւ Կիւրապաղատը, որ յանկարծակի կայանաւորուեց Դերենիկի հրամանով: Ասում են, որ Դերենիկի յաւելեալ շարժառիթն էր, Կիւրապաղատի տեղ, Տարօնի իշխանութիւնը տալ նրա եղբոր Դաւիթին, որ կոչում էր Արքայիկ եւ որ իր՝ Դերենիկի քրոջ Մարիամի ամուսինն էր: Արծրունի իշխանն արդարեւ նոր կուսակալի ձեռքով հաստատեց իր փեսային Տարօնում¹:

Ահմատ կամ Մուհամատ իրն Սալիդը եւ Աբլբառ Կայսիկը Դուինում ետեւէ եղան չար ծրագիրն իրագործելու: Իշխանաց իշխանը, որ «բարձրագոյն եւ հանճարեղագոյն էր քան զքնաւ Հայաստանեայս եւ զընդհանուր կացեալս ի ներքոյ երկնից», անդէտ ձեւանալով դաւադրութեան, եկաւ ներկայացաւ արաբ ամիրային առատաձեռն պարզեւներով: Բարեմիտ եւ զգոյշ իշխանը, երեւում է, յոյս ունէր մի կերպ

1 Ըստ թովմայի (էջ 248) Դաւիթ Արքայիկը իշխեց Տարօնում զամս է: Սմբատ թագաւորի «չերբորդ ամի» Դուինի շարժը եղաւ, եւ շինտ այսր յերկրորդ ամի», Յոյները պաշարեցին Կարին քաղաքը: «Եւ ի նմին ամի մեռաւ Արքայն իշխան Տարօնոյ» (Պովմա Արծր. էջ 260): Սմբատի երրորդ տարին է 892, սրանից 2 տարի յետոյ, կը լինի 894 թիւը: Այս թուին մեռած Արքայիկը եթէ եօթն տարի է իշխել, նշանակում է սկսել է 894-7=887: Անհնարին է, բանի որ այս ժամանակ Աշոտ արդէն թագաւոր էր, մինչդեռ Արքայիկի Տարօն հաստատուելը Մուհամետ իրն Սալիդի գալըստեան տարին էր: Նրա հայածուկուց յետոյ է որ Ահմատը, Յիսէի որդին, թագը բերեց: Պարզ է, որ է ընթեռնելու է թէ, կամ գուցէ աւելի ճիշդ թմ: Այս հաշուով Արքայիկի իշխանութեան սկիզբը կը ստացուի 894-17/15=878/880 եւ միեւնոյն ժամանակ կ'որոշուի Մուհամեդ իրն Սալիդի գալուտեան տարին:

վանել սպառնացող փոթորիկը հայ երկնքից: Երբ համոզւեց, որ խաղաղ միջոցները ի դերեւ պիտի ելնեն, դիմեց գէնքի: Նա պատուէր տուաւ իր քաջարի եղբոր Աբասին, որ սպարապետն էր, պատրաստ լինել: Առաւօտեան մինչ արար կուսակալը սպասում էր իշխանների ողջոյնին, Աբասը մտաւ մենակ կուսակալի մօտ եւ յանձնեց նրան այն թուղթը, որ ինքը կուսակալը գրել էր Յամանիկին դաւադրական նպատակով: Ապա սպարապետը բռնելով նրա ձեռքից, հանեց դուրս, սիրտ տուաւ նրան, որ չվախենայ և նստեցրեց ջորու վրայ ու հրամայեց դառնալ այնտեղ, որտեղից եկել էր: Իշխանաց իշխանի որդին Շապուհ ուղեկցեց արտաքուստ զուսակալին մինչեւ Ասորեստանի սահմանները: Վեհանձն յաղթութիւն առանց կաթիլ արիւնի:

Կուսակալի դաշնակից Աբլբառ Կայսիկ իշխանը եւս արժանի էր պատժի: Աշոտ իշխանաց իշխանը պաշարեց Մանազկերտը, Աբլբառի ոստանը: Այդ ժամանակ եկաւ գուժկան, որ Աշոտ Կիւրապաղատ ազատուել է բանտից եւ ձերբակալել Դերենիկին: Իշխանաց իշխանը թողեց Մանազկերտի պաշարումը եւ զնաց իր փեսայ Դերենիկին օգնութեան եւ հանեց նրան բանտից ոչ առանց դժուարութեան:

Դաւադրութեան երրորդ անդամը Յամանիկը կուսակալի անարգալից արտաքուստից յետոյ փորձեց միայնակ գլուխ հանել մշակուած ծրագիրը: Երկպառակութեան որումն ցանեց իշխանների մէջ, գրգռելով Դերենիկին իշխանաց իշխանի դէմ, ինչպէս եւ Աբլբառ Կայսիկին: Միւս կողմից բանսարկեց, որպէս թէ Դերենիկը դաւեր է սարքում Աշոտի դէմ: Դերենիկը սպանուեց, երբ գնում էր ձուաչ դաւաոր ձմերելու Մառական աւանում: Ճանապարհին Հեր քաղաքի պետը ոմն Աբլբերս դարան մտնելով յարձակուեց Արծրունի իշխանի վրայ, երբ սա անցնում էր Անձախի ձորից, եւ սրով խողխողեց:

Լուրեր էին պտուում, որ իշխանաց իշխանի մատր խառն էր այդ սպանութեան մէջ: Դերենիկի մահուան մի երկրորդ պատմութեան մէջ, Հերի քաղաքապետը կոչուում է որդի Ապումսարայ, եւ դաւադրութեան մասնակից է համարում Գագիկ Աբումբրուան, որ իշխանաց իշխանի դստեր որդին էր: Կարելի է կարծել, որ Գագիկի մասնակցութիւնը թելադրանք էր իշխանաց իշխանի կողմից:

Մի ուրիշ տեղեկութեամբ, Դերենիկի սպանիչները Իսմայէլեան ազգի գլխաւորներն էին, որ սեփականել էին Հեր

եւ Զարեւանդ գաւառներում ինչ ինչ հողեր Դերենիկին պատկանեալ¹:

Ինչպէս վերջացան Աշոտի հաշիւները Յամանիկի հետ, ի մօտոյ յայտնի չէ, բայց պէտք է ենթադրել, որ Աշոտը կարողացաւ ընկճել այս խարդախ եւ խռովասէր բռնաւորին: Սանձուած էր նաեւ Մանազկերտի Կայսիկ իշխանը, ինչպէս տրամադրում է կարծել Կոստանդին Միրանաձնի վկայութիւնը²:

Այսպիսով Աշոտի հակառակորդները, երկրի խաղաղութիւնը վրդովող արտաքին թէ ներքին ոյժերը, պարտուեցին: Աշոտ միակ խոշոր անձն էր հրապարակի վրայ, առանց ախոյեանի, առանց հայ թէ արաբ մրցորդի: Բարոյական հեղինակութիւնը եւ զինուորական ոյժը լուութեան եւ անգործութեան էին մատնել խռովարար յոյգերն ու ձգտումները: Անպայման Աշոտ երկրի տէր ու տիրական էր: Եթէ արաբ եւ պարսիկ ամիրանների համարձակութիւնն ու վճռականութիւնը ունենար, Բագրատունի իշխանը կարող էր խզել իր կապերը ամիրապետի հետ եւ յայտարարել իրեն ինքնիշխան: Սակայն, Աշոտի ամենամեծ արժանիքը խոհեմութիւնն ու զգուշութիւնն էր եւ չէր սիրում խաղալ անյայտութեանց հետ: Ուստի միշտ գերադասելի էր նրա համար պահել եւ չկորցնել ծանր աշխատութեամբ վաստակած վստահութիւնն ու հաւատը ամիրապետի: Առանց աղմկարար ցոյցերի, առանց դըրժելու խալիֆի հետ ունեցած յարաբերութիւնը, իշխանաց իշխանը չտատանուեց մի կարեւոր եւ գործնական քայլ անել, ստեղծած դրութիւնը սրբազործել արքայական ծիրանիով: Ընդհանուր ցանկութիւնն էր:

Պատմագրի խօսքերի մէջ ճշմարտութիւն կայ թէ հայ իշխաններն ու նախարարները տեսնելով Աշոտի «քաջատոհմիկ պերճութիւնը», խորհուրդ արին եւ որոշեցին թագաւորացնել նրան իրենց վրայ: Այս մասին յայտնեցին ամիրապետին եւ սա ընդունեց «արժանահայց խնդիրը» եւ զրկեց Աշոտին արքայական թագ: Խալիֆ Մուսամիդ չէր կարող այլ կերպ վարուել առանց վախենալու նորանոր փորձանքներից: Կայսերական քաղաքականութիւնը անգործ չէր: Տարօնի Բագրատունի իշխանը արժանացել էր պալատական բարձրագոյն տիտղոսի՝ կիւրապաղատութեան: Բիւզանդական գահի վրայ բաղձած էր հայազն Վասիլ:

Ոչ ոք չէր կարող երաշխաւորել, արդեօք իշխանաց իշ

1 Յովհաննէս Կաթողիկոս, էջ 79:
2 De Administrando Imperio, c. 44.

խանը, եթէ մերժում ստանար ամիրապետից, երեսը չէ՞ր դարձնի Արարներից, եւ կայսեր հովանաւորութեան հետ միասին չէ՞ր ստանայ ըղձալի թագը Բիւզանդիայից: Այս դէպքում Հայաստանը պէտք է ընկնէր ընդմիջտ Արարների ձեռքից եւ անցնէր նրանց ոխերիմ թշնամիներին:

Մուտամիդ գոհացում տուաւ երկրի բաղձանքին: Գէորդ կաթողիկոսը հոգեւոր օրհնութեամբ պսակեց Աշոտին թագաւոր Հ. թ. 334=885-886 թուին: Վասիլ կայսրը շտապեց շնորհաւորել Աշոտի յաջողութիւնը, «խաղաղութեան, նուաճութեան եւ սիրոյ» դաշինք հաստատելով եւ «որդի սիրելի անուանելով» եւ «հաղորդակից կացուցանելով յամենայն թագաւորութիւնս տէրութեան իւրոյ»: Վերջին խօսքերիս իմաստն է՝ առնել Աշոտին կայսերական հովանաւորութեան տակ:

Քաղաքական ոգորումները պսակուեցին յաղթանակով: Բագրատունի իշխանի համար թագ բերողը ոչ այլ ոք էր եթէ ոչ Շայրանի տան զաւակ՝ Ահմատը, որդի Յիսէի (եւ ոչ Յիսէ, ինչպէս մեր մատենագիրների մօտ է): Այս եւս մի խոշոր յաջողութիւն էր: Աղձնիքում բոյն դրած և կենտրոնական իշխանութեան կռթնած արար իշխանական տունը, Բագրատունիների կատաղի հակառակորդը, ստիպուած էր հրաժարուել պայքարից: Աշոտի թագաւորելովը փակուում է քաղաքական ապրումների մի ամփոփ շրջան, մի ամբողջութիւն: Զգտումները յանգել էին իրենց նպատակին:

Այստեղ կարող ենք կանգ առնել եւ հետեւել Բագրատունեաց երկրորդական ճիւղերի գործունէութեան դրացի երկիրներում:

ԺԱՄԱՆԱԿԱԳՐԱԿԱՆ ՃՇԳՐՏՈՒՄՆԵՐ

Աշոտի թագաւորութեան տարին յայտնի չէ հաստատապէս, ուստի եւ տարածայնութեան նիւթ: Մատենագրական տեղեկութիւնները, տարաբախտաբար, աղքատ են: Եղածները բղիւում են մի աղբիւրից որ է Թովմայ Արծրունի: Աչքի անցնենք բոլոր յայտնի տեղեկութիւնները նրանց ծագումը եւ փոխադարձ կապը պարզելու համար:

1. Յովհաննէս կաթողիկոս, Ժամանակակից և թերեւս ականատես Աշոտի թագադրութեան, գլացել է աւելի բան հաղորդելու քան որ Աշոտին պսակեց Գէորդ հայրապետը եւ որ այս առթիւ Բարսեղ (Վասիլ Ա) կայսրը յարաբերութեան

մէջ մտաւ Աշոտի հետ սիրոյ եւ խաղաղութեան անունով:

2. Թովմա Արծրունի հաղորդում է որ Աշոտ ապրեց «եւ ամ յիշխանական ճոխութեան, իեւ ամ յիշխանաց իշխանական պետութեանն, դ ամ ի թագակապ շքեղութեանն եւ մեռաւ յԻԹ թուականութեանն և ի Ժե ամի հայրապետութեանն Գէորգայ Հայոց կաթողիկոսի»: Ուրեմն իշխան եղաւ հինգ տարի, իշխանաց իշխան՝ քսանեւհինգ տարի, թագաւոր՝ չորս տարի եւ մեռաւ 339 թուին Հայոց, Գէորդ կաթողիկոսի 15րդ տարին²:

3. Ասողիկ յայտնում է որ Աշոտի թագադրութիւնը տեղի ունեցաւ Յունաց Վասիլ թագաւորի օրով եւ կամքով յԵԵԹ թուականութեանս Հայոց և ի դալստենէ Փրկչին մերոյ Տեառն Աստուծոյ ամք պճը, յաւուրս տեառն Գէորգայ յԺք ամի հայրապետութեան նորա»: Այլ եւ որ «նախ քան զթագաւորութիւնն, երեսնամեայ Ժամանակօք իշխան եւ իշխանաց իշխան եղեալ Հայոց եւ Վրաց»³:

4. Սամուէլ Անեցի ունի. «պճէ (կարգա՛ պճե), յԵԴ ի բառնալոյ Արչակունեաց թագաւորացն մինչեւ ցթագաւորութիւնս Բագրատունեաց լինին ամք նլդ: Աշոտ իշխանաց իշխան թագաւորեաց Հայոց ամս ե»⁴:

5. Կիրակոս կրկնում է Սամուէլին. «ի բառնալոյ թագաւորութեան Արչակունեաց մինչեւ ցթագաւորութիւն Բագրատունեաց լինին ամք նլդ. որ յԵԵԹ թուին թագաւորեաց Աշոտ» աւելացնում է «զամս 1 եւ ք իշխանաց իշխան կացեալ եւ ե ամ թագաւորեալ»⁵:

6. Վարդան քաղում է Ասողիկից. «Չնոյն (զթագն) և կայսրն Վասիլ առաքէ և օրհնէ զթագն տէր Գէորդ յԵԵԹ թուին և յԺք ամի հայրապետութեան իւրում և յպճը ամի ծնընդեան տեառն: Որ բարիոք կարգաւորեաց զյօրինուածս թագաւորութեանն ամս ե . . կատարի իՔրիստոս հա ամաց»⁶:

Արդ այս տեղեկութիւններից կարելոր է առաջին երկու պատմագիրների, Յովհաննէս Կաթողիկոսի եւ Թովմա Արծրունու հաղորդածը: Ասողիկ աւելի բան չգիտէ քան ինչ որ հանել է Թովմայից: Արդարեւ, ըստ Թովմայի Աշոտ մեռաւ 339 թուին, չորս տարի թագաւորելուց յետոյ: Ասել է թէ թագաւորել է 336 թուին, ինչպէս հաշուել է Ասողիկ: Եթէ մահուան տարին, 339 համապատաս-

1 Հրատ. Մ. Էմիմի, էջ 78:
2 Հրատ. Կ. Պօլիս, 1852 թ., էջ 258:
3 Հրատ. Տէր-Միխայլիւսի, էջ 95:
4 Հրատ. Վենետիկի, էջ 45:
5 Հրատ. Վենետիկի, էջ 86:

խանութ է Գէորգ Կաթողիկոսի 15րդ տարուան, գահակալութեան տարին 336 կը գայ ուղիղ նոյն կաթողիկոսի 12րդ տարին: Ասողիկ աւելցրել է իր կողմից միմիայն Քրիստոսի համապատասխան թուականը, 336 = 887-888: Թովմատալիս է Աշոտին հինգ տարի որպէս իշխանի եւ 25 տարի որպէս իշխանաց իշխանի: Ասողիկ գումարել է երկու թուերը հաշուելով 30 տարի իշխանի եւ իշխանաց իշխանի համար:

Ասողիկ մի նոր բան է յայտնում որ չկայ Թովմայի մօտ. «Աշոտ կեցեալ ամս 18, թագաւորեալ ամս Ե մահուամբ փոխի առ Քրիստոս»: Աշոտ որի իշխանութիւնը հաշուում է 34 տարի, չէր կարող 32 տարի ապրած լինել: Ակներեւ է որ 32 թիւը հարազատ չէ: Վարդան այստեղից գիտէ որ Աշոտ 71 տարի է ապրել եւ հինգ տարի թագաւորել: Հետեւապէս 32 ուղղելու է 71: Ասողիկի առաջին հրատարակութեան մէջ 32ի փոխարէն կարդացուում է 21, որ հաստատում է 71ի միաւորը ընդդէմ 32ի միաւորի: Ստորեւ կը տեսնենք որ 71 եւս հարազատ չէ, եւ պէտք է լինի 61: Ամեն պարագային կարեւոր տեղեկութիւն է, անկախ Թովմայից և առնուած հաւանորէն Շապուհ Բագրատունու կորած գործից: Ասողիկ հարկ է համարել յիշել որ Աշոտ թագաւորեց հինգ տարի, թէեւ այս հակասում է Թովմայից քաղած տեղեկութեան, որի համաձայն Աշոտ թագաւորել է չորս տարի 336, 337, 338 եւ 339 տարիները:

Սամուէլ տալիս է Աշոտին հինգ տարի թագաւորութիւն, անշուշտ Ասողիկի ազդեցութեան տակ, ուստի և թագաւորութեան սկիզբը դնում է 334 թ. Հ. = 885, ընդունելով մահուան 339 թուականը, 339 - 5 = 334: Արշակունեաց անկումը համարում է Սամուէլ 451 թուին¹, որտեղից մինչեւ Աշոտի գահակալութիւնը 885 թուին հաշուում է ուղիղ 434 տարի:

Կիրակոսը հետեւում է Սամուէլին², Վարդանը՝ Ասողիկին: Սրանց տեղեկութիւնները ուրեմն անկախ արժէք չունին, ինչպէս չունին եւ իրենց աղբիւրները, Ասողիկ եւ Սամուէլ: Միակ հիմնական աղբիւրը մնում է Յովհաննէս Կաթողիկոս եւ մանաւանդ Թովմա Արծրունի:

Տարբախտաբար Թովմա Արծրունու մօտ մի գրչի վրիպակ կայ, որ չէ նկատել Ասողիկ եւ որ դիւրին է վերհանել: Արծրունեաց պատմագիրը դնում է Աշոտի մահը 339

1 Սամուէլ, էջ 70:
2 Կիրակոսի՝ 32 տարին հետեւանք է հնգի (4) եօթ (5) սխալ ընթերցման, որով 30 փոխարէն 32:

Հ.թ. եւ Գէորգի 15րդ տարին: Հետեւապէս Գէորգի առաջին տարին գալիս է 324 թ. Հ., ինչպէս հաշուել է Ասողիկ: Գէորգի նախորդ Չաքարիա Կաթողիկոսը, նոյն Թովմայի վկայութեամբ, վարեց հայրապետական աթոռը 18 տարի¹, ուրեմն աթոռակալած պիտի լինի (324 - 18 =) 306 թուին Հայոց: Սակայն այս հակասում է նոյն պատմագրի այն վկայութեան թէ 306 թիւը կշռում է Չաքարիայի երրորդ տարին. «և եղեւ ի լնուլ վեցերորդ ամի գերութեանն Հայոց որ է յգ ամ ըստ թուոյ հայերէն տումարին և ունի յորեւեանք գ եւ ոլումպիադը (կարդա՛ ոլիմպիադէ) և ընդիքտիոնք<ի>, եւ գ ամ հայրապետութեան Հայոց կաթողիկոսի տեանն Չաքարիայի, եւ մուտ եօթնրորդ ամի»²:

Եթէ 306 լրացած եւ 307 սկսած համապատասխանում է Չաքարիայի 3րդ տարուն, ուրեմն առաջին տարին կը գայ 304 լրացած եւ 305 սկսած տարին: Արդ 304 Հ.թ. սկսում է 855 ապրիլ 26, լրանում 856 ապրիլ 26, որտեղից սկսում է հետեւեալ 305 տարին: Կարելի է ասել, որ Չաքարիա գահակալել է 855 վերջը, կամ 856 սկիզբը, և որովհետեւ աթոռը վարել է 18 տարի, նրա վերջին տարին կը հասնէ մինչև 321ի վերջը եւ 322ի սկիզբները, այսինքն 873 ապրիլ 22ից յետոյ:

Չաքարիայի յաջորդ Գէորգ կարող էր գահ բարձրանալ 873ի վերջերը կամ 874 սկիզբները: Հետեւապէս Աշոտի մահուան տարին, 339 Հ.թ. որ է 890 մինչեւ 891 ապրիլ, չի համապատասխանի Գէորգի 15րդ տարուն, այլ 17րդ: Պէտք է ենթադրել որ Թովմայի ժե գրչական սխալ է փոխանակ ժէի:

Յովհաննէս Կաթողիկոս տալիս է Չաքարիային 22 տարի³ և ոչ 18 ինչպէս Թովմա Արծրունին: Ասողիկ նախընտրել է 22 տարին և չորս յաւել տարիները շահելու համար, երկու տարով յառաջացրել է Չաքարիայի ընտրութիւնը եւ նոյնչափ տարով յետաձգել նրա մահը, հաշուելով նրա աթոռակալութիւնը 302 Հ.թ. մինչեւ 324, կամ 853 մինչեւ 875:

Յովհաննէս Կաթողիկոսի վկայութեամբ, Չաքարիայի նախորդ Յովհաննէս Ովայեցի կաթողիկոս կենդանի էր տակաւին 302 թուին մեհեկան ամսին: Սոյն ամսի 25ին նա սահմանեց տօնել Բուղայի զոհերից Ատոմեան 150 վկաների յիշատակը: Այնուհետեւ կաթողիկոսն ելաւ շրջապայելու Գեղարքունեաց վիճակը եւ վախճանուեց Մաքենոց վանքում:

Ասողիկ այստեղից հետեւցրել է որ Յովհաննէս կաթո-

1 Թովմա Արծրունի, Գ. ժք. էջ 245:
2 Նայն, Գ. ժդ. էջ 226: Յորեկան հաշուում է 50 տարի, ուրեմն 6 յորեւեան, 300 տարի: Ինդիկտիոն՝ 15 տարի, բաց է թողած 20 = 10 × 20 = 300:
3 Յովհաննէս Կաթողիկոս (հրատ. Էմիլի), էջ 76:

զիկոս մեռել է նոյն 302 թուին եւ նոյն տարին յաջորդել է Չաքարիա: Սակայն 302 շ.թ. մեհեկան 25 կշուում է փրկչական 853 նոյեմբ. 17: Ծերունի կաթողիկոսը չէր կարող ձրմբան ցրտերին չըջագայութեան գնալ մինչեւ Մաքենոց վանքը: Հարկ է կարծել որ հայրապետի դրօսանքը կատարուել է ոչ յառաջ քան դարուն 874 տարուան: Սոյն տարին Բուզան կուել էր մղում Ազուանից Արու Մուսէ իշխանի դէմ: Արար զօրավարի բանակումն էր Մմբատ սպարապետը իր որդի Մուշեղի հետ: Կուելը տեւեց գրեթէ մի ամբողջ տարի: Հետեւեալ 855 տարին էր, երբ Բուզան հեռանալով Հայաստանից, հրամայեց Մմբատին միանալ իր կարաւանին: Մմբատ նախքան հեռանալը ժողով գումարեց Երազգաւորք եւ ընարել տուեց Չաքարիային: Սա աշխարհական էր եւ մի օրուան մէջ բարձրացաւ մինչեւ կաթողիկոսական աթոռ: Հիմք կայ կարծելու որ Ովայեցու մահից յետոյ հայրապետական աթոռը թափուր մնաց մի սու ժամանակ մինչեւ Չաքարիայի բնորութիւնը որ չէ կարող յառաջ լինել քան 855: Տեսանք որ Թովմա Արծրունին նրա գահակալութեան առաջին տարին համարում է 304 շ.թ. որ է 856, սկսած ապրիլից: Ակնեքեւ է որ Ասողիկի հաշիւները ստույգ չեն: Ստույգ չէ նաեւ նրա ցուցումը թէ Աշոտ թագաւորեց Գէորգի 12րդ տարին, որ հիմնուած է Թովմայի բնագրի հին վրիպակի վրայ, ինչպէս տեսանք:

Աշոտի թագաւորութեան սկզբնաւորութեան մասին այլ աղբիւր չունինք հայ մատենագրութեան մէջ քան Թովմա Արծրունին: Սա է միակ եւ հիմնական աղբիւրը որից քաղել են միւսները:

Արդ Թովմայի գիտութեամբ Աշոտ մեռաւ 339 թուին Հայոց, որ է 890 ապրիլ 18 մինչեւ 891 ապրիլ 18: Եւ որովհետեւ թագաւորեց չորս տարի, այստեղից սխալ կը լինէր հետեւցնել թէ թագ կապեց 336 շ. թ. 887-888, սխալ որովհետեւ յայտնի չէ որոշակի թէ 339 թուի ո՞ր ամսին վախճանեց: Եթէ մեռած է 890 թուին չորս տարին կը հաշուի 886ից: Յովհաննէս կաթողիկոս մի նեցուկ է տալիս իր տեղեկութեամբ թէ Վասիլի կենդանութեանն է թագ կապել Աշոտ: Վասիլ մեռաւ 29 օգոստոս 886, հետեւապէս Աշոտի թագաւորութիւնը կանուխ է քան այս թիւը, եւ մահը կանուխ քան 890 օգոստոս 29: Ոչ մի հիմ չկայ կասկածի ենթարկելու ո՛չ Թովմայի եւ ո՛չ Յովհաննէս կաթողիկոսի արժանահաւատութիւնը: Մնում է ներդաշնակել, հաշտեցնել: Եթէ ենթադրենք անգամ որ թագաւորութիւնը տեղի է ունեցել 886 օգոստոսի թէ ամառը, յառաջ քան 29 օգոստոսի, մահը կը գայ չորս

տարի ուշ 890 օգոստոսի թէ ամառ, այսինքն 339 շ. թ. ընթացքին որ սկսում է 890 ապրիլ ամսից, համաձայն Թովմայի:

Սակայն մի արգելափակ հանդամանք կայ: Հայ հնագոյն գրչագիրներից մէկը, Լազարեան ձեւարանի աւետարանը գրուած է ճիշտ 336 թուին Հայոց եւ գրիչն ասում է. «Գրեցաւ ի հայրապետութեան Գէորգայ Հայոց Կաթաղիկոսի եւ իշխանութեանն Աշոտի իշխանաց իշխանի, ի տէրութեան Մմբատայ Բագրատունոյ»: Ահա մի ժամանակակից որ Աշոտին անուանում է իշխանաց իշխան 336 շ. թ. = 887 թուին: Նշանակում է Աշոտի թագաւորութիւնն ուշ էր քան 887 թիւը: Այս չէ հակասում Թովմային, բայց ընդհարում է Յովհաննէս կաթողիկոսի վկայութեան հետ, որի համաձայն Վասիլ կենդանի էր թագաւորութեան ժամանակ, այն ինչ եթէ թագաւորութիւնը 887ին դեռ չէր կայացել, նշանակում է Վասիլի մահից յետոյ է կայացել:

Այս յիշատակարանի դէմ խօսում է մի ուրիշ յիշատակարան: 1910 թուին Էջմիածնի մատենագարանը մտաւ մի ձեռագիր աւետարան ԺԴ թէ ԺԵ դարուց, բայց գրիչը գովական ջանքով արտադրել է նաեւ իր օրինակի յիշատակարանը, որ է. «Գրեցաւ ի սկիզբն թագաւորութեան Բագրատունեաց Աշոտոյ ձեռամբ անարժան Գրիգոր Մաշկեւորի ի ժամանակս հայրապետութեան Գէորգայ կաթողիկոսի որ օծեաց զԱշոտ թագաւոր Հայոց ի թվ. մերում գնլգ, եւ քաղոց ամսոյ Ժ ի անուն սրբոյն Սքանչեյագործին վանիցն»:

Գրչութեան թերութիւնները պատկանում են հաւանօրէն անփոյթ արտագրողին, ինչպէս օծեաց փոխանակ աւծեաց: Վերջին նախագասութիւնը կրճատուած է: Հին աւետարանը գրուած է եղել քաղոց Ժ եւ ի վանս յանուն սրբոյն Սքանչեյագործի, կամ ձեռագիրը ընդօրինակողի ձեռքն է ընկել ի վանիցն որ յանուն սրբոյն Սքանչեյագործին: Կասկած չկայ որ յիշատակարանը հին է եւ հարազատ: Մեղ հետաքրքրում է գրութեան ժամանակը որ է 334 շ.թ. (գնլգ եւ ո՛չ գնլգ), այսինքն 885 ապրիլ — 886 ապրիլ: Ահա մի անակնուկի վկայութիւն որ Աշոտ օծուել է թագաւոր այս թուին: Ասողիկի խօսքը թէ Աշոտ թագաւորեց հինգ տարի առանձին արժէք է ստանում, մանաւանդ եթէ ծագում է, ինչպէս ենթադրեցինք, Շապուհ Բագրատունի պատմագրից: Հինգ տարին կը բերէ թագաւորութեան սկիզբը 334 տարին, ինչպէս հաշուի էր առել նաեւ Սամուէլ Անեցի: Հաւանական է որ Աշոտ թագաւորած լինի եթէ ոչ լրիւ հինգ տարի, ամեն

1 Արարատ, 1910. յուլիս, 42 623:

պարագային աւելի քան չորս տարի: Ամիրապետից թագ ստանալը եւ օծումը կամ թագադրութեան հանդէսը, հարկաւ, միաժամանակ չեն կատարուած: Թերեւս ժամանակագրական տարաձայնութիւնը բացատրելու է նրանով որ մի դէպքում Աշոտի թագաւորութիւնը հաշուած է օծման հանդէսից, միւս դէպքում թագը ստանալու օրից: Կարծում ենք որ 886ի սկիզբները կարող են ծառայել հաշտութեան կէտ տարաձայնութիւններին:

Սակայն մեծագոյն խոչընդոտը մնում է Լազարեան ձեմարանի ձեռագրի յիշատակարանը: Խոչընդոտը կարելի է հարթել կամ ենթադրելով որ թագադրութեան հանդէսը տեղի է ունեցել 887ից յետոյ, ուստի գրիչը տակաւին թագաւոր չէ անուանում Աշոտին, կամ իշխանաց իշխան զուգակշռում է Աշոտի պաշտօնական տիտղոսը *ἀρχων τῶν ἀρχόντων*, ընդունուած բիւզանդական արքունիքից: Տարաձայն վկայութիւնների մէջ դժուար է ժխտել մի կէտ որ Աշոտի թագադրութեան ժամանակ Վասիլ տակաւին կենդանի էր: Այս կէտը համարում ենք հաստատուն: Յովհաննէս կաթողիկոս չէր կարող յերկրել այնպիսի մի նշանաւոր փաստ, որպիսին Վասիլի յարաբերութիւնը նորապսակ Աշոտի հետ: Թրւական հաշիւները կարող են շփոթուել մանաւանդ երբ զանազանութիւնը մեծ չէ, բայց մեծագոր կայսրի անունը չէ կարող երեւակայութեան պտուղ լինել:

Աշոտի տարիքը եւս քննութեան պէտք ունի: Վարդան վկայում է որ Աշոտ մեռած է 71 տարեկան հասակում¹: Տեղեկութիւնն առել է Ասողիկից, իսկ սա՝ Շապուհ Բագրատունուց: Ասողիկի բնագիրը խաթարուած է: Վարդան աւելի լաւ օրինակ է ունեցել, բայց ոչ բոլորովին հարազատ:

Աշոտի հայրը, Սմբատ, պատանդ էր արարական արքունիքում եւ ազատ արձակուեց 275 շ.թ. = 826-827²: Արդ վերադարձից յետոյ էր որ Սմբատ ամուսնացաւ Դաւթի քրոջ հետ եւ ունեցաւ երկու զաւակ, Աշոտ եւ Շապուհ, նաեւ մի դուստր որ կնութեան զնաց Տայքի եւ Կղարջքի Բագարատ իշխանին³: Այս հաշուով աւագ որդու, Աշոտի, ծնունդը կարող էր պատահել առ առաւելն հետեւեալ 827-828 տարուան: Ապա մահուան տարին, 890ին Աշոտ չէր կարող 71 տարեկան լինել: Կարծում ենք որ ՀԱ սխալ ընթերցուած է փոխանակ ԿԱ=61: Արդարեւ 890-61=829, որ է ծննդեան ստոյգ տարին:

1 Վարդան, էջ 86:
2 Ասողիկ, էջ 106:
3 Վարդան, էջ 79:

ԲԱԳՐԱՏՈՒՆԻՔ ՎՐԱՍՏԱՆՈՒՄ

Վասակ Բագրատունին թողեց խռովայոյց Հայաստանը 775 թուի ապստամբութեան օրերին, անցաւ Կղարջք եւ հիմը դրեց Բագրատունեաց վրացի ճիւղին: Մի նոր եւ փառաւոր շրջան բացուեց Վրաց պատմութեան մէջ:

Մինչեւ Բագրատունիների երեւումը Վրաստանի անցեալը բաւականին մութ է եւ, որքան յայտնի է, անգոյն է: Յիշում են ցանուցիր իշխանական թէ թագաւորական անուններ որոնք վկայում են որ նման կարգեր են տիրել, Փէոդալական կարգեր, ինչպէս Հայաստանում եւ քաղաքական թէ քաղաքակրթական կեանքը հոյովել է համաշաւիղ ընթացքով եւ կրել յարափոփոխ պայմանների նոյն վերուվայրը ինչոր Հայաստան: Նիւթերի պակասութիւնը, տրամադրելի ցանցառ տեղեկութիւնները չեն ներում որեւէ գաղափար կազմել անցեալի ամբողջական պատկերի մասին: Այս տարտամ վիճակը վերանում է, երբ Բագրատունիք ոտ են կոխում Վրաստան: Երկիրը վերածնում է քաղաքականապէս, մտնում նոր փուլի մէջ եւ ընթանում ուրոյն եւ փայլուն ուղիով:

Մեծ է Բագրատունեաց դերը հայ պատմութեան մէջ, բայց անհամեմատ աւելի նշանաւոր գործօն եղան նրանք վրական հողի վերայ: Բաւական է յիշել որ վրական տոհմաձառը հաշուում է երեքհարիւրից աւելի անձ, որից վաթսուներ թագաւոր: Ոստեր արձակելով ամեն կողմ Վրաց Բագրատունիք կարողացան իրենց հովանու տակ առնել վրական ցեղերի ամբողջութիւնը: Մեզ հետաքրքրում է մասնաւորապէս նրանց Վրաստանում հաստատուելը եւ Վրաց քաղաքական վերածնութեան սկզբնաւորութիւնը նրանց շնորհիւ:

Ո՞վ էր Վրաց Բագրատունիների նախահայրը:


Երեք կարգի նիւթեր կան այս մասին, հայ, յոյն եւ վրացի: Հակասական չեն, բայց նրանց համերաշխութիւնը պարզելու համար պէտք կայ մասնաւոր քննութեան: Հայ աղբիւրը որոշ է եւ դրական¹: «Բայց ասելի է աստ զսկիզբն թագաւորացն Հայոց եւ Վրաց, ասում է Վարդան, որք ի Բագրատունեաց անտի սերեցան: Քանզի, որպէս ասացան, զկնի քաջին Վարդանայ իշխանք Հայոց կացին ըստ դիպելոյ մինչեւ ի Սմբատ Բագրատունի, եւ զկնի նորա Աշոտ, որդի

1 Հայրենիքի մէջ լոյս տեսած յօդուածիս մէջ մի անախորժ վրիպակ կայ. փոխանակ «հնաւորեան տեսակէտից» տպուած է «հայաւրբեան տեսակէտից»:

Վասակայ, զոր կուրացուցին Մամիկոնեանքն: Սմա լինին Երկու որդիք, Սմբատ՝ նախնի թագաւորացն Հայոց եւ Վասակ՝ սկիզբն թագաւորացն Վրաց, որոյ որդին Ատրներսէ՛, սորա՛ Աշոտ, սորա՛ Բագարատ, որոյ եղբայր՝ Գորամ: Հետ սմա Դաւիթ որդի Բագարատայ, որ սպանու ի Գորամայ չօրեղորէ իւրմէ, որոյ որդին Ատրներսէ՛, սորա որդին Դաւիթ: Սմա եղբորորդի Գուրգէն որոյ որդին Բագարատ որ աւ իւր կին զգուսար Սեննքերիմայ թագաւորին Վասպուրականի: Այս է կարգն:

«Իսկ Հայոց նախնւոյն Սմբատայ՝ որդի Աշոտ Մասկեր, որոյ որդին Սմբատ Խոստովանողն, որոյ որդին այս Աշոտ Բարեպաշտ որ անուանեցաւ իշխանաց իշխան ի յԱլեայ որդւոյ Վասէի հրամանաւ ամիրապետին Ջափրայ»¹:

Այս սերնդարանութիւնը կ'արտայայտուի հետեւեալ պատկերով:



Տարարախտարար յայտնի չէ թէ Վարդան ս^ում է պարտ այս կարեւոր տեղեկութիւնը Վրաց Բագարատունիների ծագման մասին²: Տեղեկութիւնը բաղուած է յաւ աղբիւրից եւ հաստատում է ուրիշ նիւթերի քննութեամբ:

Կոստանդին Ծիրանածին կայսրը պատմում է որ Վրաց

1 Վարդան, էջ 81-82:

2 Մարկուարտի հետ մենք եւ կարծում էինք որ աղբիւրը Շապուհ Բագարատունու կորած երկն է: Մակայն գտնար է պնդել այս ենթադրութեան վրայ: Վարդան առել է մի աղբիւրից որ թուած են եղել Վասակից մինչեւ Աննքերիմի փեսան որ էր ո՛չ թէ Բագարատ, այլ սորա որդի Գիորգի: Ինչպէս երևում է Վարդանի բնագիրը կամ խանդարում է կամ ինքն է սխալ ընդօրինակել իր աղբիւրը: Պատճ է կարգաւ. շտոր որդի Դաւիթ, սմա եղբորորդի < Բագարատ, որոյ որդի > Գուրգէն որոյ որդի Բագարատ < որոյ որդի Գիորգի > աւ իւր կին զգուսար Սեննքերիմայ: Այս ծննդարանութիւնը չէ կարող բաղուած լինել Միխիթար Աննցուց, որին Վարդան յիշում է բանի մի

կիւրապաղատները պարծենում են որ սերում են Դաւիթ մարգարէից եւ Ուրիտի կնոջից եւ որովհետեւ նոյն սերնդից է Մարիամ Աստուածածին, ուստի եւ ազգական են համարում Ս. Կոյսին: Ասում են որ երկու եղբայր, Դաւիթ եւ Սպանդիատ, տեսիլ են տեսնում եւ թողնում Երուսաղէմ եւ հեռանում Պարսից կողմերը ուր այժմ ապրում են Վրացիները: Աստուած մի զարմանալի յասկութիւն էր շնորհել Սպանդիատին: Սրա մարմինը բարբոսին անխոցելի էր պատերազմներում: Վիրատուրել կարելի էր միմիայն սիրար որ սակայն պաշտպանուած էր գրահով: Այս կարողութեամբ եղբայրներին գիւրջին էր յազթել Պարսիկներին եւ արբանալ երկրին: Երբ Հերակլ կայսրն արչաւեց Պարսից դէմ, երկու եղբայրները յարեցին նրան եւ նրա ձեռնաուլթեամբ ձեռք բերին շատ հողեր:

Սպանդիատ մեծաւ անզուակ, իսկ Դաւիթից ծնեց Բագարատ, Բագարատից՝ Աշոտ, Աշոտից՝ Ատրներսէ, որին Լեւան կայսրը մեծարեց կիւրապաղատութեան պատուով: Երուսաղէմից զազթելէ հեռէ այն երկիրը ուր ապրում են ցայժմ անցել է չորս թէ հինգ հարիւր տարի, մինչեւ ինդիկաթոն 10, արարչութեան (646) թիւր, Կոստանդին եւ Ռոմանոս Միրանածին կայսրների թագաւորութիւնը¹:

Այս հետաքրքրական զրոյցը ազատ չէ տարարախտարար անհարթութիւններից: Անտարակոյս պատմողը թէ գրի առնողը շատ բան չիտթել է: Ուրիտս Քեաացին Դաւիթի զօրականներիցն էր, որին Դաւիթ սպանել տուց եւ առաւ նրա զեղեցիկ կնոջ Բերսարէին²: Դաւիթ եւ Սպանդիատ ուրեմն սրանց սերնդից էին, *ex tunc patribus*, որ չի նշանակում անհրաժեշտորէն որ անմիջական զուակներն էին: Ստորեւ կը քննենք այս երկու կարծեցեալ նախահայրերի ուսանդութիւնը: Այժմ մեզ հետաքրքրում է նրանց սերունդը:

Արարչութեան տարին եւ ինդիկաթոն համապատասխանում է Քրիստոսի ծննդեան 952 թուին, երբ Կոստանդին գահ վրայ էր, թագակից ունենալով իր որդի Ռոմանոսին: Դաւիթ եւ Սպանդիատ եկած պէտք է լինեն այս թուից չորս կամ հինգ հարիւր տարի յառաջ, այսինքն 452 կամ 552 թրւին: Չարմանալի է որ այսքան ժամանակամիջոցում Դաւ-

էջ յետոյ եւ որից անելով պատմում է «չազգոս Վրաց Թագաւորացն սկիզբն», էջ 91, որ Գուրգէն համարում է որդի Աշոտի Ողորմածի, մինչդեռ անձանթ աղբիւրից բաղած ծննդարանութեան մէջ Գուրգէն Դաւիթի եղբորորդին է:

1 De Administrando Imperio, գլ. 45, էջ 197-199:
2 Բ. Թագաւոր. ժա:

Թին վերագրում է միմիայն երեք սերունդ, որդի, թոռն և թոռնորդի: Գիծը չի հասցրած մինչև 952 հակառակ խոստումի, այլ մինչև Լեոն կայսր (886-912), որից Ատրներսեհ ստացաւ կիւրապաղատութիւն: Ատրներսեհից յետոյ յայտնի էր Աշոտ Կիւրապաղատ, որին քաջ ծանօթ է մատենագիր կայսրը, բայց այստեղ չէ յիշուած: Ատրներսեհ այցելել էր մայրաքաղաք մերձ 822ին եւ մեծ ընդունելութիւն գտել Ռոմանոս Լեկապեն կայսրի կողմից: Կարելի է կարծել որ այս զրոյցը գրի առնուած լինի Ատրներսեհի կամ իր ուղեկիցներէից մէկի բերանից նոյն 922 թուին եւ Կոստանդին գրտած լինի պալատական գիւանում եւ մտցրած իր երկի մէջ առանց ուշադիր լինելու նշանակել նաեւ յաջորդ կիւրապաղատների անունները մինչև իր ժամանակ: Կամ Կոստանդին կայսրի բնագիրը հարազատ վիճակի մէջ չէ հասած մեզ, կամ պէտք է ընդունել որ օգտուել է մի թղթից որ գրուած է եղել Ատրներսեհի այցելութեան տարին:

Աշոտ Կիւրապաղատ եւս մայրաքաղաք էր գնացել կիւրապաղատութեան պատիւն ստանալու առթիւ եւ Կոստանդիանոսի ու Ռոմանոս Լեկապենի օրով: Այնուհետեւ հողային վէճեր ունեցաւ Աշոտ Կիւրապաղատը կայսրութեան հետ: Պէտք եղաւ ուղարկել կայսրի մօտ իշխան Չորտուանէլին որ նշանաւոր վանական Թոռնիկի հայրն էր: Չորտուանէլ մայրաքաղաք էր մօտաւորապէս 949-950 թուականներին: Հաւանական էր ենթադրել որ հէնց այս վէճերի առթիւ է որ Կոստանդին կայսրը հետաքրքրուել է կիւրապաղատների պատմութեամբ եւ թերեւս նոյն Չորտուանէլից գրի անցրել ինչ որ մեզ պատմում է: Սակայն այս հաւանականութեան արգելք է այն պարագան որ կիւրապաղատների գիծը հասցրած է մինչև Ատրներսեհ: Կրկնում ենք կամ բնագիրը աղճատ է կամ զրոյցը գրի է առնուած աւելի յառաջ քան Կոստանդիանոսի ժամանակ, 952 թիւը¹:

Մի ուրիշ եւ աւելի ծանր սխալ որ նկատուում է զրոյցի մէջ եւ որ չէ սպրտել Մարկուարտի սուր աչքից: Դաւթի սերնդի շարքը՝ Դաւիթ, Բագարատ, Աշոտ, Ատրներսեհ ուղիղ չէ: Առաջին եւ երրորդ անդամները փոխել են իրենց տեղերը, այսինքն պէտք է կարդալ՝ Աշոտ, Բագարատ, Դաւիթ,

¹ Կոստանդին յիշատակում է Աշոտին նոյն De Adm. Imp. գործի յաջորդ 46 գլխի մէջ, էջ 207, τὸν Ἀδρανατὶ τοῦ κοροπαλάτου, τοῦ πατρὸς τοῦ ἀποτίως Ἀσωτίου .65 κοροπαλάτου, այլև էջ 213, Ἀσώτιον τὸν υἱὸν Ἀδρανατῆ τοῦ κοροπαλάτου. Վրաց Տարեգրքի համաձայն, Ատրներսեհին յաջորդեց իր որդի Դաւիթ († 937) եւ ապա սորա եղբայր Աշոտ: Մարկուարտի կարծիքը թէ Աշոտ որդին էր ոչ այս Ատրներսեհի, այլ մի ուրիշ համանուն անձի, հիմնաւոր չէ:

Ատրներսեհ: Այս է շիտակը, համապատասխան Վարդանի և Վրաց Տարեգրքի տեղեկութեան: Անշուշտ Դաւիթ մարգարէի, կիւրապաղատների կարծեցեալ նախահօր, անուան ազդեցութեամբ է բացատրելու տեղի ունեցած չփոթութիւնը պատմողի թէ գրի առնողի կողմից:

Դաւթի (իմա՛ Աշոտի) հօր եւ պապի, Ատրներսեհի եւ Վասակի մասին յիշատակութիւն չկայ: Խօսք չկայ նաեւ կիւրապաղատների հայկական ծագման մասին: Արդեօք զրոյցին անձանօթ էին այս կէտերը թէ սղուած են այնքան սեղմ պատուածքի մէջ, դժուար է ասել: Դաւիթը ոչ 452 եւ ոչ 552 թուի անձ չէր, այլ ութերորդ դարու վերջի եւ իններորդի սկզբի: Զրոյցի մէջ տեսնում ենք թերեւս առաջին փորձը հնացրնել կիւրապաղատների ծագումը, բայց տակաւին չկայ այն կեղծ ծննդաբանական շղթան որ պիտի յօրինուէր հետագայում՝ ապացուցանելու ծագման հնութիւնը: Սպանդիատի մասին կը խօսենք ստորեւ: Հետեւենք առ այժմ նրա եղբոր Դաւթի բախտը:

Բարբախտաբար Վրաց մատենագրութիւնը պահել է Բագարատունիների ծագման հնագոյն վարկածը: Ճիշտ է վրական տեղեկութիւնները շատ խառնակ են: Բայց չինձու զրոյցները չեն խեղդել իրենց ծալքերի մէջ պատմական սաղմը:

Արքայազն Վախուշտ կազմել է «Վրաց Կեանքը», օգտուելով զանազան ձեռագրական նիւթերից, աշխատել է հարթել տարբերութիւնները եւ մի ուղիղ գծի վերայ շարել Վրաստանի իշխողների յաջորդութիւնը: Սակայն դժուար չէ նկատել որ կան հին տեղեկութիւններ որ հետագայ գրիչները խաթարել են: Այդ կարգի տեղեկութիւն ենք համարում ինչ որ պատմուած է Արչիլ թագաւորին նուիրուած հատուածում: Արչիլի պատմութիւնը պատկանում է Ջեւանչէր Ջեւանչէրի գրչին, որ իրեն համարում է ժամանակակից եւ անգամ փեսայ Արչիլի: Այս յաւակնութիւնը պարզ կեղծիք է: Գէթ այն ձեւով ինչպէս որ իր գործը հասել է մեզ չի կարող վերագրուել ժամանակակից գրչի, առասպելականը մեծ տեղ բռնելով այնտեղ¹: Կեղծ-Ջեւանչէրը պահել է մեզ ամեն պա-

¹ Brosset, էջ 253, ծանօթ. 1, բերում է մի յիշատակարան ուր ասուած է թէ «Արչիլի վկայարանութիւնը, Վրաց թագաւորների պատմութիւնը և Վրաց դարձը գրել է Լէոնտի Մրոնի, Ռուխի եպիսկոպոս, եւ այժմ գրուած էմ եւ Յոհանէ Դեկանոս»: Հետեւապէս Վրաց պատմութեան հնագոյն շրջանի, սկզբէն մինչև Արչիլ, բուն հեղինակն է Լէոնտի եպիսկոպոսը: Յոհանէ, հաւանօրէն, սոսկ գրիչ չէ, այլ հեղինակ Արչիլի որդիների՝ Յովանէի եւ Ջեւանչէրի պատմութեան, որ հետեւում է Արչիլի վկայարանութեան:

բազային Բազրատունիների ծաղման վրահան հնագոյն և ստոյգ վարկածը:

Վրաց աղլային հինաուրց իշխանական տունը սպանեց ութերորդ դարու վերջին Ջեւանշէր իշխանի մահուամբ, ըստ Վախուշաի, 787 թուին: Ջեւանշէրի հայրը և նախորդը Արչիլն էր, որի մասին պատմում է հետեւեալը: Արչիլ վերադառնում էր Եգերքից, երբ Խիզար իջեւանում իրեն ներկայացաւ Դաւիթ մարդարէի սերնդից մի իշխան որ էր Ատրներսէս Կոյրի եղբորդի Ատրներսէսը: Եկտրի հայրը ազգակից էր Բազրատունի տան և Յոյներից իշխան կարգուած Հայոց կողմերում, ապա ապաստանել էր Կղարջք Մրուան Ղրուի արչաւանքների միջոցին և մնացել այնտեղ Գուտամ կիւրապաղատի դուակիների մօտ: Մրա որդին, եկտր Ատրներսէսը, այժմ խնդրում էր Արչիլից մի կարուած հպատակութեան պայմանով: Արչիլ նրան զիջեց Շուրուեր և Արտան (= Արտասան):

Արչիլի մօտ եկան նմանազէս նոյն Ատրներսէս Կոյրի երեք եղբորդիները, նրանք որ խարել էին իրենց հօրեղբոր աչքերը, եկան Տարծնից Շաքի և հաստատուեցին այնտեղ Արչիլի հաւանութեամբ, ու գրուեցին երկիրը մինչեւ Գուրգուրա:

Նոյն ժամանակները մի քանի բղեչիս տեղ չգտնելով Կղարջքում, գնացին Տայք և բռնեցին Կարմախ ժայռը, մի մասն էլ գնաց Կախեթ¹:

Արդ կասկած չկայ որ Ատրներսէս Կոյրը այլ ոք չէ քան Աշոտ Կոյրը: Հօր և որդու փախուստը միեւնոյն անցրի կրկնութիւնն են, ինչպէս նկատել է Մարկուարտ: Մեր կարծիքով ոչ միայն անցքն է կրկնուած այլ և անձը, այսինքն հայր և որդի միեւնոյն անձն են, Վասակ Բազրատունին: Սակայն թուում է թէ այստեղ լուում է և մի հին գէպրի արձագանգ: Ատրներսէսի հայրը որդէս թէ փախել էր Կղարջք Մրուան-Ղրուի ժամանակ: Մրուան-Ղրու կրկնակի անունը կրկնակի դէմք է ներկայացնում: Վրացերէն դրա նշանակում է խուլ: Այս արտան ունէր Արդլաղից սատիկանը որ ուղարկուեց Հայաստան Վայիղի օրով (705-715) և սրին Ղեւոնդ պատմագիրը կոչում է խաւք լսելեօք: Ութերորդ դարու սկզբում մեծ խտովութիւններ ծագեցին Հայաստանում Արարների դէմ և Յունաց կայսրի զրգմամբ: Սոսովութիւնների հետեւանքն եղաւ Նախճուանի և Խրամի ահաւոր աղիտը: Հայ նախարարները զոհ գնացին արարական նենդու-

1 Brosset, 19 249-251:

թեան և ողջակէզ եղան եկեղեցու մէջ: Ապստամբութեան ոգին Սմբատ Բազրատունին էր որ արժանացել էր կիւրապաղատութեան պատուի և որ կարողացաւ մի քանի նախարարների հետ փախչել և ապաւինել կայսեր: Սա տուեց նրանց «գլխապաքն որ անուանեալ կոչի Փոյթ ի կողմանս եղեր աշխարհին և բնակեցան ի նմա ամս զ»:

Նոր սատիկանը, խուլ Արդլաղից, պատուէր ունէր խաղաղացնել երկիրը: Սա յարաբերութեան մէջ մտաւ Սմբատ կիւրապաղատի հետ և համոզեց վերադառնալ: Փախստականները վերադարձան մօտ 712 թուին:

Արդ եթէ չենք ուզում Ատրներսէսի հօր փախուստը ձուլել իր որդու փախուստի հետ, պէտք է բնդունել որ Մրմբատ Բազրատունու եղերքի Փոթի քաղաք ապաստանելն է որ անդրադարձել է որպէս Ատրներսէսի հօր փախուստ Կղարջք: Վրա խուլ՝ մակղիրը որ վերաբերում է Արդլաղիցին և ոչ Մրուանին երաշխք է այս կնիթաղութեան:

Մրուան նշանակուեց սատիկան 732 թուին և Աշոտին կարգեց իշխանաց իշխան: Աշոտի հակասակորդները նրան կուրացրին 17 տարի իշխանութիւն վարելուց յետոյ, սրբմն 749 թուին: Նրա հովանուստ սատիկան Մրուան գրաւեց խալիֆայական դահր 744 և սպանուեց 749: Հուանական է որ նրա մահից անմիջապէս յետոյ տեղի ունեցաւ և Աշոտի ազէտը:

Վրաց Տարեգիրքն ևս գիտէ որ Մրուան եկաւ Էջինի, այսինքն Հիւամի (724-743) կողմից: Արչիլի պատմութեան մէջ յիշուում է որ Մրուան-Ղրուից 50 տարի յետոյ Արաբները մտան Վրաստան և մանողը մի կուսակալ էր, անունը Ջիջում, որ կոչուում էր նաև Ասիմ: Սա էր որ նահատակել տրուեց Արչիլին: Եթէ յիսուն տարին հաշուենք 732 թուից երբ եկաւ Մրուան, կը ստանանք նահատակութեան տարին մօտ 781: Ղեւոնդ պատմագրից յայտնի է որ Խաղմ անուն արար սատիկան սպանեց մարտիրոսական մահով Համազասպ և Սահակ Արծրունի իշխաններին Գուրնում միջ կարգա՝ միջ Հայոց թուին, յայտնութեան օրը, այսինքն 786 յունուար 6, Մուսէ խալիֆի օրով: Այս խալիֆի ժամանակ սպանեցին նաև «գիշխանն Վրաց չարաչար մահուամբ, զի վերամբարձ տուեալ զտոիցն և զձեռացն բնդ մէջ կարէր զմատաղութիւն հասակի նորա»¹:

Այս անանուն իշխանն, անտարակոյս, Արչիլն է, ինչպէս արդէն նկատել են Բրոսսէ և Մարկուարտ: Նահատա-

1 Վեւոնդ, 41. և.

կութեան տարին եւ ոստիկանի անունը երաշխիք են: Հայ պատմագրի Սաղմ ոստիկանը Պուզիմա բին Սազիմ արարն էր, նոյն ինչ որ Ջիջում - Ասիմ, որ աղաւաղուած է թերեւս սխալ ընթերցումի հետեւանքով, փոխանակ Սիզում-Ասիմի:

Այսպիսով որոշում է Արչիլի ժամանակը: «Մատաղութիւն հասակի» խօսքը ցոյց է տալիս որ Արչիլ չէր կարող յետուն տարի իշխած լինել, որպիսին հաշուում է նրա վկայաբանութեան հեղինակը, անշուշտ, կամենալով ուղղել սխալ ժամանակագրութիւնը եւ հասցնել նրան մինչեւ 786 թիւը:

Արչիլի մօտ Ատրնբրսէ հեկա 775 թուին: Ատրնբրսէն ինքը Վասակն է: Արճէշի ճակատի հերոսը Մուշեղ Մամիկոնեանն էր, որ իր կողմը քաշեց Սմբատ Բագրատունի իշխանին որ սպարապետ էր եւ Մուշեղի փեսան: «Կոչէին ի թիկունս օգնականութեան զՎասակ որդի Աշոտոյ, զեղբայր Սմբատայ սպարապետի ի տոհմէ Բագրատունեաց եւ զգօրսն նորին»¹: Վասակ այդ միջոցին Դարիւնք էր, արդէ Բայազիտ, որ Բագրատունեաց կալուածն էր: Յայտնի չէ թէ Վասակ արձագանք տուեց կոչին եւ գնաց եղբօրն օգնութեան, թէ մեկուսացաւ միւս Բագրատունիների նման: Ամեն պարագային 775ի ճակատից յետոյ այլեւս չի յիշուում: Ապստամբ իշխաններից, որոնք կենդանի մնացին արիւնահեղ մարտից յետոյ, հետապնդուեցին արար իշխանութեան կողմից եւ մահուան դատապարտուեցին, ինչպէս Արծրունի եղբայրները: Ակներեւ է որ Վասակ հեռացել էր Հայաստանից եւ իր ոյժերով քաշուել հաւանօրէն Սպեր, իրենց տոհմական կալուածը: Այստեղից էլ պէտք է անցնէր Կղարջը: Ի՞նչքը գնաց Կղարջը թէ իր որդի Ահրնբրսէն, որոշ չէ: Եթէ Ատրնբրսէն, որ Արչիլին դիմեց, եկել էր Հայաստանից, նա միայն Վասակ կարող էր լինել: Իսկ եթէ ճշմարիտ է որ Ատրնբրսէն հայրը եւս փախած է եղել Կղարջը, պէտք է կարծել որ խօսքը վերաբերում է Վասակին, որ 775 թուին ապաստանել էր Սպեր, որտեղից հետագայում իր որդին գնաց Արչիլի մօտ: Հօր փախուստը տեղափոխած է Մրուան-Ղրուի ժամանակ, հաւանօրէն, շիտթելով Սմբատ Կիւրապաղատի համանման արկածի հետ, ինչպէս վերեւ յիշեցինք:

Դժուար է անտեսել Վարդանի կրկնակի վկայութիւնը թէ Վասակ ունէր Ատրնբրսէ անունով որդի: Մէկը յիշեցինք վերեւ: Երկրորդ անգամ կրկնում է նոյնը Ատրնբրսէի որդու Աշոտի Վրաց իշխան կարգուելու առթիւ: «Եւ տայր իշխանն Իսմայէլի Աշոտի որդւոյ Ատրնբրսէի որդւոյ Վա-

1 Ղեւոնդ, գլ. ԼԳ:

սակայ որդւոյ Աշոտոյ Հայոց իշխանի զերկիրն Վրաց, որոյ երթեալ հնազանդեցուցանէ ինքեան եւ կայսրն առաքէ նմա պատիւ կիւրապաղատութեան»¹:

Կայսրը Լեւոն Ե Հայն է (813-820): Վասակ եւ Ատրնբրսէն այնքան յառաջացել էին որ երկու հարեւան մեծ պետուները հնարաւոր գտան Ատրնբրսէի որդուն Աշոտին բարձր դիրքի կոչել: Վարդան այս տեղեկութիւնը պարտական է Շապուհ Բագրատունուն, ուստի եւ անպայման յարգի է: Ատրնբրսէն հետեւապէս ո՛չ թէ Ատրնբրսէն Կոյրի, այսինքրն Աշոտ Կոյրի եղբօրորդին է այլ թոռը: Վասակի անունը մոռացութեան է տուած:


Միւս կողմից Վրաց մի ուրիշ աղբիւր համարում է Ատրնբրսէին որդի Ատրնբրսէի: Արչիլի որդու և յաջորդի՝ Ջեւանչէրի պատմութեան մէջ ասուած է որ Ջեւանչէր առաւ Ատրնբրսէի դուստրը Լատաւրէ: Ջեւանչէրի մայրը ընդդիմանում էր այս ամուսնութեան, բայց երբ իմացաւ որ Ատրնբրսէն Դաւիթ մարզաբէի ցեղիցն է, հաւանութիւն տուեց եւ օրհնեց պսակը: Ջեւանչէր ղեռ կենդանի էր երբ Ատրնբրսէն տէր դարձաւ Կղարջի, Շաւշեթի, Աջարայի, Նիգալի, Ասեաց-Փորի, Արտահանի և ստորին Տայքի: Մինչ այդ բոլոր այս երկիրները Վախթանգի սերունդի ժառանգութիւնն էր: Ատրնբրսէն հաստատուեց Կղարջը, ուր եւ մեռաւ: Իր որդին Աշոտ Կիւրապաղատ յաջորդեց Ջեւանչէրին եւ հիմ դրեց Բագրատունեաց հարստութեան: Հետեւում է մի նորալուր ծննդաբանութիւն Ատրնբրսէի, որպէս թէ սրա հայրն էր Ներսէս, Ներսէսի հայրը՝ Վարազբակուր, սրա հայրը՝ Գուռամ եւ վերջինիս հայրը՝ Ստեփանոս Ա²:

Ջեւանչէրի կենսագիրը չէ յօրինել այս ծննդաբանութիւնը, այլ առել է մի երկից, որի հեղինակն է Սմբատ: Միայն Սմբատի գործում չէ ասուած որ Ներսէսի հայրը Վարազբակուրն էր: Ներսէս, իր որդի Ատրնբրսէն և սրա որդի Աշոտ Կիւրապաղատ կազմում են ուրոյն գիծ: Սմբատի նպատակն է եղել իսկապէս կուպել Ներսէսին Վարազբակուրի եւ նրա նախնիքների հետ, եւ Ջեւանչէրի կենսագիրը իրաւունք ունէր Ներսէսին Վարազբակուրի որդի անուանելու, բայց եւ այնպէս ուշադրութեան արժանի է որ Սմբատ այդպէս չէ վարուել: Թւում է թէ սա հաւատարիմ է մնացել մի ստոյգ աւանդութեան: Ներսէս անունն այստեղ համազօր է Ատրնբրսէի, սրա կրճատումն է: Ճիշտ այսպէս Վարդան պատմա-

1 Վարդան, էջ 77:
2 Վախուշտ, I էջ 259:

դիրը Սմբատ Թագաւորի ժամանակակից Վրաց Ատրներսէ՛ թագաւորին մի անգամ անուանում է Ատրներսէ՛, միւս անգամ Ներսէ՛¹:

Արդ Ատրներսէ՛ի հայր Ներսէ՛ր (իմա՛ Ատրներսէ՛ը) ո՞վ կարող է լինել: Տեսանք որ Ատրներսէ՛ն եղբորորդի է կոչուած Ատրներսէ՛ Կոյրի: Եղբորորդի գրչի սխալ է փոխանակ արդի: Ատրներսէ՛ի եղբորորդիք էին Տարօնից եկած երեք եղբայրները, որոնց համար չէ ստուած թէ Ատրներսէ՛ի եղբայրներն էին: Ասել է թէ Ներսէ՛-Ատրներսէ՛ր նոյն Ատրներսէ՛ Կոյրն է: Արանով ո՞վ է ստանում վերև յայտնած կասկածս որ Արչիլին դիմող Ատրներսէ՛ր ոչ թէ Վասակի որդին է, այլ ինքը Վասակը: Արդարև հետեւեալ ճիշդագրութիւնը



ևս վկայում է որ Ատրներսէ՛ նոյն Վասակն է, սրա վրական անունը: Ստիպողական չէ յամուել այս ենթադրութեան վերայ, եթէ Վարդան Շապուհից է քաղել այն տեղեկութիւնը թէ Վասակ եւ Ատրներսէ՛ հայր եւ որդի են: Բայց եւ անտեսել չենք ուզում վրական կրկնակի աւանդութիւնը որ պատահաբար պահուել է որպէս վերջին դոզանը անհետացող ստոյգ պատմական յիշողութեան:

Վրաց Բագրատունիների հայկական ծագումը մոտացում է կամայ թէ ահամայ, տեղի տալով նոր գրոյցների: Խորենացու տեսութիւնը թէ Բագրատունիք հրէական ծագում ունին թեւաւորում է վրաց միտքը հայ եւ վրացի Բագրատունիների համար ընդհանուր նախահայր գանելու ջանքի մէջ: Այդ նախահայրը Դաւիթ մարգարէն է: Այս միտքը եւս ծագած է նախ հայ գետնի վերայ: Ճշմարիտ է, Խորենացին չէ տալիս Դաւիթի կամ նրա որդու Սողոմոնի անունը, բայց հրէական ծագումն աւետելուց յետոյ խիստ դայթակղիչ է դատնում կանգ առնել սողոմոսերգու. Դաւիթի եւ իմաստուն Սողոմոնի վերայ:

Աշոտ Մսակերի որդու Բագրատի որդիներից մէկը

1 Վարդան. էջ 82. Ատրներսէ՛, էջ 87. Ներսէ՛:

կրում էր արդէն Դաւիթ անունը: Բագարատ կալանաւորուեց 851 թուին, ուստի Դաւիթի անունը այս թուից յառաջ է: Թերևս տեղի հին է Աշոտ Մահակեանի որդու Դաւիթի անունը, եթէ ընդունենք Հ. Ակիրնեանի հետ որ Վարդանի յիշած Աշոտը չէ Մսակերը, այլ Աշոտ Կոյրի հօրեղբոր որդի Մահակի զաւակը: Նոյն 851 թուի շարժումների միջոցին ծանօթ է նաև Սողոմոն անունով մի Բագրատունի իշխան¹: Վրաց Բագրատունիների մէջ Դաւիթ անունը երևան է զալիս առաջին անգամ Աշոտ Կիւրապաղատի որդու Բագրատի († 876) օրով, որի որդին կոչւում էր Դաւիթ († 881) եւ ծնուած էր Սմբատ Խոստովանողի զուտորից:

Դաւիթ եւ Սողոմոն անունները արդէն ապացոյց են որ Խորենացու ենթադրութիւնը հաստատուն հող է գտել եւ անգամ ձգտում յատաջ բերել հրէական ծագումը հասցնելու մինչև Դաւիթ մարգարէն եւ Սողոմոն իմաստունը, հրէական անցեալի ամենափայլուն դէմքերը:

Այստեղից օգտուել է վրաց ազգայնական միտքը եւ յերբերել մի գրոյց, նպատակ ունենալով ցոյց տալ որ վրաց Բագրատունիները չեն սերում հայ Բագրատունիներից, այլ որ երկու ճիւղերն էլ միեւնոյն ծագումն ունեն եւ միեւնոյն հնաթիւնը: Ի՞նչ կերպով: Պատասխանը տալիս է Սմբատ որդի Դաւիթի, անուանենք Սմբատ Դաւթեան, որի դործը հրապարակ հանեց վրաց յայտնի բանասէր Ե. Թաղաշուշիլի²:

Սմբատ սկսել է Աղամից եւ սրա սերունդն ուղիղ գծով հասցրել մինչև Դաւիթ եւ իր որդի Սողոմոն, որ Աղամի 33րդ սերունդն է ներկայանում: Այնուհետև շարունակել է դիծը մինչև Քրիստոս, մինչ Յովսէփ եւ իր եղբայր Կլէոպա, 60րդ սերունդ: Անունների շարքը համաձայն է հին եւ նոր Կոտկարանի տուեալներին: Բրոսէի հրատարակութեան մէջ պակաս անուններ կան, բայց խնդիր չէ: Շարքը շարունակել է մեր հեղինակը, հնարել նոր անուններ եւ հասցրել մինչև ամն Սողոմոն 88րդ սերունդ Աղամից: Ահա այս Սողոմոնի եօթ որդիներն են որ զարձան Բագրատունիների նախահայրեր:

Ուշադրութեան արժանի է Սողոմոն անունը: Սմբատ ընդունել է շրջուն կարծիքը թէ Բագրատունիք սերում են Սողոմոնից, բայց որովհետև զժուար էր Բագրատունիների սերնդական դիծը տանել մինչև Սողոմոն, նախընտրել է Սո-

1 Թովմա Արժրուհի. Գ, գլ. 14. էջ 230:
2 Երեմ Ժամանակագրութիւն (Տրի խրոնիկի (տուսերէն) նիւթերի ժողովածու Կովկասի ցեղերի եւ տեղերի նկարագրութեան համար (= Սորոնիկ մատերիալով) Երեւանի պարբերական 28րդ (1900) հատորում:

ղոմոնի գիծը իջեցնել մինչեւ մի շատ աւելի մերձաւոր Սողոմոն, որպէսզի Բագրատունեաց յաւակնութիւնը խելքի մօտ երեւայ, առանց խախտելու Սողոմոն իմաստունից սերելու գաղափարը:

Սողոմոնի եօթն որդիները գալիս են Փղշտացւոց աշխարհից Եկլեց դաւառը Ռաքայէլ թագուհու մօտ: Սա նախ մկրտել է տալիս նրանց եւ փոխում է երեքի անունները, մէկին անուանելով Մոշալէ (Մուշեղ), միւսին՝ Բագարատ, եւ երրորդին՝ Արգաւար (Արգար): Սրանցից մէկին թագուհին իր դուստրը կնութեան է տալիս, միւս երկուսին խնամեցնում Հայոց թագաւորների հետ: Եօթ եղբայրներից չորսը գնում են Վրաստան: Նրանցից Գուռամը դառնում է իշխան Վրաստանի, Սահակ մեկնում է Կախեթ, եւ Ասամ¹ ու Վարազվարդ գնում են Կամբեճան, սպանում պարսիկ զօրավարին եւ տիրանում երկրին: Ահա այս Գուռամից է որ սերում է Վրաց Բագրատունի տոհմը: Գուռամ կիւրապաղատ էր, նրան յաջորդեցին որդուց որդի հետեւեալ անձերը.

- 1 Գուռամ Կիւրապաղատ
- 2 Ստեփան, (եղբայր՝ Դիմիտրէ)
- 3 Ատրներսեհ
- 4 Ստեփան Բ
- 5 Գուռամ Բ Կիւրապաղատ
- 6 Վարադ-Բակուր
- 7 Ներսեհ
- 8 Ատրներսեհ (եղբայրներ՝ Փիլիպպոս, Ստեփան)
- 9 Աշոտ Կիւրապաղատ (եղբայր՝ Գուռամ)

Այս շարքի մէջ միայն վերջին երեք անուններն են պատմական եւ Բագրատունի, ինչպէս տեսանք վերեւ: Միւսները հնարածոյ են և առնչութիւն չունին Բագրատունիների հետ: Միայն մի դէպք է յայտնի, երբ Եկեղեաց գաւառը երեւան է գալիս նրանց պատմութեան մէջ: Այս մասին պարագայօրէն խօսել ենք այլուր²: Այստեղ բաւ է յիշել որ ժ դարու սկզբում

1 Ասամ, թերևս Արամ անունն է, կամ Սամ:
2 Les Taronites en Arménie et à Byzance, Byzantion, t. IX, 1934.

Տարօնում իշխում էր Գրիգոր, կամ ինչպէս Բիւզանդացիք են անուանում Գրիգորիկ, Բագրատունի իշխանը: Կարող եւ քաղաքականապէս ազդեցիկ մի դէմք էր: Լեւոն (886 - 912) եւ Ռոմանոս Լեկապեն (920-945) կայսրները աշխատում էին թուլացնել նրա արարական կապերը եւ ծառայացնել կայսրութեան շահերին: Գրիգոր ընդունեց, երկար տատանումից յետոյ, կայսերական հրահրը եւ գնաց մայրաքաղաք: Լեւոն կայսրը ամեն ուշադրութիւն ցոյց տուեց, մագիստրոսութեան մեծ պատուի հետ թոշակ կապեց եւ մի ապարանք շնորհեց մայրաքաղաքում: Ռոմանոս կայսրի օրով Գրիգոր ցանկութիւն յայտնեց ապարանքի փոխարէն ստանալ մի կալւած Եկեղեաց գաւառում: Գրիգոր ստացաւ τὸ προύστατον τοῦ Γρηγορίου ἐν Κελεθηνῶν, այսինք Գրիգորասի կալուածը Եկեղեաց գաւառում:

Գրիգորի յաջորդ և որդի Բագարատը եւս այցելեց մայրաքաղաքը, պատրիկութեան պատուի արժանացաւ եւ կնութեան առաւ Թէոփիլակո բարձրաստիճան պալատականի դուստրը: Այս առթիւ Բագարատ խնդրեց հաստատել իր վերայ յիշեալ կալուածը որ Գրիգորի մահից յետոյ վէճի նիւթ էր դարձել իր եւ իր եղբորորդիների մէջ: Գրիգորի բացատրութեամբ, կալուածն անհրաժեշտ էր որպէսզի արաբական արշաւանքների ժամանակ, որոնց ենթակայ էր Տարօնը, կարելի լինի այնտեղ ապաստանել: Բագարատը մի յաւելեալ հիմ եւս ունէր պնդելու նոյն կալուածի վերայ, որպէս մի ապահով տեղի իր կնոջ, բիւզանդական այդ իշխանուհու, համար:

Այս կերպով Տարօնի Բագրատունիները ոտ դրին Եկեղեաց գաւառում: Հետեւանքը յայտնի չէ: Ուրիշ շօշափման կէտ չեն ունեցել նրանք այս գաւառի հետ:

Այդ եօթ եղբայրների Եկլեց գալը, եթէ միայն ունայն երեւակայութեան պտուղ չէ, այլ խոլ արձագանդ որեւէ իրողութեան, այդ իրողութիւնը կարող է լինել միմիայն յիշեալ դէպքը, մանաւանդ որ, միւս աւանդութեան մէջ, Ատրներսեհ Կոյրի երեք եղբորորդիք Տարօնցի էին: Այս պարագային մեր զրոյցը պէտք է յօրինուած լինի ուշ քան Լեկապենի ժամանակը եւ այնքան ուշ որ իրողութիւնն աղօտանար յիշողութեան մէջ եւ տեղափոխուէր մօտիկ անցեալից հին դարերը:

Հնութեան նշան չէ բնաւ եւս այն որ եօթ եղբայրներից երեքը գնում են Կախեթ եւ Կամբեճան: Կախեթի իշխանները որ քորեպիսկոպոս էին կոչուում յայտնի են յանուանէ թ դա-

րից մինչեւ ժԱ: Նրանք Բագրատունի ծագում չունէին: Բագրատունիք կոխեցին Կախեթի եւ Հերեթի հողը եւ նուաճեցին Բագարատ Գ և Գ թագաւորների օրով ժԱ դարի առաջին կէսում¹: Զրոյցը նպատակ ունի հաստատելու թէ Բագրատունիք հնուց ժառանգական իրաւունք ունեն յիշեալ երկիրների վերայ:

Հայ Բագրատունիների նախահայրերը իրենց Մուշալէ, Բագարատ եւ Արզաւար անուններով այլ բան չեն հաստատում քան հեղինակի կատարեալ անգիտութիւնը: Արզաւար, աղճատումն Արզարի, ծանօթ է նրան անտարակոյս Խորենացուց: Մուշալէ, յունական ձեւն է Մուշեղի, Μωσαλές, որ Մամիկոնեան անուն է եւ յայտնի է հեղինակին երեւի Διήγησις գրուածքի վրացերէն թարգմանութիւնից: Մեծ հնարագիտութիւն չկայ Բագրատունիների նախահայր Բագարատ անւանելուն մէջ: Զարմանալի է որ Վրաց Բագրատունիների նկատմամբ համապատասխան անունով նախահայր չէ նշանակել եւ ոչ էլ բացատրել թէ ինչո՞ւ Գուռամի սերունդը պիտի Բագրատունի անունը կրէր: Թագաւորազն Վախթանգ նկատել է այս բացը եւ փորձել է լրացնել իր անձնական ենթադրութեամբ, ինչպէս կը տեսնենք ստորեւ:

Այսպէս թէ այնպէս Բագրատունիների նախահայրը Գուռամն է, հրեայ Սողոմոնի որդին: Կեղծիքը կանգ չէ առել: Լաւ չէ՞ր լինի որ Գուռամ մի կերպ ազգակից, արեւնակից լինէր նաեւ մեծ թագաւոր Վախթանգին: Հարկաւ ցանկալի էր ազգային զղացումի տեսակէտից: Գայթակղիչ միտքը իրականացել է: Գտել են որ Գուռամ հրեայ էր միայն հօր կողմից, իսկ մօր գծով բուն վրացի էր, լինելով Վախթանգի դստեր որդի, այսինքն աղջկաթուր: Հետեւապէս Սողոմոն հրեան ամուսնացած է եղել Վախթանգի դստեր հետ: Սակայն Սողոմոնը չէր եկել Փղշտացուց աշխարհից Վրաստան, այլ միմիայն իր եօթ որդիք: Կեղծարարի փոյթը չէ: Այս դիւտն անելուց յետոյ, բնական է որ Գուռամ իշխած լինէր Վախթանգի յաջորդների կարգին: Արդարեւ նա յաջորդ է նշանակուած Բակուր Գ-ի, որ Վախթանգի թոռան թոռնորդին էր, այսինքն հինգերորդ սերունդը: Գուռամի միջամտութիւնը խանգարում է Վախթանգի յաջորդների կարգը և շփոթութիւն է ծագում սրանց եւ Գուռամի սերունդի յաջորդականութեան մէջ, ինչպէս կը տեսնուի հետեւեալ աղիւսակից:

1 Brosset, I, էջ 299 եւ 317-318:

Վ ա խ Թ ա ն գ

1 Դաչի	Գուռամ
2 Բակուր Բ	
3 Փարաման Ե	
4 Փարաման Զ	
5 Բակուր Գ	6 Գուռամ Կիւրապաղատ
	7 Ստեփան Ա
8 Ատրներսեհ	8 Ատրներսեհ
9 Ստեփանոս Բ	9 Ստեփան Բ
10 Միհր	10 Գուռամ Կիւրապաղատ
11 Արչիլ	11 Վարագ-Բակուր
12 Յոհան եւ Զեւանչէր	12 Ներսեհ
	13 Ատրներսեհ
	14 Աշոտ Կիւրապաղատ

Ութերորդ և իններորդ անունները, Ատրներսեհ և Ստեփան գտնուում են թէ մէկ թէ միւս գծի վրայ: Ո՞րն է ճիշտը: Ատրներսեհ Բակուր Գ-ի որդի՞ն է թէ Ստեփանի: Ուրիշ խօսքով, ո՞վ ումնից է առել: Վախթանգի սերնդաբանութեան հեղինակը Լէոնտիոս եպիսկոպոսն է, միւսինը՝ Սմբատ Գալթեան: Տարաբախտաբար սրանց յարաբերական հնութիւնը յայտնի չէ ստուգօրէն: Լէոնտիոսի գործի հայ թարգմանութեան մէջ Գուռամ չի յիշուում: Ստեփան ընկնում է Թիֆլիսի պաշարման ժամանակ: Իսկ Ատրներսեհի մասին ասուած է «յազգէ Դաչէի», ուրեմն որդի Բակուր Գ-ի (որ եւս չի յիշուում, երեւի մոռացուած է): Յոհան եւ Զեւանչէր իշխանների նայոդ հատուածի մէջ եւս Ատրներսեհ եւ Ստեփան չեն յիշատակուած Գուռամի գծի վերայ. եւ Վարագբակուրը համարուում է Ստեփան Ա-ի որդին: Այս երկու պարագաները հիմ են տալիս կարծելու որ վիճելի անունները առաջին գծից

են անցել երկրորդը: Վախթանգեան Ատրնեքսեհին եւ Ստեփանին զուգակշռում են իսկապէս Գուռամեան Գուռամ Բ եւ Վարազբակուր, եւ հետեւեալ երեք անձերին, Միհրին, Արչիլին եւ Ջեւանշէրին՝ Գուռամեան Ներսեհ, Ատրնեքսեհ եւ Աշոտ Կիւրապաղատ. Ատրնեքսեհ եւ Ստեփան անցել են Գուռամի գիծը եւ Ներսեհ, Ատրնեքսեհ եւ Աշոտ զբաւել են Միհրի, Արչիլի եւ Ջեւանշէրի տեղերը:

Այս կէտում Սմբատ Դաւթեանի եւ Լէոնտիոս եպիսկոպոսի մէջ ներքին մի կապ կայ: Եւ կապը նշմարուում է նաև այլուր: Լէոնտիոս հաշուում է Ադերկ իշխանից մինչեւ Գուռամ Ա երեսուն իշխան: Ադերկ Փառնաւազի 10րդ յաջորդն է, իսկ Գուռամ 39րդ: Ադերկ ապրում էր Քրիստոսի ծննդեան տարիներին: Արդ Սմբատ Դաւթեանի հաշուով, Սողոմոն հրեան 29րդ սերունդ կամ ծունկ էր աստուածահօր Յովսէփից եւ սրա եղբոր Կլէոպից սկսած, Գուռամ Ա, ուրեմն 30րդ սերունդը: Այս զուգադիպութիւնը դիպումաձեւի լինել չի կարող, մէկը ձեւած է միւսի վերայ: Եթէ ամեն մի ծունկ համարենք քսան տարի կը ստանանք Քրիստոսի ծննդից մինչեւ Գուռամ 600 տարի եւ որովհետեւ Լէոնտիոս տալիս է նրան 25 տարի իշխանութիւն, ուրեմն Գուռամ իշխել է 575-600: Այս է Լէոնտիոսի կեղծ ժամանակագրութեան բանալին: Երեսուն ծունկերի մերձաւոր վեցհարիւր տարին բաժանել է երեսուն առասպելական թագաւորների մէջ, տալով ամեն մէկին կամայական մի թիւ, մեծ մասամբ տասնեւհինգական տարի, աւելի երկար իշխանութիւն վերապահելով քանի մի նշանաւոր անձերի:

Լէոնտիոսի երեսուն թագաւորները և Սմբատ Դաւթեանի նոյնչափ թուով հրեայ ծունկերը մինչեւ Գուռամ ելած են միեւնոյն մտաւոր դործարանից: Ակամայից կասկած է ծագում, արդեօ՞ք Սմբատ Դաւթեանը մի ուրիշ կեղծանուն չէ նոյն հնարագէտ Լէոնտիոս եպիսկոպոսի, ինչպէս էր Ջեւանշէր Ջեւանշէրեանը:

Գուռամ պատմական դէմք չէ, այլ երեւակայութեան ծնունդ, իսկ նրա Բագրատունի ծագումը յերիւրուած է այնպիսի անարուեստ կերպով որ կեղծարարն անտեսել է թէ ինչո՞ւ Գուռամի սերունդը Բագրատունի է կոչուում: Այս անպատեհ լուծութիւնը շփոթել է Վախուշտին եւ սա պատրաստ է լրացնել պակասը, իր կողմից նոր դէմքեր ստեղծելով: Հաւանական է համարում որ Գուռամ Կիւրապաղատը չէր Վախթանգի փեսան, այլ իր պապը, որ, երեւի, նոյնպէս Գուռամ էր կոչուում և որի որդին էր Բագրատ: Գուռամ Կիւրապա-

ղատը լինելով այս Բագրատի որդին կրել է հօր անունը եւ աւանդել իր տոհմին:

Սողոմոն հրեայի զրոյցը նմանութիւն է Խորենացու հիմնովին սխալ տեսութեան թէ Բագրատունիները հրեական սերում ունին: Զրոյցը յօրինուած է ոչ յառաջ քան ԺԱ դար: Եօթ եղբայրներից երեքը, որ Հայք են գնում, ներկայացնում են Բագրատունի երեք ճիւղը Հայաստանում, Անի, Կարս եւ Տաշիրք (Կիւրիկեան): Ժ դարու երկրորդ կէսին երեւան եկան Կարսի եւ Տաշիրքի Բագրատունիք: Իսկ Վրաստան ուղղուած չորս եղբայրները արձագանգ են նոյն տոհմի չորս ճիւղաւորման, որ վերաբերում է ԺԱ դարու սկիզբներին:

Պատմութեան համար միակ արժէքաւոր նիւթ մնում է այսպիսով միմիայն Ատրնեքսեհ Կոյրի աւանդութիւնը: Ստոյգ արտացոլք է պատմական իրողութեան, Ատրնեքսեհ Կոյրը անդրադարձումն է Աշոտ Կոյրի, եւ Կոյրի որդին (և ո՛չ եղբորորդի) Ատրնեքսեհը ինքը Վասակն է: Ինչո՞ւ Աշոտ եւ Վասակ անունները տեղի են տուել Ատրնեքսեհի: Կոյր դիպումաձեւով թէ որեւէ հիմ կայ: Վասակի Վրաստան քաշուելու միջոցին այնտեղ իշխում էր Ատրնեքսեհ անունով մի իշխան եւ որի որդին կոչուում էր Ներսեհ: Սա մի արար ծառայ ունէր որ քրիստոնէութիւն էր ընդունել եւ մեռաւ մարտիրոսական մահով յունուարի 7ին 786 թուին: Անունը Արոյ էր որի յիշատակը ցայժմ տօնում է Վրաց եկեղեցին: Ինչպէս տեսանք ուղիղ նոյն օրը նահատակուեցին եւ Արծրունի երկու եղբայրները ու նաեւ Վրաց մի իշխան: Արդեօ՞ք Արչիլն էր այս իշխանը թէ Արոյ, խնդիր չէ: Հնարաւոր է որ երկուսն էլ նահատակուած լինեն միաժամանակ: Արչիլ թերեւս իշխում էր Վրաստանի մի մասի վերայ, իսկ Ատրնեքսեհ՝ մի ուրիշ մասի: Եթէ անգամ հաւատանք որ Ատրնեքսեհ Կոյրի որդուն ընդունողն Արչիլն էր, ներելի է մտածել որ ժամանակակից Վրաց Ատրնեքսեհ իշխանի եւ իր որդու Ներսեհի անունները կառչել են Աշոտի եւ Վասակի վերայ, ձուլելով այսպէս այս անձերը:

Ուշագրութեան արժանի է նաեւ Վասակ - Ատրնեքսեհի դստեր անունը, Լատաւրի: Ի՞նչ է նշանակում այս խորթ անունը: Որքան մեղ յայտնի է որեւէ մեկնութիւն չէ առաջարկուած, ուստի աւելորդ չենք համարում, հարկ եղած վերապահութեամբ, յայտնել մի ենթադրութիւն:

Հայ-պարթեւ հրապարակ բառը դարձել է վրացերէնում

1 Brosset, I, էջ 262:

լապարակի, այսինք էր փոխուել է լ-ի: Հետեւապէս Լատաւրի կարող է կշռել հայ-պարթեւ Հրատաւրի, ուր առաջին մասը սղումն է Հրահատ անուան, որ աւելի սեղմ Ռատ ձեւով ընդունուած էր Օրբելեան տոհմի մէջ¹: Այդպէս էր կոչուում Լիպարիտի որդին: Կեղրին(ոս)ի մօտ Ռատ դարձել է Օրօտ² անշուշտ Հորացիոս անուան ազդեցութեան տակ: Հրահատ: Կամսարականի անունը Պրոկոպ տառադարձրել է Αρατιος² Հրատաւրի երկրորդ մասը այլ բան չէ քան հայ-պարթեւ ուկրի: Հայ թարգմանութեան մէջ կարդացուում է Լատորի: Այսպիսով կը ստանանք Հրատուհրի, այսինքն Հրահատուհրի (հետագայում Հրահատուհի) իշխանական անունը:

Ստուգարանութեանս նպաստաւոր է նաեւ այն պարագան որ Վասակի եղբայր Սմբատ ամուսնացած էր Հրահատ Մամիկոնեանի թոռան հետ, դուստր Մուշեղի եւ քոյր Սամուէլի, որ ընկան 775 թուի կողմին: Սմբատի կինը կարող էր կոչուած լինել իր պապի անունով Հրահատուհրի, կամ Հրատուհրի, ինչպէս սովորութիւն էր: Նոյն անունը կարող էր անցնել եւ Վասակի ընտանիքին, նախարարական միջավայրում տիրական սովորոյթի համաձայն:

Հրեայ Սողոմոնի երկրորդ որդին Սպանդիատ եւս համարուում է Բագրատունիների նախահայր: Սպանդիատ հրէական անուն չէ եւ իր կրողը չէ կարող հրէական ծագում ունենալ և Հրեաստանից եկած լինել Վրաստան: Անտարակոյս մի շփոթութիւն կայ այս աւանդութեան մէջ: Դաւիթ մարգարէն Արիտալայ (մեր թարգմանութեան մէջ Ամիտալայ) կնոջից մի որդի ունէր Սափատիա անունով: Մարկուարտ կարծում է որ Վրացիք Սափատիա անուան մէջ տեսել են Սպանդիատ եւ յերիւրել սրա նախահայր լինելու զրոյցը: Սակայն Խորենացու մօտ Սպանդիատի մասին յիշատակութիւն չկայ: Հրէական օրէնքը թողնելուց յետոյ Բագրատունիները, մեր հօր ասելով, խժական անուններ էին կրում, ինչպէս Բիւրատ, Տրդատ (եւ ո՛չ Սմբատ, ինչպէս տպագրուած է)³: Յառաջ նրանց սովորական անուններն էին՝ Բագադիա, Տու-

1 Թալինի մի արձանագրութիւնից ծանօթ է Լատ., սղումն Հրահատի, Վիմակամ Տարեգիր, էջ 2:

2 Կեղրինոս, II, 572, Պրակոպ, II, 59:

3 Այս անունների մասին խօսում է Խորենացին Տրդատ Բագրատունի ոմն ցոփ իշխանի արարքի առթիւ հանդէպ նազենիկ Վարձակ կնոջ: Ահա այս Տրդատ անունն է խժական համարում նման Բիւրատի: Տպագրի Բիւրատ եւ Սմբատ պէտք է ուղղել Բիւրատ եւ Տրդատ, ինչպէս ունեն քանի մի ձեռագիրներ:

րիա, Սենեքիա, Ասուդ, Սափատիա, Վագարիա, Ենանոս: Ապա այն կարծիքն է յայտնում որ այս անուններից մնացել են Բագադիա, Ասուդ, Վագարիա եւ Շամբաթ, այլափոխած՝ Բագարատ, Աշոտ, Վարազ եւ Սմբատ ձեւով:

Սպանդիատ անունով Բագրատունի անծանօթ է Խորենացուն, ինչպէս Վրաց մատենագրութեան մէջ: Մի Սպանդիատ Բագրատունի է յիշուում անցեալում, 505 թուին ժողովի ժամանակ, եւ միմիայն: Այս միակ օրինակով Սպանդիատ չէր կարող Բագրատունի տոհմական անունների կարգն անցնել եւ նիւթ տալ զրոյցի:

Աւելի հաւանական է կարծել որ Սպանդիատ դործ չունի Դաւիթի հետ, այլ մի աւելի հին զրոյցի բեկոր է նոյն Բագրատունիների ծագման վերաբերեալ: Սպանդիատ միջին պարսիկ ձեւն է Աւեստայի Սպենտադատա անուան, որ նշանակում է սրբատուր, ուր սուրբը ինքն Արամազդն է: Նոյն անուան պարթեւ համազօրն է Սպանդարատ: Իրանի մեծ հերոսներից մէկն է Սպանդիատ, Վշտասպի որդին եւ որին սպանեց Ռուստամ: Այս հերոսն իր տեղն ունի Արշակունիների եւ անգամ Սասանեանների սերնդաբանութեան մէջ: Սպանդիատ կրում է Պահլաւ մակդէրը, որով վկայում է իր յաւակնութիւնը նախահայր լինելու Արշակունի տոհմին: Հայ Կամսարականների մէջ ընդունուած է Սպանդարատ անունը: Կամսարական տունը պահլաւ ծագում ունէր եւ, թերեւս, նոքա նոյնպէս արենակից էին համարուում Սպանդիատ հերոսին:

Արդ անսպասելի չէ որ նախքան Խորենացու գայթակղիչ գիւտը, Բագրատունիները նախահայր ընտրած լինէին նշանաւոր իրանական հերոսին, Սպանդիատին: Իշխանական տոհմերը՝ հայ, պարսիկ, անգամ արաբ, սնապարծ սովորութիւն ունէին, կեղծ ծննդաբանութեամբ հանել իրենց ծագումը որևէ հինաւուրց և ժողովրդական դիւցազնից: Բագարատ անունը հնագոյն Բագադատա ձեւով երեւան է գալիս առաջին անգամ բուն Պարսկաստանում, այսինքն Փարսիստանում, 220 թ. նախքան Քրիստոս: Փարսիստանը լինելով Աքիմեան հարստութեան որրան, հնուց վայելել է արտօնեալ վիճակ, եւ պահել յայտնի չափով ինքնավարութիւն ոչ միայն Աքիմեան, այլ եւ Պարթեական շրջանում: Առաջին իշխանը կոչուում էր Բագադատա, որտեղից պարթեւ Բագարատ ձեւը: Սա եւս նշանակում է Բագատուր, ինչպէս Սպանդիատ՝ սրբատուր, ուր բազա 'աստուած' նոյն Արամազդն է: Դարեհ Նախչի-Ռուստամի արձանագրութեան մէջ կոչում է Արամազդին բազա վագրակա, 'աստուած մեծ':

Բազրատունիների անունը շոշափման կէտ ունի Սպանդիատի հետ եւ այս կարող էր թելադրել արեւակցական մերձաւորութեան համապատասխան զրոյց:

Վրացի կիւրապաղատները գուցէ եւ աղօտ յիշողութիւն ունէին Սպանդիատի նայող հին զրոյցի եւ բնականօրէն ձուլել են հին հերոսին Պորենացու առաջարկած նոր եւ հրապուրիչ Դաւթի հետ եւ ստեղծել զոյգ նախահայրեր: Բնական է հարց տալ, արդեօ՞ք այս կարգի շունչների դէմ չէ ուղղուած Անանունի այնքան վճռական ձայնը թէ Բազրատունիք սերում են Արամանեակի որդիներից: Ասել է թէ այս նշանաւոր տոհմը օտարածին չէ, այլ բուն ազգային: Ահա՛ որ Անանուն չէ բացատրում թէ ի՞նչ հիմ ունէր իր տեսակէտը: Այս պակասը, հարկաւ, պիտի դիւրացնէր Պորենացու հերքումը, թէ եւ պատմահօր նոր կարծիքն եւս այլ հիմ չունի քան ստուգարանական սխալ մերձեցումներ:

Անանունի տեսութեամբ, Արայի մահից յետոյ Հայաստան ընկաւ Ասորեստանի իշխանութեան տակ մինչեւ Սենեքերիմի սպանութիւնը: Այս միջոցին Հայերը ապստամբեցին եւ երկրի տէր դարձաւ Արամանեակի որդիներից Չարեհ եւ ապա յաջորդաբար Արմոզ, Սարհանգ, Շաւաշ եւ Փառնաւազ: Վերջինս հնազանդուեց Նարուզողոնոսորին, և մնացին Բաբելոնացիների, յետոյ Մարաց եւ Մակեդոնացիների իշխանութեան տակ մինչեւ Պարթեւաց երեւալը: Երբ առաջին Արշակունի թագաւորն եկաւ Մծբին, նրան ընդառաջեց Բազարատ Փառազեան եւ պսակեց հայրենի թագով, տալով նաեւ իր դուստրը կնութեան:

Անտարակոյս Ս. Գրքի ազդեցութեամբ է որ Անանունը հինգ թագաւոր թէ իշխան է նշանակում Սենեքերիմից մինչեւ Նարուզողոնոսոր, որպիսի ժամանակամիջոցում Հրեաները ունեցան նոյնչափ թագաւոր՝ Եգեկիա, Մանասէ, Ամոն, Յովսիայ եւ Յովակիմ:

Չարմանալի է որ Բազարատ Փառազեան որ ժամանակակից էր Նարուզողոնոսորի, ուրեմն ապրում էր եօթներորդ դարում ն. թ. Քրիստոս, տակաւին կենդանի էր Արշակունի թագաւորի Մծբին ժամանելու միջոցին, մօտաւորապէս երկրորդ դարի կէսերին: Անանուն չգիտէ Արտաշեսեան կամ Տիգրանեան հարստութիւնը, կամ աւելի ճիշտ, ձուլել է Արշակունեաց հարստութեան հետ: Փառնաւազի որդիք են Բազամ եւ Բազարատ. Բազարատի որդին Բիւրատ եւ սրա որդին Ասպատ: Բազարատի որդիք ժառանգեցին արեւմտեան կողմում Անգեղ տուն. Բազարատը կոչեցաւ եւ Անգեղ, որ է բարբարոսների աստուած:

Չնայելով որ Բազարատի որդիք սերում են Չարեհից, նրանք չեն կրում Չարեհի անունը: Բազարատը Փառազեան (այսինքն Փառաւազեան) է կոչուած, բայց նրա որդիք, այսինքն Բազրատունիք, որակուած են որպէս որդիք Բազարատի եւ ո՛չ Փառնաւազի եւ ո՛չ էլ Չարեհի: Ակներեւ է որ հեղինակի աչքում եւս Բազարատն է իսկապէս նախահայր իր անունը կրող տան բիւրատ եւ ասպետ պատուանուններով, իսկ Բազարատ – Չարեհ գիծր արուեստական շէնք է:

Մեզ հետաքրքրում է Փառնաւազ անունը, բայց նրա արժէքը գնահատելու համար պէտք է գաղափար ունենալ նաեւ միւս անունների էութեան վերայ:

Չարեհ որպէս հայ անկախութեան հիմնադիր յիշեցնում է պատմական մի պատկառելի դէմք, Չարիադր (այս անունն պարթեւական ձեւն է Չարեհ), որ հիմնեց Մոփաց թագաւորութիւնը այն ժամանակ երբ իր զինակից Ատաքսիաս (Արտաշէս) անկախ հռչակեց Արեւելեան Հայաստան: Դեռ եւս չորրորդ դարում Մոփաց մի իշխան կրում էր նոյն Չարեհ անունը: Երկիրը չէր կորցրել իսպառ անցեալի յիշողութիւնը:

Միւս կողմից Չարեհ որպէս ժամանակակից Սենեքերիմի, ուրեմն շատ աւելի հին դէմք, կարող է համեմատուել իրանական մի հռչակաւոր հերոսի հետ որ կոչոււմ էր Չարիադր: Սա Վչտասպի եղբայրն էր, ինչպէս Սպանդիատը: Ադէքսանդր Մակեդոնացու պատմագիրներից մէկը՝ աւանդում է որ Վչտասպը թագաւորեց Մարաստան եւ ստորին երկիրների վերայ, իսկ Չարիադր, որ կրտսեր եղբայրն էր, ունէր իր իշխանութեան տակ Կասպից պահակից վեր մինչեւ Տանայիս գետը (= Դոն գետը), ուրեմն Կովկասեան երկիրները:

Կարելի էր կարծել որ Չարեհ այս երկու Չարիադրների, հեռաւոր անցեալի այս երկու դէմքերի, միացեալ ստուերն է, որ մի հրաշքով հասել է մինչեւ Անանուն: Սակայն վերջինս մեծ վստահութիւն չէ ներշնչում, նրա հորիզոնը սահմանափակ է եւ կարողութիւնը այնքան հեռուները չէ գնում:

Աւելի հաւանական է բնղունել Մարկուարտի հետ թէ Անանուն հանել է Չարեհ անունը Չարեհ – աւանից, որ գրտնրում էր Բազրատունեաց կալուածում, Բազաւանի մօտ: Այս վերջինից էլ հանել է Բազամ անունը: Շաւաշ, կամ Շաւարշ նոյն կերպով կապուած է Շաւարշան-ի հետ²: Համամիտ

1 Քարէս Միսիկեցի, Fontes historiae religionis Persicae coll. C. Clemen, էջ 25:

2 Շաւարշ կրճատ ձեւն է Շաւարշունի որ նշանակում է շաւ արու ձի ունեցող, ինչպէս Շաւասպ նշանակում է շաւ մատակ ձի ունեցող:

չենք Մարկուարտին թէ Անգեղ տուն ասելով Անանուն հասկանում է Անգղ բերդը Մաղկուտ գաւառում: Անանուն գիտէ Անգեղ տուն արեւմուտքում, որ թիւրիմացութեան տեղիք չի տալիս: Ս. Գրքից նրան յայտնի է որ Անգեղ անունով աստուած կար բարբարոսների մօտ: Բազարատ համեմատելով բազին բառի հետ դժուար չէ նրան կռահել որ Բազարատ անուան մէջ աստուծոյ գաղափար կայ, ուստի եւ նոյնանիչ է համարում Անգեղ եւ Բազարատ: Անգեղ տնից է որ Բազարատ Փառագեան գնաց դիմաւորելու Արշակունի թագաւորին Մծրնում: Նկատենք անցողակի որ Անանունի արտայայտութիւնից հետեւում է որ ինքն ապրում էր Հայաստանի արեւելեան մասում, հաւանօրէն Բագրատունեաց ոստանի, Դարոյնքի շրջանում: Բագրատունիք լքեցին Դարոյնք (այժմեան Բայազիդ) Աշոտ Մսակերի օրով († 826): Եթէ ճիշտ է որ Անանունի ստեղծած Զարեհ, Բագամ, Շաւաշ անունները կապ ունին Դարոյնքի շրջանի աւանների հետ, ինչպէս ընդունում է Մարկուարտ, ապա ընդունելի չէ նրա կարծիքը թէ Անանուն ժամանակակից էր Բազարատին († 851):¹ Անանուն յառաջ է քան Մսակեր, յառաջ քան Դարոյնքից տեղափոխուելն Արշարունիք:

Ուշագրաւ է մեր նիւթի համար Արմոզ եւ Փառնաւազ անունները: Սարհանգ, որ պարսկերէն հերոս է նշանակում, առանձին հետաքրքրութիւն չունի: Ուշագրաւ է որովհետեւ Արմոզ եթէ սրբազրուի Արտոզ կը յիշեցնէ Վրաց մի թագաւորի անունը՝ Ἀρτώκης. Այսպէս էր կոչւում Տիգրան Մեծի ժամանակակից Վրաց թագաւորը: Փառնաւազ, հին ձեւը Փառնարազ, եւս Վրաց թագաւոր էր Տիգրան Մեծի որդի Արտաւազդի ժամանակ, Փարνάβαξος որ նշանակում է փառաբազուկ: Արմոզ անունը կարելի է անտեսել, քանի որ հաւաստի չէ, մանաւանդ որ Ἀρτώκης եւս հաստատուն ընթերցուած չէ, այլ վիճելի է, Ἀρτώκης է՞ թէ Ἀρτόκης. : Կանգ առնենք Փառնաւազի վերայ:

Փաւստոս միակ պատմագիրն է որ ծանօթ է այս անւան. «գՓառաւազեանսն հրաման տայր սպարապետն Մուշեղ հանել ի խաչ ի մէջ աշխարհին Վրաց»: Նա է դարձեալ որ պահել է ինչ ինչ յիշողութիւններ Տիգրան Մեծի մասին: Ո՞ր տեղից է քաղել այդ յիշողութիւնները, յայտնի չէ: Հաւանօրէն միեւնոյն գրաւոր թէ բանաւոր աղբիւրից գիտէ եւ Փառաւազեան անունը: Թերեւս մի աւելի հին Փառաւազ է եղել

1 Caucasia, fasc. 2 1930.

քան այն որ ժամանակակից էր Արտաւազդին եւ նա՛ է որ տուել է իր անունը տոհմին:

Արտաշէսեան հարստութիւնը, Անանունի մօտ, ձուլուած է յաջորդ Արշակունի տան հետ եւ համարուած Արշակունի: Աւելի հին է կարծում նոյն հեղինակը Բագրատունի տոհմը, որ թէեւ սերում է Արմանեակեան Զարեհից, բայց բուն նախահայրը Բազարատն է, որին անուանում է որդի Փառնաւազի: Ի՞նչ է նշանակում այս արեւակցութիւնը, եթէ այս Փառնաւազը Վրաց թագաւորական տան անդամ է: Տիգրան Մեծ Ասորիքը նուաճելուց յետոյ փոխաբայ կարգեց այնտեղ մի անձ, որ կոչւում էր Բագադատ, այսինքն Բագարատ, որ հաւանօրէն Բագրատունիների նախահայրն է: Փառնարազ Վրաց թագաւորն էլ այդ ժամանակներն էր ապրում: Անանունի տրամադրած նիւթերը այնպիսի որակի չեն որ կարելի լինի ենթադրել նրա մօտ հեռաւոր անցեալի մի հաւատարիմ ղօղանջ եւ Փառնաւազի մէջ տեսնել հին Փառնարազի պատկերը կամ կարծել որ առաջին Բագարատն այդանուն հայր կարող էր ունեցած լինել: Անանունի Փառաւազեանն իրապէս այլ ոք չէ, քան Փաւստոսի ծանօթ Վրաց թագաւորական տունը եւ այստեղից գիտէ նա այդ անունը: Իսկ թէ ինչո՞ւ Փառաւազին Բագարատի հայր լինելու պատիւն է տուած, պէտք է կարծել որ այս դէպքում եւս Անանուն, իր սովորութեան համեմատ, աշխարհագրական մերձաւորութիւնը վեր է ածել ցեղականի: Յայտնի է որ Սպեր գաւառը ձորոյի հովտում կազմում էր Բագրատունիների սեպհականութիւնը, որով նրանք դրացի էին վրական հողերին: Հնագոյն վրական իշխանական տունը հայ մատենագրութեան մէջ Փաւստոսի յիշած Փառաւազեանն է: Սպերը, վրական հողերի մի անկիւնը, թարգմանուել է Անանունի մտքում որպէս թէ նրա տէր Բագարատը լինէր որդի նոյն հողերի տէր Փառնաւազի: Ուրիշ մեկնութիւն չենք գտնում, ինչպէս չէ գտել եւ Մակուարտ: Բախտախնդրութիւն կը լինէր բառացի հասկանալ եւ արեան կապ որոնել Բագրատունիների եւ Փառաւազեանների մէջ եւ կամ հետեւցնել թէ Անանունին ծանօթ էր Բագրատունիների հաստատուելը Կղարջքում:

Անանունի առեղծուածը դեռ լուծուած չէ, բայց նա այդքան ուշ հեղինակ չէ: Նրա հարցը կապուած է Սորենացու խնդրի հետ: Պատմահայրը շատ բան է պարտական Անանունին: Սրա պարզ, բայց հանճարեղ մտքի սերմերն են որ այնպէս խնամքով հնձել է Սորենացին, հակառակ իր արհամարհական վերաբերումին:

Անանուն գիտակցորէն շեշտում է Բագրատունիների Հայկեան ծագումը եւ զգուշութեամբ հակադրում Մամիկոնեանների օտարածին ծագման, «քանզի ոչ են սոքա որդիք ազգածնինն Արամանեկայ, այլ են եկեալ ի ձենաստանէ»: Ինչ որ Անանուն պատմում է Մամիկ, Կոնակ եւ ձենբակուրի մասին պատմական երաշխիք չունի: Մամիկոնեան տան ճենական ծագումի լուրը գիտէ նա Փաւստոսից: Մամիկ եւ Կոնակ անունները հանած են Մամ-ի-կոն անունան ընդգծուած մասերից: Մամիկոնեանների նախահայր եղբայրները որպէս թէ եկած են Հայաստան Պոսրով Հայոց Թագաւորի եւ Արտաւան Պարթեւի ժամանակ: Անանուն որպէս թէ առիթ է ունեցել խօսելու այս մասին Պոսրով արքայի մօտ եկած ճենական մի պատգամաւորի հետ: Եթէ այս Պոսրովը Պարսից Թագաւոր հռչակաւոր Ապրուէզն է, Անանուն պէտք է Է-րդ դարու հեղինակ համարուի:

Փաւստոս յիշում է Մամիկոնեանների ճենական ծագումը նրանց գովելու, պանծացնելու նպատակով: Լինելով ճենական Թագաւորի ցեղից նրանք ոչնչով պակաս չեն Արշակունիներից: Մինչդեռ Անանունի աչքում օտարածին Մամիկոնեանն այնքան վստահելի չէ որքան ազգածին Բագրատունին: Վեցերորդ դարու վերջերին ծագած ապստամբական շարժումները, որոնց առաջնորդները Վարդան եւ Մուշեղ Մամիկոնեաններն էին, հաճելի չեն Անանունին: Այդ խռովութիւնները իրենց աղէտաբեր հետեւանքներով հակապատկեր են Սմբատ Բագրատունու պարսկական հաշտ քաղաքականութեան միջոցով ստեղծած խաղաղ վիճակին: Կարելի էր հաւատալ, որ Անանուն իրօք Սմբատի եւ իր հովանաւոր Պոսրով Ապրուէզի ժամանակակից գրիչ է:

Սակայն կան երեւոյթներ որոնք չեն արդարացնում այս եզրակացութիւնը: Բաւական է յիշել Բիւրատ եւ ձենբակուր անունները: Բիւրատ անունը երեւան է գալիս առաջին անգամ ութերորդ դարի սկզբներին: Ասողիկ մի անծանօթ աղբիւրից յայտնում է որ Բիւրատեան էր կոչուում Սմբատ Կիւրապաղատ, այն իշխանն որ Կաղանկատուացու վկայութեամբ մեռաւ 727 թուին: Անանուն եւ նրա հետեւութեամբ Պորենացին ըմբռնել են Բիւրատեան որպէս որդի Բիւրատի եւ վերջինս դարձել է նրանց մօտ յատուկ անուն: Զարմանալի է որ Վրացիք պահել են Բիվրիտիան, այսինքն Բիւրատեան,

ձեւը, թէև Պորենացուց գիտեն այդ անունը¹: Ոնգիրը մնում է բաց թէ Սմբատ Կիւրապաղատ ինքն էր վաստակել Բիւրատեան տիտղոսը թէ ժառանգել էր իր հօրից, ուրեմն ենթադրելով որ հայրը կոչուել է Բիւրատ: Սմբատի հայրը Վարազտիրոցն էր եւ ոչ Սմբատ, ինչպէս սխալմամբ նշանակում է Յովհաննէս Կաթողիկոսը: Այս Վարազտիրոցի մասին ուրիշ բան չէ յայտնի քան այն որ սպանուել է Հոռոմներից եւ հետեւապէս անկարելի է որոշել թէ ի՞նչ գործերի համար պէտք է տիտղոս ստանար: Գիտենք որ Սմբատ Գուրգան - մարզպան արժանացաւ Պոսրով-չնում պատուաւոր տիտղոսի որ նշանակում է Պոսրովի ուրախութիւն: Նրա որդին Վարազտիրոց ստացաւ նոյն Պարսից Թագաւորից աւելի շողշողուն կոչում որպիսին է Չաւիտեան-Պոսրով, 'յաւիտեան-Պոսրով': Վարազ-Տիրոցի որդին Սմբատ եւս կ'արժանանար նման պատուի, եթէ չխորտակուէր Պարսից պետութիւնը: Սմբատ սկզբում գտնուում էր կայսերական ծառայութեան մէջ եւ կարգուեց դրունգար, ապա բռնեց Թէոդորոս Ռշտունու տեղը, յետոյ Գրիգոր Մամիկոնեանի հետ պատանդ գնաց Արաբների մօտ եւ վերադարձաւ 662 թուին: Սրա որդին էր Վարազ-Տիրոց «զոր սպանին Հոռոմք», Սմբատ Բիւրատեանի հայրը²:

Անանուն եւ Պորենացի Բիւրատեան հասկացել են որպէս որդի Բիւրատի: Վերջինս մօտ Սմբատ Բագրատունին որդի է «Բիւրատայ Բագրատունուց»: Եթէ այսպէս հասկացուի, պէտք է ընդունել որ Սմբատ Բիւրատեանի հայրը՝ Վարազտիրոց կոչուել է Բիւրատ: Նրա բռնի մահը թերեւս ապացոյց համարուի որ նա արիական ելել է ունեցել կայսերութեան դէմ, քաջագործութիւններ գործել եւ կոչուել Բիւրատ:

Բիւրատեան յիշեցնում է արտաքուստ Չաւիտեան, բայց իմաստ չունի պարսկերէն: Հաւանական է որ Բիւրատ կազմուած է Բիւր և հատանել բառերից փոխան լրիւ Բիւրահատ, ինչպէս կայ փայտատ փոխան փայտահատ, եւ կը նշանակէ Բիւր մարդ կոտորող, շատ յաղթութիւնների տէր անձ:

1 Brosset, I, 66, Սմբատ Բիվրիտիամ սպանեց Երուանդին եւ Հաստատեց Արտաշանին դահի վերայ: Վրացին ծանօթ է Պորենացուն, որտեղից քաղում է այս տեղեկութիւնը, միայն ուշաքաւ է որ խուսափում է Սմբատին, որ Բիւրատ Բագրատունու որդին է, անուանել Բագրատունի, այլ որակում է Բիւրատեամ անունով: Նպատակն է չհակասել ինքն իրեն Բագրատունիների ծագման խնդրում: Մի ուրիշ տեղ, էջ 163, Վախթանգի բերանով ասում է. «Նուր, Հայերդ, Արշակունիք, Բիվրիտեամ որդիների, մոռացել էք Գրեգուր Պարթեւին»: Վախթանգի մեծամեծներից մէկը, Օմիրէի տէրը ոմն Բիվրիտիամ է, 183, 200:

2 Այս ծննդաբանութիւնը հետեւում է Սեբեոսի եւ Ղեւոնդի վկայութիւններից:

Պատշաճում է նման վիպական մակղիր մանաւանդ Սմբատ Խոսրով-Շնուժին, որի անօրինակ ոյժը եւ կարող զէնքը փառաբանել է Սերէոս: «Եւ էր սա այր անհեթեթ անձամբ եւ գեղեցիկ տեսլեամբ եւ բարձր եւ լայն հասակաւ եւ բուռն եւ ցամաք մարմնով»: Յայտնի է թէ մարմնական ոյժի եւ բարոյական անվեհերութեան որպիսի հրաշքներ կատարեց բիւզանդական մայրաքաղաքում կրկէսի մէջ վայրի գազանների դէմ կոռելիս, ապշուժիւն եւ հրացում պատճառելով հանդիսականներին: Պակաս նշանաւոր չէր նրա քաջարի մենամարտը Հեփթաղաց թագաւորի հետ որին նիզակի կուռ հարուածով գետին տապալեց: 1 Տարիներ շարունակ ճակատեց պետութեան հիւսիս-արեւելեան սահմանագլխում Գուշան եւ Հեփթաղ հրոսակների դէմ եւ միշտ յաղթական եղաւ: Ահա մի կեանք որ իրական վէպ է: Չամչեան անուանել է նրան բազմայաղթ: Նոյն իրաւամբ հները կարող են կոչել Բիւրատ ալն իմաստով ինչ որ մեկնեցինք: Նոյն անունը կարող էին կրել եւ իր ժառանգորդները եւ մանաւանդ վերջին ծանօթ շառաւիղը Սմբատ Կիւրապաղատ: Այս բոլորը, հարկաւ, որպէս սոսկ ենթադրութիւն, չեն կարող մրցել հաստատուն փաստի հետ, որ Բիւրատեան անունը յայտնի է միայն Սըմբատ Կիւրապաղատի անուան կից: Այս փաստը հարկադրում է ընդունել որ Անանուն այստեղից գիտէ Բիւրատ անունը եւ ապա ուրեմն ուշ է քան Սմբատ Բիւրատեանի մահը 727 թ.:

Ճենրակուր անունն ևս նպաստաւոր չէ Անանունի հնութեան: Առաջին անգամ հանդիպում ենք Ճենրակուր անունը Ղեւոնդի մօտ: Վալիդի օրով (705-715) Մահմետ զօրավարը արշաւեց Ճենաց աշխարհի վերայ եւ պահանջեց 35 հազար աղջիկ: Ճենաց թագաւորը կոչում էր Ճենրակուր: Աղջիկների փոխարէն զրկեց նոյնչափ ծպտեալ զինուոր, եւ ամբարտաւան զօրավարը պարտութիւն կրեց եւ նահանջեց: Խորենացու անունով հասած Աշխարհադրութիւնը եւս յիշում է «արքայն Ճենրակուր» Ճենաց աշխարհի նկարագրութեան մէջ: Բայց այս երկը Ղեւոնդից հին չէ: Եթէ Անանուն Ղեւոնդից գիտէ Ճենրակուր անունը, նա չէ կարող ութերորդ դարու վերջերից յառաջ լինել: Առառաւելն կարող էր նոյն դարու մարդ լինել եւ Ղեւոնդի հետ մի ընդհանուր աղբիւրից ծանօթ լինել նոյն անուան: Անանունի փոքրիկ, անշուք,

1 Սերէոս, էջ 107 (Թիֆլիս, 1912 թ.) ասում է այս երկու ախոյեանների մասին. «զի աբ սկոյազարբ (եւ ո՛չ սակաւազարբ, ինչպէս տպուած է) էին երկզքին եւ կուռ սպառազինեալք»:
 2 Մարկուարտի բացատրութեամբ Բակուր կազմուած է բազ եւ ֆուր բառերից, որ նշանակում է 'ստուծոյ որդի' եւ թարգմանութիւն Չինաց թագաւորի տիտղոսի:

բայց նորաշունչ գրուածքը ոգով և գաղափարաբանութեամբ համապատասխանում է ութերորդ դարու կէսերից սկսուած քաղաքական շարժման հիմը կազմող ակնկալութեանց, այն շրջանին երբ ոգեշունչ մոնոթոնները գոչում էին թէ «հա մերձեալ է ժամանակ փրկութեան ձերոյ, զի այժմ ընդհուպ դարձցի գաւազան թագաւորութեանն միւս անգամ ի տուն թորգոմայ»: Անանուն հասկացնում է որ դաւազանի իրաւունքը պատշաճում է ազգածին Բագրատունիներին քան օտարազգի Մամիկոնեաններին: Ոչ միայն իր այս գաղափարով, այլ եւ ժամանակով թուում է թէ հեռու չէ Խորենացուց:

Անանունի մօտ Բագրատունի տոհմը ներկայացնում է Արամանեակի այսինքն Հայոց ազգը եւ Փառնաւազեանները՝ Վրաց ազգը: Բագրատի եւ Փառնաւազի արեւակցութիւնն այլ բան չէ նշանակում քան որ երկու ազգերը եղբայրակից են եւ համերաշխ քաղաքական ազատութեան ճանապարհի վերայ, եւ գործակից արարական լուծը թօթափելու ջանքերի մէջ:

Այսպէս, ո՛չ Անանունի ծննդաբանութիւնն եւ ո՛չ վրական աւանդութիւնները, որոնք բացառապէս գրական հողի վերայ են զարգացած, ո՛չ մի արժէք չունեն Բագրատունիների ծագման խնդրում: Միակ ճշմարիտ տեղեկութիւնն է ինչ որ պահուած է Վարդանի մօտ, այսինքն որ վրաց Բագրատունիք ծագում են հայ Բագրատունիներից եւ նրանց նախահայրն է Վասակ որդի Աշոտի: Վասակի որդին էր Աշոտ որ խելացի քաղաքականութեամբ կարողացաւ շահել արարական իշխանութեան վստահութիւնը եւ Վրաստանի իշխան կարգուեց: Այս յաջողութեան անմասն չէր անտարակոյս այն վարկը որ Բագրատունիք ձեռք էին բերել Հայաստանում: Լեւոն Ե Հայազն կայսրը (813-820) շնորհեց Աշոտին կիւրապաղատութեան պատիւ, անշուշտ, հակակշռելու համար արարական ազդեցութիւնը: Աշոտ ստանձնելով Վրաստանի իշխանութիւնը, սկիզբը դրեց նրա քաղաքական վերածնութեան, եղաւ Վրաստանի համար այն ինչ որ Աշոտ Մսակեր Հայաստանի համար: Երկու Աշոտների սերունդը գրեթէ միաժամանակ թագ կապեց: Տեսանք, ինչպէս Մսակերի թոռը Աշոտ թագաւորեց 885 թուին: Աշոտ Կիւրապաղատի թոռնորդին Ատրնեբսեհ նոյն պատուին հասաւ 899 թուին:

Ինչպէս յիշեցինք վերեւ, երբ Չահապ արար իշխանը գրաւեց Իուլինը, Աշոտ Մսակերի ժամանակ, Աշոտ Կիւրապաղատը դիմեց Լեւոն կայսրին եւ խնդրեց օգնել նրան ազատելու Իուլինը: Բայց Լեւոնի վերահաս մահը Միքայէլի ձեռքով Աշոտի խնդիրը անկատար թողեց: Պէտք է կարծել, որ Աշոտ

Կիւրապաղատը իշխան ճանաչուեց Արաբների կողմից Աշոտ Մասկերի հետ միաժամանակ: Կարճ միջոցում խոհուն գործունէութեամբ կարողացաւ «տիրել ի Կաղըջաց մինչեւ ի Տփղիս լեռնակողմամբ հանդերձ»¹:

Վրաց Տարեգիրքը համաձայն է այս կէտում, երբ վկայում է որ Աշոտ նուաճեց Կղարջեթից մինչեւ Քսան գետը: Նուաճումը, ըստ Տարեգրքի, հետեւանք էր այն յաղթութեան, որ Աշոտ տարաւ Թիփլիսի արաբ ամիրայի վրայ:

Արդարեւ այդ ժամանակները Թիփլիսը գտնուում էր Մուհամատ իբն Հատաբ արաբ ամիրայի ձեռքին: Հիւսիսից Աշոտ Կիւրապաղատին հարեւան էր Ափխազաց թագաւորութիւնը: Ափխազները օգտուելով Բիւզանդիայի և Սաղարների մրցութիւնից յաջողել էին արդէն հիմնել նոր իշխանական հարստութիւն եւ բաւականին ընդարձակել իրենց տէրութեան սահմանները, որոնց մէջ մտնում էին ոչ միայն բուն Ափխազիան, այլ և Մինգրելիան եւ Գուրիան գրեթէ ամբողջ ծովափնեայ աղեղը:

Աշոտի կողմից պարզ հաշիւ էր բարեկամական յարաբերութիւն ստեղծել այս հարեւանի հետ, որ հակառակ դէպքում կարող էր ահաւոր լինել: Աշոտ Կիւրապաղատը բարի համարեց Ափխազաց Թեւղաս թագաւորին փեսայացնել իր դստեր: Այս կերպ կարողացաւ իրեն զինակից անել Թեւղասին եւ միասին դէմ դնել Թիփլիսի ամիրային:

Տարեգիրքը հաւատացնում է, որ Կիւրապաղատը Քսան գետի մօտ ճակատեց ամիրային, որին օգնական էր Կախեթի իշխանը, եւ յաղթեց: Շուտով Աշոտի վրայ եկաւ Սալիլ Եզիդի որդին, եւ Աշոտ փախաւ իր ընտանիքով դէպի Յունաստան: Զաւախքի լեռներում, Փարուան լճի ափին հանգրստանում էր, երբ յարձակուեցին նրա վրայ Արաբները, բայց Աշոտ յետ մղեց նրանց եւ գնաց Կղարջք և հաստատուեց Արտանուջ: Վերանորոգեց հին աւեր բերդը, շինեց Պետրոս եւ Պօղոս առաքելոց անունով մի եկեղեցի, ջանաց երկիրը շէնցնել, խմբել բնակչութիւնը, որ տակաւին Մրուանի գործած աւերածութեան ծանր հետեւանքների տակ էր գտնուում: Քիչ յետոյ նենգութեամբ սպանուեց 826 թուին, յունուարի 29ին:

Այս պատմութեան մէջ ճշմարտութիւնն այն է, որ Աշոտ Կիւրապաղատը Զաւախքից հետզհետէ յառաջ է գնացել եւ հաստատուել Արտանուջում, եւ չի կարողացել շարժուել դէ-

1 Վարդան, էջ 78:

պի բուն Վրաստան, դիմադրութեան հանդիպելով Թիփլիսի ամիրայի եւ Կախեթի իշխանների կողմից: Սալիլ, որդի Եզիդի, սխալ ընթերցումն է, փոխանակ Սալիդի (վրացերէն չ եւ դ տառերը շփոթելի են), որ մեզ յայտնի Շայբանի իշխանն է, կուսակալ Հայաստանի 827-832 տարիները: Որովհետեւ Աշոտ Կիւրապաղատի մահը Տարեգիրքը դնում է 826 թուին, ուստի սխալ է գործում Սալիդ Շայբանի կուսակալին Աշոտի դէմ հանելով: Տարեգրքի օրինակներից մէկում չի յիշուում այստեղ Սալիդը յանուանէ: Հաւանական է որ եւ այս ընդհարումը նոյն Մուհամատ իբն Հատաբի հետ է եղած: Կամ պէտք է ընդունել, որ Աշոտի մահուան տարին սխալ է, ինչպէս Մարկուարտն է ընդունում, որ քիչ հաւանական է:

Սալիդ ընկճեց Թիփլիսի ամիրային եւ նրա տեղ նշանակեց Ալի որդի Շուաբի, ինչպէս վկայում են Տարեգիրքը և արաբ աղբիւրները: Ալի եղբայր էր Իսմայէլի որ Հատաբից յառաջ նոյն քաղաքի տէրն էր: Ալիից յետոյ յաջորդեց Իսմայէլի որդի Իսահակը:

Կիւրապաղատի որդիները մանկահասակ էին երբ ինքը մեռաւ: Երէց որդին կոչուում էր Ատրնեքսեհ (վրացերէն Աղարնասէ), կրտսերը՝ Բագարատ: Իշխանութեան գլուխն անցաւ Բագարատ: Ինչ վիճակի մէջ էր Արտանուջի մանուկ իշխանութիւնը Կիւրապաղատի որդիների անչափահասութեան ժամանակ, անորոշ է: Գիտենք, որ Սալիդ Շայբանի այնուհետեւ վերստին եւ վերստին եկաւ կուսակալութեան պաշտօնով եւ կռիւներ մղեց Վրաստանի սահմաններում Մանարքի դէմ, ինչպէս Իսահակ ամիրայի: Սրա վրայ էր գնում, երբ ճանապարհին մեռաւ Զաւախքի Սողաբիր գիւղում 844 թուին, որ այժմ էլ կանգուն գիւղ է: Սալիդից յետոյ կուսակալ եկաւ իր որդին՝ Մուհամետ: Սրա օրով է որ հրապարակ է գալիս Բագարատը, նոյնպէս Կիւրապաղատի կոչումով:

Բագարատ առաւ կնութեան Սմբատ Աբլաբասի դուստրը: Քաղաքական ասպարէզում որդեգրեց մի ուղեգիծ, որ յար եւ նման էր Սմբատի վարելակերպին: Ի՞նչ դիրք էր բռնել նա Բիւզանդիայի հանդէպ, յայտնի չէ: Բայց Արաբների նկատմամբ նրա քաղաքականութիւնը որոշ էր: Առանց վարանելու Բագարատ յարեց ոստիկան Մուհամետ Շայբանիին, երբ նա կուում էր Թիփլիսի ըմբոստ ամիրայի դէմ: Արաբների ձեռքով իսկ կործանել վտանգաւոր հակառակորդին պարզ հաշիւ էր:

Նոյն գործելակերպին հաւատարիմ մնաց եւ Բուղայի

արչաւանքի ժամանակ: Տարօնը եւ Վասպուրականը պատժելուց յետոյ, տեսանք, որ Բուղան գնաց Թիփլիսի Իսահակ Շուարի վրայ, եւ բռնեց ու սպանեց ամիրային: Ափխազաց թագաւորը Թեւզասը փորձեց պաշտպանել Իսահակին: Բուղան նրա դէմ զրկեց ուրիշ ոյժերի հետ նաեւ Բագարատ Կիւրապաղատին: Չնայելով որ Թեւզասը Բագարատի քեռայրն էր, բայց եւ այնպէս Կիւրապաղատը ելաւ նրա դէմ կռուելու: Իսկ երբ Բուղան բանակը շարժեց դէպի լեռնականները, Բագարատն իր եղբոր Գուռամի միջոցով, ինչպէս եւ Սմբատ Խոստովանողը կամ Աբլարասը զգուշացրին նրանց, որ արար զօրքերը ներս չթողնեն: Լեռնականները ճանապարհները կտրեցին եւ արաբ բանակը ստիպուեց յետ քաշուել խոստովանելով իր անյաջողութիւնը: Բուղայի ձեռքով Իսահակին կործանելուց յետոյ, հերթական հարցն էր ազատուել Բուղայի ճիրաններից: Լեռնականների դէմ ունեցած ձախորդութիւնը կտրեց թիւրք զօրավարի վարկը եւ յետ կանչուեց: Նրա տեղը եկաւ նոյն Մուհամեմ Շայրանին յուզուած երկիրն անդորրացնելու:

Բագարատունեաց քաղաքական ծրագիրների տեսակէտից Թիփլիսի ամիրայի անկումը վճռական նշանակութիւն ունէր: Շուարի տունը վտանգաւոր էր ոչ միայն Վրաստանին, այլ և արգելափակ շայաստանի բարգաւաճման: Չէր կարելի վստահել, որ մի օր իրական տէր չէր դառնայ երկու երկիրներին էլ: Թուում է, որ նա զուրկ չէր չըջապատի համակրութիւնից: Իսահակի կինը քրիստոնեայ դէխուհի էր, նրա զօրքերի մէջ կար Խոյթեցիներէից կամ Սասունցիներէից կազմուած յատուկ զունդ¹:

Անուրանալի է որ Շուարի տունը բարեբեր եղաւ այն մտքով, որ կենտրոնական իշխանութեան ուշադրութիւնը իր վրայ առնելով, յարմարութիւն տուաւ Բագարատունիներին հաստատուն ոտ դնել Կղարջը, յենուելով բիւզանդական պատուարին: Սակայն, ձորսիսի հովտից յաւաջանալ դէպի Վրաստան եւ գրաւել բուն վրական հողերը անկարելի էր Բագարատունիների համար, քանի որ Թիփլիսում բուն էր դրել Շուարի տունը: Ճշմարիտ է Մարկուարտի կարծիքը, որ Բագարատունիները միմիայն Կղարջի իշխաններ էին եւ Վրաստանի հետ կապ չունէին որչափ ատեն որ Թիփլիսի մէջ նստած էին Շուարի բնակորները:

Սրանց անկումից յետոյ Վրաստանը դառնում է կռուականձոր հայ Բագարատունիների եւ Ափխազի տէրերի մէջ: Բու-

1 Suprapl. III, 1416. Marquart, Streifzüge, 460.

ղայի հեռանալով, Հայաստանի իշխանութիւնը ստանձնեց Սմբատ Խոստովանողի որդին Աշոտ, որ 862 թուին եղաւ իշխանաց իշխան եւ 886ին թագաւոր:

Վերեւ տեսանք, որ Աշոտն իշխանաց իշխան նշանակուելուց յետոյ ձեռնամուխ եղաւ նուաճելու եւ հնազանդեցնելու «գիշխանս Հայոց, գՎրաց եւ գԱղուանից»: Պատմագիրն ասում է՝ «որ եղև իսկ»: Պէտք է կարծել, ուրեմն, որ Աշոտի գերիշխանութեան տակ էր նաեւ Արտանուշի իշխան Բագարատ Կիւրապաղատը: Արդեօք սա ես գերուեց Բուղայի կողմից նման Սմբատ Խոստովանողի, եւ յետոյ վերադարձաւ, յայտնի չէ: Վրաց Տարեգիրքը նրա մահը դնում է 876 թուին: Բագարատը Աշոտի կողմնակից էր, երբ վերջինս պատերազմի բռնուեց Ափխազաց Գիորգի Ա. թագաւորի հետ Վրաստանի պատճառով: Բագարատի եղբայրը Գուռամ իր որդի Նասրա (= Ներսէհ) հետ Ափխազաց համակիր էր, մինչդեռ Բագարատի որդին Դաւիթ եւ Լիպարիտ, Օրբէլեանների նախահայրը, որ առաջին անգամ երեւում է պատմութեան մէջ, Հայոց կողմն էին: Կուռի մանրամասնութիւնները յայտնի չեն, բայց արդիւնքը կասկածից դուրս է որ յօգուտ Հայոց էր: Աշոտ յաղթանակեց եւ իր իշխանութեան տակ առաւ Վրաց եւ Աղուանից երկիրները եւ Կովկասեան լեռնականները:

Հաւանօրէն այս կուսակցական պայքարի հետեւանքով էր, որ Գուռամ սպանեց իր որդու Նասրի ձեռքով Դաւիթ Կիւրապաղատին՝ Բագարատի որդուն և յաջորդին, ըստ Տարեգրքի, 881 թուին: Որ Գուռամը կուսակից էր Ափխազաց երեւում է նաեւ նրանից, որ իր դուստրը տուել էր Ափխազաց Ատրներսէ թագաւորին կնութեան:

Տարեգիրքը չիոթում է Գուռամին Բագարատի հետ, երբ Աշոտ իշխանաց իշխանին անուանում է եղբայր Գուռամի կնոջ: (Մի տեղ սխալմամբ եղբայր Գուռամի, բայց թողնելով կնոջ բառը)¹:

Բագարատն էր Աշոտի քրոջ ամուսինը եւ ոչ Գուռամը, ինչպէս դիտենք Վարդանից: Սա ասում է, որ Աշոտը Բագարատի մահից յետոյ «դնէ իշխան Վրաց գրեւորդի իւր», այն է Բագարատի որդուն՝ Դաւիթին: Սրա սպանութիւնից յետոյ յաջորդեց իր որդին՝ Ատրներսէն, երբ հայերի օգնութեամբ քշուեց նրա հակառակորդ և հօրը մահուան պատճառ Նասրը:

Ատրներսէնը վայելեց եւ իշխանաց իշխանի որդու՝ Սմբատ թագաւորի հովանաւորութիւնն ու բարեկամութիւնը

1 Brosset, I, 191.

եւ նրա շնորհիւ արժանացաւ թագաւորական թագի: Ահա ինչ է ասում ժամանակակից պատմագիրը. «Մեծ Կուրապաղատն Վրաց՝ Ատրնեքսէ՝ անվրդով եւ անշուշտ ուխտ խաղաղութեան եւ սիրոյ միաբանութեան ընդ արքայի Սմբատայ պահէր ի բոլոր մասունս առ ի բովանդակ մտաց եւ ի զօրութենէ իւրմէ մեծաւ պատկառանօք իրրեւ հօր հնազանդ լիալ, կամ թէ եւս առաւել քան զայս, իրրեւ զծառայ ի տեսնէ իւրմէ կամաւ կրեալ զսահման երկիւղի չափաւոր մոլութեամբ եւ զաչս իւր մշտակարկառ յարքայ հարեալ համակեալ մեծաւ զգուշութեամբ եւ նմա զանձն եւս հաւատացեալ: Ընդ որ յաւէտ իմն հաճեալ հաւանեալ արքայն Սմբատ բաղմագեղ նախախնամութեամբ յինքն զնա ամէր յանձանձէր: Ապա թագ կապեալ նմա մեծապատիւ ճոխութեամբ եւ գեղեցկայարմար զարդու, նաեւ զինու զարդարեալ ըստ օրինի թագաւորաց, կացուցանէ զնա թագաւոր Վրաց աշխարհին եւ երկրորդ իւրոյ տէրութեանն զնա հաստատէ»¹:

Ըստ Վրաց Տարեգրքի, թագադրութիւնը կատարուեց 899 թուին:

Այսպիսով Բագրատունեաց վրական ճիւղը եւս հասաւ արքայական թագի եւ տէր դարձաւ Վրաստանի: Ատրնեքսէ շարունակեց զգալ եւ պահել ստեղծուած դրութիւնը հանդէս Հայոց թագաւորի Սմբատի: Միեւնոյն ծառի երկու ոստերն էին եւ Սմբատ միայն աւազութեան կապակից մեծարանքն էր, որ վայելում էր: Երբ Եգերաց թագաւոր Կոստանդինը, որ ամուսնացել էր Ատրնեքսէի դստեր հետ, փորձեց գրաւել սրա հողերը Ալանց դրան շուրջը, Սմբատ ընդդիմացաւ եւ Ատրնեքսէի հետ միանալով սանձեց Կոստանդինին: Այն ազգերը «հաւանեալք եւ հնազանդեալք եւ նուաճեալք էին ընդ ձեռամբ արքային Սմբատայ», ասում է պատմագիրը, մինչ սպասելու էր, որ այս հողերը պատկանէին Ատրնեքսէ թագաւորին:

Տոհմական ընդհանուր սեփականութեան գիտակցութիւնը տակաւին արթուն էր այդ ժամանակ: Արդարեւ, Սմբատ իր տէրութեան սահմանները հաշոււմ էր «մինչեւ ցկարնոյ քաղաք եւ անդր եւս քան զԿղարջս քերեալ մինչեւ առ արին ծովուն մեծի եւ մինչեւ ցսահմանս Եգերացուց եւ մինչեւ ցստորոտ մեծի լերինն Կովկասու, զԳուգարացիս, եւ զԾանարս մինչեւ ցղուռն Ալանաց առեալ եւս յինքն եւ զամբողջ դրան պահակի նոցա. եւ անտի ի հարաւակողմն կոյս

1 Յովհաննէս Կաթողիկոս, էջ 101-102:

զԿուր գետով մինչեւ ի քաղաքն Տփղիս եւ զՈւտի դաւառ մինչեւ ի քաղաքն Հունարակերտ եւ մինչեւ ի Տուս եւ ի Շամքոր»¹:

Սմբատ իր տէրութեան մէջ էր համարում գրեթէ բոլոր այն երկիրները, որ պատկանում են Վրաց Բագրատունիներին, եւ անգամ գրաւել էր Դարբալի պահակը պաշտպանող ամրոցը, ասել է թէ հիւսիսային սահման էր Կովկասեան շղթան: Սմբատը նայում էր Ատրնեքսէի վրայ, որպէս միեւնոյն ընտանիքի անդամի: Հակառակ կրօնական խտրութեան Ատրնեքսէ հնարաւոր էր գտնում Չատիկը անցնել Սմբատի մօտ եւ նրա հետ միասին: Սմբատ եւ Ատրնեքսէ, երկու եղբոր թոռան թոռներ էին. բացի դրանից Ատրնեքսէ Սմբատի հօրաքրոջ թոռն էր:

ԲԱԳՐԱՏՈՒՆԻՔ ԱՂՈՒԱՆԻՔՈՒՄ

Տեսանք որ Ատրնեքսէ Կոյրի երեք եղբորորդիք Տարօնից եկան Շաքի եւ հաստատուեցին այնտեղ: Ատրնեքսէ Կոյրը Աշոտ Բագրատունին է եւ ուրեմն նրա եղբորորդիք նոյն տոհմիցն են: Նրանք խարել էին իրենց հօրեղբոր աչքերը: Այս ոճիրի իսկական հեղինակը, գիտենք, որ Գրիգոր Մամիկոնեանն էր: Մակայն Բագրատունիք եւս անպարտ չէին: Աշոտի ոսոխներն ոչ միայն Մամիկոնեան Դաւիթ եւ Գրիգոր եղբայրներն էին, այլեւ «Սմբատայ որդիք», որոնց անունները պատմագիրը չէ տալիս: Այս կէտը պէտք ունի բացատրութեան:

Ղեւոնդ պատմագրի արտայայտութիւնն այնքան անորոշ է որ անուշադիր ընթերցողը կարող է այն տպաւորութիւնն ստանալ թէ Սմբատի որդիք նոյն Մամիկոնեան եղբայրներն էին: Մինչդեռ Սմբատ անունը յատուկ է Բագրատունի տան եւ նրա որդիները զատելու է Մամիկոնեան եղբայրներից:

Արաբական ոստիկանի հրամանով, Աշոտի հակառակորդները կալանաւորուեցին որպէս խոովարարներ և զրկուեցին Դամասկոս: Երբ Օմմայեան տան դէմ ելան Աբբասեան-

1 Յովհաննէս Կաթողիկոս, էջ 89-90:

ները և դահակալական խառնուրթիւններն սկսուեցին, Մրուան ստիպուեց հեռանալ Հայաստանից: Առթից օգտուեցին եւ փախան «գերծեալ որդիքն Սմբատայ ի կայանաւոր պատանդէն» եւ եկան Վասպուրական: Լի վրէժխնդրութեամբ, սրանք ազմկեցին Աշոտի դէմ եւ մինչեւ անգամ յարձակում գործեցին Աշոտի վրայ եւ կամենում էին սպանել: Աշոտը դիպուածով փրկուեց փորձանքից:

Երբ Աշոտի հովանաւոր Մրուան յաղթեց եւ ամիրապետ դարձաւ, Աշոտի դիրքը նորից ամրացաւ: Մրուան, «տեղեկացեալ զամբաստութիւնն զորդւոցն Սմբատայ և զոր ինչ արար ընդ նա (այսինքն ընդ Աշոտ) Դաւիթ եղբայր Գրիգորի», հրամայեց բռնել Դաւիթն և ձեռքն ու ոտը կտրելով սպանել: Ոսրք Աշոտի սպանութեան փորձի մասին է: Յարձակուել էին Սմբատի որդիք, բայց մեղադրուում է և սուտում միայն Դաւիթ: Եթէ Սմբատի որդիք Դաւիթ և Գրիգոր եղբայրները լինէին, պէտք է որ Գրիգոր եւս պատիժ կրէր: Բնագիրը երկդիմի է եւ սույլի հաւանական որ Սմբատի որդիների ամբաստանութիւնը հակադրուում է Դաւիթի գործին: Պատմագիրն անաչառ չէ Մամիկոնեանների հանդէպ: Գրիգոր կազմակերպեց նախարարների համաձայնութեամբ ապստամբութիւն Արաբների դէմ: Գրիգոր առաջարկեց Աշոտին միանալ ընդհանուր գործին: Սա հաւանութիւն տուեց, բայց յետոյ հրաժարուեց: Գրիգոր չարացաւ, բռնեց Աշոտին եւ յանձնեց Դաւիթի ծառաներին, որոնք եւ խարեցին նրա աչքերը:

Ղեւնդը չէ քաշում յայտարարելու որ Գրիգորի ապստամբական քայլը մի «խորամանկութիւն էր փասն հանելոյ զիշխանութիւնն Աշոտայ»: Այսպիսի միակողմանի եւ աչառու պատմագրից բնական էր սպասել որ կատարուած ոճիրը բարդուէր միմիայն Մամիկոնեանների վրայ: Մինչդեռ վրական աւանդութեամբ ոճրագործները անբախտ իշխանի եղբորորդիքն էին, ուրեմն Բագրատունիներ: Բնական է սրանց մէջ տեսնել Սմբատի որդիներին: Երկու հակառակ վկայութիւնները կարելի է հաշտեցնել, ընդունելով որ յանցանքը գործել էին Մամիկոնեանները, գործակից ունենալով Բագրատունի Սմբատի որդիներին: Ղեւնդ անուանում է Գրիգորին «ի Մամիկոնեան տոհմէ», «ի տանէն Մամիկոնեան», եւ ո՛չ երբեք որդի Սմբատայ, որ սպասելի էր եթէ իրօք Գրիգոր Սմբատի որդին լինէր:

Սմբատի որդիք, որոնք նախանձում էին Աշոտի յաջողութեան, կարծում ենք, նշանաւոր Սմբատ Կիւրապաղատ Բիւրատեանի որդիներն են: Սրանք ամենայն իրաւամբ կարող էին թիկնածել այն պատուին որին արժանացել էր Աշո-

տը: Սմբատ Բիւրատեան, սակայն, Աշոտի ոչ եղբայրն էր եւ ոչ ճօրեղբայրը: Եթէ իրօք մերձաւոր կապ կար Աշոտի եւ Սմբատի որդիների մէջ, ինչպէս վկայում է վրական աւանդութիւնը, հնարաւոր է մտածել մի ուրիշ Սմբատ Բագրատունու մասին: Ղեւնդի տեսլով, Սմբատի որդիք ազատուելով պատանդութիւնից Եկան մտան Վասպուրական եւ այստեղ սկսեցին իրենց շահատակութիւնները: Արդեօ՞ք խօսքն այն Սմբատի մասին չէ, որ Վասպուրականի իշխան է կոչուում եւ ընկաւ Նախճուանի ազեաի ժամանակ 705 թուին: Թերեւս, այս Սմբատը Աշոտի ճօրեղբայրն էր: Աշոտի հայրը Վասակն էր եւ սրա եղբայրը՝ Բագարատ: Աշոտից յետոյ Բագարատի որդին Սահակ կարգուեց իշխան Հայոց: Եթէ Սրմբատն եւս Աշոտի ճօրեղբայրն էր, հնարաւոր է որ նրա որդիք իրաւունք ունէին թեկնածու համարուել այն պատուին, որ վիճակուել էր Աշոտին, իրենց ճօրեղբոր սրբուն:

Տարբախտաբար, յալանի չէ այս զոյգ Սմբատների որդիների եւ ընդհանրապէս հետազայ սերնդի վիճակը: Իններորդ դարի սկզբում մի Բագրատունի զօրեղ ձայն է լուում հեռաւոր Աղուանքից: Հայոց 270 = 821-822 թուին Պարսաւից արաբ մի գունդ արշաւեց Ամսրոս գաւառը, գերեց հազար մարդ և դարձաւ ամրացաւ Մեծիրանց գաւառի սահմանում Ծիկաքար կոչուած տեղը: «Արի եւ շքեզատեսակն Սահկի Սմբատեան Եւանչաճիկն տէր քաջագոր եղբորօքն (sic) իւրովք եւ զօրօք» յարձակուեց լուսապէմին ասպատակաւորների վրայ, ցիրուցան արեց եւ ազատեց գերիներին¹:

Սահկի Սմբատեան ուղղելի է Սահլի Սմբատեան, այսինքն Սմբատի որդի Սահլ: Սա այն նշանաւոր իշխանն է որ 837 թուին ձերբակալեց հստակաւոր ապստամբ սպանդաւոր Բարեկին կամ Բարանին, ինչպէս անուանում են մեր մատենագիրները, եւ յանձնեց արաբ զօրավար Ափշինին²: Այս մասին խօսում են ոչ միայն արաբ, այլ և հայ պատմագիրները: Հայոց 286 թուին = 837-838 Բագրատայից զրկուած 12 հազարանոց հեծեալ մի գունդ մտաւ Աղուանից աշխարհ, պատմում է Կազանկատուացին, եւ Սահլ Սմբատեան որ «յարքայից Չառմիհրական տոհմէն էր», յարձակուեց ինչպէս արժի որ խոյանում է տկար թուշունների վրայ եւ հալածեց Արարներին: Նոյն տարին Սահլ Սմբատեան ձերբակալեց աշխարհաւեր Բարանին եւ սուեց ամիրապետի ձեռքը եւ սրպէս

1 Մովսէս Կապանկատ. Գ. ԳԼ. ԺԲ. էջ 53, 54 (Փարիզ, 1860 թ.):

2 Marquart, Osteuropäische und Ostasiatische Streifzüge, 460.

վարձատրութիւն ստացաւ «իշխանութիւն ի վերայ Հայոց, Վրաց եւ Աղուանից տիրել արքայաբար»¹:

Չնայելով իր մատուցած ծառայութեան եւ բարձր դիրքին, նենգաւոր Բուղան չկասեց Սահլին եւս կցել կալանաւոր իշխանների կարաւանին 855 թուին, ինչպէս վկայում է թովմա Արծրունին: Կարելոր է այս վկայութեան մէջ այն որ էր «Սահլ Սմբատայ որդի Շաքեոյ տէր որ գեաբան կալաւ»²:

Արդ Սահլ միակ հայ իշխանն է որ յիշուում է որպէս Շաքեոյ տէր: Ի՞նչն էր գրաւել այդ երկիրը թէ իր հայր Սմբատը կամ անծանօթ պապը, յայտնի չէ: Անտարակոյս, Սահլի ընտանիքը ներկայացնում է Ատրնեբսեհ Կոյրի եղբորորդիներին որոնք եկան Շաքի: Ապա ուրեմն գործ ունենք Բագրատունեաց մի ճիւղի հետ որ հաստատուած է Շաքի, որ է արդի Նուխի քաղաքի շրջանը:

Կաղանկատուացու խօսքը թէ Սահլ Եռանշահիկ եւ կամ Չառմիհրական տոհմից էր արժէք չունի: Եռանշահիկ ասելով հասկանում է հին Հայկազնեան տունը, որ սակայն, իր իսկ վկայութեամբ, տեղի տուեց Միհրական տոհմին: Միհրան նենգորէն կոտորեց նախկին տոհմի բոլոր ներկայացուցիչներին, խնայելով միայն Չառմիհրին որը փեսայացել էր նորեկ տան: Ի՞նչ եղաւ Չառմիհրի սերունդը, յայտնի չէ: Պատմագրի որակումն այն իմաստն ունի թէ Սահլ չէր պատկանում Աղուանիքում տիրող Միհրական տոհմին: Իսկ վրական աւանդութիւնը Շաքի զաղթող հայ իշխաններին համարելով Ատրնեբսեհ Կոյրի, այսինքն Աշոտ Կոյրի, եղբորորդիք, վկայում է նրանց Բագրատունի ծագումը: Սահլի հօր Սմբատ անունը որ զուտ Բագրատունի է, հաստատում է նրա ծագումը: Ոչ Աղուանքի եւ ոչ Սիւնեաց իշխանական տոհմերի մէջ չէ պատահում Սմբատ անունը նախ քան նրանց Բագրատունիների հետ խնամութիւն հաստատելը:

Առանց վարանելու կարելի է պնդել որ Սահլի հայր Սըմբատ սերում էր «Սմբատայ որդիներից», սրանցից մէկի որդին էր հաւանօրէն եւ իր անունը պարտական իր պապին, Սմբատ Կիւրապաղատին կամ Սմբատ Վասպուրականի իշխանին: Բաբեկի ձերբակալումով Սահլը կարգուեց Հայոց, Վրաց եւ Աղուանից իշխան 838ին: Բուղայի խարդախութեան զոհուեց 855ին:

Սահլ արարական անունն է: Նրա բուն հայ անունը մոռացուած է: Սահլ զրկեց կայանաւորուած Բաբեկին Բագրատ իր որդու Մուաւիայի միջոցով: Հիջրի 238 = 852 յունիս - 853 յունիս Մուաւիա յիշատակուում է որպէս պատրիկ, այսինքն իշխան, իր հօգ նման, Հայոց, Վրաց եւ Աղուանից¹:

Մեծարանց Ս. Յակովբի վանքի մի արձանագրութեան մէջ յիշուում է Յովհաննէս անունով մի իշխանի անուն. «ՅԲ թուականութեւ <ա>ն Հայոց <ց> ի ժամանակ Յովանիսի Աղվան <ից> իշխանի եւ Սողոմ <ոն> Մեծարանց եպիսկոպոս <ոպոս> կանգնեցի զս <ուրբ>»...²:

Հայոց 302 թ. համապատասխանում է 853-854 թ.: Այս ժամանակ Աղուանից իշխան էր Մուաւիա: Թւում է որ Յովհաննէս Մուաւիայի հայ անունն է, ուրեմն Սահլի որդին: Արդարեւ, Կաղանկատուացու վերեւ յիշուած նորագիւտ հատուածի մէջ, Ամորիայի արշաւանքը յիշատակելուց յետոյ Հայոց 287=838 թուին, կարդացուում է հետեւեալը. «Ի սոյն ամի տերանց տէրն Յովանէս որ Հայոց Վրաց եւ Աղուանից եղեւ տէր, խնդրեաց յարքունեացն կրկին անգամ զԲու(յ)խար Սոյտա Փատգոս երիցս այսոցիկ աշխարհաց»:

Նոյն 287=838 տարին, տեսանք, որ Սահլի որդի Մուաւիան էր հրապարակի վրայ: Այստեղից եւս հետեւում է որ Յովհաննէս նոյն Մուաւիան է: Յովհաննէս 838 տերանց տէր էր, իսկ հետագայում տէր, այսինքն, պատրիկ կամ իշխան եղաւ երեք աշխարհների: Վահեվանի մի արձանագրութեան մէջ Շապուհ Բագրատունին, Աշոտ Ա թագաւորի որդին եւ Սմբատ թագաւորի եղբայրը իրեն անուանում է «Հայոց սպարապետ, տէրանց տէր, որդի Աշոտոյ, թագաւորի ի ժամանակս Հայոց թագաւորի մեծին Սմբատայ, հարազատ եղբաւր իմոյ»³:

Ինչպէս որ Շապուհ, իր եղբոր թագաւորութեան ժամանակ, «տէրանց տէր» է, նոյն մտքով եւ Յովհաննէս «տէրանց տէր» է իր հօր Սահլի իշխանութեան ժամանակ: Արուհի մի արձանագրութեան մէջ, 869 թուից, գրուած է «յիշխանութեան Աշոտոյ եւ ի տէրութեան Սմբատայ Հայոց սպարապետի Բագրատունուց»⁴:

1 Կաղանկատուացու նորագիւտ հատուած, հրատ. ՌԱՁԻԿ վարդապետի, Արարատ, 1897, ապրիլ:

2 Թովմա Արծրունի, Գ. Վ. ժա, էջ 214, (Կ. Պօլիս, 1852): Այս տեղեկութիւն այնքան վստահելի չէ երեւում: Կայանաւորների թւում թովման յիշում է «Գրիգոր Սիւնեաց տէր», որ է Սուփան, իսկ ըստ Կաղանկ. (հր. էմինի) Գ. Վ. ի, էջ 60, «Սուփան վախճանեցաւ ի Վայոց ձոր 852 թուին եւ ի միւս տարին եկն Բուղա ի Հայս»:

1 Բուղան հեռացաւ Հայաստանից, տանելով իր հետ գերուած իշխաններին, 241 հիջրի = 855 - 856: Եթէ գերիների մէջ էր նաեւ Սահլ, ի՞նչպէս մեկնել որ 852ին արդէն իր որդին պատրիկ էր, այսինքն իր տեղն էր բռնել:

2 Խաչիկ վարդապետն է ընդօրինակել և հրատարակել, Արարատ, 1897, ապրիլ:

3 Ստեփանոս Օրբելիան, Վ. Վ. Կոստան. «Վիճական Տարեգիր», էջ 6:

4 Կ. Կոստանեան, «Վիճական Տարեգիր», էջ 3, արտատպած Յով. Խաչ. Կաղանկատուացու «Ստորագրութիւն»ից, 384:

Այստեղ աչրութիւն նոյն իմաստն ունի ինչ որ աչրանց աչրութիւն:

Մխիթար Այրիվանեցին Հայոց 320=871 թուի տակ ունի մի արտաբոյ կարգի կարեւոր նկատուութիւն, այն է «Համամ որ եւ Յոհանէս Բագրատունի»: Սրանով հաստատում է նախ մեր տեսութիւնը Սահյի Բագրատունի ծագման մասին: Սոսկ մի ենթադրութիւն դասնում է գրական փաստ: Այդ յայտնում է որ Մուսախա-Յովհաննէսը մի երրորդ անուն եւս ունէր, Համամ: Եռակի անուանակոչումը հասանական չինք համարում եւ կարծում ենք Համամ անունն իրաւունք է տալիս սրբագրելու արար հեղինակների Մուսախա որպէս աղաւաղում հայ Համամի: Արար գիրը գալթակցիչ է այս կարգի շիտթութիւնների համար: Արուլ Կասիմ Մուհամեմ ալ Հաւիայ ամիրապետի կողմից գրկուեց Բուլղարների մօտ գեապանութեամբ 948 թուին: Հաւիայ անցաւ Հայաստանից, այցելեց Աղուանից երկիրը եւ, ինչպէս սովորութիւն ունէին արար ճանապարհորդները, գրի առաւ հետաքրքրական տեղեկութիւններ կովկասեան ժողովուրդների մասին: Այս հեղինակն ասում է որ Կուր գետի և Շիրուանի միջև մի երկիր կայ որ կոչում է Շաքի եւ որի ժողովուրդը քրիստոնէակ է, թէեւ կան նաեւ մուսուլման աւետարականներ եւ արհեստաւորներ: Իր այցելած պահին Շաքի երկրի իշխան էր Աղեր Բ. Սիմեոն Բ. Համային, ادرا بن سمة بن همان: Դժուար չէ նկատել որ իշխանի անունը սխալ է կարդացուած և որ պէտք է կարդալ ادرا بن همان, այսինքն Աարներսէ՛՛ որդի Համամայ: Ինչպէս որ Համամ գարձել է այստեղ Համային, անհնար չէ որ Տարարի² մօտ նոյն անունը աղճատուէր եւ դասնար Մուսախա:

Թէ արդարեւ Համամ Աարներսէ՛՛ անունով որդի ունէր, այդ զիտենք Անանիա կաթողիկոսի վկայութիւնից: Տասներորդ դարու կէսին, իրն Հաւիայից քիչ յետոյ, Անանիա Հայրապետը գնաց Աղուանից աշխարհը եկեղեցական վարչական գծութիւնները վերացնելու նպատակով: Այս առթիւ յիշում է տեղական իշխանների անունները իր Յաղագս ապստամբութեան տան Աղուանից գրութեան մէջ: «Ունէր գաթոս թաղաւորութեան, ասում է ի միջի այլոց, յայնժամ իշխանակ, որդի տեսուն Աարներսէ՛՛ի, թուն երանելու այն Համամայ, բարեպաշտ թաղաւորին Աղուանից եւ էր գարձեալ յաղանդն Քաղկեդոնի եւ մոտացեալ զհարցն դուանութիւն»³: Այստեղից իմացում է որ Համամի որդին էր Աարը-

1 M. C. D'Ohsson, Des peuples du Caucase, 1828, p. 18-19.
2 Tabari, III, 1232.
3 Հրատ. Գ. Տէր-Մկրտչեան. «Արարտ», 1897, մարտ:

ներսէ՛՛ եւ սրա որդին՝ Իշխանակ: Այսպիսով զիտենք Սահյի Սմբատեանի երեք յաջորդական սերունդը:

Համամ-Յովհաննէսը յարգելի դէմք է հայ հեղինակների մօտ: Նկատենք նախ որ Մխիթար Այրիվանեցու յի = 320 թիւը վրիպակ է իր թէ գրչի կողմից: Եթէ կարդանք յԲ=302 կը ստանանք Մեծարանց Ս. Յակովբ վանքի արձանագրութեան թիւը: Յովհաննէս կաթողիկոսը պատկառանքով է խօսում Համամի մասին: Երբ Գէորգ կաթողիկոսը Սմբատ թաղաւորի հրահանգով գնաց Ատրպատականի էմիր Աիշինի մօտ հաշտութեան ստաջարկով, Աիշին ձերբակալեց կաթողիկոսին եւ ազատելու համար փրկանք էր պահանջում: Յովհաննէս կաթողիկոսը որ այն ժամանակ գրան կախկոտու էր հաւաքեց պահանջած գանձը եւ ուղարկեց «սա մեծ իշխան Արեւելից Համամ»: Սա իր կողմից չբացրեց փրկապիւր եւ ազատեց մուսուլման իշխանի կապանքներից թշուառ հայրապետին¹:

Կաղանկատուացու վկայութեամբ, Աիշինի դրոհը եւ կաթողիկոսի կալանաւորումը տեղի ունեցաւ Հայոց 312 = Քրիստոսի 893 թուին և ապաստը «բարեպաշտն Համամ որ եւ Աղուանից եղև թաղաւոր»: Այս միջոցին Համամ թուում է թէ դեռ թաղաւոր չէր, թէեւ հեռեւեալ խօսքերն կարծես հակասակն է ցոյց տալիս. «զկործանեալ թաղաւորութիւն տանն Աղուանից Համամ նորոգէր, որպէս Աշոտ Բագրատունի՛՛ զՀայոց թաղաւորութիւնն: Այսք ի միում ժամանակի դործեցան»²: Չնայելով այս վերջին խօսքերին, կարծում ենք որ Համամ տակաւին թաղ չէր կապել 893 թուին: Յովհաննէս կաթողիկոս «մեծ իշխան» է անուանում նրան Գէորգ կաթողիկոսի դէպքի առթիւ խօսելիս, մինչդեռ Աարներսէ՛՛ին կոչում է թաղաւոր: Ասողիկի մօտ, Համամ թաղաւոր է երբ ազատեց Գէորգ կաթողիկոսին, թերեւս յետին թուով է թաղաւոր անուանուած³:

Աղուանից պատմագրի մի խուլ նկատուութիւնն արժանի է ուշադրութեան: Համամ յանցանք էր գործել, «վանն սնտաի այս կենացս զպարտ արեան եղբորն ժողովեալ յանձին իւրում»:

Ասել է թէ Համամ սպանել էր իր եղբորը, արդե՞՞ք իշխանութիւնը գրաւելու համար թէ որեւէ ուրիշ պատճառով, յայտնի չէ:

1 Յովհաննէս կաթողիկոս. էջ 94 (հրատ. Մ. Էմինի):
2 Մովսէս Կաղանկատ. Գ. զԼ. իս:
3 Ասողիկ, Գ. գ:

Համամին ժամանակակից է Համամ Արեւելցի անունով ծանօթ հեղինակը որին Ասողիկ վերագրում է մի շարք երկեր¹: Շատ հաւանական է որ այս հեղինակը նոյն Համամ թագաւորն է, թէեւ մատենագիրներն լուծելնը այս մասին երաշխիք չէ այս ենթադրութեան:

Համամ ուշագրաւ դէմք է եւ իր գործունէութեան ոգով շատ նման իր ժամանակակից Աշոտ թագաւորին: Աշոտի հայրը Սմբատ դերի ընկաւ Բուղայի ձեռքը, բայց ինքն Աշոտ մնաց իր դիրքում եւ մտացի քաղաքականութեան հետեւելով հասաւ արքայական թագի: Համամի հայրը Սահլ Սմբատեան եւս չկարողացաւ վրիպել Բուղայի կապանքներից, չնայելով այն խոշոր ծառայութեան որ ինքնարեքարար բերել էր արաբ իշխանութեան, ձերբակալելով այնպիսի մի վտանգաւոր թշնամու որպիսին էր ահաւոր Բարեկը: Սահլի որդին Համամ, Աշոտի նման, գերծ մնաց աղետից եւ խոհուն քայլերով յառաջացաւ մինչեւ արքայական դահ: Մեծ արժանիք էր որ կարողացաւ լեզու գտնել Ատրպատականի էմիր Ափշինի հետ, երբ սա կռիւ էր մղում Սմբատ թագաւորի դէմ:

Համամի որդու՝ Ատրներսեսի եւ թոռան՝ Իշխանակի մասին շատ բան չգիտենք: Յովհաննէս կաթողիկոս անձամբ ճանաչում էր Ատրներսեսին եւ Յուսուփի ու Սմբատի կռիւների փոթորիկից շրջանին, երբ կաթողիկոսը ստիպուած էր աստանդական կեանք վարել, այս կամ այն իշխանի մօտ ապաւինել, վայելեց նաեւ Ատրներսեսի հիւրընկալութիւնը: Կաթողիկոսը գնաց նախ Աղուանից մեծ իշխան Սահակի մօտ, եւ ապա «առ թագաւորն նոցունց Ատրներսես, որ ըստ արեւելից հիւսիսոյ Կովկասու, գի եւ նոքա ի ժողովրդենէն մերմէ եւ խաչն արօտի մերոյ էին»²:

Իբն Հաւկալի այցելութեան 948-949 թուերին Ատրներսես տակաւին կենդանի էր: Իսկ երբ Անանիա կաթողիկոս երկրորդ անգամ գնաց Աղուանք 958 թուին, Ատրներսեսին արդէն յաջորդել էր իր որդի Իշխանակը, որ «էր դարձեալ յաղանդն Քաղկեդոնի եւ մոռացեալ զհարցն դաւանութիւն»:
Այս անձը ծանօթ է նաեւ Վրաց պատմութիւնից ուր կոչուում է Իշխանիկ: Սա Հերեթի իշխանն էր եւ յայտնի դարձաւ նրանով որ Հերեթը որ մինչեւ այն ժամանակ աղանդաւոր էր ընդունեց ուղղափառութիւն շնորհիւ Իշխանիկի մօր՝ Դինա-

1 Ասողիկ, Գ. ք. հաշուում է՝ վերլուծութիւն Առակաց, Մեկնութիւն Յովբայ՝ Ով է դա հատուածի, Սաղմոսագրութիւնների Օրհնութիւնք, Ամբիճք եւ Վերլուծութիւն բերականի: Վերջինս հրատարակուած է մեր Արուստ Դիմիտրիայ և Կայ մեկնութիւնք ուսուցիչն աշխատութեան մէջ:

2 Յովհաննէս Կաթողիկոս, էջ 119:

րի¹: Վերջինս Գուրգէնի քոյրն էր, իսկ Գուրգէն Աջարայի և Կուելի իշխան իշխանաց էր (896-941), ժամանակակից Աղուանից Ատրներսեսի: Դինար եւ Գուրգէն, քոյր եւ եղբայր, Աշոտ Կիւրապաղատի թոռան թոռներն էին: Դինար, վրացի իշխանուհի, հարս դալով Համամ թագաւորի տունը, պատուաստեց վրական դաւանանքը, այսինքն քաղկեդոնականութիւնը, նախ իր որդուն Իշխանիկին և ապա նրա միջոցով ամբողջ երկրին, Հերեթին որ է Շաքի: Յովհաննէս կաթողիկոս համարում էր Ատրներսեսի ժողովուրդը «մեր արօտի խաչն», քանի որ այն ժամանակ դեռ հայ դաւանութիւն ունէր, եւ յետոյ, Իշխանիկի մօր ջանքով, խորթացաւ, միանալով Վրաց: Կրօնափոխութիւնը համանիշ էր ազգուրացութեան:

Վրական տեղեկութեամբ, Կախեթի տէրը Կիւրիկէ († 918) որ քորեպիսկոպոս էր կոչուում, եւ Ափխազի թագաւոր Կոստանդին († 920) միասին գնացին Հերեթի Վեջին քաղաքի դէմ եւ պաշարեցին: Քաղաքն ընկնելու մօտ էր, երբ Ատրներսես պատրիկը բանակցութեան մէջ մտաւ եւ հաշտութիւն առաջարկեց, համաձայնելով զիջանել պաշարողներին քանի մի վայրեր եւ նրանց թւում Գաւազնի քաղաքը²:

Հերեթի իշխանը, պատրիկ Ատրներսեսը, ոչ այլ ոք է քան մեզ ծանօթ Ատրներսես, Համամի որդին եւ յաջորդը եւ Իշխանիկի հայրը ու նախորդը: Անցքը տեղի ունեցաւ 915 թուին, երբ Հերեթի - Շաքիի իշխանն Ատրներսեսն էր: Այս տեղեկութիւնը խիստ յարգի է ուրիշ նկատումով: Շաքի բռնում է այժմեան Նուխի քաղաքի շրջանը, Այրի գետակի աւազանը: Սա ստորին Ալազանի գլխաւոր վտակն է: Գաւազնի քաղաքը գտնուում է Ալազանի վերին հովտում, Թելաւ քաղաքի հանդէպ, գետի արեւելեան ափի վրայ: Հետեւապէս Շաքիի Բագրատունիների իշխանութիւնը ընդգրկում է Ալազանի ձախակողմեան եզերքը գրեթէ ամբողջապէս, այսինքն Ալազանի և Կովկասեան շղթայի մէջ սեղմուած երկայնաձիգ հովիտը:

Իշխանակի հետ Անանիա յիշում է 958ի ժողովի անդամներից նաեւ մի «Սենեքերիմ իշխանաց իշխան», որ տարբեր անձ է համանուն իշխանից որ Սաչենի Գրիգորի որդին էր: Իշխանակը թագաւոր էր, ուստի իշխանաց իշխան Սենեքերիմ կարող էր լինել նրա որդին եւ գահաժառանգը: Ինչպէս վերեւ յիշեցինք թագաժառանգները կոչուում էին իշխան իշխանաց կամ տէր տերանց: Կարծում ենք որ այս տոհմին են պատկանում նաեւ Համամ եւ իր որդի Գագիկ որ յիշում է

1 Brosset, I, 279:
2 Brosset, I, 277-278.

Վարդան մի բաւականին չփոթ պատմութեան մէջ: Մամ անուն մի պարսիկ կնոջ երեք որդիները յաջողում են գրաւել տեղական մուսուլման իշխաններից Գանձակ, Պարտաւ եւ Շամքոր քաղաքները: Կրտսեր եղբայրը Փաայուն ձեռնամուխ է լինում մօտիկ հայ իշխանների հողերին, ձերբակալում է Սաչենի իշխանին եւ խլում ինչ ինչ վայրեր, որի մասին խօսք կը լինի ստորեւ: Նաեւ կանչում է իր մօտ Համամի որդուն Գաղիկին, «գԳաղիկ որդի Համամայ գտէրն Տանձեաց», սպանում եւ տիրանում նրա երկրին:

Այս Փաայունը Շեղազեան համանուն իշխանն է (985 - 1030): Համամ ե Գաղիկ ապրում էին ուրեմն 985-1030: Այս պարագան նպաստաւոր է համարելու Համամին որդի կամ յաջորդ Սենեքերիմի, եթէ միայն Համամ իրօք պատկանում է նոյն տոհմին: Այս վերապահութիւնը ծագում է այն հանգամանքից որ Համամ եւ Գաղիկ յիշուած են որպէս տէր Տանձեաց, մինչդեռ իրենց ենթադրեալ տոհմը տիրում էր Շաքէ: Տարբարխաւարար Տանձիքի տեղը յայտնի չէ¹: Մինչեւ անգամ եթէ Շաքէի շրջանում չգտնուի, կարելի է որ Շաքէի տոհմը հեղաշեւտէ տկարանարով, պահել է իր հին կայուններէր միայն Տանձիքի շրջակայքը աւելի մօտ հայ սահմաններին քան Շաքէ: Արցախի մի արձանագրութիւնից 997 թրւից յայտնի է Գաղիկ իշխանաց իշխան: Թուականը ներում է նոյնացնել նրան Համամի որդու հետ, երբ նա տակաւին իշխանաց իշխան էր, բայց դժուար է պնդել: Եթէ մեր այս թէպէտ վարկածները ընդունելի են, Շաքէի Սահլի վերջին շառաւիղները կը լինեն՝ Սենեքերիմ, Համամ ե Գաղիկ, եւ շարունակուած մինչեւ 1030 թուականները:

Թուում է թէ Սահլի սերունդը թեւակոխել է մինչեւ Սաչեն եւ Սոթք եւ այստեղ հիմ դրել տոհմական մի նոր գծի որ կարելի է անուանել Արցախի գիծ:

ԱՐՅԱՆԻ ԲԱԳՐԱՏՈՒՆԻՔ

Հնում Արցախ էր կոչուում Սաչեն եւ Տրտու (Թարթաւ) գետերի լեռնակողմը, որի հական մասը կազմում է այսօր լեռնային ինքնավար Ղարաբաղը: Մովսէս Կաղանկատուացին եւ հետագայ պատմագիրները Աղուանիք ասելով հասկանում էին առաւելապէս Արցախ եւ Ուտիք: Նոյն ըմբռ-

1 Մ. Կաղանկատուացին. Բ. ծ. իշում է Տանձիք, որտեղից էր Յովսէփ անապատական: Կարծես թէ այս Տանձիքը Արցախի շրջանումն էր: Սոյն անունով գիւղ կարող է նաեւ այլ տեղ լինել:

նումն ունը նաեւ Սորենացին: Անանունի մօտ չկան Սիսակ եւ Առան եպոնիմները: Պարսիկները կոչում էին Սիւնիք Սիսական, եւ Աղուանք՝ Առան: Այստեղից մեր պատմահայրը ստեղծել է Սիսակ եւ Առան որպէս նախահայրեր երկու երկիրների: Առան «ժառանգեաց զգաչան Աղուանից եւ զլեռնակողմն նորին գաչաթի, ի գետոյն Երասխայ մինչեւ ցամուրն Հնարակերա»¹: Վերջինը գտնում էր մօտաւորապէս արդէ Աղստեւի (Աղստափայի) շուրջը: Ասել է թէ, բոս Սորենացու, Աղուանիք կամ Առան բռնում էր գաչտային եւ լեռնային Ղարաբաղ եւ Ուտիք որ ձգուում էր Պարտաւից (Բարդա) մինչեւ Աղստեւի շրջանը:

Առանը սերում էր Սիսակից, ուստի եւ Առանի իշխանական տունը Կաղանկատուացին կոչում է Հայկազեան²: Այս տունը իշխեց հնուց մինչեւ վեցերորդ դարի վերջերը, երբ Միհրան Պարսիկը գրաւեց երկիրը եւ հիմ դրաւ Միհրական հարստութեան: Վերջին շատաւիղը Միհրական տան, Վարազ-Տրդատ սպանուեց Փիլիպպոս Սիւնեաց իշխանի որդու Ներսէսի կողմից 821 թուին, ուղիղ այն տարին երբ Սահլ Սմբատեան հալածեց Պարտաւի հրոսակներին Մեծերանց գաւառի Երկաքար գիւղից: Ներսէս չլինայեց նաեւ Վարազ-Տրդատի մանուկ որդուն Ստեփանին: Վարազ-Տրդատի կինը կարողացաւ փրկել իր դուստր Սպրամին, ապաւինելով Սաչենի բերդը, ուր ամուսնացրեց նրան «Ատրներսէսի Սահլի որդույ որ էր ի Տոհակայ եւ տէր Սիւնեաց, եւ բռնազօրութեամբ կալեալ էր զգաւառն Գեղամայ եւ որդին իւր Ատրներսէս հանգիստեցաւ կնոջ զգաստի»³:

Ո՞վ է այս Սահլը: Մեզ թուում է որ նոյն քաջամնօթ Սահլ Սմբատեան, Շաքեոյ տէր: Արդարեւ, ուրիշ համանուն իշխան յայտնի չէր ոչ յառաջ եւ ոչ յետոյ: Շաքեոյ տէրը միակն է որ կրում է այս անունը: Ատրներսէս Սահլեան ժամանակակից էր Սահլ Սմբատեանին: Այս պարագան եւս նպաստաւոր է Ատրներսէսի հօր Սահլի եւ Սահլ Սմբատեանի նոյնութեան:

Տոհակ աշխարհագրական անունն անծանօթ է այլուստ: Կարելի էր կարծել որ սխալ ընթերցում է փոխանակ «Սահակայ», այսինքն Սահլի հայ անունն է: Բայց աւելի հաւանական է որ Տոհակ իրօք տեղի անուն է: Այնտեղից Սահլ եկել եւ բունի գրաւել էր «Գեղամայ գաւառը»: Խօսքը Գեղարքունեաց գաւառի մասին չէ: Այս գաւառի ժամանակակից իշխանը Սիւնեաց Վասակն էր, որ մեռաւ 821 թուին, եւ որին յա-

1 Խորենացի. Բ. ր:
 2 Մ. Կաղանկատ. Բ, ժէ, «չնախնական տղան Հայկազեանց»:
 3 Մովսէս Կաղանկատ. Գ. իր:

Չորդեց իր որդի Սահակը († 831): Վայոց Ձորում եւ բուն Սիւնիքում իշխում է նոյն միջոցին Վասակի միւս որդին Փիլիպպոսը: Ապա ուրեմն Սահլ չէր կարող տէր համարուել ոչ Գեղարքունիքի եւ ո՛չ Սիւնիքի: Նրա գրաւած «Գեղամայ գաւառը» նոյնանիչ է Սոթքի, Սեւանայ լճի նիստի աջ անկիւնը¹: Սոթք, աւելի ճիշտ Սոդք, անունը պահուել է ցայժրմ. այսպէս է կոչուում Թարթառի ակունքները Սեւանայ լճի աւազանից գատող լեռնադաշտակը:

Արդարեւ, Սոթքումն էր որ Ատրնբրսեհ, իր ամուսնութիւնից յետոյ, շինեց Հանդու բերդը: Այնտեղ էր եւ Վայկունիք ուր հաստատեց իր ապարանքը: Բուղայի վայրագութեան ժամանակ, Ատրնբրսեհ եւս սուժեց եւ տարուեց Սամառա միւս գերուած իշխանների հետ: Սպրամ չվհատեց, տոկունութեամբ վարեց իշխանութիւնը եւ շինեց Նորավանք նոյն Սոթից գաւառում:

Ատրնբրսեհ վերադարձաւ գերութիւնից 858 թուին եւ շուտով մեռաւ: Երկու որդի թողեց, Գրիգոր եւ Արուսեթ: Գրիգոր շինեց Հաւախաղացի բերդը եւ «յայն կողմն ձգէ զձեռն իւր իշխանութեանն»: Հաւախաղաց բերդը, հաւանօրէն, նոյնն է ինչոր հետագայում եւ ցայժմ կոչուում է Հաւապտուկ, Մեծիրանեց գաւառում, որ Սաչենի մի մասն է²:

Գրիգոր երկու որդի ունեցաւ: Աւագ որդին Արուսեթ սպանուեց իր ազգակից Սմբատից 898 թուին, իսկ կրտսերը՝ Սահակ Սեւադայ, «այր քաջ եւ յաջող», նուաճեց Գարդմանայ եւ Քուստի-Փառնայ գաւառները եւ ընկճեց Ձորոյ գետի «աւազակապետներին»: Կաղանկատուացու ասելով Սահակ բախում է ունեցել Սմբատ թագաւորի հետ: Իսկ Յովհաննէս կաթողիկոսից գիտենք որ Սմբատի որդին Աշոտ Երկաթ ամուսնացաւ Սահակի դստեր հետ և սկզբում համերաշխ էին Սահակ և Աշոտ, բայց յետոյ գժտուեցին գլխաւորապէս Ուտի և Ձորովոր գաւառների առթիւ: Աշոտ բռնեց Սահակին և իր որդի Գրիգորին և երկուսի աչքերը խարանել տուեց: Յովհաննէս կաթողիկոս հիւր եղաւ Սահակին 910 թուին, Կաղանկատուացին գովում է այս իշխանին որպէս հովանաւոր «գրագիտութեան»:

Սահակի որդիներն են Գրիգոր եւ Դաւիթ: Գրիգոր ու-

1 Համեմատել Օրբելեան, գլ. ծա. «Էր գիւղ մի ի Գեղամ գաւառի ի Սոդեց սահմանին»:

2 Մով. Կաղանկատ. Գ. իր Հաւախաղաց կամ Հաւախաղաց, Հանդաբերդի, Սաչենաբերդի և Հաթերքի հետ յիշատակում է 1182 թ. արձանագրութեան մէջ որպէս կալուած Սալուեցի Հասան Վախթանգեան իշխանի: 1289 թուին Հասանի որդի Գրիգոր մեծ իշխան է Ականոյ, Հանդաբերդոյ, Սոթից, Եողզան եւ Մար գիւղի Աւելի ուշ, 1430 թուին, Ծանչի որդի Սայտի տէր էր «Փոքր-Սիւնեաց Ականայ Հաթերքոյ, Հանդաբերդոյ եւ Ծովակին Գեղամայ մինչեւ Եաղվաքայ»: Վախունիս յիշում է 1241 թուի արձանագրութեան մէջ: Կոստանեան, «Վիճական Տարեգիր», էջ 34, 130, 172 եւ 84:

նեցաւ երկու որդի, Սեւադայ իշխան եւ Ատրնբրսեհ: Սեւադայ իշխանը՝ չորս որդի, Յովհաննէս, Գրիգոր, Ատրնբրսեհ եւ Փիլիպպէ: Յովհաննէս որ կոչուում էր նաեւ Սենեքերիմ արքայական թագ կապեց Պարսից թագաւորի հաճութեամբ որ տուեց նրան իր հօր թագն ու երիվարը: Յունաց Մագիստրոս Դաւիթ ուղարկեց թագ եւ ծիրանի:

Արցախի Բագրատունի գիծը կը ներկայանայ այսպէս.

- 1 Սահլ
- 2 Ատրնբրսեհ, կինը՝ Սպրամ
- 3 Գրիգոր, Արուսեթ
- 4 Սահակ-Սեւադայ, Արուսեթ
- 5 Գրիգոր, Դաւիթ
- 6 Սեւադայ-իշխան, Ատրնբրսեհ
- 7 Յովհաննէս-Սենեքերիմ, Գրիգոր, Ատրնբրսեհ, Փիլիպպէ:

Անանիա կաթողիկոսը, ինչպէս առիթ ունեցանք յիշելու, 949 թուին այցելեց Սաչեն: Երկրի իշխանն այդ միջոցին Գրիգորն էր, որն ընդունեց կաթողիկոսին և խնդրեց որ ներողամտաբար թողնէ Գագիկ եպիսկոպոսին իր աթոռի վրայ: 958 թուին կաթողիկոսը նորից անցաւ այն կողմերը, մտաւ նախ Բաղք, կարգաւորեց եկեղեցական գործերը եւ մտադրութիւն ունէր գնալ Աղուանք, բայց լուր ստացաւ Սենեքերիմ իշխանից թէ Իսմայէլացիք մտել են իր աշխարհը եւ որ հայրապետի ճանապարհորդութիւնը վտանգաւոր է: Այս իշխանը նոյն է ինչոր յետոյ կաթողիկոսը կոչում է «Սենեքերիմ որդի Գրիգորի Սաչեան իշխանի»:

Սենեքերիմ, անտարակոյս, Յովհաննէս - Սենեքերիմն է: Սակայն վերջինս Սեւադայ իշխանի որդին էր, մինչդեռ Անանիայի յիշած Սենեքերիմը Գրիգորի որդին է: Արդեօ՞ք Գրիգոր Սեւադայ-իշխանի բուն անունը չէ: Ուրիշ հնար չկայ հաշտեցնելու երկու տարակարծ վկայութիւնները¹:

1 Օրբելեան, խգ, բերում է Տաթևի սահմանների մի վկայագիր Հայոց 355 = 906 թուից, ուր վկաների թւում յիշուում են ի միջի այլոց «մեք Գրիգոր եւ Եսայի եւ Ատրնբրսեհ Աղուանից իշխանք», այլ եւ «մեք Սահակ Գարդմանայ տէր եւ Աշոտ եւ Վասակ Գնթունի»: Վերջին երկու իշխանները յայտնի են Յովհ. Կաթողիկոսից, էջ 160 եւ 171: Գարդմանայ տէր Սահակը, անշուշտ, Սահակ-Սեւադան է: Հակառակ Կաղանկատուացու, Միհրական տոհմը չսպասեց բոլորովին Վարազ-Տրդատի սպանութեամբ 821 թուին: Բուղայի գերիների մէջ յիշուում է ներսեհ իշխան Գարիթայանից, որ պէտք է կարգել Գարդմանի: Սահակ-Սեւադան է որ «տիրեաց Գարդմանայ եւ Քուստի-Փառնայ»: Առաջին երեք իշխաններից, Եսային՝ նշանաւոր Արու Մուսան է, Ատրնբրսեհը՝ Համամի որդին, իսկ Գրիգորը հաւանօրէն Սահակ-Սեւադայի հայրն է:

Յովհաննէս-Սենեքերիմ եւ իր եղբայր Գրիգոր ծանօթ են Ասողիկին: Սրանք են Փառխոսի թագաւորներ Սենեքերիմ եւ Գրիգոր, որոնց քոյրը Կարսի թագաւոր Մուշեղի (953-984) կիսն էր, Աբասի մայրը¹: Գագիկ թագաւորը որ գահ բարձրացաւ 989 թուին գրաւեց շատ բերդեր եւ գաւառներ «ի սահմանացն Վայոց Ձորոյ եւ Ուաչենոյ եւ Փառխոսոյ»²: Իսկ Հայոց նմբ = 1003 թուին, Սենեքերիմ եւ Գրիգոր իշխանների մահուամբ, Գագիկ եւ Գանձակի Փատուուն ամիրան բաժանեցին նրանց աշխարհը³:

Սենեքերիմ եւ Գրիգոր միաժամանակ չմեռան: Գրիգոր շարունակեց իշխել իր եղբոր մահից յետոյ եւ իշխեց իր որդու հետ, որի անունն է Փիլիպպէ: Վարդան պատմում է Փատուունի ծագումն եւ յառաջադիմութիւնը «Փառխոսի Գրիգոր փառաւոր իշխանի» ժամանակ: Սրա մահից յետոյ, իր որդին Փիլիպպէ հիւր պնաց Փատուունի մօտ, բայց վերջինս նրան կախանաւորեց եւ «առնու ի նմանէ զՇաշուազ եւ զՇօթս»⁴: Շաշուազ կարդալու է Շաղուազ, եւ Շօթք, թերեւս, նոյն Սօթքն է:

Անանիա կաթողիկոս անուանում է այս Սենեքերիմին իշխան եւ ո՛չ թագաւոր ինչպէս Ասողիկ: Պէտք է կարծել որ 958 թուին Սենեքերիմ տակաւին թագաւոր չէր հռչակուած: Տարբարխտաբար, յայտնի չէ ստուգօրէն թէ ո՞վ էր «Թագաւորն Պարսից» եւ ո՞վ «Յունաց Մագիստրոս Դաւիթ» որ թագ զրկեցին Աղուանից իշխանին: «Պարսից» բառը, հարկաւ, Տաճկաց չէ նշանակում, այլ պէտք է հասկանալ բուն իմաստով: Յայտնի է որ Բոյեան (կամ Բոյեկեան) իշխանական տոհմը որ տիրում էր Պարսկաստանում աղղեցիկ գիրք

- 1 Ասողիկ, Գ. ժէ:
- 2 Մնկ. Գ. 1.
- 3 Անդ, իք:
- 4 Վարդան. ծգ. Փատուունի յաջողութիւնները պատմում է 1048 թուից յետոյ:

ինչ որ շփոթութեան տեղիք է տալիս: Յերականին ծգ. դրոյսը շարունակութիւն է ծք-ի: Փատուուն գործնալով, բոս պատմագրի, «գոտ զնէ ընդ Գագիկայ թագաւորին Չարակետոյ եւ ընդ Կիրիկիի թագաւորին Աղուանից եւ ընդ Բագարաւոյ թագաւորին Չարսց»: Ո՞վքեր են այս անձերը: Վրաց տեղեկութեամբ, (Բրոսէ, Ա. 299), Փատուուն ոչ ամենով սկսեց ստագատակիչ Հերթի եւ Կախեթ: Բագարաւ Գ. թագաւորը (980-1014) բարկացաւ եւ ստաջարկեց Գագիկ Շահնշահին (989-1021) զնալ միասին ստնձելու յանդուզն իշխանին: Գնացին եւ պաշարեցին Շամքոր, եւ Փատուուն ստիպուած ինդրեց խաղաղութիւն: Այստեղից հետոսմ է որ Վարդանի յեշած Բագարաւ եւ Գագիկ Չարակետցին Բագարաւ Գ եւ Գագիկ Շահնշահն է: Կիրիկիէն հաւանօրէն Կախեթի իշխան մեծ Կիրիկիէն է (1010-1039): Անցրր պէտք է տեղի ունեցած լինի որեմն 1010-1014 թուին եւ ոչ մի կերպ 1048ից յետոյ, երբ Փատուուն մեռած էր շատուց: Բագարաւ Գ (1027-1072) եւ ընդհարում ունեցաւ Փատուունի հետ Մեծ Կիրիկիի մահից անմիջապէս յետոյ եւ գաւնակցութեամբ Դաւիթ Անճոյիին որդու Գագիկի հետ, Բրոսէ, Ա. 317: Սակայն, այստեղ յիշուած Փատուուն չի կարող վերոյիշեալ անձը լինել, որ մեռել էր 1030, եւ որովհետեւ Կախեթի Մեծ Կիրիկիէն եւս մեռել էր 1039, որեմն անցրր վրարում է 1039-1040 թուերին: Վարդան, հաւանօրէն, ձուլած է Փատուուն եւ նրա յաջորդի օրով կատարուած միանման պատերազմական զործողութիւնները:

սակղծեց Բաղդադի արքունիքում Ահմետ Բոյեան իշխանի օրով այն աստիճան որ իր որդին Աբուամնուր Բախտիար խալիֆ հռչակուեց (967-977): Սրան յաջորդեց իր հօրեղբոր որդին իրն Սոսրով, այն անձը որի մասին գովասանքով է խօսում Ասողիկ եւ յայտնում որ «Թագ եղեալ թագաւոր թագաւորաց կոչեցաւ», այսինքն ամիր-արումարա կամ խալիֆ (977-982): Այս երկուսից մէկը պէտք է լինի ակնարկած «Պարսից թագաւորը»: Դաւիթ Մագիստրոսի անձնաւորութիւնը եւս անորոշ է: Հարկաւ, Յունաց մագիստրոս չի նշանակում յոյն մագիստրոս, այլ Յունաց կողմից մագիստրոսութեան տիրուցս ստացած անձ: Դաւիթը վրական Բագարաւունիներից է: Մեր նիւթին նայող ժամանակամիջոցում միայն մի Դաւիթ կայ մագիստրոսական տիրուցսով, Ատրներսէ թագաւորի († 923) թոռնորդին: Միւս թոռնորդին է հռչակաւոր Դաւիթ Կիւրապաղատ:

Ատներսեհ († 923)

Բագարաւ († 945)	Սմբատ († 958)
Ատրներսեհ († 961)	Ատրներսեհ († 983)
Դաւիթ Մագիստրոս	Դաւիթ Կիւրապաղատ † 1000 (ո՛չ 1001)

Դժբախտաբար, Դաւիթ Մագիստրոսի մասին տեղեկութիւնները ներդաշնակ չեն: Մի տեղեկութեամբ, Դաւիթ Մագիստրոս երիսթաւ երիսթաւաց (այսինքն իշխան իշխանաց) էր եւ մահացաւ 966 (կամ 969) թուին: Միւս տեղեկութեամբ, «Դաւիթ Կիւրապաղատ էր եւ դարձաւ մեծ», ուրեմն նոյն անձն ինչ որ Դաւիթ Կիւրապաղատ († 1000)¹: Այսպիսով ինդիր է ծագում թէ նշանաւոր կիւրապաղատն Ատրներսեհ թագաւորի ո՞ր որդու թոռն էր, Բագարաւի թէ Սմբատի: Աւելի հիմ կայ Բագարաւի թոռն համարելու քան Սմբատի: Արդարեւ Դաւիթ Կիւրապաղատ հրապարակի վերայ էր արդէն 978 թուին, երբ սպստամբ Վարդ Սկիւրոսը օղնութեան դիմեց նրան: Եթէ այն Ատրներսեհի որդին լինէր որը մեռաւ 983 թուին, Դաւիթ չէր կարող ինքնուրոյն գիրք ունենալ 978ին, իր հօր կենդանութեան ժամանակ: Մինչդեռ միւս Ատրներսեհը մեռաւ 961 թուին եւ երկու որդի ունէր, Բագարաւ որ մեռաւ 966 եւ Դաւիթ որ յաջորդեց եղբոր 966

1 Brosset, I. 280 եւ 285: Տարբեր աղբիւրներ չեն, այլ միեւնոյն հեղինակի զործի տարբեր մեկնադրերը:


(կամ 969 համաձայն կենսագրական տարբեր ցուցումի), սկզբում որպէս մագիստրոս, հետագայում նաեւ կիւրապաղատ: Դաւիթ Կիւրապաղատ մեծ հռչակ ունի հայ հեղինակների մօտ եւ շատ հաւանական է որ այդ բարեացակամ իշխանն էր որ թագ զրկեց Սենեքերիմին:

Բախտիար գահ բարձրացաւ 967 թուին, ուրեմն գրեթէ միաժամանակ Դաւթի հետ: Այս թուից յետոյ է որ Սենեքերիմ թագ կապեց, բայց ե՞րբ, մնում է անորոշ: Հետեւապէս Անանիա կաթողիկոսի կողմից զանցառութիւն չէր որ նրան թագաւոր չէ անուանում 958 թուին, ինչպէս անուանում է Իշխանիկին: Սենեքերիմ թագաւոր հռչակուեց, ինչպէս թւում է, միեւնոյն ժամանակ և միեւնոյն պայմաններում, ինչ որ իր փեսայ Սմբատ Սիւնեաց իշխանը: Սա ամուսնացած էր Շահանդուխտի հետ, որ էր դուստր Սեւադայի, ուրեմն քոյր Սենեքերիմի: Սմբատ տակաւին թագաւոր չէր 963 թուին, եւ մեռաւ թագաւոր 998 թուին: Ուաչենի տոհմը չսպառեց Սենեքերիմի եղբօր Գրիգորի որդու՝ Փիլիպպէի սպանութեամբ: Ժամանակագրական նկատումները ներում են Փիլիպպէի որդին համարել այն Սեւադան որի դուստրը, որ կոչւում էր նոյնպէս Շահանդուխտ, հարս գնաց Սիւնեաց տուն: Սմբատ թագաւորին յաջորդեց իր որդի Վասակը որ 1026ին դեռ կենդանի էր: Սա որդի չունէր, այլ մի դուստր, հռչակաւոր Կատրամիտէ, որ կին եղաւ Գագիկ Շահնշահի: Վասակից յետոյ իշխանութիւնն անցաւ իր քրոջ որդիներին, Սմբատին եւ Գրիգորին: Սմբատ թագաւոր է յիշուում 1043 թուին: Սրանից յետոյ էր իր եղբայր Գրիգորը: Ահա այս անձն էր որ կին առաւ Շահանդուխտին: Գրիգոր եւ Շահանդուխտ անգաւակ էին, ուստի յաջորդ ընտրեցին Շահանդուխտի եղբօր Սենեքերիմին, Սեւադայի որդուն: Սենեքերիմ եւ իր երկու որդիները, Գրիգոր եւ Սմբատ, իշխեցին Սիւնիք: Գրիգորի դուստրը Կատա ամուսնացաւ Ուաչենցի Հասանի հետ, որպէսզի յաջորդէ Գրիգորին, բայց Հասան իր կնոջ հետ հեռացաւ իր հայրենի Ուաչեն 1170 թուին¹:

Մոնգոլները պաշարեցին 260 թուին Մարտիրոսաց քաղաքը, այժմեան Մուֆարդին: Նրանց բանակումն էր «Սեւադա Ուաչենցի, որդի մեծ իշխանին Գրիգորի», որ ընկաւ քաջի մահով: Ասել է թէ Ուաչենի իշխանական տոհմը չէր սպառել: Ուաչենցի Սենեքերիմը, Շահանդուխտի եղբայրը, որ Սիւնեաց իշխան դարձաւ, ունէր բացի Գրիգորից եւ Սմբատից, որ իրեն յաջորդեցին, նաև մի երրորդ որդի, Սեւադա: Մեզ թւում է որ այս Սեւադայի որդին է Գրիգորը, Մոնգոլ-

1 Օրբելիան, ծք-կ:

ների դաշնակից Սեւադայի հայրը: Սեւադա կրում էր ուրեմն իր պապի անունը: Ուաչենի գիծը կը լրացուի հետեւեալ կերպով.



Ուռհայեցին շփոթել է յայտնապէս Ուաչենի Փիլիպպէն կամ Փիլիպպոսը մի ուրիշ իշխանի հետ եւ սխալ ծննդաբանութիւն կազմել: Կարելոր է պարզել այս երկրորդ Փիլիպպէի ինքնութիւնը: Սա պատկանում է մի այլ իշխանական տան որ կապ չունի Ուաչենի գծի հետ:

Ուռհայեցին պատմում է որ Հայոց նմ=961-962 թուին Անի քաղաքում գումարուած ժողովին մասնակցելու հրաւիրուեցին Աղուանից Յովհաննէս կաթողիկոսը եւ Աղուանից թագաւոր Փիլիպպոսը, «որդին Գոշազակայ, որդւոյ Վաչազանայ»: Ժողովը նպատակ ունէր որպէս թէ տալ «զօծումն թագաւորութեանս Աշոտ Գագկայ» (sic): Աշոտ «օծաւ եւ նստաւ ի գահոյս» և ժողովականները «ուրախ լինէին յազազս քաջութեանն Գագկայ»¹:


Այս տեղեկութիւնները շատ խառնակ են: Նախ 961-2 թուին Աղուանից կաթողիկոսը Յովհաննէսը չէր, այլ Դաւիթ, որին ձեռնադրեց Անանիա կաթողիկոսը 958 թուին, երբ մեռաւ նախորդ Գագիկ կաթողիկոսը: Դաւիթ վարեց իր աթոռը վեց տարի ուրեմն 958-964: Նրա մերձաւոր յաջորդների մէջ Յովհաննէս անունով կաթողիկոս չկայ: Ապա Աշոտ գահ բարձրացաւ 953 թուին եւ դժուար թէ իր օծումը յետաձգուած էր մինչև 961 թիւր²: Աշոտի հետ յիշուում է Գագիկ որ գահակալից 989, իր եղբօր Սմբատից յետոյ: Ակններեւ է որ մեր պատմագիրը իրազեկ չէ անցքերին: Հաւանական է

1 Մատթ. Ուռհայեցի, գլ. Ե. և Գ.:

2 Սմբատ Սպարապետ, որ հետեւում է Ուռհայեցուն, պահել է 961 թիւը, բայց Աշոտի փոխարէն դրել է Գագիկ:

որ 961ի հանդէսը կազմակերպուած էր արքայական գահը Երազլուտորից Անի տեղափոխելու առթիւ: Մեր նպատակի համար կարելի էր ամեն պարագային որ այս միջոցին թէ յետոյ Աղուանից թագաւորն էր Փիլիպպոս, որդի Գոշազգակի եւ թոռն Վաշազանի:

Փիլիպպոս յիշատակուած է նոյն պատմագրի մօտ Չմշկիկ կայսրի Հայաստան գալու առթիւ 975 թուին: Կայսրին գիմատորոջ իշխանների թուում կային «թագաւորն Կապանից Փիլիպպէ եւ թագաւորն Աղուանից Գուրգէն»¹: Կապանք Սիւնիքի Կապան գաւառը չէ, այլ Դերբենա, ինչպէս հեղինակը բացատրում է մի ուրիշ տեղ, ուր խօսելով հայրապետական աթոսի միաժամանակ չորս գահակալ ունենալու մասին — Գրիգոր, Թէոդորոս, Բարսեղ եւ Պօղոս —, հակադրում է այս քայքայուն վիճակը Աղուանից կաթողիկոսութեան եւ յիշում է այս առթիւ Աղուանից վերջին հայրապետները, Յովհաննէս, Գէորգ, Յովսէփ, Մարկոս, Ստեփանոս, թագաւորները, Գապիկ, Դաւիթ եւ Կորիկէ «որ նստէին այժմուս ի Լօսէ քաղաք Հայոց», նոյնպէս այն թագաւորները որ «էին ի Դարբանդ աշխարհին, Վաշական, եւ նրա որդի Գուշակատակ, Փիլիպպէ՝ որդի Գուշակատակին, Սեւադա՝ որդի Փիլիպպէի, Սենեքերիմ՝ որդի Սեւադայի, Գրիգոր՝ որդի Սենեքերիմայ «որ դեռ եւս կենդանի էր մինչեւ գրէաք զայս մտաննագրութիւնս մեր»²: Ուրեմն.



Պատմագիրը սխալ է: Վերջին երեք անձերը չեն սերում այս Փիլիպպէից, այլ Սաչենցի Գրիգորի որդի Փիլիպպէից, ինչպէս տեսանք վերեւ:

Առաջին երեքը նոյն Վաշազան, Գոշազգակ եւ Փիլիպպոս անձերն են որոնք յիշուած են 961 ժողովի առթիւ: Գոշազգակ թէ Գուշակատակ, երկուսն էլ այլուստ անձանօթ

1 Սմբատ Սպարապետ. զլ. ժդ.:
2 Սմբատ Սպարապետ. զլ. ճիգ.:

անուններ են, հաւանօրէն աղաւաղուած: Սրանք Դերբենաի թագաւորներ չեն: Ուռհայեցին տկար է իր ծննդավայրից հեռու աշխարհների դիտութեան մէջ: Բաւական է յիշել որ Պարտաւ քաղաքը նոյնացնում է Փայտակարանին:

Անանիա կաթողիկոսի քանիցս յիշատակած թղթից դիտենք որ 958 թուի ժողովին ներկայ էր ուրիշ իշխանների թուում «Վաշազան Գորոզուաց իշխան»: Սա Ուռհայեցու Վաշազանն է: Իրն—Հաւքալի մի թանդագին տեղեկութիւնը պարզում է Վաշազանի ինքնութիւնը: Արար մտանագիրը դիտէ ى وشيخان ابن موسى Վաշազիան իբն Մուսի: Տակուին Սեն - Մարտեն՝ գուշակել է որ Վաշազիան է Վաշազան անունը, բայց չէր նկատել որ նրա հայր Մուսի Ուտիացուց յայտնի իշխան Մովսէսն է:

Աչտա Երկաթ իր աներոջ Սահակ - Սեւադայի հետ արչաւանք գործեց Ուտիք բնիճելու «զրիրա ապստամբութիւնն Մովսիսի զոր իւր իսկ կացուցեալ էր գնա իշխան եւ հրամանատար ճուղարարոյ ազգացն այնոցիկ Ուտի գաւառի»: Օղնութեան եկաւ թագաւորին նաեւ մեծ քորեպիսկոպոսը որ ունէր «զմանն Գուգարաց մերձ ի դրունս Ալանաց»: Մովսէս փախաւ Սիւնեաց Սմբատ իշխանի մօտ: Սա Սիւնեաց համաձայն թագաւորի հօրեղբայրն էր եւ իր որդու Վասակի հետ յիշուած է Անանիայի առաջին ճանապարհորդութեան, 943 թուին: Մինչ Աչտա Երկաթ դրազած էր նուաճելու «խոտապարանոց աւաղակուտ» Ուտիացիներին, Մովսէս փորձեց Սիւնիքից փախչել գնալ «աս մեծ քորեպիսկոպոսն Մանարաց», յուսալով նրա օգնութեամբ ազատել իր երկիրը: Բայց Երկաթը յաջողեց բռնել նրան եւ խարանել աչքերը²:

Մանարաց քորեպիսկոպոսը նոյնն է ինչ որ Գուգարաց: Պատմագրի աշխարհագրական ծանօթութիւնը փայլուն չէ: Գուգարաց աշխարհը, բնա կեղծ-Սորենացու աշխարհագրութեան, Հայաստանի 15 աշխարհներից մէկին էր Հայաստանի եւ Վրաստանի միջեւ, Կուր գետի աջախողմը Բերդոջ գետից մինչեւ Ճորոխ: Մանարք ընկնում է Ալազան գետի ափունքների ճախակողմեան լեռները, Գուգարքից հեռու: Այնտեղ տիրող իշխանները կոչուում էին քորեպիսկոպոս: Մովսէսի գիմելը քորեպիսկոպոսին նշանակում է, թերեւս, որ Ուտիացուց իշխանը հողեր ունէր նաեւ Կուրի միւս ափին, Կոմբեճանի կամ Հերեթի շրջանում:

Մովսէսի անկումով, նրա իշխանութիւնը չոչնչացաւ: Սահակ-Սեւադան իր որդու Գրիգորի հետ նոյնպէս ծանր պա-

1 Mémoires sur l'Arménie, I, 231.
2 Յովհաննէս Կարազիկոս, էջ 163-164:

տիժ կրեց Աշոտ Երկաթից, բայց Գրիգորի որդին ժառանգեց հայրենի իշխանութիւնը: Մեզ թուում է որ արար մատենագրի Վաչաղիանի հայր Մուսէ Ուտիացի Մովսէսն է իր որդին՝ Վաչագան Գորոզուաց իշխանը: Իրն-Հաւքալ կոչում է Վաչաղիան Իրն Մուսէին իշխան Հարարի: Այսանուն աշխարհագրական վայր յայտնի չէ: Կեղծ-Պորենացու աշխարհագրութեան համառօտ խմբագրութեան առաջին հրատարակութեան մէջ, որ լոյս տեսաւ Լոնտոն, Վիստոն եղբայրների ջանքով, յիշուած է Աղուանից գաւառների թուում է՞ոռ, որ նման է Հարարի: Արդեօ՞ք նոյն անունն է: Տեղը յայտնի չէ: Գորոզուքի դիրքը եւս ծանօթ չէ: Կաղանկատուացին գիտէ Գորոզու բերդը եւ յիշում է հետեւեալ առթիւ: Դաւոն եւ Շապուհ անձերը սպանում են Ստեփանոս Աբլ-Ասաղ իշխանին, որը կանչել էր Բարանին, այսինքն հռչակաւոր աղանդապետ Բարեկին, եւ նրա օգնութեամբ հարուածել Բաղակացիներին: Սպանիչներն աւերում են քանի մի վայրեր, որոնց թուում եւ Հակարի: Այնուհետեւ ըմբոստանում են Բարանի դէմ եւ ամրանում «ի բերդն Գորոզու», եւ բռնանում 12 տարի հետեւեալ գաւառների վրայ, Վերին Վալիունիք, Բերձոր, Սիսական, Հարանդ, Ամարաս, Պաղկանք, Միսանք, Սողից գաւառ: Աբլ-Ասաղի մերձաւորները վրէժ են լուծում, սպանելով Դաւոնին եւ Շապուհին: Աբլ-Ասաղի քեռորդին «Յիսայի անուանեալն Աբու-Մուսէ» տիրանում է նոյն գաւառներին: Բարան գալիս է Ամարաս, խաղաղութեան կոչ է անում եւ առաջարկում հնազանդութիւն: «Ոմանք հնազանդեցան եւ յետոյ դաւեալք անհնազանդ եղին»: Բարան թողնում է Ռոստոմ անունով մի զօրավար եւ ինքը հեռանում Ատրպատական:

Դաւոն և Շապուհ սկսեցին խռովութիւնները Հայոց 276 թուից երկու տարի յետոյ, ուրեմն 278—829 մայիս - 830 մայիս, իշխեցին 12 տարի, ուրեմն մինչեւ 841-842 տարին, երբ նրանք սպանուեցին: Նոյն տարին որպէս թէ Բարան մտաւ Ամարաս: Սակայն յայտնի է որ Բարան ձերբակալուեց օգոստոս - սեպտեմբեր 837 թուին: Հետեւապէս կամ 12 տարին է սխալ, կամ պատմագիրը ձուլել է Բարանին իր որդու Արդ-Ալլայի հետ որին ձերբակալեց Իսա իրն Իւսուֆ իրն Ստեփանոս, այսինքն Շապի Աբու - Մուսէ: «Ոմանք դաւեալք» ակնարկը վերաբերում է թերեւս այս սպանութեան: Մեր պատմագիրը շատ փափկանկատ է Շապի Աբու - Մուսէի վերաբերմամբ: Դաւոնի եւ Շապուհի սպանողն էլ ինքն է, բայց պատմագիրը վերագրում է մերձաւորներին: «Սաղաղու-

1 Մովսէս Կաղանկատուացի, Գ. չլ. ԺԲ:

թեան այր» է անուանում Շապին, մինչդեռ սա գոռ պատերազմող էր եւ պանծացաւ այն հերոսական դիմադրութեամբ որ ցոյց տուեց Բուղայի հանդէպ եւ յաղթեց արար զօրավարին, ինչպէս Թովմա Արծրունին պատմում է, քսան եւ ութ ճակատում, թէեւ ի վերջոյ զոհ գնաց պարտեալի նենգութեան, կալանաւորուեց եւ զրկուեց Սամառա: Թովման անուանում է նրան Շապի կամ Ապումուսէ երիցու որդի, իշխան Աղուանից: Ստեփանոս Աբլ-Ասաղի քեռորդին էր, հօր անունը Յովսէփ էր, իսկ պապինը՝ Ստեփանոս: Կարծում եմ որ սա մօր կողմից է պապ, այսինքն նոյն Աբլ - Ասաղ:

Արարական տեղեկութեամբ Շապին Բայլականի իշխան էր: Բայլական, հին Փայտակարանն է, որի գլխաւոր քաղաքն արարական շրջանում կրում էր նոյն անունը եւ գրանւում էր Պարտաւից դէպի Երասխ տանող ճանապարհի վերայ, հաւանօրէն Ամարասի շրջանում: Կաղանկատուացու Բաղակացիք (Բաղական-ցիք) նոյն Բայլականի բնակիչներն են: Սոսվարար իշխանների՝ Դաւոնի եւ Շապուհի գրաւած վայրերից յայտնի են իրենց դիրքով Հարանդ, որ է Ամարասի շրջանը, այժմեան Քեօնդայան կոչուած գետի աւազանը, եւ Սողից գաւառը, Սեւանալ լճի արեւելեան անկիւնը: Այս սահմաններում էր գտնւում եւ Գորոզու բերդը, մեր հետաքրքրութեան բուն առարկան: Եթէ Սողի մօտ էր, կարող էր պատկանել Ուտիքի իշխանին: Իսկ եթէ Բայլականի մօտերքն էր, պէտք է ընդունել որ Վաչաղիան իրն Մուսէ ոչ թէ Ուտիքի այլ Բայլականի իշխան էր, եւ որ Մուսէ կապ ունենալու է Աբու - Մուսէի հետ: Աբու - Մուսէ նշանակում է բառացի Մուսէի հայր, եւ իրն - Մուսէ՝ Մուսէի որդի: Այս վերջինը որ Վաչղիան կամ Վաչագան էր, ուրեմն որդի էր Շապի Աբու - Մուսէի: Հարցը մթաղնում է եւ մնում երկբայելի, արդեօ՞ք Վաչագան, Գոչազգակ թէ Գուչակտակ եւ Փիլիպպէ Կապանից թագաւորները Մովսէս Ուտիացու սերնդից են թէ Շապի Աբու - Մուսէի: Մէկը Ուտիքի եւ մասամբ Հերթի իշխան է, միւսը՝ Բայլականի: Եթէ կշիռ տանք Ուսահայեցու խօսքին թէ նրանք իշխում էին «ի Դարբանդ աշխարհի», պէտք է առաւելութիւն տալ Ուտիքի:

Կարեւոր է նաեւ դիտել, որ Ուտիք մեզ հետաքրքրող ժամանակում կոչւում էր Սեւորդեաց աշխարհ և տարածւում էր Գանձակի եւ Գարդմանի շրջանից մինչեւ Տաշիր: Հաղբատ եւ Սանահին վանքերը, ըստ Ասողիկի, գտնւում են Սե-

1 Օրբելյան, չլ. 19, Բաղակաց-ի փոխարէն ունի Բաղօսականայ, որ գտն է Բայլականից, բայց նրան կից է արեւելեան կողմից, ընդգրկելով Երասխի երկու ափերը:

ւորդեաց աշխարհում: Կոստանդին Ծիրանածնի օրով, բիւզանդական արքունիքը ճանաչում էր եւ պաշտօնական յարաբերութիւն ունէր մի շարք հայ իշխանութեանց հետ, որոնց թւում յիշատակում են Սիւնիք, Սաչկն եւ Սեւորդեաց երեք իշխանութիւն: Բուդայի շահատակութեանց ժամանակ Սեւորդեաց իշխան էր Ստեփանոս Կոն, որ մարտիրոսացաւ 855 թուին, իսկ Գարդմանի իշխանն էր Կարիճ, ըստ Յովհաննէս Կաթողիկոսի, իսկ ըստ թովմա Արծրունու՝ Ներսէճ իշխան (Գարիթայանից կարգալ Գարդմանից), որից հետեւում է որ Կարիճ նոյն Ներսէճն է: Ստեփանոս Սեւորդին ձերբակալուեց Տուս գիւղում¹, որ է Տաուշ, այժմ, թրքական արտասանութեամբ, Թովուզ, Ադսուեւ եւ Չեղամ դեռտակների միջև, համանուն դեռտակի վրայ: Բուն Գարդման կազմում էր Շամքոր դեռտի վերին հովիտը, ուր զայժմ Կրամանքը գիւղը պահել է հին անունը թրքական երեւոյթի տակ: Տեսանք որ Սաչկնցի իշխան Սահակ - Սեւաղա նուաճեց Գարդման եւ Փառխոս: Հաւանօրէն Ծիրանածնին ծանօթ Սեւորդեաց երեք իշխանութիւններն էին Գարդման, Փառխոս եւ Ուտիքի արեւմտեան մասը:

Իրն Հաւակալ յիշում է նաեւ Քարայա որպէս աւանձին իշխանութիւն եւ անուանում է «աւաղակների եւ մուրացիկների որջ»: Քաղաքի բնակիչները մեծ մասամբ մահմեդականներ էին, իսկ գաւառի՝ քրիստոնէաներ: Քարայայի իշխանը կոչւում էր Անրասա ալ-Ահվեր: Առաջին բառը արաբերէն նշանակում է առիւծ, երկրորդը՝ միականի: Քարայա կամ Կապաղակ իսկապէս Շաքէի քաղաք էր եւ հին բերդի աւերակների մօտ այժմս էլ կայ թրքական մի գիւղ նոյն Դարայա անունով, Տուրխան գետի եւ իր Զուռլա վտակի խառնուրդի մօտ: Միականի առիւծ՝ անունը արդեօք թարգմանութիւն է տեղական սրեւէ անուան, դժուար է տեսլ: Հետաքրքրական է որ Սորենացուն վերադրած աշխարհադրութեան համառօտ խմբագրութեան մէջ որ հրատարակեցին Վիստոն եղբայրները 1726 թուին Լոնդոն յիշատակուած է Ադուանից գաւառների թւում նաեւ Համբասի որ, անաարակոյս, նոյն Անրասա անունն է: Արդեօք իշխանն էր տուել իր անունը գաւառին թէ, բնդհակառակը, իշխանը այդպէս էր կոչւում գաւառի անունով, մնում է անորոշ: Իշխանի ազգութիւնը եւս մութ է:

Շաքէից հիւսիս, Ալազանի գետի արեւելեան կողմը բարձրացող լեռնադաշտակի վրայ ապրում էր Ծանարք կոչուած ժողովուրդը: Իրն Հաւակալ նշանակում է Սանարիա

1 Յովհաննէս Կարողիկոս, էջ 71:

իշխանութիւնը Ալանաց դրան եւ Վրաստանի միջև: Սանարիա նոյն Ծանարքն է եւ իշխանը կրում է քորեպիսկոպոս տիտղոսը, իրն Հաւակալի եւ Յովհաննէս Կաթողիկոսի համերաչի վկայութեամբ: Ըստ վերջինս, մեծ քորեպիսկոպոսը «պայազատէր իսկ զմասն Գուգարաց մերձ ի դրունս Ալանաց»¹: Տեսանք որ քորեպիսկոպոսն օգնութեան եկաւ Աշոտ Երկաթին 918ին եւ յետոյ Ուտիացի Մովսէս փորձեց փախչել նրա մօտ: Իրն Հաւակալ հաղորդում է որ քորեպիսկոպոսը կոչւում էր Սենեքերիմ 950ի մօտերքը: Հաւանական է որ Աշոտ Երկաթի եւ Ուտիացի Մովսէսի բնդհարման միջամտող քորեպիսկոպոսը ինքը Սենեքերիմն էր²: Անունս վկայ է նրա հայ ծագման:

Ծանարների մասին մի ուշադրու զրոյց է պահուած Վարդանի մօտ: Մի քանի Քաղզէացի դայիս են Գարդման եւ խնդրում Հերակլի նախրած խաչից մի բեկոր: Նրանց խնդիրը կատարւում է: Սակայն վախենալով Քաղզուցի ամիրտարեայի թողնում են Գարդման եւ հետանում «յոսն Կովկասու» եւ տիրում այնտեղի երկրներին: Նրանցից մէկը թաղաւորում է եւ խնամենանում Չոր գետի թաղաւորի հետ: Զրոյցիս հեղինակը կարծում է որ նրանք Ծանարք կոչուեցին «դիանդ ծանեան գաւելի բնակութեան իւրեանց»: Գարդմանի իշխանը կոչեց նրանց իշխանին քորեպիսկոպոս «ըստ լեզուին Վրաց (իմա՝ Յունաց, գաւանարանական տեսակէտից)»³:

Վերջին մեկնութիւններն արժէք չունին, բայց Ծանարքի կապը Գարդմանի հետ արժանի է ուշադրութեան: Հերակլի նախրած խաչի մասը Հացունեաց խաչն է որի պատմութիւնը յայտնի է: Նուէրն ստացաւ Սիւնեաց իշխանուհի Բիւրել: Գարդմանն, ինչպէս երեւում է, բաժին էր ստացել այդ սրբութիւնից, բայց ե՞րբ եւ ի՞նչպէս, զրոյցը լուծ է այդ մասին: Ծանարք եւս անբաժին չեն մնացել: Այս վերջին պարագան, ի հարկէ, ուրիշ բան չէ նշանակում քան որ Ծանարքի առաջին քրիստոնէայ քարոզը եկել է Գարդմանից: Քաղզէացիների Գարդման գայր կարող է արձագանդ լինել մի հին դէպքի որ յիշատակում է Կաղանկատուացու մօտ: Եղիա կաթողիկոսի օրով Պարտաւում դումարուած ժողովի անդամներից մէկը պատկանում էր Յակովբիկ համայնքին որ եկել հաստատուել էին Կամբիճան, «ի Մաղիանացուցն պարսից Յակովբիկ հաւատով, որք եկեալ ի Կամբիճան բնակեցան»⁴: Մաղիանացիք արաբական յեղ էին Կարմիր ծովի

1 Յովհաննէս Կարողիկոս, էջ 163-164:

2 Նաեւ Մասուդի, I, 233:

3 Վարդան, ԳԼ ԺԳ, էջ 101:

4 Մովսէս Կաղանկատուացի, Գ. Ժ:

ափին, Սինայի մօտ, եւ կապ չունեն Պարսից հետ եւ ոչ Յակովբիկ համայնքի հետ: Սուքը ասորական Յակովբիկների մասին է, որ թերեւս խուսափելով նեստորական հալածանքներից, գաղթել էին Կամբիճան:

Քրիստոնէացած Ծանարքի հոգեւոր տէրերը համարուել են եպիսկոպոսներ կամ քորեպիսկոպոսներ Գարդմանի աթոռի եւ պահել են այդ կոչումը անգամ, երբ հոգեւոր տեսչութիւնը տեղի է տուել զուտ աշխարհիկ եւ քաղաքական իշխանութեան: Երկիրն էլ մայր աթոռ Գարդմանի անունով կոչուել է Գարդման: Այս է պատճառը որ Ծանարաց երկիրը յայտնի է Վրաց մօտ Գարդարան անունով: Գարդարան վրական հնչիւնն է հալ Գարդմանի եւ գործ է ածուում կրկնակի իմաստով, նշանակելով բուն Գարդման¹ եւ Ծանարաց աշխարհ:

Առաջին քորեպիսկոպոսն էր Դաչի որ ընտրուեց Գարդարանցիների կողմից 827 թուին եւ որին յաջորդեցին Սամուէլ եւ Գարրիէլ մինչեւ 881 թիւր: Այնուհետեւ ոմն Գարլուց, «Թիփլիսի Սահակ ամիրայի ազգական եւ Աշոտ Ա. թագաւորի հօրեղբորորդին»², գրաւեց Գարդարան:

Սրանից յետոյ՝ Փաղլա Արեւմանելի եղաւ քորեպիսկոպոս: Այս անձի, ինչպէս եւ իր նախորդի ծագումն անյայտ է: Պարտաւի 707 թուի ժողովին ներկայ էր Աղուանից իշխաններից Թէոդորոս Վստամ յԱրեւմանեան³. իշխանութիւնը անցաւ Կորիկէի (893-918) եւ ապա իր որդուն Փաղլային (918-929): Սրանց ծագումը նոյնպէս անորոշ է:

Կորիկէ Բ-ի օրով (929-976) Գարդարանն ըմբոստացաւ: Սա Կախեթի իշխան էր իսկապէս, ինչպէս եւ իր յաջորդն եւ որդին Դաւիթ (976-1010) որ կոչուում է «քորեպիսկոպոս Կախեթի»: Կորիկէ Գ կամ Մեծ (1010-1039) ընդհարուեց Վրաստանի թագաւոր Բագարատի հետ որ խլեց նրանից Հերեթ եւ Կախեթ եւ, ինչպէս թւում է, նորից տիրացաւ իր գահին Բագարատի մահից (1014) յետոյ: Սա թագաւոր էր Ռանի,

1 Աւելի ճիշտ, Գարդմանի արեւմտեան մասը որ յարում էր Բերդուլ զետին: Գարդմանի Սեւորդեաց իշխանութիւնը տարածուում էր մինչեւ այս գետի հովիտը: Վրաց հակացողութիւնը Գարդմանի մասին վերաբերում է այն շրջանին, երբ բուն Գարդմանը եւ նրա արեւելեան մասը անցել էր Ռաչնի եւ հետագայում Գանձակի տէր Փաղլունին, ուստի և վրաց Գարդարանը ընդգրկում է միմիայն մեծ Գարդմանի արեւմտեան մասերը:

2 Եփոթ տեղեկութիւն է: Սահակ ամիրան մահմտական էր, որի ազգակցութիւնը Գարլուցի հետ խնդրական է, եթէ իրօք Գարլուց հայ առաջին Բագարատունի թագաւորի հօրեղբորորդին է: Աշոտ Ա-ի հօրեղբայրները յայտնի են, բայց Գարլուց անունով հօրեղբորորդի անձանօթ է:

3 Մ. Կաղանկատուացու այս հատուածը պակասում է տպագրի մէջ եւ հրատարակուած է Սամաէլ Երեցի «Քրոնիկոն»ի յաւելուածում, էջ 286:

այսինքն Առանի եւ Կախեթի, երբ սպանուեց 1039 թուին: Այս Կորիկէի քոյրը Դաւիթ Անհողինի կինն էր: Կորիկէի մահից յետոյ, Անհողինի որդին Գագիկ ժառանգեց իր քեռու իշխանութիւնը:

Որքան ստոյգ եւ Վրաց Տարեգրքի այս տեղեկութիւնները, դժուար է կշռել: Թւում է թէ այստեղ շփոթութիւն կայ Կախեթի եւ Գարդարանի մէջ: Եթէ ոչ բոլորը գէթ մի քանիսը իրապէս Կախեթի իշխաններ էին եւ յաջողել էին տիրանալ նաեւ Գարդարանին եւ նրա իշխանական տիրոջսին, քորեպիսկոպոսութեան: Արդարեւ, տեսանք որ արարական անսխալ վկայութեամբ, Ծանարաց, այսինքն Գարդարանի քորեպիսկոպոսն էր 950 թուականներին ոմն Սենեքերիմ, մինչդեռ այս անունը յայտնի չէ Վրաց ազգիւրին եւ նրա փոխարէն Գարդարանի իշխան է նոյն միջոցին Կիւրիկէ Բ (929-976): Պէտք է կարծել որ վերջինս իրապէս Կախեթի իշխան էր եւ գրաւել էր կամ իր նախորդից ժառանգել էր նաեւ Գարդարանը: Կիւրիկէի օրով Գարդարանն ապստամբեց եւ հաւանօրէն վերականգնեց իր անկախութիւնը: Ապստամբը, հետեւապէս, նոյն Սենեքերիմը պէտք է լինէր, 950ի քորեպիսկոպոսը:

Անանիա կաթողիկոսից յայտնի է որ 958 թուի ժողովի անդամների մէջ կար մի իշխան որ կոչուում է Գուրգէն Արեւելից իշխան եւ որի ինքնութիւնը մինչեւ այժմ պարզուած չէ: Մեզ թւում է որ այս Գուրգէնն ոչ այլ ոք է եթէ ոչ Կիւրիկէ Բ, Կախեթի ժամանակակից իշխանը: «Արեւելից իշխան», խորթ որակում չէ: Յովհաննէս կաթողիկոսը Շաքէի Ատրներսեհ թագաւորին կոչում է իշխան «Արեւելից հիւսիսոյ Կովկասու»: Նոյն իրաւունքով եւ Անանիա կարող էր Շաքէի հարեւան Կախեթի թագաւորին համարել «Արեւելից»:

Կորիկէի - Գուրգէնի մասնակցութիւնն 958 թուի ժողովին մատնում է նրա հայ ազգութիւնը: Կարծում ենք որ Կախեթի Կիւրիկէ Ա (893-918) սկսած տոհմը հայ Բագարատունի ծագում ունի: Կորիկէ Գ-ի ժառանգութեան անցնելը հայ Դաւիթ Անհողինի որդուն Գագիկին միանգամայն բնական է: Այսպիսով Շաքէի Ատրներսեհը եւ իր որդի իշխանակը, Ծանարք - Գարդարանի Սենեքերիմը, այլ եւ Կախեթի Կորիկէ - Գուրգէնը հայ իշխաններ էին: Հայ ազգեցութեան զօրացումը այս երկրների մէջ նոր թափ ստացաւ մասնա-

1 Սամուէլ և Գարրիէլ անունները պատկան են քորեպիսկոպոսի և աւելի պատմական են թւում քան Դաչի եւ մանաւանդ Փաղլա: Վերջին անունն որ նոյն է ինչ որ Փաղլուն երեւան է զալիս առաջին անգամ տասներորդ դարու վերջերին:

անդ Սմբատ Ա-ի թագաւորութեան ժամանակ: Յովհաննէս կաթողիկոսը չէ չափազանցում, երբ գծում է Սմբատի տէրութեան սահմանները, նրանց մէջ ասնելով Գուգարք, Ծանարք մինչև Այանայ Դունն: Բերենք իր խօսքերը. «Եւ այսպէս ձգեալ աճեցուցանէր զշաւիղ տէրութեան իւրոյ յարեմաից Նիւսիսոյ մինչև ցԿարնոյ քաղաք եւ անդր եւս քան զԿղարջս, քերեալ մինչև առ ափն Ծովուն մեծի եւ մինչև ցասման Եգերաւոց. եւ մինչև ցստորոտ մեծի լերինն Կովկասու, ցԳուգարացիս եւ գԾախարս մինչև գՊուռն Այախաց, առեալ եւս յինքն եւ զամբոց դրան պահակի նոցա: Եւ անտի ի չարաւակողմն կոյս զԿուր գետով մինչև ի քաղաքն Տփղիս եւ զՈւտի գաւառ մինչև ի քաղաքն Հունարակերտ եւ մինչև ի Տուս եւ ի Շամքոր»¹: Իշխանակը, տեսանք, որ իր մօր Դինարի շնորհիւ, սերացաւ չայրենի հաւատը: Բայց պէտք է կարծել որ չայ գաւանութիւնը վերացաւ անհետ այս երկիրներից: Արտակարգօրէն ուշադրաւ է յոյն 1673 թուին գրած մի ձեռագրի հետեւեալ նկատողութիւնը որ աւելորդ չենք համարում բերել ամբողջապէս ընդ որոշումն «Τακωβίται οπου ὀνομαζονται Χεψοῦροι, ὁμοίως εἶναι καὶ ἄλλη φυλὴ ὀπου λέγεται Τούχοι, καὶ εἶναι χριστιανοὶ καθολικοὶ. Ἐἶναι καὶ ἄλλη φυλὴ ὀπου λέγονται Δίδο καὶ ἑτέρα ὀπου λέγεται Καίστη այսինքն, «Կան Յակոբիկներ ուր նրանք կոչուում են Խեւուրք, կայ նաեւ մի ուրիշ ցեղ որ կոչուում է Թուչք, որոնք կաթողիկեայ քրիստոնեայք են: Յայտնի է մի այլ ցեղ որ կոչուում է Դիդոյք եւ մի ուրիշը որի անունն է Քիստք»²:

Այստեղ թուած ցեղերը, Խեւուրք, Թուչք, Դիդոյք եւ Քիստք, ծանօթ են եւ ցայժմ ապրում են հին Ծանարայ աշխարհի սահմաններում: Խեւուրները կոչուած են Յակովբիկ: Այսպէս է կոչուում հականեստորական եւ հակաքաղկեդոնական Ասորական եկեղեցին, որ գաղափարակից է Հայ եկեղեցուն դաւանարանական խնդիրներում: Անշուշտ խօսքը ութերորդ դարու սկզբին Կամբեճան գաղթած Յակովբիկների մասին չէ: Եթէ անգամ նրանց մի հատուածը տեղափոխուած լինի Ծանարք, ապաստան գտած Դաղեստանի լեռներում, դժուար թէ այդպիսի մի շնչին բեկոր կարենար իր ինքնակացութիւնը անխախտ պահել մինչև 17րդ դարը: Կարծում ենք անյայտ գրիչը Յակովբիկ առելով ակնարկում է հաւանօրէն Հայոց եկեղեցուն: Իսկ այս այլ բան չէ նշանակում քան որ հին Հայ գաղթականութիւնը ձուլուել է տե-

1 Յովհաննէս Կարողիկոս, էջ 89-90:
 2 Վ. Բենեշի իշ. «Յակոբիկ գրեչակիս ուկրոպիսէյ» (սուսերէն), Ա, 449:

ղական ցեղերի հետ, մասնաւորապէս Խեւուրների հետ, բայց պահել իր կրօնական ինքնութիւնը:

* * *

Այսպէս Բագրատունեաց տոհմային ծառը, վերընձիւցելով հիմնուուրց արմատից, ծաղկեց եւ զարգացաւ ամբողջ թ դարու ընթացքում, եւ փարթամ սասերով փսուեց երեք երկիրների վրայ, Հայք, Վիրք եւ Աղուանք:

Հարաւում Բագրատունի աշխարհաչէնները չկարողացան թեւակոխել Տաւրոսեան շղթան: Ամիլում հաստատուած Շայրանի մուսուլման իշխանական տունը կանգնեցրեց նրանց յառաջխաղացութիւնը: Արեւելքից մրցորդ հանդիսացան Արծրունի իշխանները եւ տիրացան Վասպուրականին, սահման դնելով Բագրատունիների ծաւալուն ազդեցութեան: Սիւնեաց իշխանական տունը եւս վերածնուած՝ հակամէտ չէր սապարէզը թողնել Շիրակի տէրերին: Բագրատունիների թափը բնականօրէն ուղղուեց դէպի հիւսիս, Վրաստան եւ Աղուանք: Նրանց շարժումը դիւրացրեց այն հանգամանքը, որ ամուր կռուան ունէին Սպերում հնուց ի վեր եւ նորը ձեռք բերին հարեան Տայքում: Այստեղից, որպէս մի անառիկ ամբութիւնից, Բագրատունեաց գորութիւնը ծաւալուեց եւ սղորդեց ամբողջ վրական երկիրները մինչև Կովկասեան շրջթան: Մի դար աշխարհաւաք գործունէութիւնը նրանց ձեռքը տուեց Մոկաց աշխարհից եւ Տարօնից մինչև Ծանարք եւ Ափխազից ու Կարինից մինչև Շաքէ:

Դէպի Վրաստան պարզուած ճիւղը չյապաղեց անցնել կրօնական խտրութեան կամուրջը եւ ապագայնացաւ, դառնալով վրական ազգային հարստութիւն: Վրաց ազդեցութեամբ Աղուանից ճիւղը եւս շրջեց իր երեսը նոյն ուղիով դէպի ապագայնացում:

Բնական երեւոյթ: Երկու երկիրներն իրենց սեփական ժողովուրդն ունէին, լեզուն ու բարբերը եւ ինչպէս որ Պարթեւ իշխանները հայացան հայ միջավայրում, այնպէս էլ հայ Բագրատունիները համակերպուելով պէտք է դառնային վրացի վրական շրջանում եւ աղուան՝ աղուանականում:

Սակայն, գլխաւոր գործօնը հայ Բագրատունիների օտարացման Վրաստանում եւ Աղուանքում որոնելու է բիւզանդական քաղաքականութեան մէջ: Կայսրներն էին, որ իրենց մեքենայութեամբ խափանեցին երեք դրացի երկիրների քաղաքական հաւաքումը Բագրատունեաց տոհմի ղեկավարութեան եւ հովանու տակ, նախ կրօնական խտրոցով, ապա եւ

քաղաքական, անջատելով Հայերից Վրացիներին եւ Աղուաններին եւ այդպիսով տապալեցին Բագրատունեաց ջանքերը՝ ստեղծելու միահեծան պետութիւն երեք երկիրներից:

Յայտնի է, որ Բիւզանդիոնը վաղուց բարեկամական յարաբերութիւններ էր մշակել կովկասեան լեռնականների, եւ նրանցից հիւսիս հաստատուած Սաղարների եւ նման անհանգիստ ցեղերի հետ: Հարկաւոր դէպքում դրդում էր նրանց սուրալ դէպի արաբական երկիրները եւ իրենց ասպատակութիւններով ջլատել թշնամու ոյժերը:

Բագրատունեաց դարում կայսրների ազդեցութիւնը հիւսիսարեւակ ցեղերի վրայ աւելի զօրացաւ: Երբ նրանք համոզուեցին, որ անճարակ են Նփրատի ափերին հրամայական դիրք բռնել հանդէպ Արարների, եւ ընդհակառակը չնորհիւ արաբական սահմանների զինուորական կուռ կազմակերպութեան, ոչ միայն բիւզանդական փորձերն էին յետ մղում, այլ եւ յաճախ Արարներն իրենք էին նախայարձակ լինում եւ սրի, աւերածութեան ու կողոպուտի ենթարկում բիւզանդական հողերը, կայսրները հետամուտ եղան ամուր ոտ դնել Սեւ ծովի արեւելեան եզերքին, յենուելով կովկասեան շղթային եւ լեռնականներին:

Այս է պատճառը որ Ափխազները յանկարծ երեւան են գալիս քաղաքական ասպարէզում որպէս առաջնակարգ ոյժ: Ամենից առաջ նրանք կազմակերպուեցին եւ գրաւեցին ծովափնեայ հողերը մինչև Տրապիզոնի շրջանը, վերականգնելով նախնի լազական պետութիւնը: Իրապէս Ափխազները ենթակայ էին բիւզանդական գերիշխանութեան:

Գարձեալ նոյն Բիւզանդիայի տեսանելի թէ անտես աջն էր, որ նպաստեց Տայքի Բագրատունի կիւրապաղատութեան յառաջանալուն եւ խրախուսեց նրա մեկուսացումը Հայաստանից: Այս քաղաքագիտութեան անմիջական արդիւնքն էր, որ Արարները չկարողացան մօտենալ Սեւ ծովի ափերին կամ ձորոխի հովտին եւ ոչ արմատ ձգել Ափխազիա:

Միւս կողմից, կայսերական ազդեցութիւնը հեռու մնաց Հայաստանից: Արար - բիւզանդական հակամարտը ծնաւ համապատասխան տրամադրութիւններ. Բագրատունիք Հայաստանում անպայման թեքուած էին Արարների կողմը առաւելապէս, մինչ Տայքում նրանք համակիր էին Բիւզանդիային: Նոյն քաղաքական թեքումն ունէր եւ Ափխազեան իշխանութիւնը: Շահերի այս ներհակութիւնը սաստկացաւ, ստանալով ազգային եւ կրօնական գունաւորում, ճեղքեց Բագրատունեաց տոհմը, բաժանելով միմիանցից նրա հատուածների քաղաքական ուղիները:

Կրօն եւ եկեղեցի բիւզանդական քաղաքականութեան մէջ յետին գործօններից չեն: Աշխարհակալ ծրագիրներ յառաջ վարելիս, նա բնաւ չի անտեսել յենարան գտնել կրօնական եւ դաւանաբանական համերաշխութեան մէջ: Փորձութեան մատնուած եկեղեցիները յաճախ ընկճուել են, խոնարհել կայսերական հարկադրանքի առջեւ եւ յարմարուել տիրող քաղաքական կացութեան:

Ճշմարիտ է, եկեղեցին բարոյական խոշոր հաստատութիւն է, որի պատմութիւնը եւ կեանքն իր սեփական անիւներն ունին, բայց անուրանալի է, որ նրանց պտոյտները կատարուել են գրեթէ միշտ քաղաքական ելեւէջների շրջանակի մէջ: Հայ-վրական եւ հայ-բիւզանդական եկեղեցական յարաբերութիւնները, նրանց բեկումները եւ վերջնական դասաւորումը, անկախ տեղական բովանդակութիւնից, դաւանաբանական, վարչական և ազգային խթաններից վերջին հաշուով շիտակ անդրադարձումներ են երկու հարեւան մեծ պետութիւնների մրցութեան եւ նրանց քաղաքական գերակշիռ ազդեցութեան:

Հայ եկեղեցու ուրոյնութիւնը պարտական ենք Պարսից պետական քաղաքականութեան, որ ձգտում էր անջատել Հայերին քրիստոնեայ Բիւզանդիայից, խրամատել հայ եւ բիւզանդական, եւ ընդհանրապէս արեւելեան եւ արեւմտեան քրիստոնէութիւնը: Երբ Ձ դարում բիւզանդական զօրքերը մտան Հայաստան եւ 591 թուին դաշնագրով մեր երկրի մեծագոյն մասը անցաւ քրիստոնեայ կայսեր, հայ եկեղեցականութիւնը ցնցուեց եւ հակամէտ էր ընդհանուր գետին գտնել արեւմտեան մեծ քրիստոնէութեան հետ:

Վրացիք աւելի վճռական գտնուեցին եւ օգտուեցին առիթից խզելու իրենց կախումը Հայ եկեղեցուց եւ կապուելու Բիւզանդական եկեղեցուն: Քիչ յետոյ, ինչպէս Վրաց Տարեգիրքն է յայտնում, Հերակլ կայսրը մկրտեց Գարդաբանի, իմա Գարդմանի, իշխանին: Սօսքը, անշուշտ, վերամկրտութեան մասին է քաղքեղոնական դրոշմով: Գարդմանը վաղուց քրիստոնեայ էր եւ պէտք չուներ մկրտութեան: Եթէ Հայերը պահ մի Հերակլի եւ Կոստանդինի առաջ խոնարելուց յետոյ, չարունակեցին տատամսել և երկբայելի դիրք բռնել, պատճառն այն էր, որ նոր ոյժ էր երեւան եկել յանձին Արարների: Արեւելքի եւ արեւմուտքի զինական մրցութիւնը Հայաստանի շուրջը նորից արծարծուեց եւ յայտնի չէր, թէ որ կողմին է ընծայելու բախտը իր վերջին ժպիտը:

Ութերորդ դարու սկիզբը քաջուեց մթութիւնը քաղաքական հորիզոնից եւ այլեւս կասկած չկար, որ Հայաստանի

մեծագոյն բաժինը մնալու է արարական իշխանութեան տակ: Հիշամ խալիֆայի հրամանով 724 թուին կազմեցին պաշտօնական աշխարհագիր, այսինքն վիճակագրութիւն Հայաստանի, երկրի վարչական ձեւակերպումը հաստատելու համար:

Այդ նոյն տուն էր, 726 թուին, երբ Յոհան Օձնեցի կաթողիկոսը գումարեց Մանազկերտի յայտնի ժողովը եւ վերջ դրաւ երկարատեւ վարանումին, թօթափեց ընդմիշտ բիւզանդական եկեղեցու յաւակնութիւնն ու քաղքեղոնական համակերպութեան խմորը եւ վերահաստատեց Հայ եկեղեցին իր հինաւուրց հուշի մէջ: Աշոտ պատրիկն արդէն հրապարակի վրայ էր, նա որ 732 թուին նշանակուեց իշխան Արարների կողմից, հուշակաւոր Աշոտ Կոյրը, Բագրատունեաց վերածնունդի հայրը: Հայ քաղաքականութիւնը թեքում էր Արարների կողմը կամաւ թէ ակամայ: Եկեղեցին շտապեց ճշտել իր գիրքը նոր կացութեան հանդէպ: Մանազկերտի ժողովը երկրի տրամադրութեան անխաբ յայտարարն էր եւ այս մտքով արժէքաւոր ոչ միայն եկեղեցական, այլ եւ քաղաքական պատմութեան տեսակէտից:

Վրաց եկեղեցու վիճակը այնքան էլ պարզ չէ: Եթաներորդ դարու վերջերից ընդհատում է Վրաց կաթողիկոսների շարքը երկար ժամանակով: Սակայն, անկասկած է, որ Վրաստանը, ինչպէս եւ Բիւզանդական Հայաստանը մնացին փարած պետական դաւանութեան: Արարական ազդեցութիւնը երբեք չթանձրացաւ Տայքի եւ Կղարջքի շրջանում, իսկ Ափսաղական երկիրները մնացին ազատ: Ինչ եւ լինէր այս կողմերում եկեղեցու վիճակը, կարելի էր նախատեսել, որ պիտի կլանուէր կայսերական եկեղեցու կողմից, մանաւանդ այն օրից երբ Բիւզանդիան սկսեց ծանրանալ այս շրջանի վրայ եւ ստեղծեց կիրաւադատական իշխանութիւն:

Թ դարում Ճորոխի հովիտն արդէն նուաճուած էր քաղքեղոնական եկեղեցու կողմից: Կրօնափոխութեան առաջին նետեանքն եղաւ ազգափոխութիւն: Դաւանութիւնն էր ազգութեան յատկանիշը, եւ քաղքեղոնիկ Հայը համարուում էր Հռոմ, Վրացի, բայց ոչ Հայ: Երբ Բագրատունիները յանձին Վասակի մտան եւ հաստատուեցին Տայք եւ Կղարջք, երկրի բնիկ ազգազրական պատկերը փոխուած էր կրօնական դեմնի վրայ: Նոր իշխանական տունը համակերպուելով տեղական միջավայրին, նոյն ուղիով ընթացաւ, մանաւանդ որ կենդրոնն էր ընտրել Արտանուշ, վրական շրջանը: Շուտով դարձաւ վրական ազգային հարստութիւն:

Այս հանգամանքով Բագրատունեաց տան միութիւնը

ջլատուեց եւ նրանց քաղաքական յղացումները կանգ առան կէս ճանապարհին:

Բագրատունեաց գործունէութեան դաշան էր Հայաստանն արարական լայնարձակ մտքով, այսինքն ամբողջ Կովկասը, որի աշխարհապարական եւ քաղաքական կենդրոնն էր իրապէս Երրակը, իշխանական նոր ստանը: Այստեղից բրդխած կամ ներշնչուած ջանքերը տանում էին դէպի մի հոյակապ կառուցում որ է՝ հաւաքել խմբել կովկասեան բոլոր ցեղերը մի եւ հանուր քաղաքական յարկի տակ, ներդաշնակել նրանց կեանքն ու գործունէութիւնը համագործակցութեան եւ համերաշխութեան դեմնի վրայ, Բագրատունի ծառի հովանու ներքեւ:

Արեւելքի բոլոր պետութիւնները միշտ հարստեանական (դինաստիկ) են եղել, ոչ միայն Իրանում, այլ եւ Ասորեստան - Բաբելոնում: Բազմացեղ եւ բազմալեզու ժողովուրդները պետական օղակով շողկապելու ուրիշ միջոց չի գտել հին պատմութիւնը: Բագրատունեաց ձգտումները եզակի երեւոյթ չէին: Նրանց ժամանակ նման տենչանքով սողորւած էին եւ Տահիրեանք, Սաֆֆարեանք եւ Մամանեանք, որոնք Թ-ԺԱ դարերի ընթացքին գուն գործեցին վերականգնել Իրանի միութիւնը համաձայն նրա պատմական աւանդութիւններին:

Բագրատունիք յաջողեցին իրենց ծրագիրը մինչեւ մի սրոշ աստիճան: Բաւական է վերլիչել Վրաց Տարեգրքի զրոյցը, որ Թորգոմի ութ որդիները, գլուխ ունենալով Հայոսին, կազմում էին մի ընտանիք, որ նրանք բոլորը խօսում էին մի լեզու եւ այդ լեզուն հայերէն էր:

Եթէ չենք ուզում արհամարհել այս զրոյցները, որպէս անարժէք եւ մտացածին աուսպելներ, ապա պէտք է ընդունենք, որ նրանք պատմական յայտնի շրջանի ոչ միայն գաղափարական որոնումների, այլ եւ իրական հասումների արձագանգ են:

Այդ շրջանը Բագրատունեաց դարն է: Բագրատունի կորովի գործիչներն էին, որ հարթեցին, պատրաստեցին այն հողը, որի վրայ իրաւ կարող էին բողբոջել կովկասեան եղբայրակցութեան սերմերը եւ նրանց ձայնատու եւ դադափաբախ զրոյցները:

Սակայն, կրօնական եւ Ֆէոդալական խրամատները, որ ինքնին բարեբաստիկ չեն պետական խոշոր կազմակերպութեանց, դառնում են սրոշ պայմաններում պայթուցիկ նիւթ ամեն մի հաւաքարար գործի համար: Բիւզանդ եւ Արաբ յօշոտիչ քաղաքականութիւնը բորբոքեց կրքերը,

խրախուսեց ինքնիշխանութեան անջատիչ տենչերը եւ ցրեց դարաւոր ճիգերի արդիւնքը, խափանելով գլուխ բերել քաղաքական մեծ շէնքը: Այն թագերը եւ կամ կիսաթագերը, որ ամիրապետները բաշխում էին Բագրատունի թէ՛ այլ իշխաններին եւ կայսրներն ողջունում, իրապէս այլ խորհուրդ չունէին քան արգելել, խանգարել իսկական թագի երեւումը: Թագերը դարձան անջատ ուղիների գլխաքարեր:

Բագրատունեաց փորձը՝ ընդգրկել համայն Կովկասը, ինչպէս մի մեծ ընտանիք, մի քաղաքական կենսակցութեան շաղկապի մէջ, ներկայանում է մեզ որպէս մի խիզախում՝ գաղտնիարական լայնութեամբ անօրինակ միջնադարեան նեղսիրտ մթնոլորտում և կազմում է այս նշանաւոր տոհմի պատմական փառքը:



ՀԱՅ ՀԻՆ ՇԻՆԱԿԱՆՈՒԹԻՒՆԸ

Հայ անդրանիկ համալսարանը հրատարակել է իր անդրանիկ «Գիտական տեղեկագիրը»:

Առիթը Հայաստանի խորհրդայնացման հնգամեակն է եւ տեղեկագիրը նուիրուած է հայ բանուոր-գիւղացիներին (իմա՝ բանուորներին եւ գիւղացիներին): Հրատարակութիւնը տօնական երեւոյթի հանգամանք ունի եւ օրուան պատշաճ յօդուածն է «Գիտողութիւններ հին Հայաստանի շինականների դրութեան մասին»: Հեղինակն է պ. Յակոբ Մանանդեան, Երեւանի համալսարանի պրոֆեսոր եւ իմ անձնական բարեկամը:

Յօդուածագիրը իրաւամբ գանգատում է որ մեր անցեալը մնում է տակաւին մութ, «մանաւանդ հայոց պատմական կեանքի ներքին իրական կողմերը, նրա սոցիալ-տնտեսական ու քաղաքական առանձնայատուկ հիմնական ոյժերը»: Հետեւում է տխուր յայտարարութիւն, որ այդպիսի աշխատութիւններ չկան եւ որ իր յօդուածը նախապատրաստական աշխատանք է միայն, մի շարք գիտողութիւններ, որոնց նպատակն է պարզել «չինական դասի դրութեան հաւանական ընդհանուր գծերը մարզպանական Հայաստանում»:

Յօդուածագիրը յայտնում է, որ շինականների վիճակը «ամենադժուար ուսումնասիրելի խնդիրներից մէկն է», որ մատենագրական աղբիւրները յատկապէս այս մասին «լուռ ու մունջ» են: Այսպէս է խօսում յօդուածի ներածականում: Իսկ վերջը, ուսումնասիրութիւնը կատարելուց յետոյ, յայտարարում է, որ շինական դասի դրութիւնը «այնքան էլ մութ եւ անորոշ չէ, ինչպէս մինչեւ այժմ կարծուել է»: Ասել է թէ դժուարութիւնները հարթուել են, մութ խնդիրը լուսաւորուել:

Տեսնենք, ի՛նչ լոյս է բերում պ. Մանանդեանը շինական դասին: Առաջին միտքն այն է թէ հնում համայնական հողատիրութիւն է եղել Հայաստանում, Արշակունեաց շրջանում եւ նրանից յետոյ:

Սակայն իրաւամբ կարելի է խրտչել այս նորութիւնից: Հայաստանի երկու խոշոր հարեւան պետութիւնները, իրա-

նական արեւելքը եւ բիւզանդական արեւմուտքը, որոնց ազդեցութեան տակ կերտուած է հայ կեանքը, ծանօթ չեն բնաւ համայնական հողատիրութեան: Արեւելեան Փէոդալականութիւնը զիտէ տոհմային հողատիրութիւն, բայց ոչ համայնական: Ինչ վերաբերում է բիւզանդիային, մինչեւ վերջին ժամանակներս արդարեւ ընդունուած կարծիք էր, որ համայնատիրական տնտեսութիւններ են եղել, բայց այժմս ներքուստ է այս տեսութիւնը խնդրին նայող պատմական յիշատակարանների յուրջ քննութեամբ:

Այսպիսի պայմաններում ի՛նչ հիմ ունի պ. Մանանդեան համայնատիրական կարգեր որոնել Հայաստանում:

1. Բաժանումն ըստ մարդաթուի.

Պորենացին պատմում է, որ վաղարշակ թագաւորը տոհմանեց որ միայն անդրանիկ որդին ապրէ իր մօտ արքունիքում, իսկ միւսները դնան բնակելու Հաշտենից դաւառը: Արտատաղդ թագաւորը նոյն նկատումով իր մօտ է պահում միայն երէց որդուն, իսկ միւսներին յատկացնում է Աղիս-վիտ եւ Աօրերանի գաւառները:

Տիրան արքայի ժամանակ Հաշտենացիք նեղ գտնելով իրենց տոհմանները խնդրում են, որ ընդարձակէ իրենց ժառանգութիւնը: Թագաւորը հրամայում է, որ մի մասը դնայ Աղիսվիտ եւ Աօրերանի, իրենց ազգակիցների մօտ: Մտկային վերջիններս արանջում են, առարկելով որ իրենց հողն եւս պահաս է: Տիրանը վճռում է «ոչ այլ ժառանգութիւն տալ նոցա, բայց զոր ունին հաւասար արոհել յինքեանս: Չոր բաժանեալ ըստ մարդաթուի դատու պակաս ժառանգութիւն բնակողացն Հաշտենից. վասն որոյ բազումք ի նոցանէ եկեալ ի գաւառն Աղիովիտի եւ Աօրերանոյ»¹:

Ընդդժաժս բառերն են այն գայթակղութեան քարը, որ սայթաքել է պ. Մանանդեան:

«Հողերի հաւասար եւ ըստ մարդաթուի բաժանումը, որբան յայտնի է, համայնական հողատիրութեան որոշ կարգ է», — կոչում է յօղուածագիրը:

Ճշմարիտն ասած, ինձ գոնէ յայտնի չէ եւ շատ տարօրինակ է լսել, որ հողի հաւասար բաժանումը նշան լինի համայնական կարգի: Բաժանման որեւէ եղանակ ինքնին չէ կարող յատկանիշ համարուել հողատիրութեան: Այն ինչ որ բնորոշում է հողատիրութիւնը, սեփականութեան իրաւուն-

1 Խորենացի. (ՎեՆետիկ, 1865) Բ. կր. էջ 140:

քըն է ամենից առաջ: Որպէսզի հողը համայնական համարուի, պէտք է ցոյց տրուի, որ նրա իրաւատէրը համայնքն է: Իսկ բաժանման եղանակը համայնական արժէք կ'ունենայ միայն այն դէպքում, երբ նա ծագում է համայնքից որպէս արտայայտութիւն նրա իրաւունքի:

Արդ Պորենացու մօտ խօսքը համայնական հողի մասին չէ, այլ տոհմական, որ բնաւ չփոթելու չէ: Եւ հողի տնօրէնը համայնքը չէ, այլ թագաւորը, որ գործում է կամ վեհապետութեան եւ կամ անդրանիկութեան իրաւունքով:

Բացի սրանից, Պորենացու խօսքերն անդամ անձիշտ եւ կամ միակողմանի են բմբունում պ. Մանանդեանի կողմից: Որպէսզի իր ենթադրութեան համար ազատ դաշտ պատրաստէ, նախ նա փորձում է հերքել իմ անձնական տեսութիւնս: Ուստի կուզէի այստեղից սկսել, որով եւ դիւրութիւն տուած կը լինենք բնթերցողին աւելի մօտէն հետեւելու խնդրի էութեան:

Պորենացու խօսքը աշխատել ենք արժեցնել, ի թիւս ուրիշ ապացոյցների, բացատրելու համար սեփական կոչուած ազատութեան ծագումը: Մեր խորհրդածութիւնները միաժամանակ պարզում էին նաեւ սեփական կամ սեպհական բառի այժմեան նշանակութիւնը:

Մատենագիրները սեպուհ են կոչում հայ իշխանական տան բոլոր արու գաւառներին, բացի տան գլխաւորից, որ է նահապետ կամ նախարար: Երեքն էլ պարթեւի բառեր են: Սեպուհ, լրիւ ձեւը սեպուհը, է պարթեւ visapuh, որի առաջին մասը նոյնն է ինչ որ լատին vicus 'գիւղ', յոյն οἶκος 'տուն', իսկ երկրորդը նշանակում է որդի: Ուրեմն սեպուհ նշանակում է բառացի տան, տոհմի որդի:

Նահապետ բառի ստուգաբանութիւնը եւս որոշ է գոնէ ինձ համար: Նահ համապատասխանում է պարսիկ naf բառին, հնագոյն ձեւն է napha, եւրոպական հաւասարակը հնչում է nabha, որից լատին, յոյն եւ գերման umblicus, omphalos, nabel բառերը: Բոլորի հիմնական միաքն է 'պորտ', փոխաբերաբար 'սերունդ, ցեղ': Նահապետ առել է թէ նշանակում է բառացի 'ցեղապետ, տոհմապետ':

Հաւանօրէն նոյն նահ բառն է թաղնուած եւ նախարարի մէջ, որի պարսիկ ձեւը թուում է թէ է Nahodar, եւ յիշում է Ամմիան Մարցելինի մօտ որպէս յատուկ անուն: Թերեւս նախ բառի ազդեցութեամբ նահարարը դարձել է նախարար: Նշանակութիւնը՝ 'ցեղի, տան պահապան', դրեթէ նոյն ինչ որ նահապետ: Երկուսին փոխարինող գուտ հայկական բառն է տանուտէր:

Հայ նախարարները մի մի տուն էին, տոհմ, եւ նրանց հողերը տոհմի անբաժանելի սեփականութիւնն էր: Անմիջական տէրն ու տնօրէնը տան աւագ անդամն էր, նահապետը, տանուտէրը: Անդրանկութեան սկզբունքը համարուում էր անձեռնմխելի: Տան մնացեալ արու զաւակները կոչուում էին սեպուհ:

Նախարարական հողին իրաւական բնոյթ էր տալիս զինուորական ծառայութիւնը: Զօրահաւաքի սովորոյթը չկար հնում: Ամեն մի իշխանական տուն պարտաւոր էր որոշ թուով մարտիկ տալ: Զինուորական տեսակէտից շատ էլ ցանկալի չէր իշխանական հողերի բաժանումը մանր կտորներէ: Մի տուն, որ ի վիճակի էր մի քանի տասնեակ հեծեալ տալ, բաժան բաժան լինելով, կարող էր հասնել այնպիսի դրութեան, որ նրա մասերը առանձին առանձին անգոր կը լինէին անգամ մի մի ձիււոր պահել: Երկրի պետին, հարկաւ, ձեռնտու չէին մեծամեծ տներ այնքան զօրեղ, որ ըստ պառնային թագին, բայց բնաւ նպաստաւոր չէր նաեւ տների պառակտումը:

Սակայն, խօսքը այն մասին չէ, թէ ինչ էր պատճառը նախարարական իրաւակարգի կայունութեան եւ ի՞նչ նրա քայքայման: Փաստ է, որ սկզբում իշխանական տները կազմում էին մի մի միութիւն տանուտէրի իրաւասութեան ներքոյ, իսկ յետոյ միութիւնները քակուում են սեպուհների կեդրոնախոյս ձգտումների հետեւանքով: Սրանք գերադասում են դուրս գալ տոհմական շաղկապից, ստանալով իրենց հասանելի բաժինը: Սեպուհի բաժինը կոչուում է սեպուհական = սեպահական: Հետագայում այս բառը ստանում է այժմեան նշանակութիւնը, որ արդիւնք է սեպուհի եւ սեպահական բաժնի յարարերութեան իրաւական բնոյթի:

Պէտք է նկատել, որ հնդիկ-եւրոպական լեզուները ընդհանուր բառ չունին սեփականութեան գաղափարը արտայայտելու համար: Ապրելով տոհմային կեանքով հնդիկ-եւրոպական ցեղը տակաւին անծանօթ է եղել սոյն հասկացողութեան: Միմիայն ցեղի բաժանումից յետոյ է, որ յառաջ է եկել սեփականութեան գաղափարը եւ ամեն ազգ մշակել է, յօրինել իւրովի բառ ըստ իւր կեանքի պայմանների եւ հասկացողութեան: Անգամ յատին եւ յոյն լեզուները չունին ընդհանուր արտայայտութիւն: Լատին proprius, որ բնորոշուած է արդի եւրոպական լեզուներում, սղումն է propatrius բառի, որ է անդրհայրական: Ասել է թէ սեպահական է համարուած այն ինչ որ եղել է հօրից յառաջ, ուրեմն հասել է կամ մնացել է պապերից:

Յունարէնում ἰδιος ստուգարանօրէն նշանակում է 'զատ, առանձին' եւ ստացել է սեփականի իմաստ:

Մեզանում եւս նման մտածութեամբ գործ էին անուել թերեւս տոհմային սեփականութիւնն արտայայտելու համար հայրենի, բուն, բնիկ բառերը:

Ագաթանդեղոսն ասում է՝ «զբուն եւ զձեր սեպահական Պահլաւն», Փարպեցին՝ «զբնիկ եւ զսեպահական տեղիս նախնեաց», «զբնիկ սեպահական կալուած ազգին Արշակունեաց»: Կարծես հին բնիկը մեկնուում է նոր սեպահականով:

Ագաթանդեղոսն ունի անգամ բնութիւն սեփականութեան իմաստով՝ «զբնութիւնն պարթեւական զձեր սեպահական (եւ ոչ սեփական, ինչպէս ունի էջմիածնի հրատարակութիւնը. երկու ձեռագիր պահել են ստոյգ ուղղագրութիւնը) Պահլաւն ի ձեզ դարձուցից»¹:

Փաւստոսն ասում է Ս. Ներսէսի մասին. «ըջէր ընդ իւր ձեռակալն իշխանութիւնսն, զի հնգետասան գաւառ իբրեւ սեպահական ի բնիկ առանձինն առոշոգի էր նոցա կարգեալ»:

Խօսքը եկեղեցու սեփականութեան մասին է եւ զժածս բառերը փորձեր են նոյն գաղափարը արտայայտելու, որոնցից վերջին երկուսը մօտենում են յունական ἰδιος ին:

Ագաթանդեղոս ասում է. «Ժողովուրդ ձեռակալն անլանեցան» (գլ. ՀԴ) ուր ձեռական նոյնանի է սեպահականի:

Ս. Գիրքը, որ ամենայն դէպքում մնում է յաւագոյն աղբիւրը բառաքնութեան համար, գործ է անում սեպահական բառը ոչ յաճախ եւ այն տեղերում, ուր իմաստը վիճելի է նաեւ յունարէն եւ անգամ երբայեցի բնագիրներում:

Միայն մի տեղ յոյն «բնակէ ինքն եւ որք ընդ նմա», οἱ παρ' αὐτοῦ հայր դարձնելով բաւականին ազատօրէն «բնակեցաւ սեպահական գնդաւն հանդերձ»², թւում է թէ, հասկանում է սեպահական այժմեան իմաստով:

Միւս դէպքերում սեպահական բառը համապատասխանում է յոյն περὸς αὐτοῦ յայտնի դարձուածքում՝ «եղիջիք դուք ինձ ժողովուրդ սեպահական յամենայն ազգաց»³: Նաեւ «ետու քեզ զՄիկիմ սեպահական արտաքոյ եղբարց քոց»⁴. յոյնն ունի ἐξ αὐρετον ὑπερ τοῦς ἀδελφούς. այսինքն առաւել քան եղբայրները ունին:

Պետրոսի թղթում «սեպահական ժողովուրդ» յոյն λαὸς εἰς περιποίησιν է⁵:

1 Ագաթանդեղոս. էջ 20. հրատ. էջմիածնի:
2 Ա. Մակար. ԺԳ, 53:
3 Եվ, ԺԲ, 5. Օրէնք, է, 6. ԺԴ. 2 ԻԶ, 18. Տխ. Բ, 14:
4 Ծննդոց, ԽԲ, 22:
5 Ա. Պետր. Բ. 9:

Սեպհական ժողովուրդ չէ նշանակում Աստուծոյ սեպհականութիւն, այլ յատուկ, առանձին, միւս ազգերից գատ: Տակաւին հները, սկսած Ս. Հերոնիմից, դժուարանում էին ըմբռնել յոյն *περὸς αὐτὸς* եւ *εἰς περιπεποιεσιν* նորալուր բառերի բուն իմաստը:

Երբայցեքէն բնագիրն ունի *segullah* բառը, որ մասնաւոր գանձ, գոյք է նշանակում: Եւ այս իմաստը հանում են մեկնաբանները Ա. Մնաց. ԻԹ, 3, *esti moi ho peripepoiema* *chrusion kai argurion* խօսքերից, ուր հրէական բնագրում յոյն *segullah* բառն է կարդացւում:

Դաւիթ մարդարէն ասում է, որ տաճարի շինութեան համար կը նուիրէ ոչ միայն հասարակութիւնից հաւաքած գումարը, այլ եւ իր անձնականը, «ինչ որ ինքը պատրաստել է իր համար», ուրեմն իր սեփականը: Հայ թարգմանիչը չի հասկացել նախադասութեան իմաստը. «եղև ինձ զորս նուիրեցիր տեսուն ոսկի եւ արծաթ», բնաւ չէ տալիս յոյնի միտքը: Բնագրում խօսքը այն ոսկու եւ արծաթի մասին է, որ Դաւիթը զիղել պատրաստել է իր համար, մինչ հայը կարծում է, որ գոյքը պատրաստած է տիրոջ համար, ուստի յոյն բառը հայը թարգմանում է «նուիրեցի» եւ աւելացնում է տեսուն բառը:

Եթէ թարգմանիչը լինէր այն անձը, որ թարգմանել է Մահարայեցոց դիրքը, պիտի ասէր՝ «է իմ սեպհական ոսկի եւ արծաթ»:

Հերոնիմը եբրայական *segullah* թարգմանում է *peculiaris*: Լատիներէն *peculium* է կոչւում այն գրամը, որ հայրը նուիրում է որդուն կամ տէրը՝ ծառային. եւ ուրեմն *peculiaris* է ամեն գոյք, որ կրում է *peculium*ի բնաստութիւն: Դաւիթի գոյքը, *segullah*, է *peculiaris* անհատական եւ գատ եւ ոչ հասարակաց եւ բնդհանուր: (Այսպիսով մտեանում է յոյն *ιδιός*ին, որ հակադրում է *demosios*՝ հասարակաց՝ կամ *koinos*՝ բնդհանուր՝ բառերին): Բայց եւ այնպէս ոչ յոյնը եւ ոչ հայը *segullah* չեն թարգմանել այն բառով, որ նշանակում է սեփական:

Յոյն *ιδιός*ի դէմ ամենուրեք հայն ունի իւր մեր, ձեր գերանունները, երբեք սեփական, որ է իսկական իմաստը:

Հայ սեպհական = *περὸς αὐτὸς* = *peculiaris* առանձին երանդունի, նշանակելով այն ինչ որ գատ է, ուրոյն եւ ոչ նման բնդհանուրի:

Սեպհականը Ս. Գրքում իրապէս իր տեղն է գործածուած:

Տեսանք, որ սեպհական է այն բաժինը, որ զատուած է տանուէրական բնդհանուր գոյքից, եւ որ շուտով նոյնանալու է սեփականութեան հետ:

Ղազար Փարպեցիին պատմում է, որ Դենշապուհը հայ բաճանաներին նահատակելուց յետոյ նրանց դիակները վրայ պահապան կարգեց ինը հոգի եւ նրանց թւում երանելի Պուժիկին «որպէս զկարի սեպհականագոյն եւ պիտոյ իւրում հրամանի»:

Ինչ որ հրէից ժողովուրդն էր Եհովայի համար, նոյնն է Պուժիկը պարսիկ պաշտօնեայի աչքում: Ոչ Պուժիկն էր սեփականութիւն պարսիկ եւ ոչ հրէաները՝ Աստուծոյ:

Փարպեցու մօտ բառը պահել է տակաւին սկզբնական երանդը, որպէս յուրոյն, բնաիր, բնարելագոյն¹:

Սեպուհների բաժինը այսպիսով ուրոյնութեան վրայից անցնում է սեփականութեան: Սեպուհների գատումը եւ տանձին ազնուական գատ կազմելը իբր սեպհական ազատութիւն, ապացոյց է մեր մարի: Ոչ միայն գաղափարները, այլ եւ բառերը միանգամից չեն հաստեանում, այլ պէտք ունին ժամանակի:

Սեպուհների անջատումը արդէն նշան է եւ հետեանք նախարարական աւանդների քայքայման: Արշակունեաց անկումը վճռական մոմենտ էր, որին յաջորդող պայմանները միայն արագացնել կարող էին երէկի կազմալուծումը: Պիտի թառամէր մանաւանդ այն իրաւակարգը, որ գերազանցօրէն Արշակունի ծաղիկ էր:

Հինգերորդ եւ վեցերորդ դարերը համարել ենք սեպհական ազատութեան զարգացման շրջան: Մեզ տարելում են, որ երեւոյթն աւելի հին է, քանի որ Փաւստոս յիշում է Մեհրուստան Արծրունու եւ Վահան Մամիկոնեանի սեպհական աները:

Հնութիւնը միշտ հնարուոր է. հասարակական երեւոյթները մի դարնան չեն բուսնում եւ մի աշնան թարշամում: Բայց բերած օրինակը անյաջող է: Փաւստոսի պործը Ե դարից յառաջ չէ. այնուհետեւ դաւաճան իշխանները՝ կրութեան սպարակական ոյժի կարող էին պահանջել եւ այն, ինչ որ օրինական չէր համարւում երկրի սովորութիւնների տեսակէտից: Մասնակի յիշատակութիւնից շատ աւելի կարելու է այն հանդամանքը, որ Փաւստոս տակաւին չգիտէ սեպուհներին որպէս ուրոյն գատ: Նա որ սիրում է շարել՝ «նա-

1 Վրաց կիրան կաթողիկոս Սմբատ Վրկանին ուղղած թղթում անուանում է նրան վասպուրականագոյն, որ սեպհականագոյնի հին ձևն է: Ուխտանէս խորթ է գտել եւ փոխել է «պատուականագոյն»: Գիրք Թգրաց, էջ 170. Ուխտանէս, էջ 97:

իւրարք, մեծամեծք, աւագք, կուսակալք, աշխարհակալք, ազատք, զօրագլուխք, դատաւորք, պետք, իշխանք» (Դ. 3) եւ անգամ սատրապք, ոչ մի անգամ չէ յիշում սրանց շարքին սեպուհք:

Մինչդեռ Փարպեցու մօտ տանուտէրների հետ միշտ հրապարակի վրայ են սեպուհները եւ այնքան ինքնուրոյն են թւում, որ ստորագրում են եւ կնքում քաղաքական դաշինք, ինչպէս երեւում է Վասակի դատից:

Միւս կողմից հաստատապէս գիտենք, որ Արեւմտեան Հայաստանում նախարարական հողերի բաժանում տան այր անդամների մէջ արդէն ընդունուած սովորոյթ էր 2 դարում: Այս մասին ճառում են յատկապէս Յուստինիանոսի նովելները 536 թուից: Պարսկական Հայաստանում նախարարական կարգը աւելի կայուն էր, գուցէ աւելի քիչ վտանգուած, քան Բիւզանդական բաժնում: Սակայն սեպուհների անկախութիւնը փաստ կարելի է համարել 2 դարում նաեւ Պարսկական բաժնի համար:

Եթէ պէտք կայ հասարակական պատմական երեւոյթները դնել ժամանակագրական թելի վրայ, սեպուհական ազատութեան թելը ընկնում է եւ 2 դարերի վրայ: Ասել է թէ այդ միջոցին է, որ սոյն երեւոյթը զարգացել, տիրացել է կեանքին: Այս է ընդհանրացման իմաստը:

Սորենացու ժամանակ սեպուհական պայագատութիւնը շարունակում էր վէճերի եւ հակառակութեանց նիւթ լինել: Իբրեւ ապացոյց, որ Սորենացին քաջ ծանօթ էր քննածս հարցին, եւ ուրեմն նրա ժամանակ սեպուհների անջատումը տիրական երեւոյթ էր, յիշել ենք պատմահօր տեղեկութիւնը Հաչտեանքի եւ Առբերան ու Աղիովիտի Արշակունիների վերաբերեալ: Կարելոր ենք համարել այն, որ հայ պատմիչը հնարաւոր է գտնում հայրենական ստացուածքի բաժանումը տան զաւակների մէջ հաւասար եւ ըստ մարդաթուի:

Արշակունեաց տունը մի մեծ նախարարութիւն է. ինչ որ ընդունուած է նրանց մօտ, կարելի է ասել, հասարակաց է եւ բնորոշ նախարարական միջավայրի: Սորենացու ենթադրած բաժանումը ոչ այլ ինչ է եթէ ոչ սեպուհական իրաւունքի արտայայտութիւն:

Մեր այս մեկնութիւնը պ. Մանանդեան համարում է վիճելի: Ինչո՞ւ. որովհետեւ հողի հաւասար բաժանումը «խիստ արտասովոր է եւ անօրինակ կալուածատէր ազնուական դասի համար», դատում է պ. Մանանդեան:

Պատմահօր խօսքերը սխալ է ըմբռնում պ. Մանանդեան: Այլ և կարծում է որ հողի հաւասար բաժանումը «հա-

մայնական հողատիրութեան որոշ կարգ է», եւ երկար պըտոյաներից յետոյ գտնում է եւ այն միջավայրը, ուր գործում էր այդ կարգը: Դուրս է գալիս որ համայնատիրականները ոստանիկ կոչուած մարդիկ են եղել, եւ սրանց մի մասն էլ այս պատճառով ազնուականների շարքից հանում է եւ դարձնում շինական: Բայց ինչպէ՞ս է եղել, որ պատմահայրը գիւղական սովորոյթը վերագրել է ազնուական, այն էլ թագաւորական, տան:

Սրա պատասխանն էլ է գտել պ. Մանանդեան. Սորենացին որպէս թէ սխալուել է, ոստանիկներին Արշակունեաց սերունդ համարելով:

Մեղադրել մատենագրին նախ քան փորձել պատշաճ եւ բաւարար մեկնութիւն տալ նրա խօսքերին, յանձնարարելի մեթոդ չէ: Մարդաթիւ բառը, որ գայթակղութեան բուն քարն է, երկու կերպ կարելի է հասկանալ, համաձայն մարդ բառի կրկնակի նշանակութեան: Ոչ միայն մեր, այլեւ մեր հարեւան պարսիկ լեզուում, մարդ ասելով հասկացում է սովորաբար այր մարդ. եւ ինչպէս երեւում է այս գոծածութիւնը հնուց է: Ս. Գրքում միայն մի անգամ է պատահում մարդաթիւ բառը իր լայն իմաստով: Բայց նոյն Ս. Գիրքը յաճախ կրկնում է թուոց գրքի առաջին գլխում. «առէք զհամար ամենայն ժողովրդեան որդւոցն Իսրայէլի, ըստ քուոց, ըստ գլխոց» եւ իսկոյն բացատրում է. «ամենայն արու ի քսանամենից եւ ի վեր»:

Քանի որ պ. Մանանդեանը իրաւամբ նկատում է որ Ֆէոդալ ոգուն ընդդէմ է հողի բաժանումը ըստ շնչի, բնական է սոյն գիտութիւնը վերագրել եւ մեր պատմահօր, եւ մարդաթիւ հասկանալ ոչ ըստ շնչի իմաստով, այլ բառի միւս եւ մասնաւոր նշանակութեամբ, ըստ այր մարդկանց թուի:

Ըստ շնչի բաժանումը խոտելի է, որովհետեւ Ֆէոդալ հողատիրութիւնը պարտաւորում է զինուորական ծառայութեան եւ հաշուի առնել կարող էր միայն զէնքի ընդունակ սեռը:

Հաչտեանից եւ Աղիովիտի արքայազն գանգատաւորները, անշուշտ, կանայք չէին, այլ Արշակունի սեպուհները, որոնք միայն իրաւագոր էին հող պահանջելու: Թագաւորը հրամայում է եղած տոհմական հողերը բաժանել գանգատողների մէջ հաւասար:

Ռուսական օրէնքի տրամադրութեամբ մեր գիւղերը

եւս տեղ տեղ սովորութիւն էին արել պարբերաբար վերաբաժանել իրենց հողերը: Այսպիսի գիւղերում, որ անձամբ գիտենք, բաշխումը տեղի էր ունենում ըստ գլխի, որով հասկանում էին միմիայն այր մարդկանց: Քանի գլուխ է այսինչ տունը, կամ քանի գլուխ հող ունի, նշանակում է քանի տղայ անգամ ունի տունը: Երբ ուզում են շունչ հասկանալ, ասում են՝ քանի քերան ուտող ունի:

Այսպիսով հին եւ նոր լեզուն իրաւունք է տալիս պատմաճօր մարդաթիւը հասկանալ իրական իմաստով: Պատմաճայրը սրանով կը մնայ ազատ ամբաստանութիւնից, խախտած չլինելով «կալուածատէր ազնուական դասի» սեզրունքները:

Բնական ուղին թողած՝ պ. Մանանդեան ընկնում է ենթադրութիւնների աշխարհը եւ «կարելի»ների վրայից սահելով հասնում մինչեւ ոստանիկները, որպէսզի նրանց անցնէ, ինչպէս յիշեցինք, «մարդաթուի» մէջ: Նախապէս հերքում է մեր տեսութիւնը ոստանիկ կոչուած ազատների մասին եւ տալիս նորալուր մեկնութիւն եւ ահա ինչպէս:

2. Ոստան եւ Ոստանիկ

Սորենացու օրով ոստանիկ մարդիկ վաղուց իջել անհետացել էին պատմութիւնից: Նա առաջին բանասէրն է, որ հետաքրքրուել է նրանց հարցով եւ կամեցել է որոշել, թէ ինչ էին ոստանիկ կոչուած ազատները:

Քաղաքական եւ հասարակական հաստատութիւնների հայրը, նրա կարծիքով, միշտ նոյն վաղարշակն է, Արշակունեաց թագաւորութեան հիմնադիրը: Նա է, որ կարգել է չորս պաշապան գունդ արքունի դրան Հայկեան թագաւորների զարմից եւ կոչել ոստան: Հետագայում Պարսից թագաւորները կազմել են նման գնդեր եւ դարձեալ անուանել ոստան: Արդեօք հին գնդերը սպանե՞լ էին թէ բռնի ոչնչացուել Պարսիկների ձեռքով պատմաճայրը չգիտէ. պնդում է միայն այն, որ Պարսիկները նրանց տեղը նոր գնդեր են կազմել արքունի անուամբ: Մի ուրիշ առթիւ հաղորդում է, որ Տիգրանակերտի կողմերում եւս ոստան կոչուած ազատութիւն կայ, որ ծագում է Տիգրանուհու սերնդից:

Սորենացին այս խնդրում լոկ հետախոյզ է, եւ նրա ազբւրները յայտնի են, ուստի կարելի է նրան հանգիստ թողնել եւ դիմել անմիջական ակունքին:

Ոստանի եւ ոստանիկ ազատների մասին խօսողներն են Հազար, Եղիշէ եւ Փաւստոս: Համեմատելով սրանց եւ այ-

լուստ յայտնի տեղեկութիւնները, պարզել ենք ոստանի յաջորդական նշանակութիւնները, մերկացնելով նրա ստուգաբանական ծագումը: Ոստան նշանակում է սկզբնապէս շեմ, դուռն, յետոյ արքունիք, ապա արքունի կալուած:

Այս մեկնութիւնը կասկածելի է համարում պ. Մանանդեան եւ ապաւինում է Հիւբշմանին, որի կարծիքը շատ ուելի հիմնաւոր եւ համողիչ է դանում: Գերման հայագէտի բացատրութեամբ ոստան են անուանուել Դ դարում այն երկիրները կամ քաղաքները, որ Արշակունի թագաւորի (կամ թագաւորական տան որեւէ իշխանի) իշխանութեան տակ են դանուել: Հիւբշման ոչ մի ստուգաբանութիւն չէ առաջարկում, այլ տալիս է լոկ ոստանի նկարագրական մեկնութիւնը: Գերման գիտնականի եւ մեր մէջ հակասութիւն չկայ: Նրա մեկնութիւնը լրիւ չէ եւ չէ ընդգրկում այն բոլոր նշանակութիւնները, որ տալիս են մատենագիրները:

Այս բանը քաջ պիտի դիտենար մանաւանդ պ. Մանանդեանը, եթէ իրօք «հաւաքած ունի մատենագրական բոլոր վկայութիւնները ոստանի մասին»:

Ահա Փարպեցին ոստան է անուանում Ապար աշխարհի վրկան քաղաքը, որ Արշակունի կալուած չէ, հարկաւ, եւ անուանում է կրկին անգամ: Վեհ Դեհշապուհը հայ քահանաներին հանում է Նիւշապուհից եւ տանում Ռեւան նահատակելու, հրամայելով, որ հայ չթողնեն քաղաքից դուրս գալ մինչեւ «ցժամանակ մտանելոյ ամենայն զօրացն արքունի յոստան»: Եւ երբ որ թագաւորը մտնում է ըստ կարգելոյ ժամանակին յոստանն ի վրկան, իրաւունք է տրուած Հայերին երթեւեկելու¹:

Միհրան-Գուշասպ վկայի հայրը Բաբայ ostandar էր Մծբնի, ինչպէս երեւում է նրա վկայաբանութիւնից²: Ասել է թէ այստեղ եւս մի ոստան կայ, որի պետը կոչուած է ոստանդար:

Այլեւս ասորի յիշատակարանները ոստան են անուանում Արդն քաղաքը, Աղձնեաց աշխարհի կենդրոնը, եւ նրա շրջանը՝ տուն ոստանի: Այստեղի եպիսկոպոսը ներկայ էր 554 թուի ժողովին³:

Ասել, որ այս վայրերը ոստան էին կոչուած, որովհետև արքունի կալուած էին՝ Արշակունի թէ Սասանեան, դժուար թէ հնարաւոր է:

1 Փարպեցի, էջ 94. հրատ. էջմիածնի.
 2 Hofmann, Syrische Auszüge, p. 93.
 3 Chabot, Synodicon.

Գիտենք նաեւ, որ ոչ միայն Արշակունի թագաւորները, այլ միւս իշխանները իրենց ոստանն ունէին:

Սորենացին Երուանդաշատը Կամսարականների ոստան է կոչում: Ղեւնդի համար Դարոյնքն է ոստան Բագրատունիների: Ռշտունեաց ոստանը կանգուն է ցարդ: Ազամակերտը Արծրունիների ոստան է ըստ Փարպեցու, եւայլն:

Այս բոլորը չեն գետեղւում ոստանի իբր արքունի կալւած նշանակութեան մէջ:

Եթէ ընդունէինք այդ նեղ իմաստը անհասկանալի կը մնար Փաւստոսի ոստան արքունի դարձուածը, որ գործ է ածում Անգեղ տան համար: Արքունի մակդիրը ինքնին վկայում է որ կայ եւ ուրիշ կարգի ոստան, որը արքունի չէ:

Արշակ թագաւորը կոտորում է Կամսարականներին եւ «զգաւառան յոստան ունէր»:

Տարօրինակ թիւրիմացութեամբ պ. Մանանդեան այս, ինչպէս եւ «ոստան արքունի» ասացուածքը, համարում է նպաստաւոր Հիւրճմանի եւ ընդդէմ մեր տեսութեան:

Փաւստոսը Պապի համար ասում է որ եկեղեցու հողը «հատանէր յարքունիս»: Ղազար Փարպեցու մօտ Պարսից թագաւորը հրամայում է կաթողիկոսական տունը «յարքունիս ունել»:

Նոյնանիշ արտայայտութիւններ են, ուր ոստանը համազօր է արքունիքին:

Եթէ ոստանը միայն արքունի կալուած լինէր, պէտք էր ասել «զգաւառան ոստան առնէր» եւ ոչ «յոստան ունէր»: Լեզուական նրբութիւն է որ պէտք չէ անտես առնել:

Անհարթութիւնները վերանում են, գտնելով իրենց լուծումը մեր առաջարկած ստուգաբանութեան մէջ: Նիւթերի բանասիրական քննութիւնը թելադրում է, որ ոստան նշանակում է արքունիք, ապա արքունի կալուած: Իսկ լեզուագիտական որոնումը բերում է այն հետեւանքին, որ սկզբնական նշանակութիւնն է շեմք:

Պ. Մանանդեան յայտնում է, որ մեր ստուգաբանութիւնը ոչ մի հիմք չունի եւ որ մատենագրութեան մէջ չի գտել եւ ոչ մի հետք, որ արդարացնէր մեր մեկնութիւնը: Առանց հիմքի ուրիշ հիմքի դէմ խօսել, անզուշուութիւն է:

Հայ ոստան բառը համարել ենք իրանական փոխառութիւն եւ կարծում ենք, որ նոյնն է, ինչ որ պարսիկ astan, որ ըստ Ջոնսոնի ընտիր բառգրքի նշանակում է. athreshold, aking court, Royal palace:

Ճիշտ այն նշանակութիւնները, որ ունի մեր ոստանը: Պարսիկ astan գրութիւնը, այսինքն, սկզբի a չպիտի շփո-

թեցնէ ընթերցողին: Շիտակ ընթերցումն է ostan: Յայտնի ուստա 'վարպետ' բառը գրւում է պարսկերէն asta եւ astad եւ կարդացւում է osta եւ usta:

Վուլլերս եւս գիտէ astan բառը որպէս locus dormiendi կամ quiescendi, այսինքն ննջելու կամ հանգչելու տեղ եւ համարում է ծագած ust բառից, որ է աղդը, որով ustan իբրեւ 'a supino cubitu derivata': Ստուգաբանութիւնը թէեւ կասկածելի է, բայց կարելոր է այնու, որ astan հանելով ustից հաստատում է նոյն բառի ustan հնչիւնը:

Նոյնը վկայում է մանաւանդ ասորի austn գրութիւնը, որ եւ հիմ է տալիս բառի ստուգաբանական վերլուծման: Հաւանօրէն stana 'տեղ' բառն է սկզբից ածանցուած մի մասնիկով, մի նախդիր, թերեւս au, avi, որ շողկապուելով stana յայտնի բառի հետ, տալիս է նրան 'մուտքի, շեմի, դրան' իմաստ:

Պարսիկ astan բառը ոչ միայն 'սեամ, դուռն' է նշանակում, այլ եւ 'արքայական դուռն': Այս իմաստը եւ գործածութիւնը պահուել է անգամ օսմանեան լեզուի մէջ: Բարձրագոյն դուռը կոչւում էր բարձր ոճով astan կամ astan i saadet եւ նման ծաղկուն մակդիրներով: Այս մասին վկայում են դարձեալ նոյն Ջոնսոնը եւ ուրիշ բառգրքեր:

Ակներեւ է, որ բառս Իրանից է անցել Օսմանեան դուռը: Ասել է թէ ատենով կենդանի խօսք է եղել Իրանում եւ նշանակել է նաեւ, կամ առաւելապէս, արքայական եւ իշխանական արքունիք:

Իրանից անցել է Հայերին ոստան հարազատ հնչիւնով եւ նշանակել է արքունի դուռն:

Պ. Մանանդեան առնուազն անզգոյշ է, երբ յայտարարում է, որ հայ մատենագիրները քրքրելով, հետք անգամ չէ գտել, որ ոստան նշանակէր դուռն:

Մեր այն աշխատութեան մէջ, որ քննադատում է պ. Մանանդեանը, բերել ենք զինուորական կոչուած գահնամակը, հետաքրքրական գործ, հայ զինուորական ոյժերին նայող: Այնտեղ նշանակուած է, թէ որ նախարարական տունը որքան հեծեալ ունէր: Վերջում կարդում ենք. «եւ լինի թիւ մարտիկ արանց որ ընդ ազգաւք յդից հազարաց, թող զսպասաւորս դրանն արքունի որ է ոստանդ, որք ի պատերազմ ելանէին ընդ արքայի, եւ մարդպետական որ է ներքինի պահապան ի վերայ թագուհւոյն եւ դանձուցն. և ընդ ամենայն թիւ զօրացն Հայոց որ է հարիւր եւ քսան հազարաց»:

Ահա մի կարելոր վկայութիւն, որ ոստանն է արքունի դուռն:

Յիշատակարանը սրոշում է Երեք տեսակի զօրք նախարարական, թուով 84 հազար, սպասուորներ դրանն արքունի որ է ուստանդ, որոնք պատերազմ էին ելնում թագաւորի հետ, սակ է թէ արքայական զօրք, եւ վերջապէս մարդակտական կամ թագուհու պահապան զօրք: Թորենացին ծանօթ է եղել այս յիշատակարանին եւ այդ մասին պարագայօրէն խօսած ենք Հայաստանը Յուստինիանոսի դարաշրջանում գործիս մէջ:

Հարկ է նշանակել, որ որ է ուստանդ վերաբերում է նախընթաց դրանն արքունի խօսքերին եւ ոչ թէ սպասուորներին, որոնց նայում է որք ելանէին եւայլն նախադասութիւնը:

Այսպիսով մեր մեկնութիւնը հաստատում է ոչ միայն ստուգաբանօրէն, այլեւ մատենագրական նեցուկով, հակառակ պ. Մանանդեանի յայտարարութեան:

Ուստան բառի տեսակ տեսակ կիրառումները գտնում են իրենց բանալին: Ուստան կարող էր լինել եւ Վրկանում եւ Մծբնում, այլ եւ Խորասանի և Բաղդադի կողմերում — այս մասին եւս կան տեղեկութիւններ —, ինչպէս եւ Հայաստանի ոչ միայն թագաւորական, այլ եւ ամեն մի իշխանական նրստավայր կարող էր ուստան կոչուել: Ասորի austan իրաւամբ Շարօ թարգմանում է residence de la dynastie:

Հասկանալի է դառնում եւ «յոստան ունել» ասացումները որպէս «յարքունիս ունել»:

Վերջապէս, Արշակունիների արքունիքն ու աթոռանիստը, գուցէ եւ կալուածը համարում է ուստան par excellence:

Անցնենք ուստանիկին, որի կապը ուստանի հետ անուրանալի է: Պարսկական ձեւ է, որի հայկականն է ուստանեայ, որ պատահում է Փարպեցու մօտ: Ուստանիկ ասել է նրանք են, որ ծագում են արքունի ուստանից: Բառացի՝ դրանիկ, իսկ իրական բովանդակութիւնը ի՞նչ է:

Փաւստոսին ծանօթ է ուստան, բայց ոչ ուստանիկ: Փարպեցին եւ Եղիշէն են, որ գիտեն եւ յաճախ յիշում են ուստանիկ ազատներին:

Փարպեցու ուստանիկի փոխարէն Եղիշէն ունի ուստանիկ յարքունի տանէ: Կամ առանց ուստանիկի, միայն յարքունի տանէ, երբ խօսքը այրուծիոյ կամ զօրքի մասին է:

Փաւստոսի լռութիւնը պատահական չէ: Հաւանական է, որ ուստանիկ ազատութիւն կամ աւելի ճիշտ ուստանիկ կոչումը որոշ իմաստ է ստանում Արշակունեաց թագի անկումից յետոյ:

Թորհրդաւոր է նաեւ Եղիշէի յաւելումը՝ յարքունի տանէ, որ չէ խուսափել Թորենացու դիտող աչքէց:

Արդարեւ արքունի տունը ընկած էր, ինչո՞ւ պէտք է նրա անունը կրէին որոշ կարգի ազատներ եւ նրանց այրուծին: Պատմահայրը ստիպուած է ենթադրել, որ թերեւս տարբերութիւն կար հին ուստանիկ գնդերի եւ նոր արքունի կոչուածների միջեւ եւ թէ վերջինս գուցէ կազմուած է Պարսից կողմից:

Տիրաւանակերտի ուստան ազատութիւնը, որի մասին խօսում է Թորենացին, արձագանգ է Փաւստոսի ցուցման թէ Անգեղ տունը Արշակունի ուստան էր: Այճնի ուստան կոչումը եւս կարող էր ներշնչել նոյն միտքը:

Ուստանիկ համարել ենք հաւաքական անուն Արշակունիների ժառանգորդների բառի լայն նշանակութեամբ, հաւելելով ոչ միայն Արշակունի սեպուհները այլ եւ արքունիքի եւ թագի բոլոր պաշտօնէութիւնը, նմանապէս եւ այն անձինք, որ ազատութիւն եւ կալուած էին ստացել Արշակունի թագից առանձին ծառայութեան համար եւ սերտօրէն կապուած էին նրան: Սրանք էին պարգեւական կոչուած հոգերի տէրերը: Արշակի դրան 900 բարձ է համարում Փաւստոս: Ճիշտ է, որ Սասանեան Գահնամակը 600 բարձ ունէր, բայց Խոսրով Փարսէզի ժամանակ աւելի քան 3000 այր սպասուոր կար դրան: Սասանեանների պալատական եւ արքունի պաշտօնէութիւնը վայելում էր ազատներին յատուկ արտօնութիւն:

Նոյնը պէտք է ենթադրել եւ Պարթեւեան արքունիքի համար, ուրեմն եւ հայ Արշակունիների: Սպասուորները եւ պաշտօնեաները պիտի կազմէին բուն դրանիկների կամ ուստանիկների դասը:

Արտաշէսի անկումով Արշակունի ցեղը չանհետացաւ միանգամից: Բիւզանդական Հայաստանում փայլուն ներկայացուցիչներ ունէին քաղաքական ասպարէզում տակաւին Չ դարում, ինչպէս Յոհան և Արտաւան Արշակունիք, որ մասնակից էին կայսրութեան դէմ կազմակերպուած ապստամբութեան:

Անտարակոյս պարսկական բաժնում եւս յարատեւեցին նրանց շառաւիղները: Փարպեցին երկու ուստանիկ մարդու անուն է տալիս՝ Չանդաղան յոստանեայ տանէն և Պապ Արտակունեաց, որդի Բարոցի, այր ուստանիկ: Արդեօ՞ք այս Արտակունիք Պապ անունը չեն ժառանգել Արշակունիներից, որպէս հեռաւոր արեւակից կամ մերձաւոր թագին, նման

Ձիւնական, վարաժնունի մանր տների, որ հաստատուած էին Արչակունի հողերի վրայ:

Կամենալով պարզել ոստանիկի բովանդակութիւնը, կարծել ենք որ երեք կարգի մարդիկ, արենակիցներ, պաշտօնեաներ եւ պարզեականներ, կարող էին հաւասարապէս կոչուել ոստանիկ, որպէս ընկած թագի մերձաւորներ այս կամ այն մտքով:

Ռուսաց մօտ ազնուականութիւն նշանակող բառը ծագում է դուռն բառից, dvorianin, dvorianstvo նշանակում է 'դրանիկ, դրանկութիւն':

Ոստանիկների իրաւական դրութիւնը համեմատել ենք սեպուհներին, ասելով, որ նրանք ընկած թագի նկատմամբ նոյնն էին ինչ որ սեպուհները նախարարների հանդէպ:

Այս առթիւ պ. Մանանդեան վերագրում է մեզ այն միտքը, իբրեւ թէ սեպուհ անունը յատուկ ենք համարում միմիայն նախարարական ընտանիքներին, եւ ոչ նաեւ թագաւորական տան եւ նշանակում է անդամ գրքիս էջը 451:

Եթէ բաց անենք այդ էջը, կը տեսնենք, որ պ. Մանանդեան ուշադրութեամբ չէ կարգացել ինչ որ շտապում է հերքելու: Կոչ արած տեղը խօսքս այն մասին է թէ տոհմային կենցաղը երբ փոխանցուած է Ֆէոդալականի, ի՞նչ փոփոխութիւն են կրում տոհմային տերմիւնները: Այն բառերը, որ սկզբում նշանակում էին ընդհանրապէս տոհմի զաւակներ, պահում են սովորական իմաստը, իսկ մի քանիսը, օրինակ սեպուհ դառնում է յատուկ իշխանական տներին:

Այստեղ հակադրում են ոչ թէ իշխանական եւ թագաւորական, այլ իշխանական եւ հասարակ ընտանիքները: Ասել է թէ գիւղացու որդին չի կոչում սեպուհ, այլ իշխանի, եւ ոչ թէ իշխանի որդին սեպուհ է, ինչպէս պ. Մանանդեան է թիւրաբանել, իսկ թագաւորինը չէ սեպուհ:

Իր հերքումներով պ. Մանանդեան ուղիները հարթուած է համարում, որպէսզի վերջապէս աւետէ մեզ իր նոր խօսքը, վիճելի խնդրի վերաբերեալ:

Ոստանիկները, պ. Մանանդեանի կարծիքով, թագաւորական ծագում չունին: Խորենացին սխալուել է նրանց թագաւորազն համարելով: Ոստանը արքունիքի հետ կապ չունի: Ոստան է կոչում արքունի հողը, ուրեմն Եղիշէի 'ոստանիկ յարքունի տանէ' հասկանալու է աշխարհագրական մտքով եւ ոչ տոհմային:

Ասել է թէ ոստանիկները այն մահկանացուներն էին որ ապրում էին թագաւորի հողերի վրայ: Սրանք գործ չունին ո՛չ թագաւորի, ոչ սեպուհների եւ ոչ նախարարների

հետ: Ապա ի՞նչ են: Չէ՞ որ Ֆէոդալական դար էր եւ դին ունէր միայն արիւնը, ազնուականութիւնը, իսկ ազատ դասի մէջ մուտք չէին կարող ունենալ բոլոր այն մարդիկ, որ ոչ թագաւորական են, ոչ նախարար, ոչ սեպուհ:

Փակելով հնարաւորութեան դռները պ. Մանանդեան ուրիշ ելք չէ գտնում քան մի սոսկալի թուիչք անել դէպի հեռաւոր անցեալի մեծութիւնները: Նա, որ այնքան սիրում է մատենագրական տեղեկութիւնները, յանկարծ գիր եւ գիրք մի կողմ է նետում եւ սլանում անգիր դարերի վրայից մինչեւ Հայկեան ժամանակները: Եւ ահա ինչ է բարբառում:

«Ոստանը կամ արքունի երկիրը Հայաստանի տանուտիրական բուն այն շրջանն էր, ուր դիւաւորապէս հաստատուած պիտի լինէր հնդկա-եւրոպական եկուր եւ տիրող ցեղը եւ հիմնած քաղաքական ամենանշանաւոր իր կենդրոնները: Եթէ այդպէս է, չե՞նք կարող արդեօք ենթադրել որ ոստանիկ դասը մեծ մասամբ բաղկացած պիտի լինէր հին այս տիրող ցեղի հատուածներից: Չէ՞ որ Հայկ նահապետը, որի սերունդներից, Խորենացու կարծիքով, ծագել է ոստան ազատութիւնը, ոչ թէ իրօք թագաւոր է եղել, այլ առասպելական մի հսկայ, որը դառել է հայազգի անուանադիր հերոսը եւ նախահայրը»:

Այս բանաստեղծութիւնից յետոյ պ. Մանանդեան միտնգամայն վստահելի է համարում Խորենացու վկայութիւնը, որ Պարսիկները ոչնչացրին հին ռազմիկ դասը եւ նրա տեղ ստեղծեցին հլու արքունի գունդ:

Տեսանք, որ Խորենացու խօսքերը այլ բան չեն, եթէ ոչ բանասէրի փորձ մեկնելու Փարպեցու եւ Եղիշէի տեղեկութիւնները:

Ընթերցողը սակայն սպասում է գիտենալ, ի՞նչ էր այդ ոստանիկ կոչուած ռազմիկ դասը, ինչո՞ւ էր նա ազատ եւ ի՞նչով էր ազատ: Այդքան դիմացկուն քաջարի դասը ի՞նչ պէս է որ նախարարական աթոռներ չէ դրաւել:

Մեր քննադատի ցանկութիւնն է, որ նրանք ազատ լինին, բայց չինական: «Ընդունելով որ ոստանիկ են անուանուել Արչակունեաց բուն երկրի ազատները, որոնցից կադմուած գունդն անուանուել է արքունի կամ յարքունի տունէ, դժբախտաբար, աղբիւրների վկայութիւնից չի որոշուած թէ արդեօք այդ ոստանիկ ազատների դասին չե՞ն պատկանել նաեւ ազատ գիւղացիներ, որոնք կարող էին գոյութիւն ունեցած լինել հին Հայաստանում»: Այս դէպքում «հաւասար եւ ըստ մարդաբուի հողաբաժանումը կարող էր վերաբերուել

ոստանիկներին, եթէ միայն դանուէր մատենագրական աղբիւրների մէջ հաստատուն որեւէ զուցում կամ ակնարկ»:
Թուում է, թէ տարածամ է յիշել մատենագրական աղբիւրներ, երբ բանասէրի միտքն այդքան հետու է զնայել մատենագրութիւնից:

3. Հոդ երդոյ եւ վիճակ

Պ. Մանանդեան կարծում է որ 'հոդ երդոյ եւ վիճակ' տեքնիկ անբմիճներ են:

Ազգաթանգեղոսի ասելով, Տրդատը եկեղեցուն հոդ բաշխեց: Փաւստոս վկայում է որ Պապ Թադաւորը եկեղեցական հոգերի մեծագոյն մասը կտրեց:

Համեմատելով երկու մատենագիրների վկայութիւնը, պ. Մանանդեան գտնում է որ սրանք միմեանցից անկախ են այս կէտում, որ նրանց տեղեկութիւնը հաւասարի է և ստույգ, և որ Ազգաթանգեղոսի վկայութիւնը, որ աւելի լրիւ է, համարելու է նաեւ աւելի ուղիւ:

Ասել, որ երկու մատենագիրները անկախ են միմեանցից, կասկածելի է: Ասել, որ Ազգաթանգեղոսն աւելի ուղղախօս է քան Փաւստոսը, եւս սուսել կասկածելի է: Եւ պնդել, որ նրանց տեղեկութիւնը պէտք է ընդունել իբրեւ ստույգ, միանգամայն անընդունելի է:

Երբ Ազգաթանգեղոս և Փաւստոս բախում են և կանգնած են դատի առաջ, Փաւստոսն է միշտ արդար և Ազգաթանգեղոս ամբաստանեալ և սրբան «ընդարձակ» ճառէ, նոյնքան մեղաւոր է:

Այս կէտում Ազգաթանգեղոսի աղբիւրը և ներշնչող Փաւստոսն է:

Պատմականօրէն անընդունելի է որ Լուսաւորիչ կարեւոր եկեղեցիներ չինել «յամենայն աշխարհս, ի դաւաոս, ի կողմանս, ի քողաքս, յաւանս, ի շէնս, ի գիւղս և յաղարակս»: Լոկ բառեր են, ճարասանութիւն, զուրկ իրական բովանդակութիւնից: Հազար հինգ հարիւր տարի անցնելուց յետոյ էլ Հայաստանում կան գիւղեր, որ եկեղեցի չունին տակաւին:

Բնաւ հաւասարի չի կարելի համարել որ Տրդատ բոլոր եկեղեցիներին չորս չորս հոդ երդոյ տար ազարակներում, և Եօթն Եօթն՝ աւաններում: Հայ եկեղեցու հիմնադիրը առաջին քրիստոնեայ տաճարները կանգնեց հին սրբավայրերի աւերակների վրայ: Բաւական էր, որ նրանց դոյքը հաս-

նէր եկեղեցիներին, և նոր հոգեր տալու պէտք չէր ունենայ բարեպաշտ Թադաւորը:

Այս տեղեկութիւնը Լուսաւորչի կենսագիրը պարտական է Փաւստոսին:

Պապ Թադաւորին սեւացնելու նպատակով, ինչպէս և Երոսէսին գովարանելու, Փաւստոսը դիմում է Տրդատի հեղինակութեան: Պապը «յեւթն հոգոյն գհինգն հատանէր յարքունիս, ասում է Փաւստոս, և գերկուսն միայն թողոյր երկուս հոգս և ըստ հոգոյն թողոյր երկուս երկուս առ դիւզ մի երէց և սարկաւազ և դայն ի սպասու կացուցանէր յիւր ի ծառայութեան զեղբարս և զորդիս երիցանցն և սարկաւազացն»:

Ի՞նչ է այս եօթն կամ հինգն կամ երկու հոգը:

Հայոց լեզուի մէջ հոդաչափութեան յատուկ բառեր կան, ինչպէս արդու, գրիւ, օրավար, լուծ, կորի, որ պատմագիրը կարող էր գործ ածել տարաամ գարձուածքից խոստովելու համար: Հեղինակը գերադասել է անորոշութիւնը:

Ազգաթանգեղոս աւելացնում է «երդոյ» բառը, «չորս հոգս երդոյ», «եօթն հոգս երդոյ»: Արդեօ՞ք այսու վերանում է անորոշութիւնը:

Պ. Մանանդեան կարծում է որ «հոդ երդոյ» յատուկ հոդարածինն է որ արուում էր «երգերին, այսինքն աներին»:

Դժբախտաբար, լեզուական նրբութիւնները սպրտում են արդոյ բանասէրի աչքից: Եթէ նրա յայտնած միտքը ճշմարիտ լինէր և երգ նշանակէր որոշ մակարդակի հոդ, պէտք էր ասել 'երգ հոգոյ', ինչպէս ասում ենք մի տուն հոդ:

Ոչ մի հիմ չկայ կարծելու, որ երգ ունեցել է նման նշանակութիւն: Երգերը հաւասար և որոշակի մեծութիւններ չեն, որ նրանց յատկացրած հոգերը հաւասարամեծ լինեն:

Սակայն, պ. Մանանդեանին մոլորեցրել է այն հանգամանքը որ յունարէն թարգմանութեան մէջ Ազգաթանգեղոսի հոդ երդոյ դարձրած է arouras: Ասել է թէ հոդ երդոյ յատուկ հոդարածինն է հաւասար arouraf: Բայց յոյն արուրա կամ լատին jugerum, որ իրօք հոդաչափ է, մեծ քան չէ եւ անում է մօտ քառօրյ հեկտար, գրեթէ նոյնչափ դեռիապին¹:

Այս հաշուով գիւղական երէցը Տրդատի շնորհիւ պիտի ստանար ոչ աւելի քան մի դեսիապին հոդ, իսկ Պապի կրճա-

1 Հերոդոտ II, 168. յիշում է որտեղ որդէս եղիպոսում ընդունում չափ, հաւասար հարիւր քառակուսի կանգուն տարածութեան: Կանգունը մէկուկէս ոտ է և ոտը՝ 30 սանտիմետր, որեմն հարիւր կանգուն՝ 45 մետր: Եղիպոսու տրջայական կանգուն համարում էր մօտ 50 մետր: Իսկ jugerium, ըստ Պլինի Բնակ. Պատմ. 18.3 մի ուղղանկիւն տարածութիւն է, 240 եւ 120 ոտ կողերով:

տուճից յետոյ մի քառորդ դեսիատին: Մեծ առատաձեռնութիւն չէր բարեպաշտ Տրդատ թագաւորի կողմից, իսկ Պապը, որքան եւ չար, չէր կարող կարծել որ քառորդ հեկտարով կարելի է տուն պահել:

Պէտք է ընդունել հետեւապէս որ հայ թարգմանը գործ է ածել արորա ոչ իբրեւ հողաչափ, այլ բառի բուն իմաստով որ է հող ընդհանրապէս վարած թէ վարելի: Պ. Մանանդեանի մեկնութեան միակ հիմը ընկնում է:

Ազաթանգեղոսը, ինչպէս ասացինք, ներկայ դէպքում կախուած է Փաւստոսից եւ աւելի բան չէ ասում քան իր աղբիւրը:

Փաւստոս ասում է որ Պապը եկեղեցու հողը կրճատեց եւ թողեց ամեն մի գիւղում երկուական հող, երկու հոգի, մի երէց եւ մի սարկաւազ, պահելու համար, որով ամեն մէկին ընկնում է մի հող: Երէց եւ սարկաւազ երկու հոգի չեն, երկու տուն են, երկու երգ: Երկու երգը երկու հող է ստանում Պապից. ստացած հողը, ուրեմն, կարելի է կոչել հող երգոյ: Տրդատը աւելի աստուածապաշտ էր քան Պապը, ուստի նրան Ազաթանգեղոս վերագրում է երկու անգամ աւելի հող քան Փաւստոսը՝ Պապին, որ է «չորս հողս երգոյ»: Իսկ Փաւստոսի «եօթն հող» մեկնում է այն մտքով որ այդ աւանների քահանայութեան բաժինն էր:

Ազաթանգեղոս ոչնչով չի խանգարում Փաւստոսի անորոշութիւնը: Պատասխանատուն մնում է ինքը Փաւստոս: Ի՞նչ է նշանակում այդ անորոշութիւնը:

Պապը ոչ միայն հողն է կարծում, այլ եւ «զայն ի սպասու կացուցանէր յիւր ի ծառայութեան զեղբարս եւ զորդիս երիցանցն եւ սարկաւազացն», այսինքն՝ եղած հողն էր ծանրարեւնում նրանով, որ երէցների եւ սարկաւազների որդիներին 'ծառայութեան' էր առնում: Ծառայութիւն այստեղ նշանակ է հարկատուութեան:

Այս տողերը տանում են մեզ դէպի արտաքին աղբիւր եւ կասկածելի են դարձնում Պապին վերագրուած միջոցները եկեղեցական հողերի դէմ:

Հարկաւոր բացատրութիւնը տալու էինք Փաւստոս որպէս պատմագիր յօդուածի մէջ, որի մի մասը միայն լոյս տեսաւ Պետրոգրադի Christianski Vostok ռուս հանդէսում:

Թէեւ վէճը տերմինի մասին է եւ պատմական հաւաստիութիւնը աննշանակ է այս դէպքում, բայց հարկաւոր ենք համարում մի քանի խօսք ասել:

Յայտնի է, որ Ներսէսի կեանքը այն ձեւով որպէս մտած է Փաւստոսի պատմութեան մէջ կրում է օտար ազդե-

ցութեան հետքեր: Կան գծեր, որ առնուած են Բարսեղ Կեսարացու կեանքից:

Կեսարիոյ եպիսկոպոսը ժամանակակից էր Ներսէսին, տեսել էր նրա մահը եւ անձանօթ չէր հայ իրադարձումներին: Նրա թղթերից մէկը ուղղուած է ոմն կոմս Տերենտի, որ նոյն անձն է, որին յիշում է Փաւստոս եւ որը կայսեր զօրքով եկաւ Հայաստան, նպաստելու Պապ թագաւորին գրաւելու հայկական գահը: Կեսարացին պատկառելի դէմք է եւ մեծ հեղինակութիւն մեր եկեղեցու համար: Առանձին արժէք ունի մեզ այժմ գրաղեցնող հարցի տեսակէտից Բարսեղի մի նամակը, գրուած ոմն Մոզեստի: Կեսարիոյ հայրապետն գրում է, որ եկեղեցու պաշտօնեաները «երէցները եւ սարկաւազները ըստ հին համարագրի արձակուած էին հարկերից, իսկ այժմ նրանց ցուցակ են անց կացնում»: 1

Նամակագիրը յիշում է նաեւ, որ կան քահանաներ, որոնք ազատ են մնացել հարկից, աւելի ճիշտ որոշ արտօնութիւն են վայելում, եւ դանգատուում է, որ այդ արտօնութիւնը թողնում է ժառանգաբար նրանց որդիներին: Հայրապետը գտնում է, որ այս ձեւը անարդար է, որովհետեւ յաճախ որդիները անարժան են վայելելու ժառանգած առանձնաշնորհումը, ուստի առաջարկում է, որ իրեն թողնուի առանձնաշնորհումի բաշխումը եկեղեցականների միջեւ, որպէսզի արժանաւորները ստանան եւ եկեղեցու պետը իրազեկ լինի քահանայութեան դրութեան:

Բարսեղի առաջարկը հասկանալու համար, ինչպէս և արտօնութեան էութիւնը, պէտք է գիտենալ հետեւեալը: Հոովմէական կայսրութեան մէջ Դիոկղետիանոսի օրից հարկահանութեան հիմը կազմում էր jugum, որ նշանակում է բառացի լուծ, եւ իրապէս հողի այն քանակը, որի արդիւնքը բուսական է մի մարդու ապրուստի համար: Հարկային համարադիրը կայանում է նրանում, որ պարզեն եւ գրի առնեն, թէ ով որքան jugum 'լուծ' հող ունի: Ամեն մի լուծի համար պահանջում է որոշ հարկ:

Արտօնութիւնը, որի մասին խօսում է Բարսեղ Կեսարացին, արտայայտուած է նրանով, որ յայտնի չափով jugum զեղչուած է: Եթէ մէկն ունի 20 լուծ հող, արտօնում է տալ հարկ միմիայն դիցուք կէսի համար, ուրեմն տասն լուծը լաշխում է նրան:

Բարսեղի նկատողութիւնից երեւում է, որ կային եկեղեցական պաշտօնեաներ, որ կարողացել էին ձեռք բերել

1 Migne, P. G. 32, col. 509.

առանձնաչնորհում, հետևապէս, շատ հող ունենալով, քիչ հարկ էին վճարում, կամ դուրսէ միանգամայն ազատ էին: Հայրապետը յօժար չէ, որ որդիները եւս օգտուեն հայրերին դիջած արտօնութիւնից: Նա առաջարկում է որ յայտնի թրուով անհարկ jugo իր արամադրութեան տակ դնեն, որպէսզի ինքը եւ իր յաջորդները արժանապէս բաշխեն վաստակաւոր երէցների միջեւ:

Կոստանդին Մեծը, ինչպէս որ ակնարկում է եւ Բարսեղ Կեսարացին, արդարեւ ազատ էր յայտարարել եկեղեցական հողերը հարկերից: Օրէնքը հասած է մեզ: Նրա յաջորդների օրով օրէնքը թուում է թէ փոխուած էր եւ եկեղեցականները դրուած էին հարկատու, adscripti censibus: Բարսեղ Կեսարացու միջնորդութեան հետեանքը, իրական թէ տեսական, այն պիտի լինէր, որ արտօնեալ երէցների եւ սարկաւաղների որդիքը եւ եղբայրները հարկի տակ պիտի ընկնէին: Ճիշտ այն ինչ որ Փաւստոսն է ասում, որ «ղեղբարս եւ զորդիս երիցանցն եւ սարկաւաղացն» ծառայութեան տուաւ: «Նօթի հողի» վերածումը «երկու հողի» կարելի է կոպիլ Բարսեղի ակնարկած jugաներին:

Ասորի դատաստանագրքի մէջ jugum բովանդակում է որպէս հողաչափ 20, 40 եւ 60 jugerum, նայելով հողի յատկութեան, այսինքն 5, 8 եւ 12 հեկտար: Եթէ բնդունենք որ Պապը մի մի jugum է թողել գիւղական երէցներին եւ սարկաւաղաներին, քանակը բաւարար է: Փոքր Հայքում եւ Պոնտոսում 30 jugera էր համարում jugum:

Պապին վերադրուած դործը դժուար է անջատել այն երեւոյթներից, որ մտահոգութիւն էր պատճառում Բարսեղ Կեսարացուն: Արդեօ՞ք կայսրներին հետեւելով Պապը բռնացել էր իրօք եկեղեցականների հողային եւ անձնական գրութեան վրայ, որ անկարելի բան չէ: Նոյնչափ հնարաւոր է որ Բարսեղի կենսագրութեան միւս դժերի հետ այս կէտը եւս անցած լինի Ներսէսին եւ յարէ Պապի անուան: Այս դէպքում ենթադրելու է որ արեւմտեան jugum չէ գտել հայացի արտայայտութիւն եւ փոխարինուել է հող ընդհանուր բառով:

Ամեն պարագային Փաւստոսի վկայութիւնը պէտք ունի ստուգման: Նրանից քամած հող երդոյ չէ բնորոշում իր նախապապափարի էութիւնը: Բնական է, որ չենք կարող հետեւել պ. Մանանդեանի խորհրդածութիւններին, երբ հող երդոյ համարում է ոչ միայն յատուկ հողաբաժին, այլ եւ «հասարակ նշան որ հողատիրական համայնական կարգերը գոյութիւն են ունեցել նաեւ հին Հայաստանում»:

Բայց ինչպէ՞ս հաշտեցնել համայնական հողատիրութիւնը թագաւորի իրաւունքների հետ: Ահա Տրդատը համայնքներից խլում է հող եւ տալիս եկեղեցիների սպասարներին: Նշանակում է, թագաւորը դերազոյն սեպհականութեան իրաւունք ունէր հողերի նկատմամբ: Փոյթ չէ. «համայնքները անտեսապէս ենթարկուած լինելով թագաւորի կամ նախարարների իշխանութեան, կարող էին միաժամանակ պահպանած լինել համայնական հողատիրութեան որոշ կարգեր»:

Նոյն բանասէրն է, որ յարուցանում է այս հարցերը եւ պատասխանում ոլոր մոլոր, եւ յետաձգում, որ ուրիշ անգամ լուծէ բարդ հանգոյցները: Դարձեալ վերադառնում է նոյն 'հող երդոյ' խօսքին, որ նրանից ճմլէ մի նոր ճշմարտութիւն, այն է 'հող երդոյ' հողաբաժինը կոչուում էր իբրեւ թէ վիճակ: Յարզ կարծել էր տալիս որ հող երդոյ հէնց գիւղական յատուկ հողաբաժինն է, այժմ՝ դուրս է գալիս որ յատուկ հողաբաժինն ուրիշ անուն ունի, որ է վիճակ:

'Նախ' հերքում է մեր թուուցիկ մի խօսքը: Մեր ժողովուրդի մէջ առանձին բաւ չկայ տան հողաբաժնի համար: Մովսրաբար ասում են այս ինչի հողը, արար, եւ նման ընդհանուր բառեր: Արդեօք հնո՞ւմն էլ այդպէս է եղել: Աչքի տուած ունենալով Եղիշէի մօտ պարսիկ մարզպանի հրահրը, այն միտքն էինք յայտնել, որ «կեանք, արար, կայուած» բառերը, որ այդտեղ դործ են ածուած ազատների, շինականների եւ եկեղեցականների գոյքի նշանակութեամբ, թերեւս երբևէ յատուկ լինէին գիւղական հողաբաժնի:

Արդեօ՞ք այս դէպքում կարելի է որոշել գիւղական հողի իրաւական բնոյթը: Մի հարց, մի ենթադրութիւն, որն եթէ հետաքրքրութիւն ունի, այդ աւելի հաստատումն է քան հերքումը: Արար, որ դրարարում դոնադան նշանակութիւն ունի, իսկ ժողովրդի բերանում մնացել է միայն «արար աշխարհ» ստացուածքում, հասարակ բառ չէ երևում:

Փաւստոս եւս ասում է որ Արշակի թագաւորութեամբ խաղաղացաւ երկիրը «ժողովեցան ամենայն թագուցեալքն փախուցեալք կորուսեալք երկրին Հայոց... եւ յայնմ հետէ բնակեալք խաղաղութեամբ վայելեալք յիւրաքանչիւր յարարս իւրեանց»:

Չեմ կարծում, որ խօսքը միայն շարժական գոյքի մասին լինի: Մովսրական բառ չէ թուում նոյնպէս կեանք գոյքի իմաստով, իսկ կարուած յար եւ նման է եւրոպական tenureին:

Պ. Մանանդեան երկար ու բարակ վկայութիւններ է բերում, որ այդ բառերը հողի իմաստ չունին, որ կեանք հա-

մապատասխանում է յոյն βίος-ին որ Աւետարանում ապրու-
տի մտքով է գործածուած եւ, հետեւապէս, արհեստական
բառ է: Կարելի է, բայց անհնար չէ նաեւ այն, որ հայերէ-
նում արդէն այդպիսի իմաստ ունեցել է որ յոյն βίος այդ-
պէս են թարգմանել:

Ամեն պարզային կարեւորն այս չէ, այլ այն որ իմ
որոնած բառը, Մանանդեանի կարծիքով, վիճակն է: Եւ
իրբեւ ապացոյց քաղում է Հայկազեան բառգրքից Մխիթար
Գոչի մի խօսքը, երեմիայ մարգարէի մեկնութիւնից. «Վի-
ճակ զանդաստանս սովոր են ասել, եւ մեք սովոր եմք զժո-
ղովուրդս վիճակ կոչել»:

Այս վկայութիւնը «պարզ ցոյց է տալիս որ վիճակ սո-
վորաբար գործ է ածուել անդաստանների, այսինքն՝ արտե-
րի կամ վարելահողի համար», եզրափակում է պ. Մանան-
դեան:

Դժուար թէ կարելի է աւելի դաւաճան օրինակ բերել
քան այս վկայութիւնը, որի իմաստը չէ հասկացել պ. Մա-
նանդեան: Մխիթար Գոչի խօսքը Ս. Գրքի մասին է: Ս. Գիրք
«սովոր են ասել վիճակ զանդաստանս», եւ ոչ թէ Հայերը:
Իսկ մեք, հայերս, «սովոր եմք զժողովուրդս վիճակ կոչել»:

Բոլորովին հակառակ հետեւանք. Հայերը անդաստա-
նին վիճակ չեն ասել:

Սրանով ընկնում են եւ միւս երկու ապացոյցները, որ
քաղած են Ս. Գրքից: Հարկ ենք համարում սակայն կանոգ
առնել նրանցից մէկի վրայ, այն է՝ որ Ս. Գրքում յունական
σχολεῖον բառը հայերէն թարգմանուած է վիճակ: Եւ
որովհետեւ յոյն բառը նշանակում է պարանով չափած հո-
ղամաս, ուրեմն վիճակ եւս հողամաս է:

Նախ՝ ոչ միայն հողամասը, այլ ամեն գոյք կարող է
վիճակ կոչուել, ձեւաւոր ոճով, եթէ վիճակով է ստացուած:
Երկրորդ՝ չի երեւում, որ պ. Մանանդեան ստուգած ինի
Հայկազեան բառգրքի կոչումը: Յոյն բառը իրօք զժուարու-
թեան մէջ է դրել Ս. Գրքի հայ թարգմանիչներին: Տեսակ
տեսակ բառեր են ընտրել միտքը մի կերպ արտայայտելու:
Միայն վիճակ բառը չէ որ տեսնում ենք σχολεῖον ի դէմ,
որ աւելի իմաստն է տալիս քան բառը թարգմանում: Մի տեղ
գործ է ածուում պարանք (II Թագ. Ը. 2), մի տեղ՝ ապաւան-
դակք (Ես. ԾԴ. 3), մի ուրիշ տեղ՝ լարաբաժին (Ամովս. Ի
18, Միք. Բ. 5) եւ վերջապէս վիճակ՝ (Յես. ԺԷ 15, Եղ. ԽԷ
13): Եւ ոչ միայն σχολεῖον αληθοσύνης է թարգմանում վիճակ

ժառանգութեան, այլ եւ կլերոնոմիա առանձին, (Եղ. 47,
18) առանց սխոյնիսմաս բառի:

Ձի երեւում որ վիճակ հող նշանակէր անկախ հրէական
հասկացողութիւնից:

Եթէ արդարեւ վիճակ արմատացած լինէր Հայոց մէջ
որպէս «համայնական-տոհմական հնագոյն շրջանի տերմին»,
թարգմանիչները դռնէ դուռ չէին ընկնի պատշաճաւոր բառ
գտնելու, այլ ամենուրեք կը դնէին վիճակ, նման նահապետ,
նախարար խօսուն բառերի:

Անտեղի է յիշել նաեւ Թովմա Արծրունու խօսքը Արար-
ների մասին թէ «արկանէին վիճակս եւ լարս ձգէին», ապա-
ցուցանելու համար որ լար ու վիճակ ձգելը եղել է հողա-
բաշխի ձեւ նաեւ Հայերիս մօտ:

Միամտութիւն կը լինէր կարծել, որ հրէշաւոր Բուդա-
յին ուղեկցող արարները հողեր գրաւելու ուրիշ միջոց չու-
նէին քան լարով չափել եւ վիճակ ձգել: Թովմայի խօսքը
ոճային սեթեւեթ է եւ ոչ իրական պատկեր, մի ձեւաւոր
ասացուածք, առնուած Ս. Գրքից:

Հարկաւ, այս չէ նշանակում որ լարն ու վիճակը ծանօթ
չէին Հայերին, ինչպէս եւ ծանօթ լինելուց բնաւ չի հետե-
ւում, որ վիճակ տեքնիկ բառ լինի հողային իմաստով:

Մեղմ խօսելով, «վիճակ»ը շատ աւելի վատ վիճակի
մէջ է գտնուում քան ակնարկածս երեք բառերը, որոնց տեղն
ուզում է բռնել: Բայց եւ այնպէս պ. Մանանդեան կարծում
է, որ իր «լեզուական այս նոր դիտողութիւնները» գալիս են
հաստատելու «իր ենթադրութիւնը համայնական հողատի-
րութեան գոյութեան մասին հին Հայաստանում»:

4. Ռամիկ եւ շինական

Գիւղացիութեան դիրքը նախարարական կազմի մէջ
որոշելու համար անհրաժեշտ է պարզել նախապէս երկու կա-
րեւոր տերմին, ռամիկ եւ շինական: Կարեւոր է մանաւանդ
սրանց փոխադարձ յարաբերութիւնը որոշել:

Պ. Մանանդեան կարծում է, որ ռամիկ եւ շինական
նոյնանիշ չեն եւ որ առաջինն աւելի լայն հասկացողութիւն
է եւ բովանդակում է իր մէջ ո՛չ միայն շինականը, այլ եւ
քաղաքացին կամ քաղաքի ազգաբնակչութեան մի մասը: Եւ
պէտք է տեսնում մատենագրական աղբիւրներին դիմել իր
կարծիքը հաստատելու համար: Ոչ միայն Բիւզանդը և Փար-
պեցին են վկայութեան կոչում, այլ անգամ Ժ. դարում ապ-
րող Յովհան կաթողիկոսը:

ինչ վերաբերում է բառի ստուգաբանության, նա յարում է Հիւրըմանի կարծիքին, որ ուամիկ նոյնն է, ինչ որ «երամ», երամակ»: Կոչ է անում նաև ոսկեդարեան թարգմանություններից և ուզում է հաւատացնել, որ ուամիկ այնտեղ համապատասխանում է իբրև թէ յոյն *ὄγρος*, *ὄγροσ* բառերին, որ նշանակում են ամբոխ, խառնիճաղանճ բաղմունիքներ:

Դժուար թէ կարիք կայ նկատելու, որ Հիւրըմանի ստուգաբանությունը և նրա վրայ հիմնուած դատողությունները ոչինչ չեն աւելացնում այն նշանակութեան, որ հետագայում ստացել է ուամիկ բառը:

Յոյն *ὄγρος* խոստան չէ, ինչպէս և հայ ուամիկը: Ս. Գրքերը գործ է ածում ամբոխ համաձայն յոյն *ὄγρος* կամ *ὄγροσ*, և խառնիճաղանճ կամ խառնաճաղանճ՝ յոյն *σύνμακτος*. Ռամիկ պատահում է ոչ յաճախ և միշտ ունի իր գէմ յոյն բնագրում տարբեր բառեր՝ *ἔθνος*, *ὄχλος*, *θέρουσος*, որ նշանակում են «ժողովուրդ»: Մի անգամ ուամիկ համապատասխանում է յոյն *ἐλόχιστος*, որ է «նուստ»: Արժանի է ուշադրութեան որ հակադրում է իշխանի կամ թագաւորի և կամ հեծեալ ոյժերի: «Դատաստան անաչաւ իշխանաց լինի, ուամիկն ներելի սորմութեամբ» (Իմ. 2. 7): «Եւ հեծելագործն վառեալք երկոտասան հազար, թող գայլ ուամիկն ամենայն» (Յուդ. է. 2), երկրորդ անգամ (Յուդ. է. 10): «Արար կոչունս սիրելեաց իւրոց և մեծամեծաց... և ամենայն իշխանաց նախարարացն», և «գարձեալ միւս անգամ եւ կոչել ի հարսանիսն զուամիկ քաղաքակիցս իւր» (Յսթ. Ա. 3-5):

Շինական բառը միայն մի անգամ է պատահում Ս. Գրքում և և այն՝ շինականագոյն խորթ ձևով, որի գէմ յոյն բնագիրն ունի *ἀγροκότερος* (Բ. Մակ. ԺԴ. 30), որ է գեղավարի, գոհնիկ: Թւում է թէ շինականն ոչնչով բարձր չէ ուամիկից: Վահան Մամիկոնեան Վաղարշ թագաւորի առաջ խօսելիս իր հակասակորդների հասցէին ասում է որ նրանք այնպիսի ստոր մարդիկ են, որ «կրտսեր շինականք աշխարհին հայոց հայ գարչէին ուտելը»: Կրտսեր շինական արհամարհական շեշտ ունի, հաւասար գոհնիկի: Պատմիչների գործածությունից մի բան է հետեւում միայն, որ ուամիկ և շինական նա է, որ ազնուական չէ, իսկ ինչ տարբերութիւն կայ երկուսի մէջ, այդ մասին և ոչ մի ակնարկ: Բիւզանդ եւ Եղիշէ աւելի սիրում են գործածել շինական քան ուամիկ, մինչդեռ Փարպեցու մօտ հակառակն է անհնում: Շարագոմի գիւղերում թագնուած ժողովուրդը, որի վրայ յարձակ-

ւեց Հազարաւուր Վահանին հետապնդելիս, Փարպեցին կոչում է ուամիկ: Գուրն քաղաքում եւս նախարարների եւ ազատների կից նա գիտէ ուամիկներ: Այն ինչ Խորենացին պատուիրում է գեղջուկներին «պատուել զքաղաքացիս որպէս զիշխանս»:

Մատենագիրների լեզուն որոշ չէ: Եթէ նրանց շիոթ գործածութիւնից հանենք այն եզրակացութիւնը որ ուամիկը գիւղացին է և երբեմն քաղաքի ստորին խաւերը, ինչպէս խորհում է պ. Մանանդեան, մեծ գանձ ձեռք բերած չենք լինի: Հեռուն գնալ և ուամիկը բանաւոր կենդանիների երամակ համարել, նշանակում է յառաջուց ուրանալ բառի տեղնիկ բնաւորութիւնը:

Ամեն պարագային ուամիկ այն է, որ ազատ դասին չէ պատկանում, այս կէտում համերաշխ են մատենագիրները: Այս հանգամանքն է, որ թելադրել էր մեզ լծորդել ուամիկը Արամէ ազգագրական անուան: Աւելի իրանի քան հայերի կողմից պարտուած ու խոնարհեցրած Արամէ ժողովրդի անունը, կարծում էինք, կարող էր ընդհանրանալ պարթեւ Արամիկ ձեւի տակ և դառնալ նշանակ հլու, խաղաղ ազգայնակութան: Բնոււ չենք յամտում այս մեկնութեան վրայ՝:

Խնդրի լուծումը կախուած է պահլաւերէնից, ուր դեռ յուսալի է, որ մի օր կը յայտնուի ուամիկ բաւը այնպիսի ձևով որ վերջ կը տայ վարանումներին²:

Ամեն պարագային ուամիկ այնպիսի անգոյն հասարակ բառ չենք համարում, ինչպէս Հայկազեան բառգիրքը և նրա հետեւութեամբ Հիւրըման: Պ. Մանանդեան եւս վտարում է ուամիկը նախարարական իրաւակարգի տերմինների շարքից, և կենդրոնացնում իր ուշադրութիւնը շինական բառի վրայ, որն այսպիսով մնում է միակ արտայայտիչը գիւղացիութեան որպէս դասակարգի:

1 Միւսնայ միտքը պաշտպանած կը լինենք, եթէ համեմատենք պարսիկ *aram* կամ *ram* բառի հետ, որ նշանակում է «խաղաղ, հնազանդ, հլու», և արժատակից է յոյն *εργον* որ նոյն խմատն ունի: Չենց որ հնում *rama* բառը կապուած էր նշանակութեամբ:

Հայերէն գոհնիկ անանցում է գոհն բառից որ է «սիրոց»: Վրաց լեզուում նոյն բառերը հնչում են գիւլի «գիւղացի» և գլալա կամ գլալակի «խեղճ, սղորմելի»: Նոյն մտայնութեամբ լատին *rusticus* ծագում է *rus* բառից, որի համաձեւն է գերմ. *Raum*: Եթէ ենթադրենք, որ նոյն արմատը, որ ծանթ է իրանական լեզուներին, յայտնի է եղել նաև գերման անանցով, կը ստանանք *rama* - «գիւղ», որից *ramayaka*, *ramik* «գեղջուկ»:

Այս մի կարգ հնարագորութիւններ, աւելի ընդունելի քան երամ, որպէս ազգիւր ուամիկի:

2 Սողոթական լեզուի մէջ երևում է կառ *rmknik* = *ramakanik* բառը *թնուէ*: նշանակութեամբ որ ուամիկի ուրիշ ձեւն է ուամական. բայց չի լուծում ստուգաբանական կնճիոր: E. Benveniste, *Essai de Grammaire Sogdienne*, p. 95. (ed. 1929).

Շինականը նա է, որ ազատ չէ, եւ ազատը՝ նա որ հարկատու չէ: Այսպէս բնորոշելով շինականի եւ ազատի տարբերութիւնը, պ. Մանանդեան կարծում է, որ շինականների հարկատուութեան համար յատուկ տերմին է եղել, որ է «ի հարկի ծառայութեան»:

Որ շինականները հարկ էին վճարում, այդ գաղտնիք չէ: Բայց որ «ի հարկի ծառայութեան յատուկ եւ առանձին տերմին» է, այդ կասկածելի է: Փաւստոս պատմում է Մուշեղ Մամիկոնեանի զինուորական սխրագործութիւնները, վերագրելով նրան մի շարք երկրների նուաճում: Մուշեղը յարձակում է յաղթում եւ երկիրը կամ բնակիչները «ի հարկի ծառայութեան կացուցանէր»:

Սուքը այս դարձուածքի մասին է, որը մինչեւ այժմ որպէս թէ բաւարար կերպով մեկնուած չէ: Անձնական մեկնութիւնս որ այս դարձուածքը չէ նշանակում հարկ դնել, այլ հնազանդեցնել, ծառայութեան բերել, պ. Մանանդեանը համարում է «միանգամայն անյաջող»:

Զգալով որ յիշեալ դարձուածքը կարող է սխալ ըմբռնուել եւ կարծել տալ թէ «ի հարկի կացուցանել» նշանակում է հարկ դնել, մենք մեր գրքի մէջ ղգուչօրէն ցոյց ենք տուել անգամ այն աղբիւրը, որտեղից առել է Փաւստոս այդ դարձուածքը, ցոյց ենք տուել, որպէսզի թիւրիմացութեան առաջն առնենք: Բայց մեր ջանքը ի զուր է անցել, գոնէ պ. Մանանդեանի համար:

Պէտք է ասել, որ Մուշեղին վերագրուած նուաճումները անարժէք բնաւին են պատմական տեսակէտից: Յովհան կայսրը 363 թուին կնքեց Պարսից Շապուհ թագաւորի հետ ամօթալի կոչուած դաշինքը, լքելով իր դաշնակից Արշակ թագաւորին, որ ընկաւ Շապուհի ձեռքը եւ զոհ գնաց կայսեր դաւաճան բարեկամութեան: Անմիջական հետեւանքն եղաւ Հայաստանի ծայրագաւառների անջատումը, որ մի առ մի թուում է պատմագիրը: Արդ ճիշտ այս գաւառներն են, որոնց վերստին նուաճումը վերագրում է Մուշեղ Մամիկոնեանին: Սա չի համապատասխանում պատմական իրականութեան: Ամօթապարտ դաշինքը սկիզբն եղաւ Արշակունեաց պետութեան քայքայման որ քիչ յետոյ բաժանուեց երկու ոխերիմ թշնամիների մէջ:

Մուշեղին նուիրուած այդ էջերը Փաւստոսի ճարտասանութեան արդիւնք են եւ դովք Մամիկոնեան հերոսին: Մակարայեցոց գիրքն է, որ աղբիւր է ծառայել մեր պատմագրրի ոգեւորութեան: Ոճը եւ բառերը մատնում են նրան: Յուդա Մակարայեցին «հարկանէր», «ի գերութիւն վարէր

զկանայս», պատանդս առնէր, եւ «զմնացորդս» «ի հարկի ծառայութեան կացուցանէր»: Աւելի բան չէ գտնում Փաւստոս ասել Մուշեղի մասին, քան կրկնել այս բառերը գրեթէ միեւնոյն ձեւով ամբողջ 12 գլուխներում, ուր իր հերոսի պատերազմական շահատակութիւններն է նկարագրում: Որ Փաւստոսը գտնուում է Մակարայեցոց ազդեցութեան տակ, ինքը եւս չի թագցնում եւ մի ուրիշ առթիւ յիշում է նրանց «ի նմանութիւն Յուդայ եւ Մադաթեայ Մակարէի անկան ի ճակատ պատերազմի»¹:

Ամբողջ Ս. Գրքի մէջ մի անգամ է միայն պատահում «ի հարկի ծառայութեան կացուցանել» ոճը եւ այդ՝ Բ. Մակարայեցոց 8 գլխում, որտեղից քաղում է Փաւստոս եւ միւս յիշածս բառամթերքը:

Որպէսզի խելահաս լինենք բուն իմաստին, մի միջոց կայ եւ դրական միջոց, դիմել յոյն բնագրին: Արդ հայ դարձուածքի դէմ յոյնը ունի κατὰ δουλώσαντο այսինքն՝ ծառայեցուցին²:

Ասել է թէ խօսքը հարկատուութեան մասին չէ, այլ հնազանդութեան, ծառայութեան բերելու:

Եթէ պ. Մանանդեան փոխանակ Նորայրի հեղինակութեան ապաւինելու, բնար յոյն բնագիրը, կարծում եմ, ձեռնպահ կը մնար մեր մեկնութիւնը անյաջող համարելու արտորանքից: Հարկ հայերէն չի նշանակում միայն 'տուրք', այլ եւ աւելի լայն իմաստով, 'հարկադրանք': «ի հարկի ծառայութեան կացուցանել» նշանակում է «պարտաւորացնել, հարկել ծառայելու», «ի հարկի ծառայութեան կալ», պարտաւորուել ծառայելու:

Նոյն դարձուածք առանց ծառայութեան, այլ լոկ «ի հարկի կացուցանել», «ի հարկի կալ», կամ «հարկիլ» եւս միեւնոյն նշանակութիւնն ունի, որ է ծառայել: «Ոչ եւս կայցեն նոքա ի հարկի օտարաց», կամ «թէ ոչ հարկեցէք արքային» յոյնն ունի միշտ ἐργάζονται, ἐργάζεσθαι³:

Երբեմն հարկ թարգմանուած է յոյն φόρος, որ նշանակում է «տուրք, հարկ»: Ս. Գրքի մասնագէտները սակայն վկայում են, որ յոյն բառը եօթանասնից թարգմանութեան մէջ գործ է ածուում առաւելապէս ծանր աշխատանքի, բեկարի մտքով, համաձայն երբայերէնի mas բառին, մերթ փոխարինուելով ἐργον «գործ, աշխատանք» բառով⁴:

1 Փաւստոս, Գ. ԺԱ:
 2 Ա. Մակար. Ը, 10:
 3 Արմ. Լ, 8 եւ Ի 9:
 4 Vigourout, Dictionnaire de la Bible, II, 1030.

Հայերէն հարկ իր կրկնակի իմաստով լիովին ծածկում է յոյն բարբ: Նշանակալից է՝ «կացոյց զնա ի վերայ հարկաց բեռնակրաց», ուր հարկք է բեկար, corvée: «Արկ արքայ Սոգոմոն մարդահարկ յամենայն իսրայէլ, և էր հարկն երեսուն հարար արանց»: Մարդահարկ նշանակում է բեկարի ենթակայ մարդ: Նոյն միտքն ունի և հարկատուք բարբ որ կարգացում է Մնացորդաց զբքի համապատասխան տեղում, «ամ Սոգոմոն ի հարկատուս»¹:

Ս. Գրքի հետեւութեամբ Ղեւոնդ պատմագիրն ասում է եղիտի մասին. «հասանէր ի քաղաքն Կարնոյ և արկանէր մարդահարկ ի վերայ աշխարհին և հասարեայ գրազմութիւն անթիւ կացուցանէր գործավարս ի վերայ գործոյն և փոյթ յանձին կարեալ շինէր զիւրամատեալ պարիսպ քաղաքին»: «Արկ Սոգոմոնն ընդ հարկօք ծառայութեան»² դարձեալ վերաբերում է ծանր աշխատանքի: Այսպիսով ոչ «ի հարկի» և ոչ «ընդ հարկօք ծառայութեան» դարձուածները չունին այն իմաստը, որ արամազիր է տալ պ. Մանանդեան: Փարպեցու մի վկայութիւնը եւս չէ հաստատում իր տեսութիւնը: Պարսից թագաւորը հրամայում է Արրահամ և Պորէն երէցներին երթալ Ասորեստան, որ այնտեղ «մշակութիւն արասցեն ընդ արքունի մշակսն և ի հարկի կայցեն մինչեւ ցվախճանս իւրեանց»: Թագաւորի պատուէրը կատարում է եւ երկու երէցներն ականջները կարում են և զրկում Ասորեստան «կալ անդ նոցա ի հարկի և անել մշակութիւն»: Պորէնը մեռնում է աքսորում, իսկ Արրահամը տեղացի քրիստոնեաների երաշխաւորութեամբ, «որք գտունս իւրեանց և զարարս փոխանակ ընդ հարկի նորա զրեցին յարքունիս ցվախճանս նորա, և կատարեցին զկարգեալսն անվեհեր յաղազս նորա», արձակում է եւ գալիս Հայաստան:

Պ. Մանանդեանի ըմբռնումով ի հարկի կալ նշանակում է հարկ տալ: Ասել է թէ հայ աքսորական քահանաները ոչ միայն արքունի մշակութիւն պիտի անէին, այլ և պարտաւոր էին հարկ տալ և ահա այդ հարկատուութիւնից նրանց ազատելու համար Ասորեստանի հաւատացեալները զրաւ են դնում կամ երաշխիք առաջարկում իրենց գոյքը:

Սակայն հնարաւոր է արդեօք որ ստժանակիր աշխատանքի դատապարտուած աքսորականները դեռ հարկ էլ տան և ինչ միջոցներից: Փարպեցին աւելի զգաստ է քան խորհում է պ. Մանանդեան: Նա պատմում է, որ աքսորեալ

խեղճ երէցներն ապրուատի միջոց չունէին և նրանց պիտոյքները հոգում էին տեղացի քրիստոնեաները յօժարակամ ընծայաբերութեամբ: Աւրեմն ո՞րտեղից պիտի վճարէին այդ թշուառականները պետական հարկ, և ինչո՞ւ պիտի վճարէին, քանի որ հոգեւորական լինելով չէին պատկանում հարկատու դասին:

Պարզ է որ խօսքը հարկի մասին չէ և չէ կարող լինել: «ի հարկի կալ», տեսանք, որ Ս. Գրքում նշանակում է ծառայել, մարմնաւոր աշխատանք կատարել, կամ ինչպէս պատմագիրն է ասում, «անել մշակութիւն արքունի»: Այս է իսկական իմաստը «ի հարկի կացութեան»: Եղիշէն նոյն պատմութիւնն անելիս ասում է պարզօրէն, «կարեաց զնոցա ունչս և ականջս և եա տանել յԱսորեստան զի կայցեն ի մշակութեան արքունի»: Դարձեալ կրկնում է դահճապետի բերանով. «եղեւ հրաման պատուհասիդ ձերոյ և ի վերայ դորին պատուհասի՝ երթալ ձեզ յԱսորեստան և լինել ձեզ մշակ յարքունիս»: Մի ուրիշ անգամ Եղիշէն նրանց պատիժը կոչում է «արքունի պատուհաս»:

Արտաքին աղբիւրներից յայտնի է, թէ ինչ էր արքունի մշակութիւնը: Այն ինչ որ այժմ կոչւում է հասարակաց կամ հանրօգուտ աշխատանքներ, իսկ մեր ժողովուրդն կոչում է թագաւորական բեկար: Ճանապարհներ շինել և պահպանել, ջրանցքներ բանալ և մաքրել, հեղեղների դէմ ամբարտակներ կանգնել, ուղեւորների համար օթեւաններ, կարուանասարաններ կառուցանել, կամուրջներ ձգել, աշխատել պետական և արքունի շէնքերի վրայ, գուցէ և արքունի կարուածներում, նաեւ հանքեր մշակել, ահա մի շարք աշխատանքներ, որ կատարում էին արքունի կոչուած մշակների ձեռքով: Նրանք իրենց պետերն ունէին, գործի պեկավարները, որ կոչւում էին կարիգպետ, աւելի հին ձեւը լինելու է կարիկպետ: Ճիշտ այն գործավարներն են մարդահարկերի վրայ նշանակուած, որ յիշում է Ղեւոնդ երէցը իր վերեւ յիշածս խօսքերում:

Ահա այն մշակները, որոնց հետ պիտի լծուէին մարմնաւոր տաժանքի նաև մեր երէցները: Պատմագիրը հաւատացնում է որ տեղացի քրիստոնեաներն իրենց երաշխաւորութեամբ ազատ կացուցին Արրահամին ծանր պատուհասից:

Պ. Մանանդեան կարծում է որ «համերաշխիքը այն հարկերի համար էր, որ նրանից ստացուելու էր մինչև նրա վախճանը»: Փարպեցին ուրիշ բան է ասում: Երաշխաւորութեան գլխաւոր կէտը զանց է անում պ. Մանանդեան, որ է

1 Գ. Թագ. ԺԱ, 28 և 6, 13 = Բ. Մնաց. Ը, 8:
 2 Գ. Թագ. Թ. 21:

«Եւ կատարեցին զկարգեալսն անվեհեր յաղագս նորա»։ Քրիստոնեաները, ուրեմն, յանձն են առնում կատարել զկարգեալսն, այսինքն զհրամայեալս ի թագաւորէն, ինչպէս ասում է պատմագիրը սկզբում, այսինքն այն հարկը, մշակութիւնը, որ ծանրանում է աքսորականի վրայ։ Որպէս ապահովութիւն յանձնառութեան նրանք գրաւ են դնում իրենց գոյքը յարքունիս։

Աւելորդ չէ նկատել, որ Եղիշէն չէ յիշում երաշխաւորութեան հանգամանքը, այլ ասում է, որ Աբրահամը 12 տարի Ասորեստան մնալուց յետոյ դարձաւ հայրենիք։ Փարպեցին, ինչպէս եւ Եղիշէն պատմում են, որ Աբրահամն աքսորի ժամանակ երբեմն գնում էր Ապար աշխարհը կապեալ նախարարների տեսութեան, տանելով հետը նիւթական նպաստ այն տուրքերից, որ տալիս էին նրան Ասորեստանի քրիստոնեաները։ Երթեւեկի այս ազատութիւնը ցոյց է տալիս որ աքսորական երէցը շնորհի էր արժանացել քրիստոնեաների երաշխաւորութեամբ թերեւս սկզբից։ Բայց ինչո՞ւ չէր վերադառնում Հայաստան, եթէ ազատ էր արձակուած։ Թւում է որ Ապար աշխարհ այցելելը եւ երաշխաւորութեան խնդիրը պատմական իրողութիւն չեն։ Սոսկ գովասանք, նրա անձնական առաքինութիւնը դրուատելու միջոց։ Աբրահամի արձակումը կապ ունի գերեալ նախարարների դարձի հետ եւ երկուսն էլ հետեւանք են ընդհանուր ներումի, որ տեղի ունեցաւ Պերոզ թագաւորի օրով։

Կասկածս սակայն խնդրին չէ վերաբերում։ Փարպեցու վկայութիւնը ամեն դէպքում պահում է իր արժէքը որպէս հնարաւոր կենցաղական երեւոյթ։ Վիճելի ոճերը, «ի հարկի կացուցանել կամ կալ, ընդ հարկօք կացուցանել կամ կալ», չեն նշանակում հարկատու անել կամ լինել եւ ուրեմն խօսք չի կարող լինել եւ այն մասին, որ նրանք «յատուկ տերմիններ են»։ Իրանց իմաստն է արկանել ի ծառայութիւն եւ կալ ի ծառայութեան։ Հարկ հարկանել, արկանել ընդ հարկաւ, դնել ընդ հարկաւ, դնել հարկ, տալ հարկ, սրանք են հարկ նշանակող դարձուածները։

5. Ծառայութիւն, ստրկութիւն եւ ֆորտութիւն

Մի կողմ թողած լեզուական խնդիրը, ոչ ոք կարէ ժըխտել, որ գիւղացին հարկ էր տալիս եւ կամ նա կարող էր ծառայ կոչուել իր տիրոջ նկատմամբ, որպէս իշխանը ծառայ է թագաւորի հանդէպ։ Այլ բան է, եթէ ծառայ իրօք տեքնիկ բառ լինէր նախարարական իրաւակարգում համազօր servus։

Այս աւելի արժէք կ'ունենար քան այն մատենագրական ցուցումները, որ բերում է պ. Մանանդեան ապացուցանելու հայ գիւղացիութեան ճորտանման վիճակը։ Տեսական արդելք չկայ։ Ֆէոդալականութիւնը բերում է իր ետեւից servage որպէս բնական ստուեր։ Հայ նախարարական կարգը եւս ունենալու էր համապատասխան ստուերը, մի ենթադրութիւն, որ պէտք ունի հաստատութեան, բայց որի համար պատմութիւնը զլանում է փաստեր տալ։

Ինչ ինչ վկայութիւններ, որ բերել եմ գրքումս որպէս նպաստ սեպուհական իրաւունքի լուսաբանութեան, պ. Մանանդեան ուզում է օգտագործել ուրիշ նպատակով։ Դուինի ժողովը 641 թ. տրտունջ է յայտնում թէ «յորժամ ազատք զիւրեանց գերդ և զվարդ բաժանեն, յոյովք չարակնութեամբ առնեն, զժառանգաւորս եկեղեցւոյ ջանան ի ծառայութիւն և ի ստրկութիւն արկանել»։ Եղիշէն պատմում է որ Աղուանից թագաւորը «հաճեցաւ զսեպհական առնուլ բաժին իւր, զոր ի հօրէն առեալ էր հազար երդ»։ Այս վկայութիւնը պ. Մանանդեան վերագրում է Մովսէս Կաղանկատուացուն, մինչդեռ աղբիւրը Եղիշէն է, որտեղից քաղում է Կաղանկատուացին։ «Երդերի և մարդկանց» բաժանումը, նրա կարծիքով ակնարկ է, որ գիւղացիները համարում էին ազատների «յատուկ գոյքը» եւ ուրեմն գտնում էին ճորտանման վիճակում։

Այս ևս ճիշտ չէ։ Երդ և մարդ նոյնն է ինչ որ երդ, տուն։ Ինչպէս որ բաժանում էին գիւղեր, ազարակներ, կարող էին բաժանուել եւ գիւղի տները, երդերը։ Բաժանումը ոչինչ չի ասում անձնական կապի մասին, որը միայն կարող է բնորոշել ճորտանման վիճակը։ Ինչ վերաբերում է ազատների չարակնութեան, որով եկեղեցու ժառանգաւորներին աշխատում էին ծառայութեան եւ ստրկութեան մէջ ձգել, պէտք ունի տակաւին ստուգութեան։ Եկեղեցու ազատութեան մասին ճառերը յաճախ չափազանցութիւններ են, որ պէտք է ընդունել զգուշութեամբ։ Եղիշէն եւս դանդաղում է, որ Յաղկերտը «զազատութիւն եկեղեցւոյն արկանէր ի ծառայութիւն» եւ «միայնակեաց քրիստոնեայք որ բնակեալ էին ի վանորայս, ընդ աշխարհագրաւ էարկ»։ Նոյն հեղինակը միանձանց ճառի մէջ ասում է. «ազատ եկեղեցի անկաւ ի ծառայութիւն հեթանոսաց եւ սուրբ քահանայք նորա կոփին չարչարին յանօրէն հարկահանաց»։

Սակայն, Բիւզանդիայում անգամ բարեպաշտ կայսրների հովանաւորութեան տակ, եկեղեցին բացարձակ ազատութիւն չէր վայելում։ Եկեղեցին իր հողերի համար հարկ էր

վճարում: Հարկ էին վճարում նաև մենակեացները, որի դեմ բողոքում է Բարսեղ Կեսարացին, համարելով անարդար¹: Այլ և 409 թուին հրատարակուած մի օրէնք, որ մտել է Յուստինիանոսի Օրինագրքի մէջ, ստում է որ զիւղացին քահանայ ձեռնադրուել կարող է միայն այն պայմանով, որ շարունակ վճարել իր հարկը կամ գանձ մի փոխանորդ որ մշակէ հողը նրա տեղ: Այս բանի համար պատասխանատու էր նրա տէրը²:

Եթէ ստուածապաշտ Թէոդոր կայսրը, որի յիշատակը սօսում է եկեղեցին, կարող էր այսպիսի հրահանգ տալ, աւելի բան չէ կարելի սպասել շարագործ Յազկերտից: Հարկաւ կայսերական օրէնքը խստութեամբ չէր դործադրում: Ինչպէս ամեն օրէնք, նա ևս գիտէր բացատրութիւններ: Կային աստնձնապէս արտօնուած կղերականներ, որոնք կամ թեթեւ հարկ էին վճարում, կամ խոզաւ սպաս էին արձակուած:

Եթէ Թէոդոսի օրէնքի արամադրութեամբ մօտենանք այն երեսոյթին, որ պատապարտում է Դուինի ժողովրդ, թերևս գանձնք որ ազատների «չարակնութիւնը» որոշ իրաւական հիմ ունէր: Արդարև, ահա իշխանական զիւղացին քահանայ է ձեռնադրուած և հրաժարուած է իրեն հասանելիք հարկը վճարել այն հիմամբ, որ կան հին քահանայական տներ, ազատ հարկատուութիւնից: Իշխանը իրաւունք ունէր ժխտել քահանայի յաւակնութիւնը և նրանից ստիւրական հարկը պահանջել: Հարկատու վիճակը ծառայական է անշուշտ և Դուինի ժողովականները կարող էին սակ «արկտնել ի ծառայութիւն», բայց ոչ «ի սարկութիւն»: Իշխանական զիւղացին ամենավատթար դէպքում servus է և ոչ sclavus, որոնք սարբեր հասկացողութիւններ են: Սարկութիւն բարձր ժողովականների բերանում այլ բան չէ եթէ ոչ հակասակորդի անկէլոս շախաղանցութիւն: Ամեն պարագային եկեղեցու ազատութիւնը կարօտ է ստուգման աւելի անաշտ ազդեւորների հիմամբ քան ևն եկեղեցականների վկայութիւնները:

Կասկածելի է նաև պ. Մանանդեանի գիտողութիւնը Ղազար Փարպեցու մասին նոյն ճորտութեան խնդրի առթիւ: Վահան Մամիկոնեանին դրած թղթի մէջ Փարպեցին ստում է որ ինքը հասարակ ամն չէ և ոչ էլ «ծառայութեք, քանզի պարեղօտաւորը ազատեալ են ի Քրիստոս. իսկ որ զատոյցն

զիս պարեղօտաւք ի ծառայութենէ աշխարհիս և աղատութեան եղև մեց սարթ, տէր Ազան, քս տևան քեռի էր»:

Պ. Մանանդեան ուզում է հասկանալ «ազատութիւնն» աշխարհային իմաստով, այսինքն Փարպեցին զիւղացի տղայ էր և հարկատու, և Ազան Արծրունու շնորհիւ ազատում է հարկատուութիւնից, անցնելով կրօնաւորների դասը: Սակայն, այս բացատրութիւնը չի պարզում թէ Ազան ի՞նչ իրաւունքով պիտի Ղազարին հանէր հարկատու վիճակից: Փարպի զիւղը Արծրունիների սեփականութիւն չէր, որ Ազան Արծրունին դործէր որպէս տէր հանդէպ իր ծառայի: Ես ստիւրական մենակեաց էր, որ սակաւին «ի տիս տղայութեան» քաշուել էր աշխարհի անցաւոր վաշխքներին «յանապատ» և ճգնողական խստամբեր կեանք էր վարում, զիչեր ցերեկ անզաղար սպօթելով: Եկեղեցական վարչութեան մէջ դեր չունէր և ոչ էլ հարկաւոր աստիճանը, որ կարծել տար թէ նրա միջնորդութիւնը Ղազարի համար եկեղեցու անունով էր:

Մութ է մնում դարձեալ թէ ի՞նչ գործ ունի Ղազարը Մամիկոնեան ընտանիքում, որ տեսնում ենք նրան մանուկ հասակից, «սննդակից և խոզակից» Մամիկոնեան սրբարների, Վահանի, Վասակի, Արաաչէսի և Վարդի: Ինչո՞ւ պէտք է Զուիկ և Անուշիւամ, Արծրունի քոյրեր, մէկը Մամիկոնեան, միւսը՝ մեծ ըզեչիսի տիկին այնքան մայրական խնամք սածէին մի գեղջուկ տղայի:

Նոր մեկնութիւնը նոր գծաւարտութիւններ է յարուցանում: Հուանականն այն է, որ խօսքը աշխարհային ազատութեան մասին չէ, այլ հոգևոր: Կրօնաւորի ուրեմն և Ղազարի աչքում, բոլոր աշխարհականները ծառայ են, ազատ թէ գեղջուկ: Իսկական աղատար նա է, որ «ազատեալ է ի Քրիստոս», փրկուած է «ի ծառայութենէ աշխարհիս»: Այդ ազատութիւնն երաշխաւորում է պարեղօտը, հոգևոր կուցումը: Ազան, որի մօտ «սնեալ և ուտեալ է» Ղազարը, սայով նրան և պարեղօտ, գաւնում է «ազատութեան սարթ»: Այսպիսով թեթեւացրած կը լինի Ղազարի վիճակը: Աշխարհից փրկելը աւելի գիւրին է քան «ճորտութիւնից»:

Դժուար թէ կարելի է ողջունել Սորենացու «փախչողք ի ժառանգութենէ» խօսքի նորայուր մեկնութիւնը: Ժառանգութիւն իբրև թէ շինականների հողաբաժինն է այնպիսի ծանր պայմանների ներքոյ, որ նրանք չէին ուզում մշակել և դերացաւում էին փախչելով ազատուել աշխատանքից: Նախ մեր պատմահայրը շինականների մասին չէ խօսում, այլ ժողովրդականների, որոնց անուանում է «վէսք, ստահակք, մեծախօսք, անվաստակք, արբեցողք, վնասակարք»:

1 Migne, P. G. 32. col. 1019. A. Piganiol, L'impôt de capitation sous le Bas-Empire, p. 60.
2 C. J. I. 3, 16. Piganiol, p. 61.

Եթէ ոչ վերջին երեք ածականները գոնէ առաջին երեքը ոչ մի կերպ չեն յարմարում ճնշուած ճորտերին: Խորենացու ողբը որպէս մի քերթուած վատ աղբիւր է պատմութեան, եթէ է: Վարդապետներին, կրօնաւորներին, վիճակաւորներին, աշակերտներին, ժողովականներին, զօրականներին, իշխաններին եւ դատաւորներին վերադրած Ադամայ եօթ մեղքերը նոյնչափ ստույգ են որքան «տարերց փոփոխել զքնութիւնս իւրեանց»: Եթէ մի բան կայ, որ վերաբերում է հայ կեանքին այդ է «յօտարութիւն վտարումն ազատաց եւ անթիւ նեղութիւնք ռամկաց»:

Այս սողի հեղինակը չի կարող ամբաստանել որ ռամիկը փախչում է իր հողից: Աւելի բնական է ըմբռնել ժառանգութիւնը սովորական իմաստով, այսինքն որ «ժողովրդականք վէսք, ստահակք» փախչում էին հողեւոր կոչումից, չէին ուզում եկեղեցուն ծառայել:

Պ. Մանանդեանի առարկութիւնը թէ եկեղեցականութիւնը արտօնեալ վիճակ է, ուստի անհեթեթ կը լինի կարծել որ նրանից խուսափում էր ժողովուրդը, անարժէք է: Արտօնութեան կից կայ եւ ծանր պատասխանատուութիւն եւ պահանջ: Ահա Պապ եւ Աթանազենէս թողնում են «հողեւոր պատիւը», մերժելով «գանձինս իւրեանց ի ժառանգութեան Աստուծոյ»: Ողբի իմաստն հէնց այն է որ մարդիկ այնքան փչացել են, որ հրաժարուում են անգամ հողեւոր բարձր կոչումից: Ճարտասանութիւն կամ դառնութիւն յցուած սրտի:

Պ. Մանանդեանի փաստերն այնքան փխրուն են որ ոչինչ չեն աւելացնում այն լոկ տեսական թելադրութեան թէ հաւանական է որ Հայաստանում եւս ճորտանման վիճակ եղած լինի: Նա կարծում է որ ճորտութիւնը համատարած երեւոյթ չէ եղել, ոչ էլ ամեն տեղ միակերպ եւ նոյնանման, այլ որ գանազան վայրեր ունեցել են իրենց առանձնայատկութիւնները: Պատրաստ է անգամ թոյլ տալ ոտ ճորտերի կից կարող էին լինել եւ ազատ դիւղագիտութեան մնացորդներ: Առանձնայատկութիւնների գոյութիւնն ապացուցանելու համար վկայութեան է կոչում Խորենացին: «Գիւղից եւ գաւառաց եւս եւ իւրաքանչիւր տանց առանձնականութեանց եւ հանուրց հակառակութեանց եւ դաշանց ոյժմ առ մեզ գտանին անբաւ գրուցաց մատեանք, մանաւանդ որ ի սեպհական ազատութեան պայազատութիւն»¹: Որոնելի առանձնայատկութիւնները պ. Մանանդեան գտնում է ընդգծած առանձնականութեանց մէջ:

Սակայն պ. Մանանդեան հաշիւ չէ տալիս իր մեկնու-

1 Մ. Խորենացի (Վենետիկ), Ա. Գ., էջ 7:

թեան հետեւանքի մասին: Յիրաւի, գիւղեր, գաւառներ եւ տներ ինչու պիտի վէճի բռնուէին իրենց առանձնայատկութիւնների առթիւ: Առանձնայատկութիւնն ասածդ բնական խորոց է, մի տեսակ noli me tangere, որ ընդհարման առիթ չունի: Պատմիչին երկու կերպ հասկանալ կարելի է: Կամ գիւղեր, գաւառներ եւ մասնաւոր տներ առանձին առանձին, մէկը միւսի հետ եւ բոլորը միասին միմեանց դէմ հակառակութիւններ ունէին, եւ կամ ի նկատի ունենալով կոչումի վերջին մասը, պիտի կարծել որ առանձնականութիւնք այն վէճերն են որ ծագում են սեպուհական իրաւունքի չուրջը բնտանիքից բաժանուել, առանձնական դառնալ, ցանկացողների միջեւ: Առանձնայատկութեանց մասին այստեղ խօսք լինել չի կարող, որովհետեւ անիմաստ է:

Պէտք է խոստովանել, որ պ. Մանանդեանն ոչինչ չէ կորցնում, եթէ անգամ հրաժարուի իր մեկնութիւնից: Առանձնայատկութիւնները դուրս է գալիս որ «չեն բացատում ճորտանման վիճակը, որ միեւնոյն բնութիւն պիտի ունենար Հայաստանի բոլոր չրջաններում»: Ասել է թէ յայտարարուած առանձնայատկութիւնները այլ բան չեն քան նոյն ճորտական արտի խոտեր:

Յօդուածագիրը բացատրում է վերջապէս թէ ինչ է հասկանում ճորտութիւնն ասելով: Նա գտնում է իրաւամբ որ «ճորտ, ճորտութիւն բառերը բաւականին ճապաղ եւ խառնաչիտթ գաղափարներ են»: Փորձում է սլարգել: Դուրս է գալիս որ առանձին չիտթ չկայ, որ երկու տեսակ ճորտ է եղել, համաձայն երկու տարբեր տնտեսութեան, որ մի գերման գիտնական եւ նրա հետեւութեամբ մի ռուս անուանում են Grund եւ Gutsherschaft: Լսում ենք նաեւ, որ Հայաստանում առաջին տեսակի տնտեսութիւնը պիտի եղած լինի, այսինքն, որ նախարարները սեփական տնտեսութիւն չունէին, այլ ապրում էին ստացած հարկերով: Հետեւում է ապացոյց, քաղած Բիւզանդից, դժբախտաբար անյաջող: Ներսէսը պատուիրում է թագաւորին, մեծամեծներին եւ «ամենեցուն որ ոք ի վերայ ընկերին ունիցին իշխանութիւն, գութ ունելով ընդ իւրեանց ծառայս եւ ընդ կրտսերս եւ ընդ աշակերտս, սիրել իբրեւ զքնտանիս եւ մի՛ անարժանս եւ աւելի տարապայամանս հարկօք նեղել քան զչափն, յուչ առնելով զի եւ նոցա տէր գոյ յերկինս»:

Կարծում ենք որ այստեղ խօսքը հարկերի մասին չէ ընաւ եւ ոչ էլ նախարարների: Պատուէրն ուղղուած է բոլոր նրանց ով ստորագրեալ ունի առհասարակ, ինչպէս տէրը որ ծառայ ունի, մեծը որ կրտսեր ունի, ուսուցիչը որ աշակերտ

ունի: Սրանց ստատուած է որ աւելորդ նեղութիւն չտան, աւելորդ բանութիւն չդործադրեն և մեղմ վարուին փոքրաւորների հետ: Հարկք աշխակ սուրբի իմաստ չունի:

Հարկու անյաջող ապացոյցը դեռ ապացոյց չէ հակուսակ գրութեան, որ նախարարները հարկ չէին ստանում, ինչպէս եւ հարկ ստանալը ինքնին դեռ չի նշանակում որ սեփական անասութիւն չունէին: Երկու տեսակ անասութիւնն իրար բացասող երեւոյթներ չեն, այլ կարող են կենսակցել բարի հարեւանութեամբ:

Գերման գիտնականից պ. Մանանդեան լսում է, որ խկական ճորտութեան աղբիւրը հէնց սեփական խոշոր տընտեսութիւնն է, ուստի նրան հաճելի է որ մեր նախարարները միմիայն հարկատու գիւղեր ունենան եւ ոչ սեփական անասութիւն, որպէսզի կարելի լինի յանդէլ միթարական եզրակացութեան, որ «հին Հայաստանի շինականներին պէտք չէ համարել իրաւագործ կամ ճորտ այլ բանի լրիւ իմաստով»: Իրաւական մեղմ գրութեան պատճառն այն է, նրա կարծիքով, որ «խոշոր տեսուերը եւ տեսարական կապիտալը Հայաստանում չէին կառարում ստանձին մեծ գերգիւղամանտեսութեան նկատմամբ»:

Օտարտի միտք: Որքան յայտնի է, տեսուերը եւ իր կապիտալը ջրկիրներ չեն Ֆէոդալական ծառի համար: Ընդհակառակը նրանց բացակայութեամբ է, որ հողը եւ կալուածատիրութիւնը ստանում է կապիտալի սյգ եւ նշանակութիւն:

Կամենարով մօտէն որոշել շինական դասի վիճակը, պ. Մանանդեան գիմում է կանոնադրքին, մասնատրապէս Շահալիփանի ժողովի կարծեցեալ կանոններին և տեսնում է որ շինականներն իրաւունք են սենեցել զոյք սենեալ և ամուսնանալ ստանց կալուածատիրոջ հաճութիւնն ստնելու: Այսպէս խնդիրը բուսականին պարզուած համարելով, կրնքում է իր յօդուածը լուստես յայտարարութեամբ որ շինականների գրութիւնը «այնքան էլ մութ ու անորոշ չէ, ինչպէս մինչև սյգմ կարծուել է»:

6. Ղեկավար տեսութիւններ

Բարեկամական ուշադրութեամբ հետեւելով քայլ առ քայլ Յ. Մանանդեանի հետազոտութեան, տարարարութար, չեմ կարող յարել նրա յայտարարութեան: Չեմ տեսնում իրօք լուսաբեր չող, որ բնդհանուր տեսութիւնների վրայից անցնելով գար մտնէր շինական երգիկից ներս եւ լուսաւորէր նրա մթութիւնը: Մատենագրական նոր եւ փոքր ի

չառէ արժէքաւոր նիւթեր չկան սեղանի վրայ: Կան յայտնի նիւթերի օտարտի մեկնութիւններ: Մատենագրական ցուցումները պահանջում են գգուչաւոր վերարերում: Նրանց արժէքը մերկացնելու համար բուսական չէ սովորական համեմատութիւնը, հարկաւոր է ստաջնորդող լուսաւոր:

Հայ մատենագրութիւնը որքան եւ ծեր, աւելի մանուկ է քան նախարարական կարգի հիմնական հիւսուածքը: Նրա վրայ նստած է Արչակունի կնիք: Արեւելքում Ֆէոդալականութիւնը նոյնքան հին է որքան նրա պատմութիւնը: Բայց այն Ֆէոդալ կարգը, որ տեսնում ենք Հայաստանում, գլխատրապէս Արչակունի գործ է: Արչակունիների անկումից յետոյ բնական է որ նրանց ստեղծած ևւ հովանուորած իրաւակարգը սկսուէր եղծուել, քայքայուել: Երբ հայ գիրը երեւան եկաւ, նախարարական չէնքը արդէն փլուած էր հապէս: Չի կարելի ասել որ անգամ անդրանիկ հայ պատմական գործերը փայլում են նախարարական նիստ ու կացի գիտութեամբ: Լուսագոյն պատմիչը, Բիւզանդ, կամ ժրտա է կամ շատ տեղեակ չէ: Արչակի շինարարութեան մասին խօսելիս պատահ տալիթ էր պարզելու այն կարգերը, որանց վերականգնումը յատկացնում է Արչակին: Մակայն, աւելի բան չի գտնում ասելու քան այն, որ սպարապետութիւնը որում է Մամիկանեաններին, հազարապետութիւնը Կնունի տան, որ շատ գործակալներ կային ևւ որ բարձերի թիւր հասնում էր ինն հարիւրի:

Հայ անդրանիկ պատմական գործերում խրատական միտումները բուսականին միտպնում են իրականութիւնը ևւ ճոտմարան յեղուն յաճախ խեղդում է սրարդ ևւ շիտակ խօսքը: Պատմական կարեւոր տերմինները կորցնում են իրենց անհատականութիւնը ճարտասանական խտանաչիութի մէջ: Կանգնել նրանց երբեմնեան ուրոյնութիւնը, որոշել նրանց տեղը հասարակական կաղմի մէջ գժուար խնդիր է: Մատենագրական համեմատութիւնները բուսարար միջոց չեն դրական արդիւնքի յանդէլու: Հարկաւոր է որիւզ օժանդակ մեթոդ, ստաջնորդող տեսական հայեացք:

Անշուշտ պ. Մանանդեան ունի տեսական հայեացք, մշակուած գերման գիտնական Կնապպի հետեւողութեամբ: Մեկ թում է որ վերջնի տեսութիւնը միակողմանի է: Պէտք է հաշուի տունել նուե ֆրանսական գիտունի՝ Պիգանիոլի՝ տեսակէտը թէ servageի ծագումը որոնել պէտք է ոչ թէ անտեսութեան եղանակի մէջ, այլ վերադրել մանուսանդ հարկահանութեան յատուկ սիստեմի:

1 A. Piganiol, L'impôt de capitation sous le Bas-Empire, p. 61.

Թերի է նաեւ պ. Մանանդեանի դիրքը շինականութեան խնդրում, քանի որ երակէս ունի միայն հարկատուութիւնը եւ անտես է առնում միանգամայն հողային սեփականութեան սկզբունքը:

Կոստանդին Մեծի ժամանակից — հետուն չգնանք — կայսերական օրէնքը զանազանում էր երկու տեսակ հողային սեփականութիւն, territoria եւ possessiones, այն է պետական հող եւ կալուածական: Ըստ հողի զանազանում էին եւ գիւղացիք:

Տերիտորիայի վրայ ապրում էր ազատ գիւղացիութիւնը, որ կոչւում էր plebeus, իսկ կալուածական հողերի գիւղացին կոչւում էր colonus: Պէրէ գիւղացին սեփականատէր էր իր հողամասի եւ վայելում էր սեփականութեան իրաւունքները լիովին: Իր հողային սահմանեալ հարկը հատուցանում էր անմիջապէս պետութեան: Կոլոնը, ընդհակառակը, տէր չէր իր հողի, սեփականութեան իրաւունքը պատկանում էր կալուածատիրոջ, ինքը գիւղացին միայն tenancier, 'կալող կամ հողակալ' էր, եւ հողամասի համար հարկ էր վճարում ոչ միայն պետութեան, այլ եւ առանձին հողավարձ կամ կապալադին էր տալիս կալուածատիրոջ, որ կոչւում էր սովորաբար canon: Կալուածական հողերի սեփականատէրերն էին նախ արքայական տունը, յետոյ եկեղեցին, եւ վերջապէս մասնաւոր անձինք:

Կոլոնները անկախ իրենց հողային տէրերից բաժանուած էին երկու կարգի: Պ. Մանանդեան կամ իր առաջնորդ գերման դիտնականը կարծում է, որ բաժանումը բխում է տնտեսական երկու տարբեր սիստեմներից: Առաջինը իբրեւ թէ հողատիրական է, երբ կալուածատէրը ստանում է միայն հարկեր, երկրորդը հողատնտեսական, երբ կալուածատէրը ինքն է մշակում հողը, բոնի աշխատել տալով գիւղացիներին, որտեղից իբրեւ թէ սկիզբն է առնում ճորտութիւնը:

Այս հայեացքը լոկ տեսական կերտուած է: Պատմական իրականութիւնը կոլոնների զանազանութիւնն այլ կերպ է ներկայացնում: Կայ երկու տեսակ կոլոն, մինն է originalis, 'տեղական', միւսը՝ inquilinus 'եկաբնակ'. առաջինը հաստատուած է մշտապէս եւ ժառանգաբար հողի վրայ, երկրորդը մշակում է հողը լոկ ժամանակաւորապէս: Առաջինը մուծուած է հարկային ցուցակի մէջ adscripti censibus է, և պարտաւոր է վճարել պետական հարկ, բացի կալուածատիրոջ հասանելի հողագինից: Երկրորդը չէ ցուցակագրուած եւ հարկ չէ վճարում պետութեան, այլ որպէս ազատ ձեռք իր

հողային աշխատանքի համար ստանում է վարձ հողատիրոջից: Առաջինը կոչւում է այս պատճառով adscripticius 'ցուցակագրուած', երկրորդը՝ ազատ կոլոն:

Ցուցակագրուած կոլոնների դժբախտութիւնը սկսում է այն օրից, երբ պետական գանձարանը հրահանգում է որ կալուածատէրերը պատասխանատու են իրենց կոլոնների հարկերի գանձման համար¹: Կալուածատիրոջն է պատկանում հողը եւ ուրեմն նա է պատասխանատուն իր հողից պետութեան հասանելիք հարկի համար: Հեռանայ գիւղից կոլոնը, ուրիշ ասպարէզ ընտրէ, կամ մինչեւ իսկ մեռնի, միեւնոյն է, նրա բաժին հողի հարկը պարտաւոր է վճարել կալուածատէրը:

Այս օրէնքն արդէն բաւական է որ կոլոնը կորցնէ տեղաշարժի ազատութիւնը եւ մեխուի հողին: Կալուածատիրոջ անձնական շահը պահանջում է որ չթողնէ կոլոնին լքել իր հողը: Կոլոնը չլքեալու է հողին: Որպէսզի ապահովէ տուրքերի գանձումը կալուածատէրը հարկ է համարում ձեռք դնել գիւղացու գոյքի վրայ, պատրաստ գրաւելու եթէ գիւղացին թերանայ իր պարտքը կատարել: Առաջ կոլոնը պետութեան հպատակ էր, այժմ դառնում է կալուածատէր անհատի հպատակ, անպաշտպան, ենթակայ նրա կամքին: Նախկին colonus դառնում է servus:

Այս փոփոխութիւնը արձանագրուած է արդէն Դ դարի վերջերին: Արկադ եւ Հոնոր կայսրները խոստովանում են, որ ցուցակագրուած կոլոնները, adscripti censibus, գրեթէ մատնուած են ճորտութեան quadam servitute dediti:

Ազատ կոլոնների դրութիւնը եւս վատթարանում է: Օրէնք կար, որ որդին ժառանգում է հօր վիճակը, լինի պէրէ թէ կոլոն: Անաստաս կայսրի († 518) օրէնքով, մի կոլոն որ 30 տարի աշխատում է միեւնոյն կալուածում, չի կարող այլեւս թողնել իր տեղը եւ մնում է կապուած հողին²: Կարծում են, որ այս օրէնքը վերաբերում է իսկապէս ազատ կոլոններին: Սրանք յամենայն դէպս չեն իջնում մինչեւ ցուցակագրուած կոլոնների աստիճանը, պահելով որոշ ազատութիւն:

Հոռմէական վերջալոյսի այս կարգերը յարատեւում են Բիզանդական շրջանում: Փոխւում են միայն անունները: Սեփականատէր գիւղացիների հողերը կոչւում են ὁμόκενα կոլոններինը՝ ὁμόδουλος պէրէ վերակոչւում է χαρίτης կամ

1 C. J. XI, 50, 2. Pigniol, L'Impôt, 83.
2 C. J. XI, 48, 19. Pigniol, p. 85.

շնչաց: Ազատ բնդունում է աւելի սրտչ անուն *μεισθωτός* 'փարձկալ կամ փարձաւոր', իսկ հետագայում *μωρότης* 'բաժնւոր', ցուցակաւոր կարծնը պահում է իր անունը յունական թարգմանութեամբ՝ *ἐπαυθωτός*: Ութերորդ դարում Իսրայէլեան օրէնագրութեամբ կարծնները յայտարարում են արձակ իրենց հողային կապեալ գրութիւնից:

Արեւմտեան մեծ հարեւանի գիւղացութեան վիճակը կարող է ուղեցոյց լինել մեզ համար եւ ոչ միայն տեսական նկատումով: Փոքր Ասիան անձանօթ երկիր չէ Իրանական քաղաքակրթութեան: Աքեմեան աշխարհակալների օրերից նա ենթակայ է եղել Իրանի ոչ միայն քաղաքական իշխանութեան, այլ եւ կրել է սատրապական անտեսութեան ազդեցութիւնը: Փոքր Ասիական երկրները մտնում էին Գարեհէի հարկային սիստեմի մէջ: Սելեւկեան շրջանում եւս միեւնոյն տէրերն էին եւ կառավարութեան միեւնոյն եղանակը: Սասանեանների ժամանակ անմիջական դրացիներ էին եւ փոխադարձ ազդեցութեան տակ: Ասորով Նուշիրուանի նորոգումները, նրա մուծած հարկային նոր սիստեմը, կարծում են, պարզ ընդօրինակութիւն է Բիւզանդական կարգերի, որ հիմնուած են Իրոկղեախանութի ժամանակ եւ նրա ձեռքով:

Ընդհանուր նմանութիւն, չօչափման կէտեր, հնարաւոր են Բիւզանդիայի եւ Իրանական աշխարհի հարկատու ժողովրդեան դրութեան մէջ: Բիւզանդական կարգերը, որ շատ աւելի սրտչ են եւ աներկբայ, կարող են աստՆորդել գէթ ուղիղ շաւղի վրայ դնելու իրանական եւ նրա հետ հայ գիւղացիութեան վիճակի ուսումնասիրութիւնը: Մինչեւ Սասանեանների անկումը Հայաստանը մնում է, ինչպէս էր, իրանական գառական քաղաքակրթութեան մանրանկարը:

Առաջին հարցը վերաբերում է հողերի տեսակին, ինչ որ կոչում է «պետական» եւ «կարուածատիրական»: Որ Արշակունի թագաւորական տունը ունէր սեփական հողեր, նախարարական աների նման, անտարակոյս է: Սակայն դժուար է ենթադրել, որ ամբողջ երկիրը բաժանուած լինէր թագաւորի եւ նախարարների եւ բնդհանրապէս ազաանների միջեւ: Պէտք է կարծել, որ հողի մեծաւոյն մասը պետական էր, ուրեմն թագաւորական, բառի լայն մտքով: Աստիին կեանքում աչքի չէր ընկնում այս տարբերութիւնը, մանաւանդ որ ամբողջ պետութիւնը եւ երկիրը կապուած էր Արշակունի անուան: Ուստի մատենագրութեան մէջ եւս տարբերութիւնը չէ նկատուում: Արտագերս բերդը, բայց Փաւստոսի, գրուում է «յերկրին Արշակունեաց»: Ասել է թէ կայ Արշակուն-

նեաց երկիր, ինչպէս կան Մամիկոնեան, Արծրունեաց եւ այլ նախարարական երկրներ:

Միւս կողմից՝ պատմագիրը գիտէ ոչ միայն աէրութիւն Արշակունեաց, այլ եւ «տէրութիւն թագաւորութեան Հայաստան երկրի»¹: Ի՞նչ է արքունի տունը եւ սասանը, սրպէս հողային հասկացողութիւն: Արդեօք չէ՞ն թագցնում իրենց մէջ արքայական եւ պետական հողերի գրեթէ մուսացուած եւ ձուլուած տարբերութիւնը:

Արշակունեաց տունը, սրբիչ բան չէր, եթէ ոչ մի մեծ նախարարութիւն: Նա էր որ կերակրէր միւս աները բոս պատկերի իւրում: Գուցէ եւ արքայական տան եւ պետութեան հողերի հասկացողութիւնը մի էր եւ չէր դատուում միմիանցից: Սակայն, նրանց անկումից յետոյ անսնում ենք սասանիկ ազատներ, որ ժառանգել են բուն Արշակունի հողերը, կամ մի մասը: Մնացածը ճանաչուած է պետական սեփականութիւն, երբ վեհապետական իրաւունքն անցնում է Սասանեան միապետներին:

Հիմք կայ ամեն պարագային զանազանելու երկու տեսակ հող՝ թագաւորական եւ նախարարական, եւ կամ պետական ու կարուածատիրական, սրա մէջ հաշուելով արքայական տան, նախարարների եւ եկեղեցու հողերը: Տարբեր հողերը ենթադրում են եւ տարբեր գիւղացիներ: Արդեօք կարելի՞ է յատաճանալ եւ տարբերութիւն տեսնել շինականի եւ սամիկի մէջ, մէկը համեմատելով պլեբէի հետ, միւսը մերձ համարելով կոյունի²:

Փաւստոս խօսելով Արշակի գործերի մասին, ասում է. «Եւ սկիզբն գործակալութեանն հազարապետութեանն, աշխարհատեան խնամակալութեանն, աշխարհաչէն աշխարհատած դեհկանութեան, շինականաչէն ազղն Գնունեաց, հազարապետն ամենայն երկրի»:

Նախադասութիւնը ճոռոմ է, բայց խմաստը պարզ է: Արշակ թագաւորը սկիզբ է դնում կամ վերականգնում է հազարապետութեան գործակալութիւնը, այսինքն պաշտօնը, եւ յանձնում է Գնունեաց ազգին: Հազարապետութիւնը «աշխարհատես խնամակալութիւն է», «աշխարհաչէն զեհկանութիւն», իսկ Գնունիք՝ շինականաչէն:

Ի՞նչ է նշանակում իրապէս հազարապետութիւն, եւ

1 Փաւստոս. Գ. գլ. 2:
2 Վերայիշակ Սոզի քառականիկ բայր հաստօրէն նոյնն է ինչ որ գահամակի քառականը, որ նոր լայն է սփռում քառական համա ցուցակի վերայ: Նախարարական հեծեալների ցուցակն է այսպէս կոչում: Հիմ կայ, ուրեմն, կարծելու, որ քառակ. քառական նախարարական գիւղացիներն են, որոնցից կազմուած էր այրուծին:

ի՞նչ է դեհկանութիւնը: Պարսից դրան հազարապետը նոյնն էր, ինչ որ վզուրկ հրամատար (ոչ հրամանատար): Հոչակաւոր Միհրներսէհին, Յազկերտ Բ. ի մինիստրին, Եղիշէն անուանում է հազարապետ, մինչդեռ ինքը Միհրներսէհ իրեն կոչում է վզուրկ հրամատար <ի> Երան եւ Տաներան: Հրամատարը Սասանեան պետերի առաջին եւ գլխաւոր մինիստրն էր: Նրա ձեռքի տակ էր եւ պալատական թիկնապահ գունդը, որտեղից ծագում է եւ նրա հազարապետ կոչումը: Պարսից հազարապետը աւելի արտաքին գործոց մինիստրի է նմանում, մինչ Հայոց մօտ թւում է որ ներքին գործոց հետ կապ ունի:

Փաւստոսի խօսքերից ակներե է, որ հազարապետին ենթակայ էր շինականութիւնը, ուրեմն հարկերի գանձման հոգսը նրա վրայ էր: «Շինականաչէն» Գնունեաց ազգի պաշտօնը կապւում է «դեհկանութեան»: Հինաւուրց տերմինն նոր բովանդակութեամբ: Դեհ, որ ժամանակով նշանակում էր աշխարհ, հետզհետէ սեղմուելով յանգում է գիւղի: Դեհկանն էլ, դեհի պետը, աղնուական բարձրութիւնից իջնում է մինչեւ հասարակ գիւղացու աստիճան:

Սասանեան շրջանում դեհկանը գիւղական փոքր կալւածատէր ազնուական էր, եւ երբեմն այնքան աննշան հողատէր էր, որ չէր տարբերում սովորական գիւղացուց¹: Յաճախ կառավարութեան ներկայացուցիչներն էին դեհկանները իրենց տեղերում, որոնց յանձնում էր առաւելապէս հարկերի գանձումը: Դեհկանի վարչական պաշտօնը մի կողմից եւ իր անձնական դրութիւնը որպէս գրեթէ գիւղացի միւս կողմից թելադրում են կրկնակի իմաստ դեհկանութիւն բառի, հարկահանութիւն եւ շինականութիւն: Փաւստոսի մօտ կարծես գործ է ածուած դեհկանութիւն որպէս հոմանիշ հազարապետութեան եւ ուրեմն հարկահաւաքի իմաստով: Նոյն հեղինակը հազարապետութիւնը հակադրում է սպարապետութեան: Մէկի տեսչութեան տակ է գտնուում շինականութիւնը, հարկատու դասը, միւսը տէր է գինուորական ոյժերի, եւ գլուխ ազատ դասի, որի պարտականութիւնը հանդէպ արքայական գահի գինուորական ծառայութիւն էր եւ ուրեմն նրանց այրուձին կազմ եւ պատրաստ պահելը սպարապետի գործն է:

Արդ եթէ Արշակունի թագաւորը առանձին հազարապետ ունէր հարկերը գանձելու համար, նա արքայական տան գիւղերի համար չէր: Այս դէպքում ամեն մի նախարարական

1 Nöldke, Tabari, վերջին գլուխը:

տուն պէտք է իր հազարապետն ունենար, ինչ որ անհաւանական է եւ որի մասին ակնարկ չկայ մատենագիրների մօտ: Պետական հազարապետն աւելի լայն շրջանի շինականութեան համար էր: Եթէ միայն արքայական գիւղերի անտեսութեան հսկիչ լինէր, թագի անկումից յետոյ պիտի վերանորոգէր: Այն ինչ հազարապետութեան պաշտօնը մնում է եւ կոչւում է «հազարապետ աշխարհի»: Եղիշէն աւերացնում է «իբրեւ գհայր վերակացու համարեալ էր աշխարհականաց քրիստոնէից», որով հաստատուում է Փաւստոսի խօսքերը թէ հազարապետը հարկատու դասի, աշխարհականութեան, ինամական ու հոյածուն էր:

Արշակունեաց անկումից յետոյ Պարսիկները նոր աշխարհագիր են անում, հարկերի չափը որոշում եւ նշանակում պարսիկ հազարապետ: Նրանց ժամանակ եւ յետոյ պէտք է ենթադրել որ կար հոծ շինականութիւն, որ մշակում էր իր բաժին հողը որպէս սեփականատէր: Կարող ենք անուանել ազատ շինականութիւն, նրանց գիւղերը vici libri: Մեծամեծ նախարարների, պատասապեանների եւ գործակալների կից Փաւստոս յիշում է «պատասպեաք շինականաց»: Սրանք վերաբերում են հաւանօրէն այս հոյատէր շինականութեան:

Պետական շինականութիւնից պատ է կարուածատարականը կամ նախարարականը: Կրասիկ հեղինակները մտայն գոյներով են նկարագրում Իրանի գիւղացիութիւնը: Ամմիան Մարկելինը հաւատացնում է, որ պարսիկ ազնուականութիւնն անգամ մահուան եւ կեանքի իրատունք ունէր սարուկների եւ ժողովրդի վրայ: Հեծեղազօրի ետեւից րնթանում էր հետեւակ խուժանը մասնուած մշտական ստրկութեան, ad dicta perenni seruitio, կարծես գինուորական ծառաներ լինէին, calones²:

Աւելի հին պատմիչ Յուստինը բաժանում է պարթև հասարակութիւնը ազատների եւ սարուկների, liberi et servi³:

Անշուշտ գոյները խտացած են եւ վերաբերում են հաւանօրէն ոչ բոլոր շինականութեան, այլ առաւել իշխանական գիւղացիներին: Սրանք իրօք servi էին: Խուստիում են գործածել ճորտ բուր, սրը թէև հազարամեայ հասակ ունի, բայց մեկ գրադեցնող շրջանի նկատմամբ շատ նոր բառ է: Հեռաքրքրականը հէնց այն է թէ ինչպէս էին կոչում հնում այն ինչ որ հետագայում ճորտ էր ասուում: Բառն ինքնին շատ բան կը պարզէր գիւղացիների դրութեան մասին, ինչպէս եւ

1 Փաւստոս, Դ. 51:

2 Ammianus Marcellinus, XXIII, 6.

3 Տե՛ս յէջ՝ Հայաստանը Յուստինիանոսի պարագլխանում. էջ 375 (տուրքեր):

ստրուկ բառի ստուգարանութիւնը որ տակաւին անյայտ է: Նոյն Յուստինը պատմում է, որ պարթեւական ազատները սովորութիւն ունէին պատերազմի տանելու իրենց սերվերին, նախապէս ընտելացնում էին նրան գինական արուեստի եւ հեծելութեան: Կասկած չկայ, որ խօսքը ազատների գիւղացիների մասին է: Հայոց մէջ եւս յիշում է «ուամիկ այրուծի», «ուամիկսայաս զօրք», թերեւս, «ուամիկ սպասօրօք», որ հաւանօրէն կազմում էին նախարարների հպատակ գիւղացիները: Զինաչարժի վարժեցնել կամ ձի նստել սովորեցնել կարող էր իշխանը իր սեփական գիւղում եւ իր գիւղացիներին:

Տարօրինակ է, որ չի յիշում երբեք շինական այրուծի: Կարելի է հետեւցնել, որ ուամիկը իշխանական գիւղացին է:

Արիստոտէլին վերագրուած, բայց ապահովապէս նրան չպատկանող Տնտեսութիւն գրուածքում յիշում են մի քանի տնտեսութիւններ, ի միջի այլոց սատրապականը: Սրա եկամուտների մէջ կարեւոր է համարում հողային հարկ *ἐκφορίας* և *δεκάτης*: Գիտնականները կարծում են, որ մէկը արքայական հողերի հասն է, միւրը՝ պետական: Թերեւս, աւելի ճշմարիտ կը լինէր ասել որ երկու տեսակ հարկը երկու կարգի գիւղերից է, սատրապական եւ պետական: Նոյնը ասելու է եւ հայ սատրապների, նախարարների նկատմամբ: Հայ հեղինակները վկայում են որ նախարարները եւ ազատները ունէին գիւղեր և ագարակներ: Թէ Արշակունի և թէ Սասանեան թագաւորները վարձատրել կամենալով իշխաններին պարգեւում էին «գիւղեան և ագարազս»: Ագարազ ասելով պէտք է հասկանալ այն հողերը, որ մշակում էին իշխաններն իրենք անձամբ թէ ծառաների միջոցով եւ որ կազմում էին նրանց անձնական տնտեսութիւնը: Փաւստոսի պատմութիւնը Սաղի եզների մասին ցոյց է տալիս որ եկեղեցին եւս ունէր սեփական տնտեսութիւն, նմանելով նախարարական տներին: Եկեղեցին շատ կէտերում նախարարացած էր:

Թւում է, որ նախարարների կամ տանուտէրների հետ յաճախ յիշուող ազատները կամ ազատանի, կազմում էին հայ հողային ազնուականութեան աւելի ցած դասը: Ազատ բառը միայն ընդհանուր կոչում չէր նախարարականութեան դասի, այլ նշանակում էր նաեւ մանր ազնուականութիւն, նման Իրանի ազատներին:

Հաւանական է, որ նրանք սկզբնապէս Արշակունիների հետ Հայաստան տեղափոխուած յաղթական Պարթեւ ընտանիքի զաւակներն էին: Պարսիկ ազատները, ինչպէս ենթադրուում է, արիական ցեղի մնացորդներն էին: Հայ ընկճը

ւած իրականութիւնը չի կարող այդքան հեռու գնալ եւ բարձրանալ մինչեւ Արմենները: Բաւը պարթեւական ծագում ունի եւ կրողներն եւս ամենայն հաւանականութեամբ Պարթեւ տոհմեր էին: Հետագայում սրանք կոչւում են հեծեալ, ինչպէս որ Իրանի ազատները կազմում են Սասանեան շրջանում *aswar*, այսինքն ձիաւորների դասը: Ազատանի ասլրում էր գիւղերում եւ խաղաղ ժամանակ զբաղուած էր իր տնտեսութեամբ եւ գիւղերով: Պարսիկ զեհկան ազնուականը դառնում է գիւղի քետխուզա եւ ի վերջոյ ձուլւում գիւղացիութեան հետ: Հայ ազատանին եւս նման բախտ է ունեցել:

Պատահական չէ եւ ոչ էլ զրական ճամբով է, որ հին տանուտէրը եկել դարձել է հոմանիչ գիւղական քետխուզայի: Հասարակական վայրէջք է: Փաւստոսին ծանօթ կարնագատները հաւանական կարապետներ էին վայրէջի վրայ կանգնած ազատների: Արեւելեան պահպանող ոգին հիմ է տալիս համեմատելու նրանց նոր ժամանակների մանր մելիքների եւ բէկերի հետ, որոնցից շատերը գիւղական քետխուզաներ էին եւ ուրիշները ոչնչով չէին զանազանուած գիւղացիներից, միայն ազատ էին հարկերից: Խոչոր նախարարական տները, նրանք որ «գաւառատեարք» էին եւ «կուսակալք, կողմնակալք», եւ կազմում էին փոքր իշխանական մարմիններ, գուցէ և առանձին տնտեսութիւն չունէին: Հինգ յայտնի ինքնավար իշխանութիւնները, որոնց անկախութիւնը ճանաչուած էր Պարսից եւ Բիւզանդիայի կողմից, կարող էին տիպար համարուել հայ մեծամեծ նախարարութեանց, ոչ միայն բղէշիների, այլ եւ Բագրատունի, Արծրունի եւ Մամիկոնեան տներին:

Սակայն, երբ զարգանում է սեպուհական իրաւունքը և նրա զօրութեամբ մեծ տները քայքայւում են եւ վեր ածւում մանր սեպուհական կենտրոնների, պէտք է ենթադրել, որ սրանք ոչ միայն տէր էին գիւղերի, այլ եւ ունէին ագարակներ իրենց անմիջական խնամածութեան տակ:

Նախարարական կամ կալուածատիրական հողատիրութեան իրաւական բնոյթը իր մանրամասնութեան մէջ յայտնի չէ: Կան տեսակ տեսակ հողեր՝ հայրենի, պարգեւական եւ սակագին: Սրանց յարաբերութիւնը անմիջական տէրերի հետ կարող էր միակերպ չլինել: Երկրի վեհապետի դիրքը եւս սրանց հանդէպ մութ է:

Զի կարելի անգամ վստահել որ նախարարական հողերը բոլորն էլ ազատ լինէին պետական ծանրութիւնից: Իուրինի ժողովի կանոններից մէկը յայտարարում է որ եկեղեցականները՝ «ընդ ազատաց տոհմին են կարգեալ», որ եկեղեցու

հոգն ու ջուրը ազատ է, եւ երէցների տները «ի դիւանին եղեալ են, բայց միայն զհասն տալ յարքունիս»: Ասել է թէ ազատ հողը պարտաւոր էր որոշ հաս տալ պետական դանձարանին: Այս ահամայ խոստովանութիւնը կարեւոր է: Եկեղեցին արատացուած է նախարարական միջնադարի կարգերը եւ իր ազատութիւնը նախարարականի պատճէն է: Իրաւունք ունինք կասկածելու, որ նախարարական հողերին եւս անձանօթ չէ եղել արքունական հասի վճարումը:

Այս պարագան նոր յոյս է սփռում գեհկանների հարկահանութեան վրայ: Ոչ թէ Սասանեան բիրտկրատիան էր նրանց յանձնել հարկերի գանձումը, այլ հին իրաւունք էր, որ պահել էին փառքի վերջալոյսին պէթ գիւղական նեղ շրջանում: Այս նշանակում է, որ պետական գանձարանը ստանալիք ունէր նաեւ նախարարական գիւղերից: Ուրիշ խօսքով Բիւզանդական կոլոնների նման նախարարական գիւղացիք վճարելու էին canon հողատիրոջ եւ որոշ հաս կամ հողահարկ պետութեան:

Եթէ միայն ճիշտ է այս ենթադրութիւնը, կարելի է ասել թէ պատրաստ է այն դուրը, որ տանում է կոլոնատից դէպի սերված, միայն թէ միւս պայմանները ներեն: Այս պայմանների մէջ պէտք է դասել ամենից ասած հողի եւ բնակչութեան յարաբերական չափը: Գիւղացու շրթայումը հողին հետեւանք է այն երեւոյթի, որ աշխատող, մշակող ձեռքերն ասելի քիչ են եղել քան հողը եւ ասելի թանկ: Անրնպ հաս պատերազմների եւ այլ աղէտների պատճառով Բիւզանդիայում բնակչութիւնը հոսրացել էր եւ բաւական չէր լայնածիր տարածութիւնները մշակելու համար: Հողատէրերի եւ պետութեան շահերը համերաշխաբար պահանջում էին չթողնել որ հեռանան միանգամ ձեռք բերած աշխատող ոյժերը, ուրեմն, գիւղացու մեկնել հողին եւ զրկել նրան անդաշարժի եւ անձնական ազատութեան իրաւունքից: Սրանով ստեղծւում է կոլոնի համար այն դրութիւնը, որ կոչւում է սերված:

Հայաստանում պակաս չէին սով, սրածութիւն եւ անթիւ կոտորածներ: Սակայն, որքան նուազում է ժողովուրդը, ասելի մեծ չափով պակասում էր եւ հողատէր արհմտականութիւնը: Քաղաքական աղէտների առաջին դոհերը ապամնկն էին:

Միւս կողմից երկրագործութեան պիտանի դաշտերը այնքան մեծ ծաւայ չունէին, որ նրանց մշակման համար ձեռքերի սակաւութիւն զգացուէր: Հիմք կայ կարծելու, որ նախարարական կարգերի ծաղկման շրջանում միշտ հողն էր պակաս քան մարդը: Վրացերէն լեզուն ունի բոզանի բառը,

որ նշանակում է հողագուրկ գիւղացի, նման սուսական «բոբիլի»: Սա արիւ ընդ ընդ է կէտն ոչ հայերէն բռկանի, որ երբեմն ունեցել է այդ խմաստը եւ իր հետ տարել է եւ պահել վրաց լեզու: Կարեւոր տերմին է թուում եւ ոչ սովորական բառ, եւ հին վկայ սակաւահողութեան: Հողի եւ աշխատանքի համեմատական չափը նպատաւոր պայման չէր, որ սերվածը բողբոջէր Հայաստանում արեւմտեան Ֆէոդալականութեան յատուկ երանդներով:

Կարելի է կայ նկատելու որ այս բոլորը մութ հարցեր են, կարօտ տակաւին հետաքննին լուսարանութեան: Մեր անցողակի նկատողութիւնները վկայում են խնդրի բարդութիւնը: Թափանցել հինը գիտար է, երբ նոր ժամանակների գիւղական հողային պայմանները, ո՛չ պաշտօնական, այլ սովորութային գծերը մնում են զեւ այնքան սակաւածանօթ: Թերեւս գանուին ընթերցողներից հետաքրքրուողներ, որոնք կ'արձանագրեն պէթ այն միջնադարի, որտեղից ելած է, հողատիրական եւ հարկային ասանձնայատկութիւնները: Գիտենք որ ալլոգիսիները կան գանազան վայրերում եւ գունազանապէս: Սրանով վերիւր կը յինեն ինչ որ կորուստի է մասնուած եւ որոշ նպատակը բերեն, թերեւս, եւ անցեալի ստամնատիրութեան:



1 Նայն հարցերին է նուիրում եւ մեր յոդումը L'Aspect iranien du seruage, extrait du «Recueil de la Société Jean Bodin», 1937.

ՀԱՅԱՍՏԱՆԻ ՈՍԿԵՀԱՆՔԸ

Երեւանի «Գիտական Տեղեկագրում» կայ մի յօդուած հայ անցեալին վերաբերեալ, բաւականին մեծաբան վերնագրով, «Յոյն պատմիչների վկայութիւնը հին Հայաստանի ոսկեհանքերի եւ նրանց տեղի մասին. տեղագրական ուսումնասիրութիւն»:

Յօդուածը պատկանում է պ. Ա. Սաչաւորեանին, Սահասարեան դպրոցի նախկին ուսուցիչներից մէկին:

Յօդուածի ճակատը զարդարուած է խրատարանական քանդակով, առնուած Վալդեմար Բելլից, որի միտքն է թէ «առանց ընդհանուր աշխարհագրական աղբրաները գիտնալու» եւ «առանց տեղական մասնաւոր յարաբերութիւնները ճշտելու» մարդ չի կարող արդիւնախօս լինել աշխարհագրական խնդիրներում:

Մեծ իմաստութիւն չէ, հարկաւ: Բայց միթարական է գոնէ կարծել, որ պ. Սաչաւորեան իւրացրել է այս իմաստութիւնը, եւ ուրեմն կարելի է յուսալ, որ տեղի վրայ կատարած ուսումնասիրութիւն ունի և այդ ուսումնասիրութեամբ յաջողել է վանել հայ բանասիրութեան երեսից ինչ ինչ աշխարհագրական կնճիռներ:

Յօդուածի մեծ վերնագիրը չպիտի շիտթէ ընթերցողին: Սուքը միայն երկու յոյն պատմիչի մասին է, Ստրաբոն եւ Պրոկոպ, եւ սրանց վկայութիւնն էլ մեծ բան չէ, դրեթէ einsilbig, ինչպէս կ'ասեն Գերմանացիք: Ստրաբոն յիշում է, որ Ալեքսանդր Մակեդոնացին աչք է ունեցել Կարալլայի ոսկեհանքի վրայ, որ գտնուում էր Սի(ս)պիրիտի մէջ: Սի(ս)պիրիտ հայ Սպեր դաւառն է եւ Կարալլա այն տեղի անունը, ուր էր ոսկեհանքը նոյն գաւառում:

Աւստրիացի դպրոցական մի ուսուցիչ, Մոնցկա անունով, այն միտքն է յայտնել, թէ Սի(ս)պիրիտ որոնելու է Հայաստանի հարաւային սահմաններում, մեծ աշխարհակալի ճանապարհի մօտիկ: Մի անհատական կարծիք, անկարող խախտելու ինչ որ ընդունուած է:

Պ. Սաչաւորեան մեծ աշխոյժով արշաւում է Մոնցկայի վրայ եւ, այն ինչ սպասում է, որ «տեղագրական ուսում-

նասիրութեամբ» ջախջախէ իր հակառակորդին, ընդհակառակն նա նահանջում է, «մի աւելի կարեւոր առաջարկութիւն անելով ի նպաստ Մոնցկայի կարծիքի» եւ համաձայն է, որ Սի(ս)պիրիտ գտնուելու է Տիգրիսի աւազանում: Իսկ ոսկեհանքերը: Ոչ, հանքերը թողնում է Սպերում, «մինչեւ որ չհաստատուի ոսկու հանքի գոյութիւնը» Տիգրիսի աւազանում:

Այսպէս է սկսում եւ այսպէս փակում յոյն պատմիչի վկայութեան քննութիւնը: Եւ այս կոչում է «տեղագրական ուսումնասիրութիւն»:

Սակայն, երեւում է, որ պ. Սաչաւորեանի ուսումնասիրութեան նիւթը խսկապէս Ստրաբոնը չէ: Կարալլայի ոսկու խնդիրը նա յարուցանում է որպէս մի մարզանք, մի տեսակ յեսան, ուր սրում է իր գիտական միտքը, որպէսզի աւելի յաջողութեամբ ճակատէ միւս պատմիչի վկայութեան շուրջ:

Պատմիչը Պրոկոպն է եւ Մոնցկայի դերում՝ մենք: Իր աշխատութիւնը վերջացնելուց յետոյ բաւականին ժամանակ է անցնում, եւ պ. Սաչաւորեան իմանում է, որ նոյն խնդրով դրադուել ենք եւ մենք: Դուրս է գալիս, որ «իրարից անկախ (մի'տ առէք, քսանից աւելի տարի յառաջ գրածս անկախ նրանից) երկուսս էլ, ինչպէս յայտարարում է պ. Սաչաւորեան, յանգել ենք երբեմն նոյն եզրակացութեան, շատ կէտերում էլ իրարից տարբերում ենք»:

Արգոյ բանասէրը բերում է մեր բացատրութիւնները, քննում է, հակասութիւններ է գտնում, ջրում, հերքում եւ հետեւեալ դատակնիքն է արձակում.

«Հեղինակը չի կարողացել պատկերացնել տեղագրական պայմանները եւ արդէն առանց երկիրը անձամբ տեսած լինելու, կարելի չէ, մանաւանդ երբ ուշադրութեան չառնըին աղբիւրների մանրամասնութիւնները, ինչպէս եղել է այս դէպքում»:

Ահա ծանր ամբաստանութիւն, որից հետեւում է, թէ յօդուածի ճակատադարձ motto, Բելլի խօսքը, ուղղուած է մեր դէմ: Մեղապարտ ենք, ուրեմն, որ տեղագրութեան ծանօթ չենք, եւ աղբիւրների մանրամասնիքը անտես ենք արել: Ասել է, թէ այս երկու արատից զերծ է պ. Սաչաւորեան, որ տեսել է երկիրը, ուսումնասիրել աշխարհագրական պայմանները, այլ եւ լիովին օգտաւէտել է պատմական աղբիւրները իրենց մանրամասնութեամբ:

Տեսնենք, որքան արդարացի են այս յայտարարութիւնները:

1. Պրոկոպ յոյն պատմիչը յիշում է երկու աշխարհա-

զրական կէտ, Bolon, որ միշտ կոչում է Phrourion «բերդ»,
և Pharangion, որ երբեք չի կոչում բերդ: Առաջին, Բոյրնի,
համար ասում է թէ գանուամ է Թէպոստիստիս (որ է Կարին
= Էրզրում) սահմաններին մօտիկ: Իսկ Փարանդիոն այն տե-
ղրն է, որ կար սոկեհանք, և շատ մօտ էր Վոհ կամ Ճորոխ
գետի ախուճին:

Բոյրն բերդը ծանօթ է հայ մատենագրութեան: Սա այն
բերդն է, որ Փարսեցին կոչում է Բոյրբերդ և գնում է Բա-
սենում: Բասենը Կարինի թիկունքն է, և ուրեմն Պրոկոպ
իրաւունք ունէր ստելու, որ Բոյրն բերդը Կարինի սահման-
ներին մօտ էր:

Փարանդիոնը անծանօթ է մեր մատենագրութեան, բայց
Պրոկոպի այն ցուցումից թէ գանուամ էր Ճորոխի ախուճ-
քում և թէ յայտնի էր սոկեհանքով, պարզ հեռուում է, որ
խօսքը Սպերի շրջակայքում գանուամ սոկեհանքի մօտին է,
որովհետև Ճորոխի ախուճքը իրօք գանուամ է Սպերի սոջե-
բարձրացող լեռների մէջ: Այն տեղն է Փարանդիոնը, ինչ
որ Սարաբոնի Կարալլա:

Կոյսի պէս պարզ է: Եւ այս ճշմարտութեան գէտ է եր-
նում պ. Սաշատրեան, ասարկում է, հակասութիւններ է
գանում մեր խօսքերի մէջ, ասանց նկատելու, որ հակասու-
թեան աղբիւրն ինքն է, իր հիմնովին սխալ հասկացողութիւ-
նը, որով պատմիչի յիշած երկու տեղերը ձուլում է, կարծե-
լով որ նրանք գանում են միեւնոյն տեղ իրար կից: Այս
պատճառով էլ Փարանդիոնին է վերագրում, ինչ որ պա-
միչն ասում է Բոյրնի մօտին, և ընդհակառակը Բոյրնին է
աւելլա, ինչ որ վերաբերում է Փարանդիոնին:

Հիմնական սխալ, որ վաղ է գարձնում ոչ միայն նրա
ասարկութիւնները, այլ և ամբողջ ուսումնասիրութիւնը:

«Պրոկոպ Բոյ և Փարանդիոն միշտ «անբաժան» է յի-
շում, գրում է պ. Սաշատրեան, և սրտալի ստում թէ սոկե-
հանքը գանում էր նրանց մօտ: Իսկ Աղանց սոկեհանքը գր-
նում է Սպերի մօտ, ուստի չէր կարող Բասենի սահմանների
վրայ գանուել»:

Ո՛չ, պ. Սաշատրեան, Պրոկոպ այդ չէ ասում, այլ այն,
որ սոկեհանքը գանում է Փարանդիոն, իսկ Բոյ՝ Բասենում:
Տարբերութիւնը մեծ է:

Այս հանգամանքը գանց ասելով պ. Սաշատրեան զրա-
նում է, որ մեր տեղագրական բացատրութիւնը չէ նպաս-
տում խնդրի լուծման: Երեսը գարձնում է մեղմից և առա-
ջարկում գիմել Պրոկոպին, որ նրա տուած մանրամասնու-
թիւնների միջոցով կարողանայ ճշտել սոկեհանքի տեղը, բա-

նի որ մեզ յանդիմանեց որ ուշադրութեան չենք ատել ման-
րամասնութիւնները:

Արդոյ բանասէրը բերում է միասնի Պրոկոպի տեղե-
կութիւնները: Հետեւենք նրան: Փեղեցիկ ասիթ է ծանօթա-
նալու նաև նրա բանասիրական կարողութիւնների հետ:

Պրոկոպ ասում է բոս Սաշատրեանի՝

1. Հոսոմները «պահանջեցին պարսկական մի քանի
բերդեր Պարսկահայքում, որոնք են Բոյրնի բերդը և Փա-
սանդիոն անուանուած բերդը արև այն տեղում է (!), ուր
Պարսիկները սոկի են հանում, որը տանում են արքային»:

2. Իսահակ Կամսարականը «Հոսոմներին յանձնեց Բո-
յրն բերդը, որը շատ մօտ էր գանում Թէպոստիստիս սահ-
մանին»:

3. Պարսից քագաւորը «պահանջում է որ Հոսոմները
պէտք է վերադարձնեն Փասանդիոն և Բոյրն բերդերը(!)»:

4. «Հոսոմները վերադարձնում են պարսիկներին եր-
կու բերդերը(!) Փասանդիոն և Բոյրն»:

5. Ճորոխի ձորը «չուրջ երեք օրուան ճամբայ հարկա-
տու է Հոսոմներին, սակայն, նրանից անդին սկսում է
Պարսկահայքի երկիրը(!) և այս տեղումն է սոկու հանքը,
որ Կասառի հրամանով մշտկում է Միմէան անունը հայր...
սա Հոսոմներին յանձնեց իրեն և Փասանդիոն, բայց մերժեց
յանձնել հանքի սոկին»:

6. Վոհ կամ Ճորոխ «բոլորում է Ծանի երկրից՝ շատ
մօտիկ(!) այն հայերի միջից, որոնք բնակում են Փասան-
դիոնի շուրջը»:

Թողնենք ասայժմ անճշտութիւնները, որ սպրտած են
այս կէտերի մէջ չորհիւ պ. Սաշատրեանի անսխալութեան:
Բաւականանք անգամ նրանով, ինչ որ ինքն է ասաջարկում:
Տեսէք, ի՞նչ հեռուութիւններ է հանում պատմիչի վկայու-
թիւններից:

«Արդ՝ այս տեղեկութիւններից նախ հեռուում է, դա-
տում է պ. Սաշատրեան, թէ սոկու հանքերը գանում էին
սահմանի վրայ Փասանդիոն և Բոյրն բերդերին շատ մօտ մի
տեղում. երկրորդ՝ այս բերդերը մօտ էին Թէպոստիստիսի
կամ Կարինի սահմանին. երրորդ՝ Ճորոխը բխում է Փասան-
դիոն բերդին(!) մօտակայ մի տեղից»:

Աննրեկի է մի բանասէրի, մանուսանդ, երբ քննադատի
դերում է, այսպիսի արատաւոր անսխալութիւն, որով պ.
Սաշատրեան մեղանջում է իր իսկ բերած «մանրամասնու-
թիւնների» գէտ:

Ոսկու հանքը գանում է միմիայն Փարանդիոնում, ինչ-

պէս վկայում են պ. Սաչատրեանի բերած առաջին եւ հինգերորդ կէտերը: Բոլորնի մասին խօսք չկայ:

Թէոդոսիուպոլսի սահմանին մօտ է միմիայն Բոլոն, որպէս վկայում է երկրորդ կէտը, և ոչ թէ «երկու բերդերը»:

Ճորոխը բղխում է Փառանգիոնի մօտակայ տեղից, ինչպէս կարելի է տեսնել հինգերորդ եւ վեցերորդ կէտերից, և ոչ թէ Փառանգիոն բերդի մօտակայ տեղից: Եւ ընդհանրապէս Փարանգիոն բերդ է անուանուած անդլիական թարգմանութեան մէջ սխալմամբ միայն առաջին կէտում, միւս տեղերում երբեք Փարանգիոն չէ անուանուած բերդ, ինչպէս անում է պ. Սաչատրեան:

Այս տխուր համեմատութիւնից մի բան է հետեւում, որ յարգելի բանասէրը բանասիրական աչք չունի եւ, եթէ ունի, կանխակալ մի կարծիք կուրացրել է նրան: Շփոթելով երկու միմեանցից հետու ընկած վայրերը, միացնելով մէկը միւսի հետ, կապելով մէկի տեղագրութիւնը միւսին, պ. Սաչատրեան ստեղծում է մի աշխարհագրական երկտրեանի եւ ձգնում որոնելու նրա տեղը: Եւ զարմանալին այն է, որ կարծում է թէ յաջողել է գտնել, և ո՞ւր, Թորթումի հովտում: Նախապէս ցուցադրում է իր տեղագրական գիտութիւնը, որովհետեւ երկիրը տեսել է եւ հռչակաւոր Սրտածորից շատ անգամ բարձրացել է կուչկուշյար սարի գագաթը եւ յափրչտակիչ զմայլումով դիտել հմայիչ եւ վեհաշուք համայնատեսլարանը:

Նայենք, ի՞նչ նոր բան է ասում, որ յայտնի չէր:

Առաջ հարկաւոր է տեսնում ճշտել Հայաստանի հոսումպարսիկ սահմանագիծը:

«Առանց մանրամասնութիւնների մէջ մտնելու, ասենք, թէ Կարին եւ Շաղագոմ Հոռոմներին էին, իսկ Բասեն եւ Ոքաղ՝ Պարսիկներին: Սրանց միջեւ բնական սահմանագիծն են կազմում, որուն հետեւում էր և քաղաքականը, նոր անուններով — արեւելքից Բասեն գետի եւ Եփրատի ջրաբաշխ՝ Դեվէ - Բոյուն - Քիրեջլի - Ղարղարազար կամ Չորան - Դեղէ լեռնային կատարները: Կարինի հիւսիսից Թորթում վտակի եւ Եփրատի մի կողմից, իսկ միւս կողմից՝ առաջնի եւ վերին Ճորոխի ջրաբաշխ լեռները: Ղարղարազարի հիւսիս-արեւմտեան ծայրը... Կուչկուշյար գագաթն է, որի հիւսիսից երկարում է մի թեւ կապելու համար այս լեռնակոյտը ուրիշ մի մեծ լեռնաշարքի՝ Զիարեթ-Ղազանբաշի եւ այլն, որոնք աղեղնաձեւ զատում են Թորթում գետի աւազանը Եփրատի և Ճորոխի աւազանից... Այս պատնիշաձեւ լեռնաշղթայի կատարներից ուրեմն անցնում էր Հոռոմ-պարսիկ սահմանագիծը եւ Ճորոխի ձորը հաւանօրէն մինչեւ Օլթի

գետի բերանը Հոռոմներին էր պատկանում: Պատմական տեղեկութիւններն էլ զայիս են հաստատելու այս բնական սահմանագծի՝ քաղաքականի հետ նոյն եւ մի լինելը: Փարպեցին յիշում է Գիւղիկ եւ Վարդաշէն» եւ այլն:

Այս է պ. Սաչատրեանի աշխարհատեսութեան արդիւնքը:

2. Այժմ թող խօսի մեր հասակաւոր գիրքը, որ քննադատում է և ուր մանրամասն որոշուած է բիւզանդական և պարսկական Հայաստանի սահմանագիծը սկսած Նփրկերտից մինչեւ Ճորոխի հովիտը:

Ահա ինչ է ասուած մեզ զբաղեցնող աշխարհամասի վերաբերեալ.

«Թէոդոսիուպոլսի շրջանում եւ այն կողմը սահմանագիծը անցնում էր այն լեռնաշղթայի վերայից, որ երկարում է Թէոդոսիուպոլսից մինչեւ Ճորոխ գետը — էրզրումի աջ կողմից բարձրանում են դէպի հիւսիս նախ Դևիլէ Բոյունու լեռները, ապա Ղարղարազար, որ վերջանում է Կանդիլ գագաթով եւ այստեղից շրջում է դէպի արեւմուտք եւ միանում Դումլու շղթային: Դումլու ձգնում է էրզրումի վերելից եւ շարունակում է, ուղղուելով դէպի Ճորոխի ափերը Սպերից բարձր: Սոյն այս գծին յարում էին Պարսից կողմից Բասեան եւ Տայոց աշխարհի Բուխա եւ Ոքաղ գաւառները, սրանց դէմ ու դէմ հոռոմ բաժնում էր Կարին եւ Շաղագոմ»:

Այնուհետեւ բերում են նոյն պատմական ցուցումները, Դու, Մկնառիհ, Գիւղիկ, Վարդաշէն, Մաղիկ գիւղերի վերաբերեալ, սահմանագիծը պատմականօրէն ևս հիմնաւորելու:

Ի՛նչ զանազանութիւն կայ այս տողերի եւ պ. Սաչատրեանի նկարագրութեան մէջ: Եւ ոչ մի, թէեւ մէկը գրուած է քսան տարի առաջ «առանց երկիրը տեսած լինելու», իսկ միւսը պատկանում է երկրատես մարդու: Միակ տարբերութիւնն այն է, որ պ. Սաչատրեան չէ տալիս Դումլի լեռան անունը, այլ ծանրանում է նրա արեւմտեան փէշերի վրայ, որ անջատում են Ճորոխի ափուքը Սերչամից եւ սահմանագծի հետ առնչութիւն չունին:

Իրաւունք ունէինք յուսալու, որ Կուչկուշյար լեռների մշտական այցելուն, որ Սանասարեան վարժարանի սաներին անգամ տանում էր հետը «հայրենագիտութեան ծանօթութիւններ ստանալու», գէթ մի հատիկ ծաղիկ բերէր հայ բանասիրութեան այդ լեռների բարձունքից:

Բայց եւ այնպէս պ. Սաչատրեան ներկայացնում է իր

1 Հայաստանը Յուստինիանոսի գարաշրջանում, էջ 22-23:

տեղադրական նկարագրութիւնը որպէս նորութիւն եւ այլ նկարագրութիւնից հետեւցնում է, որ «Փարանդիոն եւ Բոյոն բերդերը պէտք է փնտսել Թորթում գետի աւազանում», փնտսում եւ գտնում է, որ Վիտիկ գետակի հովտում կան Բարդալու եւ Բալուլ գիւղերը եւ խորթմատ հարց է տալիս. «Արդեօ՞ք կարելի չէ այդ գիւղերի անուններում վերադանել մեզ հետաքրքրող բերդերի անունները»:

Ոչ, կարելի չէ: Կատարեալ անհեթեթութիւն է ամեն նկատումով: Պրոկոպ ստում է, որ Փարանդիոն ճորտի աղուներումն է, բայց պ. Սաչատրեան ուզում է, որ Վիտիկ գետահովտում լինի: Փարպեցին ստում է, որ Բողբերդ գրտնում է Բասենում, Սաչատրեանը փոխադրում է բերդը Վրիտիկ գետի ավեր: Եւ ի՞նչ է պատասխանում Փարպեցուն:

«Արդեօք Փարպեցին սխալւ՞մ է գնելով Բողբերդը Բասենում, խորհում է պ. Սաչատրեան, թէ նոյն անունով երկու բերդ կար՝ Տալքում եւ Բասենում»:

Եւ այս կոչում է տեղադրական ուսումնասիրութիւն: Իսկ Բարդոդոս եւ Բուլուլ գիւղերը արդեօք ինչո՞ւ են յայտնի, որ մեր բանասէրի ուշադրութիւնն են գրաւել: Անձամբ տեսել է, գաղափար ունի՞ նրանց գիրքի մասին: Ո՞չ, նրանց անունները կարդացել է Հ. Սարգսեանի քարտէսի վրայ: Գտնէ ստուգել է, լրջաւ այդպիսի անուններով գիւղեր կա՞ն: Դարձեալ ոչ:

Ահա Ռիխարդ Կիպերտի նշանաւոր քարտէսի վրայ Բարդոդոսի փոխարէն կարդացում է Պարտոնա: Ո՞րն է ճիշտ: Ինչո՞ւ է պ. Սաչատրեան կանգ առել այդ երկուսի վրայ, քանի որ Վիտիկ գետակի հովտում կան եւ ուրիշ նման գիւղեր դուրս եւ աւելի յարմար ամրոցային գիրքերով: Թերեւս այնտեղ ոսկեհանք կայ, որ գայթակղել է պ. Սաչատրեանին: Ոչ եւ ոչ: Իսկ լեզուադաստիակն հաշիւներն են որ բերել են նրան Բարդոդոս եւ Բուլուլ գիւղերի մօտ եւ սրանց «անուններում ուզում է» վերադանել Փարանդիոն եւ Բոյ բերդերի յիշատակը:

Սակայն, պ. Սաչատրեան, որպէս Հայոց լեզուի հոսմեայ ուսուցիչ, պիտի գիտնայ, որ Հ. Սարգսեանի դրշի Բարդոդոս եւ Բուլուլ կարդալու է Պարտոդոս եւ Պուլուլ: Արդ, ի՞նչ խալիֆայական լեզուադաստիակն է հարկաւոր, որ նմանութիւն տեսնէ այս եւ Փարանդիոն եւ Բոյ անունների մէջ:

Այսպիսով բանաւոր հիմք չկայ Բողբերդը եւ ոչ էլ Փարանդիոնը տեղահան անել եւ քաշել Թորթումի հովիտը, մէկը՝ Բասենից, միւրը՝ Սպերի մօտերքից:

Այս սխալն արուած է երկու մուրը ենթադրութեամբ:

Իրրեւ թէ Բոյ եւ Փարանդիոն միշտ «անբաժան» են յիշուում, սուտի պէտք է որ իրար հարեւան լինէին: Երկու վայրերը անբաժան են քաղաքական բախտով, բայց ոչ աշխարհագրապէս:

Պրոկոպը, տեսանք որ, նրանց տեղադրութիւնը տալիս է անջառ եւ միմեանց հեռ չէ չփոթում: Ինչ վերաբերում է քաղաքական բախտին, ոչ միայն նրանք իրար հեռ էին կապուած, այլ եւ Լազիկէի գոյգ բերդերին՝ Եարապանի եւ Մկանդայի հեռ, որ իրարից եւ հայ վայրերից հեռու էին:

Միւս թիւը ենթադրութիւնն է, որ Սպեր Հոռոմներին էր պատկանում, սուտի Փարանդիոն չէր կարող այնտեղ լինել, որովհետեւ սա Պարտից բաժնուածն էր:

Թւում է թէ Սպեր ստելով պ. Սաչատրեան միշտ հասկանում է Սպեր քաղաքը: Մինչդեռ խօսքը մի դէպքում գատուի մասին է, միւս դէպքում քաղաքի շրջակայքի: Գիտենք, որ Սպեր գաւառը պատկանում էր Հոռոմներին: Սուրենացին չհաշուած (Գ. 43), մեր գիտութեան միակ աղբիւրը Պրոկոպն է, նրա այն վկայութիւնը թէ ճորտի հովիտը երեքօրեայ ճանապարհ արեւմուտքից դէպի արեւելք հոռոմական հող էր: Բայց եւօրեայ ուղին մինչեւ ո՞ւր էր հասնում, յայտնի չէ:

Մենք հաւանական ենք համարել, որ հոռոմ-պարսիկ սահմանադիւր ծառայել է հիմ եւ սահման Տայոց աշխարհի եւ Բարձր Հայքի: Եւ որովհետեւ Սպերը մանում է Բարձր Հայքի մէջ, ուրեմն պատկանում էր Հոռոմներին:

Միւս կողմից՝ Տայքի մէջ էր Ասեացիոր «սա Պարխար լեռամբն, ընդ որ իջանէ Յոհ գալով ի Սպերայ»: Որով Սպերի եւ Տայքի սահմանադիւր ընկնում է մօտաւորապէս Սպեր քաղաքի մօտերքը: Այս քաղաքը յայտնի չէր հնում, արդեօք Սմբատաւա՞նն է, որը Վարդանը նոյնացնում է սխալմամբ Բարբերդի հեռ:

Այսպիսի պայմաններում ոչ թէ Սպեր քաղաքն է, որ պիտի լուծէ հոռոմ-պարսիկ սահմանադիւր խնդիրը, եւ սրա հեռեւանքով որոչէ Փարանդիոնի գիրքը, այլ ընդհակառակը: Փարանդիոնի տեղադրութիւնը այնքան որոշ է Պրոկոպի մօտ, որ սա պիտի հիմն ծառայել սահմանադիւր ճշտելու Սպերի շուրջը:

Սաչատրեան այնքան վստահ է իր գիտութեան, մասնաւորապէս Սպերի վերաբերեալ, որ պէտք չէ դպում քննութեան եւ գլանում է անզամ պարզել իր գիտութեան սյրիւրները:

Յիշելու է նաեւ, որ Փարանդիոն գտնուում էր ուղիղ սահմանակից լեռներում եւ ոչ թէ պարսկական հողի վրայ: Պ. Սաչատրեանին անձանօթ են մնացել երկու ուրիշ յոյն

պատմիչներ՝ Մալալա եւ Թէոփան, որ կարեւոր տեղեկութիւններ են հաղորդում ոսկեհանքի մասին եւ լրացնում Պրոկոպին: Սրանց տեղեկութիւնը բերուած է մեր գրքում¹, որ սպրտել է, թերեւս, մեր քննադատի ուշադրութիւնից:

Մալալա պատմում է, որ ոսկեհանքը գտնուում էր պարսկական սահմանի լեռներում, որ անձրեւի եւ հեղեղի ժամանակ հողը իջնում էր եւ մերկանում ոսկու աւազը: Հանքը տալիս էր տարեկան երկու հարիւր լիտր ոսկի: Մալալա հաւատացնում է, որ Անաստաս կայսեր ժամանակ ոսկեհանքի լեռները անցան կայսրութեան, եւ սա էր միայն վայելում հանքերի հարստութիւնը, մինչդեռ յառաջ Պարսիկները եւ Հռոմները միասին կապալով էին տալիս մասնաւոր անձանց: Ասել է թէ եկամուտը բաժանում էին:

Ոսկեհանքը Հռոմները գրաւեցին 527 թուին եւ պահեցին մինչեւ 532: Պատմիչը շփոթել է գրաւման ժամանակը: Իայց իրողութիւնը մնում է իր ոյժի մէջ, որ մինչեւ գրաւումը ոսկեհանքից օգտուում էին երկու պետութիւնները:

Թէոփանը հաստատում է Մալալայի խօսքերը, ասելով, որ առաջին ժամանակները Հռոմները և Պարսիկները ստանում էին ոսկեհանքից մի մի տալանազ, իսկ այժմ օգտուում են միայն Հռոմները:

Արդ՝ այս միացեալ տիրապետութիւնը, եթէ անգամ եղած լինի ժամանակաւորապէս, ցոյց է տալիս, որ ոսկեհանքը զուտ պարսիկ հողի վրայ չէր, այլ իրօք սահմանի շերտում, համաձայն Պրոկոպի նկարագրութեան: Հետեւապէս ոչ մի հիմ չկայ որոնելու ոսկեհանքի տեղը Թորթումի հովտում:

Հաւաստին այն է, որ նա գտնուում էր Թորթումի աւազանը զատող Ղազան լեռնաշղթայի արեւմտեան փէշերի վերայ, ուր սկիզբ է առնում Ճորոխ, Սպերի դէմ առ դէմ: Ճորոխի ակունքը բաժանուում է նոյն դետի հովտից Սպերի մօտ Խորտուկ կոչուած լեռներով: Այս լեռներն այժմ էլ հռչակւած են իրենց հանքերով: Խորտուկ գիւղի մօտ կայ արծաթահանք²:

Cuinet (Ա. 149) վկայում է, որ Սպերի արծաթահանքը մշակուում է ցարդ: Մի այլ տեղեկութեամբ, Սպերը ժամանակով հանքային հարստութեան կենտրոն էր եւ անուանուած են Կիան, Սիւլէյմանբար, Սեմարիկ գիւղերը, ուր արծաթէ հանքեր կան³:

1 Հայաստանի Յուստինիանոսի դարաշրջանում, էջ 198:
2 **Launey**, La Géorgie et les richesses minerales de l'Asie, էջ 651:
Պարսիկ կոչուած է Խորտուկը:
3 **Murray**, Handbook Asia Minor, էջ 214:

Մեզ այնպէս է թւում, որ եթէ մի օր պ. Սաչատրեան կուշկուշլար սարի հմայիչ տեսարանից զրկէր իրեն եւ իջնէր Սպերի ձորը եւ այս տեղերի նկարագրութիւնն անէր, շատ աւելի մեծ ծառայութիւն մատուցած կը լինէր հայրենագիտութեան, քան զբաղուել յոյն պատմիչների քննութեամբ, որ երբեք արդիւնաւէտ չի կարող լինել, քանի որ անգէտ է բնագրի լեզուին: Քննելի հեղինակի լեզուն գիտնալը առաջին եւ անհրաժեշտ պայմանն է, որ քննութիւնը լինի եթէ ոչ ուղիղ, գոնէ անկախ եւ գիտակցական:

* * *

Հակառակ որ մենք յատկապէս շեշտել ենք, թէ Փարանգիոն բերդ չէ, պ. Սաչատրեանը իրաւունք է համարում ասել.

«Պրոկոպի անգլիացի թարգմանիչը, որից օգտուում ենք և մենք, միշտ էլ բերդ գիտէ թէ՛ Բոլոն և թէ՛ Փարանգիոն»: Սրանով ամբաստանում է եւ անգլիացի թարգմանչին: Երկու մեղք է գործում, նախ թարգմանչի դէմ, յետոյ թարգմանչի հետ Պրոկոպի դէմ:

Փաստ է, որ անգլիացի թարգմանիչը միայն մի եւ այն առաջին անգամ բերդ է կոչում Փարանգիոն, այնուհետեւ նոյն անունը պատահում է վեց թէ եօթ տեղ եւ երբեք բերդ չէ անուանում, այլ համաձայն բնագրին միայն Փարանգիոն:

Ունենալով ձեռքի տակ մի հրատարակութիւն, ուր մի էջի վրայ յունական բնագիրն է, եւ դէմ ու դէմը միւս էջում անգլիերէն թարգմանութիւնը, պ. Սաչատրեան անգոր է ոչ թէ միայն թարգմանութիւնը ճշտել, այլ անգամ թարգմանութեան հետեւել բարեխղճօրէն եւ առանց աղաւաղելու:

Պրոկոպ ասում է, որ Հռոմները գրաւեցին «Choria, phourion to Bolon kai to Pharangion kaloumenon», որ է «(երկու) վայրեր՝ բերդն Բոլոն եւ Փարանգիոնն կոչեցեալ»:

Անգլիացի թարգմանիչը հասկացել է եւ «Փարանգիոնն կոչեցեալ բերդն, phourion», մինչդեռ իսկական իմաստն է եւ Փարանգիոնն կոչեցեալ վայրն, choria: Այսինքն՝ եթէ պէտք կայ լրացնելու բնագիրը, աւելացնելու է խորին եւ ոչ ֆրուրին, քանի որ երկու վայրերը choria են կոչուած:

Սխալը լեզուական չէ, այլ իմաստի: Ինչ որ ներելի է թարգմանչին, ներելի չէ հետազօտողին: Պատմիչն այնուհետեւ քանիցս անգամ յիշատակում է նոյն անունները եւ Փարանգիոն, յիշում է առանձին թէ Բոլոնի հետ, երբեք բերդ չէ անուանում, մինչդեռ Բոլոն միշտ բերդ է մնում:

Այս վայրերի հետ պատմիչը յիշում է եւ սրանց բախ-

տակից բազական գոյգ բերդերը՝ Ծարսպան եւ Սկանդա, եւ միշտ գործ է անում երկուսի համար phrouria «բերդեր» եւ ստանձին phrouria «բերդ»:

Դարձեալ, յիշուած «Փարանդիոնն կոչեցեալ» բառերին հետեւում է անմիջապէս, (93) δε γινεται εουστουτες, այսինքն «որակից հանում էին ոսկի»: Անդրիացին թարգմանում է ճիշտ՝ which is the place եւայլն:

Պատմիչն այնքան տխմար չէր, որ կարծէր, թէ բերդի մէջ հանքադործութեամբ էին պարապում: Եւ վերջապէս ի՞նչ է նշանակում պատմիչի բացատրիկ դարձուածքը՝ «այսպէս կոչեցեալ Փարանդիոն», որ գործ է անում ուրիշ տեղ անունների վերաբերեալ:

Այս գիտադրութիւններից եզրափակել էինք, որ Փարանդիոն թերեւ հէնց «հանք» է նշանակում եւ փորձել էինք համապատասխան ստուգարանութիւն տալ, համեմատելով farhangion հայ-իրանեան հրահանգ բառի հետ:

Այս առթիւ լեզուաբան Սաչատրեան նկատում է, որ «հրահանգին առլիս ենք այնպիսի նշանակութիւն, որ այս բառը չունի բնաւ ոչ պարսկերէնում եւ ոչ հայերէնում», եւ որ «ներքին է բառերին առլ այն խմտար, որը կամենում ենք ունենալ, բոլորովին անտեսելով նրանց բուն նշանակութիւնը», եւ վերջապէս «հնչական պահանջները եւս նկատի չեն առնուել»: Եւ այս ատում է այն մարդը, որ Փարանդիոն վերադանում էր Բարդուղիսի մէջ:

Զարմանալի են այս ինքնաբաւ ստորկութիւնները: Պարթեւ frahang բառը առլիս է հայերէնում հրահանգ, եւ պարսկերէնում farhang ինչպէս որ frahat պարթեւ անունը դառնում է հայերէնում Հրահատ եւ պարսկերէնում Farhad կամ պարթեւ framan, հայերէն՝ հրաման, պարսկ. farman: Հնչական թերութիւն տեսնել այստեղ, նշանակում է հատկացութիւն չունենալ հնչարանութեան մասին:

Ինչ վերաբերում է բառի իմաստին, պ. Սաչատրեան եւս սխալում է անպատասխանատու պարսկադրամութեամբ: Farhang շատ նշանակութիւն ունի. ի միջի այլոց այդպէս է կոչում canalis subteraneus, ինչպէս կարելի է տեսնել Վուլթերս հոչակաւոր պարսիկ-թաաին բառարքից: Այնք հաստատում է Յենկերի բառգիրքը, մեկնելով սրպէս unterirdischer Gang oder Canal: Ներկայումս Պարսիկները հանքին ասում են kan, որ արմատակից է հայ ալիան բառին եւ նշանակում է ստուգարանորէն ստորերկրեայ կամ գետնափոր անցք, նման Փարհանգի, այլ եւ «գետնափոր ջրանցք», այն որ էջմիածնում կոչում է քանդան: Նոյն արմատից է նմանապէս

աւելի սովորական kabriz քահրիզ բառը ջրանցքի իմաստով, այլ եւ farghan ջրանցք:

Արդ՝ եթէ kan «գետնափոր անցք», նշանակում է միեւնոյն ժամանակ եւ hwnf, ինչո՞ւ farhang = «գետնափոր անցք», չէր կարող գործ անուել նմանապէս հանքի մարմով: Անշուշտ, կարող էր: Դարձեալ պարսկերէն kani նշանակում է հանածոյ, նոյն իմաստը կարող ենք ենթադրել եւ farhang ձեւի համար: Աւելացնելով յունական on վերջաւորութիւնը կը ստանանք farhangion. հնարաւոր է նաեւ որ ion վերջաւորութիւնն ամբողջապէս յունական է: Կարծում ենք, պ. Սաչատրեանի վերամբարձ ընդդիմախօսութիւնը անհիմն է:

3. Նոյնչափ անտեղի են եւ պ. Սաչատրեանի ճառերը Բողբերդի ինդրում:

Տեսանք, որ Փարսկեցին Բողբերդը դնում է Բասենում, իսկ Պրոկոպ՝ Կարինի սահմանների մօտ:

Պ. Սաչատրեան հարկ է տեսնում մեզ ուսուցանելու, որ այս երկու ցուցումները իրար հակադիր չեն, որ բերդը կարող է լինել Բասենում եւ Կարինի մօտ: Բայց ո՞վ ասաց, որ այստեղ հակադրութիւն կայ: Արդոյ բանասէրի խրատը ամենից շատ իրեն էր պէտք, որպէսզի Բողբերդը Բասենից թորթում չտանէր:

Բողբերդի անունը չէ պահուել եւ տեղն անյայտ է: Մասնաւոր հետապօսում տեղի վրայ մի օր թերեւս վեր հանի արձանագրութեան կամ մի այլ նշանի միջոցով հիմաուրց բերդի հեռքերը: Առայժմ միայն ենթադրութիւններ կարող են լինել:

Ներկայումս Բասենի նշանաւոր բերդն է Հասան-Կալէ: Հին Բողբերդը թոււմ է որ մի տեսակ հակակշիւ էր Պարսից հողի վրայ ընդդէմ բիւզանդական Կարինի: Ուստի հասանական է, որ նա գտնոււմ էր Հասան-Կալէի տեղը եւ ունէր այն ռազմադիրտական նշանակութիւնը, որ փակում էր գլխաւոր ուղին, որ դնում էր Կարինից դէպի Պարսկահայաստանի միջնաշխարհ, Այրարատեան դաշտը:

Սակայն, մի քանի գիտողութիւններ դրդել էին մեզ ընդունել, որ Հասան-Կալէի տեղը եղել է Վաղարշակերս անունով մի քաղաք:

Ներսէս Շինողի համար ասուած է, որ «զՎաղարշակերսոյ սուրբ Աստուածածինն շինեաց»: Կոստանդին կայսրը դալիս է իջեւանում Կարնոյ դաշտում եւ նրան ներկայանում է Վաղարշակերտի վրաց եպիսկոպոսը: Կայսրը Բասենի Սաչաթրա գիւղում եղած ատեն, նրա մօտ է գալիս դարձեալ Վաղարշակերտի եպիսկոպոսը, անունը Զաքարիա:

Վրաց եպիսկոպոսի ներկայութիւնը խօսում է յօգուտ

Բասենի եւ ոչ Բազրեւանդի Վաղարշակերտի: Կարին եւ Սալ-
քորա վազող եպիսկոպոսը եւ, թւում է թէ, նստած էր Բա-
սենում, քան Բազրեւանդում: Վրաց քաղաքական եւ կրօնա-
կան ազդեցութիւնը զօրանում է Տայքում եւ նրա շրջապա-
տում մանաւանդ Դաւիթ Կիւրապաղատի իշխանութեան ժա-
մանակ: Դրացի Բասենը կարող էր այդ ազդեցութեան են-
թարկուել եւ անգամ վրացի եպիսկոպոս ունենալ: Իսկ հե-
ռաւոր Բազրեւանդը դուրս է վիրական յաւակնութեան շըր-
ջաններից:

Ներսէս Երնող եպիսկոպոս էր Տայոց եւ ծննդեամբ
Տայքի Իշխան դիւղից: Կաթողիկոսանալուց յետոյ, երբ
գժտուեց թէոգորոս Ռշտունի իշխանի հետ, քաշուեց Տայք,
եւ մնաց վեց տարի: Նրա շինարարութեան արդիւնքն է
թերեւս Բասենի Ս. Աստուածածին եկեղեցին, մօտ Հասան-
Կալէի, եւ ոչ Բազրեւանդի Վաղարշակերտի համանուն եկե-
ղեցին:

Այս խորհրդածութիւնները ակամայից ծնում են մի են-
թադրութիւն, որ Հասան-Կալէի Ս. Աստուածածնի մօտ Վա-
ղարշակերտ անունով քաղաք է եղել. եւ այս քաղաքը զատե-
լու է եւ Վաղարշապատից, եւ Բազրեւանդի Վաղարշակեր-
տից:

Պ. Սաչատրեան, որ մեր գրքի կոչումներից կարող էր
կռահել գործի էութիւնը, գերադասում է դիւրին ուղին,
ընդգծելով, որ մենք իբրեւ թէ չփոթել ենք Բազրեւանդի
Վաղարշակերտը Բասենի Վաղարշաւանի հետ, որ Վաղարշա-
կերտը արար և պարսիկ հեղինակների մօտ կոչւում է Վալաշ-
կերտ, որտեղից արդի Ալաշկերտ:

Նախ ոչ մի օտար հեղինակ չէ յիշում Վալաշկերտ անուն
քաղաք Հայաստանում: Կայ եւ յիշատակում է Վալաշկերտ
եւ Գուլաշկերտ Պարսկաստանում, որ բոլորովին կապ չունի
մերինի հետ, բացի անունից:

Յետոյ՝ Վալաշկերտից ի՞նչպէս է ծագել Ալաշկերտ:
Լեման եւ Բելի կարծիք են յայտնել, որ Ալաշկերտ աւելի
հին է քան Վաղարշակերտ եւ որ խալդական անունն է an
Anashi, որից Ալաշկերտ, որպէս Անաշիկերտ:

Վաղարշակերտ, ուրեմն, մի տեսակ վարժապետական
հայացումն է, ինչպէս Մենուասի քաղաքը դարձել է Մա-
նուազակերտ, եւ Նախճուանը՝ Նախիջեւան:

Թւում է որ առաջին անգամ Յովհան կաթողիկոսն է,
որ հանդէս է բերում Վաղարշակերտը, առանց տեղը որոշե-
լու, Յուսուբի հալածանքի ժամանակ: Սրան հետեւում է
Ասողիկ: Իսկ Լաստիվերտցու ցուցումները տանում են մեզ
աւելի դէպի Բասեն:

Լաստիվերտցին գիտէ եւ Վաղարշաւան նոյն գաւա-
ռում: Եւ այս հանգամանքը արգելք չի կարող լինել, որ Վա-
ղարշակերտը եւս Բասենում լինի: Արշարունիքում երեք քա-
ղաք կար միեւնոյն թագաւորի անունով՝ Երուանդաշատ,
Երուանդակերտ եւ Երուանդաւան:

Այսպիսով, չփոթութեան հարց չկայ, այլ մի խուլ են-
թադրութիւն, որ վրաց եպիսկոպոսի աթոռանիստ Վաղար-
շակերտը իր Ս. Աստուածածին եկեղեցիով, թերեւս, որոնե-
լու է Բասենում, Հասան-Կալէի մօտ: Գուցէ սխալում ենք,
եւ Վաղարշակերտը եւ այս դէպքում Բազրեւանդի Ալաշկեր-
տըն է հայացրած: Ամեն պարագային՝ թիւրիմացութեան
մասին խօսք չի կարող լինել: Բազրեւանդի Վաղարշակերտը
նոյնչափ խնդրական է, որքան մեր ենթադրեալ համանուն
քաղաքը Բասենում:

Կարծելով, որ Հասան-Կալէի տեղ այս քաղաքն է եղել,
մենք փորձել էինք որոնել Բողբերդը ոչ Բասենի դաշտում,
այլ այն լեռների մէջ, որ պատում են Բասենը հիւսիսից եւ
զատում նրան Բուխա դաւառից:

Բուխա Տայոց աշխարհի հարաւային անկիւնն է, փրո-
ւած յիշեալ լեռների հիւսիսային լանջերի վրայ: Բնական
ամրութիւն են այս լեռները Բասենի սահմանադիւսին, ուր
այժմ էլ կան մի քանի բերդեր, ինչպէս նշանակում են աշ-
խարհագրական քարտէսները: Սրանցից մէկը կոչւում է
Բուհա-Կալէ: Եթէ միայն անունը ճիշտ է արձանագրուած,
կարելի է կարծել, որ հին Բուխա անունն է պահուած Բուհա
ձեւով:

Ձեռագիրներից յայտնի է եւ Բոխա ընթերցումը Բո-
խա-բերդ կարող է յանգել Բող-բերդի ինչպէս որ բախտ դառ-
նում է բաղդ, եւ ընդհակառակն Օլթի, ուրեմն հին Ուղթի
փոխում է Ուխտիք կամ Ուխթիք ձեւերի:

Լեզուական անպատեհութիւն չկայ, հակառակ պ. Սա-
չատրեանի լեզուագիտութեան: Կարելորը բնաւ այն չէ, որ
Բողբերդը Բուհա-Կալէն լինի անունով: Խնդիրը այն է, թէ այս
եւ մօտակայ բերդերը իրենց տեղագրութեամբ կարո՞ղ են
մտնել Բասենի մէջ եւ կամ համարուել մասն նրա ռազմագի-
տական ամրութիւնների շղթայի: Պ. Սաչատրեան, որ հրա-
պարակ է գալիս որպէս երկրի տեղագրական պայմաններին
ծանօթ անձ, պարտք ունէր պատասխանելու այս հարցին:
Եւ եթէ մի օր, փոխան Կուչկուշլար սարի, իրեն ձգէր Բու-
հա-Կալէի շրջանը, այսօր աւելի բան կարող էր ասել, քան
իր լեզուագիտական անօգուտ պտոյտները:

Լեզուական նկատումները չեն, որ մեզ դրդել են Բող-

բերդը որոնել Բասենի լեռներում, այլ որ այս լեռները տիրելով ամբողջ դաշտին հանդիսանում են բնական ամրութիւն: Բող կարող է կապ ունենալ Բուհա-Կայէի հետ, կարող է պարսկերէն բոլ բաւր լինել, որ նշանակում է բարձր, հին բարգ, հայերէն բարձր, որի բոլ ձեւը մնացած է բոլանդ «բարձր» բառի մէջ: Ուրեմն Բողբերդ ոչ այլ ինչ է, եթէ ոչ «Բարձր բերդ»: Կարեւոր է տեղագրութիւնն ամենից ստալ:

Քանի որ խօսքը Բուխայի մասին է, աւելորդ չէ նկատել, որ Բուխա ցեղապետական ծագում ունի, այսինքն՝ սկզբնապէս ժողովուրդի անունն է: Ստեփան Բիզանդացին գրած «Կարինի ետեր Եփրատի եւ Կուրի միջև Բանխա ժողովուրդ»: Ծանօթ է նաեւ Պատրումէ, որի ձեւագիրները տալիս են Բոխա ընթերցուածք, իսկ հրատարակիչները սղղում են Բոխա, հայերէն Բուխայի աղղեցութեամբ:

Ստեփանի Բոնխա, որ յունարէն գրում է Bogcha, Պտոլոմէի՝ Bokcha, կարելի է կարդալ նաեւ Bolcha: Հնարական տեսակէտով հնարաւոր է:

Արդեօք հայերէն անունն եւս ընթեռնելու չէ՞ Բոլխա եւ այս չէ՞ եղել արդեօք մերձաւոր առիթը, որ Խորենացին, համաձայն իր լեզուագիտական մեթոտի, Բյղար Վղնդուրին բերել է հիւսիսային Կովկասից եւ բնակեցրել Անսիայտ կամ Վերին Բասենում:

Պ. Խաչատրեանի ստարկութիւնները ըննութիւնը ցոյց է տալիս, որ նրա յաւակնոտ յայտարարութիւնները չարգարացան, որ «տեղապետական ուսումնասիրութիւնը», ինչպէս եւ Վիսիկ գետի Բարդուղոս եւ Բուլույ գիւղերի լեզուագիտութիւնը, բնաւ իրաւունք չեն տալիս այն խորխա շեշտերին, որ պարոնը նետում է իր յօդուածում եւ որ տեղի չունին բանիմաց բանասիրութեան մէջ:

Ծ. Նոյն բանասէրը չի կարողացել ձեռնպահ մնալ անիրաւ նկատողութիւններից մի իրաւացի խնդրում, որպիսին է Բագրեւանի բառի ստուգաբանութիւնը: Պ. Խաչատրեան չի բաւականանում միայն նրանով, որ բերում է Մարքուարտի նորերս յայտնած աւելի ստույգ մեկնութիւնը նոյն բառի, այլ իրաւունք է համարում յետին թուով քրքրելու մեր բացատրութիւնը, որպէս թէ լեզուական օրէնքների հակառակ առաջարկ:

Պտոլոմէի ձեռագիրներն ընծայում են Բագրանդուակն ընթերցուածք. միւս կողմից՝ կան պարսկական ցեղեր Քամալ-աւանդ, Հասան-աւանդ, Սիր-աւանդ անուններով: Այս երկու երեւոյթը մղել էին մեզ Բագրեւանդ վերլուծել՝ Baga-rata-vanda: Տասնեակ տարիներ են անցնում եւ նորերս Մար-

քուարա ստաջարկում է աւելի ստույգ վերլուծում՝ Baga-rat-vand, աւել է թէ Baga-rai-vanda. Պէտք է տեսլ, որ rata եւ rai միեւնոյն արմատիցն են: Նոր մեկնութեամբ vand սովորական անանց է եւ rai-vand նշանակում է «հարուստ» եւ աստուծու մակդիրն է: Մինչդեռ մենք համարել էինք vand հնադոյն ձեւը gund բառի «տուն, բնակութիւն» իմաստով: Նաեւ համեմատել էինք Խուսթիստանի մի քաղաքի անունն հետ, որ է Գունդի-չապուհ, կամ աւելի հին ձեւը՝ Վանդի-չապուհ, որ յիշում է մի յոյն հեղինակ՝ Bendo-sabor-on:

Պ. Խաչատրեան այս առթիւ լեզուագիտական խրատներ է կարդում, որ Բագրատունդ չի կարող դասնալ Բագրատանդ: Ինչո՞ւ: Ահա havatsara դասնում է՝ հաւատար, եւ vardat-gesa վարդ-գէս:

Արդոյ պարոնի ստարկութեամբ gund տուն չէ նշանակում: Քրքերի մէջ սպրած մարդ է եւ կարելի էր սպասել, որ գիտնար, որ քրքերէն gund նշանակում է գիւղ:

Իերում է նաեւ Մարքուարտի մեկնութիւնը, թէ Վեղիսարսը ծագում է Վեհ-Անտիոկ-Սապուր անունից եւ հետեւապէս աղերս չունի մեր ենթադրած վանդ - զանդ բառի հետ: Եւ այստեղ լսկ իր անծանօթութիւնն է ցուցադրում:

Անգամ մեր կոչումը ստուգելու նեղութիւնը չի քաշել ոյ. Խաչատրեան, ապա թէ ոչ ցոյց տուած տեղում կր տեսնէր, որ Մարքուարտի կարծիքը նորութիւն չէ եւ ոչ իսկութիւն, այլ նա ծագում է արար հեղինակներից եւ յայտնի արեւելագէտ Նեօլդրքէ անարթէք է համարում եւ փորձում է այլ կերպ մեկնել: Այսպիսի պայմաններում ներելի է եւ ոչ անդոտների կցել խնդրին նաեւ գունդ - գիւղ, բնակութիւն բառը, քանի որ սմանք Գունդի-չապուհի մէջ պատրաստ են տեսնել մինչեւ անգամ գունդ - զօրք, բանակ բառը, որ նուազ պատշաճաւոր է քան մեր ստաջարկը:

Մարքուարտ կարծում է նաեւ, որ յիշեալ քաղաքի անունը Վեհ-ագ-Անտիոկ-չապուհ չէ կղել, ինչպէս արար մատենագիրներն են գրում, այլ Վեհ-Անտիոկ-չապուհ:

Նեօլդրքէ, որ չի ընդունում այս ստուգարանութիւնը, ինչպէս ասացինք, նոյն ուղղումը ստաջարկում է մի ուրիշ քաղաքի անունն առթիւ:

Խոսքով Անուշրուան Անտիոքի բնակիչներին գաղթեցրեց եւ հաստատեց Տիգրոնի մօտ հիմնած նոր քաղաքում, որ կոչեց Վեհ-ագ-Անտիոկ-Պոսրով:

Ահա այս անունն է, որ նա ուղղում է Վեհ-Անտիոկ-Պոսրով: Սերէոս պատմագիրը ծանօթ է այս քաղաքին, որ ան-

ւանում է Վեհ-Անջաթոք-Պոսրով: Նոյն գիտնականը ուզում է հայ անունն եւս ուղղել Վեհ-Անտոք-Պոսրով:

Կարծում ենք, որ այս առաջարկը վիճելի է: Սերէոսի Վեհ-Անջատոքը հաստատում է արար մատենագիրների վկայութիւնը, որ քաղաքի անունն իրօք եղել է Վեհ-ադ-Անտոք, հայ Անջատոք աղաւաղումն է կամ Ադ-Անտոքի կամ աւելի հին ձեւի՝ Աժ-Անտոքի:



ՀԻՆ ՀԱՅՈՑ ԱՇԽԱՐՀԱՅԵԱՑԲԸ

Որքան եւ կարեւոր համարուին պատմութեան արտաքին այսպէս կոչուած նիւթական գործօնները, անկարելի է ուրանալ ներքին կամ հոգեւոր ազդակների արժէքը: Եթէ մէկը տալիս է պատմութեան անհրաժեշտ ատաղձը, միւսն է իսկական ճարտարապետը, որ անշուշտ նիւթեղէնից կերտում կանգնում է պատմական մշտաբարբառ հրաշագան շէնքը: Միտքը պատմութեան գործօն ոյժերից մեծագոյնն է: Իւրացրած մտքերի եւ հասկացողութիւնների ամբողջութիւնը, այն որ կոչւում է աշխարհայեացք, այն է որ ձեւակերպում է եւ մարդկայնացնում անիմաստ մթերքը:

Ինչ եւ լինեն աշխարհայեացքի ծագման եւ կամ զարգացման պատճառները, որքան և կապակից լինեն արտաքին պայմանների, բայց մի անգամ որ մշակուած, կազմուած է, մի անգամ որ յայտնի ձեւաւորում է ստացած, աշխարհայեացքը երեւան է գալիս այնուհետեւ իբրեւ ուրոյն և ինքնազօր ոյժ եւ գործում է միւս ազդակների աւրնթեր, անկախ կամ փոխադարձ ազդեցութեամբ:

Պատմութիւնը, որպէս եւ հասկանալու լինենք, ամենէն առաջ գործողութիւնների շարան է: Հոգեբանական տեսակէտից գործն այլ բան չէ, եթէ ոչ հասկացողութեան մարմնացում: Անհատը, մենակ թէ հաւաքաբար, գործում է այն չափով, որչափ ըմբռնում է: Կարելի է համարձակ սսել, որ ազգերի հասունութեան աստիճանը, նրանց տեսութեան հորիզոնները շատ անգամ նախորոշում եւ նախազծում են նրանց պատմութեան շրջանակը: Քաջերի սահմանը զէնքը չէ միայն, ինչպէս ասուած է, այլ եւ այն հոգեկան մղումը, որ տանում է զէպի զէնք:

Նախնական շրջանում աշխարհայեացքն անպայման կրօնական գունաւորում ունէր: Ոչ միայն պատմութեան արեւծագին, երբ մարդկութիւնը թափառում էր տառեմների եւ ֆետիշների աշխարհում, այլ եւ աւելի ուշ, գիտակից շրջանում, տիրական էր այն հաւատը, որ կեանքի անտես գործիչները աստուածներն են, նրանք են, օրինակ, որ մարդկանց տանում են պատերազմի դաշտ եւ նրանց հետ միասին կուռում թշնամու եւ օտար աստուածների զէմ:

Բնական է հարցնել, արդեօք ի՞նչ էին մեր աստուածները և ո՞ւր էին ստաջնորդում մեզ: Աստուածութիւնը և նրա թելադրանքը երկրի համար գաղափարական երկնաճեմ գոլորշիներ են, որ բարի անձրեւներով բեղմնաւորում են պատմական հողը: Մեզնից բխած թէև, բայց իշխում է նա մեզ վրայ, ղեկավարում է մեր բարքերն ու գործերը, մեր թռիչքն ու անկումը:

Դժբախտաբար, հուրն ու սուրը, որ հանապազ աւեր են դարձրել մեր երկիրը, չեն խնայել նաև մեր ներքին աշխարհը: Իսկ այս կարգի քայքայումը նուազ աղետալի չէ, քան նիւթական փլատակները: Հետեւել մեր աշխարհատեսական ուղիին, պարզել նրա հարազատ եւ խորթ ուղորները, եւ կամ վերականգնել նրա այնքան անգամ կտրտուած թելը, անհնարին գործ է: Այն սարսափները, որ տեղալով տեղացել են մեր երկրի վրայ ահաւոր են ե՛ւ նրանով, որ խորտակել են ամբողջ աշխարհայեացքներ, չքացրել ապրած անցեալի, կրած փորձառութեան թանգարժէք եւ աննիւթ հարստութիւնը:

Պէտք է զարմանալ, որ հայ յիշողութիւնը, հակառակ բոլոր աննպաստ պայմանների, դեռ կարողացել է պահել դարերի մտաւոր եւ նիւթական աւերածի փոշու մէջ այնպիսի շողջողուն մարգարիտներ, որոնք տանում են մեզ դէպի մարդկութեան ամենահին պաշտամունքների տաճարները:

Հայ երկիրը երբեք կտրուած եւ կղզիացած չէ եղել իր շրջակայ խոշոր քաղաքակրթութիւններից, այլ ապրել է նրանց մէջ իբր կազմակից մաս և կրել նրանց շարժումների անմիջական հետեւանքը: Կարելի է ասել, որ այն ինչ որ ընդունուած է եղել լայն քաղաքակրթական աշխարհում, բնաւ օտար չէ եղել եւ մեր հայրենի շրջանին:

Հայ յիշողութեան հնաւանդ փշուրները, հարեւան երկրներում տարածուած պաշտամունքների լոյսի տակ, կը ստանան իրենց ամբողջութիւնը եւ կարող կը լինեն վերականգնել մեռած աստուածների պատկերները:

Զբաղուել թաղուած աստուածներով այնպիսի ժամանակ, երբ կենդանի աստուածներն են նաև ոչինչ համարում, գուցէ և ունայն աշխատանք է: Սակայն, աստուածութեան թիւը ոչ թէ միայն բարոյական լքումի նշան է, այլ եւ ինքնակոծութեան վատթար տեսակը:

Արդարեւ, ի՞նչ է աստուածութիւնը, եթէ ոչ մարդկութեան վեհաշունչ երազների յայտնութիւն, եւ ի՞նչ է պատմութիւնը, եթէ ոչ նորանոր աստուածութեանց որոնումներ, նորանոր բարձունքի տենչանք:

Այս է պատճառը, որ մարդկութիւնը դժուարութեամբ է թողնում իր կուռքերը, հեշտ չէ բաժանում իր սրբութիւններից: Մեռնում են աստուածները, բայց նրանց պաշտամունքի բեկորները մնում են սրբազան աւանդ, որ անցնում են սերնդէ սերունդ, տաճարից տաճար, պահպանելով իրենց վաղեմի խորհրդաւորութիւնը: Եւ դարմանալին այն է, որ յարատեւում են յաճախ մանաւանդ կրօնի արտաքին արտաշայտութիւնները, որ աւելի մատչելի են հանրութեան, ծէսերն ու արարողութիւնները: Գինիները փոխում են եւ մնում են տիկերը իբրև նուիրական անօթներ, պատրաստ ընդունելու նոր բովանդակութիւն:

Աւետարանի վերասրաց վարդապետութիւնն անդամ չի արհամարհել հեթանոսական դատարկուած տիկերը: Քրիստոսի ձայնը հնչելիս հեթանոս երկինքը դրեթէ անբնակ էր, աստուածները կորցրել էին իրենց ոչ մի ու հմայքը և տաճարներում մնացել էր միայն նախնի հուստատլիքների շոր կմախքը: Քրիստոնէութիւնը դիւրութեամբ դրուեց անշունչ կմախքը եւ նոր ոգի տուեց նրան:

Հին կրօնի ծիսական ժառանգութիւնը հարուստ էր ճիշտ այն երկիրներում, որոնք նոր քարոյցի անդրանիկ բեմ դարձան եւ նոր ուսմունքի մարախրտարան:

Նրանց թուում էր ևւ Հայտատանը:

I

Հին աշխարհի կրօնական հասկացողութեան մէջ եթէ կար մի պաշտամունք, որ սկզբից եւեթ ստաջնակարգ տեղ էր բռնել եւ ընդհանուր հուշակ վայելում, այդ դուրակից աստուածութեան գաղափարն էր:

Բնութեան մէջ ամենից մեծ եւ խորհրդատու երևույթը մանուսանդ նախնի մարդու աչքում սանացի եւ կանացի բակրգրունքն էր եւ նրանից բխած բեղմնաւորութիւնն ու համատարած բարիքը: Այդ սկզբունքի մարմնացումը կազմում է հին կրօնական պանթէոնի կենդրոնը:

Տառեւական շրջանում բեղմնաւորութեան սկզբունքը հաւանօրէն հանդէս է դալիս կենդանական կերպարանքով, այս կամ այն կենդանու, գազանի, սողունի եւ կամ թռչունի նմանութիւն ստանալով: Յետոյ է որ այր և կնոջ պատկերով է ներկայանում, հաստամարմին եւ բազմաստիկ կին եւ երիտասարդ գեղանի այր: Առաջինը պատկերացնում է նաև մայր-երկիրը, իսկ երկրորդը՝ կայծակնահար երկինքը: Նրանց հանդիպումի եւ միաւորութեան վայրերն են ամպերի

մէջ թաղուած բարձր լեռների գագաթները, ուր կարծես երկինքը իրօք իջնում է մօտենում երկրին եւ նրան բեղմնաւորում է խոնաւութեամբ, յորդ անձրեւներով եւ կեանքի կոչում կանաչագեղ բնութիւնը ձմրան մահացութիւնից:

Միեւնոյն պաշտամունքը տեսակ տեսակ արտայայտութեամբ ծանօթ էր հին քաղաքակրթութեան, սկսած Նեղոսի ափերից մինչև Սև ծովը ու Բաբելոնից՝ Եգիպտական աշխարհը: Տեղի եւ ժամանակի համեմատ փոխուում էր անունը, բայց էութիւնը մնում էր նոյնը: Ամենից յայտնի անուններն են՝ Իշտար եւ Թամմուզ Միջագետքում, Աստարտէ եւ Ագոնիս Ասորիքում, Իզիս եւ Ոզիրիս Եգիպտոսում, Կիրեյէ (կամ Կիրէլ) եւ Ատիս Փոքր Ասիայում, եւ եգիպտական-լուսնական դիցաբանութեան բազմաանուն աստուածները՝ Ռէպայից մինչև Արիադնէ եւ Չեւսից մինչև Դիոնիսիոս:

Բազմատեսակ են անունները մանաւանդ Փոքր Ասիայում: Մեր նպատակից դուրս է կանգ առնել անունների եւ կամ զուգորդ աստուածութեանց վերաբերեալ առասպելների վրայ: Մեզ հետաքրքրողը նրանց պաշտամունքն է այն ձևով, ինչպէս ընդունուած էր քրիստոնէութեան նախօրեակին դրացի երկրներում, զլիաւորապէս Փոքր Ասիայում և Ասորիքում: Պէտք կայ յիշելու Փոքր Ասիայի Կիրեյէ եւ Ատիս զոյգ աստուածութեան դիցաբանական ծագումը, որպէսզի հասկանալի դառնայ նրանց պաշտամունքի ծէսերը:

Կիրեյէն մի հրէշաւոր արարած էր սկզբում, երկսեռանի այր եւ կին միանգամայն: Աստուածները զարհուրած կտրում են նրա առնական բաժինը եւ դէն ձգում: Մրանից բուսնում է մի նշենի: Շատ հնում բեղմնաւորութեան ոյժը ներկայացնում էր ցուլը, հետագայում նա արտայայտուում էր կնոջ կերպարանքով: Թերեւս այս հանգամանքն է պատճառը, որ Կիրեյէն երկսեռ հրէշ է: Հին յիշողութեան արձագանգ:

Երբ նշենին աճում է եւ պտուղ է տալիս, Սանգար գետի աղջիկը մի օր մի նուշ է քաղում ծառից և պահում իր ծոցում: Նուշից յղանում է եւ ծնում մի մանուկ: Մայրը ամօթից նետում է նորածին երեխային: Մի այժ խղճում է նրան և կաթ է տալիս ու մեծացնում: Դա էր Ատիսը կամ Ատտիսը:

Կիրեյէն սիրահարուում է գեղանի պատանի Ատիսին: Մինչդեռ տղայի ազգականները ուզում են նրան ամուսնացնել Պիսինունտի թագաւորի դստեր, հարսանիքի հանդէսին վրայ է հասնում Կիրեյէն, խանդից մղուած: Ատիսը գժուում է տեղն ու տեղը եւ խելացնոր անդամահատում է իրեն: Նրան հետեւում է Պիսինունտի արքան, նրա աները: Կիրեյէն վըշ-

տացած աղերսում է Չեւսին, որ իր սիրելի մարմինը անհիւժ, անեղձ պահի:

Ասում են, որ Ատիսի դժբախտութիւնը տեղի է ունենում փիճի ծառի տակ: Կիրեյէն թաղում է նրա առնականը, որից բուսնում է մանուշակ եւ պատում փիճի ծառը: Չեւսը կատարում է Կիրեյէի խնդիրը եւ նրա տարիածուի մարմինը մնում է անապակ, միայն մազերն են երկարում եւ ճկոյթն երբեմնակի շարժուում: Աստուածուհին տանում է Ատիսի մարմինը իր անձաւը եւ այնտեղ ողբում նրա կորուստը:

Առասպելը Կիրեյէի բախար կապում է Ատիսի հետ: Երկուսի յարաբերութիւնը նոյն կարգի է, ինչ որ Հաթեան յիշատակարանների պատկերները, մայր աստուածուհին եւ այր աստուածը կանգնած մի մի ինձի մէջքի վրայ: Այր աստուածը հաւանօրէն Տեշուպն է, որի զուգորդն է անկասկած եւ մեր Ատիսը:

Գուցէ սկզբում Ատիսը անջատ դոյութիւն է ունեցել իբրև ուրոյն աստուածութիւն, անկախ եւ օտար աստուածուհուն: Թւում է թէ Ատիսը նախապէս լուսնի աստուածութիւնն է եղել եւ ժամանակի ընթացքում ձուլուել է Տեշուպի հետ իբր ընկեր եւ սիրելի մայր երկրի աստուածուհուն: Ինչպէս եւ եղած լինի, նրա շողկապը աստուածուհու հետ անտարակոյս է: Այս շողկապի իմաստը եւ խորհուրդը միակերպ է բացատրուում հին եւ արդի գիտնականների կողմից:

Երիտասարդ աստուածը կենդանի բնութեան եւ առանձնապէս բուսականութեան մարմնացումն է: Ինչպէս որ բոյսը ծլում է հողից, այնպէս էլ Ատիսը ծնունդ է առնում մայր աստուածուհուց, մայր երկրից: Ամառուայ խորշակը խանձում, սպանում է բուսականութիւնը դեռ ատոքութեան չհասած, այնպէս էլ Ատիսը մեռնում է կորցնելով իր առնական դորութիւնը: Բայց նրա մահը ընդմիջտ չէ: Սառնաչունջ ձմեռուայ օրերն անցնում են, գալիս է գարունը, եւ բնութիւնը վերստին զարգարում է կանաչ պճրանքով:

Ատիսի մահը նմանապէս ժամանակաւոր է համարում. դարնանամուտի գեղածիծաղ օրը յարութիւն է առնում, որ լետոյ դարձեալ մեռնի: Այսպէս բնութեան փթիթն ու մահն իր անշեղ յաջորդականութեամբ մարմնանում է գեղանի Ատիսի դարեւոր մահով եւ յարութեամբ: Ատիսը մի հին փիլիսոփայի խօսքով «գարնանային երեսն է երկրի, կամ երեսի ծաղիկը»:

Բնութեան աստուածացումը բնականօրէն լծորդուելու էր մի շարք արարողութեանց հետ, որոնց ամբողջութիւնը կազմում է Ատիսի տօնախմբութիւնը: Նուիրական հանդէսները տեղի էին ունենում մարտի 22ից մինչև 27 եւ իրենց

զարդարը, ինչպէս ժողովուրդն է ասում, Աւագ չարաթուայ հանդէսները, կարծես, իրենց նախատիպն ունին Ատիսեան արարողութեանց մէջ: Նմանութիւնը դիպուածական չէ:

Քրիստոնէական եկեղեցին իր ներքին կազմը մշակելիս համակերպուել է արդէն հնուց արմատացած սովորոյթներին և գրեթէ ողջովին խորացրել է հանդէտ պաշտամունքների ժառանգութիւնը: Ատիսի և Կիրեյի երկրպագութեան արարողութիւնները պատրաստի անօթներ էին ընդունելու եւ պահելու քրիստոնէական նոր գինին: Բաւական էր փոխարինել հեթանոս անունները Տիրամօր եւ Աստուածորդու անուններով եւ հին ծէսերը կարող էին յարատեւել նոր շնչով:

Կրօնի յաջողութիւնը միմիայն ներքին արժէքից չէ կախուած, այլ եւ նրա արտայայտութեան արտաքին ձեւերից: Քրիստոսի կեանքն ու քարոզն աւելի հասկանալի պիտի լինէր այնտեղ, ուր ընդունուած էր Ատիսի պաշտամունքը, քան մի ուրիշ կրօնական միջավայրում:

Ճշմարիտ կը լինէր եւ հակառակ ենթադրութիւնը. ուր քրիստոնէութիւնը դիւրին մուտ է ունեցել, այնտեղ հաւանօրէն ծանօթ է եղել աստուածային զոյգի պաշտամունքը:

Արդ, Հայաստանը լինելով մէկն այն երկիրներից, որ հեշտութեամբ ընդունել է Քրիստոսի թեթեւ լուծը, պէտք է կարծել, որ նրա կրօնական հողը եւս խորթ չէ եղել Ատիսեան պաշտամունքի ծաղիկներին:

Արդարեւ, կան երեւոյթներ, որ հաստատում են այս ենթադրութիւնը: Խնդիրը հարկաւ այն չէ միայն, որ հայ եկեղեցական արարողութեանց մէջ նկատելի են այնպիսի ուրոյն գծեր, որոնք հեթանոս պաշտամունքի հնարաւոր շողերն են: Կան եւ այլ կարգի նիւթեր, թէեւ հատուկորոշ, բայց բացորոշ, որոնց թուում յիշելու է նախ Դիորփի առասպելը:

Վերեւ յիշուած առասպելը Ատիսի եւ Կիրեյի մասին շատ եւ բազմատեսակ յեղուածներ (version) ունի: Յիշենք միայն այն, որ ըստ մի յեղուածի, որ պահուած է Պաւսանիասի մօտ և ծագում է աւելի հին հեղինակից, Ձեւը քնած ժամանակ սերմնակաթ է լինում, որից ծնում է երկիրը հրէշաւոր Ազդիստին, Ատիսի մօրը:

Արնոբ(իոս) քրիստոնէայ հեղինակը, որ ապրում էր երրորդ դարի վերջերը եւ չորրորդի սկիզբները, մերձ 305 թուին գրուած Adv. Gentes V, 5 աշխատութեան մէջ ծաղրանքով մէջ է բերում նոյն առասպելի մի այլ յեղուածը: Այն ժայռը, որի վրայ ննջում է Ձեւը, նրա ասելով, կոչւում էր Ազդոս: Ոլիմպոսի մեծ աստուածը, տուփանքից բռնուած,

միաւորում է այդ ժայռի հետ եւ նրանից ծնում է Ազդիստիս:

Արդ, այսպիսի մի առասպել ծանօթ է եղել հնում Ե՛ւ Հայերին: Կեղծ-Պլուտարքը, De Fluviiis գործի մէջ Արաքսի մասին խօսած ատենը բերում է հետեւեալ դիցարանական զրոյցը:

«Արաքսին յարում է մի սար, որ կոչւում է Դիորփ(ոս) եւ որ իր անունը ստացել է երկրի որդի Դիորփից: Սրա մասին այսպիսի մի պատմութիւն են անում: Միհրը ցանկանում էր զաւակ ունենալ, բայց որովհետեւ ատում էր կանացի սեռը, ուստի գրկախառնուում է մի ժայռի հետ: Ժայռը յղանում է եւ սահմանուած ժամանակը լրանալուց յետոյ ծնում է մի մանուկ, անունը Դիորփ: Սա մեծանում է եւ կուռի է կանչում Արէսին յանուն առաքինութեան եւ սպանւում: Աստուածների որոշմամբ Դիորփը կերպարանափոխուում է համանուն լեռան»:

Որքան եւ շինծու, անվստահելի լինին Կեղծ-Պլուտարքի յերևրանքը, մտացածին զրոյցները, բայց եւ այնպէս պէտք է ենթադրել, որ մի որոշ կուռան ունենալու էր շրջուն դիցարանական կամ ժողովրդական բանահիւսութեան մէջ, այնպիսի զարմանալի առասպելներ յօրինելու համար: Դիորփի զրոյցը յամենայն դէպս իրական հող ունի: Փոքրասիական տարածուած առասպելների հայ յեղուածն է Ատիսի մասին: Ձեւսի փոխարէն երեւան է գալիս բնականօրէն Միհրը, հին աւելի ժողովրդական աստուածութիւնը: Դիորփը «երկրածին» է կոչւում, նրա մայրը ժայռն է:

Տեսանք, որ այսպիսի ծնունդ ունէր մայր աստուածուհին Ազդիստը կամ Կիրեյին: Հաւանօրէն Հայերին եւս ծանօթ է եղել, որ Դիորփը Ատիսի նման ծնունդ է ունեցել:

Պլուտարքը տարաբախտաբար միայն առասպելի ըսուելն է մեզ պահել, չփոթ դժերով: Դիորփի մրցումը Արէսի հետ, նրա նահատակումը առաքինութեան համար ձուլում է նրան գրեթէ Արա Գեղեցիկի հետ: Դիորփը փոխուում է լեռան ճիշտ այնպէս, ինչպէս Շամիրամը քար է կտրում Խորենացու ասելով: Այստեղ եւս Դիորփին է վերագրուած ինչ որ պատկանում է նրա մօրը:

Գիտենք, որ Կիրեյի բազմաթիւ մակդիրներից մինն է լեռնական մայր, լեռնաբնակի իմաստով: Մայր աստուածուհին դերադասում էր ապրել լեռների բարձունքում, նրա սըրբավայրը քարանձաւներն էին: Հիները կարծում էին, որ նրա Կիրեյն անունն իսկ քարանձաւ է նշանակում:

Կեղծ-Պլուտարքի աւանդած հնութեան պատառը ամեն պարագային մի բան է ապացուցանում որոշակի, որ Փոքր

Ասիայի կրօնական երկինքը հարազատ եւ ընտանի է եղել եւ հայ միջավայրում: Այս մի գաղափարական օղակ է, որ կապում է Հայերին արեւմտեան հարեւանների հետ:

Մակայն մեզ հետաքրքրող պաշտամունքը միայն արեւմուտքի սեփականութիւն չէր: Նա ընդունուած էր ամբողջ Առաջաւոր Ասիայում, ուրեմն, ոչ միայն Հայաստանից արեւմուտք, այլ եւ հարաւ՝ Ասորիքի եւ Միջագետքի քաղաքակրթութեան աշխարհում: Նոյն պաշտամունքն այստեղ իր սրբոյն գունուորումն ունէր: Հայաստանը, մանուկանդ նրա այն մասերը, որ աշխարհապարտէս կախուած են Միջագետքի հարթութեան վրայ, խնամի էին նրան նաեւ կրօնական սերունդները:

Այդ սերունդների արդիւնք են համարում Արա-Շամիրամի պատմութիւնը:

Արա Գեղեցիկի պատմութիւնը իրօք մի առասպել է, կրօնական մտայնութեան մի բեկոր մեզ գրադեցնող սրբութեան տաճարում: Ասել է թէ հին պաշտամունքի հայ տեսակաւորումն է:

Մեր ժողովրդի մէջ տակաւին կենդանի են Արա-Շամիրամեան գրոյցի հետքերը: Բայց վստահ չենք, որ դրանք գրական յետադարձ ազդեցութեան արդիւնք չեն: Աւելի ապահով ենք համարում այն, ինչ որ աւանդուած է մեզ հնութիւնից:

Արայի պատմութիւնը հանրամասն է: Շամիրամը Ասորեստանի թագուհին է: Վաւաչառ եւ զեղի՝ ամուսնու մահից յետոյ մարդ է ուղարկում Արային եւ առաջարկում դալ նինուէ եւ կնութեան ասնել իրան, տիրանալով նինուէի գահին:

Արան Հայաստանի թագաւորն է: Նա զեղեցիկ է. «մբազմաց լուեալ զգեղեցիութենէ նորա, ասաքէ հրեշտակս աս Արայն Գեղեցիկ»:

Արան ողջախոհութեամբ մերժում է: Շամիրամը պատերազմ է սկսում, կամենալով բռնի հասնել իր նպատակին: Արան ընկնում է կռուի դաշտում: Շամիրամ վերցնում է նրա դիակը եւ դնում «ի վերնատանն ապարանից», յուսալով, որ նա պիտի կենդանանայ: «Հրամայեցի աստուածոցն իմոյ յիզուր զվէրս նորա եւ կենդանացի», յայտարարում է թագուհին: Պատմագիրն աւելացնում է, որ յոյս ունէր կենդանացնել «դիւթութեամբ վհուութեան»: Երբ մարմինը ներխուժ է, Շամիրամը թաղում է եւ «զմի ամն ի հոմանեաց իւրոց զարդարեալ ունելով ի ծածուկ, համբաւէ զնմանէ այսպէս. լիզեալ աստուածոց զԱրայ եւ կենդանացուցեալ լցին զփափաք մեր եւ զհեշտութիւն»:

Այս ասթիւ Շամիրամը «կանգնէ եւ նոր իմն պատկեր յանուն դիւաց եւ մեծապէս գոհիւք պատուէ»: Նոր պատկերը, հաւանօրէն, Արայինն է եւ ուրեմն նրա աստուած լինելուն բացարձակ ակնարկ:

Պատմուած է նաեւ, որ Արան ծնաւ Կարգոսին: Մի ուրիշ անգամ յիշուած է, որ Արան ունէր կին՝ Նուարդ անունով, եւ նրանից մի արու գաւակ 12 ամեայ: Շամիրամը նրան անւանում է Արա ի յիշատակ հօր: Այս Արան թողնում է մի գաւակ, «ամենահարուստ եւ շատահանձար յիր եւ ի բան զԱնուշաւանն որ Սօս անուանիւք, քանզի ձօնեալ էր բոս պաշտամանց ի Սօսիան Արամանեկայ, որ յԱրմաւիր»:

Ինչպէս ասացինք, այս պատմութիւնը ոչ այլ ինչ է, եթէ ոչ հին դիցարանութեան մի նշխար: Հիմնական իմաստն է Արայի այսպէս ասած մահկանացու անմահութիւնը, նրա մահն ու յարութիւնը: Անցնելով քրիստոնէական միջավայրից, առասպելը հասկանալի փոփոխութիւն է կրել: Արայի յարութիւնը կասկածի է ենթարկուած, որով մարմինը ներխուժ է եւ ոչ թէ վերակենդանանում: Շամիրամ ինքը մի կատարդ է, Արայի յարութիւնը՝ վհուութիւն: Մակայն, այն կոչը, թէ աստուածները լիզել են վէրքերը եւ ողջացրել, մատնում է պատմուածի նախնի բուն սղին, որ մեռած Արան իրօք յարութիւն է ասել:

Արայի որդին եւս նոյն անունն է կրում, յարուցեալ Արայի արձագանգն է: Սրա որդին կոչուած է Անուշաւան, որ սղումն է Անուշաւան բառի, որ ասել է «անմահ սղի»: Այս եւս մի ակնարկ է Արայի անմահութեան իբր հետեւանք յարութեան: Անուշաւանը ձօնուած է սօսիների պաշտամանց սրանով մերկանում է Արայի սրօղումը հուրիւնը: Նա սոսկ թագաւոր չէ, այլ եւ նուիրական պատկեր, կրօնական մեծութիւն:

Արայի եւ Շամիրամի անուան ասկ թագնուած են երկու հնագոյն աստուածներ, որոնք երկայն ճանապարհ են անցել մինչեւ թագաւոր եւ թագուհի դասնայր եւ ոլոր մոլոր հեաքեր են թողել անցած ճանապարհի վրայ, որ պէտք ունին հետադարձութեան եւ լուսարանութեան:

Սորենացու խստասիրտ քննադատը, հանդուցեալ պրոֆեսոր Առլաթեանցը իր կասկածամտութեամբ այնքան հետու դիպց, որ չէր ուզում հաւատա քննալի պատմահօր խօսքերին թէ Արայի եւ Շամիրամի գրոյցը քաղել է գրուոր սղրիւրից եւ թէ հայ առասպելները արդարացնում են նրա ասածները: Ամբողջ գրոյցը շինծու, մի տեսակ գրական յերլանք էր համարում նոյն գիտնականը: Մերունի պատմաբանը գիտենալով Դիոդորից որ Շամիրամի մասին անթիւ

պատմուեալներ են եղել Արեւելքում, իբր թէ իրեն իրաւունք է համարել ստեղծել նաեւ հայ մտացածին տարբերակը:

Որքան եւ մեղաւոր լինի Խորենացին, այս կէտում ճշմարտութեան դէմ մեղանշողը նրա քննադատն է: Յոյն պատմագրի վկայութիւնը աւելի յօգուտ Խորենացու է քան նրա դէմ: Եթէ Շամիրամի գրոյցները տարածուած են եղել Արեւելքում, Հայաստանը եւս կարող էր հաղորդ լինել նոյն գրոյցներին:

Շամիրամի առասպելի հնագոյն եւ Խորենացուն անծանօթ հիւսուածքը, ինչպէս կը տեսնենք, ցարդ կենդանի է մեր ժողովրդեան յիշողութեան մէջ: Որ Շամիրամի անունը եւ նրան փարած գրոյցներն ընտանի են եղել հայ աշխարհում, այդ երեւում է, ի միջի այլոց, հետեւեալ վաւերագրից, որ սպրդել է յիշեալ գիտնականի ուշադրութիւնից, եւ որ կարեւոր է մեր նպատակի համար:

1893 թուին, ուղիղ երեք տարի առաջ Խալաթեանի մեղադրական աշխատութիւնից, գերմանացի գիտնական Վիլքէնը հրատարակեց «Հերմէս» հանդիսում մի ուշադրաւ յօդուած «Նոր յոյն վէպ» վերնագրով:

Բերլինի պապիրուսների ժողովածուն քննելիս յիշեալ գիտնականը երեւան հանեց մի սիրային վէպ, որի հերոսն է Ասորեստանի թագաւոր Նինոսը: Թերթերը, դժբախտաբար, շատ մաշուած են, գրեթէ կէսը պակաս: Ընթեռնելի մասի բովանդակութիւնն այս է:

Նինոսը գրեթէ պատանի, 17 տարեկան, սիրահարուած է իր մօրաքրոջ աղջկան, որ աւելի նորատի, 13 տարեկան է: Երկուսի մայրերը, ուրեմն, հարազատ քոյրեր են: Նինոսի մօր անունը Թամբէ է, իսկ նրա տարփածուի մօր՝ Դարկիա: Նինոսը դանդաւորում է իր մօրաքրոջ Դարկիային, որ իրեն չեն թողնում ամուսնանալ միայն նրա համար, որ հարսը տակաւին մանկահասակ է, 13 տարեկան, եւ պէտք է սպասել եւս երկու տարի:

Աղջիկն իր կողմից ուզում է խօսել, գուցէ բացատրել իր վիշտը Թամբէին, իր մօրաքրոջը, բայց կարմրում է ամօթխածութիւնից եւ չի կարողանում բերանը բաց անել:

Մայրերը խորհրդակցում են միասին: Արդիւնքը յայտնի չէ բնագրի եղծմամբ:

Այնուհետեւ նկարագրում է Նինոսի պատրաստութիւնը արշաւելու Հայաստան: Մեծ զօրք է հաւաքում Հելլէններից, Կարիացիներից եւ Ասորեստանցիներից, 70 հազար հետեւակ, 30 հազար այրուծի եւ 150 փիղ: Նինոսը կտրում ան-

ցնում է սար ու ձոր, յորդահոս գետեր ոչ առանց դժուարութեան եւ բանակ է զարկում մի դաշտում: Տասնօրեայ հանգըստից յետոյ սկսում է կռիւր: Այստեղ ընդհատուած է ձեռագիրը:

Վէպի հանգոյցն այնպէս պիտի հասկանալ, որ Նինոսը չի կարողանում իր սիրոյն հասնել, որովհետեւ աղջիկը դեռ անչափահաս է: Ստիպուած արշաւում է Հայաստան, որպէս զի կուրի մէջ անցնէ երկու տարին, մինչեւ որ հարսի օրինական հասակը լրանայ: Գիտնական հրատարակիչը խոստովանում է, որ վէպի հանգոյցը եթէ այս է, բաւականին անհեթեթ է:

Սակայն թւում է թէ այլ կերպ է հասկանալու արշաւանքի շարժաւիթը: Յիշենք որ աղջիկն ուզում է սիրտը բանալ իր մօրաքրոջ առաջ, բայց չի յանդգնում, քաշուած է: Արդեօք պատճառը կուսական պարկեշտութիւնն է, թէ ասելիքի անախորժութիւնը, որ յետ է կասեցնում նրան մօրաքրոջ հետ խօսելուց: Թամբէի նկատողութիւնը՝ «չլինի թէ վատաբանես իմ որդուս» միանգամայն պարզում է, թէ ինչո՞ւ աղջիկը սիրտ չի անում մօրաքրոջ հետ խօսել: Պատճառն այն է, որ աղջիկը չի սիրում Նինոսին, նրա սիրոյ առարկան ուրիշ անձ է: Ինչպէս է, որ դժուար է այսպիսի անախորժ խոստովանութիւն անել տղայի մօրը՝ Թամբէին, ուստի եւ նա կարմրում է եւ լւում:

Արշաւանքի ուղղութիւնը ապացոյց է, որ աղջկայ սէրը ուրիշ տեղ էր, Հայաստանում: Նինոսը զօրահաւաք է անում, որ պնայ եւ ոչնչացնի իր ախոյեանին: Ուշադրութեան արժանի է, որ նոյն յիշատակարանի աղճատուած թերթերը պահել են մի տեղ օ էրաս ընթերցումը, որից քանի մի տող յետոյ յիշում է Արմէնի: Ուրեմն ախոյեանը ոչ միայն Հայոց թագաւորն է թւում, այլ եւ հաւանօրէն ինքն Արան, որի անունը տեղի է տուած եւ նոյնացած քաջայայտ էրոսին: Ինչո՞ւ են Հայերը զայրացած կամ կատաղած: Դժբախտաբար, յիշատակարանը թերատ լինելով, հարցիս պատասխանը մնում է անյայտ:

Պապիրուսի սիրավէպը շատ նման է Արա-Շամիրամի պատմութեան: Հերոսուհին, Դարկիայի աղջիկը ուրիշ չէ, եթէ ոչ նոյն Շամիրամը, ինչպէս կը տեսնենք ստորեւ: Տարբերութիւնն այն է, որ պատերազմը մղում է ոչ թէ Շամիրամը, այլ Նինոսը: Բայց որ Շամիրամը մոլուած է սիրով դէպի Հայոց թագաւորը, այս կարեւոր կէտում սիրավէպը համերաշխ է Հայոց աւանդութեան հետ:

Կարծում ենք, որ սրանով Խալաթեանցի կասկածները տապալուած են: Արա Գեղեցկի եւ Շամիրամի պատմութիւնը

1 Wilcken, Ein neuer Griechischer Roman, Hermes, 28, 161—193.

գրական յերիւրանք չէ, այլ գուտ ժողովրդական գրոյց: Որ Շամիրամի շուրջը շատ աւանդութիւններ եւ առասպելներ են եղել, այդ երևում է պատմաճօր հակիրճ ակնարկներէց: Հայ առասպելը դիտէր «գմահ Շամիրամայ եւ զհետեակ փախուստն եւ զպատարումն եւ զիղձս ջրոյն եւ զարբումն, այլ եւ ի մօտ հասանել սուսերաւորաց եւ զյուսութիւնն ի ծով եւ բան ի նմանէ՝ Ուլունք Շամիրամայ ի ծով»:

Սիրավէպի թերթերից մէկի վրայ կարդացուած է Տրայան կայսեր անունը: Վիլքէնը կարծում է, որ Պապիրուսը զրուած է ոչ ոչ քան ասաջին դարը նախքան Քրիստոս:

Զրոյցը, անշուշտ, աւելի հին է. նրա սաղմը առասպելական ծագումն ունի եւ սկիզբը թաղուած է հետաւոր անցեալի մթութեան մէջ: Որպէսզի կարելի լինի մաքրել կրօնական սաղմը հետագայ աւելածոյ կցանքից եւ պարզել հերոսների էութիւնը եւ ընդհանրապէս հասկանալ զրոյցի իմաստը, անհրաժեշտ է նախապէս ծանօթանալ Շամիրամեան առասպելների միւս գանակներին (վարիանտ):

Հին դասական գրականութեան մէջ Շամիրամին բախտակից է Նինոսը:

Գրեթէ բոլոր հին հեղինակները, որոնք հետաքրքրուել են արեւելեան պատմութեամբ, յիշում են Նինոս-Շամիրամեան զրոյցն այս կամ այն չափով: Նրանց սկզբնական աղբիւրն է Կտեսիասը: Սա Պարսից Արտաշէս թագաւորի դրան բժիշկն էր (395) եւ մօտիկ ծանօթ էր ժամանակակից ժողովրդական զրոյցներին: Գրի է աւել ի մէջի այլոց եւ Շամիրամի ու Նինոսի վերաբերեալ զրուցախառն պատմութիւնը, բայց նրա երկր մեզ չի հասել: Նրանից օգտուել են հետագայ պատմագիրները, քաղելով կարեւոր կտորներ, որոնց միջոցով կարելի է վերականգնել կորած բնագիրը: Առանձնապէս յարգի են Դիոդոր Սիկիլիացու քաղուածները, որոնք այսպէս են ներկայացնում Շամիրամի առասպելը:

Շամիրամը Ասորիքի Ասիայոն քաղաքի Դերկեա աստուածուհու գուստրն էր: Քաղաքից ոչ հեռու կար մի մեծ եւ խոր լիճ, լի ձկներով: Սրա ափին էր դնուում հուշակաւոր տաճարը, նուիրուած աստուածուհուն, «որին Ասորիները անուանում էին Դերկեստ եւ որի ղէմքը կնոջ նման էր, իսկ մնացեալ մասը՝ ձկան»:

Դերկեսայի մասին առասպելաբանում էին, որ Ափրոզիտէին վիրաւորած լինելով, պատժուած է վերջնիս կողմից նորանով, որ սիրահարուած է մի երիտասարդի եւ նրանից ունենում է մի աղջիկ երեխայ: Դերկեստն ամօթահար ձգուած է մանկան մի քարոտ եւ անապատ տեղ, եւ ինքը յուսահատ

ընկնում է լիճը եւ գտնուած ձուկ: Այդ պատճառով Ասորացիք ցարդ ձուկ չեն ուտում եւ աստուծոյ տեղ են պաշտում:

Ընկեցիկ երեխային շրջապատում են աղանիները, սընում եւ խնամում են նրան: Որք թեւերով պաշտպանում է քնքոյշ մարմինը, որը հարեան հովիտներից կաթնեղէն է բերում եւ կերակրում: Հովիտներից մէկը պատահամբ նկատում է երեխային, փրկելով ասլիս է արքունի արտասպետին, որի անունով կոչուած է Սեմիրամիս, որ ասորական բարբառով նշանակուած է աղանի: Այդ ժամանակից Ասորիները սկսում են պաշտել աղանուն իրր աստուծոյ:

Աղջիկն արդէն չափահաս էր, երբ մի անգամ Նինոս թագաւորի մերձաւորներից մէկը, այցի պալով արտասպետին, տեսնում է աղջկան եւ զմայլում նրա գեղեցկութեամբ: Նրա անունն էր Օնն(էս), թագաւորի ասաջին խորհրդականը եւ Ասորիքի հրամանատարը: Սա խնդրում է արտասպետին եւ նրա համաձայնութեամբ անում է Շամիրամին կնութեան: Այս զոյգից ծնուած է երկու գուակ, Հիւպատ(էս) եւ Հիւպատ(էս):

Նինոս թագաւորը, արշաւելով Բակտրիայի վրայ, տանում է հետը նաեւ Օննին: Պատերազմը երկարում է, Օննը ստիպուած է բերել ասլ իր կնոջը Շամիրամին: Սա ճանապարհ է ընկնում ամուսնու մօտ, աղայի շոր հագած, որ չի մանան, թէ նա կին է: Բանակ հասնելով՝ Շամիրամը օգնում է պաշարուած քաղաքի տաման:

Նինոս թագաւորը, հիացած Շամիրամի գեղեցկութիւնից եւ խելքից, թախտնձում է ամուսնուն, որ յօժարի զիջանել իր կնոջը, որի փոխարէն արքան խոստանում է ասլ նրան իր հարազատ գուստը Շուշանը:

Օննը անզօր է ընդգիւմանայ իր պետի ցանկութեան: Ակամայ հրաժարում է կնոջից, բայց վշտից գտնուացած խելոյարում է եւ ինքնասպան լինում¹:

Աթենազոր(աս), որ ասորում էր երկրորդ դարի վերջին, հեթանոսութիւնը ծաղրելու համար յիշում է օգտուելով Կտեսիասից, որ «Ասորիները պաշտում էին Դերկեսային, աղանուն եւ Շամիրամին եւ որ վերջինս մահից յետոյ աղանի է դարձել»²:

Հետագայ յոյն եւ յատին մատենագիրները Այեքսանդրը Պոլիհիստորից (Բագմավէպից) սկսած մինչեւ Սինկելյ կրկնում են սոյն պատմութիւնը քաղուածօրէն, օգտուելով ուղղակի կամ շեղակի Կտեսիասից կամ Դիոդորից:

1 Կիպոր. II, 19:
2 Արեւազոր(աս), 26:

Արդ Դերկեսոս աստուածուհին նոյնն է, ինչ որ սիրավէպի Դարկիան, որ նոյն անուան փաղաքական կրճատումն է: Սրա աղջիկն է, որ գրաւում է Նինոսի սէրը: Անունը վէպի մէջ չէ յիշուած, բայց Դիոդորի գրոյցից երեւում է, որ նա ինքը Շամիրամն է, Դարկիայի աղջիկը:

Դերկեսոսի աւելի հին եւ լրիւ ձեւն է Ատարգատ(էս): Բաւ է յիշել Ստրաբոնի վկայութիւնը, թէ Ատարգատ կամ Աթարա նոյնն է, ինչ որ Կտեսիասն կոչում է Դերկեսոս¹:

Այսպէս էր կոչուում մայր աստուածուհին Հերապոլ քաղաքում Եփրատի ափին, ինչպէս երեւում է ի միջի այլոց նոյն քաղաքի գրամներէց, որոնցից մէկը, հատած 332 թ. ն. Ք. պահուում է Պարիսի Ազգային Գրադարանում²:

Հռչակաւոր երգիծաբան Լուկիանը, որ ապրում էր Քրիստոսի երկրորդ դարում, հաստատում է այն, ինչ որ գիտենք Կտեսիաս-Դիոդորից: «Յաղագս աստուածուհւոյն Ասորոց» գրութեան մէջ նա շատ կարեւոր տեղեկութիւններ է տալիս մասնաւորապէս Հերապոլ քաղաքի նշանաւոր տաճարի մասին, որ նուիրուած էր մայր աստուածուհուն: Լուկիանը տեղացի լինելով, ծնուած Կոմագենի Սամոսատ քաղաքում, մօտէն ծանօթ էր հայրենի պաշտամունքներին եւ կրօնական աւանդութիւններին:

Նրա ժամանակ ընդունուած կարծիք էր թէ յիշեալ «սրբարանի հիմնադիրը Շամիրամն էր, որ այնքան մեծ չինութիւններ է թողել Ասիայում»: Տաճարը կանգնել է ի յիշատակ իր մօր, որի անունն էր Դարկեսոս: Հերապոլի Դարկեսոն ամբողջովին կանացի կերպարանք ունէր, մինչդեռ այլուր Փիւնիկէում Լուկիանը տեսել էր նոյն Դարկեսոսի արձանը զարմանալի տեսքով՝ վերին մասը կին, իսկ գոտուց դած կատարեալ ձուկն: Դարկեսոս է կոչուում աստուածուհին իբր թէ այն պատճառով, որ ձուկն այնտեղ սուրբ է համար-

1 Ստրաբոն, XVI, I, 27: Պլին, «Բնական պատմ.» V, 12:

2 Ատարգատէս կազմուած է երկու զատ անուններից, Աթար եւ Հաթէ: Առաջինը արամէական ձեւն է Իշտար դիցուհու անուն, երկրորդը՝ փոքր-ասիական Ատիս աստուծու անունն է, հազագային սկզբնահնչունով: Ատարգատէս, ուրեմն, նշանակում է Ատիսի Իշտար, այսինքն այն Իշտարը, որի սիրելին է Ատիսը:

Այս մեկնութիւնը պատկանում է Նեօլոկէին (The Syrian Goddess, H. Strong և J. Gastrang, p. 27): Իսկ Ֆրեդրիկ երկրորդ քաղաքաւոր համարում է նոյն Աթարի կրկնական ձեւը իբր Աթեհ կամ Հաթեհ, ուրեմն Աթարգատ կրկնութիւնն է նոյն անուն (Adonis, I, p. 162):

Աթարի սարկական ձեւն է Ath-tar, որից քանակական հնչունն է Astor, իգական մասնիկով Astor-et, որից ծագում է յունական Astarta: Հայաստանին կից Արամէական երկրներում, ինչպէս Ուռհա-Եդեսիայում գործածական ձեւն էր Թարաթա, Tharatha, այսինքն մեզ արդէն յայտնի Աթարա իգական մասնիկով եւ սկզբի ձայնաւորի յապումամբ: Խորենացին յիշում է Թարաթա ի թիւս այն կուռքերի, որ Արգարը Եդեսիայի շինութիւնից յետոյ իբր թէ այնտեղ է տեղափոխել Մծբնից (Բ. 27): Իր աղբիւրը Ղերուբանն է: Այսպէս ուրեմն, Դերկեսոս, Ատարգատ, նոյն Իշտար-Ատարատէ աստուածուհին է:

ւում, ինչպէս եւ աղաւնին: Իսկ սրանց սրբութեան պատճառը Լուկիանը այն է համարում, որ Դարկեսոսն ձկնակերպ է եւ Շամիրամը՝ աղաւնակերպ¹:

Այս երեւոյթի իմաստը հասկանալու համար, պէտք է նկատել, որ ձուկն եւ աղաւնին երբեմն ուրոյն պաշտամունքի առարկայ են եղել, այն ինչ որ տուտեմ է կոչուում: Կենդանակերպ աստուածները փոխանցման օղակներ են տուտեմներից դէպի մարդանման աստուածութիւնը: Կենդանիները, սակայն չեն անհետանում, մոռացւում, այլ յարատեւում են, կառչելով նոր աստուածներին իբր խորհրդանշաններ:

Սուրբ Գրքից յայտնի է, որ Փղշտացիք ունէին ձկան աստուածութիւն, որ կոչուում էր Դագոն²: Բարելական դիցաբանութեան եւս ծանօթ է Օղակոն անուն էակ, որ ձկան եւ մարդու խառնուրդ էր: Եւսերիոս Կեսարացու ասելով, սկզբում մարդիկ ապրում էին որպէս կենդանիներ, յետոյ յայտնուում է Օղակոնը ծովից եւ սովորեցնում է մարդկանց գիր, օրէնք, գիտութիւն եւ երկրագործութիւն, մի խօսքով, հիմն է դնում քաղաքակրթութեան:

Եւսերի տեղեկութիւնը ծագում է Բերոսից, որ Բարելոնում քուրմ էր Ալեքսանդր Մակեդոնացու ժամանակ, եւ գրել է իր հայրենիքի պատմութիւնը: Նրա երկը մեզ չի հասել, բայց նրանից օգտուել են հետագայ գրողները, ինչպէս Ալեքսանդր Պոլիհիստոր (Բազմավէպ), Ապոլլոդար: Սրանից քաղուածներ ունի Եւսերիոսը:

Ապոլլոդոր Աթենացին (179-110 Ք. Ա.) Մինկելլի վկայութեամբ ասում է, որ վեց ձուկ մարդ է եղել, առաջինը Օանն(էս), միւս չորսը Աննեդոտ(ոս), և վերջինը՝ Օղակոն³:

Քերական Հելլագրիոս մօտ 290 թուին յ. Ք. պատմում է, քաղելով անշուշտ ինչպէս եւ Ապոլլոդորը Բերոսից, որ Օէս անունով մի մարդ, մարմնով ձուկն եւ գլխով եւ ոտ ու ձեռքով՝ մարդ, դուրս է գալիս Կարմիր ծովից եւ ուսուցանում դարութիւն եւ աստղաբաշխութիւն⁴:

Ս. Գրքի Յովնան մարգարէն, իր անունով եւ երեք օր ու զիչեր ձկան փորում ապրելով, դարձեալ նոյն հին դիցաբանութեան անդրադարձումն է:

Դիոդորի վերեւ յիշուած գրոյցի Օնն(էս), արքայական բարձրաստիճան իշխանը եւ Շամիրամի ամուսինը այժմ հասկանալի պիտի լինի, որ նոյն էակն է, նոյն աստուածը, որ կրում է Oes, Onnes, Oannes, Dagon, Odakon, Annedotos անունները:

1 De dea Syria, 14.
2 Դաս. ծգ, 23. Ա. թագ. Ե, 2-5:
3 Syncellos, 71.
4 Photil, Bibliotheca, 28.

Հրէշաւոր հակիս խնամութիւնը ձկան հետ պարզ երեւում է մանաւանդ Քսանթ Լիւզացուց մեզ հասած մի աստուկից: Քսանթը Արաւքսերքսէս թագաւորի ժամանակակից էր եւ Հերոդոտից առաջ: Նրա պատմութիւնից միայն քաղաւանք եւ մնացել, նրանց թւում եւ մի հատուած Աթենայտի մօտ: «Մտաք Լիւզացին բռնում է Ատերգատին նորա Իքթիւս սրբու հետ միասին եւ նետում Ասիայն լիճը, ուր ձկները կրանում են նրանց»:

Ատերգատի սրբին, որ անուանում է Իքթիւս, այսինքն ձուկն, անասարակոյս, համազօր է մեզ ծանօթ Օնն, Դագոն եւ այլ անունով յայտնի կիսաձուկն աստուծուն:

Դիոդորի մօտ, Օննը Շամիրամի ամուսինն է, իսկ Քսանթի տեղով, նա Ատերգատի սրբին է:

Մենք տեսանք, որ Ատերգատ եւ Շամիրամ սարբեր անուններ են միեւնոյն աստուածուհու, որ է Իշտար կամ Աստարակ: Այսու Օննը եւ Իքթիւս կամ Չուկը Իշտարի նկատմամբ եւ ամուսին եւ սրբի են:

Այժմ հասկանալի պիտի լինի, թէ ինչու Աստարգատը կամ Դերկեանն ձուկ աստուածութեան նշանակութիւն են ստացել: Նա խրաչար է պարզապէս իր դուրսիցի յատկութիւնը: Ասել է թէ աստապելը հիստուել է այնպիսի ժամանակ, երբ Իշտարի լծորդը համարում էր ջրային մեծ աստուածը Դակոնը կամ Օաննը: Աւտի եւ Ատերգատի եւ Իքթիւսի աստապելը այլ բան չէ, եթէ ոչ նոյն Ազոնիս-Աստարակ մի նոր հայտաւածք:

Թէ յիրաւի Դակոնը մերձ է եղել Աստարգատին իբր նոր Ազոնիս, երեւում է նրանից, որ երբեմն կոչում է «Չուս արօրի, իբրեւ հացահատիկների եւ արօրի հնարողը»: Սրանով նա նայանում է Ազոնիսի հետ, որ բուսականութեան եւ մասնատարապէս հացահատիկի աստուած է:

Նայանցման, թւում է թէ, նպաստել է մեծապէս ստուգարանական թիւր մեկնութիւնը, որով Դագոն հասկացուել է երբայական դակոն բառի իմաստով, որ իբօք, նշանակում է հացահատիկ, մինչդեռ նա ծագում է դակ «ձուկ» բառից: Առաջին ստուգարանութիւնը պատկանում է Փիլոն Երբայիցուն: Ժամանակակից գիտնականներից մի քանիսը, ինչպէս հեղինակաւոր Մայքը, հնարաւոր են դանում պաշտպանել չին մեկնութիւնը եւ Դագոնին համարել երկրագործութեան աստուած ի բնէ:

Տեսանք, որ ծովից ելած Դագոնը սովորեցնում է մարդկանց ոչ միայն դպրութեան, այլ եւ երկրագործութեան ար-

1 Müller, Frag. Hist. III, 567.

հետք: Մարդաձուկ Դագոնը իր այս իսկ յատկութեամբ, իբր վարդեա երկրագործութեան, կարող էր, անկախ լեզուական թեր ու դէմ հիմքերից, հանդէս գալ Իշտարի լծորդի գերում: Եւզեմ Խոզոսցին, որ Արիստոտելի աշակերաններից էր եւ Թէոփրաստի գաղտնիները, գրել է բարեբախտ արարչարանութեան մասին, ուր ասում է, որ Բէլ, աշխարհիս բուն ճարտարագետը, համարում է Աստի եւ Դակէլի սրբին: Ասոր յիշեցնում է Հելլոպոլիտի վերեւ բերած Օէս, այսինքն Օաննէսը: Արուեստագէտները Ասոր նայանցնում են էա աստուածուհու հետ, որ ջրային անդունդի աէրն էր: Այս է պատճառը, որ ձկան կերպարանքով է ներկայանում:

Նիմուր, Բէլի սրբին եւ Օաննէսը, Բէլի հայրը, երկուսն էլ Շամիրամի սիրելի լծորդներն են, որը նա ժառանգել է իր մօրից Աստարգատից: Ուշագրաւ է, որ աւելի հին Օննը հանդիսանում է ասաջին եւ օրինաւոր ամուսինը Շամիրամի, մինչ նիմուր, որ աւելի կրտսեր է, միայն սիրահար է, որ բռնի խլում է նրան ամուսնուց՝ Օննից եւ պատճառ լինում վերջինիս կորստեան:

Բարեւ-ասորական Պանթէոնը կազմում էր գոյգերից, ամեն մի այլ աստուած ունէր համապատասխան կանացի բնկեր: Իշտարը միակ բացառութիւնն էր, որ կենա էր ի բնէ: Թերեւս այս նշան է, որ նա օտարամուտ, եկւոր աստուածութիւն է եւ ոչ բնիկ: Որքան աւելի էր աճում Իշտարի հեղինակութիւնը, այնքան առաւել զօրեղ աստուած էր գալիս նրան լծակից լինելու: Ահա ինչու համար մի շարք վերնաբնակներ փառքի գագաթին հասած սկսում են համարուել Իշտարի, սիրոյ զօրաւոր գիցուհու, սիրահարների: Նորանոր հոմանիները ազգում են իրենց սիրելիի վրայ եւ փոփոխում նրան ոչ միայն անուանապէս, այլ եւ հապէս: Աստարգատը ոչ միայն փոխում է իր անունը, այլ եւ ստանում է իր ամուսնուց իբր ժառանգութիւն նրա ձկան նմանութիւնը եւ դատարար Դերկեաս, միեւնոյն ժամանակ իսկ դառնում է Չուկ աստուածուհի:

Նոյն Աստարգատը մի այլ կերպով փոխում է իր անունը Շամիրամի, կամ ձերանալով տեղի է աալիս իր դստեր, որ անում է Շամիրամ անունը, աննելով միեւնոյն ժամանակ մի նոր՝ աղաւնու կերպարան:

Ինչպէս տեսանք, աղաւնիներն էին, որ փրկեցին Շամիրամի կեանքը: Արքունի ախուապետը, որ խնամեց նրան, իր անունով կոչեց Շամիրամ, որ իբրեւ թէ նշանակում է աղաւնի:

Անասարակոյս, ժողովրդական ստուգարանութեամբ Շամիրամ բառը կապում է ասորական Su-um-ma-tu բառի

հետ, որ արդարեւ նշանակում է աղանի: Նոյն բառի արա-
կան ձեւն է Su-um, վարուժան: Ախոռապետի անունը Simma
ինամի է Su-umին

Լեհմանը համեմատում է Simma անունը Samams 'արե-
գակ' բառի հետ, թէեւ ախոռապետի անունը, ինչպէս Դիո-
դորն է ասում, Շամիրամի անուան միջոցով թարգմանում է
աղանի, ասել է թէ Suum, Sum բառն է, որի իգական ձևը
Summatu իբրեւ թէ Semiramis-ի հիմն է:

Այս ստուգարանութիւնը, ի հարկէ, հեռու է իսկութիւ-
նից: Շամիրամ անունը կապ չունի աղանի նշանակող ասորի
բառի հետ եւ կասկածելի է նոյնիսկ նրա սեմական ծագումը:

Կոտեսիա-Դիոդորի ստուգարանութիւնը կարելոր է յա-
մենայն դէպս այն տեսակէտով, որ ցոյց է տալիս Շամիրամի
իրական անունը աղանու հետ: Ստուգարանը սխալ-
ւում է իբրեւ լեզուագէտ, բայց արդար է պատմականորէն:
Աղանին անյիշատակ ժամանակներից ի վեր համարում է
սրբազան եւ այդ նշանակութիւնը չի կորցրել նոյնիսկ քրիս-
տոնէական մթնոլորտում: Նա Իշտարի նուիրական թռչունն
է: Փոքր Ասիա, Փիւնիկէ եւ Եգիպտոսի աշխարհում աստուա-
ծուհու կաւէ արձանները անբաժան են աղանու կամ աղա-
նակերպ զծագրութիւններից¹:

Նոյն Լուկիանի ասելով, Հերապոլի տաճարում աստուա-
ծուհու արձաններից մէկը ունէր իր դագաթին ոսկի աղանի
եւ այս է պատճառը, որ կարծում էին թէ արձանը Շամիրա-
մինն է: Այնտեղ աղանին համարում էր թռչուններից ամե-
նից յարգին եւ նուիրականը: Արգելուած էր նրանց ձեռք
տալ, խփել եւ կամ սպանել: Չէր կարելի նրանց դիպչել եւ
հալածել, երբ տուն են մտնում, բոյն շինում եւ կամ երբ
կոտ են ուտում:

Մեզ հասել են նաեւ դրամներ, ուր աստուածային զոյ-
գերի գլխավերեւը զծագրուած է աղանու նշանը:

Յունարէն պերիստերա, որ նշանակում է «աղանի»,
սեմական փոխառութիւն է եւ կազմուած է peras-Istar բա-
ռերից, այսինքն «Իշտարի թռչուն»: Եթէ ուրիշ ապացոյց
չունենայինք, միակ այս բառը բաւական էր լուսարանելու
աղանու եւ Աստարտէի փոխյարաբերութիւնը:

Աղանու պաշտամունքն եւս տոտեմական շրջանի մնա-
ցորդ է, ինչպէս Ատարգատի ձուկը: Վերջինս նման նա եւս
ինքնուրոյն աստուածութիւնից փոխանցուել է աղանակերպ
էակի, որ հետագայում բաւականանայ խորհրդանշանի հա-
մեստ դերով:

1 Ed. Meyer, Roscher, Lexicon.

Չկան եւ աղանու սերտութիւնը աստուածուհու հետ
հիմք է ծառայել մի առասպելի, որ դիցարանական խառ-
նուրդի գեղեցիկ օրինակ է: «Երկնից նփրատ գեան է ընկնում
զարմանալի մեծութեամբ մի ձու, որը ձկները հանում նե-
տում են ափը: Աղանիները իջնում են թուխս նստում ձուի
վրայ, որից դուրս է գալիս Ափրոդիտէն, որ կոչւում է Ասո-
րիքի աստուածուհի»:

Երկու սրբազան կենդանիների դերերը աստուածային
պաշտամունքում խորհրդաւոր կերպով հիւսուած են այս
առասպելի մէջ: Շամիրամը մօր կողմից ձուկ է, հուլթեամբ
աղանի: Իր մայրը Դերկեստոն ջուըն ընկնելով կերպարանա-
փոխում է ձկան, իսկ ինքն իր կեանքի վերջին թագնուում է
մարդկանցից եւ աղանու կերպարանքով վերանում է եր-
կինք:

Այսպիսով Շամիրամը կրօնական աշխարհի տիրուհիներ-
ից է եւ Իշտար-Աստարտէի մի այլ եւ դրեթէ անուանական
տեսքը:

Սակայն անսպասելի կերպով երեւան եկաւ, որ առաս-
պելական տիկինը միայն երկնքի բնակիչ չէ, այլ եւ երկրի
վրայ իր պատմական նախատիպն ունի:

Դեռ 1852 թուին անգլիական հնախոյզները հին Կալախ,
այժմ Նեմրութ քաղաքի աւերակներում գտան Ներո աստու-
ծու արձանը, կանգնած «վասն կենաց Աղադ-Նիրարի թագա-
ւորի Ասուրի եւ վասն կենաց Սա-ամ-մու-րա-մատ տիկնոջ
պալատական»:

Վերջերս գերմանացի յայտնի ասորագէտ Լեմանը նոյն
աւերակներում գտաւ Շամիրամի արձանը հետեւեալ գրու-
թեամբ. «Արձան Սա-ամ-մու-րամատ տիկնոջ արժունեաց
Շամշի-Ադադի, թագաւորի աշխարհի, թագաւորի Ասուրի,
մօր Ադադ-Նիրարի թագաւորի աշխարհի, թագաւորի Ասու-
րի, հարսին Սալմանասարի, թագաւորի չորից կողմանց աշ-
խարհի»:

Առաջին արձանի գրութեան անորոշ դարձուածքի հի-
ման վրայ կարծում էին, որ Սամմուրամատը Աղադ-Նիրարի
կինն է: Բայց երկրորդ զիւտը պարզեց, որ նա Աղադ-Նիրա-
րի մայրն է եւ Շամշի-Ադադի կինը եւ ուրեմն սրա հօր Սալ-
մանասարի հարսը: Սարմանասար թագաւորում էր 859-824,
սրա որդին եւ յաջորդը Շամշի-Ադադ 824-811, եւ սրա որդին
Աղադ-Նիրար 811-782: Շամիրամի նկատմամբ սրանք են
սկեսրայր, ամուսին եւ որդի:

Առասպելական աշխարհակալուհին իրական պատմու-
թեան մէջ ոչնչով յայտնի չէ: Ծագումով նա Բաբելոնից էր
եւ հայրենի Ներոյի պաշտամունքը մուծել է իր նոր ամուս-

նու Աստուր քաղաքում, շինելով նրա համար առանձին տաճար եւ կանդներով նրա արձանը:

Ի՛նչպէս է պատահել, որ մի համեռու պարտական կնո՛ւ անուան շուրջը գիշուել են այնքան առասպելներ եւ մտայածին սիրագործութիւններ: Ըջմարիա է, նա սպրում էր պատմական շատ նշանաւոր դարում, երբ Ասորեստանը ծիլ էր թափում վերականդնել իր նախկին զինական հոչակը: Ծամիրամի ամուսինը, սկեսրայրը եւ սրդին անընդհատ կախներ էին մղում նոր եւ ահաւոր հարեւանների գէմ: Հիւսիսից սղատնում էին Ռւրարտական աշխարհապաները եւ արիական ցեղերի առաջաւոր գնդերը, գլուխ ունենալով Մեղացիներին:

Ասորեստանը յաջողութեամբ զիմպրատեց յամառ թրչնամիների յարձակումներին: Արդեօք արկին Ծամիրամը որ եւ է մասնակցութիւն է ունեցել պատերազմական գործողութեանց: Եթէ անձնապէս նա չի փայլել, յամենայն գէպս նրա մերձաւորների՝ ամուսնու եւ սրդու պատերազմական փառքը կարող էր անցնել հետապայտ իրեն Ծամիրամին: Կտեսիսա Իհոպորի զրոյցները, այսպիսով, ամփոփում են սրտ պատմական կորիզ: Նրանք հաւատարիմ անդրադարձ են այն կատաղի կախների, որ տեղի են ունեցած Ծամիրամի ժամանակ Ասորեստանի եւ նրա հիւսիսային արտյեանների միջև:

Ռւրարտուի մայրաքաղաքը՝ Վան եւ Մեղացիները Համազանը, ահա երկու նշանաւոր մրցարանները ստիս ոյժերի:

Բնական է, որ հէնց այս քաղաքների շրջանում են պահուել պայքարի յիշատակը, կապուելով եւ կապելով Ծամիրամի անուան Ռւրարտական եւ Մեղական շինարարութեան կրթողները: Նոյնիսկ Ծամիրամեան զրոյցները, որ աւանդում է Կտեսիսար, ծագել են ոչ թէ Ասորեստանում, այլ մշակուել են Մեղական շրջանում, ինչպէս հաւատարիմ է կեմանը:

Չենք կարծում, որ այնտեղից Հայաստան անցած լինի որպէս հակամէտ է ենթադրելու նոյն գիտնականը: Հայաստակները ինքնուրոյն բնաւորութիւն ունեն: Հայաստանի այն ժամանակուայ տիրապետները ոչ պակաս փամեղուոր հակառակորդներ էին Ասորեստանի քան Մեղացիք: Ստմանասարից եւ Արամէից սկսած պայքարը շարունակուում էր նորանոր բնկումներով եւ փոփոխակի բախտով: Կային բուպէներ, երբ համաշխարհային գերիշխանութեան պատիւը ստիպուած էին զիջանել Վանի տէրերին:

Անտարակոյս, այս երկարատեւ բնդհարումները չէին կարող անհետ չքանայ ժողովրդական յիշողութիւնից: Պատմական Ծամիրամը մի վախա ուրուական է, որ չէր կարող թնդայ այնպիսի մեծ հոչակով: Իր աշխարհածանօթ անունը

եւ համատարած փառքը պարտական է ողջովին ոչ թէ պատմական համեռու թագուհուն, այլ Իշտարի համագոր աստուածուհի Ծամիրամին: Առաջաւոր Ասիայի ամեն մի անկիւնում յայտնի Իշտար աստուածուհու պատկերն է որ Ծամիրամ կոչումի ներքոյ տարածուել եւ ծնունդ է տուել զարմանալի առասպելների:

Լեզուական շիտթումն այստեղ եւս սրտը գեր է խաղացել, ինչպէս Իերկիտայի գէպում: Սամմուրամատ, բարեբախտ իշխանուհու անունը, շիտթել են ասորական Մուամաա լատի հետ, որ նշանակում է ալուսել: Եւ սրտհետեւ աղանին Իշտարի թոչունն է եւ սրտը մտքով նոյնանիշ, ուստի եւ Սամմուրամատ - Ծամիրամին նոյնացրել են Իշտարի հետ:

Իրցարանութեան մէջ սովորական երեւոյթ է, երբ լեզուական շեղումները, շնորհիւ ժողովրդական ստուգարանութեանց, ստեղծում են նոր առասպելներ կամ հնի նոր վարիանտներ: Ծամիրամը, Աստորդատի գուստրը, ժառանգել է ուղղակի իր հոչակաւոր մօր փառքն ու պատիւը: Ահա նրա արտասովոր ժողովրդականութեան գաղտնիքը:

Հայերին աստուածուհին քաջ ծանօթ էր: Հերապոլի մեհեանի նկարագրութեան մէջ Լուկիանը վկայում է, որ աստուածուհուն նուէրներ են գալլիս նաեւ Հայաստանից: Անծանօթ ասածուն երկրպագութեան չէին զնալ այնքան հետու: Անկասկած մայր աստուածուհին նրանց պանթէանի մեծութիւններըն էր եւ սիրուած պաշտամունքը:

Հայ զրոյցները Ծամիրամի մասին ոչ մի նկատումով չեն կարող օտարամոյժ համարուել, այլ բնդարոյս ծաղիկներ են Հայաստանի հողի: Ռւրարտական շրջանում մշակուած, այդ զրոյցները արտացոլում են հին քաղաքական եւ կրօնական սպրումները եւ այնքան մեծ ժողովրդականութիւն են վայելել, որ Ռւրարտացիներից անցել են Հայերին, որոնք գրաւելով նրանց երկիրը, ժառանգել են երկրի մասաւոր ինչքն ու աւանդները:

Թէ որքան կենդանի եւ շրջուն են եղել հին զրոյցները, այդ երեւում է Ազգք, Ծամիրամակերա անուններից, որ զիցարանական երկնքից իջած տեղ են բանել իրական հոյի վրբայ: Հեռաւոր անցեալի բարձր ստեղծագործութեան եւ պաշտամունքի հետքերը մինչեւ այժմ էլ մնացել են կենդանի ժողովրդի մէջ: Հարիւրաւոր դարերի ցարդ կենսունակ աւանդը սպացոյց է, որ Ծամիրամեան զրոյցները բնատուրի զօղանջներ են Վանայ ծովի ափին:

Արա - Ծամիրամեան առասպելներից յայտնի է Արալէզ կամ Աուլէզ աստուածը: Նրա յիշատակը աւանդաբար կապ-

լած է Լէզք գիւղին, որ Վանի մօտ ցայտմ կայուն գիւղ է: Ահա ինչ է պատմում ժողովուրդը մի սրբավայրի մասին, որ գտնուում է այդ գիւղի մօտ:

«Լէզք գիւղի մօտերը կայ մի թոնիրի ձեւով աղբիւրի փոսակ կամ ջրհոր, որ Սուրբ Թոնիր կը կոչեն, ուր յաճար գնացողներ կան, շատերուն իբրեւ ուխտատեղի, ոմանց ալ հետաքրքրելի: Միմիայն մէկ ձուկ կ'երեւի այդ ջուրին մէջ. եւ որին որ երեւի, անոր բախտն ու ուխտը կը կատարուի: Իսկ կնկան կերպարանք ունի եղեր, եւ արծաթէ օղն ալ իր քթին անցուցած՝ կը տեսնուի տակաւին: Երէցկին է եղեր դա, կին՝ կարի գեղեցիկ, երբ նստած թոնիրի շուրթն հաց կը թխէ, աղքատ մը կուգայ հաց կ'ուզէ, կուտայ, կերակուր կ'ուզէ, կուտայ, գինի կ'ուզէ, կուտայ: Թշուառականը կը համարձակի նաեւ պագ մը ուզելու: Երէցկինը կը վարանի կը վարանի, բայց կը մտածէ թէ աղքատ թէ՛մարզու է, ի՞նչ կայ, մե՛ղք է, գուցէ վարձք է: Պագն ալ կուտայ: Եւ յանկարծ նոյն վայրկեանին երէցը ներս կը մտնէ, երէցկինը ամօթէն ու ահէն ինքզինքն կը ձգէ ի թոնիր կրակին մէջ, տէրտէրն ալ գինքն ի վրէն: Իայց տէրտէրը կը մրկի, իսկ երէցկինը՝ կրակն ջուր դառնալով, ինքն ալ ձուկ, Աստուծոյ հրամանով յաւիտենական յիշատակ կը մնայ նոյն տեղ»¹:

1917 թուի ամառը Ռուս. Կայսր. Հնագիտական ընկերութեան պատուէրով եւ Աշխարհէկ Քալանթարեանի ընկերակցութեամբ գիտական նպատակով Վանայ գաւառը այցելեցինք, նաեւ Լէզք եւ տեսանք նշանաւոր թոնիրը:

Պատերազմի իրարանցումի հետեւանքով գիւղը, ինչպէս եւ ամբողջ շրջանը թափուր էր բնակչութիւնից: Հազիւ մի քանի տուն վերադարձել էին Երեւանից ամառային աշխատանք կատարելու: Տեղական ժողովրդական բանահիւսութեան ծանօթ առաջնորդներ չունէինք: Աղբիւրի մօտ մի քանի տղաների հանդիպեցինք, որոնք այսքան միայն մեզ հաղորդել կարողացան, որ աղբիւրի անունը Եօթոնիր է եւ որ մէջը ձուկ կայ:

Ի՞նչ է նշանակում առաջին վանկը, չկարողացան մեզ բացատրել: Արդեօք Եօթ-Թոնիր²: Հ. Մրուանձտեանը այցելել է լաւագոյն պայմաններում, երբ տակաւին նահապետական կեանքը իր ներքին եւ արտաքին հարստութեամբ ողջ եւ կանգուն էր²:

1 Սրուանձտեան, «Գրոց ու Բրոց», էջ 53-54:
2 Յիշե՛ք նաեւ, որ բանաստեղծ Ա. Իսահակեանը Սուրբ Թոնիր զրոյցը յաւուր գեղեցիկ շարադրութեան է վերածել եւ տպուած է «Ճարագ» ամսագրի համարներից մէկում: Արդեօք նրա աղբիւրը եւս Սրուանձտեանն է, թէ քաղած է Շիրակի ժողովրդական զրոյցներից, ինձ յայտնի չէ:

Սուրբ Թոնիրի աւանդութիւնը, դժուար չէ նկատել, զարմանալի հաւատարմութեամբ կրկնում է մեզ արդէն ծանօթ Դարկետոյի առասպելը: Ասկալոնի լիճը հայ միջավայրում դարձել է մի աղբիւրի փոս կամ ջրհոր: Կնոջ կերպարանքով ձուկը, որ ջրհորի միակ բնակիչն է, նոյն Դարկետոն է: Իսկ երէցն ու երէցկինը անցեալի ամենագոր աստուծու եւ աստուածուհու ստուերներն են: Քրիստոնէական աշխարհայեացքը իջեցրել է նրանց երկնային գահից եւ հաւասարեցրել սոսկ երէցի եւ երէցուհու:

Առասպելի կրօնական բնոյթը յամենայն դէպս պահւած է հարազատութեամբ: Ափսոս, որ երէցի եւ կամ նրա կնոջ անունը չէ յիշուած: Սօքր հարկաւ նոյն մայր աստուածուհու մասին է: Կտեսիասի պատմածի մէջ Դարկետոն եւ Շամիրամը անջատ էակներ են, մեր զրոյցի մէջ նրանք մի անձն են: Առաջին արհեստական երկուութիւնը այստեղ չկայ: Քահանան և մուրացիկն աստուածուհու սիրահար Օննի և Նինոսի հոմանիշներն են: Երէցկինը Շամիրամն է: Մուրացիկի ապօրինի պագը նշանակում է, որ Շամիրամը իր ամուսին Օննից անցնում է Նինոսին: Յուսահատ այրը ինքնասպան է լինում: Դարկետոն ջուրն է նետուում ապօրինի որդեծնութեան ամօթից, իսկ հայ զրոյցում նա ջրհորն է ընկնում ամուսնական անհաւատարմութեան «ամօթէն եւ ահէն»:

Սուրբ Թոնիրի առասպելը միապաղաղ եւ ամբողջական չէնք է, մինչդեռ Կտեսիասի զրոյցը բաղկացած է երկու տարբերակների ձուլումից, ասենք ձկան եւ աղաւնու տարբերակներ:

Ուշադրութեան արժանի է Թոնիրի և ջրհորի աղբիւրը: Երէցկին-Շամիրամն իսկապէս ինքնասպան է լինում թոնիրի մէջ, որը յետոյ ջրհորի է փոխուում: Մի ուրիշ զրոյցի մէջ, որ վերաբերում է «Հայոց թագաւորի եւ Բէլի» կողմին, կրկնուում է նոյն միտքը: «Հայոց թագաւորը սպաններ է գրէլ և հանել նեմրութայ գլուխ. այնտեղը փորեր, թոնիր շիներ, մէջը կախեր վառեր է: Աստուծոյ հրամանքով այն կրակը ջուր կտրեր, զմոխիրն հողի տակ իջեցուցեր, որ չեղնի քամին անոր փոշին տանի»¹:

Այս մեկնութիւնը անյարիր է երէցկնոջ նկատմամբ: Այնտեղ կրակը ջուր է կտրել, որպէսզի ամբարիշտ Բէլի աճիւնը քամին չտանի եւ նոր աղետների առիթ չտայ, իսկ այստեղ ջուրն ու ջրհորը առասպելի հիմնական մասն են եւ զոհի յիշատակը յաւերժացնելու համար են, ուրեմն բոլորովին հակառակ տեսակէտ քան Բէլի դէպքում:

1 Սրուանձտեան, «Գրոց ու Բրոց», էջ 48:

Թուում է թէ թոնիրը զոհարանի կամ զոհարերութեան նոցի նշանակ է: Յայտնի է, որ մի քանի վայրերում Աղսոնի սի պաշտամունքն ունէր ասանձին արքայական կամ բրմական աներ, որոնք ժառանգաբար ներկայացնում էին իբր նրանց կենդանի պատկերներ եւ յաճախ զոհարելու էին: Հետագայում փոխանակ կենդանի մարդկանց զոհելու, այլուամ էին աստուածների խրատելիքը, կամ նրանց խորհրդանշանը, օրինակ, աղանի:

Շատ կարելի է, որ Սուրբ Թոնիրի գրոյցում պահպանւած է հինաւորաց սովորոյթի արձագանգը: Եւսի աստուածային զոյգի տեղ հանդէս են գալիս նրանց պաշտօնականը, բրմերը, ի դէմս երէցի եւ երիցունու, երկրորդ նրանք այլուամ են հնոցում, այսինքն զոհարելու են:

Ջրհորի ծագումը Թոնիրից, այսպիսով, պատահական թուիք չէ երեսակայութեան, այլ արապցում է կրօնական հին սովորոյթ, գեղեցկօրէն հիւսուած աստապելի զրման կան խմտախ հետ:

Սուրբ Թոնիրի գրոյցը, երեւում է, շատ տարածուած է եղել Վանայ լճի սրբում: Դասուածն նուազանդասի գիմաց Գրգուռ լերան ստորտում կայ մի գիւղ, որ կոչուում է Զըրհոր, իսկ նրան կից մի այլ գիւղ՝ Շամիրամ: Այս անուններն իսկ վկայում են, որ Ջրհորի աստապելը ծանօթ է եղել եւ այս վայրերում եւ որ երէցկիներ ոչ այլ ոք է, եթէ ոչ ինքը Շամիրամը¹:

1 Տարօնցի ներսի անունով մի անձ բարի է եղել գրկելու մեկ հեռուկայ գրութիւնը, որ դնում ենք այստեղ Տարագատքէն:

Յարգոյ փրօփ. Ն. Աղսոնցի. Հաճոյքով կը կարգած ձեր Հին Հայոց Աշխարհայեացքը ուսումնասիրութիւնը, որ կը հանդիպիմ Սուրբ Թոնիրի պատմութեան շէնքում անարդէ հինգերորդ սորի. թի 1. էջ 54: Քոյ ներսի ինձ բսկ որ այլ աստապելի մասին, հասանական ըլլալ կը թուի Տարօնի աշխարհին, քան թէ Վանի գաւառի էջը գիւղին: 1903 թուին կըր բարդ աննկայ Պիթիւս երթալու իմ գասատուիս, Գ. Մարայէլի հետ, որ կարմրակ վանքը պաշտան ունէր, հանդիպեցանք որ. Թոնիրի, որ կը գտնուի Ջրհորի սահմանին շիրա Մտանիկ, շիրա Նորչէն եւ Օձրուար գիւղերու քով, Տարօնի Տիգրիս գետի բնած տեղը, որ տարօնցիք «Մեղրա գետ» կ'ըսեն, թէն բնած տեղը խոչար ասուի մը շափ ջուր կը բխէ, բայց երթալով ուրիշ աստուներ, գետակներ խտնուելով կը կայտնեն Տիգրիսը: Այլ բնած տեղին 100 կամ 50 բայլ հետո կը գտնուի վեղարակոյ մատուս մը, շրջապատուած գերեզմաններով, որ Քերտիկ իւրացուցեր են իրենց մեռելներուն: Դասուած աստապ պատմայ. այստեղ ժամանակին մեծ գիւղ մը եղած է, առ ուլ այլ գիւղի եկեղեցին եղած է, առ ջուրի բնած տեղն ալ քահանայի տուն եղած է: Օր մը երէցկին հայ կը թիւ էղիւր. թուրք մարայիկ մը կուգայ, հայ կուգէ, երէցկին կուտայ, գինի կուգէ՝ կուտայ, հայուսս կուգէ՝ կուտայ: Երէցկին շատ գեղեցիկ կ'ըլլայ. Թաստակահն կը յանգնի համարը մը արկել, բսկով՝ թո Ատուած որ կը սիրես, համարը մ'ալ ասու, երէցկին, Ատուածոյ սիրուն: Ան ալ կուտայ: Քիչ վերջ երջ կուգայ. երէցկին կը խտնուիմնի իր յանցանքը: Տըրտըր կ'ըսէ եթէ այդպէս է, կ'ըսեմ քեզ Ատուածոյ սիրուն ձեզ քեզ այս վառ Թոնիրը, նաչեմ: Եւ երէցկին վարիկեակում կը ձեզ գինը Թոնիրը, կըր երէցը այլ կը տեսնէ, ինքն ալ գինը կը ձեզ կուտէ: Բայց Ատուածոյ հրամանաւ ակրաքը կը մըրի, Թոնիրը ջուր կը բխէ, եւ երէցկինն ալ մուկ կ'ըլլայ, սակի օղն ալ բիթն է անցուի: Եթէ արդար մարդ այլ ակնա կանգնի բսկ՝ երէցկին, Ատուած կը սիրես զուրա էլիւր, կ'ըսէ:

Շամիրամի, ասորական համետա թագուհու, աստուածացումը եւ ձուլումը մայր աստուածուհու հետ, անօրինակ երեւոյթ չէ: Լուկիան Սամոսացին յիշածս գրութեան մէջ բերում է մեզ զբաղեցնող Ատիս եւ Կիրելէ առասպելի մի ուրիշ տարբերակը, ուր Կիրելէի փոխարէն հանդէս է գալիս Ատրատոնիկէ: Սա ոչ այլ ոք է, եթէ ոչ Անտիօքի թագաւոր Սելեւկ Նիկատորի կինը: Եթէ մի աննշան իշխանուհի այնպիսի ուշ ժամանակ, ինչպէս Սելեւկեան շրջանը, կարող էր հոչակաւոր աստուածուհու հետ շիթթուել եւ նրա տեղը բռնել, ի՞նչ զարմանք, որ աստապելների աւելի վառ դարերում ասորական թագուհի Շամիրամը նոյն փառքին է արժանացել եւ մայր-աստուածուհու աթոռը գրաւել:

Մեզ հետաքրքրող առասպելների շրջանին է պատկանում նաեւ մի ուրիշ առասպել, թերեւս նրանց մի ուրիշ յեղումն է, որի հետքերը եւս մնացել են հայ յիշողութեան մէջ:

Այդ յեղումում, որ կարելի է կոչել լիդիական, Ատիսին փոխարինում է Տիրտն կամ Թիլտն անուն հերոսը, որ Ջուրի որդին է համարում: Մի անգամ Հերմէս գետի ափունքին զբոսնելիս նա մահացու խայթ է ստանում օձից եւ մեռնում: Նրա քոյրը Միրա դիմում է Դամասեն հսկայի օգնութեան եւ սա յարձակում է ու սպանում օձին: Մի ուրիշ օձ, սպանուածի էզը, կծում է Ջուրի ծագիկ կոչուած խոտը եւ դնում ընկածի շրթունքին, որից յետոյ սպանուածը կենդանանում է: Տիրտնի քոյրը հետեւում է օձին, առնում է նոյն խոտը եւ դնելով եղբոր բերանը յարութիւն է տալիս մեռեալին:

Այս գրոյցը շատ հին է եւ ծագում է Քսանթ Լիտացի պատմագրից, ինչպէս հաւաստում են Պլին եւ Նոննոս:

Լիդիայի մայրաքաղաք Սարդի դրամների վրայ պատահում են Տիրտնի, սպանուած օձի եւ կենդանարար ոստի գրոյցը, որ ապացոյց է գրոյցի ժողովրդականութեան եւ վաւերականութեան միանգամայն:

Հայ ժողովուրդի սիրած հաւատալիքներից մէկն այն է, որ կան յատուկ աղբիւրներ, ուր օձերը գալիս են իրենց չապիկը փոխելու եւ երիտասարդ դառնալու: Գաղտնի ծաղիկներ կան, որոնց ոյժը միայն օձերը դիտեն. նրանք բերանն են առնում այդ ծաղիկները եւ աղբիւրի մէջ լողալով նորագում են իրենց կեանքը:

Թէ որքան տարածուած է եղել այս հաւատալիքը, վը-

Եւ ես այդ պատմութիւնն որ լսեցի, իմ տղայական զլացումներովս վազեցի եւ մէկի տեղ տան անգամ ըսի՝ երէցկին, թո անհուն Ատուած որ կը սիրես, դուրս ելիւր. բայց չէլաւ այդ սիկին ձուկը, որ ոսկի օղն ալ բիթն անցուցած է: Սը. Թոնիրը հաւանական ըլլալ կը թուի հոգ, քանի որ թէ եկեղեցին եւ թէ գերեզմանոցը կան իբր վկայ:

կայ է Բարսեղ Կեսարացին: Նշանաւոր եկեղեցու հայրը, որ հայ մթնոլորտից հեռու չէր ապրում եւ գրեթէ նման միջավայրում է սնուած, ասում է. «Եւ օձից աչք յորժամ ցաւեցին, երթայ ուտէ շումրայ, այսինքն՝ սամիթ վայրենի եւ ողջանայ»¹:

Եւս առաւել զարմանալի է հետեւեալ պատմութիւնը, որ անում է Հ. Մրուանձտեանը: «Մշոյ լերան կամ Սեմ սարի ստորտը կը գտնուի Մառնիկ գիւղ: Այս գեղի բնակիչներէն հայ մը Մարգար անուն, ասկից հինգ տարի առաջ մեռաւ: Սա իւր կենդանութեան կը պատմէր, թէ 250 տարեկան էր ինքը. մենք տեսանք զինք 1866ին, իւր ջիղերը պինդ, երկու անգամ նորոգուած էին ակունները, և դեռ այն տարիքին մէջ կը տեսնար քաջ, կը լսէր, կը խօսէր, կ'ուտէր, կ'ընթանար երիտասարդի մը պէս, եւ ամէն առաւօտ լերան մացառներէն չոր փայտ կը ջարդէր, կը շալկէր կը բերէր Մուշ, կը վաճառէր ձիւն օրերը: Իր անդրանիկ որդին 80 տարեկան էր և ալեօք ծաղկեալ, այն ինչ Մարգարը իւր մօրուքի մէջ շատ քիչ ճերմակ ունէր: Սա կը պատմէր թէ 150 տարու եղածս ժամանակ աշխարհի մեղաց մէջ ինկայ. այսինքն՝ կին առի, թէ Մովսասարու մէկ աղբիւրի մէջ տեսայ մէկ օր, որ ցաւագար ու վիրաւոր օձ մը եկաւ լողցաւ եւ երեք թուփ ունեցող ծաղկէ մը կտրեց կերաւ, նորոգուեցաւ դնաց. դիտեցի, ես ալ նոյն ծաղկէն կտրեցի կերայ. նոյն ջուրը խմեցի, եւ լողցայ, աչքերս լուսաւորան, ուրիշ կերպ դարձայ»:

Մարգարի ասելով, այն ջուրը որ խմեց եւ ծաղիկը որ բերանը դրեց, հոգով վերացաւ մի ուրիշ աշխարհ, նրա «առջեւ բացուաւ մարմար կամարաչէն լուսաւոր պալատ մը, աշխարհից ու մարդոց խելքից դուրս էր անոր շէնքն ու միջի փառքն ու բարիքն. անմահութեան տուն ու տեղ էր»: Գիւղացիների ձայնից վերջապէս արթնանում է Մարգարը այդ անըջական դրութիւնից: «Շատ աղաչեցին որ էդ ծաղիկը, էդ աղբիւրը ու էդ պալատի դուռը ցոյց տամ իրենց, հնար չեղաւ նորէն տեսնալի», հաւաչելով ամսոսում էր երազուն գիւղացին:

Հ. Մրուանձտեանը հաւատացնում է, որ Մարգարը եթէ ոչ 250, անշուշտ 150 տարեկանից վեր էր. ապացոյց՝ ի միջի այլոց նրա թուած ու անձամբ տեսած փաշաների եւ առաջնորդների անունները, որ նա յիշում էր²:

1 Վեցօրէք, էջ 186:

2 Մարգարի ասիւ վերոյիշեալ Գ. Ներոսը դրում է. — Նաեւ «Հայրենիքի նոյն թուի մէջ, էջ 86 Մշոյ Մառնիկ գիւղի Մարգարի պատմութեամբը: Ես տարօնցի ըլլալով տամ լրիւ տեղեկութիւն այդ մասին, զոր պատմած է ինձ Մարգարի եղբոր տղան, յայտնի յիզափոխական Մառնիկայ Աւետիս կամ «Աւէն»: Սա

Այս տարօրինակ պատմութեան մերձաւոր առիթը, անտարակոյս, Մարգարի երկարակեցութիւնն է: Մրան հարկաւ ծանօթ է եղել ժողովրդական հաւատալիքը, որ որոշ աղբիւրներ եւ ծաղիկներ թարմացնում ու նորոգում են մարդու մարմինը, եւ որ դրանց գիտութիւնը տրուած է օձերին: Ապրելով բնութեան ծոցում, Մարգարը շատ աղբիւրների ստորակ ջուրն է խմել և շատ ծաղիկների հոտը վայելել: Բնականօրէն իր երկարակեաց եւ քաջաոգղ կացութիւնը վերագրել է խորագէտ օձի սիրած աղբիւրի ջրին եւ ծաղիկին, համաձայն հայրենի միջավայրից որդեգրած հաւատալիքի:

Հաւատալիքն մի ներքին եւ անգիտակից ոյժ է, որի շնորհիւ միամիտ գիւղացին քաջքեր, դեւեր, հրեղէն էակներ եւ այլ նման հրաշալիքներ է տեսնում, ինչպէս վկայում է հին դարերից նաեւ մեր մատենագիր Եղնիկը: Մարգարի տեսիլն այս կարգի հաւատալիքների ներշնչումն է:

Աղբիւրի եւ ծաղիկի դիւթիչ զօրութիւնը, որ յայտնի է միայն օձին, հաւանօրէն, կրօնական բնոյթ ունեցող եւ նախաբրիտօնէական ատասպելների մէջ տիրական հայեացք

ալ այսպէս կը պատմէր. Մարգար հովիւ եղած է, դէշ հիւանդութեամբ վարակուած, բորոտ և իրեն «ճղատ Մարգար», «քաջալ» կ'ըսեն: Եւ իրեն ուրիշ ընկեր հովիւ ալ կ'ըլլայ այդ հիւանդութեամբ. կը տառապի բաւական ժամանակ, բերտօրները չեն ախորժեք իրմէ, ոչխարները կթելու ատեն հեռու տեղ մը կը նստի: Օր մըն ալ ոչխարները Մովսարի փշերուն արածելու ատեն, ոչխարի մը առաջնորդութեամբ, մացառներու մէջ կը հանդիպի աղբիւրի մը, ուր կը պատահի հրաշքը: Կը տեսնէ որ իրեն թաղակից օձ մը կուգայ կը մտնէ ջուրի մէջ, կը լողանայ, աղբիւրի բովի ծաղիկներէն քանի մը հատի թուփերէն կը փրցնէ կ'ուտէ և կը մտնէ աղբիւրի բիւծ տեղը, կը լողանայ, եր շապիկը կը ձգէ, կ'ըլլայ աղբուր, գեղեցիկ օձ մը եւ կ'երթայ:

Մարգար այդ տեսնելուն կը խորհի որ Աստուած իրեն ցոյց է կ'ընէ: Ինքն ալ օձի ըրածի պէս կ'ընէ, կը թմրի եւ կը քնէ հող, աղբիւրին բով: Միւս ընկերը կը նայի Մարգար չի երեւնար. բաւական փնտռել վերջ, չի գտներ, ոչխարներով գիւղ կուգայ, կը պատմէ. դիւղացիք յոյսերնին կը կարեն, կը խորհեն թէ ազատուած է իր դատն կեանքէն: Իսկ Մարգար կը փոխադրուի լուսեղէն աշխարհ, կը պատցենն դրախտի ամէն կողմը, ցոյց կուտան նաև իր տեղը, եթէ Արամի մեղքի մէջ չիյնայ, զգոյշ եւայի թոռներէն: Իրեն փոքրիկ տուփ մըն ալ կուտան, մէջը դեղ լեցուած, հիւանդներուն ձրի նայէ, մէկ կաթիլ խմցնելով. նաեւ կ'ըսեն. «Քո ոչխարներէն մէկը զոյգ կը ծնի. այդ դառները բերես այսինչ տեղ մատաղ ընես, դուռը կը բացուի նորէն, նեքս կուգաս»: Տեղը ծանօթ է Մարգարի աչքին. այդ տեսիլքի մէջ կ'արթնայ. երկու կամ երեք օր քնացած է եղբր: Գիւղ կուգայ աղւոր երիտասարդ մը եղած, ատոզլ եւ քաջ: Կը պատմէ իր տեսիլքի մասին: Ձմեռը վրայ կը հասնի. դիւղացիները կը համոզեն որ ամուսնանայ: Ո՛չ, կ'ըսէ, դրախտէն կը դրկուիմ: Աղի տեսիլք է, կ'ըսեն, եւ վերջապէս կը համոզեն, որ Եւայի թոռներէն մէկու մը հանի: Վերջապէս կը համոզուի և կենակից մը կը դտնէ իրեն: Գարուն կուգայ այդ ոչխարը զոյգ կը ծնի իբրև որ. բաւական կը խոչորնան, կ'ատնէ կ'երթայ մատղիւր համար, որ նորէն երթալ քալելով դրախտը, բայց յուսախար կ'ըլլայ՝ ոչ աղբիւր կը գտնէ հոն եւ ոչ ալ ան բլուրը, զոր իր աչքեր տեսնէ ին. կուլայ եւ յետ կը դառնայ, անիծելով պատճառ եղողները: Այս է Մարգարի առասպելը: Իր տարիքը շատ չափադանցում է՝ 250 կամ 150: Մարգարը 120 տարի չափ ապրած է ատոզլ. իր դաւակները 70-80 տարեկան, տեսած է թոռն թոռը, եւ նոր ակուններ ալ ունեցեր է: Կը պատմեն, որ շատ մը հիւանդներ այդ տեղ գալով ողջացեր են: Կարելի է այդ ծաղիկի թուփերէն շինած է այդ դեղը: Այս է Մառնիկայ քաջալ Մարգարի առասպել պատմութեամբը»...

է: Թուում է, որ Մարգարի նման խղճուկ շինականին այցելած զօրութիւնը ժամանակով դիւցազունների արտօնութիւն է եղած միայն: Ճշմարտութեան դէմ մեղանշած չենք լինի, եթէ ենթադրենք, որ Տիրոնի նման մի հերոսի շուրջ եղած հինաուրաց առասպելների հեռուոր բեկորն է այն, ինչ որ մեզ աւանդ է մնացել Մասնիկ դիւզի հաւատալիքների աշխարհում:

Տիրոնի առասպելը յարում է Ատիսի գրոյցների շրջանին: Տիրոնն ինքն ոչ այլ ոք է, եթէ ոչ Ատիսի զուգատիպը և օձը, նրա մահուան պատճառը, մայր աստուածուհու Կիրելէի խորհրդանիշն է: Դամասենի և օձի պատմութիւնն միջանկեալ է:

Այսպիսով հայ ժողովուրդի յիշողութեան մէջ կառչած հատուկտոր աւանդները աւանում են մեզ դէպի այն հաստատուն յեղուածը, որ Հայաստանի սահմանակից Միջագետքի քաղաքակրթութեան սրբոտում ընդունուած մայր աստուածուհու Իշտարի պաշտամունքը Շամիրամ անուան ներքոյ ծանօթ և ընտանի է եղած նմանապէս հայ ժողովուրդեան: Նոյն պաշտամունքը այլ անունով տիրական էր, ինչպէս յաճախ շեշտած ենք, նաև Հայաստանի արեւմտեան դրացիների մօտ Փոքր Ասիայում, ուր նա կոչւում էր Կիրելէ:

Ի՞նչ աղերս կայ երկուսի մէջ անդրանկութեան տեսակէտից, այդ չէ այժմ մեզ զբաղեցնում. ինչ և լինի նրանց յարաբերութիւնը, երկու աստուածութիւնները նոյնանիչ են:

Եւ յիրաւի, բաւական է համեմատել ինչ որ Դիոդորը պատմում է Կիրելէի մասին Դերկեսո-Շամիրամեան առասպելի հետ, որպէսզի համոզուենք, որ երկու դէպքում էլ գործ ունինք միեւնոյն դիցարանութեան հետ, բայց տարբեր միջավայրերի երանգաւորումով:

Փոխադրայի և Լիզիայի թագաւորն էր մի ժամանակ Մէոն: Նրա կինն էր Դինդիմենէ, որից ունենում է մի աղջիկ զաւակ: Չուզենալով նրան պահել, թագաւորը ձգում է Կիրբերոն կոչուած սարը: Գազանները մօտենում են և սնում երեխային: Հարեւան հովիւ կիները, նկատելով այդ, առնում են մանկան և անուանում լերան անունով Կիրելէ: Երբ մեծանում, հասունանում է իբր մի գեղանի և ուշիմ աղջիկ, սիրահարւում է երիտասարդ Ատտիսին: Ծնողները լսելով, որ նա մերձաւոր կապ ունի Ատտիսի հետ, բերել են տալիս դատեր իրենց մօտ, իսկ Ատտիսին սպանում են և մարմինը թողնում անթաղ: Կիրելէն յուսահատ և վշտաբեկ ողբում է իր սիրելիի մահը: Մեծ պատուհաս և աղետներ են հասնում Փոխադրային:

Պատգամախօսը դժբախտութիւնը աստուածային վրէժ

է համարում Ատտիսի մարմնի հանդէպ յոյց տուած անսիրութեան համար: Իսկոյն և եթ ուզում են իրենց յանցանքը ուղղել: Բայց Ատտիսի մարմինն արդէն հիւծուած և անհետացած է լինում: Ստիպուած պատրաստում են երիտասարդի պատկերը և ողբում ու յարգանքներ մատուցանում նրան իբր Ատտիսին:

Դժուար չէ նկատել, որ Դինդիմենէ և իր դուստր Կիրելէ համազօր են Ասկարոնի առասպելի Դարկեսոյին և նրա աղջիկ Շամիրամին: Աղջկայ սիրահար Ատտիսը կատարում է Օնն(էս)ի դերը: Երկուսն էլ ընկնում են ողբերգական մահով: Աստուածուհին թէ՛ մէկ և թէ՛ միւս գրոյցում ընկեցիկ զաւակ է, որին սնում են վայրենի կենդանիները և պատահական հովիւները:

Հայաստան և հայ ժողովուրդը իր արեւմտեան և հարաւային հարեւանների, ասենք, Կիրելէի և Իշտարի աշխարհների հետ կապուած է եղել հուսոյ ի վեր քաղաքակրթական կապերով, իսկ Կիրելէի հետ՝ նաև ցեղային: Երկու տիկիներն էլ հաւասարապէս կարող էին տիրապետական գահ և պաշտամունքի սեղան ունենալ Հայաստանում:

Տեսանք, որ Իշտարը գէթ Շամիրամ անունով ընտանի է եղել իրօք հայ միջնորոտում: Թուում է, որ միւս աստուածային տիրուհին ևս ընդունուած է եղել և որոշ շրջանում հաւանօրէն կրում էր Անահիտ անունը: Եթէ մէկի դիւստոր սրբավայրը հին Տոսարն էր, միւսինը՝ Երէզ աւանն էր: Հեռուոր Եփեսոսում Կիրելէն փոխել էր իր անունը և կոչւում էր Արտեմիս և մինչև իսկ Անահիտ: Աւելի բնական էր նոյն անունը Հայաստանում, որ Իրանական քաղաքակրթութեան այնքան մօտ է կանգնած:

Հայ պանթէոնի միւս դիցուհին՝ Նանէ, նմանապէս նոյն աստուածութեան մի այլ դէմքն է: Յիշելու է, որ առասպելի փոխադրական յեղուածում, որ տալիս է Արնոր(իոս)ը, Ատիսի մայրը կրում է Նանա անունը: Սա Սանդար գետի դուստրն է, որ Ագաթիսի արիւնից բուսած Նուննու պտուղն իր ծոցում պահելով, յղանում և ծնում է Ատիսին: Անհաւանական չէ, որ նման գրոյցի հետեւանքով Նանան բազմած լինի Թորգանում իբր ուրոյն աստուածուհի:

Նոյն կարգի աստուած է և Աստղիկը: Տարբերութիւնը լի անուանական է և դուրսէ նաև տեղական: Աստղիկը Տարօնում նոյնն է, ինչ որ Շամիրամը Վանում և Նանէն Բարձր Հայքում:

Յայտնի է, որ յունական Ափրոդիտէի նախատիպն ևս Իշտարն է, որ անցնելով հելլէն գեղասիրական հանճարի հնոցով, դարձել է գեղանի աստուածուհին: Ափրոդիտէի տե-

սակների մէջ կայ մէկը, որ կոչուում է Անադիոմենէ, պարկեշտ եւ ողջախոհ դիցուհու կուսական պատկեր: Նրան լուսնային կամ ջրից ելնելիս տեսնելը համարուում էր բարի նշան, յաջողութիւն, բախտաւորութիւն:

Նոյն հաւատը գոյութիւն է ունեցել եւ հայ Աստղիկի հանդէպ, որի հետքերը մնացել են ցարդ նրա սրբավայր Տարօնում: Եփրատի ափին ցոյց են տալիս մի տեղ Գուռգուռ անունով, որի մասին պատմում են, որ Աստղիկի լողարանն է եղել: «Եւ քանզի դիշերները լուացուելու սովորութիւն ունէր Աստղիկը, ասում է Սրուանձտեանը, Դաղօնաց սարին վրայ մեծ կրակ կը վառէին տարփաւոր կտրիճները, որոյ լուսով կը դիտէին Աստղիկի չքնաղ գեղեցկութիւնը, հնարած է Աստղիկը որ մշուշ պատէ այն ամբողջ միջավայրին, այսինքն՝ Մշոյ Դաշտն»¹:

Հարկաւ տուփանքը չէր, որ ստիպում էր Տարօնի կտրիճներին դիտել անմատչելի աստուածուհու մերկութիւնը, այլ երջանկութեան եւ բախտի ծարաւը, որին սակայն յազուրդ տալ չէր յօժարում հեշտութեան քմահաճ դիցուհին:

Փոքր Ասիայի հոշակաւոր աստուածուհու հին սկզբնական անունը պահուած չէ, եթէ այն չհամարենք Կապպադովկիայի Կոմանա քաղաքներում ընդունուած Մա անունը, ինչպէս կարծում են մի քանի գիտնականներ: Բայց յայտնի անունները, ինչպէս Կիրելէ, Դինդիմենէ, Արաւմիս, Աթենին, Հերա, Լետո, Հիպոտա եւ ուրիշները տեղական ծագում ունին, այսինքն՝ ընդունուած են այս կամ այն վայրում, կենդրոնում: Ոմանք յետոյ ընդհանրացած են այս կամ այն չափով եւ լայն ժողովրդականութիւն ստացած:

Չարմանայի է ուրեմն, որ մեղանում եւս հին անունը մոռացուել է եւ տեղի է տուել նոր եւ հարեւան երկիրներում տիրող անունների:

Մայր աստուածուհու զուգակից այր աստուածը նմանապէս բազմանուն է: Ոչ միայն զանազան երկրներում, այլ եւ միեւնոյն երկրի տարբեր վայրերում տեսակ տեսակ անուններ է կրում: Անունները փոխուում են եւ ժամանակի համեմատ, փոխուում են միեւնոյն տեղերում ժամանակի ընթացքում: Այս երեւոյթը յատուկ է եւ մեր դիցարանական աշխարհին:

Որքան եւ սուղ ու պակասաւոր են մեր տեղեկութիւնները, բայց եւ այնպէս նշաններ կան, որ մայր աստուածուհու մտերիմը յայտնի է եղել Հայոց մի քանի անուններով:

1 Սրուանձտեան, «Գրոց ու Բրոց», էջ 97-98:

Ամենից կարեւորը եւ հինը Արան է, Շամիրամի տարփալին: Որ Արան թագաւոր չէ եւ ոչ այս աշխարհի բնակիչ, այլ դիցարանական ստեղծագործութեան պատկեր, ոմն դիցազն կամ աստուած, այդ անկասկած է: Շամիրամն աստուածուհի է, նրա մտերիմն եւս աստուած է լինելու: Շամիրամն - Աստարտէ կամ Կիրելէ, նրա սիրելին պէտք է որ Ադոնիսի կամ Ատիսի փոխանակը լինի:

Արայի զրոյցը վկայում է արդէն, որ նա այն բարձր էակներիցն է, որ մեռնում են եւ յանում, կամ քնանում են եւ արթնում ձմերային եւ դարնանային, բնութեան անշունչ եւ կենդանի շրջանների հետ: Խնդիրը անուան շուրջը չէ, այլ պաշտամունքի, որի էութիւնից կախուած է եւ անունը: Յաճախ անունն այլ ծագում ունենալով հանդերձ անցնում է ժամանակի ընթացքում ուրիշ աստուածութեան: Կարեւորը անուան տակ թագնուած եւ յարատեւած պաշտամունքի էութիւնն է: Սա է, որ ի վերջոյ դիւրութիւն է տալիս եւ անուան մեկնութեան, նրա կրած փոփոխութեան:

Արան մեռնում է: Նրա մահացման կողմնակի պատճառը Շամիրամի կիրքն է, ճիշտ այնպէս, ինչպէս Ատիսը զոհուում է Կիրելի սիրային հետապնդման եւ կամ Թամուզ - Ադոնիսը ընկնում է Իշտար-Աստարտէի առթած խանդի ու վրէժի հետեւանքով:

Արայի դիակը չի նեխում, ինչպէս հաւատացնում է քրիստոնեայ միջավայրը, այլ վերստին կենդանանում է համաձայն զրոյցի սկզբնական եւ հարազատ հիւսուածին, նրա հիմնական իմաստին, նման Ատիսի եւ Ադոնիսի համազօր առասպելների:

Արայի յարութիւնը միմիայն սոսկ ենթադրութիւն չէ: Նրա շեշտակի ապացոյցը տալիս է մեզ հեռաւոր Պլատոնը: Հոշակաւոր իմաստասէրը Պետութիւն երկի վերջին դիտում բերում է մի զարմանալի պատմութիւն, որ քաջածանօթ է: Հարկ եմ համարում բերել էական կտորը: «Արդ քեզ պիտի պատմեմ ոչ թէ Ալկին(ոս)ի պատմութիւնը, այլ մի խիղախ մարդու, Հայկազն էրի, ծագումով Պամփիլյացի: Սա երբեմն ընկնում է պատերազմում եւ տասներորդ օրը, երբ սկսում են հաւաքել արդէն նեխուած դիակները, տեսնում են որ սա մնացել է անեղծ: Երբ տանում են տուն, որպէսզի թաղեն, տասներկուերորդ օրը արդէն խարոյկի վրայ պառկած վերակենդանանում է եւ յետոյ սկսում է պատմել, ինչ որ տեսել է այն աշխարհում»:

Ուշադրութեան արժանի է Պլատոնի բառախաղը, որով հակադրում է Ալկինոս եւ ալկիմոս էրը: Ալկինոսը Ողիսականի հերոսներիցն է, յայտնի իր հնարածոյ պատմուածքնե-

րով: Քաջն էրի պատմութիւնը նրա յերիւրանքների նման չէ համարում իմաստասէրը: Այս ահամայ հաճոյականն այլ կերպ չի կարելի հասկանալ եւ այլ բան չէ նշանակում, եթէ ոչ այն, որ էրի զրոյցը իրօք տարածուած է եղել եւ ժողովրդական: Էրի զրոյցը պէտք ունի տակաւին քննութեան, մանաւանդ այն մասում, ուր պատմում է նրա տեսիլը:

Հին հետազոտները, ինչպէս օր. Կղեմենոս Ալեքսանդրացին, կամ Պրոկլը, առանձին հետաքրքրութիւն են բնծայում էրին եւ համեմատում են եւ մինչեւ իսկ նոյնացնում են նրան Զրադաշտի հետ¹:

Սակայն էրի տեսիլը անմիջական աղերս չունենալով մեր խնդրին, նրա քննութիւնն եւս թողնելու է: Մեզ համար կարեւորը հայ էրի յարութիւնն է: Պատերազմում բնկած, յետոյ կենդանացած, նա յար եւ նման է մեր Արային: Երկուսի ազգակցութիւնն ըստ անուան եւ ըստ առասպելի հուժեան կասկածի տեղիք չեն տալիս եւ բացատրուելու է նրանով, որ երկուսի աղբիւրն ընդհանուր է եւ հայ ժողովրդի զիցարանական աշխարհն է:

Պամփիւլացի հայ էրր մերձաւոր խնամութիւն է ցոյց տալիս նաեւ թրակիական Զարմոքս(իս)ի հետ: Այս կապը զարմանալի պիտի չթուայ, եթէ յիշենք Հայերի արենակցութիւնը թրակիական ցեղերին: Հերոդոտի պատմելով (Դ. 94-96) Թրակիայի ամենաքաջ եւ արդարասէր ցեղը, որ կոչուում էր Գետ, հաւատում էր հոգու անմահութեան: Այս վարդապետութեան ուսուցիչը համարւում էր Զարմոքս(իս), որ իբր թէ ստրուկ եւ աշակերտ է եղած Պիւթագորին եւ նրանից սովորած հոգու անմահութեան գաղափարը: Դառնալով հայրենիք սա քարոզել է նոյնը իր ժողովուրդին: Ստրկութիւնից ազատելուց յետոյ Զարմոքս(իս) յաջողում է մեծ հարստութիւն դիզել, որ եւ գործ է ածում իր հայրենակիցների գոհ-հիկ բարքերը մեղմացնելու, բնտելացնելով նրանց իր մեծ ուսուցչի վարդապետութեան: Այս նպատակով նա յարդարում է մի գեղեցիկ սրահ եւ այնտեղ հաւաքելով իր հայրենակիցներին հիւրասիրում է նրանց մեծ խնձոյքներով, որի ընթացքում քարոզում է հոգու անմահութեան հաւատը եւ յուսադրում անդրաշխարհային կեանքի հաճոյական եւ երջանիկ պատկերով: Այնուհետեւ Զարմոքսը պատրաստում է իրեն համար մի գետնափոր վիհ, մտնում է այնտեղ եւ չքանում իր հայրենակիցների տեսութիւնից: Անցնում է երեք տարի: Ժողովուրդը նրան վաղուց մեռած համարելով, ցաւ է յայտնում եւ ողբում նրա կորուստը: Սակայն չորրորդ տա-

րին նա յայտնում է: Ժողովուրդը տեսնելով այս հրաշքը, հաւատում է եւ ընդունում նրա վարդապետութիւնը:

Մի ուրիշ տեղեկութեամբ, որ ծագում է հաւանօրէն Հեկատէից եւ որ պահուել է Փոտի եւ Սուիդասի մօտ, «Անշուշտ Գետական (Getes) ցեղեր են Տերիզ եւ Կրորիզ անուն ժողովուրդները, որ հետեւորդ լինելով Զարմոքսի ուսման հաւատում էին նաեւ, որ մեռնողները նրա մօտ են գնում եւ որ վերստին պիտի յետ դան, այսինքն՝ յառնեն»¹:

Գետերը իրենց անմահ էին համարում, ինչպէս վկայում է Հերոդոտը եւ կարծում էին, որ մեռնողը գնում է Զարմոքսի մօտ: Հինդ տարին մի անգամ մի մարդ էին գոհում վիճակով, որ նա իրենց բաղձանքները յայտնի Զարմոքսին:

Յոյն պատմագիրը արդարացի կասկած է յայտնում, որ Զարմոքսը Պիւթագորին աշակերտած լինի եւ նրանից ուսած: Աւելի հաւանական է համարում, որ նա Պիւթագորից յոսաջ էր սալրում եւ որ աւելի շուտով աստուած էր քան մարդ:

Յիրաւի Զարմոքսը աստուած է եւ բուսականութեան կամ բարբեր բնութեան աստուած, նման Ատիսի եւ Ադոնիսի: Նրա երեքամեայ չքացումը եւ վերյայտնութիւնը, ինչպէս մեկնում է Վ. Տոմաշեկ², սիմբոլիկ արտայայտութիւն է կամ արձագանդ թրակիայում ընդունուած այն սովորութեան, որի համաձայն հողն երեք տարի անմշակ էր մնում, հանգիստ էր աւնում եւ հերկում էր միմիայն ամեն չորրորդ տարին: Երեք տարի Զարմոքսը, հողի եւ բուսականութեան ոգին, թագնում էր, անհետանում: Նրան ողոքելու եւ շնորհը խնդրելու համար գոհում էին ում որ վիճակ էր ընկնում, այսինքն՝ իրենց հասկացողութեամբ ուղարկում էին զոհին Զարմոքսի մօտ: Տարբարիտ դեսպանը անշուշտ այն անձերի թուին էր պատկանում, որոնք արտօնուած էին վերադառնալու այն աշխարհից, այսինքն՝ կենդանանալու:

Պէտք է ենթադրել, որ աստուծուն այցելելու եւ նորէն գառնալու շնորհը վերապահուած էր ասուելապէս արտասովոր անձերի, հերոսների, որոնք ընդհանուր ամամբ ծագում էին տիրող իշխանական կամ քրմական տոհմերից: Ընթանալով ի հակառակէն կարելի է ասել, ուր որ հաւատում են բնկած հերոսների յարութեան, այնտեղ կրօնական մտայնութիւնը տողորուած պիտի լինի Զարմոքսեան աշխարհայեացքով:

Քաջագործ էրը, թագաւոր Արան եւ հերոս Արտուազ-

1 C. Clemen, Fontes historiae religionis Persicae, էջ 68 եւ 94:

1 Tomaschek, Die Alten Thraker, II, էջ 64.

2 Անդ, էջ 63:

դը նոյն աշխարհայեացքի փշրուած բեկորներն են: Չարմոքս՝ փթթող և թառամող բնութեան ոգի՝ ոչ այլ ինչ է եթէ ոչ Ատիսի մի ուրիշ հատորը:

Հերոդոտը հաւատացնում է, որ ոմանք կարծում էին որ Չարմոքսը նոյն Գերելէզիան է, ուրեմն նոյն աստուծու մի ուրիշ անունը: Հաւանական է համարուում ուղղել Սեբելէզիս, աշխնքն՝ առաջին տառը և կարգալ: Այս ուղղումը կարող է ներշնչել միտք՝ կապել աստուծու անունը յայտնի աստուածուհու Semele Սեմելէի հետ: Չարմոքս անունը գրուում է նաև Սարմոքս: Եթէ իրօք ստուգաբանական աղերս կայ Սարմոքսի և Սեմելէի միջեւ, այդ կը լինէր լաւագոյն մեկնութիւնը պաշտամունքի տեսակէտից: Սեմելէն երկրի աստուածուհի է և Սարմոքսը կարող էր նշանակել որդի Սեմելէի:

Սակայն, յատուկ անունների, մանաւանդ հին աստուածների, ստուգաբանութիւնը դժուարին է եւ միշտ վիճելի: Դեռ եւս հները հետաքրքրում էին Չարմոքս անունը կազմով եւ կարծում էին, որ նա նշանակում է արջի կաշի՝ իբր թէ Չարմոքսը ծնունելիս վրան արջի կաշի են ձգում:

Նորերը փորձեցին արդարացնել այս ստուգաբանութիւնը: Յայտնի ասորագէտ եւ հայագէտ Դը Լազարըր սկզբում տրամադիր էր համեմատել վերջին վանկը — nfxu հայերէն կաշի բառի հետ: Բայց հետագայում նա հրաժարուեց իր մեկնութիւնից, զերազասելով տեսնել առաջին Չարմ վանկում պարսիկ չարմ carm, սանսկրիտ carman, որ նշանակում է կաշի²:

Այս մեկնութիւնը հաւանութիւն գտաւ Տոմաշեկի կողմից, միայն հակառակ Դը Լազարըրի, որ վերջին մասը -nfxu համարում էր հայերէն արջ բառը, առաջարկում է մի ուրիշ մեկնութիւն:

Անտարակոյս հին ստուգաբանութիւնը, որ աշխատում են հաստատել յիշեալ գիտնականները, լուրջ հիմ չունի եւ հեռու է Չարմոքսի իսկական իմաստը մեկնելուց: Սովորական նմուշ այսպէս կոչուած ժողովրդական ստուգաբանութեանց: Հաւանօրէն Չարմոքս որեւէ հնչական մերձաւորութիւն է ունեցել այս կամ այն բառին արջ եւ կաշի նշանակութեամբ: Այստեղից յառաջ է եկել եւ այն յերիւրանքը, որ աստուծու վրան արջի կաշի են ձգել եւ որ միանգամայն անարժէք է: Բառի ծագումը մնում է տակաւին խնդրական: Յատուկ անունների մեկնութիւնը դժուար է:

1 De Lagarde, Zur Urgeschichte der Armenien, էջ 39:
2 Նայն, Gesamr.elte Abhanglungen, էջ 291:

Թրակիական Չարմոքսին յարակից են թւում հայ Արան եւ նրա նախատիպար էրը:

Հերոդոտի վկայութեամբ Թրակիայում սովորութիւն կար հարուստ մարդկանց մարմինը մեռնելուց յետոյ երեք օր պահել, որի ընթացքում կենդանիներ էին դոհում, լաց ու կոծ անում եւ թաղումը վերջացնում մեծ խնձոյքով: Ատիս-Ադոնիսեան թաղման ծէսերը եւս երեք օր էին տեւում, որին հետեւում էր յարութիւնը: Երեքօրեայ հանդէսները թւում է թէ մի մանրանկար են Չարմոքսի երեքամեայ չքացման:

Պարսիկների մօտ եւս ընդունուած էր մեռելին երեք օր պահել, որովհետեւ հոգին երեք օր իբր թէ մնում է անշնչացած մարմնի մօտ: Քրմական մեկնութիւն է, անշուշտ: Իսկական հիմք հոգին որոշ ժամանակ հանգիստ տալու սովորութիւնն է: Մեռելին երեք օր անթաղ պահելու աւանդութիւնը ներշնչուած է այն հաւատով, որ նա կարող է վերստին կենդանանալ:

Նոյն կարգի երևույթներ են եւ իրի կամ Արայի յարութիւնը: Մամիկոնեան կտրիճ զօրականի վերակենդանանալու յոյսը նոյն հին հաւատալիքի արձագանդ է:

Պլուտարքին վերագրուած, հաւանօրէն անվաւեր, մի գրութեան մէջ Կլէոմարտոս խօսակիցը պատմում է, որ իր ճանապարհորդութեան ժամանակ արեւելեան երկրներում լսել է մի զարմանալի անձի մասին, որ տարին մի անգամ էր երևում մարդկանց, մնացեալ ժամանակն անցնում էր դեւերի և յաւերժահարսների հետ, եւ այսպիսով օժտուում էր հրաշալի ձիրքերով. (De detectu Oraculorum, 21): Այս օտարոտի ճգնաւորն բոտ Կլէոմարտոսի ապրում էր թէեւ Կարմիր ծովի ափերին, բայց երեւում է, որ այլ բան չէ, եթէ ոչ Արեւելքում գոյութիւն ունեցող յայտնի հաւատալիքի արտայայտութիւն:

Հայ հաւատալիքների կամուրջը Թրակիայի հետ ակնբերել է: Այս կարեւոր հանգամանքը կարող է անսպասելի լոյս սփռել իր եւ Արա անունների վրայ, որոնց ծագումը թաղւած է խորհրդաւոր մթութեան մէջ:

Իրանական քաղաքակրթութիւնը այնպիսի մի վարագոյր է ձգած հայ անցեալի վրայ, որ ամեն մի հարցի առթիւ պարտաւոր ենք ամենից առաջ հաշուի առնել իրանի հնարաւոր ազդեցութիւնը: Հայոց հին անձնական անունները սակաւ բացառութեամբ իրանական դրոշմ են կրում: Արդեօք Արան եւս իրանական փոխառութիւն չէ՞, նման Վարդան, Տիգրան, Երուանդ, եւ այլ բազմաթիւ անունների:

1 F. Cumont, Mitra I, էջ 32:

Աւեստայում, Իրանի սրբազան գրքում, պատահում է արգարեւ Արա անունը Ara. (Յաշտ, 3, 10): Սա մի սոսկ հաւատացեալի անուն է: Յայտնի իրանագէտ Բարթոլոմէ, հեղինակ նշանաւոր բառարանի, Արա համարում է կրճատ կամ փաղաքշական ձեւը Aramatay բառի, որ է Aram + matay բարեմիտ, կամ լաւ մտածող: Նոյն բառը Aramatay ձեւով ստանում է ի միջի այլոց երկրի նշանակութիւն, ինչպէս եւ երկրի աստուածութեան:

Հայ Սանդ-արամետ, դարձեալ իրանական է, պահել է նոյն Aramatayի պահում կամ պարթեւական ձեւը Aramel: Սանդարամետի այլ եւ աւելի հին ձեւն է Սպանդարամետ, որ նշանակում է «սուրբ երկիր» եւ «երկրի ոգի» միանգամայն:

Նշանակալից է, որ Մակարայեցոց գրքում Բ. 6, 7 յունարէն բնագրի Դիոնիս(ոս) Թարգմանուած է հայերէն Սպանդարամետ: Յայտնի է, որ Դիոնիսը Արիագնէի նկատմամբ նոյնն է, ինչ որ Ատիսը՝ Կիբելէի եւ Աղոնիսը՝ Աստարտէի: Հետեւապէս Դիոնիս-Սպանդարամետը մօտենում է իր էութեամբ հայ Արային մեր բմբոնումով, այսինքն իբրեւ երկրին կապակից աստուածութիւն: Եթէ ճշմարիտ է Բարթոլոմէի ստուգաբանութիւնը, ապա ուրեմն, Արա-ն ոչ միայն պաշտամանական բովանդակութեամբ, այլ եւ լեզուական տեսակէտով, իբր բառ, նոյնանում է իրօք (Սպանդ)-Արա-մետի հետ, որպէս նրա կրճատ ձեւը:

Բարթոլոմէի ստուգաբանութեան օգտին է խօսում եւ Չոնդարա, որ Կապպադովկիական ձեւն է նոյն Spentarmalի եւ սրա նման 12րդ ամսի անուն է¹:

Սակայն, այս բացատրութիւնը մի թերութիւն ունի: Արա Աւեստայում հասարակ անուն է անհատի, եւ չի յիշում իբր համանիշ Արամետի: Իսկ եթէ յսկ ժողովրդական ձեւն է, ինչպէ՞ս հասկանայ, որ նա այնպիսի պատուաւոր տեղ է դրուել հայ միջավայրում, մինչդեռ անհետ կորել Իրանում:

Միւս կողմից մտանայու չէ բնաւ, որ Արայի կից կայ էրր, որը թելագրում է բնութենէ, որ իրօք Հայերի մօտ գոյութիւն է ունեցել մի անուն անկախ իրանական Արայից: Մեզ թուում է, որ Արա ոչ այլ ինչ է, եթէ ոչ գուտ հայ էր իրանական ստուերով սքողուած: Էրր այն աստուածն էր կամ գիւցազն, որ Հայերը բերել էին իրենց հետ արեւմուտքից: Իրանական միջնորոտում, շնորհիւ հնչական եւ գաղափարական մերձաւորութեան, էրր տեղի է տուել Արա ձեւին: Իսկ

¹ Th. Benfey und M. A. Stern, Über die Monatsnamen einiger alter Völker, 1836.

Թէ ինչ էր նախնական էրր, այդ պարզելու համար պէտք է Պամփիւլայի վրայից դնանք յետ դէպի Թրակիա:

Հելլէն բազմաստուած պանթէոնում մի անուն կայ, որ նմանութիւն ունի հայ էրին, այդ Արէսն է: Դիցաբանութեան հմուտներին տարօրինակ պիտի թուայ երկու անունների մէջ աղերս որոնելու փորձը: Պատերազմի գուտ աստուածն այնքա՛յն հեռու է երազուն էրից: Սակայն Արէսի յունական նկարագիրը նախնական չէ: Նրա սկզբնական էութիւնն ու ծագումը տակաւին վիճելի է: Կարծողներ կան, որ ստորերկրեայ աստուածութեան գաղափարն է, որ բնորոշում է Արէսի հնագոյն տիպը: Երկրի խորքերից նա կեանք եւ բարերարութիւն է գեղում, կամ մահ եւ աւերածութիւն է սփռում: Վերջին յատկութիւնից զարգանում է պատերազմի եւ սրածութեան ոգին: Նոյն ուղիով, ինչպէս Իշտար դասնում է պատերազմի աստուածու Աստուրի կիներ, այնպէս էլ Արէսն արժանանում է գեղանի Ափրոդիտէի սիրոյն: Ուրիշ խօսքով նա մօտենում է Աղոնիսեան տիպարին: Վկայ է եւ առասպելը, որի համաձայն Արէսը վարագլի կերպարանքով սպանում է իր ախոյեանին, դժբախտ Աղոնիսին կամ ինչպէս յոյն-ասորական հիւսուածն է ասում, սպանում է Թամուզին գեղեցիկ Բելտիսի սիրոյն համար:

Արէսը համարւում է նաեւ հայր Ատիսի¹:

Աղոնիսին սպանելով եւ Արիսի հայր ձեւանալով Արէսը երեւան է դալիս իբրեւ նրանց վաղեմի ժառանգորդ ոչ որդիական, այլ հայրական իրաւունքով:

Այս դիցաբանական դժերը վերապրումներ են հնագոյն դրութեան, երբ մարտագոչ աստուածը յայտնի էր աւելի մեղմ բարքով, Ատիս-Աղոնիսեան պատկերով, թեւակից ունենալով Ափրոդիտէ-Կիբելէ կանացի էութիւնը:

Արէսը բնիկ Թրակացի է: Հոմերոսը նրա բնակավայրը համարում է Թրակիան: Այստեղից է նա յարձակւում Թեսսալիա եւ Բէոլիտիա, այստեղ է ապաւինում Ափրոդիտէի հետ ունեցած յայտնի սիրային արկածից յետոյ: Յաճախ երեւան է գալիս զինուած Թրակացու նման եւ մարմինը կիտւած: Եւ վերջապէս Թրակիան կոչւում է նրա անունով Արէս:

Վիճելին այսպիսով Արէսի հայրենիքը չէ, այլ նրա անւան ծագումը: Արդեօք անունը նմանապէս Թրակիական է:

Յունական պանթէոնը հարուստ է այլազան բնակիչներով: Նրանց մի մասը աւանդ է նախահելլէն բնակչութիւ-

¹ Tomasehek, Die alten Thraker, II, էջ 55, աղբիւր է ցոյց տալիս Պրոկիւ Կետր. II, 97, սակայն կոչումը ճիշտ չէ: Հաւանորէն ուրիշ տեղից է բաղած:

նից: Յունական են համարուելու այն անունները, որոնք մեկ նեյլի են նոյն լեզուի բառամթերքով: Լեզուազէտները տրամադիր են Արէսը հանել յոյն արէ, 'բունութիւն, վնաս' սանսկ. arus 'վէրք' բառից:

Այս ստուգարանութիւնը, որի հիմը պատերազմի աստուծու աւերիչ ոգին է, պայմանական է եւ եթէ պարզով որ Արէսը սկզբնապէս պատերազմի աստուած չէ, պիտի կորցնէ իր արժէքը:

Արդ Արէսի մասին շատ տարբեր կարծիքներ կան: Ոմանք համարում են նրան ամպրոպային աստուած¹, ոմանք՝ երկնքի², ուրիշները՝ երկրի կամ ստորերկրեայ եւ վերջապէս կան ընդունողներ, որ նա լոյսի եւ արեւի աստուածութիւն է³:

Մեր անձնական դիտողութիւնները բերում են ուրիշ հետեւանքի: Եթէ ուշի ուշով կրկանելու լինենք Արէսի շուրջը դիզուած դիցարանական ատաղձը, կը տեսնենք այնպիսի գծեր, հնանիշ ակնարկներ, որ վերարբերում են նրա սկզբնական կեանքին եւ լուսաւորում նրա առաջին քայլերը: Հոմերոսի մօտ Արէսի մերձաւորը կոչուում է Ենիո, որը նրա համար ե՛ւ մայր է ե՛ւ աջակից կուուում (Իլիական Ե, 592): Այս է պատճառը, որ Արէսը կրում է երբեմն նրա անունը, Ենիական: Արէսի կապը Ենիոյի հետ հին յիշողութիւն է եւ կարեւոր: Թւում է թէ Ենիո կանացի դէմքը ոչ այլ ոք է եթէ ոչ Ափրոդիտէի նախորդը: Պելագգական Ափրոդիտէն գրաւել է Թրակացի Ենիոյի դիրքը Արէսի նկատմամբ: Այնինչ Թերալում Ափրոդիտէն արդէն Արէսի կիներն էր համարուում, Լեմնուսում նրա օրինաւոր ամուսինը տակաւին Հեփեստ(ոս)ն էր եւ Արէսի տարփանքը Ափրոդիտէի հանդէպ ապօրինի էր նկատուում, ինչպէս երեւում է ցանցի սիրային արկածից, երբ Հեփեստը իբր խարուած ամուսին հետապնդում է իր երջանիկ հակառակորդին, Արէսին: Ենիոյի եւ Արէսի մտերմութիւնը չէր մոռացուած դեռ եւս Գ. դարում: Թրակիայում սովորութիւն կար գերիններին զոհել Արէսին եւ Ենիոյին⁴:

Թւում է, որ այս զոյգի յարաբերութիւնը աւելի բարդ է եղել քան Արէսի եւ Ափրոդիտէի եւ մօտ Ատիս-Կիրեիեան սերտութեան: Կարծում ենք, որ Ենիոյի անունն իսկ Enno, Enuo, ուրիշ բան չէ, եթէ ոչ nana, nina անուան մի այլ ձեւը, եւ պատկանում են այն բառերի թուին, որ Կրեչմեր գիտնականը կոչում է Lallnamen այսինքն մանկական թո-

1 Preller, Gr. Mith. I, 226.
2 Lauer, Syst. d. Gr. Mith. 242.
3 Welcker, Gr. Goetterlehre, I, 405.
4 Amm. Marcell. XXVII, 44.

թովք: Մի քանի դիւրահնչիւն ձայների, որպիսին են պ, մ, ն, կրկնութեամբ կազմուած է մանկական առաջին բառարանը, ուղղուած էր ծնողներին: Ենիո, նանա նշանակում են մայր:

Յիշենք, որ Նանէ էր կոչուում եւ Ատիսի մայրը Սանգար գետի զարմանալի աղջիկը, որ Ագդիստի կամ Կիրեիէի արիւնից բուսած նուշն իր ծոցն առնելով յղացաւ եւ կեանքի կոչեց Ատիսին: Հաւանական է, որ նման մի առասպել գոյութիւն ունեցած լինի եւ Արէսի վերարբերեալ: Ովիդիոսն ասում է, որ Հերան ծնել է Արէսին մի հրաշալի ծաղկից, ուրեմն առանց Զեւսի մասնակցութեան (Fast. V 229): Հերան ալյուտեղ նոյնանիշ է Նանէին եւ ուրեմն Արէսը՝ Ատիսին:

Ուշադրաւ է նաեւ Արէսի կապը վիշապի հետ: Պինդարի հեղինակաւոր վկայութեամբ Արէսի հայրը վիշապն է, եւ նոյնժամայն երկրից եւ Արէսից է ծնուած վիշապը: Ալյուտեղ երկիրը նշանակ է Երինիսի, որ է Արէսի կինը:

Երինիսը մեզ արդէն յայտնի Ենիոյի մի այլ դէմքն է: Միեւնոյն անձը ե՛ւ մայր է ե՛ւ կին, միեւնոյն անձը ե՛ւ հայր ե՛ւ որդի, ինչպէս Արէսն եւ վիշապը, յար եւ նման փոփոխական նուիրախորհուրդի յայտնի ձեւակին. «ցուր՝ ծնունդ վիշապի եւ վիշապը՝ հայր ցուլի»:

Նկատելու է, որ օձը մայր աստուածուհու խորհրդանշաններիցն է. սրբազան կենդանի է, որ ապրելով երկրի խորշերում, բնականօրէն աստուածուհու մտերմն է համարուում: Օձի մի այլ պատկերն է փոփոխական Սարաձիոս կամ Սաւազիոս աստուածը, որ մայր աստուածուհու վերարբերմամբ համահաւասար է Ատիսին:

Մի ուրիշ հնանիշ գիծ: Հոմեր(ոս)ը (Իլիական Ե. 385) պատմում է, որ Ալոյազները բռնել եւ փակել էին Արէսին «երկաթէ թոնիրում, 13 ամիս շարունակ, որովհետեւ նա սպանել էր Ադոնիսին որսի ժամանակ: Ալոյազները, ինչպէս վկայում է իրենց անունը (յունարէն) ներկայացնում են հունձն եւ կալ ու կուտը: Նրանց զինակցութիւնը Ադոնիսին, բուսականութեան տիրոջ, հասկանալի է: Արէսը, որից վրէժ է խնդրում, եւս օտար ոմն չէ: 13 ամսեայ բանտարկութիւնը նոյն կարգի այլաբանութիւն է, ինչպէս Զարմօքսի եռամեայ անհետացումը եւ ակնարկում է հողի տարեւոր հանգստին:

Ասել է, թէ Արէսին եւս յատուկ էր քնելու կամ մեռնելու եւ յառնելու կարողութիւնը: Կերամոս քաղաքում, որ Արէսի բանտարկութեան տեղն էր, պահուում էր նրա աճիւնը, ապացոյց, որ նա տեսել է մահ եւ կենդանացել:

Բոլոր այս դիտողութիւնները, որ այնպէս բնորոշ են Ատիս-Ադոնիսեան տիպարի աստուածութեան, թելադրում

են ընդունել, որ Արէսն եւս սկզբնապէս, իր երիտասարդ օրերին, նոյն դասի աստուած է եղել: Քանի որ հայ էր-Արան էլ նման բնութիւն ունի, եւ երկնքից ընկնելուց յետոյ շարունակել է երկրի վրայ պահել իր հինաւուրց նկարագրի ամենակարեւոր գիծը, ոչ մի արգելք չկայ մօտիկ արեւակցութիւն տեսնել էր եւ Արէսի միջեւ:

Շատ նշանակալից է, որ երկուսն էլ աղերս ունեն չան հետ: Շունը համարուում էր Արէսի նուիրական կենդանի, որպէս պատերազմի դաշտի դիակների անխուսափելի այցելու: Յունաստանի մի քաղաքում շուն էին գոհարեցում Ենիալին, աւելի ճիշտ շան ձագ (Պաւսան, Գ. 14,9), իսկ Ենիալը նոյն Արէսի պատկերն է:

Արային կենդանացնողը Արալէզը կամ Առլէզն էր, որ յոտաջ էր եկած շնից, ինչպէս վկայում է մասնագիր Եգնիկը:

Չենք կարծում, որ հին հաւատալիքով բոլոր դիակները անխտիր մատչելի համարուէին շների լափին: Արէսի հակառակորդներին էր անշուշտ վիճակուած անարգ կուր լինել շներին: Նրանք, որ ընկնում էին կուրի դաշտում, վայելելով Արէսի հովանաւորութիւնը իբրեւ նրա կողմնակիցներ, արժանի պիտի լինէին այլ բախտի: Շները նրանց չէին լափում, այլ Արէսի հրամանով լիզում էին ընկածների վէրքերը, բուժում այդ ընտրեալների խոցերը եւ վերակենդանացնում: Առլէզները այսպիսով բարի շներ են և գործ ունեն ձերոսների, այսինքն Արէսի սիրելիների հետ:

Նմանութիւնը աչքի է ընկնում եւ այլ կէտերում: Ինչպէս որ սեմական Թամուզն ունէր իր համանուն Թամուզ ամիսը տարուայ մէջ, երբ տօնուում էին նրա հանդէսները, այնպէս էլ Արէսին յատկացուած էր որոշ ամիս: Թեսսալիայում գարնան ամիսն էր, որ կոչուում էր Արէյոս, Բիւթանիայում՝ ամառուայ ամիսը: Բուսականութեան ոգին հակում ունէր դէպի գարնան մեղմ արեւը կամ դէպի լուսինը, որի շողերը այնքան բարեբար էին համարուում բոյսերի համար, եւ կամ դէպի արեւը, որի կիզիչ ճառագայթները եւ կենսատու եւ կորստաբեր էին նկատուում: Այս հետեւանքով տօները կատարուում էին գարնան եւ կամ ամառը:

Թուում է, որ հայ էր-Արան եւս իր յատուկ ամիսն է ունեցել, եւ Թերեւս այնպիսի ծագում ունի հայ տօնացոյցի Արաց խորհրդաւոր ամիսը:

Ատիսի սրբազան ծաղիկն էր մանուշակը, բուսած նրա արիւնից: Աղոնիսն ընտրել էր պուտ ծաղիկը, (անեմոն): Հայերէնում յիշուում է արանց ծաղիկ, որ գուցէ ուղղելի է արաց, եւ կապ ունի Արայի անուան հետ:

Դիցարանական մերձաւորութիւնը յայտարերելուց յետոյ անտեղի չէ հարց դնել, արդեօք Արէս եւ էր-Արա անունների մէջ եւս ազգակցութիւն չկա՞յ:

Վելիկեր դիտնականը, որը համարում էր Արէսին աստուած հրատապ արեւի, ինչպէս յիշեցինք վերեւ, հնարաւոր էր գտնում նաեւ ասուգարանօրէն կապել Արէս հայ արեւ բառի հետ: Տակաւին վիճելի է, արդեօք Արէս հինդ-եւրոպական բառ է, թէ Թրակեան ժառանգութիւն է նախնի բնակչութիւնից:

Արէսի պաշտամունքը տարածուած է եղել Թրակիայից մինչև Փոքր Ասիայի արեւելեան ծայրերը, ոչ միայն Մակեդոնիա, Թեսսալիա, Յունաստան, այլ եւ Փոքր Ասիայի երկիրները մանաւանդ Բիւթանիա, Պամփիլիա, Կարիա, մինչև Կողքիս եւ Հայաստան: Կիրասունի դէմ «Արէսի Կղզի», Արեաթիս քաղաքը եւ «Արէսի Պարաէզ», որ էր Կողքիսում ապացոյց են որ Արէսն ընտանի է եղել մերձակայ Պոնտոսի ավերին: Արէսի պարտէզն այն տեղն էր, ուր պահուում էր հոչակաւոր ոսկեղեղմը:

Տեսանք, որ Հայերին եւս յայտնի էր Արէսը իբրեւ արտյեան առասպելական Դիորփի: Մի աւանդութեամբ Արէսի որդին էր կարծուում Սալիբոս, այսինքն՝ Սալիբ քաջածանօթ ցեղի նախահայրը¹:

Այս եւ նման գրոյցները նշան են Արէսի ժողովրդականութեան նաեւ կովկասեան կոչուած ժողովուրդների մէջ:

Չի կարելի ժխտել, որ յոյն դաղթականութիւնն է բերել Արէսին Արեւելք: Քրիստոսից առաջ եօթերորդ դարից Յոյներն արդէն հաստատուած էին Տրապիզոնի շրջանում: Արդեօք յունական Արէսի ժողովրդականութիւնը հիմն չունէ՞ր տեղական հին պանթէոնում²:

Ամեն պարագային մեր ելակէտն ոչ այնքան լեղուագիտութիւն է, որքան դիցարանական նկատումները: Հետաքր-

1 Appol. Rhod. II, 373.

2 Վրացիէն լեզուում կայ արէ բառը, որ նշանակում է կողմ եւ եղանակ: Բայց հին է եւ պատահում է Սաղմ. 73. 17. արէ գազափխուլիսա, որ է «գարնան եղանակ»: Եթէ միայն վրացի արէ, յոյն արէ բառը չէ Պոնտոսի տեղական բարբառներից անուած, որ արմատակից պարսիկ **hava**, սրտեղից հայերէն արտա-հաւակ (Սորենացու Ողբի մէջ) պէտք է ենթադրել, որ առայժմ անտես թելիքով կապուած է լիտվիէնի **oras** «եղանակ, արձակ օր» նշանակութեամբ: Վարդէի համեմատութիւնը լատիներէն **area** «արձակ տեղ, կայ» բառի հետ համոզիչ չէ:

Յատուկ անունները, որքան հին, այնքան ավելի անմատչելի են ստուգարանական վերլուծման: Ճշմարտութեան սահմանները նեղ են, իսկ հնարաւորութեան՝ շատ լայն են: Վրացի արէ բառը կարող է եւ հայ Արայի հասարակացումն լինել: Հայ դիցարանութեան մի ուրիշ անուն, որ հետազոյում Արայի նման արքայական զգեստով է հանդէս գալիս, անցել է Վրաստան եւ այնտեղ մտացել հասարակ անուան նշանակութեամբ: Ի նկատի ունենք Արտապղ անունը, որ Վիտաւեանի (էջ 108, 189) յայտնի վկայում գործ է սոււում հասարակ կախարդի իմաստով:

քրական է, որ Արէսը եւ էր-Արան թուում է թէ զարգացման միւսնայն ուղիով են ընթացել:

Հետեւիս իր բառաբանում մակեդոնական Արտառն ձեւի հանդէպ գնում է Հերակլէս, այսինքն Արէս: Հայ մատենագրութիւնից յայտնի է, որ Վահագնը նոյնն է ինչ որ Հերակլը կամ Արէսը: Վահագնի վերաբերեալ գուսանական երգը երկնէր երկին, եթէ յիրաւի Վահագնին է նայում, նրան նկարագրում է իրբեւ արեւի աստուած: Վահագն Վերեթրագնա, Հրուդենի մականունն է եւ ասնջութիւն չունի արեւի հետ: Վահագնի արեւացումը բուն հայկական ընոյթ ունի եւ բացատրելու է նրանով, որ Վահագնին է անցել տեղական մի ուրիշ աստուծու ժառանգութիւնը, լծորդուած արեւին: Ուրիշ խօսքով, իրանական անուան տակ սքօղուած է գուտ հայկական աստուածութիւն, որի հարազատ անունը էր-Արայի մօտն է որոնելու: Ինչպէս որ մակեդոնական Արէսը, որ է Արտա(ռա)ը յեղաշրջուած է Հերակլէսի, այնպէս էլ հայ էր-Արան դառնում է Վահագն, արեւելեան Հերակլէս:

* * *

Աստուածների կերպարանափոխութիւնը արձագանդ է հասարակական կեանքի յեղաշրջման հիմնական հանգույցների:

Սկզբնական շրջանում, երբ մարդը մաքառում էր առաւելապէս բնութեան եւ նրա արհաւիրքների դէմ, ամենաչունջ արեւը, կեանքը եւ նրա յարափոփոխ ելեւէջները պայմանաւորող ոյժերը, մարդու եւ շրջապատի մահն ու վերածնունդ պատճառող ոգիները առաջնակարգ տեղ պիտի գրաւէին նախնի պանթէոնում եւ նրա զարդը կազմէին:

Այնուհետեւ բնութեան կոուլին աւելանում են նոր յղացումներ, նոր ցաւեր: Համայնքը ստիպւում է գէնք առնել հարեւան ցեղերի դէմ կամ ինքնապաշտպանութեան համար կամ նոր նուաճումներ եւ սպրուստի թարմ դաշտեր գտնելու նպատակով: Ոյժի եւ բնութեան անարկու աստուածն է, որ գալիս է այս պայմաններում կապտելու առաջին գահը պաշտելի երկնքում:

Յաջորդ շրջանը պատկանում է հերոսներին, հրաշագործ դիւցազններին, Հերակլի եւ Վահագնի նմաններին, որոնք սխրագործութեամբ եւ խիզախ արկածներով խմորում են ժողովրդական ուղին համայնական գիտակցութեամբ, բարձրացնելով ցեղային կամ ազգային համերաշխութեան գրօշը:

Բնութեան աստուծու դերը պատերազմի աստուծուն

անցնելիս, նրան են անցնում նաեւ աստղնի երբեմնեան զուգակցի մայր աստուծուհու մտերմութիւնը: Յետոյ Ափրոզիւտէն Արէսից անցնում է Հերակլին, Իշտարը աշխատում է շահել Գիլգամէշի սէրը:

Նրանց հետեւում է եւ մեր Աստղիկը, որ դասնում է Վահագնի տարիալին եւ «Վահագնի սենեակ»ն է նրա ասանձնութեան տեղին:

Գիցարանական եւ լեզուարանական պատերը այսպէս ասած ճանկաւելով, այստեղ ու այնտեղ կուռաններ որոնելով, աշխատեցինք բարձրանալ դէպի մեր հեռաւոր նախնիքների սրբավայրը, ուր պերճօրէն բազմած էին մայր աստուածուհին եւ իր անբաժան մտերիմը, երկնքի եւ երկրի երբեմնեան վեհապանձ տէրերը:

Որքան թանգ են մարդու համար մայր բնութեան բարիքները, նոյնչափ զօրեղ է նրանց տնօրէն գերագոյն հակների հրապոյրը: Թէ որքան խոր արմատներ է ունեցել ժողովրդական աշխարհայեացքում այդ հինաւուրց պաշտամունքը, կարելի է գատել նրանից, որ նրա հեռաւոր զօղանջը տակաւին այժմ հնչում է կենդանի միջավայրում հազարաւոր տարիների տարածութեան վրայից:

Փոքր Արայի հուշակաւոր Մեւլեի գերվիշները, յայտնի իրենց աղմկալից պարերով, որոնք ունին իրենց մենաստանը նաեւ Պոլսում, ոչ այլ ոք են, եթէ ոչ փոխկական մօր կիրելիի եւ Ատիսի ասանդակիրները, նրանց gallus կոչուած ջրմերի խօսուն ուրուականները:

Իարձեալ մուսուլման շախսէ-վախսէ կոչուած արիւնսուշտ արարողութիւնները բարեկրնեան վերապրումներ են Իշտարի եւ Թամուզի: Իսլամի թանձր եւ հեղձամղձուկ մրթնայրտը անկօր է եղել արմատախիլ անել հին պաշտամունքը, որ իր արտասովոր տոկունութեամբ յարատեւել է, համակերպուելով արաաքուստ նոր միջավայրին:

Եգիտների կրօնը իր մելիք թաուգով, որ մնում է գապանիք, շնայելով բոլոր եւ այլազան մեկնութեանց, թուում է մեզ, որ սերասօրէն կապուած է զոյգ աստուածութեան պաշտամունքի հետ: Մելիք թաուգը ուրիշ ոք չէ, եթէ ոչ ինքը Թամուզը, Իշտարի սիրելին: Thawaz-Thamuz: Այս տեսակէտից պէտք կայ վերհայելու Եգիտների մասին հաւաքուած նիւթերը, որ սակայն ներկայ խնդրիցս զուրս է:

Բերածս օրինակները ցոյց են տալիս, որ ամբողջ Առաջուոր Ասիայում երբեմն տիրական պաշտամունքը պահել է իր վաղեմի շունչը հակառակ պատմական բոլոր հոգմերի եւ Հայաստանից արեւմուտք եւ հարաւ: Իրաւունք ունենք սպաս-

սեղու, որ հայ միջավայրում եւս անհետ պիտի չկորչէին փշրուած սեղանի բեկորները: Եթէ այդ սեղանի վրայ կանգնած հայեացք ձգենք հայ եկեղեցու սկզբնաւորութեան կապակից աւանդութիւնների եւ զրոյցների վրայ, դժուար չէ նշմարել հին դիցաբանութեան ցուբերը սփռուած աստ եւ անդ:

Գրեգոր Լուսաւորիչ եւ Տրդատ Թաղաւոր մի կողմից, սուրբ կոյսեր՝ Հուփսիմէ, Գայիանէ, Նունէ միւս կողմից, հայ կրօնական վերանորոգութեան այդ սրբազան պատկերները իրենց բարձր հեղինակութիւնն ու սրբութիւնը պարտական են ոչ միայն իրենց մարտիրոսական արեան, այլ թւում է թէ մասամբ եւ այն դարաւոր Թանկագին յուշերին, որ հին պաշտամունքից անցել է նրանց: Անբնական զրոյցներն եւ առասպելներն այնպէս են մթազնել Լուսաւորչի եւ նրա գործակիցների կեանքը, որ նրանց պատմական իրական դիմագծերը խեղդուած են կամ հազիւ նշմարելի Թանձր մշուշի մէջ:

Մի՞ թէ անպատասխանատու երեւակայութեան, պատմիչի կրօնական յափշտակութեան արդիւնք են դրանք: Բայց երեւակայութիւնն անգամ սնուում է իրական կեանքով եւ նրա թեւերը, որքան էլ հեռու գնան դէպի ցնորական հորիզոնները, կերտուած են աշխարհային նիւթերից: Իսկ սրանք յաճախ ոչ այլ ինչ են, եթէ ոչ հին հոգեւոր կեանքի վերապրումները:

Թւում է թէ հին հաւատի մարած արեւի շառագունած երկինքը թողել է մի քանի շողեր նոր աւետարեանների, Լուսաւորչի եւ Տրդատի կեանքի վրայ: Արդարեւ ի՞նչպէս պիտի հասկանանք Լուսաւորչի մուտն ի վիրապն եւ ելն ի վիրապէն: Բազմազան չարչարանքների վերջաբանութիւն է՝ մեծ նահատակին ընկերացնել օձերի հետ խոր վիրապի մէջ: Ի՞նչ է նշանակում այս արտասովոր պատիժը: Կարծե՞լ որ գրական հետեւութիւն է Դանիէլ մարգարէի արկածին, որին նոյնպէս Նարուգոդոնոսորը ձգեց մի խոր փոս, ուր պահուում էին առիւծներ: Ծատ կարելի է որ նմանութիւն կայ, բայց ոչ այն մտքով, որ հայ դրիչը փոխ է առնում Աստուածաշնչից, այլ որ երկուսն էլ անջատ վերապրումներ են հին անցեալի նման հաւատալիքների:

Հանդուցեալ Գալուստ Տէր Մկրտչեանը հրատարակելով մի հին և ընտիր Թարգմանութեամբ վկայարանութիւն¹, այն միտքն յայտնեց, որ Ագաթանգեղոս օգտուած է այս յիշատակարանից:

1 Յիշատակ Դատակնեաց Գորիս եւ Շմոնի վկայից, Արարատ, 1896, օգ. — սեպ.:

Գորիս եւ Շմոն Եղեսիացի էին եւ այնտեղ մարտիրոսացել են Դիոկղիտիանոսի օրով, ժամանակակից էին, ուրեմն եւ մեր Լուսաւորչին: Սրանց եւ Լուսաւորչի չարչարանքների մէջ որոշ նմանութիւն կայ: Նախ երկուսին էլ կախում են մի մի ձեռքից, յետոյ մի մի սաքից, այնուհետեւ նետում են մի փոս եւ հանում գլխատում սրով:

Հետաքրքրական է մանաւանդ փոս ձգելու դէպքը. «Հրամայեաց դատաւորն իջուցանել զնոսա ի կախաղանէն և տանել արկանել ի դուր մի խաւարային, որ կաշի վիրապ, և հարկանել զերկոսին սոս նոցա ի կոճեղս մինչև ցառուօս: Եւ տարաւ արգել զնոսա ի դուրն խաւարային և ծեփեցին զերդ եւ զգուռն զբիւն... և զկնի երից տուրնջեան եւ երից գիշերոյ զի ոչ տեսին նոքա լոյս, բացին զդուրս դրին յերեսաց նոցա և պահեցին անդէն ի նոյն դրի, ուր արդիւնալ էին զնոսա զհրտոից ամիս ի գլուխ և զնաւասարդի և զհոսի մինչև ի չորիքտասաներորդն քաղոց»:

Այնուհետեւ հանում են դրից եւ կախում ոտից միմիայն Շմոնին, և որովհետեւ դարձեալ յամատում էին, «հրամայեաց իջուցանել և տանել արդիւնալ զերկոսեան ի դուրն յորմէ ելին»: «Եւ յաւուրն հինգետասաներորդ քաղոց ամսոյ, յորում լուսանայր երեքշաբթին, ի ժամու զի խաւսեալ էր հաւու երիցս անգամ», արով գլխատում են:

Յոյն Յայմաւուրքի Փարիզի դրչապիր օրինակում ասուած է, «ի խաւար տեղի բանտին»:

Հետաքրքրական է, որ յոյն *ἀνάγκη* լակիոս բառը Ս. Գրքում Թարգմանուած է սովորաբար «գուր», օրինակ Մննդ. ԼԳ. 20 այլ եւ 22, եւ 24, Բ. Թազ. Ժէ. 18, Դանիէլ 2. 8, Բ. Մակար. Ժ. 37. այլ եւ նայած մտքին երբեմն «նոր», ելից ԻԱ. 35, կամ «զրհոր», Ելից ԻԱ. 33, այլ եւ «խորխորատ», Ելից ԼԲ. 23 եւ «լին» Ա. Մակար. Թ. 33: Միայն մի անգամ Թարգմանուած է «վիրապ», Ելից ԺԲ. 29, ինչպէս երեւում է, բանտի իմաստով որովհետեւ խօսքը գերիների մասին է:

Ճիշտ այս մտքով է գործ ածում և Եղիշէն, երբոր հաւատափոխ մոգպետի հասցէին Դենչապուհն սպառնում է աքսորել մինչև Մակուրան եւ «անդ ընկեցեալ զնա ի վիրապ մի եւ ընկալցի զմահ թշուառութեան»:

Գորիս եւ Շմոնի դուրը նմանապէս աւելի բանա էր քան վիրապ այն մտքով, ինչ որ նա ունի Լուսաւորչի պատմութեան մէջ: Վկաների գուրը երգ եւ դուռն ունի, «ծեփեցին զերդ և զդուռն», մի հանգամանք, որ զանազանում է այս դուրը իբրեւ մի սովորական արգելարան Լուսաւորչի վիրապից:

Յոյն ընդարձակ վկայարանութեան մէջ, որ հայերէնի

նման թարգմանութիւն է ասորի ընդրից, եւ պահուած է Միտափրաստի մօտ, դրի համար ասուած է. «խաւար գուրր, որ էր այդպէս ըստ անուանի եւ ըստ էութեան»¹: Սրա փոխարէն հայ թարգմանիչն ունի՝ «գուր մի խաւարային, որ կոչի վիրապ»:

Յոյնի իմաստն այն է, որ գուրը որ խաւար է կոչուած իսկապէս խաւար էր: Նոյն միտքը հայն արտայայտուած է զիմեյով վիրապ բառի օգնութեան, «խաւար գուրր» համեմատելով վիրապի հետ, իբրեւ աւելի սրոշ եւ հասկանալի հասկացողութեան հետ:

Ասել է թէ թարգմանչի ժամանակ վիրապ հայտնագրուած արդէն ստացել էր այն առանձնայատուկ իմաստը, որ կատուած է Լուսաւորչի անուան: Յոյն լսիկոս 'գուր' յաճախ է պատահուած վկայարանական գրականութեան մէջ, այսպէս գուր եւ ձգում Գոլիկոսիա կոչսին, Մօրիկ եւ Մտորով թագաւորները օրով, որ նախապէս պահուած էր «մոտացութեան բանասում», որ նոյնն է ինչ որ Արշակի Անյուշ բերդը:

Բայց Լուսաւորչի գուրը, վիրապն իր ուրոյն գրոյմն ունի: Ինչ նմանութիւն էլ լինի Գորիա եւ Եմոնի վկայարանութեան եւ Ագաթանդեղոսի մէջ, միանգամայն անկարելի է որ Լուսաւորչի վիրապի պատմութիւնը փոխառութիւն լինի վկայարանութիւնից: Պէտք չէ մոտանայ, որ ասորի վկայարանութիւնն ինքն մի անվտակ գրութիւն է եւ չէ ծագում բնաւ ժամանակակից եւ շարժարանքին ներկայ գրչից, ինչպէս հաւատացնում է վկայարանութեան հեղինակ Թէոփիլոսը: Գալուստ Տէր Մկրտչեանը համարում էր «պարզ եւ սրատուշ» իբր վաւերական գրութիւն: Սակայն, այժմ պարզուած է, որ վկայարանութիւնը յերիւրում է 350-450 միջոցին, հաւանօրէն 390ի մօտերը, այսինքն՝ վիւաների նահապետութիւնից գրեթէ մի դար յետոյ, հայ գրութեան ծաղման նախօրեակին²:

Թողնենք սուայժմ հայ թարգմանութեան ժամանակի խնդիրը, որին դառնալու ենք ուրիշ անդամ: Նոյնիսկ ասորի ընդրի երեւալու ժամանակ Լուսաւորչին արդէն խոշոր հեղինակութիւն էր ձանաչուած, որպէս սրբութեամբ եւ զերաշքուշ զօրութեամբ ասաքինացած եկեղեցու հիմնադիր: Նրան վերադրած 12 շարժարանքների մէջ միակը, որ տեղական կերպարանք ունի եւ կատուած է նոյնիսկ աշխարհագրապէս երկրի հետ, այդ վիրապի պատմութիւնն է: Միւսները, ինչ եւ լինի նրանց պատմական հիմք կամ առիթը, կրում են

1 Migne, P. G. 116, col. 136.
2 Harnack, Geschichte d. alter. Littérature, II, 474.

բնդհանուր վկայարանական բնոյթ եւ թերեւս շատ կէտերում կամ զծերում արդիւնք են վերջին խմբագրի գրական ճաշակի:

Սրայ կը լինէր կարծել, որ Լուսաւորչի փառքը հիմնուած է Ագաթանդեղոսի վրայ: Լուսաւորչի կեանքը, թւում է որ, զարդարուած է եղել աւելի շողշողուն եւ հրաշալի գրւոյցներով, աւելի կենդանի առասպելներով, որ բնականօրէն պիտի կուտակուէին հին եւ նոր կրօնական հասկացողութեանց բնդհարման կենտրոն կազմող անուան շուրջը: Ագաթանդեղոսի վերջին խմբագիրը իբր քրիստոնեայ յուսամիտ մն զտել մաքրել է Լուսաւորչի կենսագրութիւնն իր ժողովրդական տարբերից, իր իսկական արդուգարդից եւ վեր է ածել մի սովորական վկայարանութեան հազար ու մի սրբերի յատուկ անինքնապիծ տանջանքներով, որոնց ուսումնասիրութիւնը միայն գրական հետաքրքրութիւն ունի եւ ոչ պատմական: Արտասոց շարժարանքներից հիւսած լուսապրտակի մէջ սակայն միայն վիրապի դէպքն է, որ փայլում է կեղծ քարերի մէջ իբր իսկական գոհար հնութեան խորհրդաւոր փայլով:

Վիրապի հրաշքի պատմական հիմք ուրիշ բան չէ, եթէ ոչ այն, որ մահապարտ Գրիգորը բանտարկուած է եղել Արտաշատում: Հաւանօրէն բանտը կոչուած էր Վիրապ, որպիսի իմաստ պահուած է Ս. Գրքում, ինչպէս յիշեցինք:

Սակայն, մեզ թւում է, որ արքայական այդ հասարակ բանտի վրայ ընկել մնացել է հին կրօնի վերջին յիշողութիւնը, ինչպէս հայածական ամպերի յետին բեկորի ստուեր: Եւ այդ ստուերն է, որ սովորական բանտը դարձրել է վիրապ եւ սուել նրան Ագաթանդեղոսեան կամ Լուսաւորչեան իմաստը:

Մեղապարտ Գրիգորը փակուած է անյույս մի փոստմ երկար ամիսներ, գուցէ տարիներ, որպէսզի յետոյ ելնէ եւ յուսաւորէ հայ աշխարհը նոր յոյսով: Հին հաւատալիքի զօգանջն է, որ յուսմ է վիրապի շուրջը, այն հաւատալիքի, որի զօրութեամբ Թրակոսցի Չարմոքսը անհետացաւ դեանի տակ մի փոսի մէջ, մնաց այնտեղ երեք տարի թաղնուած, յետոյ ելաւ նոր առաքելութեան համար:

Սարարոնի տեղեկութեամբ, Չարմոքսը սկզբում քուրմ էր, յետոյ աստուածացաւ, եւ որ քաշուած էր անմատոյց տեղեր, եւ ձգնում էր քարայրներում, եւ տեսակցում միմիայն թագաւորի հետ ու նրան պատգամներ տալիս: Այս է պատճառը, աւելացնում է հոչակաւոր աշխարհագիրը, որ այժմ

էլ Գեա թրակիական ժողովուրդի թագաւորը միշտ մի խորհրդական ունի, որ եւ համարուած է աստուած¹:

Նոյն կերպ եւ Ատիսը, Ագոնիսը եւ նման աստուածութիւններն ու դիւցազնները տարէց տարի անյայտանում էին, որ յետոյ երեւան, մեանում էին, որ յետոյ յարութիւն առնեն: Արէսն էլ, տեսանք, մնաց 13 ամիս կալանաւոր երկաթէ թոնիրի մէջ, ուրեմն փոսի մէջ եւ յետոյ արձակուեց:

Հուշակաւոր Զրադաշտը, Իրանի մեծ մարգարէն, նմանապէս փակուեց թագաւորի հրամանով, փոսի մէջ Zendanigah, ուր մի բարկապաշտ ամեն օր հաց էր ձգում²:

Հայ բուն ժողովրդական միջնադարում, սամիկ խաւերում (ոչ տիրոջ նախարարական շրջանում) տակաւին մեւսած չի եղել հինաւուրց հաւատալիքը: Եւ այդ է, որ Գրիգորին 13 տարի ապրել է տալիս խոր եւ անլոյս վերապի մէջ:

Զարմանալի չէ: Յայտնի է, որ նոյնիսկ մեծ վարդապետի Յիսուսի կեանքը դերժ չէ հին վերապրումներից, քանի որ նրա չարչարանքը եւ երեքօրեայ յարութիւնը որոշ չափով մի խորհրդաւոր անդրադարձ է Ագոնիսեան կարգերի: Զատտական տօները տեսանք որ Ագոնիսեան հանդէսների ընդօրինակութիւնն են նոր բովանդակութեամբ: Հրէական Պասեքը իր արմատով եւ թամուզի պաշտամունքի հետանկարն է, որ քահանայետական դիտուն մեկնութիւնը աշխատել է յարմարեցնել հրէական անցեալի նշանաւոր երեւոյթներին: Գարնան հասարակածի շուրջը բեւեռած տօնական հանդէսները նոյն հին պաշտամունքի աղօտացած յուշերն են:

Եթէ եկեղեցու տեսակէտից Զատիկը հրէական Պասեքի արատախան է, ժողովրդեան համար հնի նոր կերպարանաւորումն է:

Ագաթանդեղոսի տեսլով, Լուսաւորիչը մնում է վերապի մէջ 13 տարի (ԺԱ.ԺԲ.): Նկատենք անցողակի, որ ԳԼ.Ի. ԻԱ. ԻԲ. նոյն պատմիչը հաշուում է 15 տարի, ակնհայտ ապացոյց է, որ Ագաթանդեղոս խմբագրական դորժ է, ստորեր ազդելիքներից քաղած:

Տեսանք, որ Ատիս-Ագոնիսը կենդանանում են երեքօրեայ մահից յետոյ. Զարմաքսը չքանում է երեք տարի, իսկ Արէսը պահուում է թոնիրի մէջ ուղից 13 ամիս:

Արէսի եւ Լուսաւորչի թուերի մէջ նկատելի է դուրսդիպութիւն, մանաւանդ որ Ագաթանդեղոսի ձեռագիրները տալիս են երբեմն 13 ամիս ընթերցումը:

Թուում է, որ 13 ամիսը սկզբնական է, որ շատ վաղ դար-

1 Strabon, VII, 3, 5.
2 Fr. Rosenberg, Le livre de Zoroastre, Zaratushtnama (1904), էջ 49:

ձել է տարի, որի հետեւանքով առաջացել է եւ ժամանակագրական շփոթ, եւ ոչ միայն Գրիգորի կեանքն է երկարացրած մինչեւ Նիկիոյ ժողովը, այլ եւ թերեւս յետաձգած հայ լուսաւորութեան տարին մինչեւ չորրորդ դարու սկիզբը:

Եթէ Զարմաքսի եռամեայ քունը այլաբանական արտայայտութիւն է թրակիայում ընդունուած սովորոյթին, որով հողին երեք տարի հանգիստ էին տալիս, ապա եւ Լուսաւորչի 13 ամիսը (կամ տարին) նոյնպիսի փոխաբերական չափ է հայ երկրագործի համար: Տասնեւերեք ամիսը կազմում է հայ տոմարական տարին, հաշուած եւ Աւելեաց պակասաւոր ամիսը:

Ասել է, թէ Հայերի մօտ սովորութիւն է եղել տարեկան հանգիստ տալ հողին, որ մինչեւ այժմ էլ մնացել է շատ տեղերում մանաւանդ անջրդի արտերի նկատմամբ:

Կլէմբրոտի գրոյցը խորհրդաւոր արեւելոյցու մասին, որ ամբողջ տարին ապրում էր ողինների հետ եւ միայն մի անգամ էր երևում մարդկանց, օժտուած չնաշխարհիկ յատկութիւններով, դարձեալ պատկերաւոր արտայայտութիւն է հողի տարեկան դադարին:

Փոխդիական խորհրդում, որի նիւթը Կիրելէի եւ Ատիսի կեանքն էր, ընդունուած էր նորրնծայ հաւատացեալին ձգել մի փոս եւ այնտեղ պահել երեք օր: Այդ միջոցին կատարում էին դանազան արարողութիւններ, նպատակ ունենալով քաւել, մաքրել նորրնծային եւ արժանացնել աստուածային խորհրդին:

Այլապէս ասած, ամեն մի նորրնծայ կրկնում էր կամ վերապրում էր այն, ինչ որ կրել էր մեծ վարդապետ Ատիսը, ինչպէս որ քրիստոնեայ պատարագը եւ պատարագիչը պատկերաւորումն են Քրիստոսի եւ նրա տնտեսութեան:

Անցնենք Լուսաւորչի թագակիր դորձակցին՝ Տրդատին: Թուում է թէ նրա դիւցազնական եւ արկածաւոր նկարագրի մէջ եւս խարխափում են մի քանի հնաւանդ գծեր:

Աղպային աւանդութեամբ, որ արձանադրած է Ագաթանդեղոսը, Տրդատ թագաւորը պատժուում է ի վերուստ առ Լուսաւորիչ եւ սուրբ կոյսերը ցոյց տուած վերաբերմունքի համար, ստանալով խոզի կերպարանք. «Թագաւորն փոխեալ էր ի կերպարանս աղբււայոյ խոզաց, քանզի թաւացեալ էին առհասարակ ամենայն մարմինքն եւ ընդ անդամս ոսկերացն բուսեալ էր խողանաստեւ իբր մեծամեծ վարագաց վայրենեաց: Եւ եղնդունք ծայրից մատանց ոտիցն եւ ձեռացն կճղակացեալք էին իբր զգետնարիւր զարմատակեր կնճուցն:

1 H. Graillet, Le culte de Cybèle, p. 155.

Նաև պատկեր երեսացն դիմացն չըջեալ էր ի պատկեր եւ ի կնճիթ զոճանացն յեղեգան բնակելոցն»¹:

Տակաւին Տրդատի կենսագիրը, ուզենալով մի կերպ բացատրել այս տարօրինակ երևույթը, համեմատում է Նարսիսոսի հիւանդութեան հետ: Նոր քննադատները մամուլային փորձում են հասկանալ խոզացման խմատը: Գուաշմիթը, Ազաթանդեղոսի այդ խոր քննադատը, կարծում է որ վարազ անունը թէ մականունը, որ հայ իշխանական շրջանում, ինչպէս Վարազ Տիրոց, Վարազ-Շահունի, Վարազ Դիմաքսեան եւ Վարազ-Բակուր, Վարազ-Շապուհ, կարող էր առիթ տուած լինել խոզացման դրոշմին: Գիտենք, նաև, որ հայ իշխանները վարազի պատկերով մատանի էին կրում, որ միևնույն ժամանակ կնիքի տեղ էր ծառայում: Վարազի այս արտօնեալ դրուժիւնը, ինչպէս եւ Վարազդատ եւ Վարազդէն անունները ցոյց են տալիս, որ վարազը թերևս, կապ է ունեցել հին պաշտամունքի հետ:

Տրդատի խոզանայր իրապէս մի խորհրդալից յիշողութիւն է մեզ հետաքրքրող դիցարանական շրջանում յայտնի վարազի: Գիտենք, որ Արէսը վարազի կերպարանք ստացաւ, որպէսզի սպանէ Ադոնիսին: Ասիսը եւս բնկաւ վարազի հարւածից, այն վարազի, որ դրկել էր վրէժխնդիր Չեւոր: Հայ ստասպելի Դիորիսը նմանապէս կուրի բոնուեց Արէսի հետ եւ սպանուեց: Հուանական է, որ Արէսը այստեղ եւս վարազի կերպարանքի տակ էր թաղնուած: Այս կերպարանափոխութիւնը նշանակում է, որ վարազը հին տառեմ է, որ հետագայում տեղի է տուել ուրիշ աստուածութեան, այս դէպքում Արէսին: Տրդատը կարող էր հիւանդանալ այնպէս, ինչպէս Կոստանդին Մեծը, նրան կարող էին վերադրել մի սովորական ախտ: Խոզանայր կապ չունի իսկանթրոպի կոչւած հիւանդութեան հետ:

Անշուշտ մի հիմք պիտի լինէր, որ հայ ժողովրդական երեսակայութեան մէջ կայրուէր վարազի պատկերը: Վարազը, Տրդատի նկատմամբ, մարած արեւի յետին մի շողն է, որ կանգ է առել նրա սէզ ճակատին: Տրդատը միայն մահկանացու թաղաւոր չէ, այլ եւ գիւցազն, որ «սիգալայն տերեւաց զթումբս դեատց եւ ցամաքեցոյց իսկ ի սիգալ իւրում զարձանս ծոփուց»:

Տափամոլ արքայի պայքարը՝ տիրանալու գեղանի կոյսին եւ նրա անխառնակ պարտութիւնը, որքան եւ սովորական, վկայարանութեանց մէջ յաճախ կրկնուող արկածը, եւս նշանակալից է: Հոսիսիմէ-Գայիանէի վկայարանութիւ-

1 Ազար. (Թիֆլիս), ձԱ, էջ 371:

նը ուրոյն գործ է: Սկզբում զոյսութիւն է ունեցել անկախ, յետոյ մտել եւ հիւսուել է Տրդատի եւ Գրիգորի պատմութեան հետ: Նրանք կարող են իրական անձինք լինել: Յայտնի է, որ Դիոկղիսիանոսի կինը՝ Գրիսիա եւ դաստրը՝ Վարիսիա քրիստոնէութիւն ընդունեցին եւ բուսականին արկածաւոր կեանք ունեցան: Վարիսիան ամուսնացած էր Գալիերիոս կայսեր հետ եւ բաժանուած: Մարտինի Դայա, այն, որ փորձեց ընկճել քրիստոնէութիւնը՝ Հայաստանում, ցանկացաւ կնուութեան տունել Վարիսիային, բայց մերժում ստանալով, աքսորեց նրան մօր հետ Միջագետք:

Նոյն անձերը յայտնի են նաև Սերբնա եւ Արքեմիա անուններով¹:

Եթէ ուրիշ հիմք չլինի, այս երկու կանանց զժրախտ կեանքը կարող է նկատուել իբր պատմական յատակ Հոսիսիմէի եւ Գայիանէի վկայարանութեան: Ինչ եւ լինի սուրբ կոյսերի ծաղումը, նրանց պատմութիւնը ինչպէս որ հասած է մեզ, հետու է վաւերական լինելուց: Եթէ Գայիանէ եւ Հոսիսիմէ սրեւէ պատմական անձերի ուրուականներն են, ամեն պարագային նրանք քոզաբորբուած են դիցարանական շերտով: Տրդատի բնութիւնը Հոսիսիմէի դէմ արդեօք չէ անդրադարձնում Ադոնիսի եւ Աստարտէի, կամ Ասիսի եւ Կիրելի յարարերութեանց հետաւոր յուշերը եւ մտնուանդ Ատիսի եւ Միդաս թաղաւորի ազդեալ սիրային դէպքը:

Հոսիսիմէի հովանաւոր Գայիանէն, որ բառացի նշանակում է 'երկրային', դրեթէ մայրական վերարերումով դէպի Հոսիսիմէն կարող է համեմատուել մայր աստուածուհու հետ: Նրա սանին պատշաճում է Հոսիսիմէ անունը, որ է, 'րնկեցեալ', ինչպէս Ազաթանդեղոսն ինքն է թարգմանում: Ընկեցիկ էր Փոսիպիայի թաղուհու Դինդեմէնի ազջիկը, այդպէս էր եւ Դերկեսոյի դուստրը, որ յետոյ անուանուեց Շամիրամ:

Ազաթանդեղոսի «բառ անուանց քում արդարեւ ընկեցեալ եղեր... ի մահոտանէ ի կեանս», հարկաւ, չինձու մեկնութիւն է: Բնաւ հիմք չկայ Հոսիսիմէի անունը հանել յունարէն 'ρῖπτο' (սիպտո) բառի կատարեալից իբր 'սիմտմենէ', որ լոկ ժողովրդական կոչուած ստուգարանութեան նմուշ է, մի բառախաղ: Բայց բառախաղի հիմք ընկեցիկ աստուածուհու հանդէպ վերջուշերն են: Հոսիսիմէ անունն աւելի խոր արմատ ունի քան թուում է եւ իսկական նշանակութիւնը՝ դեռ խնդրական: Անուան վերջին մասը յիշեցնում

1 Migne, P. L. II, 694.

է Ասորիքում ընդունուած եւ ոչ այնքան աննշան աստուածուհու անունը, որ է Սիմա, Սիմէա:

Բէյրութ քաղաքի մօտերքը գտնուած արձանագրութեան մէջ յիշուած է Բաալ եւ Հերա աստուածներէ հետ «եւ աստուածուհուն ի Սիմա»¹: Լուկիան Սամոսատցին, Ասորիքի մեծ աստուածուհուն նուիրած նկարագրութեան մէջ, յիշուած է նաեւ Սիմէյոն, որ անկասկած նոյնն է ինչ որ արձանագրութեան Սիմա-ն: Մելիտոն եպիսկոպոսը Անտոնին Կեսարի առջ արտասանած ջատագովական ճառի մէջ կոչ է անում ի միջի այլոց եւ հեթանոս Սիմէ աստուծուն, անուանելով նրան զուտոր Հաղաղի²: Ճշմարիտ է, նորադոյն քրիստոթիւնը վաւերական չէ համարում Մելիտոնի անունով հասած այս ճառը, բայց չէ ժխտում նրա հնութեան արժէքը:

Ուշագրութեան արժանի է նմանապէս, որ Ս. Գրքում յիշուած է Ասիմաք անունով աստուած՝ «արք Եմաթացիք արարին զԱսիմաթ», 2 Թագ. 17, 30: Ասիմաթի աք իրական մասնիկը վկայ է, որ Ասիմա կին աստուած է:

Sima կամ Semea արամէական: Semaia բառն է համարում, որ նշանակում է 'երկինք': Սակայն, պաշտամանական բովանդակութեամբ նոյնն է ինչ որ մայր աստուածուհին եւ կամ Շամիրամը, որը նրա մի այլ դէմքն է: Սիմայի, ասորական արտասանութեամբ՝ Շիմայի եւ Սեմիրամի կամ Շամիրամի միջեւ մինչեւ իսկ անուանական մերձատրութիւն կայ: Արամէական Բարսեմիոս անունը, անտարակոյս, պարտական է իր ծագումը Սիմա աստուծուն: Հեմես քաղաքի քրմայեատական տոհմի մէջ ընդունուած էր ի միջի այլոց Սօսիմիս անունը: Այդպէս էր կոչուած Երազարալ մահանունով յայտնի հոովմէական կայսեր մայրը: Գծուար թէ այս անունը կապ ունենայ Սիմէի հետ: Խնդիրը սակայն անունների առնչութիւնը չէ:

Գրտենք, որ Սոյեմ էր կոչուած եւ հայ թագաւորներից մէկը, որ երկու անգամ տիրացաւ գահին, առաջին անգամ Անտոնին կայսեր ձեռնառութեամբ, բայց ստիպուեցաւ տեղի տալ Պարսից թեկնածու Բակուրին, և երկրորդ անգամ Մարկ Աւրելի օրով, քչելով իր հակառակորդին: Գահի շուրջը ծագած կռիւների զոհ զնաց հին մայրաքաղաքը, Արտաշատը: Հոովմէական զօրքերը կործանեցին հիմնովին եւ երկրի կենտրոն դարձրին Վաղարշապատ ւանը, անուանելով այն Նոր Քաղաք: Այստեղ էր Սոյեմ թագաւորի աթոռը:

Սոյեմի ծագումը խնդրական է: Անունից երեւում է,

1 Roscher, Lexicon der Mythologie, Semea բառը:
2 Migne, P. G. V. 1228: Sime filiam Hadadi.

որ Ասորիքից պիտի լինէր, թէեւ հոովմէական կրթութիւն էր ստացած եւ Ծերակոյտի անգամ էր: Յամբլիք մատենագիրը, որ յայտնի է իբրեւ հեղինակ մի առասպելական վէպի, որի բովանդակութիւնը բերում է Պատրիարք Փոտը, վայելել է Սոյեմի բարեկամութիւնը և ուղեկցել է նրան մինչեւ Նոր Քաղաք¹: Լատիներէնի սխալ թարգմանութիւնը մոլորցրել է Հ. Գաթրճեանին, կարծել աալով, որ Աքեմենեսը Սոյեմի հօր անունն է, սրով եւ հայ թագաւորների ցանկը հարստացել է մի նոր անձով: Մինչդեռ Յամբլիքի իօսքերի իմաստն այն է թէ Սոյեմը ե'ւ Աքեմենիդ էր ե'ւ Արշակիդ, այսինքն՝ եւ Աքեմենեան եւ Արշակունի տոհմերից:

Եթէ չողորթութիւն չէ, հռետորական չափազանցութիւն է ասորի հեղինակի կողմից Սոյեմին արեւակից համարել Արեւելքի երկու ամենանշանաւոր արքայական տներին: Եթէ Յամբլիքը յայտնի չլինէր իր երեւակայութեամբ, կարելի էր ենթադրել, որ Սոյեմի մայրը Արշակունի ծագում է ունեցել եւ որովհետեւ Արշակունիները իրենց սերուած էին համարում Աքեմենեան նախահօրից, ուրեմն Սոյեմի կրկնակի յաւակնութիւնը հիմք ունէր²:

Ասորի բնորոշ անունը կապում է Սոյեմին Հեմես քաղաքի քրմական եւ միւսնոյն ժամանակ իշխանական տոհմին: Հեմեսի Երազարալ աստուծու տաճարի քրմերից մէկը, յափըշտակելով կայսերական գահը, թագաւորեց Երազարալ անունով եւ հայրենի աստուծու պաշտամունքը պատուաստեց Հոոմում, կանգնելով նրա անուան վայելուչ տաճար:

Անհաւանական չէ, որ նոյն կերպով եւ Սոյեմը բերած լինէր իր հայրենի Սիմա աստուածուհու երկրպագութիւնը եւ հաստատած իր նոր մայրաքաղաքում: Վանքերից շատերը նախապէս հեթանոս մեհեաններ են եղել եւ Հոիփսիմէի վանքը ևս կարող էր կանգնած լինել այնտեղ, ուր երբեմն Սիմայի սրբարանն է եղել: Քանի որ Սիմա պատկերակից է Շամիրամին, նրա մի այլ հատորը, ապա դժուար պիտի չլինէր, որ նա ժողովրդականանար մի միջավայրում, ուր այնպէս ծաղկում փառաբանում էր Շամիրամը հնուց ի վեր:

Երկու կանանց մերձատրութիւնը մատնուած է եւ Ուլունգի պատմութիւնից, որ նրանց կեանքում դեր է կատարում: Սուրբ կոյսերը Վաղարշապատում իրենց նիւթականը հայթայթում էին նրանով, որ «ոմն ի ցոցակէ» ապակեզործութեան արհեստ գիտէր եւ «ուլունս ապակեղէնս» էր շինում եւ վաճառում: Հոիփսիմէն ազնուական էր, «ի թագա-

1 Photii, Bibliotheca, 94.
2 Տես եւ Մարկուսի կարծիքը. Untersuchungen zur Geschichte von Iran, II, 222.

կապ տոհմէ», եւ ի հարկէ նրան չէր վայելի ապակեղործ լինել, ուստի եւ այս արհեստը վերագրուեմ է նրա ընկերներէց մէկին:

Թուում է թէ արհեստի խնդիրը գիտնական մեկնարանութեան արդիւնք է Տին Երեւելոր մշակողի եւ կամ խմբագրողի կողմից: Ուլունքի գրոյցը Հովհաննէի կեանքում արդեօ՞ք նոյն բնաւորութիւնը չէ ունեցել ինչ որ Շամիրամի ուլունքը, որ նետուեցաւ ծովը: Ուլունքը մի թանկագին աւանդ է, որ Շամիրամը ժառանգել է իր մօրից՝ Դարկեալից: Լուկիանը պատմում է, որ սիւրիական աստուածուհու տաճարից ոչ հեռու կար մի լիճ, որ նուիրական էր համարուում իր ձկներով: Ձկները բազմաթիւ էին եւ անուններ ունէին, երբ կանչուում էին, մօտենում էին աներկիւղ: Առանձնապէս յարգի էր համարուում մէկը, որ ոսկէ զարդարանքներ ունէր իր վրայ: Եթէ յիշենք, որ այդ պէմուած ձուկը ինքը Դարկեալն է, Շամիրամի մայրը, նրա հնագոյն տոտեմը, այն ժամանակ հասկանալի կը լինի, որ Շամիրամի ուլունքը նոյն իմաստն ունի, ինչ որ ձկան օսկեթերթ զարդարանքը: Գուցէ այդ է պատճառը, որ համաձայն հայ հին գրոյցների, ինչպէս վկայում է մեր պատմաճայրը, Շամիրամը մահից առաջ նետուեմ է իր ուլունքը ծով. «եւ դյոտութիւն ի ծով եւ բան ի նմանէ՝ Ուլունք Շամիրամայ ի ծով»:

Այստեղ յոտութեք նոյնանում է ուլունքի հետ եւ նրան տալիս է մի իմաստ, որ հետագայի գիտուն մեկնաբանութեան արդիւնք է: Յոտութեք բառը յարել է Շամիրամին եւ Հայաստանից դուրս: Այս հանգամանքը պարզում է մեզ անսպասելի կերպով նրա ծագումը:

Հայ յոտութեք փոխառութիւն է պարսկերէնից, ուր հընչում է harut: Վուլքերսի բառգրքում բացատրուում է, որ harutը մի ոգի է, հրեշտակ եւ ընկեր maruti: Կախարդութեան պատճառով իբր պատիժ նա կախուած է Բաբելոնում մի ջրհորի մէջ գլխիվայր: Ով որ սեզում է կախարդութիւն սովորել, գալիս է ջրհորի մօտ եւ հասնում է իր նպատակին:

Հետաքրքիր նմուշ կրօնական խառնարանութեան: Harut եւ marut հրեշտակները Աբեստայի յայտնի ոգիներն են haurvatat եւ ameretat, Արամազդի եօթ համեջասպաններից: Սրանց համապատասխանում են հին հայրենի հաւրոտ եւ մարոտ, Պարթեւեան չրջանի փոխառութիւն են եւ ստացել են ծաղկի նշանակութիւն, երեւի նրա համար, որ մարոտը բուսականութեան ոգի էր: Հաւրոտը կամ haurvatatը ջրի ոգի էր, ուստի եւ ջրի մէջ է գտնուում իր պատիժը: Բայց որ ջուրը ներկայանում է ջրհորում, այս արդէն աւելի հին հասկացողութեան, բարելոնեան մեզ յայտնի առասպելի

վերյուշն է, յար եւ նման Շամիրամի եօթոներ կոչուած ջրհորի: Երկու հանգամ հաւատարիք իրանական եւ բաբելոնեան երկնքից խաչաձեւել են հաւրոտի վրայ եւ նրան դարձրել կախարդութեան վարպետ, ջատու: Harut բառը իր այս նոր նշանակութեամբ անցել է եւ Հայերին իբրեւ յոտութեք, harut նշանակում է ջատութիւն, կախարդութիւն, որից եւ հայերէնի իմաստը: Բառի փոխառութեան ժամանակ հայերէն յոտութի սկզբում հնչուելիս է եղել որպէս հ:

Դառնալով Հովհաննէ անուան, պիտի ստել, որ առաջին վանկը Հուրի մութ է, եթէ երկրորդը յիշածս աստուածուհու անունն է:

Ազգային աւանդութեամբ Հովհաննէանց կոյսերի խրմբին է պատկանում նաեւ Վրաստանի առաջելուհին, Նունէ կամ Նինո կոյսը: Ամեն պարագայում Նունէն բախտակից է Հայաստանի կոյսերին այն մտքով, որ նրա պատմական դէմքն եւս մթաղնած է գիցարանական մառախուղով: Նունէի կեանքն ու քարոզչութիւնը շատ վաղ պարուրուել է անհասարի գրոյցների ցանցով: Հնագոյն յիշատակութիւնը պատկանում է լատին եկեղեցական մատենագիր Ռուփին(ոս)ին, որ ծաղկել է Դ դարում: Սա գրել է եկեղեցական պատմութիւն, սկսելով այնտեղից, ուր կանգ է առնում Եւսերիսի նման գործը, այսինքն 325 թ. եւ հասցրել է մինչեւ 395 թիւը: Նրա մահը ընկնում է մերձ 402 թ.: Երկար տարիներ անց է կացրել Պաղեստինում, որտեղ ծանօթացել է Վրաց թագաւոր Բակուրի հետ: Գահընկէց թագաւորը հոռվմէական ծառայութեան մէջ էր մտել եւ զինուորական մեծ պաշտօն ունէր Պաղեստինի սահմաններում: Ահա այս անձինն է, որ Ռուփինը քաղել է իր թանկագին տեղեկութիւնը Վրաց աստղելուհու մասին եւ աւանդել մեզ իր պատմութեան մէջ:

Բակուրի ստելով, Վրաստանը քրիստոնէութիւն է ընդունում շորհիւ մի դերի ընկած քրիստոնեայ կնոջ, mulier captiva, հետեւեալ պայմաններում: Վրաստանում ընդդու դունուած սովորութիւն էր, որ երբ մէկի երեխան հիւանդանում էր, մայրը դունէ դուռն էր ընկնում եւ հարցնում, թէ ո՞վ կարող է բժշկել հիւանդին: Իրալուածով մի անգամ մի հիւանդ մանկան մայր գալիս է դերի կնոջ մօտ, որ իր սրբական կեանքով եւ վարքով բոլորի ուշադրութեան առարկայ էր դարձել, եւ սա աղօթելով բժշկում է երեխային: Լուրը տարածուելով հասնում է երկրի թագուհուն: Եւ երբ քիչ ժամանակից յետոյ թագուհին «բունում է մի ծանր ախտով» dolore quodam graviss.mo. յիշում է զարմանալի կնոջ եւ նրան է դիմում դարման խնդրելու: Գերին նրան էլ է բժշկում,

դարձեալ աղօթքով: Թագուհին ընդունում է քրիստոնէութիւն եւ սկսում է յորդորել ամուսնուն նոյն քայլն անելու: Շուտով ներկայանում է առիթը: Թագաւորը մի օր որսի է գնում իր ուղեկիցների հետ: Յանկարծ օր ցերեկով պատում է նրանց խորին խաւարը և, անկարող գտնել ճանապարհը, թափառում են մթութեան մէջ մոլորուած: Յուսահատ թագաւորը մտածում է: «Եթէ յիրաւի Աստուած է այն Քրիստոսը, որին քարոզում է իր կնոջ գերուհին, թող նա փարատէ այս խաւարը եւ այն ժամանակ ինքը կը հաւատայ»: Յանկարծ փայլում է արեւը, վանելով խաւարը եւ թագաւորը ընդունում է նոր հաւատը:

Մի ուրիշ հրաշք: Ժողովուրդը հետեւում է թագաւորին: Սկսում են շինել եկեղեցի: Երկու սիւն արդէն կանգնել էին եւ երբ ձեւնամուխ եղան բարձրացնելու եւ իր տեղը դրնելու երրորդ սիւնը, չկարողացան: Բոլոր ջանքերը և մեքենագիտութիւնն իզուր անցան: Սակայն հետեւեալ առաւօտը թագաւորը մեծ զարմանքով տեսաւ, որ այն սիւնը, որ այնքան մարդիկ եւ մեքենաներ չկարողացան շարժել, դրուած է իր տեղը, միայն ոչ բոլորովին կպած խարխսին, այլ մի ոտնաչափ բարձր խարխսից, կախուած օդի մէջ:

Ռուփինի կամ Բակուրի այս պատմութիւնը կրկնում են քաղուածօրէն միւս մատենագիրները, Սոկրատ, Սողոմեն, Թէոդորիտ եւ միւսները:

Սորենացու պատմածը ընդհանուր առմամբ նման է, բայց կան եւ զգալի տարրերութիւններ: Նախ Ռուփինը անուններ չէ յիշատակում ոչ գերուհու եւ ոչ թագաւորի: Վրաց վարդապետուհին Սորենացու մօտ գերի չէ, այլ Հոփի սիմեանց ցրուած ընկերներից, որ «փախստեամբ հասեալ էր յաշխարհն Վրաց ի Մծխիթայ», եւ անունն էր Նունէ: Նրա բժշկութեան շնորհը ծանօթ է պատմահօրը, որով բժշկուում են շատ ախտաժեանքներ եւ «կին Միհրանայ առաջնորդին Վրաց»: Երեխայի բժշկութեան մասին առանձին խօսք չկայ, այլ մասնաւոր դէպքը ընդհանրացած է, «զբազում ախտաժեատ»:

Սոկրատին համաձայն է Սորենացին, որի ասելով թագաւորը «մոլորեցաւ ի դժուարս լերանց խաւարեալ օդով»: Սորենացու անձնական յաւելումն է, երեւի, որ Միհրանը զարհուրում է, յիշելով Տրդատի ազետը:

Կախուած սեան գրոյցը ծանօթ է Սորենացուն ուրիշ յեղուածով: Նախարարները ուզում են իմանալ թէ կործանուած կուռքերի փոխարէն ի՞նչ բանի պիտի երկրպագեն: Նըրանց ասում են, որ պաշտելին Քրիստոսի խաչն է, որ կանգ-

նել էին մի բլրի վրայ քաղաքից դուրս: Բայց երբ որ բլուր բարձրանալով տեսան որ խաչ ասածը «կոփեալ փայտ է, ոչ ճարտարաց ինչ դործ», շատերը սկսեցին արհամարհել թէ «այնպիսեալ լի իցէ ամենայն անտան նոցա»: Ահա այդ ժամանակ է, որ Աստուած «առաքեաց յերկնից սիւն ամպոյց» եւ օդի մէջ երեւաց փայտէ խաչի մեծութեամբ լուսախաչ, տասներկու աստղերով շրջապատուած:

Ռուփինի ծանօթ Բակուր Վրացին յիշում է Ամմիան Մարկելինի պատմութեան մէջ Bacurius Hiberus: Սա հռոմէական բանակում կուում էր Գոթերի դէմ թրակիայում 378 թ.¹: Թրակիայից պէտք է որ տեղափոխուած լինի Պաղեստին այդ թուից յետոյ: Ռուփինը Երուսաղէմ էր հաստատուած 380 թուից սկսած մինչեւ 395, երբ դառնում է Հռոմ: Նշանակում է, Բակուրի գրոյցը ծագում է Դ դարու վերջերից:

Բակուրի թագաւոր լինելը տարակուսական է: Վիճելի է նաեւ նրա ծագումը: Չորրորդ դարի երկրորդ կէսում Սուրմակ եւ Ասպակուր թագաւորներն էին, որ թեկնածու էին Վրաց գահին մէկը՝ պարսից, միւսը հռոմէացուց կողմից: Բացի սրանից Չոսիմ հեթանոս պատմագիրը, որ ապրում էր Ե դարի երկրորդ կէսում, Բակուրին Հայ է անուանում, եւ անկախ Ռուփինից, միեւնոյն բարձր կարծիքն ունի նրա ազնուութեան եւ զինուորական կորովի մասին: Հաւանական է, որ Բակուրը Գուգարքի բղէչխ էր, որով կարելի է հաշտեցնել երկու համարժէք վկայութիւնը:

Աւելի շփոթեցուցիչ է այն հանդամանքը, որ Բակուր իշխանի պատմածը գրեթէ նոյնութեամբ կրկնում է Յոհան Նիկիոյ եպիսկոպոսը ոչ թէ Վրաստանին, այլ Հնդկաստանին վերագրելով անցքը:

Յոհան եպիսկոպոսը, որ եօթերորդ դարու հեղինակ է, պատմում է, որ Հնդկաց թագաւորի դեսպանը կայսեր մօտից դառնալիս, գերի է տանում հետը մի քրիստոնեայ կոյս, թէոզնոստէ անունով: Հնդկաց թագաւորը կոյսին նշանակում է իր կանանցի վերակացու: Մի օր թագաւորը հիւանդանում է: Կոյսը խաչակնքելով բուժում է նրան: Մի անգամ թագաւորը պատերազմի է գնում եւ յանկարծ նրան պատում է փոշու եւ մթութեան մատախուղը: Իսկոյն յիշում է կոյսի խաչը և յաղթելով թշնամիներին դառնում է տուն և գրկում քրիստոնէութիւնը: Նորադարձ արքան ուզում է տաճար շինել, բայց հարկաւոր սիւները պակասում են: Կոյսի աղօթե-

1 Amm. Marc. XXXI, 12, 16.

լով հարեան հեթանոս տաճարի հրաշալի սիւները տեղափոխուած են տաճարը¹:

Յոհանի աղբիւրը Ռուփինը չէ, ինչպէս ենթադրուած է Յոանքերգը, այն պարզ պատճառով, որ Ռուփինի մօտ չի լինում Թէոգնոսաէ անունը: Յակովբիկ եկեղեցու Յայամաւորքում Թոթ ամսի 17, որ է սեպտեմբերի 14, նշանակուած է Ս. Թէոգնոսաէ կոյսի տօնը, եւ համառօտ վարքը, որ Յոհանի պատմութեան կրկնութիւնն է²: Խնդիրը բարդանում է նրանով, որ Յոհանի եւ Յայամաւորքի ասելով Թէոգնոսաէն ժամանակակից էր Հոնոր եւ Արկադ կայսրները:

Ռուփինի եւ Յոհանի համեմատութիւնից մի բան է հետեւում, որ նունէ անունը սիղբնական չէ եւ պատմական լինելու յաւակնութիւն ունենալ չի կարող: Այլ եւ, քանի որ միեւնոյն պատմութիւնը վերադրուած է եւ Հնդկաստանին, սրանով է՛ւ ամբողջ գրոյցի հաւաստիութիւնը խախտուած է որոշ չափով:

Լատին եկեղեցականը գովում է Բակուր իշխանի սէրը դէպի կրօնն ու ճշմարտութիւնը, cui summaerat et religionis et veritatis³: Չնայելով Բակուրի ճշմարտասիրութեան, նրա պատմածի մէջ մեծ տեղ է արուած երեւակայութեան: Իշխանի երկու գովական յատկութիւններից ջերմեռանդութիւնն է որ յաղթանակել է: Բակուրը գուցէ եւ անպարտ է եւ դիւրահաւատութեամբ աւանդել է օտարին այն գրոյցները, որ լսել է իր հայրենի միջավայրում, իր նման ջերմեռանդ վանականներից:

Ինչպէս ամեն տեղ, Վրաստանում եւս քրիստոնէութիւնը մուտ է գործել հրաշադործութեան շաւիղներով: Իրականութիւնը շուտով զիջել է երեւակայական աշխարհին, եւ ճշմարտութեան հատիկները կորել են առասպելների փունջի մէջ: Քրիստոնէական առասպելները մեռնող կրօնական հայեացքների արդիւնք են, կերտուած են նրանց ազդեցութեան տակ եւ պահում են իրենց մէջ հնի գունաւոր հեաքերը:

Վրաց դարձի գրոյցը նման է Հայոց, չափուած միեւնոյն կաղապարով եւ երկուսը նման ուրիշ շատ դարձերի: Թագաւորի հիւանդութիւնը, առաքեալի աղօթքով բուժուելը, լուսեղէն սիւնը օդի մէջ, էական հանգոյցներն են դարձի պատմութեան: Վրաց լուսասիւնը՝ օդի մէջ կախուած՝ այլ բան չէ, եթէ ոչ մի բողբոջ Լուսաւորչի տեսելքի հսկայական ծառի: Կարելի էր կարծել, որ Տրդատի եւ Միհրանի հիւան-

1 Chronique de Jean, ev. de Nicée, trad. de Zotenberg, p. 309.
2 Le Synaxaire arabe Jacobite, redaction Copte, Pat. Orient, I, 227.
3 Migne, P. L. XXI, col. 482.

դութիւնը անդրադարձումն է Արգարի օրինակի: Պահանջկոտ եղեւացիք իրենց Թագաւորին, որ ապրում էր Քրիստոսից երկու դար ուշ, բուժել են տալիս իրեն Քրիստոսի և նրա մերձաւոր առաքեալի ձեռքով, մինչ Հայերը եւ Վրացիք բառականանում են աւելի համեստ բժիշկներով: Սակայն ճշմարտութեան դէմ մեղանշած չէինք լինի, եթէ ասէինք, որ երեք Թագաւորների նմանօրինակ պատմութիւնները կարող էին անկախօրէն եթէ ոչ ծնունդ, նպաստ ասնել նախորդ կրօնի աւանդներից:

Արգարեւ, կրօնական յեղաշրջումը որեւէ երկրում, որեւէ ժողովրդի համար պատմական խոչոր հարց է: Քրիստոնէութիւնը մի գաղափարական եւ հասարակական լայն շարժում էր, որի յախուեն ալիքները վաղուց ի վեր զարկում էին հեթանոս տաճարների պատերին և մի օր պիտի տապալէին: Որեւէ հիւանդութիւն, մինչեւ իսկ Թագաւորի, չի կարող պատճառ եւ ոչ առիթ համարուել գաղափարական մի մեծ բեկման: Քրիստոնեայ եպիսկոպոսները բժշկական մեծամեծ ծառայութիւններ են մատուցել Սասանեան Թագաւորներին, ինչպէս հաստատ գիտենք պատմութիւնից: Բայց այս հանգամանքը նրանցից եւ ոչ մէկին չի բերել եկեղեցու դուռը իբրև զղջացող Արգար, Տրդատ կամ Միհրան: Իարձի կապակից հիւանդութիւնները ունայն գրոյցներ են եւ հեթանոս մտայնութեան շաղախներ:

Մեզ արդէն ծանօթ Մելիտոն եպիսկոպոսը վերեւ յիշածս գրութեան մէջ ասում է. «Սիրիացիք պաշտում էին Ատի Այլիւարենացուն, որը զրկում է Բալթ բժշկուհուն եւ սա առողջացնում է Սիմէին, որ էր դուստր Սիւրիայի Թագաւոր Հաղապի: Հուսկ յետոյ ինքը Հաղապը բռնուելով բորտութեամբ, Ատին խնդրում է հրեայ Եղիսէին, որ գալիս է եւ բժշկում նրան»:

Ատի, որ Այլիւարենացի է համարուած այստեղ, քաջածանօթ Ատիան է, թէև կնոջ կերպարանքով: Բալթ Բէյ կամ Բաալ աստուծու իդական ձեւն է եւ ինքը դուստր Ատիսի: Սիմէի մասին խօսեցինք վերեւ: Հաղապ Միջադեաքի յայանի աստուած է, երբեմն դերակատար Թամուզի, այստեղ կոչում է Սիւրիայի Թագաւոր: Հաղապ եւ Սիմէ երկրներից իջել են երկիր եւ սոսկ մահկանացուներ են դարձել թէև Թագակիր: Ատիսը իր դասեր Բալթի հետ տակաւին աստուած է: Նախ հիւանդանում է Հաղապ Թագաւորի աղջիկը եւ բժշկութիւն է դոնում կին Բալթից: Յետոյ նոյն եւ աւելի վտաթար ցու բռնում է Հաղապ Թագաւորին եւ բժշկողը հրեայ Եղիսէն է:

Ահա մի հեթանոսական նախատիպ քրիստոնէական նը-

ման զրոյցների, ուր դործող անձինք են միշտ թագաւորը եւ նորա կինը կամ դուստրը: Սրանց հիւանդութիւնը ոչ միայն աշխարհական պատկեր է հեթանոսութեան, որից պիտի երբեւ ախտից թօթափուէին, այլ եւ արդիւնք հեթանոս մտածողութեան, որի համաձայն աստուածները կոչուած են մարդկանց բուժելու զանազան ցաւերից:

Վրաց դարձի անձերի եւ ամենից առաջ կոյս Նինոյի դէմքին տեսնում ենք մեզ հետաքրքրող դիցարանական շրջանի աստուածութեան կնճիռները: Վրացի զրոյցները Նինոյի մասին կրում են հայկական դրոշմ, եւ հիւսուած են հայ միջավայրի ազդեցութեան տակ: Այս հանգամանքը աւելորդ է դարձնում կանգ առնել այն հարցի վրայ, արդեօք մեզ զբաղեցնող դիցարանութիւնը կամ Աստարտէ-Ալդոնիսի պաշտամունքը ծանօթ է եղել Վիրական ցեղերի շրջանում:

Համաձայն Վրաց ազգային աւանդութեան, Նինոյի պատմութիւնը ծագում է Սալոմէից, որ ոչ այլ ոք էր, եթէ ոչ Տրդատ թագաւորի աղջիկը եւ Միհրան թագաւորի որդի Ռեւի կինը: Սալոմէն, ուրեմն, ժամանակակից և ականատես է անցքերին, եւ ահա թէ ի՞նչ է նա պատմում Նինոյի ծագման եւ կեանքի մասին:

Նինոն Կապպադովկիացի ծնողների զաւակ է, ասել է թէ Հուսաւորչի նման նա եւս արեւմուտքից է գալիս: Նրա մօր անունն էր Սուսանա, այն է Շուշան: Քրիստոնէական դաստիարակութիւնը Նինո ստանում է հայազն Նիափոր անունով մի բարեպաշտ կնոջ մօտ, որ Դուին քաղաքիցն էր: Նիափորի յորդորմամբ Նինո պատրաստում է գնալ Վրաստան, «որ է լեռնային գաւառ Հայաստանի», երբ պատեհ առիթ է ներկայանում եւ Նինո ուղեւորում է Հոովմ: Այստեղ ծանօթանում է Հուփսիմէ եւ Գայիանէ արքայազն կոյսերի հետ եւ նրանց 50 ընկերների հետ մկրտւում է:

Այնուհետեւ Հուփսիմեան խմբի հետ գալիս է Հայաստան եւ կոյսերի նահատակութիւնից յետոյ փախչում է Ջաւախք: Այս է այն լեռնային գաւառը Հայաստանի, ուր Նիափորն էր ուզում զրկել Նինոյին: Փարաւան լճի մօտ պատահում է ձկնորսների, որ ձուկ էին որսում, տեսնում է հովիտներ, որ զոհ էին մատուցանում Արմազ եւ Ջաղէն աստուածներին: Նինոն նրանց հետ խօսում է հայերէն, որ սովորել էր Նիափորի մօտ:

Ջաւախքից Նինո անցնում է Մծխեթ, Վրաստանի մայրաքաղաքը: Առաջին գործն է լինում կործանել տեղական կուռքերը: Պատահում է Շրոշանա անունով մի աղջկայ, որի հետ յունարէն է խօսում, եւ որը առաջարկում է Նինոյին արքունիք գնալ: Նինո ծանօթանում է հրեայ Աբիաթարին և

նրա դստեր Սիդոնիային: Եւ այժմ սրանք են եւ ոչ Սալոմէ, որ պատմում են, առաջինը՝ Նանա թագուհու, երկրորդը՝ Միհրան թագաւորի դարձը: Առաքելուհին, որ այլուր կոչւում է Թէոդոսուհի, այստեղ կրում է Նինո կամ Նունէ անունը: Նրա մօր անունը Շուշան է, թագաւորի անունը՝ Միհրան եւ թագուհու՝ Նանա:

Անունները պատահական չեն: Նունէ, լատիներէն nonna, յունարէն Νονη նշանակում է 'մայր', ինչպէս տեսանք վերեւ: Ասիսի առասպելում աղջկէս էր կոչուում Սանդար դետի աղջիկը, որին վիճակուած էր դառնալ գեղանի եւ երիտասարդ աստուծու մայր: Նոյն անուն էր կրում հայ սյանթէոնի աստուածուհիներից մէկը, Նանէն, որի տաճարը գտնւում էր Եկեղեցաց գաւառի Թիլն աւանում: Թագուհին, որ Միհրանի երկրորդ կինն է, պահել է իր վրայ Նանա աստուածուհու անունը:

Սոսանա, որ է Շուշան, յայտնի է մեզ Դերկեսո-Շամիրամեան առասպելից, որ քննեցինք վերեւ: Նինոս թագաւորի աղջիկն էր Սոսանէ, որին հայրը սուեց Օննին Շամիրամի փոխարէն: Շուշանը, ուրեմն, Շամիրամի տեղակալն է, այլապէս նրա մի այլ հայուածքը: Վրաց Սուսանա կամ Շուշանը, որովհետեւ Նինոյի մայրն է, նախադոյն է Նինոյից: Ինչպէս Դերկեսոն իր դիրքը դիջանում է իր դստեր Շամիրամին, այնպէս էլ Սուսանան տեղի է տալիս իր հարազատին, Նինոյին: Գիտենք, որ Դերկեսոն այնուհետեւ չչքացաւ պանթէոնից, այլ կերպարանափոխուեց ձկան: Վրաց Սուսանան եւս չի վերանում անհետ, այլ պահում է իր դէմքը Շուշանիկի հոչակաւոր պաշտամունքի մէջ:

Շուշանիկը մեծ ժողովրդականութիւն էր վայելում ոչ միայն Վրաց, այլ եւ Հայոց մէջ եւ երկու երկրների միջակայ նահանգի, Գուգարքի, տեղական մեծ սրբութիւն էր համարւում: Անունների կրկնութիւնը, թերեւս արդիւնք զրոյցի տարբեր հիւսուածքների, ամեն պարագային ասպացուցանում է պաշտամունքի ժողովրդականութիւնը:

Նանէ թագուհու ամուսինը Միհրանն է, Նունէի հետեւ

1 Նինոյի զրոյցի մէջ Շուշան անունը մտել է համարէն Ս. Շուշանիկի վկայարանութիւնից: Վերջինս նուիրած Փրանսերէն մի յօդուածի մէջ, որ ցարդ ինչ ինչ պատճառներով չկարողացաւ լոյս ածնել, ցոյց ենք տուել որ Շուշանիկը Վարդանի դուստրը չէր, այլ Վրաց առաքելուհու ազօտացած պատկերը, իսկ ինքն առաքելուհին ոչ այլ ոք է, եթէ ոչ Հուփսիմէն, և Բակուրի պատմածը նոյն Հուփսիմէի արկածն է, տեղափոխուած Վրաստան, այսինքն նոյն արկածի վրական կամ գուգարական հիւսուածքը: Նինո անունը ծանօթ է Վրացիներին Խորենացուց: Սա է որ առաջին անգամ հրապարակ է նետել Նինո-Նունէի պատմութիւնը, օգտուելով Սոկրատի հայերէն հրապարակ է նետել Նինո-Նունէի պատմութիւնը, օգտուելով Սոկրատի հայերէն թարգմանութիւնից: Մտացուած ամանդութիւնը, չնորհի պատմաճօր, վերականգնապատմում է: Նինոյի զրոյցի վրաց ծանօթ խմբագրութիւնը թԱ դարուց յառաջ չէ, ուստի և

տորդը: Ուրիշ աղբիւրից գիտենք, որ Վրաց առաջին քրիստոնեայ թագաւորի անունը Բակուր էր¹: Վրաց դարձի գրոյցը ընտրել է Միհրան կամ Միրիան անունը: Սոսկ դիպումն է: Հարկաւ, Միհրան կարող է լինել Ամմիան Մարկելիին ծանօթ Վրաց Meribanes, այսինքն Մերուան, կամ Միրիան թագաւորը որ իշխում էր 361 թուականներին: Բայց հաւանական է որ այս մի պատահական զուգադիպութիւն է եւ խկապէս Միհրանը այլ ոք չէ, եթէ ոչ Միհր աստուծու պատկերը, նրա դրօշակակիրը: Միհրը, Արեւելքի այդ հին եւ որեւից աստուածը վաղուց մրցման մէջ էր Փոքր Ասիայի մեղմ եւ կանացի Ատիսի հետ եւ շատ տեղ կորցել էր նրա փառքը եւ զիրքը: Հայ Դիորփի առասպելում եւս Միհրն է երեւան դալիս:

Միհրանը որսի երնելով մոլորում է լեռներում «խաւարեալ օղով, այլ ոչ տեսանելեօք»: Արեւ եւ համատարած լոյսի աստուծու համար աւելի մեծ պատիժ չէր կարելի երեւակայել: Միհրը չէ կորցնում տեսնելու բնդունակութիւնը, այլ բնութիւնն ինքն է խաւարում: Հեթանոս լոյսը հանդում է, որպէսզի նրա տեղը ծաղէ նոր եւ «մշտնջենաւոր» լոյսը:

Պարզ է, որ Նունէի յանդիման կանգնած թագաւորը հասարակ մահկանացու չէ, կամ միայն այդ չէ, այլ եւ ինքը Միհրը արքայական թագով: Հետեւապէս եւ աստղերուհին սովորական կոյս չէ միայն, այլ եւ մայր գիցուհու փոխանորդ:

Մանի կամ Մանէ կոյսը եւս պատմական դէմք չէ: Ազաթանգեղոսը չի յիշում նրան, այլ գիտէ միայն Մանեայ այրք կամ Մանայարի որպէս ճգնարան Գրիգոր Լուսաւորչի: Այստեղից Խորենացին հանել է Մանի անունը եւ ենթադրել որ նա եւս պատկանում էր Հոփոսիմեանց խմբին, միայն յետ էր մնացել, «ո՛չ չութափեաց հետեւել նոցա ի պախ առ մեզ», այլ բնակուեց Դարանուգեաց լեռներում մի այրի մէջ որ կոչուեց նրա անունով Մանեայ այրք:

Պատմաճօր արտայայտութիւնը կարծել է տալիս, որ նա Մանի անունը կապում է իրանական ման արմատի հետ, որ նշանակում է 'սպասել' եւ խնամի հայերէն մնալ բառին:

[Ի մտայածին պատմականութիւնը: Մինչև Խորենացու յայտնարկութիւնը, հին աստուծու թիւեր վրաց աստղերու հոմանիստ մասին մնացել էր Շուշանիկի անունն եւ տրոչտամանի մեալ: Շուշան անունը ժամանակութիւն է մեզ դրազեցնող դիցարանական հնութեան:

1 Petrus der Iberer, ed. Raabe, էջ 15: Խոսերէն թրգմ. Պետրոսի վարքի Palestinskij Sbornik, XVI: Պետրոս միաբնակ էր եւ ապրում էր Ե. դարու վերջեր: Դժուար թէ Բակուրին վերագրած պատիւը պատմական ստուգութիւն ունենայ: Թերեւ Բակուր իշխանի անունն արձայանքն է:

Ստուգարանական մի ուրիշ փորձ դանում ենք Պրոկոպ կեսարացու մօտ: Սա Զ դարի մատենագիր է, քաջածանօթ Արեւմտեան Հայաստանին եւ կարեւոր աղբիւր է նոյն դարու Հայոց պատմութեան: Սուելով Եկեղեցաց դաւառի մասին, Պրոկոպը բերում է հայկական մի գրոյց Իփիգենիայի եւ Օրեստի վերարբերեալ: Հայերի ասելով, առասպելում յիշած Տարոսը Հայոց Տարոսն է եւ այստեղ են փախել քոյր եւ եղբայր: Ճանապարհին Օրեստը հիւանդացել է: Պատգամախօսը սաստել է, որ հիւանդը չապաքինուի, մինչև որ տաճար չկանդնէ Արտեմիսի անունն: Օրեստը լսում է պատգամին եւ շինում է Երեզ աւանում Արտեմիսի տաճարը: Սուքը Անահիտի հօշակաւոր սրբարանի մասին է, որի ծաղումն, ուրեմն, Հայերը վերագրում էին Օրեստին:

Նոյն գրոյցը շարունակում է, որ Իփիգենիան փախուստի ժամանակ կտրում է իր մազերը այստեղ, ուր Կոմանա քաղաքն է: Այլ և ասելագնում է, որ աստղներ կան, թէ Օրեստի հիւանդութիւնը պատճառով այսինքն 'խելագարութիւն' էր¹:

Զրոյցիս միայն է՝ մեկնել կոմանա նշանաւոր քաղաքի անունը յոյն շարք 'մազ' բառից ի յիշատակ Իփիգենիայի մազերին, որ խուզել էր այդտեղ, եւ ուր կանդնել էին Արտեմիսի հօշակաւոր տաճարը: Մեզ թւում է, որ Օրեստի խելագարութիւնը, մանիա, շեշտելով, գրոյցը ձգտում է մեկնել Մանայարքը, որ մեծ սրբարան է եղել նման Երեզի եւ Կոմանի:

Խորենացու եւ Պրոկոպի առաջարկած ստուգարանութիւնները լեզուաբանական արժէք չունին: Նախ յայտնի չէ հաստատապէս Մանեայ այրք է՞ թէ Մանայարք: Բնական է Ման կապել հարեւան Մանանուգի դաւառի անունն. թերեւս Մանուգի է բուն անունը եւ դարձել է Մանանուգի Դարանուգի ազդեցութեամբ: Ենթադրելով որ Մանուգի ոչ միայն կազմութեամբ, այլ եւ իմաստով նման է Դարանուգի, կարելի է կարծել որ ռառ պարսկերէն բառն է որ նշանակում է 'տուն', manbed 'տանուակեր': Հետեւապէս, Մանուգի է 'տուն աղի', ինչպէս Դարանուգի է 'դարան աղի':

Բայց հնարաւոր է որ Նունէ եւ Մանէ, ինչպէս ունին հին ասորացիները, բախտակից են նաեւ ծաղումով, այսինքն որ Մանէ նմանապէս թոթով բառ է եւ նշանակում է մայր, որպէս կոչում որեւէ անձաւարնակ աստուծուհու, նման կիրելէի, որի անունը հանում են Կիրելա 'այր, քարանձաւ' բառից:

1 Procop. Pers. I, 17; Goth. IV, 5. Զրոյց յայտնի է արդէն Սարգսնին, XII, 2, 3, ուրեմն շատ հին աստղութիւն է:

Մանէ, ուրեմն պատմական անձ չէ, այլ երբեմնեան աստուածութեան թափուր մնացած այրի եւ սրբութեան ժառանգորդ:

Այսպիսով, Հայոց եւ Վրաց դարձի պատմութեան մէջ, քրիստոնէութեան արշարոյսի մթնշաղի մէջ տակաւին նշմարելի են հեռացող ստուերները: Հին կուռքերը միանգամից չեն փշրուած, դարաւոր փառքերը հեշտութեամբ չեն չքանուած: Երբեմն չբեղազարդ աստուածների, դիցուհիների ծիրանին պատուաւած է թէեւ իսպառ, բայց նրա ծուկները մնացել են տակաւին այն անձերի ուսերին, որ եկել էին տապալելու նրանց սրբութիւններն ու տաճարները նոր խօսքով, նոր ուսմունքով: Մեր տեսութիւնը դարմանալի չպիտի թուայ, եթէ յիշենք, որ ընդհանուր քրիստոնէական եկեղեցին անդամ գերծ չէ մնացել մեզ դրաղեցնող հեթանոս պաշտամունքի ազդեցութիւնից: Չատկական տօները որոշ մըտքով այլ բան չեն, եթէ ոչ մի նոր խմբագրութիւն Ատիսեան հանդէսների: Գարնանային աստուծու տօնը, որ դարնանամբաին էր եւ բաղկացած էր մի կարգ հանդէսներից, քրիստոնէական եկեղեցում, մեծ պասի ընդմիջումով, բաժանուած է երկու հասուածի՝ Բարեկենդանի եւ Չատկի օրեր:

Հայ եկեղեցին, ճշմարիտ է, ստացել է պատրաստի այդ տօները ընդհանուր եկեղեցուց քրիստոնէութեան հետ միասին, բայց թուած է, որ տեղական միջավայրն անմասն չի մնացել որոշ երանդաւորում տալու նրանց: Այսպէս, օրինակ, Ծաղկազարդ կոչումը բնաւ չի յարմարում այն տօնին, որի իսկական անունն է տօն արմաւենեաց կամ ուռենեաց եւ կամ ողորոմեան: Ոչ Ծաղկազարդ եւ ոչ մանաւանդ Ծառզարդար, ինչպէս ժողովուրդն է ասում, չեն արտայայտում օրւայ եկեղեցական իմաստը: Մինչդեռ նա միանգամայն համապատասխանում է Ատիսի ծառի հանդէսին: Մեր դիւզերում մինչեւ այժմ էլ ծառ են բերում եկեղեցի եւ ոչ ճիւղեր: Եկեղեցին աշխատել է հինաւորաց տօնը յարմարեցնել Բրիտանոսի Երուսաղէմ մտներու հանդէսին: Աւետարանի խօսքը՝ «այլ հատանէին ոստս ի ծառոց եւ տարածէին ի ճանապարհի», տալիս էր ամեն իրաւունք, որպէսզի նոր ճիւղերով ծածկէին հին ծառը:

Նոյնպիսի կասկած է յարուցանում եւ Բարեկենդանը: Օտար եկեղեցիները այդ օրերը կոչում են պանրուտիք: Պանիր ուտելու կամ մի քանի ուտիք օրերը Բարեկենդան կոչելը խիստ թէսական է: Հայ գիւղերում Բարեկենդանը մեծ ժողովրդականութիւն ունի եւ ի միջի այլեւայլ խաղերի, պարերի եւ ուրախութեանց ընդունուած է դիմակ հաղնել:

Տեսանք, որ դիմակաւորուելը յատուկ սովորութիւնն էր Ատիսեան տօներին, եւ ծէսի հական մասն էր կաղմում: Ատիսի յարութեան օրերին, երբ աստուծու հետ ամբողջ բնութիւնը վերակենդանանում է իր քնից, անպայման ճահաւոր եւ վայելուչ էր Բարեկենդան թէ Բարեկենդանութիւն կոչումը: Կարծելու է, որ այս դէպքում եւս եկեղեցական տօնը կլանել է հին հեթանոս ժառանգութիւնը:

Առաջաւորաց պահքը հայ եկեղեցու ուրոյն սովորութիւններին է եւ առեղծուածային իր բնաւորութեամբ: Բիւզանդական եկեղեցին խորշելի էր համարում այդ պասը, ամեն առթիւ շնչակով նրա հեթանոսական դայթակղիչ բնաւորութիւնը:

Պասը վերջանում է Սուրբ Սարգիս զօրավարի յիշատակով, ուստի եւ ժողովրդի մէջ յայտնի է աւելի Ս. Սարգսի պաս անունով: Պասը լուծուած է փոխինդով, կամ փոխինձով, որ յայտնի է Հայաստանի ամեն մի անկիւնում: Միակ պասն է, որ ունի իր նուիրական կերակուրը: Փոխինձը, անշուշտ, նուիրական ծագում ունի եւ նշանակ է որեւէ հեթանոս պաշտամունքի:

Ատիսը իր յատուկ պահքն ունէր, ապաշխարութեան շաբաթը, երբ հաւատացեալները պատրաստուած էին մեծ խորհուրդին: Այս պասը զանազանում էր քրիստոնէական պատերից նրանով, որ արգիլուած էին մի շարք ուտելիքներ, որոնց մէջ հացը եւ հացահատիկից պատրաստած կերակուրները կարելուք տեղ էին բռնում: Բնական էր, ուրեմն, որ պահեցողութիւնը լուծուէր արգիլուած ուտեստների ճաշակմամբ, ինչպէս օրինակ քրիստոնէական պասը թոյլատրում է լուծել այսպէս կոչուած Նաւակատեաց կերակուրներով: Ասել է թէ փոխինձն է այն առանձնայատուկ հացը, որով կատարում էր թաթախումը Ատիսի պասը լրանալուց յետոյ: Իսկ թէ ինչո՞ւ էր հացը պահեցողութեան նիւթ համարում, այդ բացատրում է նրանով, որ Ատիսը մարմնացումն էր բուսականութեան եւ ամենից առաջ հացահատիկների եւ պտուղների, «Ադոնիսը ինքն է ցորեն սերմանեալ»:

Յիշենք ի դէպ, որ Սարգիսու փոխական աստուծութիւն էր եւ մայր աստուածուհու նկատմամբ մօտ Ատիս - Ադոնիսին: Նրա պաշտամունքի մէջ ընդունուած էր նորահաւատին մկրտել, գլխին ալիւր ցանելով եւ երեսը տրորելով ցորենի պաճով: Հայ ժողովրդի մէջ սովորութիւն է

1 Gruppe, Griech. Mythol. էջ 903.

երեսայի գլխին հատիկ, այսինքն խաչած ցորեն թափել, երբ երեւում է նրա առաջին աամբը: Հին մկրտութեան ծէս է, որ այնքան տոկունութեամբ մնացել է հեթանոս դարերից ի վեր:

Փոխինձը եւ փոխինձից պատրաստած ապուրը, որ կոչւում է խաչիլ, բաւական են ցոյց տալու Առաջաւորաց պատի նախաւրբիատնէական ծագումը: Նոյնն է վկայում ե ըրեցանդական մատենագիրներից յայտնի առասպելախառն պատմութիւնը Արցեւուրիոսի մասին, որ է Առաջաւորը: Եւթիմեոս Զիզուաին (կամ Զիզուդին) Պոլսի վանականներից մէկը Ալեքս կայսեր ժամանակ (1081 - 1118), եւ հայ կրօնափառումն Իսահակ, Ժերգ դարու կէսին, զրել են հայ եկեղեցու գէժ ամբաստանութիւններ, առանձնապէս ծանրանալով «Արցեւուրի (իմա՛ Առաջաւորի) ստանալական պատի» վրայ:

Սրանց գիտութեամբ Առաջաւորը Սարգսի կարասկան էր, որ շրջում էր քաղաքէ քաղաք եւ գիւղէ գիւղ եւ աւետում, որ շուտով դարու է իր վարդապետ Սարգիսը: Երջուղայութեան ժամանակ Առաջաւորը մեռնում է: Սարգիսը ողբում է նրա մահը եւ սահմանում է Առաջաւորաց պատր ի յիշատակ նրա: Ասողներ էլ կան, որ Առաջաւորը խկապէս Սարգսի շունն է¹:

Գագիկ թագաւորը բիւզանդական կայսեր Գուկասին (1071 - 1078) ուղղած Գիր Հաւատոյ թղթի մէջ աշխատում է պաշտպանել Սարգսին անտեղի զրպարտութիւնից: «Բայց ի տօնի յորում զսարաաեթասն Ս. Սարգիս յիշատակեմք եւ ճամբարիտ մարտիրոսն, որ վկայեցաւ յորզուցն Հաղարու յաշխարհն Բաղրեանդի յորզուցն Մահմեաի յաւուրս Թէսպոսի թագաւորի, եւ ոչ ապի սա իշապանն Սարգիս աստուածուբացն, այն, որ շանն տայր երկրպագանել»²:

Հայ պատկաւոր դաւանագէտը գոնադանում է նահատակ Սարգսին իշապան Սարգսից, սակ է թէ չի ժխտում նրա գոյութիւնը, միայն յայտնում է, որ Հայերը տօնում են առաջինի, որ իրբեւ թէ մահմեաականութեան զոհ է եղել, եւ ոչ իշապանի յիշատակը:

Այլ դիրք է բռնում Ներսէս Ծնորճային Սարգսի հանդէպ, երբ հարկադրում է բացատրութիւն տալ Մանուէլ կայսեր Հաւատոյ խոստովանութեան զբով: «Ասացաք փոքր ինչ եւ վասն Առաջաւորացն ի մէնջ անուանեալ պահոց, գրում է Ծնորճային, զոր հայճոյէք անպիտորար, Սարգսի ուրումն ասելով կայսարգի էշ եւ սկունդ ունդի. ի յայրս-

1 Migne, P. G. CXXX և CXXXII:
2 Մատթ. Բնոյայեցի, էջ 213:

տամբերոցն ի հաւատոյս մերոյ առասպելաբանելով ի դանադան իրս վասն սորին եւ պատմելով ստայօղ բանիւ առաջի ձեր»:

Ակնարկը դաւաճան Իսահակի հասցէին է: «Սարգիսս այս ոչ գոյութիւն ունի յազգս մեր եւ ոչ անուն», հաւատացնում է հայ եկեղեցականը: Բայց զգուշարար աւելացնում է. «Չոր թէ է սք ուրեք թէպէտ եւ մեղ անյայտ է, նզովէ դնա կաթուղիկէ եկեղեցի եւ դէշ նորա եւ զսկունդ եւ զլիաող նորա եւ չընդունող»:

Հակառակ Գաղիկի, որի անգեկութեամբ Սարգիս հայ էր եւ մարտիրոսացել էր Արարներից Թէոզոս թագաւորի ժամանակ, որը կարող է լինել միայն Թէոզորոս Գ. կայսրը (716 - 717), Ծնորճային համարում է Սարգսին Կապպադովկայի իշխան, որ Յուլիան Ուրացոյի կողմից հարածում է Արեւելք եւ նահատակում է Պարոնից Ծաղուհ թագաւորի հրամանով:

Երկու անգեկութիւններն էլ հեռու են ստուգութիւնից: Նոյնիսկ Սարգսի պաշտպանները չգիտէին, թէ ո՞վ է այդ ժողովրդական սուրբը: Ծնորճային տակաւին եօթ տարի առաջ քան կայսեր զրելը հարկաւոր խուզումներ էր արել եւ ստորի վանականի միջոցով կազմել մեղ հասած վարքը: Ծնորճային յունուարի 31ին է գնում Սարգսի յիշատակը: Սրանից երեւում է, որ նա աչքի առաջ է ունեցել նոր տօնացոյցը: Հին տօնացոյցում Սարգսի տօնը նշանակուած է մարբերի 23: Համապատասխան վկայարանութիւնը գուցէ մի օր երեւան դայ ճառքնախրների ծալքերից:

Ճամբարիտ է, նոյն տօնացոյցում տեսնում ենք եւ Սարգսի եւ Բաբոսի յիշատակն ասանձին սահմի 30, բայց մեղ այնպէս է թւում, որ մեր Սարգիս գորավարը ոչ այլ ոք է, եթէ ոչ նոյն Սարգիսը, Բաբոսի րնկերը: Սա գորական էր հոսովէական բանակում եւ մարտիրոսացաւ Գիտիգեախանոսի օրով Միջագետքում, ուր եւ նրա յիշատակը մեծ հաշակ էր վայելում: Թւում է, որ վաղ անջատելով Սարգսին Բաբոսից չփոթել են ազանդաւոր Սարգսի հետ, որ Յոհան Մայրապոմեցու աշակերան էր եւ որի «Գիր վնասու» կարգացել է ինքն Յովհաննէս կաթուղիկոսն իր խկ վկայութեամբ:

Խնդիրը, սակայն, Սարգսի անձնաւորութիւնը չէ: Առաջաւորաց պատի հետ նա անմիջական կապ չունի: Գագիկն եւ Ներսէսը այս կէտում արդար են, որ պատր Սարգսի անունով է կոչւում երբեմն, սրովհետեւ շարաթ օրը նրա յիշատակն է տօնում: Սարգսին յատկացնելով այդ օրը եկեղեցու հայրերը, կարծես, ուղեցել են վանել Առաջաւորացի

հետ կապուած հեթանոսամիտ զրոյցները: Հետեւանքն այն է եղել, որ Սարգսին են անցել հին յիշողութիւնները:

Առաջաւորք պատի ծագումը խնդրական է: Մեր նախնիք շատ փարձեր են արել մի կերպ մեկնել զուտ հայկական պատի ծագումը: Ենթադրենք, որ եկեղեցին վերջապէս գտել է իսլաւաս մեկնութիւն: Սրանով խնդիրը չի փակուած: Առաջաւորի կամ Սարգսի առասպելաբանութիւնը, անտարակոյս է, որ արմատներ ունի եկեղեցուց զուրս: Առասպելի իսկական անունները մոռացուած են: Նրանց տեղը դրանք են Սարգիսը եւ Առաջաւորը:

Ի՞նչ է զրոյցի խորհուրդը, զժուար է ասել: Սարգիսը կարծես ներկայանում է իբրեւ մի տեսակ Քրիստոս: Ունի իր սեփական կարապետը, որ քարոզում է եւ պատրաստում ուղին: Ունի իր էջը, սրի վրայ արդեօք մո՞ւտ է գործել աշխարհ: Սարգիսը ողբում է իր սիրելու մահը, որը թւում է թէ ակնարկ է Ղազարի յարութեան նման մի դէպքի:

Սակայն Քրիստոսի նման են եւ Աղոսինն ու Ատիսը իրենց կեանքի արտաքին գծերով եւ նուիրախորհուրդով: Արդեօք Սարգիսը պատահական ժառանգորդ է՞ Ատիսի նրման մի հին աստուածութեան պաշտամունքի, եւ նրա վրայ չե՞ն մնացել հնութեան գծեր:

Յիշենք, որ հայ Ատիսը, Արան, եւս բարեկամ է շան, ինչպէս Սարգիսը: Հայ աւանդութեամբ շանից են ծագում այն արայէղները, որոնք յարութիւն տուին Արային: Սարգիսը ողբում է իր մերձաւորի մահը, որի յիշատակին նշանակուած է Առաջաւոր պատր: Թւում է, որ մի ազաւազ արձագանդ է այդ՝ մայր աստուածուհու ողբին իր մտերմի Ատիսի անկման առթիւ: Կին աստուածուհու պատկերը նսեմացել եւ վերացել է առասպելից:

Հայ եկեղեցին հնում ստուն վերարերում ունէր դէպի Մարիամ Աստուածածնի պաշտամունքը, երեւի, մասամբ այն պատճառով, որ վերակոչում էր հեթանոս աստուածուհու յիշողութիւնները, որ նմանապէս աստուածամայր էր կոչւում: Սրա հետքերը բնաջինջ անելու նպատակով եկեղեցին պատրաստ էր ստուերի տակ պահել եւ մինչեւ իսկ ուրանայ Մարիամի իրաւունքները:

Սարգսի մասին այժմ էլ շատ զրոյցներ կան ժողովրդական բերանում: Պատմում են, որ պատի գիշերը Սուրբ Սարգիսը ձին հեծած փախցնում է մի գեղեցիկ աղջիկ: Չուգակից աստուածուհու խաւարած հետքերը չե՞ն արդեօք. Ատիսը՝ կտրիճ գորավար, իսկ ընկերուհին՝ առեւանդելի աղջիկ:

Ասեյս այն է, որ Առաջաւորի զրոյցը իր սկզբնական աւելի հին ձեւով կարող է պահած լինել մեզ հետաքրքրող

գիցարանութեան վերապրումները, որ ժողովրդից անցել է եկեղեցուն եւ սուրբ հայրերը ընդունելով ջանացել են դրանել պատշաճաւոր մեկնութիւն եւ տեղ եկեղեցական տօների շարքում:

Կարող է պատահել, որ յիշածս սրբերի ուսերին թառած լինին եւ այլ հեթանոսական ոգիներ, այս արդեւք չէ մեր տեսութեան: Քննածս նիւթի մէջ, անշուշտ, կան եւ ուրիշ շերտեր, որ զատելու եւ հետազոտուելու են առանձին: Տեսանք, որ շատ բարդուած է եկամուտ տարրերով եւ այն գիցարանութիւնը, որ հիմն եւ ելակէտն է ներկայ հետազոտութեան: Դարկետոն կլանել է Միջագետքի ամենահին, եւ անտարակոյս նախասեմական մեծ աստուածութիւնը, որ հանդիսանում էր իբրեւ ճուղին: Ինքը տեղի է տուել Շամիրամին, Շամիրամը՝ Անահիտին: Անահիտի տաճարը կանգնած է Շամիրամի բլուրի վրայ Ձեյա քաղաքում, որ Փոքր Հայքի մէջ էր մտնում: Նոյնպէս Շամիրամի բլուրի վրայ է նստած Արտեմիսի սրբարանը Կապպադոկիայի Տիանա քաղաքում, որ յաջորդականութեան ճշմարիտ արտայայտութիւններն են:

Կիրելէն իր կողմից կլանել է Փոքր Ասիայի մի հին պաշտելիք, որ է ջրերի աստուածութիւն եւ որ ներկայանում է առասպելում իբրեւ Սանգար գետի աղջիկ: Չուկն աստուածը յայտնի է եղել եւ Հայաստանում: Անժխտելի վկայ են այն վիթխարի քարէ ձկները, կամ քարէ սիւները ձկան նկարագրով, որ գտան պրոֆ. Մառ եւ Մմիրնով Սեւանայ լճի ափերին: Փոխկրիական ջրի աստուածութեան յուշերը եւ մնացել են հին Հայաստանում, եւ կապ ունին ջրհեղեղի աւանդութեան հետ, որի տեղական եւ ինքնուրոյն հիւսուածքը յայտնի է եղել Փոխկրիայում եւ Հայաստանում: Ձկան եւ թէ ջրի փառազուրկ աստուածները ապաստան են գտել Կիրելէի եւ Դերկետոյի տաճարներում:



Բ. Մ Ա Ս

ԱՐՏԱԻԱՆ ԱՐՇԱԿՈՒՆԻ. — ՎԱՐԴ ՄԱՄԻԿՈՆԵԱՆ. —
ՄԱՄԻԿՈՆԵԱՆ ԻՇԽԱՆՈՒՀԻՆ ԲԻԻԶԱՆԴԱԿԱՆ ԳԱՀԻ ՎՐԱՅ. —
ՎԱՍԻԼ ՀԱՅԱԶՆ. — ՀԱՅ ԳԻՏԱԿԱՆ ԴԵՄՔԵՐ ԲԻԻԶԱՆԴԻԱՅՈՒՄ.

ԱՐՏԱԽԱՆ ԱՐՇԱԿՈՒՆԻ

Յուստինիանոսի ինքնակալութեան տասնեւիններորդ տարին էր, 545 թիւը:

Հեռաւոր Լիբիայից մայրաքաղաք էր վերադառնում Արտաւան հայ իշխանը, որ օրուան հերոսն էր, մի յաղթական զօրավար, որ գալիս էր ստանալու գեղանի Պրիեկտայի, կայսեր քրոջ դստեր, ձեռքը, որպէս հատուցում իր քաջարի գործի համար: Պատրաստ էր, հակառակ դէպքում, ծառանալ նոյնիսկ մեծագոր ինքնակալի դէմ:

Արտաւանը Արշակունեաց տոհմի վերջին շառաւիղներից էր: Հայ արքայական տունը մեռնում էր, հանգչում էր ընդմիջտ հնադարեան ճրագը, շաղ տալով իր վերջին ճանապարհները կայսրութեան հեռաւոր հորիզոնների վրայ: Խորհրդաւոր երեւոյթ: Արտաւանի կեանքը կարծես մի մանրանկար էր, մի նշանակալից ուրուագիծ, այն առաքելութեան, որ պիտի կատարէր հայութիւնը Բիւզանդական տէրութեան մէջ գալոց դարերում:

Արշակունի իշխանը նոր էր հեռացել հայրենիքից եւ հեռացել էր, թողնելով այնտեղ բարի անուն, մեծ գործերի յիշատակ: Տարիներով մաքառել էր կայսերական իշխանութեան դէմ, պաշտպանելով իր հայրենիքի շահերը: Այժմ իրերի քմահաճ բերումով ծառայում էր նոյն իշխանութեան պատերազմի դաշտերում:

Յուստինիանոսի գահակալութեան առաջին տասնամեակը խռովութիւնների շրջան էր Հայաստանում: Բիւզանդական իշխանութիւնը հետամուտ էր ոտնձգելու երկրի աւանդական ինքնայատուկ կարգերը: Ուզում էր ներմուծել պետական վարչաձեւը, նպատակ ունենալով հայ հողամասերը սերտօրէն շաղկապելու պետութեան հետ:

Բիւզանդական Հայաստանը անջատուում էր Պարսկականից Կարին - Նփրկերտ (Մուֆարղին) գծով եւ բաժանուում էր երկու մասի իրաւական դրութեան տեսակէտից: Հիւսիսային մասը, որ կոչւում էր Մեծ կամ Ներքին Հայք, կենտրոն ունենալով Կարինը, գտնւում էր կայսերական կու-

սակալի կառավարութեան ներքոյ: Հարաւային մասը բաշկացած էր հինգ անկախ եւ ինքնավար իշխանութիւններից, նման Ղարաբաղի Սամսա (որ արարերէն նշանակում է հինգ) մելիքութեանց: Սրանք էին՝ Հանձիթ, այժմեան Խարբերդ շրջանը, Բալահովիտ, այժմեան Բալու, Հաչտեանք, արդէ ճապաղջուր եւ Կենջ, Անգեղտուն, Արղանայի շրջանը, եւ Մոփք, որ ընդարձակ երկիր էր Տիգրիսի ձախ եւ աջ ափերին, Նփրկերտից մինչեւ Բնարեղ եւ Փխտար՝ հին եւ ցայժմ կանգուն գիւղերը:

Փոքր Հայքը վաղուց մտած էր պետութեան վարչական կազմի մէջ եւ բաժանուած էր երկուսի, Առաջին եւ Երկրորդ Հայք, կենտրոն ունենալով Սեբաստիա եւ Մելիտինէ քաղաքները:

536 թուին ելաւ կայսերական հրամանագիրը, որով բոլոր յիշածս հողամասերը ենթարկուում էին նոր տրոհումի, բաժանուելով չորս մեծ շրջանների, Ա. Բ. Գ. եւ Դ. Հայք անուններով: Հին Ներքին Հայքը, կոչուելու էր այսուհետեւ Առաջին Հայք, մէջն ունենալով նաեւ Տրապիզոն քաղաքը ծովափեայ հողերով: Նախկին Երկրորդ Հայքը, այսինքն Սեբաստիայի շրջանը, կոչուելու էր Երկրորդ Հայք, և նախկին Երրորդ Հայքը, Մելիտինէն՝ Երրորդ Հայք, եւ վերջապէս Չորրորդ Հայք անուան տակ միացուում էին հինգ ինքնավար իշխանութիւնները: Միաժամանակ ջնջուում էին տեղական առանձնայատկութիւնները, տեղի տալով ընդհանուր վարչական կարգերի:

Այս նորոգութիւնը հարուածում էր ամենից առաջ նախարարական արտօնութիւնները եւ փոխում էր երկրի հասարակական հինաւուրց պատկերը:

Վարչական վերակազմութեան նախորդել էր արդէն զինուորականը: Հայ հողամասերից կազմուած էր մի քանի տարի յառաջ զինուորական մի մեծ շրջան միահեծան սպարապետի հրամանատարութեան տակ: Նախարարական այրուծին, այսինքն հեծեալ զնդերը, առել էին պետական զորամասերի մէջ: Զինուորական առաջաւոր կայաններն էին սահմանագլխի վրայ Կարին, Կիթառիճ եւ Նփրկերտ, մշտական բերդապահ զնդերով եւ մեծ մասամբ հայ իշխանների ձեռքի տակ:

Այս արմատական փոփոխութիւնները պէտք է բնականորէն յուզէին երկիրը, մանաւանդ ազնուականութիւնը, որի իրաւունքներն էին խոցուում: Մի պատեհ առիթ էր հարկաւոր, որ զսպուած դժգոհութիւնը ժայթքէր: Առիթը տուին երկրի պաշտօնակալները:

Բիւզանդական-պարսկական պատերազմները վերջացել էին խղաղութեան դաշինքներով 532 թուին: Պատերազմի ընթացքին Սպերի շրջանում գտնուող ոսկեհանքի աէրը, ոմն Սիմէոն հայ իշխան, անցնում է կայսեր կողմը: Կայսրը չի պահանջում ոսկեհանքից այն բաժինը որ Սիմէոնը տալիս էր յառաջ Պարսից թագաւորին: Սիմէոն օգտուելով կայսերական հովանաւորութիւնից բռնի տիրանում է մի քանի գիւղերի, որ պատկանում էին Պերոզ իշխանին, հաւանորէն Արչակունեաց ժառանգներից: Սրա երկու որդիները սպանում են Սիմէոնին եւ փախչում Պարսկական Հայաստան: Կայսրը վիճելի գիւղերը շնորհում է Սիմէոնի ազգականին, Համազասպին, նշանակելով նրան միաժամանակ երկրի կառավարիչ:

Պայատական պաշտօնեայ մի հայ Ակակ(իոս) անունով զրպարտում է կայսեր առաջ, որպէս թէ Համազասպ հաւատարիմ չէ եւ ուղում է նորից Պարսից կողմն անցնել: Կայսրի հաւանութեամբ ամբաստանիչը յաջողում է սպանել Համազասպին եւ երկրի ղեկը իր ձեռքն առնել:

Ակակը չարարարոյ անձն էր: Հայ լինելով հանդերձ թշնամական վերաբերում ունէր դէպի իր ցեղակիցները: Որպէս կառավարիչ ատեյի էր ամենին: Նոր հարկեր դրեց երկրի վրայ, բաւականին ծանր: Զայրոյթը ընդհանուր էր: Հայերը դաւադրութիւն կազմեցին եւ վերջ դրին Ակակի կեանքին:

Դաւադրութեան հեղինակը եւ Ակակի սպանիչը Արտաւան Արչակունին էր իր եղբոր Յովհաննէսի հետ: Յովհաննէս Արչակունու որդիքն էին:

Ուռվութիւնները ծայր տուին: Մայրաքաղաքից եկաւ Սիտտա կամ Յիտտա նշանաւոր զօրականը: Նա երկրի պայմաններին եւ գործիչներին ծանօթ անձ էր: Նորակազմ զինուորական շրջանի պետն էր եղած եւ պարսկական պատերազմների ժամանակ զօրքերի հրամանատար: Սիտտան ետեւէ եղաւ մեղմ միջոցներով վրդոված խղաղութիւնը վերականգնելու, բնդառաջելով Հայերի ցանկութեան եւ վերացնելով ամենից առաջ Ակակի սահմանած արտակարգ հարկերը:

Սակայն Ակակի որդին՝ Ադոլ(իոս), որ արքունիքում պաշտօնեայ էր, հօր սպանութեան ոխը սրտում՝ կարողացաւ տրտունջ յարուցանել Սիտտայի դէմ որ իբրեւ թէ դանդաղկոտ է Հայերի հանդէպ եւ անփոյթ՝ չարագործներին պատժելու հրահանգում: Կայսերական սաստը մղեց զօրապետին աւելի վճռական միջոցների: Սիտտա բանակցութեան

մէջ մտաւ Ասպետեան, այսինքն Բագրատունի տան հետ, «որ ամենից հեղինակաւորն և մեծ տոհմն էր», նկատում է յոյն պատմիչը: Հաշտութիւնը կնքելու վրայ էր, երբ Սիւտայի զօրքերը յանկարծակի ընկան հայ բանակի վրայ, որ կանգնած էր Բասենի Աւնիկ քաղաքի մօտ՝ ակնդէտ բանակցութեան ելքին: Յառաջ եկաւ խռնումն: Սիւտայի արտաւորեց իր անունը, կոտորել տալով քարանձաւում ապաստանած հայ կանանց և երեխաներին: Հայերը զայրացած թշնամու նենգ և վատահոգի վարմունքից, խոյացան նրա վրայ: Արտաւան Արշակունին մի անգամ եւս փայլեց իր քաջութեամբ, տապալելով նիզակի շեշտակի հարուածով Սիւտային:

Այսպէս ընկաւ կայսեր մեծագոյն զօրավարը, որ Վելիսարի հաւասար ոյժ էր համարուում պետութեան մէջ: Նրա տեղ եկաւ մի ուրիշ զօրավար, Բուզ կամ, նոր արտասանութեամբ, Վուզ: Մա ևս խաղաղ միջոցների կողմնակից էր, կամ այդպէս էր, գոնէ ձեռնում: Բուզ առաջուց մօտիկ ծանօթ էր և անձնական բարեկամ Արտաւանի հօր Յովհաննէս Արշակունի իշխանին: Իր մօտ կանչեց Յովհաննէսին, յուսալով նրա միջոցով խոտովութեանց վերջ տալ: Յովհաննէս գնաց իր վաղեմի բարեկամի մօտ, առնելով հետը Վասակ Մամիկոնեանին, որ իր փեսան էր: Մամիկոնեան իշխանը իր տոհմին յատուկ հոտառութեամբ զգաց որ ճանապարհոր բարի չէ և խորհուրդ տուաւ իր աներոջ խոհեմութեամբ յետ դառնալ: Յովհաննէսը չանսաց, շարունակեց միայնակ իր ուղին և գոհ գնաց այն վստահութեան, որ ունէր դէպի իր բարեկամը: Հոռոմ զօրավարը նենգեց և տմարդօրէն սպանել տուեց Յովհաննէս իշխանին:

Թշնամութիւնը սաստկացաւ: Ապստամբները անոյժ էին երկարելու դիմադրութիւնը: Կամ պէտք է գէնքը վայր դնէին և կամ դիմէին արտաքին օգնութեան: Հարեւան խոչոր պետութիւնների հակամարտութիւնից երբեմն օգտուում էին հայ նախարարները մեծ յաջողութեամբ: Խորհեցին պղտորել Պարսից թագաւորի և Յուստինիանոսի յարաբերութիւնը, գրգռելով Խոսրովին նրա դէմ:

Դեսպանութեան գլուխն անցաւ Վասակ Մամիկոնեանը: Արտաւանը անմասն չէր գործին, նա, որ ապստամբութեան ողին էր: Կրկնակի ոճիր գործելուց յետոյ կայսրութեան դէմ, անխոհեմութիւն կր լինէր նրա կողմից զանգատաւորի դերն ստանձնել: Նրա փեսայ Վասակն է, որ խօսում է Խոսրով թագաւորի առաջ: Յոյն պատմագիրը հետեւեալ ճառն է դնում Վասակի բերանը:

«Տէր արքայ, մեզնից շատերը ծագումով Արշակունի են, այն Արշակի շառաւիղները, որ արենակից էր Պարթեւ թագաւորներին, Պարսկաստանի նախկին տէրերին: Նա ոչնչով պակաս չէր իր ժամանակուան թագաւորներից և ոչ մէկից: Այն ինչ ներկայումս մենք կանգնած ենք ձեր առաջ որպէս ստրուկներ և փախստականներ, կանգնած ենք ոչ մեր յօժար կամքով, այլ բռնութեամբ: Եւ բռնացողը թուում է թէ Հոռոմ զօրութիւնն է, ո՛վ մեծ արքայ, բայց ոչ: Այն մարդը, որի անփութութեան շնորհիւ կատարուում է բռնութիւնը, նա է իսկական պատասխանատուն դործած անարդարութեան համար: Թո՛ղ սկսենք մեր պատմելիքը քիչ հեռուից, որպէսզի հասկանալի լինենք: Արշակը, մեր նախնիքներից վերջին թագաւորը, զիջաւ իր տէրութիւնը Թէոդոս կայսրին ինքնարեւարար մի պայմանով միայն, որ նրա մեծաւորները բոլորը ապրեն մշտապէս ազատ և չենթարկուեն որեւէ հարկատուութեան: Այս համաձայնութիւնը ոյժի մէջ էր մինչեւ վերջին տխրահոյսակ դաշինքը, որ կնքեցիք և որը կարելի է անուանել, առանց սխալուելու, համաշխարհային շարիք: Այդ օրից է, որ անտեսելով բարեկամ թէ թշնամի, ամեն ինչ խառնում և խառնակում է նա, որ միայն անուամբ է քեզ բարեկամ, ո՛վ թագաւոր, իսկ յիրականին անսուտ թշնամիդ է: Եուտով կը համոզուես ինքզ, հէնց որ յաջողութեամբ վերջացնէ արեւմտեան ազգերի նուաճումը: Արգարե, ի՛նչքեր չի արել այս մարդը, որ օրէնքի հակառակ չլինէր»:

Պօսքը Յուստինիանոս կայսրի մասին է: Հայ բողոքաւորները այնուհետեւ թուում են մի առ մի, թէ ինչպէս կայսրը խափանեց հարեւան Ծաների և Լազերի ազատութիւնը, ձեռք կարկառեց դէպի Հոնները մի կողմից և դէպի Եթովպացիք միւս կողմից: Աղիտաբեր եղաւ Լիբիայում, Իտալիայում, խորտակեց Վանդալներին, Գոթերին, Մաւրուսներին և վերջապէս փորձեց գայթակղեցնել արաբ ցեղապետին Ալամունդարին, որ Պարսից հպատակ էր: Բոյոր այս ազգերին ընկճելուց յետոյ Յուստինիանոսին մնում է միայն նուաճել Պարսից պետութիւնը: Վասակն ուզում է ապացուցանել, որ կայսրը անհաւատարիմ է գտնուել 532 թուին կրնքուած դաշինքին: «Յուստինիանոսը ինքն է աւերել դաշինքը, շարունակում է հայ ճառախօսը, որովհետեւ խաղաղութիւնը վրդովում է ոչ թէ նա, որ առաջինն է գէնք առնում, այլ ով որ խաղաղութեան օրերում շարիք է նիւթում իր հարեւաններին: Ով խորհում է ոճիր, նա արդէն գործած է համարուում, եթէ անգամ չյաջողի ոճիրն իրագործել: Ինչո՞վ են վերջանում պատերազմները, յայտնի է: Յաղթում են սո-

վորաբար նրանք, որ առիթ չեն տուել կուռի, այլ որ պաշտպանուժ են ընդդէմ կուռարարի»:

Հայերն չեչտուժ են, որ Յուստինիանոսի դրուժիւնը բարեյաջող չէ: Զօրքերի մեծ մասը ցրուած է արեւմտեան հեռուոր ծայրագաւառներում: Երկու նշանաւոր զօրապետներից մէկը, Սիտտան, սպանուած է իրենց Հայերի ձեռքով, միւսը, Վելիսարը, կորած է ընդմիջտ Յուստինիանոսի համար: «Արդ, ելնելով թշնամու դէմ, եղբայրակուժ է իր խօսքը Վասակը, դիմադրութեան չես պատահի, իսկ յանձին մեր կը գտնես հաւատարիմ եւ երկրին քաջածանօթ առաջնորդներ զօրքերիդ համար»:

Հայերի առաջարկը ընդունելի էր Պարսից արքայի համար եւ մանաւանդ հաճելի նրանց զինակցութիւնը:

Նոյն առաքելութեամբ Խոսրովի մօտ եկաւ մի ուրիշ դեսպանութիւն Գոթաց թագաւորի կողմից: Նա եւս տրտընջում էր Յուստինիանոսի աշխարհակալական քաղաքականութիւնից եւ յորդորում էր Պարսից թագաւորին պատերազմ սկսել:

Քիչ յետոյ Լազերը դիմեցին Խոսրովին, ոյժ տալով նախորդ խնդիրքներին: Մրանց ճառերը եւս նոյն ոճով են յօրինուած ինչ որ Հայերինը: Հարկաւ, ճառերը շինծու են, եւ պատկանում են իրեն, պատմագրին, եւ ոչ թէ ճառախօսներին: Սակայն այս հանգամանքը չի նսեմացնում նրանց պատմական արժէքը: Հին պատմագրութեան մէջ ընտանեցած ձեւ է, որի միջոցով եւ մեր հեղինակը պարզում է Յուստինիանոսի թշնամիների դիրքը նրա հետեւած քաղաքականութեան հանդէպ: Ընկճուած մանր ազգերը քաջածանօթ էին մեծ պետութեան ամենակուլ ախորժակին եւ անտեղեակ չէին բնաւ թէ ի՞նչ է անցնում պետութեան զանազան անկիւններում:

Պարսից դուռը ուղեց օգտուել կայսրութեան ներքին խլրտումներից ու դժգոհութիւններից եւ յայտարարեց պատերազմ: Յոյս ունէր մի քանի հարուածով տիրանալ Բիւզանդական հողերին մինչեւ Եփրատ:

Հայերը ներկայացան 539 թուի աշնան: Չմեռը պատրաստութեան մէջ անցաւ եւ յաջորդ գարնան սկսուեցին պատերազմական գործողութիւնները: Առաջի երեք տարին ռազմական դաշտն էր Միջագետք եւ Լազիկէ, այսինքն Հայաստանի հարաւային եւ հիւսիսային կողմերը: Միայն 543 թուին հակառակորդ բանակները ճակատեցին Հայաստանի հողի վրայ: Կայսերական զօրքերը երեք առաջով վերել յիշուած կայաններից դիմեցին դէպի Դուրին: Բախումը տեղի

ունեցաւ Անդղ դիւղի մօտ եւ Պարսիկները չարաչար պարտուեցին:

Ապստամբ Հայերը Վասակի եւ Արտաւանի գլխաւորութեամբ մասնակցում էին պարսկական շարժումներին: Սակայն նախ քան պարսկական զօրքերի Հայաստան անցնելը նրանք լքեցին Պարսիկներին եւ հաշտուելով կայսեր հետ քաշուեցին մայրաքաղաք եւ մտան պետական ծառայութեան մէջ: Արտաւանի առաջ բացուած էր նոր եւ լայն ասպարէզ:

* * *

Արտաւանը մենակ չէր: Նրա հետ էին իր եղբայր Յովհաննէսը եւ մի գունդ հայ քաջեր:

Բիւզանդական Աֆրիկայի նուաճումը եւ իսպաղեցումը տակաւին վերջացած չէր: Մերձ 545 թուականին կայսրը ուղարկեց Լիբիա Արիոբինդ ծերակուտականին, որ իր քրոջ աղջկայ, Պրիեկտայի, ամուսինն էր: Նրա բանակի մէջ էին ի միջի այլոց եւ Արտաւան ու Յովհաննէս Արչակունի եղբայրները իրենց կտրիճներով: Հասնելով Կարթագէն, Արիոբինդ իմացաւ որ Մաւրուսների (Մաւրեր) պետերը՝ Ստոդա եւ Անտալ(աս) իրենց ոյժերով կանգնած են երեք աւուր հեռուորութեան վրայ: Բախումը անխուսափելի էր: Հարեւան Նումիդիայից կայսերական զօրքերը օգնութեան չեկան հակառակ Արիոբինդի հրամանին: Տեղի ունեցաւ արիւնահեղ ճակատ: Բիւզանդական գունդը մեծ չէր եւ նրա զօրավարն էր Յովհաննէս Արչակունի, որ կուռեց հերոսաբար եւ ընկաւ պատերազմի դաշտում: Նրա կորուստը մեծ կսկիծ պատճառեց կայսեր:

Շուտով պարզուեց, որ Նումիդիայի զօրքերը դիտաւորեալ չէին եկել օգնութեան: Նրանց պետը՝ Գոնթար(իս) յանդուզն եւ փառատենչ անձն էր եւ չար ծրագիրներ էր որոճում՝ յափշտակել Աֆրիկայի իշխանութիւնը եւ իրեն թագաւոր հռչակել: Պէտք էր նախապէս կործանել Արիոբինդին, ուստի գաղտնի յարաբերութեան մէջ մտաւ Մաւրուսների հետ եւ նրանց դրդեց արշաւել Կարթագէն ընդդէմ Արիոբինդի: Մաւրուսների գլխաւոր Անտալին խոստացել էր յաջողութեան դէպքում նրան զիջանել Կարթագէնի նահանգը, Բիզակը:

Անտալի հետ էր եւ արշաւին մասնակից Մաւրուսների մի ուրիշ պետը, Կուլցին, որ թագաւորում էր Նումիդիայում: Արիոբինդը կարողացել էր սրան իր կողմը քաշել եւ

համաձայնութեան դալ, որ կուուի ժամանակ դաւաճանէ ընկերոջը եւ անցնի Բիւզանդական բանակը:

Արիորինդ, որ անտեղեակ էր Գոնթարի դաւերին, յայտնեց նրան իր եւ Կուցինի գաղտնիքը: Իսկ Գոնթար շտապեց նախազգուշացնել Անտալին:

Այսպէս երկու Մաւրուս իշխանները արշաւեցին Կարթագէնի վրայ ընդդէմ Արիորինդի, մէկը՝ պատրաստ դաւաճանելու իր ընկերոջ եւ անցնելու Արիորինդի կողմը, միւսը՝ կուսակից Գոնթարին, որ պիտի դաւաճանէր իր զորավարին՝ Արիորինդին:

Գոնթար, կամենալով կուուի ընթացքին վերացնել մէջտեղից Արիորինդին, համոզեց նրան անցնել զօրքի գլուխը եւ անձամբ յարդարել ճակատը Մաւրուսների դէմ:

Արիորինդը, որ գինուորական արհեստին անփորձ էր բոլորովին, երբեք զէնք ու զրահ չէր առած ձեռքը, վարանում էր պատերազմի ելնել եւ իր անձը անխոհեմաբար փորձանքի ենթարկել: Այս դանդաղկոտութիւնը կարծել տուեց Գոնթարին, որ Արիորինդը գլխի է ընկել եւ ուրեմն իր դաւադրութիւնը բացուել է: Գոնթար շտապեց դիմակը հանել, մտաւ Կարթագէն, զօրքը գրդուեց Արիորինդի դէմ, ամբաստանելով նրան, որպէս մի վեհերոտ անձն, որ խուսափում է կուուել թշնամու դէմ եւ պատրաստուում է փախչել, հետը տանելով այն գանձը, որ նշանակուած է զօրքերի համար: Գոնթար առաջարկեց զրգուած զօրականներին ձերբակալել Արիորինդին եւ տիրանալ նրա գանձին:

Զօրքը հուշակեց Գոնթարին սպարապետ Արիորինդի տեղ: Այս կացութեան հանդէպ Արիորինդը ուզում էր փախչել դէպի մայրաքաղաք: Ահա այստեղ է, որ Արտաւան յառաջ նետուեց, խորհուրդ տուեց գնալ ապստամբ Գոնթարի դէմ եւ խեղդել խռովութիւնը իր սաղմի մէջ: Արշակունի իշխանը հաւաքեց իսկոյն հայ կտրիճներին, առաւ եւ մի քանի այլ զինուորներ, որ մնացել էին հաւատարիմ, և նետուեց Գոնթարի վրայ: Արտաւանը քաջութեան հրաշքներ գործեց կոտորելով բազմաթիւ թշնամիներ: Սակայն Արիորինդը որ երբեք արիւն չէր տեսած, սարսափելով սոսկալի կոտորածից, խոյս տուաւ եւ թաղնուեց ծովափեայ մի եկեղեցու մէջ, ուր պահուած էին նրա կիներ եւ ընտանիքը: Գուուր հետեւեց Արիորինդին: Արտաւան չկարողացաւ փախուստի առաջն առնել, մնաց մենակ եւ ստիպուեց ինքը եւս թողնել կուուի դաշտը:

Գոնթար տիրացաւ Արիորինդի տան եւ գանձերին: Քաղաքի եպիսկոպոսին միջնորդ ուղարկեց նրա մօտ, որ գայ

իրեն ներկայանալու, խոստանալով նրան ապահովութիւն : Ժամանակի սովորութեան համաձայն բռնակալը երդում կերաւ մկրտութեան աւագանի վրայ, որ չարիք չի հասցնի Արիորինդին: Սա հաւատաց եւ գնաց ընկաւ յաղթողի ոտքերը: Գոնթար խօսք տուաւ արձակել նրան եւ ուղարկել մայրաքաղաք կնոջ հետ միասին, այլ եւ դարձնել գրաւած գանձերը: Այնուհետեւ ընթրիքի կանչեց և առաջարկեց վերջին գիշերը անցնել իր նախկին բնակարանում եւ առաւօտեան ուղեւորուել մայրաքաղաք: Սակայն այս լոկ թակարդ էր: Գոնթար գրծեց իր խոստման եւ գիշերը խողխողել տուաւ միամիտ հիւրին:

Սպանուածի կիներ եւ քոյրը ընկան Գոնթարի ձեռքը, որոնց սակայն պատուով պահեց եւ կնոջը, Պրիեկտային, ստիպեց գրել կայսրին, որ Գոնթարը միանգամայն անսլարտ է իր ամուսնու, Արիորինդի, կորստեան համար եւ որ ինքը դո՛հ է նրա վերաբերմունքից: Գոնթար յոյս ունէր այս կերպով թագաւորին հաճոյանալ եւ նրա հաւանութիւնը առնել ամուսնանալու Պրիեկտայի հետ հարուստ օժիտով:

Արիորինդի հետ Արտաւանը եւս հնազանդուել էր Գոնթարին: Զօրավարի սպանութիւնը եւ նրա ընտանիքի գերութիւնը դէպքեր էին, որ չէին կարող չազդել դիւրագոյաց հայ իշխանի վրայ: Պատժել չարագործին իր կրկնակի ոճիրի, բռնութեան եւ սպանութեան, համար Արտաւանը համարում է մի սրբազան պարտք: Նա խորհում է սպանել Գոնթարին:

Արտաւանի մտերիմներն էին իր ազգական Գրիգորը, որ թւում է թէ իր քեռորդին էր, Վասակ Մամիկոնեանի որդին, եւ իր նիզակակիրը՝ Արտաշիրը, հաւանօրէն, նոյնպէս Արշակունեաց տոհմից: Արտաւանը իր գաղտնիքը մերկայաւ այս երկու անձերին:

Մամիկոնեան դաւակը իսկոյն բորբոքուեց իր ղեղին յատուկ արկածախնդրական ոգով և սկսեց աւելի եւս զրգուել իր քեռուն, վառել նրա մէջ փառասիրական տենչերը:

Ահա ինչպէս էր խօսում Գրիգորը. «Արտաւան, այժմ քեզնից է կախուած միայն օգտուել քեզ փիճակուած առիթից եւ պսակել գլուխը փառքով, որպէս Վելիսարը, եւ անգամ մեծապէս գերազանցել նրան: Արդարեւ, Վելիսարը եկաւ այստեղ մեծաքանակ զօրքով, խոչոր դրամական միջոցներով, ընկերակցութեամբ բազմաթիւ աշխատակիցների եւ զօրականների: Թողնենք ուժեղ նաւատորմը, որ այժմ մեզ անմատչելի է: Նա ունէր իր ձեռքի տակ զօրաւոր հեծելապուծներ, շատ եւ շատ գործիքներ եւ ամեն տեսակ պատրաստութիւն, վայել հռովմէական պետութեան արժանապատ-

ուրթեան: Այսպիսի պայմաններում Վելիսարը նուաճեց Լիբիան եւ այն մեծ դժուարութեամբ:

Սակայն նրա ջանքերը ի դուր անցան: Այժմ այնպիսի դրութեան մէջ է պետութիւնը, կարծես ոչինչ չէ կատարւել, բացի այն որ Վելիսարի յաղթութիւնները թանգ նստան անհամար մարդկանց կորուստով եւ պետական միջոցների վատնումով ու ստեղծեցին մի վիճակ, որ պետութիւնն անկարող է այլեւս պաշտպանել իր շահերը: Ճար անել այս կացութեան, բարուոքել կայսրի գործերը կարող ես միմիայն դո՛ւ: Ամեն ինչ կախուած է քո տրամադրութիւնից: Պէտք չէ մոռնաս մանաւանդ, որ դու Արշակունեաց տոհմիցն ես: Սորհի՛ր, մարդիկ, որ ազնուական ծագում ունեն, պարտաւոր են ամեն տեղ եւ ամեն ժամանակ փայլել արիութեամբ: Դու արդէն մեծ եւ քաջ գործեր ես կատարել ազատութեան համար: Տակաւին երիտասարդ, դու սպանեցիր Ակակին, Հայաստանի կառավարչին, եւ Սիտտային, հոովմէական սպարապետին: Անցար Սոսրով թագաւորի կողմը եւ մասնակցեցիր նրա արշաւանքներին ընդդէմ կայսրի:

Արդ, քանի որ այդպէս կտրիճ ես եղել, քո պարտքդ է՝ թոյլ չտալ, որ արբած չունը իշխէ Հոովմէական կայսրութեան: Տոյց տուր այժմ, ո՛վ քաջ, որ բոլոր նախկին սխրագործութիւններդ կատարել ես միմիայն հոգուդ ազնւութիւնից եւ արիութիւնից: Ինչ վերարբերում է ինձ եւ Արտաշիւրին, մենք քո ձեռքին ենք եւ կ'օժանդակենք քեզ մեր բոլոր ոյժերով»:

Պատմագրի յերիւրած ճառը ամեն սարազայի բնորոշում է հայերի լարուած դրութիւնը Գոնթարի բանակում: Գոնթար գժտուել էր իր դաւադրութեան մասնակից Անտալ մաւրուս իշխանի հետ: Հակառակ պայմանի նա բաժին չէր հանել Անտալին յաղթուած թշնամու գոյքից եւ զինուորներից: Գոնթար բաւականացել էր միայն Արհորինդի գլուխը զրկելով Անտալին որպէս նուէր: Մաւրուս իշխանը գայրացած լքել էր արդէն իր երբեմնի զինակիցին եւ միացել կայսերական զօրքերի մնացորդներին Բիզակում:

Գոնթար պատուիրեց Արտաւանին գնալ Անտալի վրայ եւ ջարդել նրա ոյժերը: Արտաւան արդարեւ յաղթեց Անտալին եւ ի փախուստ դարձրեց նրա զօրքը: Սակայն փոխանակ հետապնդելու, Արտաւան հրամայեց իւրայիններին յետ դառնալ: Գոնթարի զինակիրներից մէկին, Ուլիթէ(ոս) անունով, այս բանը կասկածելի թուաց: Ուզում էր ամբաստանել Արտաւանին որպէս դաւաճանի: Արշակունի իշխանը հարկաւոր բացատրութեամբ ցրեց ամեն մի կասկած եւ

միեւնոյն ժամանակ խորհուրդ տուեց Գոնթարին ելնել աւելի մեծ զօրքով ընդդէմ վտանգաւոր թշնամու եւ ջախջախել ընդմիջտ նրա ոյժերը:

Գոնթար վճռեց հետեւել Արտաւանի խորհրդին: Արշաւանքի նախօրեակին նա մեծ խնջոյք սարքեց եւ հրաւիրեց բոլոր զօրականներին, նրանց թուում էր եւ Արտաւանը իր մերձաւորներով:

Սեղանը յարդարուած էր մեծ դահլիճում, ուր հնուց կային երեք բազմոց: Առաջին վրայ բազմեց ինքը Գոնթար իր համախոհներով, Արտաւանը եւ Պետրոս անունով մի թրակացի, որ զինակիր էր եղած Սողոմոնի, Լիբիայի նախկին կառավարչի: Միւս երկու բազմոցները բռնեցին Վանդալ զօրագնդի առաջնորդները: Բարեյաջող առիթ էր սպանելու բռնակալին: Այս միտքն էր որ խռովում էր Արտաւանին, վաղուց ծրագրած լինելով սպանութիւնը: Գրիգորին եւ Արտաշիւրին, ինչպէս եւ իր միւս զինակիր հայերին յայտնեց իր մտադրութիւնը, եւ պատուիրեց, որ նրանք ճաշի ժամանակ, ինչպէս ընդունուած էր, կանգնեն իր ետեւը, սրերը ձեռքին:

Դաւադրութեան ծրագիրը մշակուած է պարագայօրէն: Նախայարձակը պիտի լինէր Արտաշիւրը: Գրիգորը պատուէր ունէր ընտրել հայ տղաներից ամենաքաջերին եւ տանել արքունիք ու թողնել նախասրահում, Գոնթարի պահապանների կողքին: Կարիք չկար նրանց յայտնելու գործի էութիւնը: Նրանց ասելու էր, որ կասկած կայ թէ մի գուցէ Արտաւանին ճաշկերոյթի են հրաւիրել՝ նրա կեանքի դէմ դաւ սարքելու դիտաւորութեամբ: Ուստի նախազգուշութեան համար պէտք է որ Գոնթարի պահակի մօտ կանգնած սպասէին: Այլ եւ ձեւանալու էին իբրեւ թէ կատակ են անում, վահանները ձեռքերին խաղացնելով, վեր ու վայր ձգելով, պտտցնելով, եւ հէնց որ խառնաշփոթի աղաղակներ լսուէին ներսից, պէտք է վահանները հագած՝ օգնութեան վազէին:

Բուն սպանութեան գործը յանձնուած էր Արտաշիւրին որ Գրիգորի հետ որպէս թիկնապահ կանգնելու էր Արտաւանի ետեւը սեղանի շուրջը: Այս դիրքում թիկնապահները իրաւունք չունէին վահան կրելու: Ուստի Արտաշիւր պաշտպանութեան մի այլ միջոց խորհեց: Սլաքի կոթերը կտարրտելով շարեց ձախ արմուկի վրայ, փաթաթեց կաշիով եւ սքօղեց վերարկուի թեզանիքով: Կուռի ժամանակ այդ ձեռքը կարող էր վահանի տեղ ծառայել հակառկորդի հարուածի դէմ:

Այս պատրաստութիւնից յետոյ Արտաշիւր դարձաւ Ար-

տաւանին հետեւեալ խնդրով. «Ահա այս սրովս կը հարուածեմ Գոնթարին, իսկ թէ հետեւանքը ի՞նչ կը լինի, չգիտեմ: Արդեօք Աստուած, բարկանալով բռնակալի վրայ, կ'օգնէ՞ ինձ այս խիզախ գործում, թէ ուզենալով ինձ պատժել որեւէ մեղքիս համար կը խանգարէ ձեռնարկս: Իսկ դու, եթէ տեսնես որ հարուածս մահացու չէ, մի կասիր իսկոյն խողխողել ինձ նոյն սրով: Ապա թէ ոչ կարող են ինձ կտտել եւ բերանիցս խօսք հանել, որ ոճիրը կատարել եմ քո խորհուրդով եւ այսպէս կը կորչեմ ես նշաւակութեան մահով եւ կը կործանեմ քեզ ակամայ մատնութեամբ»:

Արտաշիր, Գրիգոր եւ մի ուրիշ նիզակակիր մտան սրահը եւ կանգնեցին Արտաւանի ետեւը: Հացկերոյթը սկսուեց: Արտաշիրը մտահոգ սպասում էր յարմար վայրկեանին: Ահա արդէն ձեռքը տանում էր դէպի սուրը: Սակայն Գրիգորը չթողեց եւ ասաց հայերէն լեզուով, թէ Գոնթարը դեռ զգաստ է, բաւական չափով գինի չէ խմել:

Արտաշիր հառաչ քաշեց եւ ասաց. «Լսի՛ր, ինձ խանգարեցիր այն պահուն, երբ ես սիրտ էի առել հարուածելու լաւ չարիք»:

Որախճանքը շարունակում էր, Գոնթարն արդէն զրւարթացել էր գինուց եւ առատաձեռնօրէն սեղանից բաժին էր հանում գինակիրներին: Ով որ ստանում էր, հեռանում էր դուրս սրահը, այնտեղ ճաշակելու: Բոլորը քաշուեցին, մնացին երեք հոգի, որոնցից մէկն էր վերեւ յիշած Ուլիթէ(ոս)ը:

Արտաշիր եւս դուրս էր եկել իր ընկերների հետ: Յանկարծ միտքը եկաւ, որ եթէ սուրը պատեանից հանէր, ոչ ոք նրան չէր կարող արգելել: Անմիջապէս սուրը հանեց, պատեանը մի կողմը նետելով, թեւի տակ ծածկեց վերարկուով եւ մտաւ դահլիճը: Մօտեցաւ Գոնթարին, որպէս թէ գաղտնիք ունէր յայտնելու:

Արտաւանը նկատեց եւ սկսեց յուզուել: Ներքին կոխը փոթորկում էր նրա հոգեկան անդորրորութիւնը: Գլուխը թափահարում էր, գունատում եւ թւում էր թէ միեւնոյն ժամանակ ոգեւորում էր գործի փառահեղութեամբ:

Թրակացի Պետրոսը գլխի ընկաւ, բայց ոչինչ չասաց, որովհետեւ ի ներքուստ համակրում էր գործին:

Երբ որ Արտաշիրը մօտեցաւ Գոնթարին, սպասաւորներից մէկը հրեց նրան, Արտաշիրը թեքուեց այնպէս որ սպասաւորի աչքին ընկաւ մերկացած սուրը. «Այդ ի՞նչ է, բարեկամ», գոռաց նա: Գոնթար ձեռքը աջ ականջին դրած՝

դարձաւ դէպի Արտաշիրը: Ճիշտ այդ պահին իջաւ սուրը նրա գլխին, եւ կտրեց գանկի կէսը մատերի հետ:

Պետրոսը բարձրաձայն խրախուսում էր փշրել մեծագոյն չարագործին:

Գոնթար ցատկեց տեղից: Արտաւանը, որ նստած էր ոչ հեռու, հանեց երկսայրի սուրը եւ մխեց նրա աջ կողքը մինչեւ կոթը եւ թողեց ցցուած: Գոնթարը ի զուր փորձեց վեր կենալ: Հարուածը մահացու էր եւ նա թաւալեց տեղնուտեղը:

Ուլիթէ(ոս) շարժեց սուրը, որ զարկէ Արտաշիրին: Սակայն վերջինս դէմ դրաւ սլաքի կտորներով զրահաւորւած ձեռքը, հարուածը յետ մղեց եւ ինքը յարձակուելով սպանեց Ուլիթէին առանց դժուարութեան:

Արտաւանը եւ Պետրոսը վերցրին մէկը՝ Գոնթարի եւ միւսը՝ Ուլիթէի սուրը եւ սկսեցին կտտորել մնացած նիզակակիրներին: Բարձրացաւ, բնականօրէն, մեծ ժխոր: Այն հայերը, որ կանգնած էին դուրսը Գոնթարի մարդկանց կողքին, հէնց որ լսեցին աղմուկը, սուրացին ներս, ինչպէս որ հրամայուած էր, եւ ջարդեցին Գոնթարի կողմնակից Վանդալ իշխաններին առանց լուրջ դիմադրութեան:

Գոնթարի պահակը, կատարուած եղելութեան առաջ, ստիպուած էր յարել յաղթական հայերին:

Այսպիսի եղերական վախճանով կործանուեց ապրստամբ Գոնթարը, թագաւորելով միմիայն երեսուն եօթն օր: Յուստինիանոսի տասնեւիններորդ տարին էր, այսինքն՝ 545 թիւը:

Արտաւան այս գործով մեծ անուն հանեց ամբողջ կայսրութեան մէջ: Արիոսինդի կինը, Պրիեկտան, պարգեւեց նրան մեծ գանձ, իսկ կայսրը նշանակեց Լիբիայի ընդհանուր սպարապետ:

Շատ չանցաւ, եւ Արտաւանը խնդրեց կայսեր թոյլատրել վերադառնալ մայրաքաղաք: Կայսրը կատարեց խնդիրը եւ նրա տեղ նշանակեց Լիբիա մի ուրիշ անձն, որ կոչուում է Յովհաննէս, եղբայր Պապի: Կարծիք կայ, որ սա եւս հայ էր: Բայց հարցը մեր ներկայ խնդրից դուրս է:

Մայրաքաղաքում սկսում է Արտաւանի կեանքի մի նոր արարը:

* * *

Արտաւանը, Արշակունեաց վտարանդի դաւակը, գեղեցիկ էր եւ բարեկազմ, կեցուածքը՝ ազնուական, շարժումները՝ վեհ, խօսքը՝ չափած: Լիբիայի արկածից յետոյ ժողո-

վրդական պաշտելի հերոս դարձաւ: Պերճ մայրաքաղաքը խոնարհել էր նրա առաջ:

Անտարբեր չէր դէպի քաջարի Արտաւանը մանաւանդ Պրիեկտա, Արիսթինդի կինը, որին փրկել էր հայ կտրիճը Գոնթարի անհաճոյ գրկից: Արտաւանը սիրահարուած էր: Տակաւին Լիբիայում իրար խօսք էին տուել: Երբ Պրիեկտան վերադարձաւ իր գերութիւնից մայրաքաղաք, Արտաւանը քիչ յետոյ հետեւեց նրան: Թողեց Լիբիայում այն բարձր պաշտօնը, որ արդար գինն էր իր մեծագործութեան: Այժմ Արտաւանը համարուում էր արդէն Պրիեկտայի նշանածը եւ ցանկանում էր ամուսնանալ:

Բոլոր նշաններից երեւում է որ Արտաւանի տարփանքն է իսկապէս խմորել Գոնթարի սպանութեան դաւադրութիւնը: Պրիեկտայի սէրն է, որ մղել է նրան դէպի եղեռնը: Ժամանակակից պատմագիրը ոչ մի բանաւոր հիմք չէ յիշում Արտաւանի գործի համար: Ի՞նչ էր սպանութեան իրական շարժառիթը, մնում է մութ: Պէտք է ասել, որ Պրոկոպ պատմագիրը մի տեսակ հեղնանքով է պատմում Լիբիայի արկածը: Հեզնանք, որ երբեմն ծաղրի է փոխուում: Ինքը յայտնի Վելիսար զօրավարի քարտուղարն է եղել, մեծ պաշտամունք ունի դէպի իր տէրը եւ նախանձով է վերաբերում դէպի ամեն մի անձ, որ կարող էր նսեմացնել Վելիսարի անունը որեւէ սիրագործութեամբ: Այս է պատճառը, որ պատմագրի հեզնութիւնը միշտ միեւնոյն աստառն ունի, որ Արտաւանը կամ Արտաշիրը ուրիշ մղում չունէին իրենց դաւադրութեան քան աշխարհք զարմացնել, Վելիսարին նմանել: Պատմագիրն այս դէպքում հանդէս է գալիս, անտարակոյս, որպէս մի հետեւակ հոգեբան քան անաչառ դիտող: Նա տրամադիր չէ արժէք տալու Արտաւանի եւ Պրիեկտայի սիրային մտերմութեան, այլ ընդհակառակը աշխատում է վարկաբեկել նրանց սէրը: Արտաւան որպէս թէ յարել էր Պրիեկտային, յուսալով որ այնուհետեւ հեշտ է ձեռք մեկնել կայսերական թագին: Յիշենք, որ Պրիեկտան Յուստինիանոսի քոջ ազդիկն էր, ուրեմն կայսերական տանից էր: Իսկ Պրիեկտայի մասին ասում է, որ ոչ թէ իսկական սէրն էր, այլ աւելի երախտագիտութեան զգացումը, որ տանում էր նրան դէպի Արտաւանը, իր ազատարարը: Նա էր, որ Պրիեկտայի ամուսնու վրէժն էր լուծել, նա էր, որ ազատել էր իրեն՝ Պրիեկտային Գոնթարի ճիրաններից: Թէ յիրաւի սիրային կիրքը կարող էր ներշնչած լինել Լիբիայի դռամը, երեւում է նրանից, որ նոյն կիրքը ընդունակ եղաւ գրգռելու Արտաւանին դէպի անհամեմատ աւելի խիզախ եւ աւելի մեծ

գործ: Այդ էր դաւադրութիւն Յուստինիանոսի դէմ իր մայրաքաղաքի մէջ:

Պատմագիրը սկսում է Արտաւանի յանդուգն ծրագրի պատմութիւնը մի բարոյական խորհրդածութեամբ: Երբ մարդ բարձրանում է անապասելի կերպով բախտի թեւերի վրայ, նա չի կարողանում կանգ առնել ստացած երջանկութեան վրայ. նայում է յառաջ, ձգւում է աւելի հեռուները, մինչեւ որ կորցնում է ամեն ինչ տարապարտուց: Արտաւանը հասել էր փառքի բարձունքին: Կայսրը զարդարեց նրան մեծամեծ պատիւներով: Լիբիայի զօրապետութիւնը թողնելուց յետոյ նա նշանակուեց մայրաքաղաքի ոյժերի ղլխաւոր: Կայսրը պարզեւեց հիւպատոսութեան պատիւ: Բախտը ժրպտում էր նրան ամեն կողմից: Մնում էր միայն Պրիեկտայի սէրը վայելել, եւ այդ չյաջողեց:

Արտաւանը ամուսնացած էր երիտասարդ հասակում: Կինը հայ էր եւ մինչեւ իսկ Արշակունեաց ցեղից: Արտաւանը թողել էր նրան իր հայրենիքում: Կինը հլու տարել էր անջատման ծանրութիւնը: Բայց երբ լսեց որ Արտաւանը շնորհիւ իր քաջագործութեան, հանգամանքների յաջող բերումով, հռչակուել էր ամբողջ կայսրութեան մէջ, չգիմացաւ այլեւս իր անփառունակ վիճակին եւ ճանապարհ ընկաւ դէպի Բիւզանդիա: Նա ներկայացաւ կայսրուհուն եւ խնդրեց նրան դարձնել իրեն իր ամուսնուն: Կայսրուհին, որ ամեն կերպ հովանաւորում էր անբախտ եւ լքուած կանանց, ստիպեց Արտաւանին հաշտուել կնոջ հետ եւ առնել նրան իր մօտ:

Պրիեկտան անցաւ ուրիշի ձեռքը: Սիրելի կնոջ կորուստը դառն կսկիծ թողեց Արտաւանի սրտում: Խոր խոցուած էր հայ իշխանը: Զայրացած յաճախ լսելի էր անում իր տրտունջը, որ այնքան ծառայութիւնների փոխարէն, որ մատուցել էր կայսրութեան, թոյլ չտուին անգամ առնել սիրած կնոջ եւ բռնադատեցին ապրել մէկի հետ, որ ատելի է եւ թշնամի իրեն:

Արտաւանը տանջուում էր ներքուստ: Անկարող էր ամոքել իր ցաւը: Հպարտ իշխանը վիրաւորուած էր, խայթուած: Ատում էր զրկանքի հեղինակներին: Հազիւ սանձում էր իր բորբոքուած կրքերը, որ սպառնում էին պայթելու:

Կար մի ուրիշ անձ, որ նոյնպէս դժգոհ էր եւ լի անհուն ատելութեամբ դէպի կայսրը: Իա իշխան Արշակն էր, որ նոյնպէս հայ էր եւ անգամ ազգակից Արտաւանի, այսինքն Արշակունեաց տոհմից էր:

Արշակը եւս նոր էր հեռացել հայրենիքից եւ թւում է թէ Արտաւանի հետ միաժամանակ եւ միեւնոյն պայմաննե-

րում: Ասում էին, որ Արշակը մեղանչել էր Յուստինիանոսի դէմ: Իբրև թէ միաբանելով Պարսից Խոսրով թագաւորի հետ, փորձել էր պետական յեղաշրջում յառաջ բերել կայսրութեան մէջ: Երեւի, ակնարկը վերաբերում է կայսրի դէմ լարուած որեւէ որոգայթի: Ինչ եւ է, կայսրը ներողամիտ էր գտնուել Արշակի նկատմամբ, ոչ դոյքն էր յափշտակել և ոչ էլ բանտ էր ձգել: Սակայն ծանր վիրաւորանք էր հասցրել նրան: Հրամայել էր ծեծել մտրակով, եւ յետոյ ուղտի վրայ դրած՝ ման ածել քաղաքը:

Արշակը խորապէս առնուած էր կայսեր վարմունքից և հնար էր որոնում խարդաւանել նրա եւ պետութեան դէմ: Բնական է, որ կարեկցութիւն զտաւ նախ եւ առաջ իր հայրենակցի, Արտաւանի, կողմից:

Արշակը սկսեց այնուհետեւ գրգռել Արտաւանին, խայթելով նրա ինքնասիրութիւնը, շարժել, ոտի հանել նրան Յուստինիանոսի դէմ: Նախատում էր Արտաւանին նոյնիսկ այն բանի համար, որ նրա փառք ու պարծանքն էր նկատուում: «Տղամարդութիւնը, որ ցոյց տուիր, ասում էր Արշակը, բնաւին անդէպ էր եւ վայել միմիայն կնոջ: Հերոսի անուն վաստակեցիր ուրիշների թշուառութեան գնով, հռչակ ստացար որպէս տապալիչ ապօրինի իշխանութեան, մինչ յօժարեցիր սպանել ի զուր տեղը Գոնթարին, որ բարեկամդ էր եւ հիւրասիրողդ: Իսկ այժմ արիութիւնդ կորցրած՝ նստել ես այստեղ վեհերոտ, այն ինչ մեր հայրենի երկիրը, բրոնուած ամենուրեք պահնորդ զօրքերով, հեծում է անլուր հարկերի ծանրութեան տակ: Հօրդ սպանեցին բանակցութեան եւ հաշտութեան հրապուրով, ցեղակիցներիդ ստորկացրին գլխովին, և այժմս ցրում են նրանց շարունակ կայսրութեան բոլոր ոլորտները: Այսպիսի պայմաններում ահա, դու Արտաւան, կարծում ես որ մեծ բան է, որ հոռովմէական զօրավար ես և կամ կրում ես հիւպատոսի տիտղոս: Դու նոյն իսկ կարեկցութիւն չես ցոյց տալիս ինձ, որ ազգականդ եմ, այն դառնագին անարգանքի համար, որ ես կրեցի: Ինչ վերաբերում է ինձ, ես ցաւում եմ, ո՛վ բարեկամ, որ այնպէս անբախտ եղար կանանց խնդրում, մինչ մէկից զրկուեցիր անարժանապէս, իսկ միւսի հետ ապրել հարկադրուեցիր հակառակ կամքիդ: Այս բոլորից յետոյ ի՞նչ կասկած, որ ամեն ոք, որ դոյզն ինչ ինքնասիրութիւն ունի, չի սասանի, որքան էլ անվճռական լինի կամ երկչոտ, ձեռք բարձրացնել Յուստինիանոսի վրայ, որը նստած իր սենեակում առանց թիկնապահների, օրն ի բուն մինչեւ խոր գիշերը ծերունի

եպիսկոպոսների հետ ծամծամում է եռանդով քրիստոնէական դաւանանքները»:

Այսպիսի ճառերով Արշակը գլխից հանեց Արտաւանին: Երբ տեսաւ որ մեծ զօրավարը կակղել է, դիմեց մի ուրիշ հայի, որ Պարսկական Հայաստանիցն էր, եւ որի անունն էր Քանարանգ, եւ ջանաց նրան եւս խառնել գործին: Քանարանգը երիտասարդ տղայ էր, շատ գեղեցիկ, բայց ոչ խելահաս եւ բնաւորութիւնը բաւականին երեխայական էր: Իժուար չէր նրան համոզել:

Արշակը երկու հայրենակիցների հաւանութիւնը երաշխաւորելուց յետոյ, փորձեց թեքել իր կողմը նաեւ Գերմանին, որ կայսեր եղբորորդին էր եւ դրան ազդեցիկ անձերից մէկը:

Արտաւանի հետ խօսելիս Արշակը ակնարկել էր որ Յուստինիանոսը մէն մենակ է, ազգականների հետ գժտուած եւ ուրեմն օգնութիւն յուսալ նրանցից չէ կարող: Ակնարկը վերաբերում է իսկապէս Գերմանին: Սրա եղբայրը մեռնելիս՝ թողել էր իր ժառանգութիւնը Գերմանին պայմանով որ իր կինը եւ աղջիկը ստանան իրենց օրինական բաժինը: Յուստինիանոսը միջամտել էր, հովանաւոր ձեւանալով հանգուցեալի կնոջ եւ դստեր շահերի: Այս առթիւ Գերմանի յարաբերութիւնները կայսրի հետ լարուել էին եւ անգամ դարձել թշնամական:

Գերմանը երկու որդի ունէր, երկուսն էլ տակաւին երիտասարդ, տաքարիւն եւ զրգռուած կայսեր դէմ: Արշակը յոյս ունէր, ինչպէս հաւատացնում էր Արտաւանին, որ այս երկու եղբայրները ոչ միայն կը միանային դաւադրութեան, այլ եւ նախաձեռնութիւնը իրենց վրայ կառնէին: Աւագ եղբայրը, Յուստին, տղայ էր, մօրուսը հազիւ բողբոջած, բայց յայտնի էր ձեռնարկու եւ ներհուն ոգւով: Հիւպատոսութեան տիտղոսի էր արժանացել:

Սրան դիմեց Արշակը եւ խնդրեց ժամադրութիւն գաղտնի եւ կարեւոր խօսակցութեան համար: Հանդիպումը տեղի ունեցաւ եկեղեցու մէջ:

Արշակը նախ երդում տուաւ Յուստինին, որ խօսակցութիւնը իրենց մէջ կը մնայ եւ ոչ ոքի՛չի յայտնի բացի թերեւ իր հօրից: Այնուհետեւ սկսեց պարսաւել, երեսովը տալ, որ այնպէս անտարբեր է դէպի քաղաքական կեանքը: Կայսեր մօտ ազգական լինելով, ներելի է համարում, որ պետական բարձր պաշտօնները վարեն աննշան եւ ստորին ծագումով անձեր: Ինքը պարապ նստած գոհանում է հանդիսատեսի ամուլ դերով: Կայսրը պարզապէս քամահրում է,

բանի տեղ չէ դնում ոչ միայն իրեն Յուստինին, այլ անգամ հօրը, որ անպայման վաստակաւոր ոք է, եւ կրտսեր եղբորը, որին վիճակուած է մնալ ամբողջ իր կեանքում մասնաւոր մարդու համեստ դերի մէջ: Ծարունակելով իր խօսքը, Արչակը յիշեցնում է Յուստինին, ինչպէս իր ապիկարութեան պատճառով չկարողացաւ անդամ ստանալ իր հօրեղբոր ժառանգութիւնը, որ կտակով իրեն էր թողած եւ որի մեծ մասը ձեռքիցը ընկաւ շնորհիւ կայսեր անարդար միջամտութեան: Արչակի կարծիքով, Յուստինի եւ իւրայինների վիճակը աւելի եւս պիտի վատթարանայ, երբ Իտալիայից վերադառնայ Վելիսարը, որ արդէն, լուրերի նայելով, ճանապարհին է եւ հասել է Իլիրիա:

Այսպիսի գրգռիչ ճառերով Յուստինի միտքը պղտորելուց յետոյ Արչակը առաջարկեց նրան ծառանալ Յուստինիանոսի դէմ, միանալով ծրագրուած դաւադրութեան: Պարզեց գործի էութիւնը, չծածկեց նաեւ ինչ որ խօսել էր Արտաւանի եւ Քանարանգի հետ:

Յուստինը լսելով այս բոլորը շփոթուեց, այլայլուեց, եւ յայտնեց պարզ եւ պարզ, որ ոչ ինքը եւ ոչ իր հայրը չեն կարող այդպիսի առաջարկ ընդունել:

Արչակը պատմեց ամեն ինչ Արտաւանին, իսկ Յուստինը լուրը տարաւ իր հօրը: Վերջինս հաղորդեց որդու խօսակցութիւնը պալատական գործերի պետին՝ Մարկելլ անունով անձին: Գերման եւ Մարկելլ խորհուրդ արին եւ սրոչեցին, որ վաղաժամ է եւ իրենց համար թերեւս վտանգաւոր այս մասին զեկուցում տալ կայսեր:

Մարկելլը լրջմիտ, ծանր բնաւորութեան տէր մարդ էր. սիրում էր գործել լուրեւայն: Անշահասէրի համբաւ ունէր իր պաշտօնէութեան մէջ, թեթեւամիտ ճառերի եւ գործերի կողմնակից չէր: Մասնաւոր կեանքում եւ բաւականին խստակեաց էր, հեռու զուարճութիւններից եւ խրախճանքներից: Նախանձախնդիր էր մանաւանդ արդարութեան եւ ճշմարտութեան: Ահա այս մարդն էր, որ չթողեց որ գործը հասնի կայսեր: «Ի՞նչ օգուտ քեզ, ասաղ նա Գերմանին, մասնութիւն անել այս գործում: Եթէ փորձես խօսել կայսեր հետ ծածուկ, Արտաւանի կուսակիցները իսկոյն եւ եթ պէտք է կասկածեն, որ մատնիչը դու ես: Եւ եթէ Արչակը փախչի, ամբաստանութիւնը կը մնայ անապացոյց: Գալով ինձ, ես սովոր չեմ հաւատ ընծայել մի բանի, որ ինքս անձամբ չեմ ստուգել, եւս առաւել տեղեկացնել կայսեր: Կը ցանկայի ականջովս լսել այդ մարդու խօսակցութիւնը. կամ սարքե-

լու է այնպէս որ լսի իմ վստահելի եւ հաւատարիմ անձերից մէկը»:

Գերմանը պատուիրեց իր որդուն, Յուստինին, կատարել Մարկելլի ցանկութիւնը: Սակայն Յուստին այլեւս չէր կարող յուսալ տեսակցել Արչակի հետ, քանի որ բաց է բաց մերժել էր նրա առաջարկը: Պորհեց դիմել Քանարանգին եւ նրան հարցնել, արդեօք Արտաւանի գիտութեամբ էր Արչակը եկել իր մօտ:

«Այսպիսի գործերում, դարձաւ նա Քանարանգին, իմ կողմից մեծ անդգուցութիւն կը լինէր վստահանալ Արչակի նման մի մարդու: Այլ է, եթէ դու հաճես բերանդ բանալ, այն ատեն, թերեւս, միասին ընդհանուր ոյժերով գործը զլուխ բերենք»:

Քանարանգ նախապէս Արտաւանի հաճութիւնն առաւ եւ ապա կրկնեց Յուստինին ինչ որ իրեն Արչակն էր ասել: Յուստինը ձեւացաւ, որպէս թէ հաւանեց ծրագիրը եւ խոստացաւ համոզել իր հօրը եւս:

Հայրը, Գերմանը, ցանկացաւ անձամբ բանակցել Քանարանգի հետ: Նշանակեցին տեսակցութեան օրը: Գերմանը իմաց տուաւ Մարկելլին եւ խնդրեց, որ մի վստահելի մարդ զրկէ լսելու Քանարանգին իր ականջով: Մարկելլը գործը յանձնեց Ղեւոնդ անունով մի անձի, որ յայտնի էր արդարասիրութեամբ եւ ճշմարտախօսութեամբ: Գերմանը սրան թագրեց իր տանը վարագոյրի ետեւ եւ հնարաւորութիւն տուաւ նրան հետեւելու Քանարանգի խօսակցութեան: Անգէտ, որ ծուղակի մէջ է, Քանարանգը պատմեց ինչ որ խորհել են Արտաւանը, Արչակը եւ ինքը: Յիշեց, որ վտանգաւոր են համարել գործը սկսել Վելիսարի բացակայութեան, երկիւղ կրելով, որ սա քաղաք հասնելով կարող է իրենց դէմ ելնել եւ վնասել: Մինչեւ անգամ եթէ յաջողեն տապալել Յուստինիանոսին նախքան Վելիսարի գալը, դարձեալ վստահ չեն, որ Վելիսարը անգործ մնայ: Հաւանական է, որ մեծ զօրք կը հաւաքէ Թրակիայում եւ կը յարձակուի մեզ վրայ: Ահա ինչու աւելի նպատակաշարժար են նկատել դաւադիրները՝ սպասել Վելիսարի գալստեան: Այն ատեն միայն նշանակուած օրը սուսերամերկ եւ յանկարծակի խուժել դէպի արքունիք, երեկոյեան դէմ երբ մութր կը կոխի, եւ խողխողել կայսրին, Մարկելլին եւ Վելիսարին միաժամանակ: Այսպիսով ամեն մի վտանգ փարատուած կը լինի եւ յաղթական դաւադիրները տէր կը դառնան գահին եւ տէրութեան:

Թագնուած Ղեւոնդը լսեց այս բոլորը եւ հաւատարմութեամբ տեղ հասցրեց: Սակայն Մարկելլը պատշաճ չզտաւ

անմիջապէս զեկուցանել կայսրին: Հապճեպ վճռականութիւնը կարող էր վնասել Արտաւանին տարապարտուց: Մարկելլը արդարասէր էր: Գերմանը տեսնելով, որ Մարկելլը ձգձգում է գործը եւ վախենալով որ ինքն էլ կասկածի տակ կ'ընկնի, շտապեց բանալ գաղտնիքը Կոստանդին եւ Բուզ անձերին:

Գերմանի երկիւղն արդարացաւ: Մի քանի օրից յետոյ լուր եկաւ, որ Վելիսարը մօտ է քաղաքին: Մարկելլը, որ հաւանօրէն նրա գալուն էր սպասում, պատմեց կայսեր դործի էութիւնը: Արտաւանի մարդիկը իսկոյն եւ եթ կալանաւորուեցին: Նշանակուեց քննութիւն: Երբ հարցուփորձը վերջացաւ եւ արդիւնքը արձանագրութեամբ ներկայացրին կայսրին, սա նշանակեց իր պալատում յատուկ ատեան ծերակուտականներից: Ատեանը մեղապարտ հռչակեց Գերմանին եւ իր որդուն, Յուստինին: Պատմադիրը, որ ամեն կերպ աշխատում է սպիտակացնել այս երկու անձերին, ստիպուած է խոստովանել, որ բարձր ատեանը ամբաստանեց նրանց: Սակայն երբ Կոստանդինը և Բուզը վկայեցին որ Գերմանն իրենց իրազեկ էր արել սկզբից եւ եթ, դատարանը անպարտ հռչակեց ամբաստանուածներին: Հանդէս եկաւ նաեւ Մարկելլը, թէեւ ուշ, եւ խոստովանեց, որ ինքն է պատասխանատուն, որ չհրապարակեց ոճիրը իր ժամանակին, այլ քաջքէց միմիայն նրա համար, որ մօտէն ծանօթանայ գործի բոլոր հանգամանքներին: Հաւատացրեց, որ Գերմանն ու Յուստինը իրեն իմաց էին տուել վաղօրօք առանց բան թաղցնելու:

Մարկելլը այսպիսով փրկեց Գերմանին եւ Յուստինին: Ծանրութիւնը մնաց Արտաւանի վրայ: Կայսրը խլեց նրանից բոլոր պաշտօնները եւ պատիւները, բայց ուրիշ անախորժութիւն չպատճառեց ոչ նրան եւ ոչ ընկերներին: Անգամ սովորական բանտ չձգեց նրանց, այլ պահեց ի դիպահոջ իր մօտ պալատում:

Տարին չըրացած կայսրը ներումն շնորհեց Արտաւանին: Թուով է որ դաւադրութեան պատմութիւնը մեղանշում է ճշմարտութեան դէմ: Պատմիչը Արտաւանի համակիրներից չէ եւ ճշմարտութիւնը գոհել է ինչ ինչ նկատումների: Արդարեւ, կայսրը նշանակում է քննիչ մասնաժողով, որ ուսումնասիրէ գործը եւ կազմում է մանրամասն արձանագրութիւն: Բարձրագոյն ատեանը քննութեան հիման վրայ ճանաչում է յանցաւոր Գերմանին եւ Յուստինին: Եւ յանկարծ հրապարակ են գալիս վկաներ՝ Բուզը եւ Մարկելլը, մարդիկ, որ ամենից յառաջ պիտի հարցաքննուէին, մնում են լուռ եւ հանդիստ եւ խօսում են, երբ արդէն վճիռն արձակուած է:

Աւելի քան կասկածելի դատավարութիւն է: Անշուշտ, յոյն պատմիչը մի բան ծածկել է ուզում, ուստի եւ ստիպուած է յեղյեղել դատավարութիւնը:

Գերմանն ու Յուստինը փոխադարձաբար ատելի էին կայսեր եւ կայսրուհուն: Գերմանի փեսան, Յովհանն, նոյն զգացումն ունէր եւ լի էր ռիսակալութեամբ ընդդէմ Յուստինիանոսի, որ նենդօրէն սպանել էր նրա հօրեղբայր Վիտալիանին: Բուզը եւս ոչ մի հիմ չունէր սիրելու մանաւանդ կայսրուհուն: Դաւադրութիւնից հինգ տարի յառաջ, ուրեմն 543 թուին, կայսրը ծանր հիւանդագոյ էր գրեթէ մահամերձ: Բուզը եւ Վելիսարը անդդոյչ խօսքեր էին ասել, խրոխտացել էին, որ Յուստինիանոսի յաջորդի բախտը կախուած է իրենցից: Լուրը հասել էր կայսրուհուն: Մի օր սա կանչում է Բուզին արքունիք եւ յանկարծ հրամայում է ձգել նրան գետնափոր մի նկուղ, խաւար եւ անելք, ուր փակում էին մահապարտներին: Թշուառ Բուզը մնում է այս վիրապում երկու տարի եւ չորս ամիս: Դիպուածով լույս աշխարհ է տեսնում, որպէս թէ մեռելութիւնից կենդանանում: Հասկանալի է որ այս անձը չէր կարող քնքոյչ սէր եւ հաւատարմութիւն ունենալ դէպի կայսերական տունը:

Արդ, երբ այսպիսի կասկածելի անձեր յիշում են դաւադրական ձեռնարկի մէջ, դժուար է երաշխաւորել, որ նրանք անմեղ գոհեր լինէին: Հակառակ ենթադրութիւնը աւելի հիմնաւոր կը լինէր, ինչպէս եւ ցոյց տուաւ բարձրագոյն ատեանը:

Յիշուած անձերը հաւանօրէն մասնակից են եղել դաւադրութեան: Յետոյ ինչ ինչ պատճառներով, երկիւղից թէ մի այլ նկատումով, հրաժարուել են: Արչակի մի ակնարկից կարելի է եզրափակել, որ Գերմանը յուսադրուած է եղել, որ գահի թեկնածուն ինքը պիտի լինէր: Թերեւս հետագայում համոզուելով, որ դժուար է մրցել Արտաւանի հետ, աննպատակ է համարել նրան գործակցել և ի զուր տեղը փորձանքի ենթարկել իր կեանքը:

Ամեն պարագային Արտաւանի շնորհադրութիւնը երկար չտեւեց: Վելիսարի հեռանալուց յետոյ Բտալիան ընկաւ նորից Գոթերի ձեռքը: Այստեղից արչաւեցին Սիկիլիա: Կայսերական նաւատորմը ճանապարհ ընկաւ նրանց դէմ Լիրբեր(իոս)ի գլխաւորութեամբ: Սակայն կայսրը չուտով զգաց, որ սխալ էր գործել: Լիրբերը դառամ հասակի մէջ էր և անվարժ զինուորական արուեստի: Ահա այդ ատեն էր, որ ներումն շնորհեց Արտաւանին, դարձնելով նախկին պաշտօն-

ները եւ պատիւները, եւ նշանակեց Թրակիայի ընդհանուր սպարապետ:

Լիբերին անմիջապէս յետ կանչեց եւ նրա տեղ առաքեց Արտաւանին: Նաւատորմը հասել էր արդէն Սիրակուզա, երբ Արտաւանը մեկնեց մայրաքաղաքից: Ուղեւորութիւնը աղետալի վախճան պիտի ունենար: Ծովը յուղուած էր եւ սուկայի ալեկոծութիւնը պիտի կլանէր հռչակաւոր զօրավարին, եթէ մի հրաշքով կատաղի ալիքները չնեւէին նրան Մելիտէ, արդի Մալտա, կղզին:

Այստեղից Արտաւանը դնաց Սիկիլիայի վրայ, մաքրեց կղզին Գոթերից եւ վերահաստատեց օրինական իշխանութիւնը:

Վերջին անգամ յիշատակուած է Արտաւան Իտալիայի Կրտսոն քաղաքի պաշարման առթիւ, երբ քաղաքացիք մարդ են ուղարկում Արտաւանին եւ աղերսում օգնութեան հասնել իրենց:

Հետագայ կեանքի մասին ոչինչ յայտնի չէ:

Դաւադրութիւնը եղաւ 548 թուին: Յայտնի է 549 թուին Արտաւանը ստացաւ ներում, իսկ 559 թուին Սիկիլիա էր: Այնուհետեւ լուծ է պատմութիւնը:

Արտաւան իշխանի կեանքը նման է վէպի: Այդպէս են իսկապէս բոլոր այն կեանքերը, որոնք ծաւալուած են նոր ուղիների վրայ: Նորութիւն ասածդ ինքնին այլ բան չէ քան մի տեսակ պատահականութիւն: Բնական է որ նոր ճանապարհների վրայ հրաշագործող կեանքերն էլ հիւսուած են յաճախ դիպուածական, ասենք, արկածաւոր թելերից:

Մակայն Արտաւանի ուղին արկածախնդրական չէր. այն մի պատուանդան էր սպագայ մեծ արձանի որ կանգնելու էին հայերը Բիւզանդական պատմութեան մէջ:

Յուստինիանոսի օրից եւ նրա քաղաքականութեան հետեւանքով կայսրութեան դռները լայն բացուեցին հայութեան առջ, առաւելապէս տիրող դասի, ազնուականութեան: Իրար ետեւից քաջուեցին արեւմուտք մանաւանդ Արչակունի եւ Կամսարական տան ներկայացուցիչները:

Արտաւան եւ Յովհան Արչակունիք, Ներսէս, Հրահատ եւ Իսահակ Կամսարական երեք եղբայրներ, Գղակ, Արտաւազդ, Վարազ, մի ուրիշ Յովհան, այլ եւ Արչակ, Արտաշիր եւ Քանարանդ — ահա հայ ասպետութեան այն շարանը, որ իրենց այրուծիով Բիւզանդական զօրքի դարձն էին կազմում Յուստինիանոսի օրով: Իսկ հռչակաւոր Ներսէսը, որ Յուստինիանոսի տէրութեան իսկական սիւնն էր:

Հայ անունն արդէն դուրս էր եկել իր նեղ ձորերից ու

կիրճերից եւ թնդում էր մեծ պետութեան ծաւալուն տարածութեան մէջ:

Հայութիւնը մի գետ է, որի ջրերը ուռուցում են ոչ միայն իր հարազատ հողն ու անդաստանը, այլ եւ թաւալում են հուժկու ալիքներ դէպի ընդհանուր քաղաքակրթութեան ովկեանը:

Արտաւան, Ներսէս եւ նրա շուրջը գործող իշխանների պարը, առաջին մեծ ալիքներն էին, որ զարկեցին Բիւզանդական արքունիքի պատերին:

Հայաստանի յեռների այդ վայրի ծաղիկները պատուաւոր տեղ դրաւեցին Բիւզանդական շքեղութեան մէջ:

Արտաւանի առանձնայատուկ արժանիքն այն է, որ առաջին հայն էր, որ ձեռք կարկառեց կայսերական թագին: Արչակունի զաւակը մի ոստիւնով ուղեց թառել Կոստանդին Մեծի գահի վրայ: Համարձակութիւն էր, բայց ոչ երազական թռիչք: Այս համարձակութիւնը եղաւ պատուանդան Հայոց մեծ եւ հոյակապ վերելքի Բիւզանդիայում:



ՎԱՐԴ ՄԱՄԻԿՈՆԵԱՆ

(8 5 6 — 8 6 6)

Թէոդորա կայսրուհու հարազատ եղբայրն էր Վարդը, պետական առաջնակարգ անձ, լուսաւոր դէմք:

Պէտք է զարմանալ որ պատմութիւնն այնքան անարդար եւ ապերախտ է գտնուել այս մեծ, կորովամիտ մարդունկատմամբ, ջանալով ամեն կերպ պղտորել, անփառունակել նրա յիշատակը, ստուերել նրա լուսափայլ ճակատը: Այսպէս է եղած հերոսների վիճակը պատմութեան մէջ:

Վարդը խորտակուեց հակառակորդի դաւադիր սրից այն պահին, երբ հասել էր փառքի դագաթնակէտին եւ ձեռքը պարզել դէպի կայսերական դայիսոնը: Միքայէլ կայսրը անորդի էր, եւ Վարդը հռչակուած էր կեսար եւ ուրեմն առանց ճիգի, իրերի բնական բերումով, կայսերական ծիրանին պիտի դարձար փաղփաղէր նրա ծանրափաստակ ուսերին:

Սակայն, Վոսիորի ափին քաղաքական կեանքի ելեւէջները նոյնքան յեղյեղուկ էին եւ անտեւական, որքան խոստովայոյզ ծովի յորձանքները, որոնք մի ակնթարթում փչրուում խորտակում են չարախինդ հողմերից:

Վարդը Մամիկոնեան շառաւիղ էր, սրով էր հարթել իր ճանապարհը: Թէոփիլ կայսրի մահից յետոյ կառավարութեան դեկն անցաւ նրա կնոջ Թէոդորայի ձեռքը: Թաղաժառանգ Միքայէլը դեռ եռամեայ մանուկ էր: Մայրը՝ Թէոդորան իսկապէս խնամակալուհի էր: Նրա առաջին մինիստրը եւ աջ ձեռքն էր ներքինի Թէոկտիստը: 856 թուին Միքայէլը մտնում էր իր 17-18 տարին: Իշխելու, հրամայելու զգացումը արթնացել էր նրա մէջ: Ուզում էր տիրանալ իր զահակալական իրաւունքներին:

Վարդը օգտուելով իր պատանի քեռորդու տրամադրութիւնից եւ առաւել եւս գրգռելով նրա ինքնիշխանական տենչերը, համոզեց վճռական քայլ անել վերջ տալու տիրոջ կացութեան: Ամենակարող ներքինի եւ լողոթեա Թէոկտիստը սուսերահար եղաւ: Թէոդորայի իշխանութիւնն ընկաւ: Նրա տեղն անցաւ օրինական թագաժառանգը, Միքայէլը, իսկ Թէոկտիստին փոխարինեց Վարդը:

Թէոկտիստը երկու պաշտօն ունէր, լողոթեա էր պոստի եւ կանիկլիոնի (= կալամդանի) քարաուղար կամ դիւանապետ: Երկու պաշտօններն էլ ստանձնեց Վարդը: Հետագայում լողոթեաութիւնը զիջաւ իր փեսային, Սմբատին: Վարդն իր ձեռքն առաւ, ինչպէս երեւում է, նաեւ պալատական հեծեալ գնդերի հրամանատարութիւնը, սքոլների դոմեստիկութիւնը: Թէոդորան չխորչեց դաւել իր եղբոր Վարդի կեանքի դէմ, համաձայնութեան գալով Միքայէլի պրոտոստրատորի կամ առաջին ախոռապետի հետ: Անյաջող մահափորձից յետոյ Միքայէլը մեծարեց Վարդին կիւրապաղատութեան բարձր պատուով, իսկ դաւաճան ախոռապետի պաշտօնը յանձնեց Վասիլ Հային, այն մարդուն, որին բախտը զրկել էր կործանելու Վարդին եւ նրա վերաթուիչ ակնկալութիւնները:

Վարդն արդէն կիւրապաղատ էր, երբ Միքայէլը ցանկացաւ երիտասարդական կորովը փորձել պատերազմի դաշտում, եւ Վարդի առաջնորդութեամբ արշաւեց Արարների դէմ: Կայսերական զօրքերը յառաջացան մինչեւ Եփրատի ափերը եւ չըջապատեցին Մամոսատ քաղաքը: Երեքօրեայ պաշարումից յետոյ, մի կիրակի, երբ կայսրը զբաղած էր եկեղեցական պաշտամունքով, Արարները բացին բերդի դռները եւ սուրացին թշնամու վրայ: Անսպասելի յարձակումով պարտութեան մատնեցին կայսերական զօրքը եւ ի փախուստ դարձրին: Միքայէլ կայսրը հազիւ ճողոպրեց, թողնելով իր վրանը և գոյքը յաղթական թշնամուն աւար:

Երկու տարուց յետոյ Օմարը դարձեալ ասպատակեց երեք բիւր զօրքով: Վարդը հաւաքեց Թրակիայի, Մակեդոնիայի եւ Ասիական թեմերի զօրքերը, քառասուն հազարանոց մի բանակ, եւ շարժուեց թշնամու դէմ: Մեյիտինէի ամիրը Սեբաստիայի դժով գնում էր դէպի ծովափ Ամիսոսի (Մամսոնի) չըջանը: Նրա առաջը կտրելու համար Վարդը եկաւ եւ բանակեց Դագիմոնի մօտ (այժմ Թոկատ) Կելլարիոն կոչուած դաշտում: Շուտով հասաւ եւ Օմարի բանակը եւ դիրք բռնեց Դագիմոնից քիչ արեւմուտք Ձելա քաղաքի մօտ Խոնարիոն ասուած վայրում: Կայսերական գնդի դրութիւնը վտանգուած էր: Պարտութեան դէպքում չպիտի կարողանար նահանջել, ճանապարհը կտրուած էր արեւմուտքից:

Առաջին բախումից յետոյ կայսրը յետ քաշուեց վեց մղոն եւ օրուան տապից նեղուած բարձրացաւ մօտիկ բլուրը, Անգէս (կամ Անգեն): Ամիրի զօրքերը անմիջապէս չըջա-

1 Genesis, 91; Theophanes Continuatus, 176, հրատ. Bonn.

փակեցին բլուրը: Կայսրի կեանքը վտանգի մէջ էր: Ահա մի օրհասական բլուր, ուր որողայթի մէջ էր բնկել Միքայէլի հայր Թէոփիլը 838 թուի արշաւանքին եւ փրկուել շնորհիւ Մանուէլ զօրավարի անձնուէր քաջութեան: Այժմս կրկնում էր նոյն աղէտը եւ ազատարարը նորէն նոյն արիասիրտ զօրավարն էր: Միքայէլը ի տես իր յուսահատ դրութեան ձայնեց.

«Ո՛վ Մանուէլ, ի՞նչ պիտի անենք, տե՛ս, կորչում ենք»:

Հայ զօրավարը պատասխանեց. «Հանի՛ր, տէ՛ր, ծիրանի տարատգ, որ մատնում է կայսերական անձիդ ով լինելը, եւ հագի՛ր սեր, հանի՛ր, քեզնից նաեւ կայսերական սպառազինութիւնդ: Ես կ'առնեմ հինգ հարիւր բնտիր, կտրիճ զինուոր, կր ճեղքեմ թշնամու գիծը եւ այս կերպ կր փրկուենք»:

«Իսկ զօ՞րքը, հարցրեց կայսրը, ի՞նչ կր լինի նրա վիճակը»:

Մանուէլն ասաց. «Կայսերական մեծութիւնդ ինչ կերպ եւ լինի պէտք է որ ազատուի եւ գերի չբռնկի թշնամու ձեռքը: Եթէ այս պատահի, վա՛շ քրիստոնէութեան: Ինչ վերաբերում է զօրքին, կ'անենք ինչ որ Աստուծու կամքը սահմանել է»:

Մանուէլն բնտրեց հինգ հարիւր հողի քաջ զինուոր, ամբողջ ուժով բնկաւ թշնամու դժի մի կէտի վրայ, եւ գոչելով «Փրկչի խաչը յաղթող է», պատուեց շարքերը եւ անցաւ անվրէպ եւ անվնաս:

Սակայն, մեծապէս դարմացաւ, երբ յետ նայելով տեսաւ որ կայսրը չէ հետեւել իրեն, այլ երկիւղից մնացել է կառչած տեղր: Անձնուրաց զօրավարը ստիպուած էր յետ դառնալ, նորէն ճակատել թշնամու դէմ, եւ աջ ու ձախ գիւակներ սփռելով ճանապարհ հարթել դէպի կայսրը: Այս անգամ դժուար չէր հանել Միքայէլին իր արգելարանից: Արեւի կիզիչ ճառագայթները, ջրի եւ խոտի պակասութիւնը նեղում էին Արարների եւ հարկադրեցին նրանց քաշուել հարեւան Դորա անուն մարգագետինը: Կայսրը կարող էր անարգել ելնել թշնամու օղակից եւ փախչելով ամբողջ օրը ազատուեց կորուստից:

Երկու տարի եւս անցաւ: Միեւնոյն յամառ թշնամին Օմար ամիրը քառասունհազարանոց բանակը վարեց դէպի Արմենեակոն թեմը եւ հասաւ մինչեւ Ամիսոսի ծովեզոր: Զայրացած որ ծովը խոչընդոտ էր իր յառաջխաղացման, արաբ իշխանը, նոր Քսերքսէս ձեւանալով, հրամայեց ծեծել ջուրը, որ յանդգնել էր կասեցնել իր արշաւը:

Միքայէլ կայսրը լսելով անհանգիստ հակառակորդի

նոր ասպատակութիւնը, հառաչեց. «Վա՛յ ինձ, կրկնում էր ստէպ, մի՞ թէ չկայ մէկը որ մեր թագաւորութեան եւ քրիստոնէութեան սիրուն համար գնայ եւ ջարդէ այս անողորմ եւ ամբարիշտ անհաւատին»:

Այս խօսքի վրայ յառաջ եկաւ հայազն զօրավար Պետրոնը, կայսրուհու եղբայրը եւ ասաց. «Տէ՛ր, մեծափառ տէրութեանդ Աստուած տուել է շատ եւ շատ հպատակներ, որոնք սիրում են քեզ ջերմ սիրով եւ լի են բուռն ցանկութեամբ մեռնել քո սիրուդ համար: Պատերազմը, հարկաւ, մերթ յաջող է լինում, մերթ ձախորդութիւններ են պատահում: Ոչ ոք չի կարող գուշակել թէ ելքը յաղթական կը լինի, բայց եթէ ոչ կանխագէտ Աստուածը»:

Կայսրը պատասխանեց. «Գնա՛, Պետրո՛ն, դիմագրաւէ՛ թշնամուն եւ վտանգի՛ր անձդ, քրիստոնէութեան եւ իմ թագաւորութեան սիրուն»:

«Պատրաստ եմ, արքա՛յդ իմ, ասաց Պետրոնը, թափել արիւնս մինչեւ վերջին կաթիլը թագաւորութեանդ եւ հաւատակիցներիդ համար»:

Կայսրը ոգի առաւ: Իսկոյն եւ եթ Պետրոնին նշանակեց սքոլաների շումեստիկ, այսինքն պալատական կանոնաւոր եւ հեծեալ գնդերի զօրապետ: Պետրոնի ծրագիրն էր սակաւաթիւ բայց բնտիր ոյժերով յարձակուել արագօրէն թշնամու վրայ եւ մի հարուածով ջախջախել նրան: Սակայն, մի փախըստական հոռոմ յայտնեց ամեն ինչ ամիրին եւ նախագուշացրեց, որ Պետրոնը մեծ զօրքով գալիս է նրա դէմ:

Ամիրի մերձաւորները խորհուրդ տուին նահանջել խոհեմաբար եւ, եթէ Պետրոնը հետապնդէր, այն ատեն միայն ճակատել նրա դէմ: Ամիրը վանեց այս վեհերոտ առաջարկը եւ շարժուեւ: Ամիսոսից եւ բանակ զարկեց Պոսոն (կամ Պոսոնտա) վայրում, որ գտնուում էր Արմենեակոն թեմի եւ Պափլագոնիայի սահմանագծի վրայ:

Պոսոնի տեղը ստուգիւ յայտնի չէ: Պատմագրի ցուցումը թէ հինգ հարիւր մղոն հեռու էր Ամիսոսից, սխալ է, գոնէ անյարուշ է իր իսկ վկայութեան թէ Պոսոնը Պափլագոնիայի սահմանումն էր: Ամիսոսից (Սամսոնից) Պափլագոնիա 500 մղոն չի կարող լինել: Հաւանօրէն գրչագրի վրէպակ կայ. (արդեօք յոյն ρ (=500) տառի փոխարէն կարգալու չէ ρ (=100): Յայտնի է միայն որ Պոսոնը Ալիս գետի ձախ ափին էր:

Նոյն տեղն էր բանակել եւ Պետրոնը: Երկու բանակները բաժանուած էին միմեանցից մի բլրով: Պետրոնը յաջողեց

գիշերային մի գրոհով գրաւել բլուրը եւ ամուր դիրք բռնել: Սրանով արդէն նախորոշուած էր պատերազմի հետեւանքը: Կատաղի ճակատամարտում Արաբները գլխովին պարտուեցին, գոռ ամիրը սպանուեց, իր որդին փորձեց փախչել, բայց Սարսիան թեմի պետը՝ ոմն Մախիրաս բռնեց նրան եւ յանձնեց Պետրոնին¹:

Արաբները այսպիսի ջարդ դեռ չէին կերել: Յաղթութիւնը վճռական էր եւ արդիւնք Պետրոնի ռազմագիտութեան: Հակառակ սկզբնական ծրագրին, Պետրոնը գումարեց գրեթէ բոլոր զորաբանակները եւ շրջապատեց թշնամուն: Արմենեակեան, Բուկելլարեան, Կոլոնիայի եւ Պափլագոնիայի զնդերը կտրեցին հիւսիսային կողմը: Անատոլիկեան, Օփսիկեան եւ Կապպադոկեան թեմերի սպարապետները, այլ եւ Սելեւկիայի եւ Սարսիանի կլեսուրարիները (կապանապետները) իրենց ոյժերով՝ հարաւային կողմը: Կայսերական չորս զնդերը, Թրակեսեան, Թրակեան եւ Մակեդոնական զորքերի հետ Պետրոնի հրամանատարութեան տակ՝ արեւմտեան կողմը: Արաբները երկաթէ օղակի մէջ էին. արեւելքից բնական արգելք էր Ալլիս գետը: Օմարը, ինչպէս թակարդում փակուած գազան, ելք էր որոնում: Յուսարեկ եղաւ մանաւանդ, երբ գերիներից մէկին հարցրեց տեղի, դաշտի եւ գետի անունը եւ նա ասաց, տեղի անունն է Պտոսնոթա (փոխանակ Պոսոնտա), գետի անունը՝ Լալակաոն եւ դաշտինը՝ Գիւրին: Ամիրը նախազգաց, որ առաջին անունը ակնարկում է իր անկումը (ptosis) երկրորդը՝ իր զօրքի փչառումը (Laou Kakosiv) եւ երրորդը՝ զօրքի շրջապատումը Հոստմներից (Juristhenai). Ժողովրդական բառախաղ է: Օմարը տեսաւ որ ուրիշ ճար չունի քան ճակատ մտնել եւ չափել իր ոյժերը Պետրոնի հետ: Բայց շուտով դառն փորձերը համոզեցին նրան, որ անհնար էր պատուել շրջապատող զինուորական ամուր պատնէշը եւ խոյս տալ կռուից: Սկսուեց մարտը եւ գոռոզ արարը գերադասեց ընկնել սուրը ձեռքին: Որդին փորձեց փախչել բայց ձախողեց եւ գերուեց:

Այսպէս՝ Վարդի իշխանութեան միջոցին երեք արշաւանք տեղի ունեցաւ Արաբների դէմ երկամեայ ընդմիջումներով²:

Արաբական աղբիւրներից յայտնի է որ Պոսոնի ճակատը սեպտեմբերի 3ին էր 863 թ.: Հետեւապէս միւս երկու արշաւանքները պէտք է կատարուած լինէին 859ին եւ 861ին:

1 Genesisus, 94-97.
2 Նկատելու է որ Գենեսիոսի (91, 94) «երկու տարի յետոյ» խօսքերը միւս պատմագիրը, Թէոփանէս Շար. (177, 179) փոխում է՝ «երկրորդ տարին», առանց հիմքի:

Արաբական աղբիւրներից երեւում է որ Վարդի օրով Բիւզանդացիք երկու անգամ են արշաւել Սամոսատ:

Առաջին արշաւանքը վերաբերում է Հիջրի 242 թ. (որ է 856 մայիսի 10 սկսած մինչեւ 857 ապրիլի 299): Ալլի իրն եահեա զօրավարի ամարային ասպատակութիւնից դրդուած կայսերական զօրքերը հակայարձակումով հասան մինչեւ Սամոսատ քաղաքը, անցան Ամիդի մօտերքը, դարձին մտան Տեփրիկ (այժմ Իււրիկ) քաղաքը որ Պաւլիկեան աղանդաւորների առաջնորդ Կարբէասի նստոցն էր:

Կարբէասը եւ Օմարը, Մելիտինի ծանօթ ամիրը, նրանց ետեւից ընկան, բայց չկարողացան հասնել: Արաբների ամարային ասպատակութիւնը սկսւում էր սովորաբար յուլիսի 15ից յետոյ եւ յառաջ քան 15 սեպտեմբերի: Սամոսատի արշաւանքը կատարուած պիտի լինի հետեւապէս ամառուան վերջը 856 թուին:

Երկրորդ անգամ Սամոսատի վրայ արշաւեցին Հիջրի 245 կամ 859-860 տարին: Բիւզանդացիք աւերումներ գործեցին եւ դարձան 500 մարդ գերելով¹:

Բիւզանդական յիշողութեան մէջ այս երկու արշաւանքները ձուլուել են ի մի: Եթէ արշաւանքի ժամանակ Վարդը կիւրապաղատ էր, ինչպէս վկայում է Թէոփան պատմագիրը, Շար. 176, նշանակում է խօսքը 859 թուի արշաւանքի մասին է, քանի որ Վարդի կիւրապաղատութիւնը 858 թուից էր, իր անձի դէմ ուղղուած մահափորձից յետոյ, ինչպէս տեսանք վերեւ:

Սակայն նոյն պատմագիրը հաւատացնում է, որ Սամոսատի կռուին թշնամու բանակումն էր Կարբէասը, որ մեծամեծ նշաններ ցոյց տուաւ քաջութեան եւ դերեց աւելի քան հարիւր սպաներ, որոնց թւում եւ Արեսալում (Արիսողոմ) եւ Սիոն զօրավարները. izangotoubos է կոչւում առաջինը եւ palatinos երկրորդը, որ անյայտ տիտղոսներ են²:

Տեսանք, որ արաբական տեղեկութեամբ Կարբէասը մասնակցել էր Սամոսատի առաջին արշաւանքին 856ին եւ ոչ թէ երկրորդին, ինչպէս ներկայացնում է Բիւզանդացի պատմագիրը: Ասել է թէ երկու արշաւանքները շփոթուած են եւ ձուլուած:

Արաբական աղբիւրներից չի հետեւում, որ կայսերական զօրքերը պարտուած լինեն Սամոսատի պաշարման ժամանակ, ինչպէս հաղորդում են Բիւզանդացիք բաւականին անհեթեթ պատճառաբանութեամբ, անյաջողութիւնը վե-

1 Վասիլիւ, Բիւզանդիա եւ Արաբներ (ուսերէն), էջ 54-55:
2 Theoph. Contin., 176-177.

րագրելով ժամերգութեան: Առանց արարական տուեալների եւս կարելի էր կասկածի տակ առնել այդօրինակ փաստարանութեամբ յերիւրած զրոյցը: Քաղաքը պաշարուած էր զօրքերի կողմից եւ կայսրի անձնական ներկայութիւնը այնքան կարեւոր հանգամանք չէր զինուորական տեսակէտից որ նրա բացակայութեամբ, այն էլ ժամերգութեան առթիւ, պաշարուած քաղաքի բախտը փոխուէր:

Յիրականին մենք գործ ունենք մի բարուրանքի հետ, որ նպատակաւոր է, թէեւ զուրկ հնարամտութեան շնորհից: Այն շինուած է ի հեճուկս Վարդի: Յաջողակ պաշարումը փոխելով ձախորդութեան ուզեցել են նսեմացնել Վարդի անունը, զլացել են յաղթական պսակ հիւսել նրա գլխին:

Նոյն միտումը նկատելի է նաեւ Դագիմոնի կռուի պատմութեան մէջ: Միքայէլ կայսրը վտանգի մէջ էր: Նրան ազատելու համար բեմ է հանուում յանկարծ Մանուէլ զօրավարը: Ոչ մի խօսք Վարդի մասին: Մանուէլը, որ տակաւին 813 թուին Արմենեակ թեմի սպարապետն էր, Դագիմոնի արշաւանքի ժամանակ լինելու էր 75-80 տարեկան ծերունի: Դժուար թէ կարելի է վերագրել այսպիսի մի գառամ հասակի այն շահատակութիւնը, որի շնորհիւ փրկուեց Միքայէլը: Թող որ անգամ տարակուսական է, արդեօք կենդանի էր այդ ժամանակ Մանուէլը: Անտեսելու չէ այն վկայութիւնը, որի համաձայն Մանուէլ մեռել էր այն վէրքից, որ ստացել էր Թէոփիլ կայսրին նման փորձանքից ազատելու ժամանակ: Այս վկայութիւնը, որքան և տկար, ամեն պարագայում ցոյց է տալիս որ Մանուէլի կեանքը շատ էլ երկարատեւ պէտք չէ եղած լինէր: Մոռանալու չէ նաեւ որ Դագիմոնի դէպքը աւելի դիւրին է ժխտել քան պաշտպանել: Պարզ կրկնութիւն է Թէոփիլի յայտնի արկածի: Եթէ անգամ եղելութիւն համարենք այդպիսի մի օրհասական զուգադիպութիւն, իրաւունք ունէինք փրկարարի դերում տեսնելու ոչ թէ Մանուէլին, այլ Վարդին, որ Միքայէլի հաւատարիմն էր, մշտական ուղեկիցը եւ անբաժան ընկերը տանը թէ արշաւանքներին: Մանուէլի անունը մէջ է բերուած լով այն դիտաւորութեամբ, որ նրանով վարագուրուի Վարդի խիզախութիւնը, իրական թէ վիպական:

Զարմանալի է որ արաբ աղբիւրները չեն յիշատակում Դագիմոնի արշաւանքը: Նրանցից գիտենք, որ Հիջրի 246 թուին = 860 մարտի 28 — 861 մարտ 16, Մելիտինի ամիր Օմարը պաւլիկեան Կարբէասը, Ալի իբն Եահեա եւ ուրիշները ասպատակեցին առանձին առանձին կայսերական հողերը եւ գերիներով ու աւարով դարձան իրենց տեղերը: Օմարը

հանց մօտ եօթ հազար զերի, Կարբէասը՝ հինգ հազար, Ալին՝ եւս հինգ հազար զերի եւ տասն հազար գրաստ¹:

Նոյն 860 տարին էր, որ Ռուսները առաջին անգամ երեւացին Բիւզանդիոնի առաջ: Երկու հարիւր նաւով անցան Սեւ ծովը, մտան Վոսփորը, սկսեցին աւերումներ գործել և սպառնալ մայրաքաղաքին: Այժմ արդէն հաստատուած է որ Ռուսների արշաւանքը դնելու է ոչ 866 թուին, ինչպէս կարծուում էր յաւաջ, այլ 860ին, համաձայն վերջերս յայտնուած պատմական յիշատակարանի անսուտ վկայութեան: Անցքը տեղի է ունեցել արարչութեան 6368 թուին, ինդիկտիոնի 8 և Միքայէլի 5րդ տարին, յունիսի 18ին²: Միքայէլի կառավարութիւնը հաշուած է նրա միապետութեան տարուց, այսինքն 856 թուից, Թէոկտիստի սպանութիւնից: Միւս թուերը համերաշխ են, 6368 հաւասար է 860ին, ինչպէս եւ ինդիկտիոն 8:

Արդ Ռուսների յարձակման պահին Միքայէլը բացակայ էր մայրաքաղաքից: Վարդի ընկերակցութեամբ ուղի էր ընկել դէպի Արեւելք Արաբների դէմ: Արդէն հասել էր Մաւրոպոսամոն, որ Կեսարիայից հիւսիս Ալիս գետի հովտումն էր գտնուում երբ լսեց ռուսական աղէտի գոյժը: Անմիջապէս կայսրը վերադարձաւ մայրաքաղաք վանելու յանդուգն թըշնամուն, վերադարձաւ առանց «արքայավայել գործ» կատարած լինելու Արաբների հանդէպ³:

Արդեօք Միքայէլի արշաւանքը պատասխան էր Օմարի, Կարբէասի եւ Ալի իբն Եահեայի նոյն 860 թուի ամառուան ասպատակութիւններին, թէ՞ ընդհակառակը, նախայարձակը կայսրն էր եղել, մնում է մութ:

Միքայէլի այս ընդհատուած ձեռնարկը չի կարելի նոյնացնել Դագիմոնի արշաւանքի հետ: Եթէ չենք ուզում ուրանալ վերջինս գոյութիւնը, որ անխոհեմութիւն կը լինէր, պէտք է ընդունենք, որ Դագիմոնի ճակատը տեղի է ունեցել հետեւեալ 861 տարին, համաձայն վերեւ յիշուած պատմական ցուցումին:

Դեռ եւս հնում կարծում էին որ Վարդը մասնակից էր Պոսոնի յաղթական ճակատամարտին, երբ հրամանատարն էր իր եղբայր Պետրոնը, եւ որպէս թէ այս մասնակցութեան համար էր որ կայսրը վարձատրեց Վարդին, նշանակելով նրան կեսար ինդիկտիոնի 10ին, Զատիկի օրերին, աւելի ստոյգ, Նոր Կիրակիին⁴:

1 Վասիլիս, Բիւզանդիա եւ Արաբներ (ռուսերէն):
 2 Cumont, Anecdota Bruxellensia, I, Chroniques Byzantines.
 3 Georgius, 326 (հրատ. Bonn).
 4 Genesis, 97, Զատիկն, իսկ Georgius, 824, Նոր Կիրակի:

Սակայն ինդիկտիոնի 10 հաւասար է 862 թուին: Զատիկը այդ տարին ապրիլի 19ին էր և ուրեմն Նոր Կիրակին՝ մի շաբաթ յետոյ ապրիլի 26ին: Իսկ տեսանք, որ Պոսոնի կուրը պատահեց 863 թուին սեպտեմբերի 3ին: Հետեւապէս, Վարդն արդէն կեսար լինելով այդ ժամանակ, չէր կարող կուրի հետեւանքով ստանալ կեսարութեան պատիւը:

Անկախ այս շփոթութիւնից, պատմագրի վկայութիւնը ինքնին ուշադրաւ է այն մտքով, որ Վարդի կեսար նշանակելը կապուած է պատերազմական ծառայութեան հետ: Ո՞րն էր այդ ծառայութիւնը: Իրաւունք ունենք կարծելու, որ խօսքը վերաբերում է Դազիմոնի ճակատամարտին, ուր Միքայէլ կայսրի կեանքը կախուած էր մազից: Եւ ի՞նչ կասկած, որ այն անձը որ ինքնագոհ արիութեամբ փրկեց նրան մահից Մանուէլը չէր, այլ Վարդը: Ծիշտ այս անձնուիրութեան համար էր որ հայ զօրավարը արժանացաւ կայսերական գահը ժառանգելու մեծ պատուին, հոչակուելով կեսար, յաջորդ անգաւակ Միքայէլի:

Մուտավաքիլ պատերազմասէր ամիրապետը մեռաւ 861 թուի վերջերին: Գուցէ կայսերական կառավարութիւնը օգտուելով Բաղդատի խառնակ դրութիւնից պատերազմ է յայտարարել 862 թուի սկիզբներին: Արդեօ՞ք այս ժամանակ չէր Դազիմոնի կուրը եւ Միքայէլի դէպքը: Վարդը այս առթիւ կեսարութեան հասնելով, գիջեց իր պաշտօնը, պալատական այրուձի գնդերի ղոմեստիկութիւնը, Պետրոնին: Իբրեւ այդպիսին Պետրոնը ստանձնեց ընդհանուր հրամանատարութիւնը 863 թուին Պոսոնի արշաւանքին:

Վարդին աւելորդ անգամ խայթելու համար, նենգամիտ պատմագիրը ուզում է հաւատացնել որ Վարդը անյագ տենչ ունէր «ամեն ինչ լափելու, իրեն քաշելու», ուստի եւ սքոլաների ղոմեստիկ նշանակել տուաւ իր մանկահասակ որդուն, Անտիգոնին, որ հազիւ 9-10 տարեկան էր: Իսկ Պետրոնին նշանակեց ժամանակաւոր փոխանորդ Անտիգոնին¹: 863 թուի յաղթութիւնից յետոյ միայն Պետրոնը տիրացաւ նոյն պաշտօնին կայսեր հրամանով²:

Իրողութիւնն այն է սակայն որ Վարդի յաջորդը ղոմեստիկութեան պաշտօնում եղաւ Պետրոնը եւ յաղթական արշաւանքից յետոյ վարձատրուեց մագիստրոսութեան պատուով³:

Պատերազմից յառաջ Պետրոնը մի տեղեկութեամբ

1 Theoph. Contin., 179-180.
2 Նոյն, անդ, 183:
3 Genesis, 95, 97.

Թրակեսեան թեմի ստրատեգ էր, միւս տեղեկութեամբ Անատոլիայի, այսինքն Անատոլիկեան թեմի¹: Հիմք կայ կարծելու որ Պետրոնը տակաւին 860 թուին պալատական կարեւոր պաշտօնեայ էր: Միքայէլ կայսրը 859 թուին մայիս ամսին ուղարկեց Արարների մօտ ոմն ծերունի Ատրուբիլիս (հաւանօրէն, Կոստանդին Տրիփիլիոս), որպէսզի բանակցէ գերիների արձակման մասին²: Արարների կողմից մայրաքաղաք եկաւ նոյն յանձնարարութեամբ Նասր անուանով արաբ դեսպան:

Նասրը թողել է մեզ իր ընդունելութեան նկարագրութիւնը: Երբ արարը սեւազգեստ, փաթեթը գլխին, սուրը եւ դաշոյնը կապած, եկաւ պալատ եւ կամեցաւ այդպէս ներկայանալ կայսեր, Պետրոնը չթողեց, առարկելով որ օրէնք չէ այդ կերպ մօտենալ կայսեր, այլ պէտք է սև զգեստը փոխել և սպառազինութիւնը մերկանալ: Նասրը բողբեց և գերադասեց հեռանալ: Պետրոնը յետ կանչեց նրան, զիջանելով խալիֆի ներկայացուցչին: Նասրին քիչ սպասել տուաւ, որովհետեւ կայսեր մօտ ունկնդրութեան էր բուլղարական դեսպանութիւնը, ապա հրաւիրեց ներս: Կայսրը բազմած էր գահի վրայ, պատրիկները շրջաբոլոր, եւ առաջին՝ կանգնած երեք թարգմանիչ: Նասրին նստեցրին կայսրի դէմ յանդիման դահի վրայ, որի առաջ դրուած էր իր բերած նուէրները, հազար սրուակ մուշկ, մետաքսէ զգեստեղէն, շափրան եւ թանկարժէք գոհարներ: Բանակցութիւնը վարում էր կայսեր ներկայութեան նրա քեռին: Նասրը հաւատացնում է, որ ամբողջ ժամանակ ոչ մի խօսք չլսեց կայսրից: Սա բնաւ չէր խօսում, այլ իր հաւանութիւնը կամ մերժումը յայտնում էր գլխի շարժումով: Քեռին էր որ տնօրինում էր գործերը:

Նասրը կատարեց իր առաքելութիւնը ամենայն յաջողութեամբ քառամսեայ աշխատութիւնից յետոյ: Գերեմիոսութիւնը կայացաւ 860 թուին մարտ ամսին:

Այդ պահին Պետրոնը պալատում պաշտօն ունէր: Նասրը անուանում է նրան Միքայէլի քեռի: Այդպէս է կոչում նաեւ այն անձին, որ վարում էր բանակցութիւնը կայսեր անունով եւ նրա ներկայութեան: Արդեօ՞ք խօսքը նոյն Պետրոնի մասին է, թէ վերաբերում է Վարդին: Ի նկատի ունենալով այն դիրքը, որ վայելում էր պալատում Վարդը որպէս Միքայէլի մեծազօր մինիստր, հաւանական է կարծել որ բա-

1 Theoph. Cont., 179; Georgius, 825.
2 Ibid. 122.

նակցողը Վարդն էր եւ թերեւս նրա անունը ընկած է Նասրի յիշատակարանից եւ կամ շփոթուած Պետրոնի հետ, քանի որ երկուսն էլ կայսեր քեռիներն էին:

Պետրոնին վերադրած դերը ներում է ենթադրել որ նա սքոլաների դոմեստիկ պիտի լինէր տակաւին Նասրի ժամանակ: Այս դէպքում ստիպուած ենք ընդունել, որ Պետրոնը դոմեստիկ նշանակուեց այն պահին, երբ Վարդը բարձրացաւ կիւրապաղատութեան աստիճանին, այն է՝ 857-8 թուերին:

Այս մանրամասնութիւններն աւելորդ բժականութիւն չեն: Դոմեստիկութիւնը կամ պալատական հեծելազօր գրնդերի, պետական միակ կանոնաւոր զօրքի հրամանատարութիւնը մի բարձր եւ պատասխանատու պաշտօն էր, որ յանձնուած էր միշտ կարող եւ առաջնակարգ անձերի: Այն հանգամանքը, որ դոմեստիկ էր կարգուած Պետրոնը, ցոյց է տալիս որ նա բնաւ յետին դէմքերից չէր: Մինչդեռ ոչ միայն հին, այլ եւ նոր ժամանակուան հեղինակները դժուարանում են բարի խօսք ասել նրա յիշատակին, մինչեւ իսկ նուատացրել են նրա գործերը պարսաւելի ջանքով: Պոստնի նշանաւոր յաղթութիւնը 863 թ. Պետրոնի սխրալի գործն էր: Եթէ ուրիշ վաստակ չունենար, այս արդէն բաւ էր ոլորելու նրա ճակատին անթառամ պսակ: Սովորական յաղթութիւններից չէր: Պոստնը պատմական խոշոր երեւոյթ էր: Զինական երկարատեւ եւ փոփոխ մրցութիւնից յետոյ, առաջին անգամն էր որ բիւզանդական զէնքը գերիվերոյ փայլեց ռազմական ոյժի եւ մանաւանդ արուեստի առաւելութեամբ: Պետրոնը կարողացաւ արարական բանակը ցանցի մէջ ձգել եւ անեղ հարուածով ջարդել իսպառ: Կործանուեցին երեք մարտազոռ զօրավարները, որոնք տարիների ընթացքում կատարեալ պատուհաս էին դարձել պետութեան համար: Օմարը եւ Կարրէասը ընկան Պոստնի կուում, իսկ Ալի իբն Եահա սպանուեց մի ամիս յետոյ Նփրկերաի (Մուֆարդին) մօտ խոնուելով կայսերական զօրքերի հետ, որոնք յաղթութիւնից յետոյ յառաջացել էին եւ մտել արաբական հողերը: Առաջին երկուսը ընկան 863 սեպտեմբերի 3ին, իսկ Ալին՝ ռամազան ամսում որ է հոկտեմբերի 18 - նոյեմբերի 16:

Պետրոնի յաղթութիւնը սրբեց այն արատը որ ծանրանում էր բիւզանդական անուան վրայ Ամորիայի անփառունակ պարտութիւնից յետոյ: Սթափեցրեց արաբ աշխարհը և ապահովեց Արեւելքի խաղաղութիւնը ընդերկար¹: Պետրոնը վերադարձաւ մայրաքաղաք փառքով, տանելով իր հետ Օմա-

1 Georgius, 825.

րի գլուխը, այդ մեռեալ վկան իր կենդանի յաղթութեան: Զարակամ պատմագիրները յաւ են համարել մուսնջ կենալ այն մեծ ընդունելութեան մասին, որ ցոյց տուած պիտի լինի մայրաքաղաքը յաղթական զօրավարին: Իրպուածաբար պահել է մի տեղեկութիւն, որից երեւում է որ կրկէսում մեծ հանդէսներ են տեղի ունեցել, ժողովրդական ցոյցեր եղել: Եւ ինչ որ հետաքրքրական է իր նորութեամբ, յատուկ երգ է յօրինուած եղել հօր ամիր Օմարի սպանութեան առթիւ¹:

Կայսրը մեծարեց օրուան հերոսին, Պետրոնին, մագիստրոսութեան պատուով, որ կիրաւագատութիւնից յետոյ ամենաբարձր աստիճանն էր: Ժողովրդական երեւակայութիւնը պարուրել է Պետրոնի մահը առասպելի հրաշագանքով: Պատմում են որ պատերազմից յառաջ նա գնացել էր Յովհաննէս անունով մի ճղնաղղեաց և սրբակրօն վանականի մօտ, որ նոր էր հաստատուել Եփեսոսի շրջակայքում, Սուրբ Լեաոն կոչուած բարձրութեան վրայ: Զօրավարը խնդրել էր նրան աղօթել եւ մաղթել յաջողութիւն: Միայնակեացը դուշակել էր յաղթութիւն այն պայմանով որ Պետրոնը զօրքի ասպարները վրայ նկարել տայ իր, Յովհաննէսի, պատկերը որպէս մի տեսակ պահպանիչ յուրութք (թլիսիմ): Պատմում են որ կռուից դառնալով Պետրոնը յիշեց սուրբ հօրը եւ գնաց շնորհակալութիւն յայտնելու, դովելով եւ ամենուրեք հոչակելով նրա անունը որպէս մարդարէ: Ճգնաւորը ասաց Պետրոնին, որ իր՝ ճգնաւորի վախճանը մօտեցել է եւ շուտով պիտի թողնէ այս աշխարհը: Պետրոնը վշտացաւ եւ ասաց.

«Ինչպէս ես թողնում ինձ, գառնդ, այս աշխարհում, ով սիրելիդ իմ հովիւ. վախենում եմ, որ առանց քեզ գլորւեմ նախկին զառիթափով եւ վերջս աւելի վատ լինի քան յառաջ էր»:

Վանականը ասաց. «Կ'ուզես, հետեւիք ինձ»:

«Ուրախութեամբ», — պատասխանեց Պետրոնը:

Այնուհետեւ հիւանդացաւ Պետրոնը եւ տուն դառնալով պատմեց իր զրոյցը վանականի հետ, յայտնելով որ մօտ է իր վախճանը: Շատ չանցաւ, մեռաւ կանխատես սուրբ հայրը, մեռաւ նաեւ Պետրոնը: Մահն այնպէս տարաւ երկուսին, որ մէկը միւսի վախճանի յուրը չառաւ:

Ի՞նչ է այն զառիթափը կամ սայթաքումը, որ անհանգրստացնում էր Պետրոնին, մնում է մութ: Վանականի խորհուրդը որ Պետրոնը կրէ նրա նկարը ասպարի վրայ, կարծես թէ մի խուլ ակնարկ է զօրավարի պատկերամարտութեան:

1 Const. Porphyg. De Cerimon., I, 332.

* * *

Այս մեկնութեամբ Պետրոնի երկիւղը հասկանալի կը դառնայ: Հայ զօրականը վստահ չէր որ վանականի մահից յետոյ նորից չէր ուրանայ պատկերների զօրութիւնը եւ սրբութիւնը:

Այս ցոյց է տալիս որ հայ գործիչների դիրքը պատկերների խնդրում առանձին վստահութիւն չէր ներշնչում անգամ պատկերապաշտութեան վերահաստատումից յետոյ: Պատմագիրների վճռական հաւաստիացումները, որ Թէոդորայի ընտանիքը եւ մերձաւորները մոլեռանդ պատկերապաշտներ էին, ամեն պարագային չի կարելի ընդունել առանց վերապահութեան:

Այսպէս է ներկայանում Պետրոնը պատմական տուեալների ճշմարիտ լուսարանութեամբ:

Տարօրինակ է տեսնել, որ նոր ժամանակների գիտունները ոչ միայն որդեգրել են հների կանխակալ կարծիքները, որ դժուար չէ հերքել նրանց իսկ տուած փաստերով, այլ հնարաւոր են գտել աւելի եւս շեշտել ժխտական վերաբերումը բացէ ի բաց կամածին ենթադրութիւններով:

«Պետրոնը ռազմիկ(?) չէր, — ասում է նրանցից մէկը, — բայց թափուր չէր խոհեմութիւնից: Նա առաւ իր Նազարին որպէս խորհրդատու, որ Գաղատիայի կառավարիչն էր եւ աւելի վարժ(?) պատերազմական գործողութիւնների, քան ինքը. եւ նրան մասնակից արեց հրամանատարութեան: Անտարակոյս(?) նրա խորհուրդովն էր որ Պետրոնը գերագասեց կազմ գօրքը բազմաթիւ գօրքից եւ տարաւ իր հետ միմիայն ընտիր եւ քաջամարտ զինուորները»:

Պատմագիրը ասում է միմիայն որ Պետրոնի հետ էր նաև Բուկելլարեան թեմի ստրատեգ Նասարը¹: Ուրիշ ոչինչ:

Ճրանասացի պատմարանի յաւելումները պատուաբեր են դուրսէ իր երեւակայութեան, բայց ոչ ճշմարտասիրութեան: Պոստոնի ճակատում Պետրոնի հրամանատարութեան տակ էին գտնուում կայսերական բոլոր թեմերի ստրատեգները եւ նրանց թուում Բուկելլարեան թեմի: Նասարի անունը յիշուած է միմիայն նրա համար որ հետագայում եւս յիշատակում է:

Պատմական վկայութիւնը ամեն պարագային հիմ չի տալիս պարապ ենթադրութիւնների, որ Նասարը կարող մարտիկ ոյժ էր եւ այն էլ բարձր Պետրոնից եւ նոյնիսկ նրա խորհրդատուն:

1 Georgius, 828.

Պետրոնից աւելի վաստակաւոր եւ անհամեմատ բարձր էր իր երէց եղբայրը, Վարդը, որքան բարձր, այնքան առաւել վատարանուած նոյն պատմագիրների կողմից:

Այս վատարանութիւնը խկապէս բամբասանքի երևոյթունի քան լուրջ ամբաստանութեան: Արձակուած թունաւոր սլաքները մնում են խօսքի, լեզուական եռանդի սահմաններում, անկարող անցնել եւ խոցել այս նշանաւոր պետական մարդուն իր գործունէութեան մէջ: Երեւում է որ անուանարկումի ջանքերը յստակ համոզումի եւ կամ իրականութեան համակերպ մտածումի արդիւնք չեն, այլ կողմնակի թելադրանքի ստիպողական մի հարկ, ինչպէս կը բացատրենք ստորեւ:

Վարդը առաջին դէմքն էր եւ միակ պատասխանատու անձը Միքայէլի կայսրութեան ժամանակ, որպէս նրա ինամակալ կամ աւելի ճիշտ, առաջին մինիստր: Միքայէլը լուրջ անունով էր կայսր: Ոչ ընդունակութիւն ունէր եւ ոչ ցանկութիւն զբաղելու պետական գործերով: Զուարճութեանց և խրախճանների մարդ էր: Մանուկ հասակից անձնատուր էր ցոփ եւ անառակ կեանքի եւ, եթէ բարի սերմեր էին եղել ի բնէ նրա մէջ, խեղդուել էին շուայտութեան եւ ախտաւոր հակումների մէջ: Պետութեան բախտը թողել էր իր քեռուն, Վարդին, տածելով անհուն վստահութիւն եւ հաւատ նրա հմտութեան:

Վարդն օժտուած էր անպայման այն յատկութիւններով, որ պահանջում էր իր բարձր դիրքը: Թշնամի գրիչներն անգամ վկայում են որ նա վարչական մեծ ձիրք ունէր, չեն ուրանում, որ իրաւախոհ էր եւ արդարադատ: Անկաշառ մարդու համբաւ ունէր: Հպարտ էր իր ոյժի և արժանիքների գիտակցութեամ եւ բաւականին իմացական, որ խոհեմութեան չափերը պահէր: Կեսար էր, թագի մօտալուտ ժառանգորդ, եւ գիտէր թէ ի՞նչ է նշանակում ամբոխի աչքում իշխանաւորի շուքն ու շքեղութիւնը, ուստի եւ սիրում էր պերճութիւն եւ փառահեղ շրջապատ:

Այս գծերը թուում են մի առ մի պատմագիրները, երեւի, օգտուելով անկողմնակալ եւ հին աղբիւրներից: Բայց գտնուելով որոշ ներշնչումների ճնշման տակ, աշխատում են գունատել, թուլացնել Վարդի նկարագիրը իրենց անձնական վերապահ նկատողութիւններով: Այսպէս, Վարդի անկաշառութիւնը շեշտելուց յետոյ աւելացնում է պատմագիրը որ այդ կեղծ էր, առերևոյթ, շիմոն Եπίπλαστος, որովհետեւ

Վարդը ընչաքաղց էր եւ սիրում էր ձեռք բերել կալուածներ եւ թանկարժէք իրեր:

Վարդի խոհեմութիւնը եւս կասկածի տակ է առնւում: Պատմագրին թուում է որ Վարդի այս յատկութիւնը ցուցական էր, դերասանական, այսինքն՝ նա միայն ձեւանում էր խոհեմ, բայց իրօք այդպէս չէր:

Վարչական կարողութեան առթիւ ուրիշ աւելի կծու բան չէ կարողանում ասել քան այն որ այս կէտում Վարդը «ստոր էր լուսագոյններից»: Սոստովանում են որ մեծ խնամք ունէր, մեծ աշխատանք էր թափում պետութեան վրայ, բայց կարծում են նսեմացնել նրա եռանդը, ասելով որ նա գործում էր իրեն համար, որովհետեւ կայսրութեան վրայ նայում էր որպէս իր սեփականութեան վրայ, որին կոչուած էր տիրանալու վաղ թէ ուշ:

Հարկաւ, այս կարգի խայթոցներով կարելի չէ բծաւորել մի անուն, որն իր փայլի համար ունի աւելի վստահելի եւ պերճախօս վիճակներ, որպիսիք են իր յուսաշաւիղ գործերը, իր իսկ հակառակորդների զրջով արձանագրուած:

Իր միահեծան տասնամեայ շրջանում Վարդը վարեց պետական գործերը, τὸ πολιτικόν, սնօրինեց տէրութեան բախտը այնպիսի հմտութեամբ եւ այնպէս յաջողակ, որ տհաճութեան եւ բողոքի մասին խօսք չէր կարող լինել:

Եզակի է իր տեսակի մէջ նրա բեղուն գործունէութիւնը լուսաւորութեան ասպարէզում եւ իրապէս արժանի ամենայն գովեստի եւ հիացման: Քրիստոնէութիւնը կործանելով հեթանոս աշխարհահայեացքը չէր խնայել նաեւ հեթանոս դիտութիւնները եւ մտաւոր խոշոր յանդումները: Ս. Գիրքն էր յայտարարուել իմաստութեան յստակ աղբիւր եւ նրա հեղինակութիւնը մի ոյժ էր, որի առաջ պիտի նահանջէին և թագնուէին ձեռագրական պահարանների մէջ որոնող մտքի լուսագոյն վաստակները, հելլէն իմաստութեան աւանդները: Հին Կտակարանը ի հարկէ խտտելի գիրք չէ բնաւ: Այն մի տեսակ աւազան է, ուր ամբարուած են Արեւելքի հին քաղաքակրթութեանց հոսուն գետերից շատ ջրեր, պիտանի եւ բնդունակ յաղեցնելու ծարաւ ոգիներ: Սակայն, մարդկութիւնը արդէն թեւակոխել էր յառաջդիմութեան նոր եւ հելլենական շրջանը, գերազանց քան բոլոր նախընթացները: Հելլէն միտքը անբաւ նուաճումներ էր արել գիտութեան բոլոր մարզերում: Հին Կտակարանի տեսութիւնները հնացած էին իրենց նախնական պարզութեան մէջ:

Քրիստոնէական եկեղեցու կողմից, անտարակոյս յե-

տաղիմական քայլ էր, երբ Աւետարանի գինու հետ պարտադրեց աշխարհին նաեւ Մեռեալ ծովի անկենդան ջրերը: Այն օրից նուազեց, հիւժեց յոյն իմաստասիրութիւնը եւ իր ամբիտնից իջնելով դարձաւ աղախին աստուածաբանութեան: Մեռաւ գիտութեան կենդանի շունչը: Մտղկեց եւ ուռճացաւ աստուածաբանութեան անպտուղ ծառը, չորացան հին փիլիսոփայութեան ատոք սերմերը: Դարեր շարունակ մարդկային քննական և յառաջխաղաց միտքը մնաց չղթայուած կրօնական նախապաշարումների ստրկական նկուն վիճակի մէջ:

Առաջին անգամ ըմբոստութեան նշաններ երեւացին իններորդ դարում: Ըմբոստութեան կարապետները հայ էին ազգով եւ նրանցից ամենանշանաւորը, Լեւոն մեծ փիլիսոփան: Վարդը ինքը եւս ուսեալ եւ կրթասէր անձ էր եւ քաջ գիտակցում էր դասական գրականութեան արժէքը: Տեսնելով հին, թաղուած գիտութեան նորարողը ծիլերը, հարկ համարեց խնամել և պետութեան հովանու տակ առնել: Այս նպատակով հիմնեց առաջին բարձրագոյն դպրոցը, անդրանիկ համալսարանը Բիւզանդիոնում: Նրան յատկացրեց Մազնաւրա կոչուած պալատը: Հրաւիրեց Լեւոն մեծ գիտնականին եւ նրա տեսչութեան յանձնեց նորարաց դպրոցը:

Լեւոն հայ էր եւ Յովհաննէս պատրիարքի (832-843) եղբորորդին: Յովհաննէսը, ինչպէս եւ իր եղբայր Արշաւիր պատրիկը նմանապէս ուսումնասէր եւ գիտուն անձեր էին: Լեւոնի կեանքը եւ գործունէութիւնը զարգարուած են հրաշապատումներով, որոնց կ'անդրադառնանք առանձին յօդւածով: Այստեղ յիշենք միայն այն, որ Լեւոնը մեծ համբաւ ունէր գիտութեանց մէջ: Ոչ միայն հմուտ մասնագէտ էր փիլիսոփայութեան, ճարտասանութեան, և քերթողական ու քերական արուեստների, այլ եւ առաջինն էր որ ուշք դարձրեց մոռացութեան տրուած բնական գիտութիւնների վրայ և այնպիսի կատարելութեան հասաւ երկրաչափութեան, աստղաբաշխութեան, համարողութեան այսինքն՝ մաթեմատիկայի եւ մինչև և իսկ երաժշտութեան մէջ, որ սկսեց ուսուցչութեամբ պարապել եւ վերջը կոչուեց Մազնաւրի համալսարանի պրոֆեսոր: Լեւոնը շատ բան էր պարտական իր գիտուն հօրեղբոր, Յովհաննէս պատրիարքին: Ոչ միայն Յովհաննէսը, այլ եւ իր հայրը, Բագարատը, գիտութեան մեծ սէր են ունեցել եւ յայտնի են եղել մանաւանդ աստղաբաշխութեան մարզում:

Անշուշտ Յովհաննէսի ազդեցութեան է վերադրելու եւ այն, որ Լեւոնը հոգեւոր կոչում ստացաւ եւ Թեսալոնիկէի եպիսկոպոս եղաւ մօտ երեք տարի (840-843): Սակայն, իր

հօրեղբոր անկումից յետոյ ինքը եւս ստիպուած էր թողնել իր աթոռը: Ինչպէս երեւում է, անգամ հրաժեշտ տուաւ եկեղեցական կոչումին, որի համար առանձին սէր եւ հակում չունէր, եւ նորից դարձաւ դասատուութեան: Քիչ յետոյ ստանձնեց Վարդի համալսարանում ուսուցչութեան պաշտօնը:

Լեւոնի գործունէութիւնը բեղմնաւոր էր: Ծուտով նշանաւոր աշակերտներ ունեցաւ, որոնցից մի քանիսին պատրաստեց դասատուութեան նոյն համալսարանում: Այսպէս, Թէոդոր անունով մէկը ուսուցանում էր երկրաչափութիւն, Թէոդեզիոսը՝ աստղաբաշխութիւն եւ Կոմիտասը՝ քերականութիւն: Լեւոնի աշակերտներից էր նաեւ Կոստանդին, որ յետոյ հռչակուեց որպէս սլաւոնական առաքեալ Կիրիլ վերակոչումով:

Վարդը գովական հոգածութեամբ համալսարանի ուսուցիչներին արքունի թոշակ կապելով ապահովեց մշտապէս նրանց նիւթական վիճակը եւ հնարաւորութիւն տուաւ ամբողջովին նուիրուել գիտական եւ մանկավարժական զբաղումների: Նա այնքան մօտ էր համարում իր սրտին նորարաց կրթարանը, որ շարունակ այցելում էր դասախօսութիւնները, հետեւում էր նաեւ աշակերտների յառաջադիմութեան, խրախուսելով նրանց պարապմունքները լաւագոյն յուսադրութեամբ և խոստումներով: Այսպիսով Վարդը կարողացաւ ստեղծել գիտութեան մի հրաշալի պարտէզ, որը ամէնով եւ ծաղկելով արդիւնաշատ եղաւ, արդարացնելով հիմնադրի յոյսերը:

Մագնաւրի համալսարանը պատմական մի անժխտելի կոթող է Վարդի լուսաւոր անուան:

Պատմագիրները խոստովանում են ոչ առանց դժկամակութեան Վարդի արժանիքը գիտութեանց մեկենասի պատուաւոր դերում, աւելացնում են որ այդ բաւական չէր մոռանալ տալու նրա սխրագործութիւնները: Ոսքը գլխաւորապէս եկեղեցական քաղաքականութեան մասին է:

Հները կատարի թշնամի են Վարդին եւ նրա բռնած ուղղութեան: Կարծում են որ նա էր սկզբնապատճառը այն դժտութիւնների, որոնք վրդովեցին եկեղեցու անդորրութիւնը գրեթէ տասը տարի (859-869): Հաւատացնում են որ շարժառիթն էր Վարդի բնդհարումը Իգնատիոս պատրիարքի հետ անձնական գետնի վրայ:

Սակայն, խնդիրը աւելի խոր արմատներ ունէր և պատմագիրների լուսարանութիւնն ու տեսակէտը ներշնչուած են կուսակցական նեղ եւ ըստ էութեան թիւր ոգով:

Յովհաննէս հայ պատրիարքը գահընկէց եղաւ 843 թր-

ւին պատկերապաշտութեան վերականգնումով: Նրան յաջորդեց Մեթոդիոսը, որ կառավարեց միայն չորս տարի: 847 թուին երեք արժանաւոր թեկնածու կար, երեքն էլ արքայազն ծագումով, Միքայէլ Ռանդարէի որդի Իգնատիոսը եւ Լեւոն Հայի երկու որդիները՝ Վասիլ եւ Գրիգոր: Առաւելութիւն տրուեց Իգնատիոսին ոչ այն հաշուով որ աւելի արժանաւոր էր քան միւս ընտրելիները: Իգնատիոսն իր յաջողութիւնը պարտ էր յատկապէս ներքինի Թէոկտեստին, Թէոդորա կայսրուհու ամենազօր մինիստրին: Նրան բնաւ ձեռնտու չէր եւ նրա քաղաքական նկատումների մէջ չէր մտնում յառաջ քաշել հայ ոյժերին: Արտաքուստ կարող էր վարագուրել իր ընտրութիւնը այն բարեմիտ պատրուակով, որ Վասիլ եւ Գրիգոր պատկերամարտի որդիներ էին եւ ուրեմն անբաղձալի ժառանգորդներ հայրապետական աթոռին մի այնպիսի ժամանակ, երբ յաղթանակել էին պատկերները: Թէոկտիստը ինքն էր հեղինակը պատկերանպաստ քաղաքականութեան եւ այժմ էլ ինքն է Իգնատիոսի ընտրողն եւ հովանաւորը:

Վարդը որպէս քաղաքական հակառակորդ Թէոկտիստի չէր կարող բարեկամ լինել նրա արբանեակներին, որոնց թրւում եւ պատրիարք Իգնատիոսին: Հռչակաւոր ներքինու տապալումից յետոյ բնական է որ պատրիարքի դիրքը եւս պիտի խախտուէր:

Իգնատիոսը ջերմեռանդ կրօնաւոր էր, ո՛չ խոր միտք ունէր եւ ո՛չ սուր աչք: Փոխանակ զգալու իր փափուկ դրութիւնը եւ ըստ այնմ շարժուելու, բաւականին անշրջանկատ գտնուեց եւ ինքն իսկ պատճառ եղաւ իր անկման եւ յաջորդող խռովութեանց:

Ինչի՞ց պայթեց Վարդի եւ Իգնատիոսի բնդհարումը: Հները պատմում են եւ նորերը երկրորդում առանց քննութեան երկու դէպք, որոնցից մէկը աւելի զբայարտութեան մօտ է թւում քան իսկութեան:

Վարդը երկու որդի ունէր եւ մի դուստր: Աւագ որդին, որի անունը չէ պահել պատմութիւնը, նշանակուած էր մոնոստրատեզ, այսինքն մի քանի թեմերի սպարապետ, արեւմտեան երկրներում: Այսպիսի պաշտօն ունէր մի ժամանակ Վարդան անունով հայ զօրավարը արեւելեան թեմերում: Կրտսեր որդին կոչուում էր Անտիգոն եւ մանուկ հասակից կարգուած էր սխոլների դոմեստիկ, պալատական հեծեալ գնդի զօրապետ: Դստեր անունն էր Իրինէ և ամուսնացած էր Սմբատ հայ իշխանի հետ, որ Թէոկտիստի սպանութիւնից յետոյ ստանձնել էր լրգոթեաի բարձր պաշտօնը: Իրինէի

դամբարանը դառնում էր Գաստրիա վանքում, ուր թաղում էին նաև իր հօրեղբայրը՝ Պետրոսը, հօրաքոյրը՝ Թէոդորա կայսրուհին իր երեք աղջիկներով¹:

Մայրաքաղաքում չարաչուկ լուրեր էին պտտում որ Վարդ կեսարը կենակցում էր իր նուի հետ, այն է աւագ որդու կնոջ հետ: Անփառունակ շուկները հասան նաև պատրիարքին: Իդնատիոսը չհամբերեց, խսկոյն կանչեց Վարդին և յորդորեց յետ կենալ պիղծ յարաբերութիւնից: Վարդը սովոր չէր նախատինքի: Իդնատիոսը դաշտացաւ և վճռական քայլ արեց: Յայտնութեան մեծ տօնին, երբ կեսարը մօտեցաւ ս. հաղորդութեան, պատրիարքը հնարաւոր դտաւ մերժել և այսպիսով հրապարակաւ մեծ անարգանք հասցրեց ամենագոր կեսարին: Վարդը վրդովուած եկեղեցու պետի թեթեւամիտ և անխոհեմ վարմունքից, հանեց սուրը խելքի բերելու բարձրավիղ եկեղեցականին, բայց կարողացաւ ինքն իրեն դսպել: Այն օրից վճռեց քչել պատ. քիարքին աթոռից: Այս գրոյցը գտնուում է բոլոր պատմագիրների մօտ²: Միայն մէկը վկայում է, որ Վարդը բաժանուէր իր կնոջից և ամուսնացաւ իր նուի հետ, արհամարհելով եկեղեցական օրէնքները³:

Մեզ թւում է որ նուի պատմութեան իսկական աղբիւրը Իգնատիոսի վարժն է, դորժ Նիկեասա Պափյաղոնագու⁴: Այստեղից են քաղել պատմագիրները: Արդեօ՞ք կարելի է անպայման հաւատ ընծայել մի ծանր ամբաստանութեան, երբ նա բխում է հակառակորդ բանակից: Եւ ո՞վ էր այս նուն:

Թէոդորա կայսրուհին իր որդու Միքայէլի համար հարս գտնելու նպատակով դիմել էր նոյն միջոցին, ինչպէս ինքն էր ընտրուել: Ամեն կողմից մատղահաս աղջիկներ էր բերել տուել պալատ և նրանց միջից ընտրել Դեկապոլիտ անունով մի մարդու դստեր, Եւդոկիային: Հարսնացուների թւում էին նաև երկու կապպադովկիացի աղջիկներ, երկու քոյրեր, որոնցից մէկի անունն էր Իրինէ, միւսինը յայտնի չէ: Մայրաքաղաք գնալիս քոյրերը այցելել էին Ուլիմպոս յերան վրայ Յովհաննիկ մենակեացին, հայցել նրա օրհնութիւնը և աղօթքը յաջողութեան համար: Յովհաննիկը հրասթափեցրել էր Իրինէին, գուշակելով որ նրան սպասում է ոչ կայսերական ծիրանին, այլ վանական սեւ զգեստը:

Արդարեւ, Իրինէն չարժանացաւ հարսնութեան և կու-

1 Constantin Porphyrogenetes, De Cerimoniis I, 648.
2 Genes., 99; Georg. 826; Leo Gram. 240; Symeon, 667.
3 Teoph. Cont., 193.
4 Vita Ignati, Migne, P. G. 105, col. 504.

սակրօնութիւն ընդունեց, մտնելով Խրիստոբլանտ (Ոսկէ պարկ) մենաստանը, Ասպարի աւագանի մօտ, ուրեմն հարեւան Մանուէլ Մամիկոնեանի տան, որ նոյն աւագանի մօտ էր գտնուում:

Իսկ ի՞նչ եղաւ միւս քոյրը: Իրինէի վարժից իմանում ենք, որ քոյրը «հետագայում ամուսնացաւ Միքայէլ կայսրի մօրեղբոր Վարդ կեսարի հետ»¹:

Իրինէի քրոջ ծանօթացած պէտք է լինէր Վարդը Միքայէլի փեսայութեան տարին, որ պատահեց Թէոկտեստի սպանութիւնից քիչ յառաջ: Սպանութիւնը 856ին էր, ուրեմն Միքայէլի ամուսնութիւնը կ'ընկնի 855ին, երբ նա 16-17 տարեկան էր: Սակայն, այդ ժամանակ Վարդն արդէն չափահաս աղջիկ ունէր, երկու որդի, որոնցից կրտսերը 9-10 տարեկան հասակ ունէր: Աղջիկը կարգուած էր Սմբատ իշխանի հետ: Հասկանալի է որ Իրինէի քոյրը Վարդի առաջին կինը լինել չէր կարող: Նա երկրորդ կինն էր: Վերեւ յիշուած վկայութեան համաձայն՝ Վարդը հեռացրել էր իր առաջին կնոջը և ամուսնութեան առել էր իր նուին, այն է որդու կնոջը: Այս կարծեցեալ նուն ոչ այլ ոք է ուրեմն եթէ ոչ Իրինէի քոյրը, ուրեմն նուի քոյրը:

Իրինէի վարքը ազատ է իդնատեան գրականութեան ազդեցութիւնից և նրա վկայութիւնը արժէքաւոր: Այստեղ ոչ մի ակնարկութիւն չկայ Վարդի ամուսնութեան արատաւորութեան վրայ: Անգամ խօսք չկայ այն մասին, որ Իրինէի քոյրը Վարդի նուն էր: Ապա ուրեմն որքա՞ն արժանահաւատ են հակառակ բանակի ամբաստանութիւնները:

Վարդի երկու որդիներից միայն երէցը կարող էր փեսայացած լինել, կրտսերը տակաւին տղայ լինելով: Փեսայութիւնը կանուխ չէր 855 թուից, երբ Իրինէ և իր քոյրը մայրաքաղաք եկան ներկայանալու կայսերական հարսնատեսութեան: Յաջորդ տարիները Վարդի երէց որդին գտնուում էր պաշտօնով արեւմուտքում և մնաց անդ և մեռաւ յառաջ քան 862 թիւը: Պէտք է կարծել որ եթէ ամուսնացել էր, կինը իրեն հետ էր լինելու:

Վարդի մասին պտտող անհաճոյ լուրերը յառաջ էին քան 858 թ. յունուարի վեցը: Նուն հազիւ երկու տարուան նորահարս էր, գուցէ և պակաս: Եթէ ամուսինը արեւմուտք ղրկուեց Թէոկտեստի մահից յետոյ, ինքը նուն ևս արեւմուտք պէտք է լինէր 856-857 տարիները: Իսկ եթէ 858 յունուարից յետոյ գնացին արեւմուտք, դժուար է ենթադրել որ

1 Acta Sanctorum, Iulis, 28, vol. VI, 602.

Վարդը որդու ներկայութեան ամօթալի սէր տածէր դէպի իր նուն, իր հարսը:

Չարամիտ զրոյցները ծագել են հաւանօրէն այն գեանի վրայ, որ Վարդը որդուն պաշտօն էր տուել արեւմուտքում, եւ ենթադրել են, որ օգտուելով նրա բացակայութիւնից շնացել է նուրի հետ: Մի բան ստոյգ է որ Վարդը իր որդու մահից յետոյ ամուսնացել է նրա կնոջ եւ կամ նշանածի քրոջ հետ: Այստեղից սկիզբ են առել զրաբանութիւնները, որոնք ամեն պարագային ոչ մի կապ չէին կարող ունենալ Իգնատիոս պատրիարքի անկման հետ, քանի որ անկումը 858 նոյեմբերին էր, իսկ Վարդի ամուսնութիւնը հաւանօրէն քիչ առաջ էր քան 862 թիւր իր կեսարութեան տարին:

Իգնատիոսի բերանից նրա արբանեակներից մէկը գանգատ էր գրել Հռոմայ պապին Վարդի դէմ: Այստեղ ոչ մի խօսք չկայ Վարդի արատաւոր սիրոյ մասին: Պատրիարքի անկման պատճառը համարուում է այն որ հրաժարուել էր կտրել Թէոդորայի եւ իր դուստրների մազը հակառակ Վարդի հրամանին¹:

Այս պատճառարանութիւնը ևս զուրկ է ճշմարտութիւնից: Թէոդորան ընկաւ 856 թուին, եւ պալատից հանուեց առ առաւելն մէկուկէս տարուց յետոյ, ինչպէս տեսանք վերեւ, ուրեմն 857 թուի կէսերին, արդէն վանք պիտի քաշուած լինէր: Այն ինչ պատրիարքի գահընկէցութիւնը վերաբերում է 858 թուի նոյեմբերին: Տարածութիւնը խիստ մեծ է, որպէսզի հնարաւոր լինի պատճառական աղերս գտնել երկու դէպքի մէջ:

Մեզ թւում է որ Վարդի եւ պատրիարք Իգնատիոսի թշնամութեան և ընդհարումի իսկական պատճառը թաղցնելու եւ կամ սքողելու համար է, որ հնարուած են Վարդի ապօրինի սիրոյ եւ Թէոդորայի մազը կտրելու զրոյցները: Եթէ անգամ դրական հիմք ունեցած լինեն, խիստ աննշան դէպքեր են հասարակական տեսակէտից, որպէսզի կարենային այնպիսի մեծ խռովութիւն յառաջ բերել: Ոչ բիւզանդական արքունիքը կարող էր պարծենալ բարոյական մաքրութեամբ և ոչ իսկ պատրիարքը այնքան նրբազգաց էր և խրատասիրտ, որ գլուխ բարձրացնէր մեծագոր մինիստրի դէմ եւ իր դրութիւնը վտանգէր ընդունայնաբար:

Վարդի ատելութիւնը եւ ոխը Իգնատիոսի դէմ կարելի է բացատրել եւ հասկանալի դարձնել միայն այն դէպքում, եթէ ենթադրենք որ պատրիարքը խառն է եղել Վարդի դէմ

¹ Theognostus, Libellus ad Papam, Migne, P. G. 105, col. 857.

լարած վերջին դաւադրութեան: Գիտենք որ գահազուրկ Թէոդորան էր դաւադրութեան բուն հեղինակը եւ նպատակ ունէր իր եղբոր մահուան զնով վերստին տիրանալ գահին: Պատրիարքը Թէոդորայի եւ Թէոկտիստի մօտ բարեկամն էր եւ նրանց կողմից ընտրուած: Թէոկտիստի սպանութիւնից յետոյ խեթ աչքով պիտի նայէր Վարդի վրայ: Թէոդորայի հեռացումը եւս առաւել պէտք է դառնացնէր պատրիարքին եւ լարէր Վարդի դէմ:

Խելագար Գերէնի օրինակը ցոյց է տալիս որ Իգնատիոսը անտարբեր հանդիսատես չէր այն նենգաւոր փորձերին, որոնց նպատակն էր տապալել Վարդին: Անշուշտ Վարդը բանաւոր հիմք ունէր, երբ որ պատրիարքին կոչում էր Γεβοβασιλευτος, այսինքն մի մարդ, որ տենչում է Գերէնի թագաւորութեան¹:

Գերէնն անուն անձը Իլլիւրիայի (այժմ Ալբանիա) Դիրաքիում քաղաքից եկել էր մայրաքաղաք եւ յայտարարել, որ ինքը Թէոդորա կայսրուհու որդին է, ծնուած նախ քան նրա ամուսնանալը Թէոփիլի հետ: Ամբոխի միտքը խմորող երեւոյթ էր: Կարող էր խռովութիւն յարուցանել: Վարդի հակառակորդների ձեռքին մի նոր գործիք էր գժտութիւններ սերմանելու եւ Վարդի կառավարութիւնը վարկաբեկելու համար: Խռովարար խենթը բռնուեց եւ իր պատիժը կրեց մահուան դատապարտուելով: Նոյն օրը աթոռից նետուեց նաեւ Իգնատիոս պատրիարքը, 858 թ. նոյեմբեր ամսին:

Եթէ իրօք սոյն տարուան սկիզբը պատրիարքը մերժել էր հազորդութիւն տալ Վարդին եւ կամ չէր կամեցել խուզել կայսրուհու մագերը, այս անհնազանդութիւնն որքան եւ անախորժ Վարդի համար, չէր կարող պատճառ համարուել պատրիարքի անկման:

Իգնատիոսի փոխարէն Վարդն առաջարկեց մի աշխարհիկ անձ: Այդ Փոտն էր: Իր դարու ամենից յուսաւոր միտքը, ամենագէտ, իբրեւ մարդ հաճելի շարժումներով եւ նիստուկացով: Այդ միջոցին նա պրոտոպաթար էր (սուսերակիր) և պրոտո-ասեկրեոտ (առաջին քարտուղար): Փոտը Վարդի սիրելին էր որպէս գիտուն եւ զարգացած գլուխ: Բացի դրանից Փոտը Արչաւիր պատրիկի քրոջ Իրինէի որդին էր, իսկ Արչաւիրը փեսայ էր Վարդին, սրա քրոջ Կալո-Մարիայի ամուսինն էր: Ընտանեկան մերձաւորութիւն ունէին:

Իգնատիոսի անկումից մի ամիս շանցած, նոյն 858 թ. դեկտեմբերի 25ին Մննդեան օրը, Փոտը բարձրացաւ պատ-

¹ Vita Ignatii, Migne, P. G. 105, col. 504.

րիարքական աթոռ, մի քանի օրուան մէջ ստանալով եկեղեցական բոլոր աստիճանները: Իգնատիոս չյօժարեց եպիսկոպոս ձեռնադրել Փոտին: Դիմեցին Գրիգոր Ասրեստ անունով եպիսկոպոսին, որ Իգնատիոսի ոխերիմ թշնամին էր, եւ նա ձեռնադրութեան կարգը կատարեց: Այս քայլը աւելի եւս զրգռեց վշտացած պատրիարքին:

Գրիգոր Ասրեստը Սիկիլիայի եպիսկոպոսն էր: Մի զանցառութեան հետեւանքով կանչուել էր մայրաքաղաք համարատուութեան համար: Մի օր Ս. Սոփիայի տաճարում, երբ հոգեւորականները շարուած, լուցեալ մոմերով սպասում էին պատրիարքին, եւ Գրիգորը եւս տեղ էր բռնել միւսների թուում, Իգնատիոս նկատելով Գրիգորին, զայրացաւ եւ հրամայեց հեռանալ եկեղեցուց եւ չհամարձակուել մասնակցել հանդէսներին, մինչեւ որ նրա դործը չքննուի: Գրիգոր եպիսկոպոսը խորապէս վիրաւորուած, հանդցրեց իր մոմը եւ գետին ձգեց ստելով բարձրաձայն. «սա հովիւ չէ, որ եկեղեցի է մտել, այլ դայլ»:

Եկեղեցականութիւնը բաժանուեց երկու բանակի, Իգնատիոսի եւ Գրիգորի շուրջը: Ոյժը առաջնի կողմն էր: Թէոդորայի եւ Թէոկտիստի կառավարութեան ժամանակն էր եւ Իգնատիոսը ամուր պատուար ունէր իր ետեւ յանձին նրանց: Ժողով գումարեց պատրիարքը եւ դատապարտեց Գրիգորին իր կողմնակիցներով: Սրանք դիմեցին Հռոմ, պապի միջնորդութեան: Պապը պահանջեց ժողովի արձանագրութիւնը: Իգնատիոսը մերժեց: Գրիգոր Ասրեստի համակիրների թուում էր Փոտ, տակաւին աշխարհական, որ յարգում էր Գրիգորի գիտութիւնը եւ որոշ խտրանք ունէր անուս եւ անխորագէտ Իգնատիոսի նկատմամբ:

Վարդը Գրիգորի եւ Փոտի կողմն էր ընդդէմ Իգնատիոսի, Թէոդորայի եւ Թէոկտիստի: Կուսակցական կրքերը եկեղեցու շուրջը դասաւորուել էին քաղաքական հակամարտութեան խողովակների մէջ:

Գրիգոր Ասրեստի մասնաւոր հարցը դեռ լուծուած չէր: Այսպիսով կուսակցական ներհակութեան սրերը արդէն սրուած պատրաստ էին: Ասրեստի հարցը կախուել էր անորոշութեան մէջ: Կարգալոյժ եպիսկոպոսի յանկարծական երեւումը պատուաւոր դերում ալեկոծեց հակառակորդներին: Աշխարհական մի մարդ եպիսկոպոսացել էր մի քանի օրուան մէջ եւ պատրիարքական աթոռի վրայ բազմել: Այս եւս անհանդուրժելի էր Իգնատիոսականների աչքում:

Փոտի ընտրութեան յաջորդ տարին Իգնատիոսը ժողով

գումարեց իր կուսակիցներից: Ժողովը որոշեց հեռացնել Փոտին պատրիարքութիւնից: Նոյն տարին Փոտը իր կողմից մի ուրիշ ժողով հրաւիրեց եւ նոյնպիսի վճիռ հանեց Իգնատիոսի դէմ:

Եկեղեցական կոիւնները, հարկաւ, վարւում էին քաղաքական պատնէշների վրայ: Իգնատիոսի թիկունքում կանդնած էին յառաջ Թէոդորա եւ Թէոկտիստ, այժմ Փոտի յենարանն է Վարդը: Համաձայն Փոտի ժողովի որոշման, Վարդը աքսորեց Իգնատիոսին:

Ոնգիրը բարգացաւ երբ Ստուդիոնի հռչակաւոր վանքի միաբանութիւնը բռնեց Իգնատիոսի կողմը, աւելի կնճռուեց մանաւանդ Հռոմի միջամտութեամբ: Ստուդիոնականները պաշտպանում էին եկեղեցու ազատութիւնը ընդդէմ պետութեան ճնշումի: Իսկ Հռոմայ պապը ձգտում էր օգտուել հանգամանքից եւ պղտոր ջրում ձուկ որսալ: Այդ ժամանակ գահի վրայ Նիկիոյայոս Ա պապն էր, որ երազում էր Հռոմի համաշխարհային տիրապետութեան մասին, եւ պատեհ առիթ համարեց ձեռք դնել Բիւզանդական եկեղեցու վրայ:

Նոր պատրիարքի աթոռակալութիւնը հաղորդեցին, ընդունուած սովորութեան համաձայն, Անտիոքի, Երուսաղէմի, Աղեքսանդրիայի պատրիարքներին, ինչպէս Հռոմայ պապին: Արչաւիր սպաթարը (երեւի Վարդի կամ Փոտի ազգականներից) երեք եպիսկոպոսի ուղեկցութեամբ ներկայացաւ պապին 860 թ. ամառը եւ յանձնեց Միքայէլ կայսրի եւ Փոտի նամակները: Պապն ի պատասխան, երկու եպիսկոպոս զրկեց Կ. Պոլիս, որ մօտէն ծանօթանան դործի էութեան եւ իրեն զեկուցանեն: Միեւնոյն ժամանակ պապը Միքայէլ կայսրին ուղղած նամակում հասկացրեց որ պատրաստ է վէճը լուծել նրա ցանկութեան համաձայն պայմանով որ իրեն, պապին, զիջանի Թեսալոնիկէի, Կալարիայի եւ Սիկիլիայի եկեղեցական վիճակները:

Հետեւեալ 861 տարին մայիս ամսին Կ. Պոլսում բացուեց ժողովը պապի նուիրակների եւ 318 այլ եպիսկոպոսների մասնակցութեամբ: Մի հայ պաշտօնեայ Վահան Անգորէս կոչեցեալ ուղարկուեց Իգնատիոսի յետեւից¹: Յովհ. Պատրիկը, որ կոչուում էր Կոքսէս, բերեց ծերակոյտի նախագահին Լեւոն պատրիկին, եւ Թէոդոտակ պատրիկին, որ յետոյ մագիստրոսութեան պատիւ ստացաւ: Հաւանօրէն Թէոդոտակ եւս հայ ծագում ունէր, դատելով անուան ձեւից, որ աւելի հայկական մասնիկ ունի քան յունական: Եօթանասուն

1 Vita Ignatii, Migne, P. G. 105, col. 577.

եւ երկու հոգի վկայեցին, որ ինքը Իգնատիոսը իր ժամանակին ընտրուել էր ոչ եկեղեցական կանոնի համաձայն, այլ թէոգորա կայսրուհու ճնշմամբ, որպէս նրա հովանաւորեալը:

Նկատենք անցողակի, որ սրանով հաստատուում է վերև յայտնած մեր ենթադրութիւնը, որ Իգնատիոսը կայսրուհու եւ թէոկատիտի թեկնածուն էր ընդդէմ Լեւոն Ե-ի որդիներին՝ Վասիլ եւ Գրիգոր եպիսկոպոսներին:

Ժողովը եկաւ այն որոշման, որ Իգնատիոսն անարժան է պատրիարքական աթոռին եւ նրա հետացումը արդար է: Պապի նուիրակները եւս դրին իրենց ստորադրութիւնը ժողովի վճիռներին տակ: Պապը դժգոհեց: Տեսանք, որ նրան հետաքրքրում են առանձնապէս ոչ վէճերը ինքնին, այլ որոշ եկեղեցական թեմեր, որ Լեւոն Գ Իսաւրացին խլել էր Հոմից եւ այժմ պապը պահանջում էր յետ դարձնել իրեն: Պապի այս աշխարհակալ ցանկութիւնը չէր յարգուել, ուստի եւ չըջաբերականներ զրկեց արեւելեան պատրիարքներին, իր զայրոյթը արտայայտեց ընդդէմ մանաւանդ Փոտի, անուանելով նրան չարագործ, պահանջեց նրա հրաժարումը եւ Իգնատիոսի վերահաստատումը աթոռի վրայ:

Ճիշտ այդ ժամանակ Իգնատիոսի մերձաւորներից թէոգնոստ անունով մէկը Հոմ դնաց պապի մօտ, հետը տանելով Իգնատիոսի նամակը: Պապը ժողով գումարեց 863 թուին Լատերան եկեղեցու մէջ: Թէոգնոստի մերկացումները մի պատրուակ էին, որպէսզի ժողովը պահանջէր Փոտի հրաժարականը ի նպաստ Իգնատիոսի: Փոտը վճռական քայլ արաւ եւ 865 թուին առանձին ժողովով նոյն կերպ վարուեց պապի հանդէպ: Եկեղեցական խզումը կատարեալ էր: Գործը այնտեղ հասաւ, որ Միքայէլ կայսրը, իմա՝ Վարդը, սպառնաց պապին որ զէնքի ոյժով կը հարկադրէ նրան հնազանդել կայսերական ժողովների որոշման:

Վարդի անակնկալ սպանութեամբ 866 թուին 21 ապրիլի Փոտի բախտը շրջուեց:

Վարդի աստղը թեքուեց այն օրից, երբ նա կործանեց իր վաղեմի բարեկամ Դամիանին: Սա Միքայէլի սենեկապետն էր (պարակիմոնեն) եւ Վարդից դժգոհ էր, երեւի, այն պատճառով, որ Վարդը մեծ դիրքի հասնելով հոգ չէր տարել իր բարեկամին եւս յառաջ քաշելու:

Մի օր Վարդը գոյնզգոյն սկարամանդը հագած (սկարամարանդը մի տեսակ տունիկ էր, որ հագնում էին մանաւանդ ձի նստած ժամանակ), ծերակուտականների եւ դրանիկ մեծամեծների ուղեկցութեամբ անցնում էր ամենայն հան-

դիտաւորութեամբ հորոյգիտնից (սրահ, ուր արեւացոյց կար) դէպի ոսկեսրահը (խրիստոբիլիինոն) Միքայէլ կայսրի մօտ: Դամիանը նստած էր հանգիստ հորոյգիտնում եւ զլացաւ վեր կենալ տեղից ու սովորական յարգանք մատուցանել կեսարին: Վարդը այլայլուեց եւ հազիւ զայրոյթը զսպած մտաւ կայսեր մօտ եւ պատմեց նրան իրեն հասցրած վիրաւորանքը: Կայսրը իրաւացի դտաւ իր սիրելի քնուտրտունջը եւ անմիջապէս հրաման արձակեց բռնել Դամիանին եւ զրկել մենաստան, նախապէս մազը խուզելով:

Դամիանի տեղ սենեկապետութեան պաշտօնին անցաւ, կայսեր հաճութեամբ, հայագն Վասիլը¹:

Աւելորդ չէ նկատել, որ Դամիանի դէպքը մեծ հաւատ չէ ներշնչում: Դամիանը սկզբում դուրս է բերուած որպէս Վարդի բարերար: Նա էր որպէս թէ միջնորդել և հաշտեցրել Վարդին Միքայէլի հետ: Կարծես Վարդի ապերախտութիւնը ցուցադրելու համար է որ հնարուած է նրա տխուր վախճանի զրոյցը: Թերեւս Դամիանին վերագրուած ծառայութիւնը եւս չի համապատասխանում իրականութեան, այլ դիտաւորեալ պատմութիւն է:

Սենեկապետութիւնը տրուում էր սովորաբար ներքինիներին: Միքայէլ կայսրը բացառաբար յանձնեց այդ պաշտօնը Վասիլին, որի ազդեցութիւնը հետզհետէ զօրանում էր: Վարդը իրաւունք ունէր տրտնջալու այս կարգադրութիւնից: Վասիլը անկասկած աւելի վտանգաւոր էր քան թշուառ ներքինին, Դամիանը: Վարդին են վերագրում թեւաւոր խօսքը, թէ հաւատ ընծայելով նենգամիտներին, «ազուէսին հեռացրին եւ տեղը դրին մի առիւծ, որ բոլորիս լափելու է եւ կլանելու է»²:

Ասպարէզի վրայ էին այժմ երկու ահարկու մրցորդներ, Վարդ եւ Վասիլ, երկու նշանաւոր հայորդիք: Միքայէլ կայսրը կարծես թէ մրցութեան կշեռքի լծակն էր և նրա վերաբերումից կարելի էր գուշակել թէ որ կողմն է հակուում յաղթող ծանրութիւնը:

Վարդը ականատես էր թէ ինչպէս կայսրի սիրելի տարփուհին Եւզոկիա ինգերը եւ հարազատ քոյրը, Թեկլան, անցան Վասիլի դիրկը: Անվիճելի յաջողութիւն էր: Վասիլը մտերմացաւ կայսրին և ընկերակից էր նրա խրախճաններին: Կարող էր կայսրի հետ խօսել մինչև անգամ նրա քնուտրտրի դէմ: Վասիլ սկսեց կասկած ցանել Միքայէլի սրտում, որ

1 Leo Gram, 241; Georg. 828.

2 Theoph. Cont. 235.

կեսարը այնքան էլ վստահելի անձը չէ եւ որ նրա մէջ փառասիրութիւնը գերակշռում է հաւատարմութեան զգացումին: Կայրը ընդէլ էր քսութեան եւ նենգամիտ շուկների: Արժէք չտուաւ Վասիլի բացայայտ ակնարկներին: Անխոհեմութիւն կը լինէր նրա կողմից երես դարձնել միանգամից իր բազմավաստակ քեռուց:

Վասիլ փորձեց խօսել Միքայէլի հետ ուրիշ եւ աւելի վստահելի բերանով: Նա խորամանկօրէն իր կողմը քաշեց Սմբատ լոգոթետին, որ Վարդի դասեր Իրինէի ամուսինն էր, եւ հաւանօրէն Բագրատունեաց տանից, դատելով անունից: Վասիլը վայթակղեց Սմբատին պատրիչ խոստումներով, հաւատացրեց որ եթէ Վարդը մէջտեղէն վերցուի ինքը կը բռնէ նրա տեղը: Խորհուրդ տուաւ շնջալ կայսրի ականջին որ Վարդը մի սպառնալիք է նրա կեանքի եւ իշխանութեան համար: Փեսայի խօսքը աներոջ դէմ այլ կշիռ կ'ունենար կայսրի աչքում քան Վասիլի նախանձաւոր փսփսուքը: Միքայէլի խելքը մաւաւ: Վարդի բախտը այլեւս նախորդած էր: Մնում էր սպասել յարմար առիթի:

Նախախնամութիւնը հների հասկացողութեամբ պատմական գործօն էր, որ յաճախ ազդարարում էր գալիքը զանազան նշաններով, ինչպէս տեսիլներ, երազներ, ասուպների երեւումն եւ այլն: Այդպիսի նշաններ են գտել եւ արձանագրել պատմագիրները նաեւ Վարդի կորստեան վերաբերեալ:

Միքայէլ կայսրը ծրագրել էր արշաւել Վարդի ուղեկցութեամբ Կրետէ կղզին Արարների դէմ: Զօրքը եկաւ եւ կանգ առաւ Կեպի (Պարտէզներ) կոչուած տեղում Թրակիսեան թեմի մէջ Մենանդր գետի հովտում: Վարդը անձամբ ընդդէմ էր այս իջեւանումին: Անշուշտ լուրջ կասկածներ ունէր: Նախախնամութիւնն արդէն տեսակ տեսակ նշաններով պաշարել էր նրա միտքը: Մի անգամ երազ տեսաւ, որպէս թէ կայսրի հետ մանում էր Ս. Սովիայի տաճարը սովորական հանդիսաւորութեամբ: Երբ ներս մտան, Վարդի աչքին երեւացին երկու լուսազգեստ էակ, կարծես հրեշտակներ էին: Աւելի յասաջանալով նկատեց որ պատրիարքական աթոռի վրայ նստած է մի ծերունի մարդ: Այն՝ Պետրոս առաքեալն էր: Նրա առաջ ծնկաչոք պղերսում էր Իգնատիոս պատրիարքը, որ իրեն հասցրած անիրաւութիւնները անպատիժ չմնան: Առաքեալը խոստացաւ եւ կանչեց իր կողքին կանգնած երկու հրեշտակներից մէկին եւ մեկնելով նրան մի սուր, ասաց. «գնա՛ եւ խողխողիր այն մարդուն, որ ձախ կողմն է կանգնած, այն թէորդիստին (ատելի աստուծուն)» գնա՛ եւ յայտնի միւսին որ աջ կողմն է, այն ասերոտեկնոն

անձին (անիրաւ որդի), որ նման մահ սպասում է եւ նրան»:

Առաջին գոհը Վարդն էր, երկրորդը Միքայէլը:

Մի ուրիշ հրաշք: Նախ քան պատերազմի ելնելը, Վարդը գնաց Հողիգի (Ուղեւորաց) կոչուած Տիրամօր վանքը: Երբ ճրագը ձեռքին ազօթում էր, յանկարծ քղամիզը սահելով ուսերից ընկաւ դետին: Վարդը զգաց այս չարագուշակ երեւոյթի խորհուրդը եւ արասուաթոր աղերսեց Ս. Կուսին որ խափանէ չար վտանգը եւ փրկէ իրեն փորձանքից:

Պատմում են նաեւ, որ Թէոդորա կայսրուհին, որ տակաւին կենդանի էր, ուղարկեց Վարդին Կեպի բանակատեղը մի խորհրդաւոր պարզեւ: Մի սիրուն բայց կարճ զգեստ էր, վրան ոսկի թելով բանուած կաքաւի պատկեր: Տարօրինակ նուէրը զարմացրեց Վարդին, որ չէր հասկանում թէ ինչո՞ւ հագուստը կարճ է եւ ի՞նչ է նշանակում կաքաւը: Վշտով իմացաւ որ այդ թուշուներ նենգութեան խորհրդանշան է եւ յիշեցնելու է ուղարկողի նենգաւոր ոխակալութիւնը Թէոկտիստի մահուան պատճառով, իսկ զգեստի կարճութիւնը ակնարկ է որ նրա օրերը կարճացել են: Երեւում է որ ո՛չ տարիների եւ ոչ էլ մենաստանի խաղաղութիւնը չէին մեղմել յիշաչար կնոջ վատախնդիր ոգին:

Ս. Աննա եկեղեցում, որ կոչուում էր Գեւտերոն (երկրորդ), մի անգրի կար սիւնի վրայ դրած: Երկրաչարժից անգրին վայր էր ընկել: Ասում են որ Լեւոն մեծ փիլիսոփան այս դէպքի մէջ նախատեսել էր Վարդի անկումը. ով որ կայսրից յետոյ երկրորդն էր պիտի ընկնէր, կործանուէր: Երկրորդը Վարդ կեսարն էր: Միեւնոյն ժամանակ փիլիսոփան մատնանշել էր, որ յաջորդը լինելու է Վասիլը:

Նման չարագուշակ երեւոյթները քաջալերիչ չէին Վարդի համար: Արշաւանքի նախօրէին կանչեց իր մտերիմ բարեկամներին ընթրիքի եւ կարծես նախազգում էր որ այլեւս տեսնելու չէ նրանց, ուստի նուէրներ բաշխեց բոլորին, խնդրեց որ պահեն իր յիշատակը: Վերջին ընթրիքն էր բարեկամների շրջանում եւ իր տանը:

Այս գրոյցները հաւաքել է Վասիլի թոռը, Կոստանդին Ծիրանածինը եւ մեզ աւանդել թէ ինքը, գրելով իր պապի կեանքը, եւ թէ Գենեսիոսը, որ կազմել է իր պատմական գործը նրա պատուէրով. գրոյցներ որ ոչ մի պատմական արժէք չունին¹:

Վարդի երազը առնուած է Իգնատիոսի կեանքից²:
Զրոյցների իմաստն այն է որ Վարդի սպանութեան պա-

1 Genes. 103-105; Const. Porphy. Vita Basillii; Theoph. Contin., 203-207.
2 Migne, P. G. 105, col. 533-536.

տասխանատուութիւնը բարդ են նախախնամութեան վրայ եւ չքմեղ ձեւացնեն իսկական ոճրագործին, Վասիլին: Նոյն նպատակով այլայլած են եւ իսպառ եղծած սպանութեան տեսարանը: Նրանց ասելով, Վարդը ատելի էր պալատականներին: Կեսար դառնալով այնքան դուռդացել էր, որ բարձրից էր նայում կայսրի եւ արքունի պաշտօնէութեան վրայ: Միակ հոգան էր յազուրդ տալ իր անսահման փառասիրութեան: Երբ կայսերական զօրաբանակը հասաւ Կեպի, Միքայէլի վրանը զարկեցին հովտում, իսկ Վարդը ընտրեց իրեն համար մերձակայ բլուրը:

Այս հանգամանքը, պատահական էր թէ գիտակցական, սրեց նրա թշնամիների շարախօս լեզուն: Կայսրին հասկացրին որ Վարդը ի դուր տեղը չէ բարձրացել եւ դիրք բռնել բլրի վրայ: Կեսարը որպէս թէ դադանի միաք ունի գրոհելու նրա վրայ եւ կործանելու: Միքայէլը հաւատաց:

Դաւաղիրները գործի անցան: Նրանց առաջնորդն էր Սմբատը, Վարդի փեսան: Նախ ձիարշաւ սարքեցին եւ սրանով ցրեցին Վարդի սրդու Անտիգոնի ուշադրութիւնը: Անտիգոնը սխոյնների, պալատական հեծելազնդի, դոմեստիկն էր եւ ահաւոր իր ձեռքի տակ գտնուած ոյժերով: Նրան հեռացնելուց յետոյ Սմբատը մտաւ Միքայէլի մօտ հերթական ղեկուցումի պատրուակով այն ժամանակ երբ Վարդը նրա մօտ էր: Զեկուցումից յետոյ նշան արաւ դաւաղիրներին երեսը խաչակնքելով, ինչպէս պայմանաւորուած էր: Ներսիսուժեցին անմիջապէս թաղստոցում պահուածները եւ սրախողխող արին կեսարին Միքայէլի աչքի առաջ: Սպանողների թուումն էր ոմն Յիփինարիտ, Խաղտեաց աշխարհից¹: Այստեղ ոչ միայն Վասիլը անմասն է սպանութեան, այլ անունն անգամ չի յիշատակուում: Պատմողի ղգուշութիւնը ծայրացել է:

Կոստանդին Միրանաժին կայսրը այդքան հետու չի գնում: Նա ընդունում է Վասիլի յանցագործութիւնը, միայն այլ դոյն է տալիս: Դաւաղրութեան բուն հեղինակը Միքայէլն էր: Երբ նրա միաքը թունաւորեցին քուս եւ շարակամ անձեր թէ Վարդը մտադրութիւն ունի իր բարձրագիր վրանից յարձակուելու նրա վրայ, Միքայէլ վճռեց կտրել Վարդի կեանքի թելը: Սակայն, չհամարձակուեց գործել բաց, ակնածելով կեսարի հեղինակութիւնից եւ ոյժից: Իրեն հաւատար անձ էր, զօրքը իր հրամանատարներով նրա ձեռքի տակ էր: Անտիգոնը, սխոյնների դոմեստիկը, պատրաստ էր պաշտ

1 Genes. 105-106.

պանելու իր հօրը: Միքայէլը ընտրեց նենդութեան ուղին: Խմբեց իր շուրջը կեսարի հակառակորդներին, որոնց թուում էր Սմբատը: Երբ վերջինս որպէս լողոթեա ներկայացաւ Միքայէլին հերթական ղեկուցումի համար, կայսրը պայմանաւորուած նշանը տուաւ, որ դաւաղիրները ներս թողնուին: Սմբատը կատարեց կայսրի պատուէրը, բայց դաւաղիրները, թուլամորթ եւ վեհերոտ չէին խիզախում գործի անցնել: Մինչդեռ յապաղելը վտանգաւոր էր: Վարդը կարող էր գլխի բնկնել եւ այնուհետեւ փրկութիւն չկար կայսեր համար: Առաջին դոհր լարուած դաւերի ինքը կայսրը պիտի լինէր: Խուճապը սկսուելու վրայ էր, երբ Միքայէլը անհրաժեշտ տեսաւ դիմել Վասիլի օգնութեան: Մտերիմներից մէկին ուղարկեց նրա ետեւից: Անմիջապէս երեւաց Վասիլը, հէնց որ լսեց որ կայսրի կեանքը վտանգի մէջ է: Վախկոտներին ոգի տուաւ, քաջալերեց եւ յարձակուեցին Վարդի վրայ: Եւ նրան սուսերահար արին Միքայէլի սաքերի տակ¹:

Այս պատմուածը եւս միտումնաւոր է: Վասիլը որպէս թէ սուր բարձրացրեց ոչ թէ սպանութիւն գործելու համար, այլ կատարելու իր պարտքը հանդէպ իր կայսրի:

* * *

Իսկական ճշմարտութիւնը որոնելու է հակառակ բանակի գրողների մօտ: Եղելութիւնը սովորական սպանութիւն էր քաղաքական բնոյթով, մերկապարանոց եւ թափուր պարտաճանաչութեան թէ ուրիշ որեւէ վեհ գրացմունքի զարդերից:

Վարդ կեսարի դէմ դաւեր նիւթողը Վասիլն էր, նրա մեծ ախոյեանը: Զհամարձակելով ձեռք բարձրացնել նրա վրայ մայրաքաղաքում, անշուշտ, երկիւղ կրելով նրա գորութիւնից, Վասիլը խորհուրդ էր տուել Միքայէլին դուրս գալ քաղաքից արշաւանքի պատրուակով:

Ինչպէս երեւում է մայրաքաղաքում գտնէ մի որոշ չըրջանում գաղանիք չէր արշաւանքի իսկական աստաւը: Վարդի անձնական բարեկամը, Լեւոն մեծ փիլիսոփան, հակառակ էր որ իր բարեկամը մասնակցէ արշաւին եւ աշխատեց կասեցնել այդ քայլից ասելով, «գնացողը չպիտի վերադառնայ»: Վարդի միւս բարեկամը, Փոտ պատրիարքը, եւս կասկածում էր որ իր հովանաւորի եւ մտերիմի համար մի ծուղակ էր պատրաստում:

Պատմում են, որ արշաւանքից քիչ առաջ, Աւետեաց

1 Vita Basilii = Theoph. Cont., 235-338.

տօնին, մարտի 25ին, եկեղեցական կարգը աւարտելուց յետոյ պատրիարքը կանչեց խորան Միքայէլ կայսրին եւ Վասիլին: Ներկայ էր նաեւ կեսարը: Պատրիարքը հանեց ս. հաղորդութեան սկիզբը: Կայսրը եւ Վասիլը թաթախելով ս. արեան մէջ իրենց խաչերը ստորագրութիւն տուին եւ երդումով հաստատեցին, որ Վարդը կարող է մասնակցել արշաւանքին անհոգ եւ աներկեամբ:

Վարդը թեթեւամիտ չէր եւ ոչ դիւրահաւատ: Եթէ նա չանսաց իր մեծ բարեկամի խորհրդին եւ միացաւ իր թշնամիներին, պատճառը այն մեծ վստահութիւնն էր, որ ունէր իր քեռորդու Միքայէլի վրայ: Սա շատ բան էր պարտական Վարդին:

Չատիկը, որ այն տարին ապրիլի 7ին էր, տօնեցին մայրաքաղաքում եւ անմիջապէս մեկնեցին պատերազմ: Հասան Կեպի կոչուած տեղը եւ բանակեցին: Այստեղ Վասիլը վճռեց վերջ տալ Վարդի կեանքին: Գաւազուրութիւնը սարքեց իր համախոհներին հետ, որոնց անունները պահուել են: Բուրն էլ հայեր էին:

Յովհաննէս Նեատոկոմիտ անունով մէկը իմացաւ Վարդի դէմ պատրաստուելիք փորձանքը: Երեկոյեան արևը մայր մտնելուց յետոյ գնաց կեսարի վրանը եւ ասաց Պրոկոպին, որ Վարդի պրոտովեստիան էր (հանդերձապետը), թէ «վաղը կտոր կտոր պիտի անեն ձեր տիրոջը, Վարդ կեսարին»:

Պրոկոպը յայտնեց անախորժ գաղտնիքը կեսարին: Սա բանի տեղ չդրաւ, եւ ասաց. «գնա՛, ասա՛ Նեատոկոմիտին որ ցնորում ես. գիտցի՛ր, որ երիտասարդ ես եւ քեզ դեռ վայել չէ ձգտել պատրկութեան պատուին: Պատրկութեան համար է անշուշտ, որ որումներ ես ցանում»:

Սակայն, կեսարը չհանդատացաւ: Իր պատասխանը համոզիչ չէր: Գուցէ գուժկանը հիմ ունէր: Գիշերը նինջ չեկաւ աչքերին: Խուփած էր հողին եւ երերուն: Դեռ լոյսը չբացուած՝ կանչեց իր մերձաւորներին, հաղորդեց սոսկալի տեղեկութիւնը եւ խորհուրդ հարցրեց: Իր վաղեմի բարեկամ Փիլոթէսը, որ պրոտոսպաթար էր եւ կառնիկէ (գանձապահ), առաջարկեց. «վաղը ա՛ռ ուսերիդ, ո՛վ տէր, ոսկե՛ճամուկ քղամիդդ եւ այդպէս երեւա՛ թշնամիներիդ, տես՝ քիցդ կը փախչեն»:

Արևածաղին ելաւ Վարդը իր վրանից, և ուղղուեց դէպի կայսերական վրանը: Նստած ձիու վրայ, փայլուն զգեստները հագին, մեծ շքախումբը իր շուրջը բոլորած, ունենալով իր մօտ որպէս պրոտոսպարատոր ազնուատոհմ Արզիրին, կեսարը մօտեցաւ Միքայէլի վրանին: Կոստանդին Տոքսարը,

որ դաւադիրներէից մէկն էր, դիմաւորեց կեսարին, եւ գնաց հաղորդելու Վասիլին նրա գալուստը: Վասիլն ընդառաջեց, սղջոյն տուաւ և ձեռքից բռնելով առաջնորդեց կայսեր մօտ: Վարդը բազմելով կայսրի կողքին ասաց. «գօրքերը կազմ ու պատրաստ են, ո՛ւ տէր, հրամայի՛ր որ նաւ նստեն դէպի Կրետէ»:

Վասիլը կանգնած էր ետեւը սպանական դիրքում: Յանկարծ Վարդը երեսը դարձրեց եւ աչքն ընկաւ Վասիլի վրայ: Դէմքը խոժոռած էր: Մի ակնթարթում շողշողաց Վասիլի սուրը, վազեցին դաւադիրները եւ պատառ պատառ արին անբախտ իշխանին: Միքայէլը լուռ հանդիսատես էր: Օրուայ երրորդ ժամն էր (մեր հաշուով առաւօտեան ժամի 9ը), 21 ապրիլի, 866 թուին:

Վասիլը մենակ չէր, այլ շրջապատուած էր մի խումբ մտերիմներով, որոնք բոլորն էլ հայեր էին եւ մասնակից դաւադրութեան: Նրանց անունները բարեբախտաբար պահուած են: Նախ Վասիլի հարազատ եղբայրը՝ Մարիան (կամ Մաւրիան), Վարդի փեսան՝ Սմբատը, ոմն Ասիլայ, որը կոչոււմ է մերթ Սմբատի եղբորորդին, մերթ Վասիլի, Վարդ, եղբայր Սմբատի¹: Ապա յիշոււմ են Պետրոս Բուլղար, Լեւոն Ասորի, սրա եղբորորդին, Յովհաննէս Խալըլ եւ Կոստանդին Տոքսարը:

Բուլղար, ասորի, խալըլ յորջորջումները որոշիչ չեն ազդութեան, այլ փութ անուններ են: Այլապէս բուլղարի (Պետրոս) եղբորորդին չէր կարող ասորի կոչուել (Լեւոն): Յովհաննէսը երեւում է նոյն անձն է, որ վերեւ կրում է Յիփինարիտ անունը (Յիփինարցի²): Յիփինար եւ հաւանօրէն Տոքսար տեղի անուններ են, թերեւ, Խաղտեաց աշխարհում: Այս անձերը եւս հայ են, հակառակ իրենց մուրեցուցիչ յորջորջումներին:

Սպանութիւնից յետոյ կայսրը նամակ գրեց մայրաքաղաք, պատրիարք Փոտին, ուր բացատրում էր որ Վարդը սպանուեց իր յանցաւոր դիտումների պատճառով: Փոտի պատասխանը հասել է մեզ: Պատրիարքը շատ զգոյշ է: Վարդի կորուստը մեծ ցաւ էր, ոչ միայն անձնական բարեկամն էր եւ հովանաւորը, այլեւ գլխաւոր նեցուկը եկեղեցական վէճերում: Աւաղել նրա մահը դժուար էր առանց վտանգելու իր դրութիւնը արքունիքում: Չարմանք է յայտնում որ Վարդը, գրեթէ կայսր առանց անուան, անխոհեմ է գտնուել

¹ Symeon, 678; Georg. 830, կոչում են Սմբատի եղբորորդի, իսկ քիչ յետոյ՝ Վասիլի եղբորորդի, Georg. 837; Symeon, 688.

և Կամեցել է ձեռք բարձրացնել իր տիրոջ դէմ: Միւսնոյն ժամանակ չի թաղցնում իր կասկածամտութիւնը եւ հարց է տալիս, արդեօք նամակը կեղծուած չէ եւ եղելութիւնը իսկապէս ճիշտ է ներկայացրած:

Ուշադրութեան արժանի է մանաւանդ պատրիարքի յորդորը, որ կայսրը անմիջապէս վերադառնայ քաղաք: Ոչ միայն սենատը, այլ եւ ժողովուրդը առանց խարսութեան սևութի եւ հասակի որպէս թէ ցանկանում են տեսնել փութանակի կայսրին իրենց մէջ:

Պատրիարքը հետատես էր եւ կասկածում էր որ կայսրը եւս կարող էր զոհուել Վասիլի փառասիրական ձգտումին: Կայսրը ուղղուեց դէպի մայրաքաղաք: Ճանապարհին Ակրիտաս նաւահանգստի մօտ մեծ բազմութիւն էր հաւաքուել գիմաւորելու կայսրին: Յանկարծ մի վանական, թառած մի քարաժայի վրայ, դոչեց բարձր ձայնով. «Ես արչաւեցի՛ր, ո՛վ կայսր, սպանեցիր հարադատ քնուղ, որ քեզ համար հօր տեղ էր, սպանեցիր, վա՛յ քեզ, վա՛յ քեզ, որ այդպէս վարւեցիր»:

Կայսրը սրտմտեց եւ Մաւրոթէոզոր մանկրաւիկին հրամայեց դնալ եւ յանդուգն վանականի գլուխը կտրել: Ամբոխը մէջ ընկաւ եւ փրկեց թշուառականին, պատճառարանելով որ նա այսահար է²:

Եթէ ճշմարտութիւնը խօսում է մանուկների բերանով, խղճի ձայնը լսելի է լինում, երեւի, խենդերի, բախածների մօտ: Հասարակական կարծիքը թուում է թէ Վարդի կողմն էր: Այս էր պատճառը որ դաւադիրները չէին համարձակուել դործել քաղաքում եւ ստիպուել էին թատերական արչաւանք ծրագրել եւ այդ պատրուակով քաղաքից դուրս քաշել զոհին: Մայրաքաղաքը կորցրել էր ցատումի եւ բողոքի ընդունակութիւնը: Քաղաքական բեմը վաղուց դարձել էր նրա աչքում մի տեսակ կրկէս, ուր դերակատարների փոփոխութիւնը բերում էր նոր զուարճութիւն: Անգիտակից բազմութիւնը թեքում է գլուխը յաղթողի տառջ:

Փոտի կասկածները իրաւացի էին: Յաջորդ տարին Միքայէլը եւս ընկաւ Վասիլի սրից, 24 սեպտեմբերի 867 թուի:

Վարդի մահից յետոյ Միքայէլը պահեց եկեղեցական խնդիրը այն հունի մէջ, որ գծել էր մեծանուն կեսարը: 867 թուի ժողովը նդովեց պապին, պարսաւելով նրա փառասենյ դիրքը Բիւզանդական եկեղեցու հանդէպ: Վասիլը դահ բարձ-

1 Migne, P. G. 102, col. 717-719.

2 Georg., 831; Symeon, 679.

րանալով բարեօք համարեց խաղաղասէր քաղաքականութեան հետեւել եւ չխղել բարեկամական յարաբերութիւնները Արեւմուտքի հետ: 869 թուին գումարեց մի նոր ժողով, այն որ կոչւում է Ութերորդ Տիեզերական, եւ վերջ դրաւ եկեղեցական պառակտումներին, հեռացնելով Փոտին եւ նորից աւաջարկելով պատրիարքական աթոռը Իզնատիոսին:

Արեւմտեան գիտնականները, հին եւ նոր, բացասաբար են վերաբերում Վարդի եկեղեցական քաղաքականութեան, մեկնելով լատին եկեղեցու շահերի հասկացողութիւնից: Սակայն, այլ է Բիւզանդական տեսակէտը, որ միայն ողջունել կարող է ամեն մի ձեռնարկ եւ ջանք, որի նպատակն է յետ մղել պապերի յաւակնոտ ձեռքը եւ պաշտպանել բիւզանդական եկեղեցու ազատութիւնն ու անկախութիւնը: Ապագան խօսում էր Վարդի նպաստին: Վասիլը միայն կասեցրեց այն ինչ որ ի վերջոյ պիտի յաղթանակէր: 1042 թուի եկեղեցական խղումը այլ բան չէր քան Վարդի եւ Փոտի քաղաքական դժի բոլորումը:

Վասիլեան պատմագիրները եւ կղերական գրիչները միացած ջանք չեն խնայել սեւացնելու Վարդի անունը: Մինչդեռ նրա երկու գործերը՝ ժողովրդական լուսաւորութիւն եւ հոգեւոր ազատութիւն եկեղեցու անկախութեան մէջ՝ բաւական են որ պատուոյ տեղ տրուի նրա անունն պատմութեան մէջ: Անպայման պետական խոշոր դէմք էր: Մարդ էր, որին վիճակուած էր հիմն դնել նոր հարստութեան, եւ զոհուեց խարդախութեան: Ընկաւ անփառունակ մահով Մամիկոնեան որդին, մինչ արժանի էր փակել իր աչքերը փառքի անդորր բարձի վրայ:



ՄԱՄԻԿՈՆԵԱՆ ԻՇԽԱՆՈՒՀԻՆ ԲԻԻԶԱՆԴԱԿԱՆ ԳԱՀԻ ՎՐԱՅ

I

Թէոփիլ կայսրը (829-842) զինակցութիւն էր որոնում հեռաւոր Արեւմուտքում բնդդէմ Արաբներին: Յատուկ պատգամաւորութիւն գրկեց այս նպատակով Լուդովիկ Բարեպաշտի եւ Սպանիայի ամիրի մօտ:

Պատգամաւորութեան զլուխն էր Թէոդոս Բարուցիկ պատրիկը, որի անունը վկայում է նրա հայ ծագումը (Բարոց): Սա ներկայացաւ Լուդովիկ կայսեր 839 թուին, յունիս ամսին, եւ հաւանօրէն միւսնոյն պատգամաւորութիւնն էր, որ այնտեղից անցաւ Սպանիա:

Բիւզանդական արքունիքը յաջողութեան ակն ունէր մանաւանդ սպանական ամիրից: Կորդովայում հաստատուած իշխանական տունը Օմմայեան հարստութեան մի ճիւղն էր, ոխերիմ թշնամի Բադրատի Արբասեան տոհմին: Թէոփիլն ուղում էր օգուտ քաղել այդ հանդամանքից: Պատգամաւորութիւնը պատուէր ունէր գրդուել Կորդովայի ամիրին եւ ոտքի հանել Արբասեանների դէմ: Ամիրը այդ ատեն Արդուր-Ռահմանն էր (815-850):

Նոյն 839 թուի վերջերը ամիրի կողմից պատասխան պատուիրակութիւն եկաւ Բիւզանդիա գլխաւորութեամբ Եահեա-ալ-Ղազղալ անձի, որ գրանիկ նշանաւոր բանաստեղծներից մէկն էր: Եօթանասուն տարեկան ծերունի էր, բայց դեռ պահել էր տոնական կորովը այն աստիճան, որ զարմանք էր յարուցանում եւ հիացում բիւզանդական պալատում: Անշուշտ ուրիշ աւելի յարգի արժանիք ունէր, որ այնպէս սիրելի եղաւ կայսեր եւ հրաւիրուած էր մասնակցել արքայական սեղանին, թէեւ ոգելից ըմպելիքների ներկայութիւնը դայթակղեցուցիչ էր ուղղափառ մուսուլմանի համար:

Եահեա-ալ-Ղազղալ մի անգամ կայսեր մօտ նստած խօսում էր, երբ յանկարծ հարեւան սենեակից ներս մտաւ թագուհին ազնուական սլճրանքով: Չնաշխարհիկ մի գեղուհի,

ասես «գեղեցկութեան արեւ էր, որ ծագեց»: Արաբ բանաստեղծը այլայլուեց զմայլանքից, աչքը մնաց սեւեռած այդ աննման պատկերին: Սելքը, ուշքը, կորցրել էր, այլեւս չէր լսում թէ ի՞նչ է խօսում կայսրը: Անուշադիր լինել կայսերական զրուցին աւելի քան անքաղաքավարութիւն էր եւ խորշելի պալատական նուրբ նիստ ու շարժի տեսակէտից: Կայսրը զարմացած՝ հարցրեց թէ ի՞նչ է նշանակում այս տարօրինակ վարմունքը: Եահեա-ալ-Ղազղալի պատասխանը անսպասելի չէր.

«Տէ՛ր կայսր, ես սքանչացայ, ապուշ կտրեցի, թագուհու կախարդական գեղեցկութիւնից ուշք ու միտքս դլխիցս թռաւ, չկարեցայ այլեւս հետեւել խօսակցութեան: Հաւատացնում եմ, որ կեանքումս երբեք այսպիսի չքնաղութիւն չեմ տեսած»:

Այս ասելով արաբ բանաստեղծը սկսեց մի առ մի թուել եւ նկարագրել կայսրուհու հմայքները, յայտնել իր գեղուն հիացումը եւ վերջացրեց խօսքը շեշտելով որ գերուած, դիւթուած է մանաւանդ թագուհու սեւորակ աչքերից¹:

Այդ սեւորակ աչքերի տէրը հայուհի էր: Հայ աչքերի հոչակը, ուրեմն, հասնում է մինչեւ թ դարը: Կայսրուհին, Թէոդորա էր անունը, արդարեւ գեղանի էր ոչ միայն մայրաքաղաքի, այլ համայն պետութեան չափով: Նրա ընտրութեան եւ ամուսնութեան շուրջը կատարեալ առասպելներ են պատմում հները:

Երբ Թէոփիլ արքունքի հասաւ, մօր առաջին հոգն եղաւ արժանաւոր հարս ընտրել նրա համար: Հրաման ուղարկեց պետութեան ամեն կողմերը որ ամենագեղանի աղջիկներին հաւաքեն բերեն մայրաքաղաք: Լայնատարած կայսրութեան մէջ պակաս չէին դեռահաս գեղեցկութիւններ: Կայսերական պատուէրը կատարուեց եւ շուտով հատրնտիր գեղուհիները ճանապարհ ընկան բախտի ետեւից դէպի մայրաքաղաք:

Թագուհի մայրը, Եւփրոսինէ, ժողովեց բոլորին պալատ եւ դահլիճներից մէկում նշանակեց հարսնատեսութեան հանդէս: Արքայական փեսացուի ձեռքը տուաւ մի խնձոր, ոսկէ խնձոր, որ աղջկան որ հաւանէր նրան պէտք է տար խնձորը: Մատաղ ընտրելիները կանգնած էին շարքով եւ սրտատրոփ սպասում էին այս նոր Պարիսի վճռին: Վայրկեանը յուզումնալից էր: Թէոփիլն անցաւ, նայեց, դիտեց, զննեց եւ կանգ առաւ մէկի առաջ, որի անունն էր Կասսիա:

¹ Ahmet Ibn Mohammed al Mokkari, The History of the Mohammedan dynasties in Spain, II, 114-115.

Ընտրութիւնը կատարուած էր: Չեռքը մեկնեց խնձորը տալու եւ ասաց. «Արդարեւ, վատ բանը կնոջից է ծագում»:

Աղջիկն առանց քաշուելու վրայ բերեց. «Սակայն, լաւ բանը եւս կնոջից է ծագում»:

Թէոփիլի խօսքը, երեւի, մի ակնարկ էր Եւայի մեղսագործութեան: Ուզում էր ասել, որ ամեն մի կին մի նոր եւս է, պատճառ մարդու անկման: Պէտք է կարծել, որ Կասսիայի պատասխանածն էլ նկատի ունի Մարիամ Աստուածածնին, որ վերածնեց մարդկութիւնը, սկիզբը եղաւ նոր կեանքի: Փեսայի ասածը, անշուշտ, ախորժ հաճոյախօսութիւն չէր, բայց հարսնացուի պատասխանը եւս հեռու էր պարկեշտ լինելուց: Պալատական խստապահանջ բարքերին հակառակ էր Կասսիայի վարմունքը եւ նա տուժեց: Թէոփիլին դիւր չեկաւ աղջկայ համարձակութիւնը: Հարսնութեան սակ խնձորը տուաւ մի ուրիշ օրիորդի, որի անունն էր Թէոդորա: Պարտուած եւ վշտացած, Կասսիան հեռացաւ մի վանք ողբալու իր օրհասական սխալը կուսակրօն մեհութեան մէջ:

Երեւակայութիւնը զգալի տեղ ունի այս պատմուածքի մէջ, բայց եւ այնպէս գուրկ չէ եւ իրական կորիզից: Կասսիայայտնի է որպէս հեղինակ մի քանի գրուածքների, որոնց մէջ կարեւոր է մեզ համար այն չարամիտ երգիծարանական տողերը որ ուղղուած են Հայերի հասցէին¹: Հաւանական է, որ Թէոփիլ սկզբում աչք է ունեցել Կասսիայի վրայ, բայց յետոյ յաղթանակել է Թէոդորա: Վշտացած գեղուհին ստիպուած է եղել սրտի դառնութիւնը թափել Հայերի գլխին ընդհանրապէս:

Կայ եւ մի ուրիշ զրոյց նոյն նիւթի վրայ: Այստեղ Թէոփիլի հարսնացուները եօթ հոգի էին: Բոլորին մի մի խնձոր շնորհեց: Հետեւեալ օրը նորից հրաւիրեց նրանց արքունիք և հարցրեց, թէ ի՞նչ են արել խնձորները: Բանից դուրս եկաւ, որ միայն Թէոդորան էր բերել խնձորը: Ստացած խնձորը ներկայացրեց Թէոփիլին եւ իր կողմից էլ մի ուրիշ խնձոր նուիրեց նրան: Կայսրը զարմացաւ, չէր հասկանում նուէրի խորհուրդը: Թէոդորա բացատրեց, որ առաջին խնձորը նշանակ է իր կուսական անարատութեան, երկրորդը՝ գրաւական լումայ իրենից ծնելի օրդուն: Երբ Թէոփիլ հարցրեց, ի՞նչ է նշանակում այս գուշակութիւնը, Թէոդորա պատմեց, որ մայրաքաղաք գալուս ճանապարհին այցելել է մի սիւնակեաց սուրբ ճգնաւորի Նիկոմիդիայում: Նա է որ իրեն

1 Տես յօդուածս Կասսիա միանձնուի եւ Հայերը, «Հանդէս Ամսօրեայ», 1901:

խնձորը տուաւ եւ ասաց կանխատեսութեամբ որ պիտի արքայական գահի արժանանայ¹:

Զրոյցիս ծագումը բոլորովին արհեստական է, առաջին պատմուածքի դիտաւորեալ փոփոխակը: Այն օրից, երբ Թէոդորա մեծ համբաւ ստացաւ եւ պատկերապաշտութիւնը վերականգնելուց յետոյ արդէն սրբանալու շաղի վրայ էր, նրա ջերմեռանդ կողմնակիցներին անախորժ է թուել սր բարեպաշտ թագուհին իր բախտը պարտական լինէր Կասսիայի թեթեւամիտ անզգուշութեան: Ուստի եւ բարեփոխել են նախորդ զրոյցը:

Բիւզանդական պատմութիւնից յայտնի են ուրիշ օրինակներ, երբ գահաժառանգի համար վայելուչ հարս ընտրելու նպատակով գեղեցիկ թեկնածուներ են ժողովում արքունիք: Այս եղանակով էր ընտրուել Կոստանդին Զ կայսրի կինը, Մարիամ, 788 թուին, Ստաւրակի կին Թէոփանօ 807 թուին, եւ Միքայէլ Գի կինը Եւգոկիա 855 թուին: Վերջինս Թէոդորայի որդին էր եւ ուրեմն մայրը փեսայացրել էր իր որդուն նոյն ձեւով ինչպէս որ ինքն էր հարսնացել:

Բիւզանդական բարքերի տեսակէտից հետաքրքրական է յիշել, որ երբեմն յատուկ հրահանգներ էին տրուում կայսերական շրջիկներին, որ ուշադրութեան արժան են թեկնածու աղջիկներին ինչ ինչ յատկութիւնները, օրինակ հասակի, գլխի եւ կամ ոտների ու ձեռքերի մեծութիւնը, եւ որ ընտրութիւնը կատարեն համաձայն յանձնարարուած չափերի: Արքայական փեսայի պահանջկոտ ճաշակին յարմար էր եկել այս տեսակէտից վերոյիշեալ Մարիամը, որ Արմենեակոն թեմիցն էր եւ թոռն Փիլարետի, որ հայ ծագում ունէր եւ առաքինի ու ողորմած կեանքի համար դասուեց սրբերի շարքը: Սրա վարքի մէջ է յիշատակուած ընտրութեան այս պարագան²:

Եթէ ուզում ենք հաւատ ընծայել հարսնընտրութեան այս եղանակի իսկութեան, պէտք է ենթադրենք, որ ընտրութիւնը սահմանափակուած էր որոշ հասարակական շրջանում: Պետական ասպարէզներում փայլող ականաւոր ընտանիքների գեղանի դուստրներն էին, հաւանօրէն, որ հրաւիրում էին արքունիք այս կամ այն եղանակով, ցանկալի ընտրութիւնը կատարելու նպատակով: Ամեն պարագային Թէոդորայի հարսնութիւնը արդիւնք չէր միայն իր բնական գեղեցկութեան: Թւում է որ եւ քաղաքական աստառ կար:

1 Vita Theodoraе Imperatricis, Analecta Byzantino-russica, éd. Regel, p. 4.
2 Vita Philareti, Իզվեստիա Թուսկուս Արխիեպիսկոպիսկուս Իմասխուսա = Պուսի Թուսկան Հնագիտական Ինստիտուտի հանդէս, V, 76:

Թէոդորա ծննդեամբ Երիսսա քաղաքիցն էր, որ գրանրւում էր Պափլագոնիայում: Տեղը յայտնի չէ, հաւանօրէն Երիսսա կապ ունի Արիսիան կոչուած գաւառի հետ, որը յիշուում է 863 թուի արշաւանքի տեղագրութեան մէջ եւ որը գտնուում է Պափլագոնիայի եւ Արմենեակոն թեմի սահմանադրիին:

Թէոդորայի հօր անունն էր Մարին(ոս) եւ մօր՝ Թէոկտիստէ, վերակոչեալ Փլորինա¹:

Մարինը հասարակ մարդ չէր, դրուեցարի թէ տուրմարքի կոչում ունէր, որ սպարապետից (ստրատեգոս) յետոյ բարձրագոյն աստիճանն էր զինուորական: Բացի Թէոդորայից Մարինը ունէր երկու որդի՝ Վարդ(աս) եւ Պետրոն(աս): Մատենադիրները ոչինչ չեն ասում թէ ի՞նչ ծագում ունէր այս տունը: Սակայն, Վարդաս, որ է հայերէն Վարդանունը, արդէն պերճախօս եւ անսուտ վկայ է Մարինի ազգութեան: Բարբերախտարար, դրական ցուցում եւս կայ: Մարինի եղբայրն էր Մանուէլ սպարապետը, անուանի անձն, պետութեան ամենակարկառուն ղէմքը: Մատենադիրները աւանդում են միաբերան որ սա հայ էր²: Վկայում են նաեւ, որ Մանուէլը Թէոդորայի հօրեղբայրն էր, Թէոս³:

Մանուէլ եւ Վարդ անունները տանում են մեզ դէպի Մամիկոնեան տունը: Նախարարութիւններն իրենց յատուկ սոհմական անուններն ունէին: Այս երկու անունները Մամիկոնեան են առաւելապէս:

Մեր մատենադիրները ընդհանրապէս ժլատ են բիւզանդական հայերի նկատմամբ, չեն սիրում նրանցով զբաղել, գուցէ եւ հայ չեն համարում այդ «հոռոմներին», որ հեռացել էին մայրենի եկեղեցուց: Մանուէլը այն բացառիկ անձերիցն է, որոնց յիշատակը արժանացել է ուշադրութեան: Մանուէլը գժտուեց բիւզանդական արքունիքի հետ եւ հեռացաւ առժամանակ Բաղդատի դուռը: Վարդան պատմիչը յիշելով այս հանգամանքը, Մանուէլին անուանում է Մամիկոնեան. «Երանէր ի խնդիր մեծ զօրավարին Մանուէլի Մամիկոնեանց եւ նորա աճապարեալ հարիւր եւ յիսուն արամբք անկանի ի կամախ և անտի առ Մամուն իշխանն Իսմայէլի»⁴:

Այս վկայութիւնը կարեւոր է, որովհետեւ ծագում է

1 Theoph. Continuatus, 89; Symeon, 625: Սկզբնական աղբիւրն է վերոյիշեալ Vita Theodorae էջ 2:

2 Theoph. Cont. 110; Genesis, 52.

3 Ibid, 148.

4 Վարդան, էջ 77:

հաւանօրէն, Շապուհ Բագրատունի պատմագրից, որ նոյն դարու մարդ էր և թերեւս ծանօթ իսկ նշանաւոր զօրավարին:

Սրանով հաստատուում է որ Թէոդորա, Մանուէլի եղբոր Մարինի աղջիկը հայ էր եւ այն էլ Մամիկոնեան իշխանուհի:

Հակառակ զրոյցներին, Թէոդորա իր բախտը պարտական չէր միմիայն իր գեղեցկութեան: Բիւզանդական արքունիքում այնքան զօրեղ էին փառասիրական տենչանքները եւ այնքան կատաղի հակամարտութիւնը անհատների եւ խումբակցութիւնների միջեւ, որ միայն գեղեցիկ սեւ աչերը բաւական չէին, որ մի գաւառական համեստ աղջիկ արժանի համարուէր կայսերական թագին: Թւում է որ Մամիկոնեան իշխանների հռչակը, այն դիրքը, որ նրանք կարողացել էին ստեղծել Բիւզանդիայում, մասնաւորապէս Մանուէլի պատկառելի անձը եւ բարձր անունը, վճռական դեր են կատարել Թէոդորայի ընտրութեան մէջ:

Թէոդորան ունէր երեք քոյր, Սուփիա, Կայո-Մարիա կամ գեղանի-Մարիամ եւ Իրինէ: Սուփիան ամուսնացաւ Կոստանդին Բարուցիկ հայ իշխանի հետ, որին մօտ արենակից էր այն Թէոդոս Բարուցիկը, որ գեսապանութեան դնաց անեմուտք 839 թուականին: Բարուցիկ փաղաքշական էր Բարոց անունն:

Մարիամը եւս հայ ամուսին առաւ, որ էր Արշաւիր պատրիկ եւ մաղխտորոս, հաւանօրէն Կամսարականներից: Արշաւիրը մի քոյր ունէր Իրինէ անունով, որ մայր դարձաւ հռչակաւոր Փոտ պատրիարքին, յոյն եկեղեցու պարծանքին: Այս Իրինէի հետ մատենադիրները շփոթել են Թէոդորայի քոյր Իրինէին, որ բոլորովին տարբեր անձ է: Մա Թէոդորայի այն քոյրն է, որ յետոյ ամուսնացաւ Թէոփոր նշանաւոր զօրավարի հետ: Հիմք կայ կարծելու, որ Թէոփոր պարսիկ չէր, այլ արաբական Հայաստանից փախած հայ:

Մարինի տան խնամութիւնը հայերի հետ ցոյց է տալիս որ օտարացած հայերից չէր եւ հաւանական է որ Մարինի կիւնը՝ Թէոկտիստէ-Փլորինան եւս հայ էր որ իր դուստրներին կնութեան տուաւ հայ մարդկանց:

Մարին եւ Մանուէլ միակ Մամիկոնեաններն չէին: Կային եւ ուրիշները, նոյնպէս օժտուած բախտից, որոնցից մէկին փեսայացրեց Թէոդորան իր դստեր Մարիամին: Դա Ալէքսիոս-Մուշեղ ականաւոր Մամիկոնեանն էր, որ կեսար էր յայտարարուած եւ ուրեմն գահ պիտի բարձրանար, եթէ Թէոդորան մեռնէր առանց արու ժառանգի:

Հայ ոյժի եւ ազդեցութեան շրջանն էր: Ութերորդ

դարու վերջերն էր, երբ հորդան տուեց հայութեան ամենի ալիքը, որպէսզի յաջորդ դարում ողողէր բիւզանդական արքունիքը եւ հիմն ձգէր հայկական պերճ հարստութեան եւ Բիւզանդիոնի իսկական մեծութեան: Ծարժման դրօշակակիրները Մամիկոնեան զաւակներն էին: Սակայն, այստեղ եւս, ինչպէս Հայաստանում, նրանք կարողացան միայն ցանել մեծագործութիւններ, իսկ հունձքը քաղցցին ուրիշները:

Արդեօք նոյն յամառ եւ տոկուն հակառակորդը չէ՞ր, որ Հայաստանում եւս խլեց նրանցից արքայական թագը:

II

Ութերորդ դարու վերջերից սկսած Մամիկոնեան տունը հետզհետէ ընթանում է դէպի չքացում: Բուզայի գերութեան մէջ էր Մամիկոնեաններից մի հոգի՝ Գրիգոր իշխանը, որ յաջողեց փախչել գալ հայրենիք: Մինչ Բագրեւանդից ուզում էր անցնել հարեւան Գարեղեան զաւառը, յանկարծակի մեռաւ: Արաբ ոստիկանը հետապնդում էր Գրիգորին:

Աչոտ Բագրատունին, ապազայ թագաւորը, «կտրեց մեռածի գլուխը, ասում է պատմադիրը, եւ առաքեց ոստիկանին ասելով թէ Գրիգորը կամենում էր անցնել Յունաց կողմերը եւ ինքը մարդ զրկեց ետեւից եւ սպանեց եւ ահա նրա գլուխը»:

Խորհրդաւոր պատմութիւն, անկախ պատմական ստուգութիւնից: Գրիգորը անձամբ կենդանի էր թէ մեռած, երբ Աչոտի դահիճը կտրեց նրա գլուխը, այդ չէ կարելորդ: Մամիկոնեան տունը այդ պահին արդարեւ քամուած, ջլատուած ոյժ էր, եւ նրա գլուխը կտրել նշանակում էր մեռածի գլուխ կտրել: Ընկան Մամիկոնեանները, հանգաւ հայ խիզախութեան դարաւոր ճրագը: Պատմիչը արձանագրելով Գրիգորի տխուր վախճանը, աւելացնում է. «Եւ այնմ հետէ բարձաւ ի Հայոց աշխարհէս ազգն Մամիկոնէից»¹:

Այսպէս, երբ հայ հայրենիքը հրաժեշտ էր տալիս Մամիկոնեան տան, նրա վերջին գերեզմանն էր յարդարում, նոյն տան տարագիր զաւակները շարունակում էին փայլել իրենց տոհմական տաղանդով Բիւզանդական պետութեան մէջ:

Հարեւան քրիստոնեայ տէրութիւնը վաղուց է որ ապաստարան էր դարձել հայ քաղաքական տարագիրների

1 Վարդան, էջ 81:

համար: Կեանքի դժնդակ պայմանները, անդադրում մաքառումը արաբ բռնութեան դէմ եւ այս գետնի վրայ բուսած ներքին տարաձայնութիւններն ու կուսակցական բախումները յաճախ դուրս էին նետում հայրենի ոլորտներից մարտական կարող ոյժեր, անհատական խոշոր տիպարներ եւ երբեմն նոյնիսկ ժողովրդական մեծամեծ հատուածներ:

Քաղաքական մթնոլորտը պղտորուած էր եւ կրքերը լարուած, երբ Կոստանդին կայսրը (740-775) խլեց Կարինը Արարներից եւ շատերը ցանկացան գաղթել կայսրութեան սահմանները: «Եւ բազումք ի բնակչաց զաւառացն խնդրեալ յարքայէն, զի... գնասցեն վկնի նորա: Եւ նորա տուեալ հրաման, վաղվաղակի հանդերձեալ զաղխս իւրեանց խաղացին յառաջ... Թողին զերկիրն ծննդեան իւրեանց եւ հատուածեալք անկան ի կողմն արքային բարբառաշտի»¹:

Յոյն պատմիչների վկայութեամբ, երբ Կոստանդինը առաւ Կարին եւ Մելիտինէ քաղաքները, ինքն էր, որ տեղական ժողովրդից մեծ գաղթականութիւն հանեց եւ բնակեցրեց Թրակիա²:

Նոյն կայսեր օրով էր դարձեալ որ նախարարներից շատերը «մերժեալք լքին զժառանգութիւնս իւրեանց եւ փախստեայ անկան յաշխարհն Յունաց, ապաւինեալք առ կայսրն Կոստանդին»:

Յայտնի է նաեւ Շապուհ Ամատունեաց իշխանի եւ իր որդու Համամի մեծ գաղթը տասն եւ երկու հազարանոց բազմութեան գլուխն անցած նոյն կայսրի վերջին տարիները: Տեղափոխութիւններ ստէպ են կատարուել մասնական թէ զանգուածային սկսուած Զ դարուց:

Իշխանական տներից շատ շատերին վիճակուեց ճաշակել պանդխտութեան դառնութիւնը: Ոմանք կորան պատերազմի դաշտերում, ոմանք ընտելացան նոր հայրենիքին եւ ծառայեցին նրա փառքին: Արչակունի, Բագրատունի, Մամիկոնեան, Կամսարական, Խորխոռունի, Գնունի, Ամատունի, Անձեւացի եւ այլ տներ, ունեցան ամենեքեան իրենց շողջողուն ներկայացուցիչները: Սկզբում հայ անունները սփռուած էին որպէս հատ հատ ծաղիկներ կայսերական զօրականութեան մէջ, յետոյ խտանում են եւ կազմում հայկական մի սեղմ միջավայր:

Ութերորդ դարու երկրորդ կէսին կայսերական բանակը արդէն հայերի ձեռքին էր: Լեւոն կայսրի օրով 778 թուին

1 Ղեւոնդ, գլ. իբ եւ իբ:

2 Theophanes էջ 662 (հրատ. Բոննի) Nicephore Patriarche, 60.

հարիւր հազարանոց բանակը շարժուեց դէպի արարական սահմանները եւ գրաւեց Գերմանիկէ, արդի Մարաշ քաղաքը: Զօրքի հրամանատարներն էին Միքայէլ Լախանոզբաղոն, սպարապետ Թրակեսեան գնդի, Արտաւազդ, սպարապետ Անատոլիկեան գնդի, Տաճատ, սպարապետ Բուկելլարեան գնդի, Վարազտիրոց, սպարապետ Արմենեակեան գնդի, (ո՛չ Կարխատիրոց, ինչպէս տպագրուած է), Գրիգոր, որդի Մուշեղակի, սպարապետ Օփսիկեան:

Հինգ զօրավարներից չորսը հայեր են, չորս նշանաւոր թեմերի ստրատեգներ, այսինքն զինուորական պետեր:

Թեմ էին կոչուում Բիւզանդիոնում զինուորական մեծ շրջանները: Սկզբնապէս թեմ նշանակուում էր որոշ զօրամաս՝ բաղկացած մերձ տասը հազար հոգուց, հետագայում ստացաւ աշխարհագրական իմաստ, համազօր այն շրջաններին, ուր ընկնում էին նրանց մշտական կայանները: Արմենեակեան թեմը տարածուում էր Հայաստանի սահմաններից մինչեւ Սինոպ, իր մէջ ունենալով եւ Ալիսի գետաբերանի արեւմտեան շերտերը, այն որ հնում բռնում էր Պափլագոնիան: Այս է պատճառը, որ Թէոդորայի մասին ասում են որ Պափլագոնացի աղջիկ էր, գործ ածելով հին անունը փոխանակ նորի՝ Արմենեակոնի կամ Արմենեակեանի:

Միւս կարեւոր թեմն էր Անատոլիկեանը, որ ընկնում էր Արմենեակեանից արեւմուտք, տարածուելով Ալիս գետից մինչեւ Եգէական ծովափը: Մրանից զատուեց արեւմտեան ծովեզրեայ մասը, Չմիւռնիայի շրջանը, կազմեց նոր թեմ Թրակեսեան անունով, որովհետեւ այստեղի զօրամասը բաղկացած էր Թրակացի Գոթերից:

Կայսերական անձնապահ գունդը նստում էր մասամբ մայրաքաղաքում եւ մասամբ ասիական ցամաքի վրայ: Մայրաքաղաքին հպած ասիական հողամասերը կրում էին այս պատճառով Օփսիկեան (լատ. obsequium բառից) անունը: Օփսիկեան թեմի արեւելեան մասը, Անգորայի շերտերը, կազմեց ինքնուրոյն թեմ Բուկելլարեան անունով, ստանալով իր անունը bucelum բառից, որ նշանակում է զինուորական հաց: Այստեղ նստած գունդը զբաղուած էր զօրքի պարենաւորման գործով:

Այսպէս ուրեմն ամբողջ Փոքր-Ասիան բաժանուած էր չորս թեմերի 778 թուի արշաւանքի ժամանակ: Բացի Թրակեսեան փոքր թեմից, միւս բոլորը գտնուում էին հայ զօրավարների իշխանութեան տակ: Զօրավարները կամ յունական բառով ստրատեգները թեմերի միահեծան կառավարիչներն էին:

Աւելորդ չէ յիշել, որ արշաւանքը չյաջողեց շնորհիւ Միքայէլ Լախանոզբաղոնի խարդաւանութեան: Զօրքը պաշարեց Մարաշը, բայց չկարողացաւ առնել, որովհետեւ Արաբները կաշառելով Միքայէլին, այլ ելք տուին գործին:

Յիշուած հայ զօրավարները տակաւին նոր էին թողել հայրենի հողը: Արտաւազդը, Անատոլիկեան թեմի տէրը, այն համանուն Մամիկոնեան իշխանն էր, որ 771 թուին խփել էր արաբ հարկահանին եւ փախել արեւմուտք: Արտաւազդը Հմայեակի որդին էր և ունէր եղբայրներ, եթէ միայն «յորդուցն Հմայեակի» չկարգանք «յորդուցն Հմայեակի»¹:

Տաճատը ևս ծանօթ է մեզ Ղեւոնդից: Սա Անձեւացեաց իշխան Գրիգորի որդին էր, անցել էր Բիւզանդիոն, հռչակ ստացել Թրակիայում Բուլղարների դէմ մղած ճակատներում եւ 778 թ. Բուկելլարեան թեմի սպարապետն էր:

Ղեւոն կայսեր մահից յետոյ, երբ պետութեան գլուխ անցաւ Իրինէ թագուհին, որ Աթենացի յոյն աղջիկ էր, սկըսեց հակահայ շարժում: Առաջին գոհր եղաւ Տաճատը եւ փախաւ Արաբների մօտ եւ մեծ ընդունելութիւն զտաւ: Փախուստի առթիւ, որ եղաւ 782 թուին, Ղեւոնդն ասում է, որ Տաճատը ծառայել էր կայսեր 22 տարի: Ասել է թէ Հայաստանից հեռացել էր 760 թուականներին, ուրեմն հայ-արաբական կռիւների շրջանում:

Վարազտիրոցը եւ Մուշեղակի որդի Գրիգորը թուում է թէ Աշոտ կոյրի անբախտութեան հեղինակների զաւակներն էին: Աշոտի հակառակորդներն էին «Սմբատայ որդիք» եւ Դաւիթ ու Գրիգոր իշխանները: Սմբատը որդի էր Վարազտիրոցի և կիրապաղատութեան պատիւ էր ստացել Վարդանակերտի յաղթութիւնից յետոյ: Ըստ Մովսէս Կաղանկատուացու Սմբատը մեռաւ 727 թուին²: Արդ՝ սրա որդին էր հաւանօրէն Արմենեակեան թեմի զօրավար Վարազտիրոցը, որ կրում էր իր պապի անունը, ինչպէս սովորութիւն էր, և Բագրատունեաց տոհմիցն էր:

Դաւիթ եւ Գրիգոր Մամիկոնեանները սպանուեցին 749 թուին: Իսկ սրանց երրորդ եղբայրը Մուշեղը Գրիգորի մահից յետոյ նրա տեղը բռնեց կարճ ժամանակով («եւ կացուցին իշխան զեղբայր նորին զՄուշեղ սակաւ ինչ ժամանակս»³:

Այս Մուշեղին պէտք չէ շփոթել համանուն անձի հետ, որ 775 թուի ապստամբութեան ղեկավարն էր: Սա Հրահատ կոմսի որդին էր Մամիկոնեան տանից, մինչդեռ Գրիգոր,

1 Ղեւոնդ, էջ 138:

2 Մովսէս Կաղանկատուացի (Փարիզ, 1860 թ.) Գ. ծգ:

3 Ղեւոնդ, էջ 124:

Դաւիթ եւ Մուշեղ եղբայրների մասին պատմագիրը նոյն ցուցումը չէ տալիս: Երեւում է, տարբեր անձեր են:

Թուում է թէ Գրիգորի եղբոր Մուշեղի որդին պէտք է լինէր այն Գրիգորը, որ Օփսիկեան թեմի զօրավարն էր 778 թուի արշաւանքին: Գրիգոր անունը կարող է որոշ հիմ ծառայել այս նոյնացման:

Հրահատեան Մուշեղի որդին չէր կարող լինել Գրիգոր զօրավարը, որովհետեւ Մուշեղ երկու որդի թողեց, երկուան էլ սպանուեցին Մեհրուժան Արծրունու ձեռքով:

Գրիգոր զօրավարը խառն էր այն դաւադրութեան, որ կազմուած էր 782 թուին ընդդէմ Իրինէ կայսրուհուն: Գրիգորը այդ միջոցին պոստի լողոթեա էր, այսինքն հաղորդակցութեան միջոցով, որը սակայն աւելի համապատասխանում է արդի ներքին գործերի միջնատրութեան:

Դաւադիրները չորս հոգի էին պալատական մեծամեծներից, որոնցից երեքը հայ էին, Գրիգորը, Վարդ եւ Կոստանդին:

Վարդը պատրիկ էր եւ Արմենեակեան թեմի զօրավար: Սա Արծրունեաց տոհմից էր և յայտնի դարձաւ մանաւանդ իր հոչակաւոր որդով, որ գահ բարձրացաւ Լեւոն Ե Հայ անունով: Ղեւնդ պատմագրից յայտնի են Վահան Արծրունու որդիները՝ Սահակ, Համագարսպ ու Գագիկ և վերջինս որդիները Համագասպ, Սահակ և Մեհրուժան: Սրանք բոլորը մեռան հայ հողի վրայ մինչեւ 785 թ., կենդանի մնաց միայն Մեհրուժանը: Սակայն միւսների սերնդի մասին տեղեկութիւն չունինք: Անհաւանական չէ, եթէ Վարդը նրանց գաւակներից լինէր, հեռացած արեւմուտք, նման միւս իր ժամանակակից գործիչներին, Արտաւազդին, Գրիգորին եւ Տաճատին:

Միւս դաւադիրը՝ Կոստանդին որդի էր Վարդան պատրիկի եւ հրապարակի վրայ էր 765 թուից, երբ դեռ սպաթար էր եւ կայսեր պրոտոստորատոր: Այժմ պալատական հեծեալ գնդերից մէկի, եկսկուբիտորների, պետն էր որ կոչուում էր Դոմեստիկոս (մեր պատմիչների Դոմեստիկոսը): Վարդանը զօրավար էր Արմենեակեան թեմի նախ քան Վարդը եւ գոնէ անունից դատելով եւս Մամիկոնեան տան գաւակ էր: Նոյն տոհմը այդ միջոցին մի ուրիշ եւ աւելի փառաւոր ներկայացուցիչ ունէր, որ կրում էր կրկնակի անուն Ալէքս(իոս) - Մուշեղ:

Յիշեալ դաւադրութիւնը ուղղուած էր Իրինէ կայսրուհու դէմ, որ իր ամուսնու Լեւոն կայսեր մահից յետոյ 780ին

նշանակուած էր խնամակալ իր տակաւին մանուկ որդուն, Կոստանդինին:

Իրինէ Աթենացի էր եւ ձգտում էր ուժեղացնել յոյն տարրը եւ յետ մղել հայերին: Պայքարը անխուլ չէր: Մուշեանդ կայսրուհին հեռացրեց իրենից հայ նշանաւոր մարտական ոյժերին, չըջապատեց արքունիքը ապիկար եւ նենդամիտ ներքինիներով: Նա էր որ վերականգնեց 787 պատկերների պաշտումը, որին հակառակ էին հայերը: Առաջին դաւադրական փորձը, թէեւ անյաջող անցաւ, խրատական նախազգուշացում էր կայսրուհուն իր բռնի քաղաքական դժի համար:

Թաղաժառանգ Կոստանդինը արդէն չափահաս էր: Մայրը ամուսնացրեց նրան Մարիամ անունով մի ղեղեցիկ աղջկայ հետ, որ Արմենեակեան թեմիցն էր: Այստեղ նշանաւոր տները հայկական էին եւ Մարիամը եւս հայ ընտանիքից էր:

Ընտրութիւնը պատահական չէ թուում: Կայսրուհին թերեւս փորձում էր մեղմել իր վերաբերումը դէպի հայերը: Այս միջոցին էր նաեւ, որ պալատական զնդի դրոնդարն էր հայազն Ալէքսիոս-Մուշեղը:

Իրինէ թաղուհին ոչ միայն չէր ուղղում զիջանել գահը իր որդուն, որ արդէն հասակաւոր էր, այլ երբ պալատական մի անյաջող փորձ եղաւ յօգուտ որդուն, փառասէր մայրը պատժեց յանցաւորներին եւ փակեց պալատում իր որդուն, մեկուսացնելով նրան պետական գործերից: Արմենեակեան թեմը ընդդիմացաւ թաղուհուն, պաշտպան հանդիսանալով թաղաժառանգի բռնաբարուած իրաւունքներին: Իրինէ դիմեց Ալէքսիոս-Մուշեղի օգնութեան եւ նրան զրկեց խաղաղացնելու ըմբոստ թեմը: Սակայն, Մուշեղը անցաւ ապրստամբների կողմը: Կայսրուհին ստիպուած էր դիջել եւ արձակել բանտարկուած որդուն, Կոստանդինին: Սա կառավարութեան ղեկը ստանձնեց, բայց ընկաւ նոյն ներքինիների ազդեցութեան տակ, եւ ականջ կախելով նրանց գաղտագողի շլուկներին, որպէս թէ Ալէքսիոս-Մուշեղը փառասիրական մեծ ծրագրներ ունի, ամարդօրէն կուրացնել տուեց մեծ իշխանին, որին պարտական էր իր գահը:

Մուշեղն այդ ժամանակ Արմենեակեան թեմի զօրավար էր: Հայերը դրգուեցին, նորից ոտքի ելան, այս անգամ ապերախտ Կոստանդինի դէմ: Սա ուղարկեց երկու հայի՝ Կոստանդին-Արտաշիրին եւ Քրիստբեր անունով Պաւլիկեան աղանդաւորին, որ Բուկելյարեան թեմի զօրավար էր, զսպելու Արմենեակեան թեմի խոովարարներին: Իրինէ եւ իր ներ-

բրինները յաջողեցին գծակցել Կոստանդինն հայերի հետ: Իրինէի թելադրութեամբ էր նաեւ, որ Կոստանդինը բաժանեց իր հայ կնոջից եւ ամուսնացաւ ուրիշի հետ:

Մայրը որդուն կղզիացրեց, զրկեց իսկական պաշտպաններից, եւ ապա գրաւեց նորից դահր, կուրացներով իր որդուն եւ ընդ միշտ հեռացներով մրցութիւնից 797 թուին: Հինգ տարի միայն վայելեց իր յաղթութիւնը, 802 թուին Իրինէ սապալուեց ինքը եւ կործանեց ընդ միշտ Իսաւրեան տունը: Դժգոհ տարրերը կաղմեցին դաւադրութիւն, որին մասնակից էր եւ վերոյիշեալ Գրիգորը, Օփսիկեանի զօրավարը եւ յաջողեցին: Իրինէ պարտաւորուեց վանք քաշուել եւ քաւել իր սխալները:

Իրինէ զոհ գնաց իր ճախորդ քաղաքականութեան: Նա չեղուեց այն քաղաքական եւ կրօնական շաւղից, որ գծել էին իր նախորդները եւ կամեցաւ ծառայել յունական ազգային շահերին աւելի քան ներում էին իրական պայմանները: Այս է պատճառը, որ յոյն եկեղեցին չի վարանել սրբացնել նրան, մի կնոջ, ուր ընդունակ էր խարանել հարազատ որդու աչքերը, եւ ցայժմ էլ տօնում է նրա յիշատակը օգոստոսի 15ին:

Ազգերի մրցութիւնն իր տեղն ունի բիւզանդական պատմութեան մէջ, մանաւանդ հայ եւ յոյն անխուլ պայքարը: Անկարելի էր անտեսել հայ ոյժերը առանց ծանր հետեւանքների:

Տեսանք, թէ ինչ ականաւոր դէմքեր էին խմբուած հայ նախարարական ասպետութիւնից Իսաւրեան տան վերջալոյսին: Նրանք գլխաւորապէս Մամիկոնեան գաւազներ էին, արծիւներ, որ վաղուց ճախրում էին կայսերական թագի շուրջը: Արտաւազդ, Գրիգոր, Մուշեղ, Վարդան, Վարդանունները մի բան աւելի են նշանակում, երբ պատկանում են Մամիկոնեան տան: Ահա մի տուն, որ ունի պատմական ուրոյն նկարագիր՝ կերտուած քաղաքական փոթորիկների մէջ, ունի տոհմական յատուկ խորշումներ իր ճակատին:

Հայ ոյժերի յենարանն էր Արմենեակեան թեմը իր զօրաբանակով, որ բաղկացած էր մեծ մասամբ հայերից եւ գտնուում էր հայ զօրավարների իշխանութեան տակ: Այս զօրաբանակը կայսրութեան ռազմական ոյժերի փայլն էր սկզբից եւ եթ, իսկ հայ զօրավարներն էին և մնացին մինչեւ վերջը զինուորական արուեստի անգերազանցելի վարպետներ:

Իսաւրեան տան բնական յաջորդները հայերն էին: Գործող ոյժերի փոխադարձ յարաբերականը այս էլ թելադրում: Մի պատահմունք էր որ Իրինէից յետոյ գահն ընկաւ ոմն

Նիկիփորի ձեռքը, որի ծագման մասին բիւզանդական երեւակայութիւնը աւելի ցնցող առասպել չէր կարող յերիւրել քան այն, որ նա արար էր եւ այն էլ թագաւորական ցեղից: Հանրական համակրութիւնը Նիկիփորի կողմը չէր եւ հետագայում նա ատելի դարձաւ իր կեղեքիչ արծաթասիրութեան համար: Հագիւ թէ գահ բարձրացաւ, սկսան խոսովութիւնները:

Գահի թեկնածու ելաւ 803 թուին Վարդան հայազն, առաջին զինուորական դէմքը պետութեան մէջ: Միաժամանակ հինգ թեմերի զօրավար էր, *μοναστοπόλιος* այսինքն մենասպարապետ: Իր իսկական թեմը Անատոլիկեանն էր: Նիկիփորի հակապատկերն էր Վարդանը որպէս մարդ: Ազնուական բնաւորութեան տէր էր, վսեմ շարժուածքով, արդարամիտ եւ անչահասէր: Այս ընտիր յատկութիւններով բնաւ չէր նմանում պալատական արծաթամոլ եւ քծնի արարածներին եւ սիրելի էր ընդհանրութեան:

Վարդանը ունէր որպէս գործակից երեք երիտասարդ սպայ, որոնք հռչակուեցին ապագայում, Լեւոն, Միքայէլ եւ Թոմաս: Երբ Վարդանը զօրքով շարժուեց դէպի մայրաքաղաք, Լեւոնը եւ Միքայէլը լքեցին նրան եւ անցան Նիկիփորի կողմը: Ուստի որոշեց վայր դնել զէնքը եւ քաշուեց վանք: Չախորդութեան պատճառներից մէկն, անշուշտ, այն էր, որ Արմենեակեան թեմը չեղոք դիրք բռնեց: Երեւի, Գրիգոր, որդի Մուշեղակի, այդ միջոցին զօրավար Արմենեակեանի, չուղեց ելնել ընդդէմ Նիկիփորի, որի բարձրացման գործակից էր եղել: Նիկիփորը հակառակ իր հանդիսաւոր խոստման մարդ զրկեց եւ կուրացրեց Վարդանին, կամենալով ազատուել միանգամ ընդ միշտ երկիւղալի սոսխից:

Վարդանի մականունն էր Թիւրք, հաւանօրէն, Քերսոնի ճակատում երբեւէ թիւրքերի դէմ կոռուած լինելու համար: Հետաքրքրական է, որ բիւզանդական մի ժամանակագրի, Միմէոն Լողոթետի, գործի սլաւոն թարգմանութեան մէջ Թիւրքի փոխարէն կարդացուում է Կուրտ, Kourt: Հետաքրքրական է, որովհետեւ Կուրտ նոյնն է թուում ինչ որ Կուրդիկ, կամ Քուրդիկ անունը, որ սեփական էր Մամիկոնեան տան: Կուրտ կարող էր Վարդանի հօր անունը լինել:

Վանական կեանքում ընտրեց Սաբբա անունը եւ այնքան փայլեց սրբակեցութեամբ որ յոյն եկեղեցին սրբերի կարգը դասեց նրան և յիշատակը տօնում է ցայժմ սեպտեմբերի 8ին:

Անցաւ Հինգ տարի եւ 808 թուին նորից մի հայ իշխան ծառացաւ Նիկիփորի դէմ միեւնոյն դիտաւորութեամբ: Արշաւիր պատրիկն էր, զիտուն եւ բարեմիտ անձ, պաշտօնով քուեստոր (quaestor), բարձր պաշտօն էր, որի համար պահանջուում էր զբաղան եւ օրէնսգիտական մեծ պատրաստութիւն, որովհետեւ քուեստորն էր, որ խմբագրում էր օրէնքները եւ կազմում կայսերական թղթակցութիւնները:

Արշաւիրի կուսակիցներն էին բազմաթիւ ծերակուտականներ եւ բարձրաստիճան հոգեւորականներ: Դաւադրութիւնը սակայն անժամանակ բացուեց եւ յեղաշրջական փորձը վիժեց:

Անցաւ նորէն Հինգ տարի եւ 813 թուին այս Արշաւիրի փեսան, սրա թէոգոսիա դստեր ամուսին Լեւոնը վրէժխնդիր եղաւ եւ խլեց գահը Նիկիփորի տանից:

Նիկիփորին յաջորդեց իր միակ որդին՝ Ստաւրակ, որ շուտով մեռաւ: Ունէր եւ մի դուստր, որ ամուսնացաւ Միքայէլ Ռանդաբէի հետ: Սա ժառանգեց գահը:

Վերեւ տեսանք, որ 780 թուի դաւադիրները չորս հոգի էին, Գրիգոր որդի Մուշեղակի, Վարդ, Կոստանդին, որդի Վարդանի, չորրորդն էր թէոփիլակոս Ռանգաբէ: Միքայէլը սրա որդին էր, որ փեսայանալով Նիկիփորին, տիրացաւ գահին:

Միքայէլը պարտութիւն կրեց բուլղարական արշաւանքին եւ զօրքը կայսր հռչակեց Լեւոնին, որ դաւադիր Վարդի որդին էր:

Տեսանք, որ Կոստանդինի հայրը, Վարդան եւս փորձեց գահ բարձրանալ: Գրիգորը յիշուում է վերջին անգամ 802 եւ 803 թուերին: Արդեօք Ալէքսիոս-Մուշեղը սրա մօտ ազգականը չէ՞ր, թերեւս եղբայրը:

Չորս դաւադիրներից երեքը արժանացան գահի յանձին իրենց մերձաւորների: Ալէքսիոս-Մուշեղը, որ նմանապէս թեկնածու եղաւ կայսերական թագին, անհաւանական չէ որ չորրորդ դաւադրի՝ Գրիգորի տանից լինէր եւ նրա իրաւունքների թէ յաւակնութեան արտայայտիչը:

Լեւոն Հային սպանեց Միքայէլը, որ իր լեզուական թերութեան համար կոչուում է թլուատ: Միքայէլի օրով սակայն հայոց յառաջադիմութիւնը չկասեց, այլ սկսուեց մի շրջան, երբ Մամիկոնեան տունը հասաւ իր զօրութեան բարձրագոյն կէտին, դառնալով փաստօրէն պետութեան ղեկավարը:

III

Միքայէլ թլուատը, իր նախորդ Լեւոն Հայր եւ մի ուրիշ հայ թոմաս անունով, սկսել էին իրենց ասպարէզը Վարդանի բանակում, այն զօրավարի, որ 803 թուին փորձեց գրաւել կայսերական գահը: Երեքն էլ Վարդանի դորիւփորներն էին, այսինքն թիկնապահները:

Բիւզանդական պատմագիրները սիրում են առասպելախառն զրոյցներով զարդարել նշանաւոր անձերի կեանքը: Վարդանի մասին պատմում են, որ նախ քան ապստամբելը զնայեց էր մի ճգնազգեաց վանականի մօտ, յայտնել նրան իր փառատենչ ծրագիրը եւ խնդրել, որ աղօթէ գործի յաջողութեան համար: Վանականը առանց քաշուելու խորհուրդ էր տուել Վարդանին հրաժարուել իր ձեռնարկից, որովհետեւ մարդարէական աչքով տեսնում է որ գործը պէտք է ձախողի եւ ինքը զօրավարը պէտք է զրկուի աչքի յոյսից:

Վարդանը հեռանում է եւ մինչ նրա սպաթարները՝ Լեւոն, Միքայէլ եւ թոմաս քարչում էին ձին որ զօրավարը նստէ, վանականը յետ է կանչում Վարդանին եւ ասում, որ երեք սպաթարներից առաջինը եւ երկրորդը պէտք է յաջողին գահ բարձրանալ, իսկ երրորդը պէտք է տապալուի նոյն շաւղով զնալու յանդուզն փորձի մէջ:

Այս եւ նման գուշակութիւնները, որ յերիւրուած են ի հարկէ յետին թուով, post factum, մի տեսակ նախագիծ են գալիք իրադարձութեան: Արդարեւ Վարդանը չյաջողեց, Լեւոնը թագաւորեց, այժմ հերթը Միքայէլին էր եւ յետոյ թոմային:

Այս անձերը բոյորն էլ հայ են, անգամ յառաջատես կրօնաւորը թուում է թէ հայ էր: Երբ Լեւոնը գրաւեց գահը, պատմում են որ յիշեց վանականի գուշակութիւնը եւ շնորհակալութեան նուէրներ ուղարկեց նրան: Սակայն, վանականը արդէն մեռել էր եւ նրա խուցը բռնել էր մի ուրիշ մենակեաց, որի անունն էր Սմբատ եւ ոչ Սարբատիոս, ինչպէս եղծում են միւսները¹:

Վարդ կեսարի փեսան եւս մի հայ էր Սմբատ անունով, որի անունը եւս փորձում են յունացնել, գրելով Սարբատիոս²:

Հիմք կայ կարծելու որ Սմբատ վանականի նախորդը նմանապէս հայ էր եւ որ Վարդանի այցելած մենաստանը հայ հիմնարկութիւն էր: Հայ զօրականը ասել է թէ վստա-

1 Theoph. Cont. 28 ունի Συμβάτιος, իսկ Genes. 3 և Symeon, 604, Σαββάτιος, հայ անուն յունական ձեւ տալու համար:
2 Genesius 106.

հացել էր հետապնդելի քաղաքական դադանի ծրագիրը եւ հայրենակից կրօնաւորին:

Միքայէլի ծագումը մութ է: Նա Ամորիա քաղաքից էր որ Անատոլիկեան թեմի կենդրոն էր և յայտնի՝ Աքիմզան կոչուած աղանդաւորներով: Կար եւ Աթինդաններին եւ հրեութեան մօտիկ մի ուրիշ կրօնական համայնք: Կարծես թէ խօսքը Պաւլիկեան աղանդի մասին է:

Անհաւանական չէ, որ Միքայէլը Պաւլիկեան հայերից լինէր: Պատմագիրները նրա ազգութեան խնդիրը թողնում են անորոշ, յիշում են միայն, որ Ամորիայի աղանդաւոր հասարակութիւնիցն էր: Այն հանդամանքը, որ Միքայէլ ծառայել էր հայ զորավարի մօտ, ընկերակից էր մանկութիւնից Լեւոնին եւ Թոմային, եւ յետոյ, ինչպէս կը տեսնենք, մնում է շրջապատուած հայերով, իրաւունք է տալիս ենթադրելու, որ արիւնով եւս մօտ էր Հայերին: Գահի թեկնածուները սովորաբար հայեր էին դարեր շարունակ:

Պաւլիկեան համայնքից էր նաեւ Քրիստքեր անձը, որ Բուկելլարեան թեմի զօրավարն էր եւ Տաճատ Անձեւացու յաջորդը 790 թուականներին, Ալեքս-Մուշեղի աստատմութեան ժամանակ: Միքայէլ Թլուատը հակառակ էր պատկերապաշտութեան եւ անտարբեր դէպի պետական եկեղեցին: Եթէ անտեսենք այն անհեթեթութիւնները, որ ուղղափառ պատմագիրները բարդում են նրա վրայ, մի բան կը մնայ ստոյգ, որ նա խմորուած է եղել Պաւլիկեան հակաեկեղեցական հայեացքներով:

Միքայէլը թագ կապեց թէ չէ Թոմա զօրավարը նրա դէմ ելաւ եւ երեք տարի անընդհատ կռիւ մղեց, կամենալով կորզել իշխանութիւնը: Թոման ծնուել էր Գազուրա կամ Գազիւրա աւանում, որի տեղը ճշտիւ յայտնի չէ, բայց հաստատ է որ գտնուում էր Արմենեակեան թեմում Իրիս գետի հովտում: Ենթադրուում է որ արդի Թուրխալ քաղաքի մօտերն է եղել, Թոկատի եւ Ամասիայի միջեւ: Լեւոնը եւս թւում է թէ այս կողմերիցն էր: Նա Պիղրա քաղաքիցն էր: Պատմագիրերի ասելով Պիղրան գտնուում էր Անատոլիկեան թեմում: Այլուստ յայտնի չէ Պիղրա: Մեղ թւում է թէ չփոթութիւն կայ եւ խօսքը Պիղրա աւանի մասին է, որ գտնուում էր Լիկոս (=Գայ) եւ Իրիս գետերի խառնարանի մօտ եւ ցայժմ էլ պահել է հին անունը Ֆիղի: Լեւոնը ծառայել էր Վարդանի մօտ Անատոլիկեան թեմում: Նրան ուղեկցել էր Գուշակ կրօնաւորի մօտ, որն ապրում էր նոյն թեմում, այն է Փիլոմելիոն աւանում (մերձաւորապէս արդի Ակ-չեհիր քաղաքը Իկոնիայի երկաթուղային գծի վրայ): Ասել է թէ Լեւոնի

կեանքի սկզբնական շրջանը անցել էր Անատոլիկեան թեմում: Գուցէ այս է պատճառը, որ նրա ծննդավայրը եւս կարծել են նոյն թեմում:

Թոմայի ազգութիւնը վիճելի է համարւում հնուց ի վեր: Արդեօ՞ք Հայ էր թէ Սլաւոն: Պատմական վկայութիւնները հակասական են եւ պիտնականներից ոմանք, ատանց փորձելու հակասութեան աղբիւրը պարզելու, արտայայտւում են ի նպաստ սլաւոն ծագման:

Գենեսիոս պատմագիրը, որ ինքն եւս հայի զաւակ էր, ասում է դրականօրէն որ Թոման հայ էր, «ἐχ' ὀρμηνίαν τὸ γένος» եւ մանկութիւնից ընկերակից Լեւոնին:

Նոյն պատմագիրը, բերելով մի ուրիշ վարկած Թոմայի նախնական կեանքի վերաբերեալ, եւ կամենալով բացատրել նրա յաջողութիւնը, տալիս է նրա նկարագիրը, ուր գովում է նրա բարի գծերը եւ ասում որ համակրելի էր, ընկերական եւ քաղաքացի կրթութեամբ, հակառակ որ, աւելացնում է պատմագիրը «սկիւթանման էր ծագումով», καὶ σκληρὸν τοὶ γένοι:

Արդ Թէոփանի Շարունակողը, որ այս կէտում ուրիշ աղբիւր չունի քան Գենեսիոսը, կրկնում է սրա ասածները, և այնտեղ ուր Գենեսիոս ասում է թէ Թոման հայ էր, Թէոփանի Շարունակողը փոխում է և հայի տեղ դնում է սլաւոնածին, σκληρογενεσ եւ որպէսզի հաւատ ներշնչէ իր այս կարծիքին, աւելացնում է, որ սլաւոնածինները ցրուած էին շատ տեղ արեւելքում: Իսկ ուր Գենեսիոս խօսում է սկիւթանման ծագման մասին, Թէոփանի Շարունակողը այնտեղ գործ է ածում մի ուրիշ դարձուած, «թէեւ ծագումով բարբարոս էր»: Իսկապէս «σκληρὸν» այլ բան չէ նշանակում քան բարբարոս, մի մարդ, որ չի պատկանում յոյն ցեղին:

Թէոփանի Շարունակողը երևում է այստեղից այն եզրակացութիւնն է հանել, թէ սկիւթ եւ բարբարոս նշանակում է իրապէս Սլաւոն, քանի որ այդ ժամանակները հին սկիւթական տափաստանները բռնուած էին սլաւոն ցեղերի կողմից: Նոյն պատմագիրը խոստովանում է որ ինքը անձամբ հաւատում է Թոմայի սլաւոն ծագման, «հիմն ունենալով ինչ ինչ գրութիւն»³:

Գրաւոր աղբիւրի յիշատակութիւնը հակասում է նոյն հեղինակի խորհրդածութեան, որ անում է Թոմայի մասին

1 Genes., 8.
2 Ibid., էջ 32:
3 Theoph. Cont., 50 և 53; ἐγγραφῶν τινῶν ἔχων τὸ βέβαιον, p. 50.

եղած զրոյցների առթիւ եւ ուր խոստովանում է որ այլ աղբիւր չկայ քան լուրեր եւ եմքադրութիւններ:

Պէտք է կարծել, որ աղբիւրի ակնարկը վերաբերում է Գենեսիոսին, որից արդարեւ օգտուել է: Արդ քանի որ Թէոփանի Շարունակողի հաղորդութիւնը Թոմայի սլաոն ծագման մասին արդիւնք է Գենեսիոսի սկիւթանման բառի կամայական մեկնութեան, միակ դրական վկայութիւնը մնում է այն ինչ որ տալիս է Գենեսիոս թէ Թոման Հայ էր:

Մեզ թւում է որ Թոման եւ Միքայէլը Վարդանի փեսաներն էին, նրա դուստրների ամուսինները: Այս երեւում է Միքայէլի կենսագրական մի զրոյցից:

Նոյն երկու պատմագիրները պատմում են որ Միքայէլը սնուել եւ մեծացել էր Աթինգան կոչուած աղանդաւորների միջավայրում, մանկութիւնը անցել էր ախոռներում եւ յետոյ մտել էր իր թեմի զօրավարի մօտ ծառայութեան: Սակայն, թլուատութեան պատճառով յաջողութիւն չի ունենում եւ զօրավարը ուզում էր արձակել, երբ Աթինգաններից մէկը, որ մտերիմ էր զօրավարին, յայտնում է նրան թէ պէտք է Միքայէլին հեռացնել, որովհետեւ նրան եւ իր ընկերոջը մեծ ապագայ է սպասում եւ որ երկուսն էլ գահ պիտի բարձրանան:

Զօրավարը հաւատում է այս մարդարէութեան եւ անմիջապէս մեծ խնջոյք է պատրաստում եւ հրաւիրում Միքայէլին եւ նրա ընկերոջը: Կերուխումից յետոյ զօրավարը ցանկութիւն է յայտնում, որ նրանք փեսայանան իրեն, առնելով կնութեան իր երկու դուստրները: Այդպէս էլ լինում է¹:

Տարակոյս չկայ, որ Աթինգան գուշակը ոչ այլ ոք է եթէ ոչ Փիլոմելիոնի վանականի մի ուրիշ պատկեր եւ զրոյցը՝ վանականի եւ Վարդանի դէպքի մի այլ վարկած: Վանականը, ինչպէս եւ իր յաջորդ Սմբատը պատկերապաշտութեան դէմ էին եւ այս արդէն բաւական է, որ վանականը նմանեցնուէր Աթինգան աղանդաւորի: Անանուն զօրավարը հէնց ինքը Վարդանն է: Միքայէլի ընկերը, որի անունը չէ յիշուած, կամ Լեւոնն է եւ կամ Թոման, ինչպէս դատելու է Փիլոմելիոնի զրոյցից: Լեւոնը չէր կարող լինել, որովհետեւ նա ամուսնացած էր Արչաւիր պատրիկի դստեր Թէոդոսիայի հետ: Ուրեմն չէր կարող փեսայ լինել Վարդանի: Մնում է ընդունել, որ Միքայէլի ընկերը Թոման էր, հետեւապէս, սրանք էին Վարդանի փեսաները: Միքայէլի կնոջ անունը թիկլա էր, իսկ Թոմայինը՝ յայտնի չէ:

1 Genes., 31, Theoph. Cont., 44.

Մեր այս մեկնութիւնը տալիս է ստոյգ բանալին լուծելու Թոմայի վերաբերեալ առասպելները:

Պատմում են, որ Թոման աննշան եւ աղքատ տան զաւակ էր, մի օր վճռում է գնալ մայրաքաղաք բախտ որոնելու եւ յաջողում է մտնել մի ծերակուտականի մօտ սպասաւորութեան: Սակայն, Թոման անազնիւ է գտնուում իր տիրոջ նկատմամբ, յանցաւոր տարփանք տածելով նրա կնոջ, որի հետեւանքով զրկում է տեղից եւ փախչում Արաբների մօտ:

Միւսնոյն պատմիչները գիտեն եւ մի ուրիշ զրոյց, որի համաձայն անանուն ծերակուտականը ինքը Վարդանն է, եւ Թոման ուրիշ անձ չէ քան նա, որ Լեւոնի եւ Միքայէլի հետ ուղեկցել էր Վարդանին յայտնի վանականի մօտ Փիլիմիլիոնում¹:

Եթէ իրաւ խօսքը Վարդանի մասին է, ստայոյ պէտք է համարել այն լուրը, որպէս թէ Թոման փորձել էր արատաւորել նրա կնոջ պատիւը և ակամայ փախուստ տուել: Որտեղի է այս պատմութիւնը, որովհետեւ Թոման Վարդանի հետ էր և հաւատարիմ մնաց նրա ապստամբութեան ժամանակ 803ին մինչեւ վերջը, իր անձը հաւասարապէս փորձանքի ենթարկելով, եւ հեռացաւ ոչ Վարդանից, այլ նրա անձնատուր լինելուց յետոյ փախաւ, երկիւղ կրելով կայսեր վրէժխնդրութիւնից:

Ժողովրդական երեւակայութեան մէջ քաղաքական յանցաւորի փախուստը ստացել է սիրային արկածի բնոյթ, որպէս թէ Թոմայի փախչելու պատճառը եղած լինի իր տղափանքը դէպի զօրավարի կինը:

Թէ որքան անհեթեթ է այս փաստաբանութիւնը, հազիւ թէ պէտք կայ բացատրելու: Սիրային որեւէ զանցառութեան համար վտարուել հայրենիքից եւ այն էլ կայսեր միջամտութեամբ, խելքից դուրս բան է: Պարզ է որ իսկութիւնը խեղաթիւրուած է, մանաւանդ որ գիտենք փախուստի բուն քաղաքական հանգամանքը: Եթէ ընդունենք որ Թոման արդարեւ Վարդանի փեսան էր, ինչպէս տեսանք վերեւ, այն ժամանակ սիրային ամբաստանութիւնը կը ներկայանայ մեզ իր իրական լոյսի մէջ: Ենթադրենք, որ Թոման, փախչելով հեռու արեւելք Արաբների մօտ, չէր կարողացել կամ չէր կամեցել կնոջը տանել իր հետ եւ ուրեմն կնաթող էր եղել տարիների ընթացքում, ապրելով Արաբների մօտ օտարութեան մէջ: Կնաթողութիւնն արդէն ամուսնական խաբէութիւն է: Այս պարագան զրոյցի մէջ այնպէս է անդրադար-

1 Genes., 35.

ձեւ, որպէս թէ Թոմաս գործել էր մի անբարոյական քայլ, մի սիրային սայթաքում, Վարդանի ընտանիքի հանդէպ, այսինքն, պատրել էր նրա կնոջ (իմա՛ դստեր) եւ փախել:

Պատրաստուելով ապստամբութեան, Թոմաս յայտարարել էր Արաբներին, որ ինքը հասարակ ոմն չէ, այլ Իսաւրեան տան վերջին շառաւիղն է եւ փախել է իր մօր Իրինէի ձեռքից, որ ուզում էր կուրացնել նրան, եւ այժմ ցանկանում է տիրանալ հայրենի ժառանգութեան: Թոմայի շարժումը սկիզբն առաւ 821 թուին, դեկտեմբեր ամսին: Կոստանդնի աղէտը պատահեց 797 թուին, ուրեմն Թոմաս փախած պիտի լինէր այս ժամանակ, որպէսզի հիմ ունենար ասելու որ ինքն է Կոստանդինը: Միւս կողմից, Թոմայի շարժումը սկսուեց 821 թուին դեկտեմբեր ամսին: Այստեղից պատմագիրները այն եզրակացութիւնն են հանել, որ Թոմաս մնացել է օտարութեան մէջ 25 տարի, 797 մինչեւ 821 տարին, մինչդեռ նոյն պատմագիրները վկայում են որ Թոմաս մասնակցել էր Վարդանի ապստամբութեան 803 թուին, այլ եւ Լեւոնի դահակալելուց յետոյ 813 թուին նշանակուել էր Ֆեդերատների տուրմարիս, այինքն օտարականներից կազմուած գնդի պետ, մի պաշտօն, որ երբեմն վարել էր ինքը Լեւոնը եւ այժմ նոյն պատիւը տուել էր իր վաղեմի ընկերոջ Թոմային:

Այստեղից հետեւում է որ Թոմաս օտարութեան մէջ մնացած պիտի լինէր տասը տարի 803 մինչեւ 813 տարին, եւ ոչ թէ քսան եւ հինգ տարի, որ արուեստական հաշուի արդիւնք է, Թոմայի փախուստի կարծեցեալ թուից, որ է Կոստանդնի կուրացման տարին մինչեւ նրա դարձը, այսինքն՝ 797-821 ժամանակամիջոցը:

Ոմանք ուզում են պատմական արժէք տալ քսան և հինգ տարուան եւ յետ տանել Թոմայի փախուստը մինչեւ 788 թուր, ենթադրելով, որ երկու անգամ մնացել է տասն եւ հինգ տարի 788ից մինչեւ 803, եւ երկրորդ անգամ տասը տարի 803ից 813 թ.: Այդպէս է կարծում Բրուի, անգլիացի յայտնի բիւզանդագէտ եւ նորերս մեռած¹:

Սակայն, Թոմաս Արաբների մօտ էր, երբ ծառայաւ Միքայէլի դէմ 821 թուին, ուրեմն պէտք է ենթադրել եւ մի երրորդ փախուստ եւ համապատասխան ժամանում Արաբների մօտ: Այս ժամանումը, որքան եւ տեւած լինի, արդէն խանգարում է 25 տարուան հաշիւը: Բացի դրանից, եթէ Թոմայի առաջին փախուստը ղենք 788 թուին, ստիպուած ենք ընդունելու, որ այն ծերակուտականը, որի ընտանիքում

1 Bury, Eastern Roman Empire, 84, ծանօթ. 2:

տեղի էր ունեցել Թոմայի սիրային արկածը, Վարդանը չէր: Հարկաւ, չէր կարող Թոմաս գինակից լինել մի մարդու, որի ձեռքից փախել էր օտարութիւն: Մերակուտականը պէտք է որ ուրիշ անձ լինէր այս դէպքում:

Անգլիացի դիտնականի ենթադրութիւնը ներչնչուած է գլխաւորապէս Միքայէլ կայսեր նամակից, գրուած Լուդովիկ բարեպաշտին 824 թուին, այսինքն Թոմայի ապստամբութիւնը խեղդելուց յետոյ: Թոմայի մասին Միքայէլը գրում է.

«Ոմն Թոմա անուենով անձը, նա որ լինելով ստորագրուեալ մեծ պատրիկներից մէկի, այն ժամանակ երբ իշխանութիւնը Իրինէի ձեռքին էր, խարէութիւն է գործում իր տիրոջ նկատմամբ, այն է խառնակում է իր տիրոջ կնոջ հետ եւ փախչում Պարսիկների մօտ: Այնտեղ մնում է յիշեալ Իրինէի ժամանակից մինչեւ Լեւոնը, ուրանում է քրիստոնէական հաւատը... հաւատացնում է նրանց որ ինքն է Կոստանդին, որդի Իրինէի, եւ որ ուրիշ մէկն է զրկուել աչքերից եւ ինքը փախել ազատուել է»¹:

Այստեղ ուշադրութեան արժանի է այն պարագան, որ Միքայէլը չէ տալիս պատրիկի անունը եւ Թոմայի ոճիրը իրական է համարուում եւ գործուած Իրինէի ժամանակ:

Այստեղից անգլիացի դիտնականը այն եզրակացութիւնն է հանել, որ պատրիկը չէր կարող Վարդանը լինել: Սակայն, նամակի մէջ չէ ասուած որ Թոմաս մնաց Արաբների մօտ 25 տարի, որպէսզի կարելի լինէր փախուստը յետ տանել մինչեւ 788 թուր, մի կերպ արդարացնելու համար կասկածելի տարեթիւր:

Միքայէլին անպայման հաւատալը վտանգաւոր է: Բարեպաշտ կայսեր ուղղած նամակում, նրան հաճոյանալու համար, ստիպուած է ծածկել կամ խեղաթիւրել ճշմարտութիւնը: Բաւական է յիշել, որ Լեւոնի սպանութեան մասին ասում է որ մի քանի խռովարար զինուորների գործ էր, այնինչ ինքն էր իսկական հեղինակը: Միքայէլը, անշուշտ, մեղանչում է դիտմամբ ճշմարտութեան դէմ, աշխատելով թազցրնել Թոմայի ով լինելը: Հակառակորդի արժէքը նսեմացնելու նպատակով ուրանում է որ Թոմաս իր մօտ ծանօթն էր եւ ընկերը եւ անգամ քենեկալը համաձայն մեր լուսաբանութեան: Մածկում է որ Թոմաս նշանաւոր Վարդան զօրավարի փեսան էր, ինչպէս ինքը եւ ուրեմն նոյնանման իրաւունք

1 Mansi, XIV, 417.

ունէր գահի թեկնածութեան: Արհամարհական դարձուած է կիրառում նրա վերաբերմամբ:

Հասկանալի է որ պատմագիրները, որ ծանօթ էին այս նամակին, չեն կարողացել բացատրել Միքայէլի տարօրինակ վերաբերումը իր ընկեր Թոմային քան ենթադրել, որ մանկութիւնից նրանք սիրելի չէին միմեանց:

Իրինէ թագուհին ընկաւ գահից 802 թուին հոկտեմբերի 31ին: Վարդանի խոռովութիւնը պայթեց 803 թուին յուլիսի 19ին, որեմն մի քանի ամիս յետոյ, եւ տեւեց մինչեւ սեպտեմբերի 8, հաղիւ ուրեմն երկու ամիս: Անհաւանական է, որ 15 տարի յառաջ փախած եւ այդքան տարիներ օտարութեան մէջ դեզերած Թոման վերադառնար հայրենիք մասնակցելու մի ապստամբութեան եւ իսկոյն եւ եթ նորից փախչէր վերստին: Իսկ փաստ է որ նա մասնակցել էր ապստամբութեան Միքայէլի եւ Լեւոնի ընկերակցութեամբ եւ փախել անյաջողութիւնից յետոյ, մինչդեռ իր երկու ընկերները դաւաճանել էին Վարդանին եւ անցել հակառակ կողմը: Միքայէլ թագսցում է այս կարեւոր հանգամանքը իր նամակում եւ երեւի ինքն է առաջինը, որ Թոմայի փախուստի քաղաքական բնաւորութիւնը փորձում է վարադուրել սիրահարական անհեթեթ գրոյցով:

Թէ յիրաւի Թոմայի փախուստը կապ ունէր Վարդանի ապստամբութեան հետ, երեւում է Սամուէլ Անեցու տեղեկութիւնից, որի համաձայն, «Պէ թուականին սուտ թագաւորն թովմաս ի Կարնոյ քաղաքն եկն»: Միքայէլ Ասորին քաջածանօթ է Թոմային, եւ յիշում է երկու փախուստ. մէկը՝ Հարուն-ալ-Ռաշիդի օրով (786-809), նրա վերջին տարիները, միւսը՝ Սամուելի ժամանակ (813-833): Առաջին դէպքում տալիս է Թոմայի անունը եւ հօր անունը, որ էր Մոմար, եթէ ճիշտ է ընթերցումը: Հայ թարգմանութեան մէջ բաց է թողուած, տարաբախտաբար, հօր անունը, էջ 362: Երկրորդ անգամ պատմում է որ մի Հոռոմ էր եկել Սամուելի մօտ, խնդրում էր օգնել իրեն վերստանալ հայրենի թագը: Այս անանուն Հոռոմը, հաւանօրէն նոյն Թոման է եւ չփոթմամբ նրա երեւումը Արաբների մօտ հաշուում է 831 թուին, փոխանակ 821ին:

Միքայէլը իր նամակում ասում է որ Թոման որպէս թէ ըմբոստացել էր տակաւին Լեւոնի ժամանակ: Այս վկայութիւնը եւս կասկածելի է: Կայ մի ուրիշ տեղեկութիւն, որի համաձայն Թոմայի ապստամբութեան շարժառիթն էր նախ

վրէժ լուծել Լեւոնի սպանութեան համար եւ երկրորդ՝ ելք տալ եւ յագուրդ իր սրտմտութեան ընդդէմ Միքայէլի¹:

Թոման փախչելով արեւելք, յաջողում է հակել իր կողմը «Հայաստանի իշխանութիւնը, Սաղաւաց իշխանութիւնը եւ Արմենեակեան թեմի զօրավարին»:

Թէ ինչ ոյժերից էր բաղկացած Թոմայի բանակը, յայտնի է Միքայէլի նամակից, ուր ասուած է թէ Թոման «չարժուեց Պարսկաստանից, ունենալով հետը Սարակինոսներ, Պարսիկներ, Իվերներ, Հայեր, Արխազներ եւ ուրիշ այլազան ցեղեր»²:

Եթէ իրօք Թոմայի ձեռքի տակ եղել են սարակինոս եւ պարսիկ ոյժեր, պէտք է կարծել, որ արաբական խալիֆի կողմէն տուած օգնական գունդն էր: Պատմագիրները, որ Թոմայի նկատմամբ ընդունակ են ամեն ինչ չափազանցելու, թւում են մի շարք ցեղեր եւ ժողովուրդներ, որ Թոմայի բանակում լինել չէին կարող աշխարհագրական պայմանների հետեւանքով: Այսպէս, բացի Հայերից եւ պոնտական կամ կովկասեան մի քանի ցեղերից հաշուում են՝ Հագարացի, Եգիպտացի, Հնդիկ, Պարսիկ, Ասորեստանցի, Կարբի Ալան, Վանդալ, Սլաւոն, Հոն եւ Գոթ ժողովուրդներ³:

Այստեղ թուած են գրեթէ բոլոր այն ժամանակ յայտնի ժողովուրդները: Անխոհեմութիւն կը լինէր որեւէ պատմական արժէք տալ այս շարանին: Միքայէլի նամակի «եւ մնացեալ այլազան ցեղերը» խօսքը առիթ է տուել պատմագիրներին ցուցադրելու իրենց աշխարհագրական գիտութիւնը աւելի մեծ չափով քան պահանջում էր Թոմայի բանակի կազմը:

Առասպելական չափազանցութիւնները մի կողմ թողած, Թոմայի բանակը բաղկացած էր Հայաստանի, Սաղաւացի եւ Արմենեակեան թեմի ոյժերից: Chaldaece quae gens montem Caucasum incolit, ասելով, նամակը հասկանում է Պոնտոսի եզրածիր տարածութիւնները մինչեւ Կովկասեան լեռնաշղթան: Այստեղ Սաղաւացը փոխարինում է հին Լազիկա, որ Տրապիզոնից ձգուած էր մինչեւ Արխազիա:

Թէեւ Միքայէլը իր նամակում Սաղաւացը կոչում է ducatum, բայց դժուար թէ այդ ժամանակ Սաղաւացը վարչապէս կազմակերպուած միութիւն ներկայացնէր: Սաղաւացը թեմ դարձաւ Միքայէլից յետոյ նրա որդու եւ յաջորդի՝ Թէոփիլի օրով: Մինչ այն մտնում էր Արմենեակեան թեմի մէջ այն մասով որ պատկանում էր կայսրութեան:

1 Theoph. Cont., 50.
2 Mansi, XIV, 417.
3 Genes. 32, Theoph. Cont. 55.

Armeniae ducatum, Հայաստանի իշխանութիւն թէ զօրավարութիւն, եւս մութ է թէ իրապէս ի՞նչ է նշանակում: Թոմայի ապստամբութեան ժամանակ Հայաստանում իշխում էին Աչոտ Մսակերը եւ իր եղբայր Շապուհը: Հաւանական է որ եթէ ոչ Մսակերը, գէթ Շապուհը, որ տիրում էր Սպերի շրջանում, աջակցութիւն ընձեռած լինէր Թոմային որեւէ կերպ:

Արմենեակեան թեմի dux կամ զօրավարը նմանապէս յարել էր Թոմային: Ո՞վ էր այդ զօրավարը, դժուար է ասել: Բայց որ արդարեւ նա Թոմայի հետ է եղել, երեւում է նաեւ այն բանից, որ հանում է պաշտօնից: Ապստամբական շարժումը մեծ ծաւալ էր ստացել, բոլոր թեմերը յարել էին Թոմային, բացի Արմենեակեան թեմից: Այս երեւոյթը բացատրելու է նրանով, որ Միքայէլը հայ զօրավարին հեռացրել էր եւ նրա տեղ նշանակել ոմն Օլբիան(ոսի)ի (=Աղբիանոս): Հարեւան Օփսիկեան թեմը եւս յանձնել էր Կատակիւ(աս)-ին, որ իր եղբոր որդին էր: Կայսեր հաւատարիմ էին մնացել նոյնպէս Քրիստափոր մազիստրոսը իր երկու որդիներով, որոնց անուններն էին Վարսակ(իոս) եւ Նասոր, Barsakios, Nasor: Անունները արեւելեան բնոյթ ունին:

Երբ Թոման յաղթական ողբերգութեամբ մօտեցաւ մայրաքաղաքին եւ պաշարեց, Միքայէլի հետ կուում էին ներսից նրա դէմ յիշեալ Օլբիանը եւ Կատակիւլը: Թւում է թէ Արմենեակեան եւ Օփսիկեան զօրքերը լքել էին նրանց, թեւեւ, համակրանք ցոյց տալով շարժումին: Սակայն երեւում է որ այս երկու զօրավարները իրենց գնդերովն էին Միքայէլի մօտ¹:

Երկուսից մէկը, կամ յիշեալ թեմերի զօրքերը անցել էին Թոմայի կողմը, կամ իրենց զօրավարների հետ քաշուել էին մայրաքաղաք: Այլապէս Թոման չէր կարող Արմենեակեան թեմի վրայից անցնել անարգել եւ յարձակուել մայրաքաղաքի վրայ:

Թոմային զինակից էր նաեւ Գրիգոր Պտերոտ կոչուած զօրավարը, որ Լեւոն թագաւորի թեոքոզին էր²: Երբ տեսաւ որ պատերազմը երկարում է, Գրիգորը վճռեց թողնել Թոմային եւ անցնել Միքայէլի կողմը, որպէսզի փրկել կարենար իր կնոջը եւ որդիներին, որ Միքայէլի ձեռքին պատանդ էին: Թոման զգաց վտանգը եւ սպանել տուաւ Գրիգորին:

Թոմայի խռովութիւնը տեւեց երեք տարի 821-824 թ.:

1 Theoph. Cont. 67.

2 Ibid. 57: ἀδελφοῦς նշանակում է այստեղ քրոջ որդի եւ ոչ եղբոր:

Յաջողութիւնը մեծ էր եւ անշուշտ պիտի յաղթանակէր եւ զահը գրաւէր, եթէ ետեւից չհարուածէր անակնունելի կերպով բուլղարական թագաւորը Մորտազոն, որ մեծ զօրքով եկաւ Թոմայի դէմ եւ փրկեց Միքայէլին վերահաս անկումից:

Թոմային կողմնակից էին նաեւ երկու զինուորականներ Քիրէաս եւ Գազարենոս, որոնցից երկրորդը կոչուում էր Կորնիացի: Ասել է թէ ծնուած էր Պոնտոսի Կորնիա քաղաքում, (արդի Շապին-Կարահիսար): Սրանք գործում էին Կարալա եւ Սանիանա վայրերում եւ Թոմայի անկումից յետոյ շարունակեցին իրենց խռովարար գործունէութիւնը:

Կարծում են որ Սանիանա գտնուում էր Անկիւրայից հարաւ-արեւելք Ալիսի աջ ափին, իսկ Կարալա — Իկոնիայից հիւսիս-արեւմուտք¹: Սակայն թւում է թէ աւելի հիմ ունինք որոնելու Կորնիայի շրջանում: Միքայէլը խոստացել էր նուիրել Գազարենի ծառային, եթէ դաւաճանէր իր տիրոջ, Սանիանա եւ Նէո-Կեսարիոյ եպիսկոպոսութիւնը²: Այստեղից հետեւում է որ Սանիանա մօտ պիտի լինէր Նէո-Կեսարիային (արդի Նիկիսար): Ենթադրում ենք, որ Գազարենի Սանիանան կապ չունի Գալատիայի համանուն բերդի հետ եւ հաւանօրէն այլ բան չէ, եթէ ոչ արդի Ճանիկի կամ Ջանիկի շրջանը եւ սրա հին անունը, որ նշանակում է Ճաների երկիր: Ճան, հնում Սան, այժմեան Լաղ ժողովուրդի անունն է: Կարալլա եւս որոնելու է նոյն կողմերը, Սաղտեաց աշխարհի եւ Փոքր Հայքի սահմաններում: Սպերի շրջանում կար համանուն տեղ, յայտնի ոսկէ հանքերով: Թւում է որ Փոքր Ասիայում տարածուած անուն է եղել եւ կարող էր նոյնանուն տեղ լինել եւ յիշածս շրջանում, քանի որ Թոմայի գործունէութեան կուուանն էին հայ-պոնտական երկրները:

Այս հանգամանքը բնաւ նպաստաւոր չէ Թոմայի սլաւոն ծագման տեսութեան: Ապստամբը եկաւ Կարին եւ կազմակերպելով հայ, խաղտ եւ Արմենեակեան դժգոհ տարրերը, նրանց վրայ յենուելով, գլուխ բերեց մի մեծ քաղաքական եւ հասարակական շարժում: Օտարական, տեղական պայմաններին եւ ժողովրդին խորթ մի Սլաւոն, չէր կարող ոչ վստահութիւն ներշնչել եւ ոչ համակրութիւն գէթ այն չափով, որ անհրաժեշտ էր մեծածաւալ եւ տեւուն ամբոխային ըմբոստութեան համար:

Սլաւոնները բիւզանդական Արեւելքի մէջ դեր չեն կատարել երբեք անհատապէս եւ թէ հաւաքաբար: Ամբողջ

1 Ramsay, Asia Minor, 248, 359.

2 Theoph. Cont., 72.

պատմութեան ընթացքին յայտնի չէ եւ ոչ մի դէպք, ուր սլաւոնը դուրս դար քաղաքական ասպարէզ Փոքր Ասիայի մէջ: Մինչդեռ սովորական երեւոյթ է Հայերի գրեթէ անդադրում խիզախումը կայսերական թագի շուրջը, սկսուած Յուստինիանոսի դարաշրջանից:

Թոման ծնուած էր պոնտական հողերի այն մասում, որը հնուց բռնուած էր զանազան փոքր ցեղերով: Սրանք դիւրութեամբ չէին ենթարկուում քաղաքակրթութեան, ուստի եւ համարուում էին բարբարոս: Նոյն համբաւն ունէին եւ սկիւթական ցեղերը: Ուշադրութեան արժանի է որ Ս. Գրքի մէջ յունարէնի Սկիւթ անուան դէմ հայերէնը ունի խաղտիւք: Ուրիշ անգամ նոյն բառը թարգմանած է խուժ եւ դուժ, այսինքն՝ վայրենի, բարբարոս¹:

Հասկանալի է թէ ինչու Թոման, յինելով Խաղտեաց աշխարհից կամ դրացի, կոչուում է սկիւթացի կամ բարբարոս: Այստեղ սկիւթացի բառը ուրիշ բան չէ նշանակում քան խաղտեացի, Խաղտեաց աշխարհից:

Հարկաւ, պատմագրի բերանում այս մի վիրաւորական կոչում է, մի հայհոյանք Թոմայի հասցէին: Այս բնաւ չի պատասխանում իսկութեան, քանի որ Թոմա, ինչպէս որ նոյն պատմագիրն է վկայում, բարեկիրթ էր եւ քաղաքացի կենցաղի եւ բարքի տէր: Նրա արտասովոր յաջողութեան պատճառներից գլխաւորը հէնց բարեկրթութիւնն է համարում, որ նրա անձին տալիս էր որոշ հմայք ամբոխի աչքին, մինչ Միքայէլ կայսրը զուրկ էր այդ յատկութիւններից:

IV

Թոմայի յարուցած մեծ շարժումը նշան էր որ Միքայէլը ժողովրդական չէր եւ չէր վայելում ընդհանուրի համակրութիւնը: Քաղաքական ոճիրները արդարանում են կամ մեղմանում են ստէպ, նայելով թէ իրենց հեղինակները որչափ գերազանց են զոհերից: Միքայէլի գործած սպանութիւնը դատապարտելի էր, քանի որ ինքը ոչ մի կէտում չէր կարող հաւասարուել իր նախորդին, Լեւոն Հային: Սա նշանաւոր գահակալներից էր, օժտուած բազմակողմանի ընդունակութիւններով: Պատերազմի դաշտում առաջնակարգ զորական էր, պետական ասպարէզում՝ վարչական մեծ կարողութիւնների տէր: Նրա արդարադատութեան մասին առաս-

1 Բ. Մակ. դ, 47, Թէպէտ առաջի Խաղտեաց դատ վարէին: Գ. Մակ. է. 3, խուժ եւ դուժ:

պելներ էին պատմում, իսկ կրօնական ջերմեռանդութիւնը անվիճելի էր, հակառակ որ պատկերամարտ լինելով չէ խուսափել հակառակորդների անյուր լուտանքից: Չերժ էր արծաթասիրութեան տարածուած արատից, և առատաձեւն էր: Նիկիփոր պատրիարքը, որ քնքոյշ սէր չունէր բնաւ դէպի Լեւոնը եւ չէր կարող ունենալ, որպէս կատաղի հակառակորդ նրա եկեղեցական քաղաքականութեան, որի պատճառով եւ գահընկէց էր եղել, երբ լսեց Լեւոնի մահը, գոչեց. «պետութիւնը կորցրեց մի մեծ, թէեւ ամբարիշտ, պետական մարդ»¹:

Մեծագոյն գոյլասանք, որ կարելի էր լսել մի թշնամուց:

Այսպիսի մի արժանաւոր անձի սպանութիւնը, բնական է, դժուար կացութիւն պիտի ստեղծէր սպանիչ Միքայէլի համար: Առանձին շրջանկատութիւն էր հարկաւոր եւ խոհեմութիւն, որ կարենար վայելել իր յանցադործութեան արդիւնքը:

Միքայէլ Թլուատը խստութեամբ չվարուեց Լեւոնի ընտանիքի հետ: Լեւոնը իր նախորդի Միքայէլ Ռանգարէի որդիներին ներքինացրել էր եւ վանական դարձրել: Նրանցից մէկը հետագայում պատրիարքական դահլ բարձրացաւ Իգնատիոս անունով: Միքայէլը բաւականացաւ նոյն պատիժը տալով եւ Լեւոնի որդիներին: Կրտսերը՝ Թէոդոսը մեռաւ, չդիմանալով ծանր դործողութեան, իսկ Վասիլը եւ Գրիգորը մեծ անուն վաստակեցին եկեղեցական ասպարէզում իրենց առաքինի վարքով եւ 817 թուին երկուսն էլ թեկնածու էին պատրիարքական աթոռին, երբ առաւելութիւն տրուեց յիշեալ Իգնատիոսին, անշուշտ, այն պատճառով միայն որ Լեւոնի պատկերամարտութեան ստուերը տակաւին ծանրանում էր որդիների վրայ:

Մենաստան զրկուեցին նաեւ Լեւոնի մայրը եւ կինը, կայսրուհի Թէոդոսիան: Լեւոնի աւագ որդու անունն էր Սմբատ, որ Աւգուստ, այսինքն թագաժառանգ էր հռչակուել եւ այս առթիւ վերակոչուել էր Կոստանդին²:

Ուրիշ անգամ յիշուում է որ Կոստանդինը վերակոչուել էր Վասիլ³: Անշուշտ սխալմունք է: Այս Կոստանդին վերակոչեալ Վասիլ որդու մասին պատմուում է, որ ներքինացումի գործողութեան ժամանակ կորցրեց խօսելու ընդունակու-

1 Genes. 17, Theoph. Cont. 30.
2 Theoph. Cont., 41; Genes., 26.
3 Ibid., 47.

Թիւնը, բայց յետոյ ողջացաւ շնորհիւ Գրիգոր Աստուածաբանի, որի պատկերը կրում էր իր կրծքին (արդեօ՞ք խօսքը Աստուածաբանի մասին է թէ Լուսաւորչի) : Լեւոնի մայրը, կինը զրկուեցին Տերանց (Δεσποτών) վանքը, իսկ որդիները Պրոտէն կղզին :

Միքայէլ Թլուատը ջանաց մօտենալ հայ շրջաններին, որոնք, անշուշտ, չէին կարող համակրել իրենց աղգակցի սպանողին : Նրանց իրեն քաշելու յուսով Միքայէլը դիմեց խնամիական միջոցի :

Տեսանք որ Մանուէլ Մամիկոնեանը առաջնակարգ գէմք էր եւ Արմենեակեան թեմի զօրավարն էր Լեւոնի ժամանակ : Արմենեակեան գունդը վտանգաւոր էր Միքայէլի համար եւ կարող էր նրա բոլոր հաշիւները խառնել : Հարկաւոր էր սպանալիքը չեզոքացնել : Միքայէլը որոշեց խնամիանալ Մանուէլի տան հետ : Մանուէլի աւագ եղբայրն էր Մարինը, որի դուստր Թէոդորան յայտնի էր իր սքանչելի գեղով եւ, թերեւս, ծանօթ արքունիքին Լեւոնի օրերից :

Կայսրը ընտրեց նրան հարս իր որդու Թէոփիլի համար : Եթէ ճշմարիտ է մեր ենթադրութիւնը, որ Միքայէլի կինը Թեկլա Վարդանի դուստրն էր, ուրեմն հայ, առաւել եւս հասկանալի կը դառնայ Թէոդորայի ընտրութիւնը :

Թէոդորան միայն իր գեղեցկութեան չէր պարտ այն մեծ բախտը, որին արժանացաւ, այլ եւ իր տոհմի քաղաքական եւ պետական կշիռն : Թէոդորան երեք քոյր ունէր եւ երկու եղբայր : Քոյրերն էին Կալոմարիա կամ գեղանի Մարիամ, Սոփիա եւ Իրինէ, եղբայրները՝ Վարդ եւ Պետրոն :

Թէոդորայի ամուսնութիւնը տեղի ունեցաւ Միքայէլի գահակալութիւնից մի քանի ամիս յետոյ : Հները չփոթելով ազուստութեան և ինքնակալութեան տարեթիւերը, կարծել են որ Թէոփիլը ամուսնացել է իր ինքնակալութեան առաջին տարին 829ին, հօր մահից յետոյ : Այս չփոթութիւնը չէր ներդաշնակում պատմագիրներին այն վկայութեան թէ 837ին Թէոփիլն ունէր արդէն չափահաս դուստր, նշանուած Ալեքս-Սուլեղի հետ : Նոր ժամանակուան քննադատներին էր վերապահուած ճշտել պսակադրութեան իսկական տարեթիւր : Վենետիկի դուքս Յուստինիան Պարտիկիակը թողել է կտակ թուագրուած՝ «Ինդիկատիոնի եօթներորդ տարին, Միքայէլ կայսեր՝ իններորդ եւ Թէոփիլի՝ ութերորդ» : Ինդիկատիոնի եօթներորդ տարին համապատասխանում է 829 թուին (մինչեւ սեպտեմբեր) : Միքայէլը գահ էր բարձրացել 820 թուի դեկտեմբերի 25ին : Հետեւապէս 829 տարին իրօք նրա իննե-

րորդ տարին է : Եթէ նրա իններորդ տարին հաւասար է Թէոփիլի ութերորդին, նշանակում է Թէոփիլի առաջին տարին է 821 թիւը¹ :

Գիտենք, որ պսակադրութիւնը եւ թագակապութիւնը կատարուել են միաժամանակ Հոգեգալստեան օրը² : Չատիկը 821 թուին էր մարտի 24ին եւ Հոգեգալուստը մայիսի 12ին, երկուշաբթի օր :

Ասել է թէ Միքայէլը հազիւ դահ բարձրացած, շտապել է թագաժառանգ հռչակել իր որդուն՝ Թէոփիլին : Ճիշտ նոյն օրը տեղի է ունեցել եւ Թէոդորայի պսակադրութիւնը, այն է 821 թուին, մայիս ամսին :

Եթէ ենթադրենք որ Թէոդորան այդ ժամանակ մօտ 16-17 տարեկան էր, ծնունդը պիտի տանենք մինչեւ իններորդ դարու սկզբի տարիները : Այս հաշուով եւ նրա հայրը Մարինը ծնուած պէտք է լինէր յառաջ քան 780 թուականները :

Յոյն եկեղեցին հոկտեմբերի 13ին տօնում է Նիկեոսայի յիշատակը : Սա պատկերամարտութեան զոհերիցն էր եւ կենսադրութեան մէջ ասուած է որ Պոլիս էր եկել 780 թուականին, ծնուել էր Պափլագոնիա 763 թուին, եւ որ կարեւորն է, համարում էր Թէոդորայի ազգական, ուրեմն հայ ծագումով³ : Ասել է թէ Նիկեոսա Մամիկոնեան տանիցն էր և Մարինի մերձաւորը, եւ որովհետեւ ծնուած էր 763ին Պափլագոնիա, հետեւապէս Մարինի եւ Մանուէլի տունը հաստատուած էր Արմենեակեան թեմում, ութերորդ դարի կէսին : Անհիմն չէ ենթադրել, որ նոյն ժամանակուան Հայաստանում ծաւալուող կուսակցական պայքարի հետեւանքով է որ այս ընտանիքը քաշուել է կայսրութեան սահմանները :

Միքայէլի հաշուով, գեղանի Թէոդորան, Արմենեակեան թեմի զինուորական նշանաւոր ընտանիքի զաւակը, Մանուէլ Մամիկոնեանի եղբոր դուստրը, իր հարսնութեամբ արքունիք պիտի բերէր հայրենի համակրութիւնը եւ մեղմացնէր Լեւոն Հայի սպանիչի յանցաւորութիւնը :

Միքայէլը բայց եւ այնպէս անպատուհաս չմնաց : Թէոդորայի պսակից մի քանի ամիս յետոյ պայթեց Թոմայի ապստամբութիւնը նոյն տարուայ վերջին ամսին եւ տեւեց երեք տարի մինչեւ 823 թիւը : Թոմայի անկումից յետոյ,

1 Romanin, Storia documentata di Venezia, I, 348. Միայն բնագրի 18րդ տարին ուղղելու է Տրդ, համաձայն Բրուկի, Byz. Zeit. X, 542.

2 Georg. 790.

3 Acta Sanctorum, III, 448. Բնագիրը աղաւղուած է. պէտք է կարդալ φαρτ δὲ αὐτοῦ (եւ ո՛չ αὐτὸν) ἀπογοῦσθαι εἶνα, Θεοδοῖραν (եւ ո՛չ Θεοδοῖρας).

տեսանք, խոռվութիւնը շարունակեց դեռ մի տարի յուզել ընդհանուր խաղաղութիւնը եւ դադրեց 824 թուին:

Միքայէլը չորս տարի թագաւորելուց յետոյ, կորցրեց իր առաջին կնոջը եւ երկրորդ անգամ ամուսնացաւ Եփրեսինէի հետ: Յունական օրէնքով որպէս թէ կրկնապսակ թագաւորը իրաւունք չունէր իշխելու, ուստի նա թագը զիջաւ իր որդուն¹:

Վերջին տեղեկութիւնը, որ կատարեալ առասպել է, ծագել է նրանից, որ Թոմայի ապստամբութիւնը խեղդուել էր 824 թուին, ուստի Թէոփիլի թագաւորութիւնը հաշուել են այս տարուց: Միքայէլը իրօք վերամուսնացաւ Եփրոսինէի հետ, բայց այս առթիւ նա չհրաժարուեց գահից: Իսկ որ կրկնապսակը որպէս թէ իրաւունք չունէր թագաւորելու, ստոյգ է:

Եփրոսինէն միանձնուհի էր: Վերջին Իսաւրեան կայսեր՝ Կոստանդին Զ-ի դուստրն էր: Մայրը Մարիամը հայ էր, ամուսնուց բաժանուելով վանք էր քաշուել իր դստեր Եփրոսինէի ընկերութեամբ:

Այժմ Միքայէլը բռնի հանեց մենաստանից եւ կնութեան առաւ Եփրոսինէին: Նպատակն էր, անշուշտ, օրինական կերպարանք տալ գահի յափշտակութեան: Հանգած տան վերջին շառաւիղի՝ Եփրոսինէի հետ նա տիրանում էր եւ Իսաւրեան թագին որպէս օրինաւոր ժառանգ: Այլ իմաստ չունէր նաեւ ապստամբ Թոմայի խաբերայ յայտարարութիւնը, թէ ինքը ոչ այլ ոք է եթէ ոչ Կոստանդին Զ կայսրը եւ փախել ազատուել է մօր ձեռքից եւ ուզում է վերագրաւել կորցրած գահը:

Արդեօք Թէոդորայի հարսնութիւնը փրկեց Միքայէլին Արմենեակեան զինուորական տան թշնամութիւնից, դժուար է որոշ բան ասել: Թոմայի շարժման ժամանակ Արմենեակեան թեմի զօրավարն էր ոմն Օլբիան(ոս): Մինչդեռ սպասելի էր նոյն պաշտօնում տեսնել Մանուէլին: Լեւոն կայսեր պատմութեան մէջ յիշուած է որ Մանուէլ նշանակուեց զօրավար Արմենեակեան թեմի²: Իսկ Միքայէլի որդու Թէոփիլի պատմութեան մէջ նոյն պատմագիրը աւանդում է որ Լեւոնի օրով Մանուէլը Անատոլիկեան թեմի զօրավար էր: Կամ ընդունելու է որ վերջին վկայութեան մէջ Անատոլիկեանի յիշողութիւնը սոսկ սխալ է փոխանակ Արմենեակեանի, կամ

1 Michel le Syrien, éd. Chabot, p. 72.
2 Theoph. Cont., 24.

որ իրօք Արմենեակեան թեմից տեղափոխուել էր Անատոլիկեանը Միքայէլի օրով:

Մանուէլի կեանքը ընդհանրապէս մուծ է: Յայտնի չէ, թէ ե՞րբ եւ ինչի՞ց ստիպուած փախչում է Արաբների մօտ եւ յետոյ վերադառնում:

Պատմում են, որ պատճառը պալատականների քսութիւնն էր: Մանուէլ մեծամեծ ծառայութիւն էր մատուցել Թէոփիլին, փրկելով նրան մահուան ճիրաններից արաբական մի արշաւանքի ժամանակ: Արաբները արդէն շրջապատել էին կայսրին եւ գերի պիտի վերցնէին, երբ յանկարծակի Մանուէլը առաջ նետուեց, ձայնելով իր զինուորներին. «տղայք, ամաչեցէք մեղուներից, որոնք իրենց թագուհու սիրուն համար թռչում են նրա ետեւից»:

Ասաց եւ սլացաւ թշնամու վրայ փրկելու իր կայսեր, որպէս մի «առիւծ որ կուում է իր կորիւնների համար»: Ճեղքեց արաբական գիծը եւ մօտենալով կայսեր, գոչեց. «ով թագաւոր, հետեւիր ինձ, դիակների վրայից ճանապարհ կը հորդեմ քեզ համար»:

Թէոփիլը դանդաղում էր: Մանուէլը քանի անգամ յիշեցնելուց յետոյ վերջապէս մօտեցաւ, բռնեց նրա ձիու սանձից, եւ սպառնալով որ ինքը կը սպանէ եթէ չհնազանդուի իրեն, քաշեց հանեց թշնամիների միջից եւ այսպիսով փրկեց նրան գերուելու խայտառակութիւնից:

Կայսրը երախտագիտօրէն մեծամեծ պատիւների արժանացրեց Մանուէլին եւ յաճախակի կոչում էր նրան «բարերար եւ փրկիչ»:

Մանուէլի դիրքը չար նախանձ շարժեց պալատականների շրջանում: «Եւ այն մարդը, նկատում է պատմագիրը, որ ճակատել էր բերաւոր թշնամիների դէմ եւ ազատել իր թագաւորի կեանքը, ընկճուեց մի քանի վատաճողի անձանց քսութեան առաջ»: Կայսերական մի մատուռակ, որ առաջ ծառայ էր եղել Մանուէլի մօտ, նախազգուշացրեց նրան: Մանուէլը բարւոք համարեց տեղի տալ շարութեան եւ հեռանալ արքունիքից: Մինչեւ իսկ թողեց կայսրութեան սահմանները եւ ծածուկ փախաւ արաբական դուռը¹:

Մի ուրիշ աղբիւր, որ Մանուէլին անուանում է ամենից հռչակուած զօրավարը ամբողջ Արեւելքի մէջ և շատ յարգուած թագաւորի կողմից, պահել է մեզ նրա բանսարկուների անունները: Կայսեր ականջին չհնջողը Վասիլ անունով մի անձն էր, որ գործում էր սակայն ուրիշ, աւելի ազդեցիկ,

1 Genes. 61; Theoph. Cont. 116, 118.

մարդու թելադրութեամբ: Դա Միրոնն էր, Հաղորդակցութեան լողովեար եւ Պետրոսի աները: Պետրոսը Մանուէլի եղբորորդին էր եւ թաղուհու եղբայրը:

Թէոփիլի միտքը պղտորել էին թէ Մանուէլը որպէս թէ ձգտում է դահի եւ այս ուղղութեամբ գաղտնի աշխատանքներ է կատարում: Արքունի մատուցակի բարեխօսութիւնը այստեղ վերագրում է թաղաւորի առաջին հանդերձապահին, պրոտովեստիարին, որի անունը Լեւոնն էր: Սա չի յաջողում ցրել անհիմն զրպարտութիւնները եւ Մանուէլը, անգոր կուսելու ստոր մեքենայութեանց դէմ, ստիպում է հեռանալ պալատից եւ փախչել Ասորիք, այնտեղից ամիրապետի դուռը¹:

Թէոփիլը յետոյ զգջաց եւ միջոցներ ձեռք առաւ յետ բերելու հոչակաւոր զորավարին:

Մանուէլի կեանքի մէջ մութ դժեր շատ կան: Փախուտի պատմութիւնը նրանցից մէկն է: Տակաւին հնում տարածայնութիւն կար այն մասին, արդեօք Թէոփիլի ժամանակ է տեղի ունեցել փախուստը թէ նրա հօր՝ Միքայէլ Թլուատի: Ոմանց ասելով, Մանուէլը փախել էր «Միքայէլի օրով կամ ատելութիւնից եւ կամ երկիւղալով նրա հին թշնամութիւնից»²:

Հայ տեղեկութիւնները, որ անտես են արուած հարցովս զբաղուած նորագոյն գիտնականների կողմից, ոյժ են տալիս վերջին վարկածին: Լեւոնի սպանութիւնից յետոյ, ասում է Հայ պատմագիրը. «Թագաւորեաց (—եա՞) Միքայէլն, ելանէր ի խնդիր մեծ զորավարին Մանուէլի Մամիկոնենոյ. եւ նորա աճապարեալ հարիւր և յիսուն արամք անկանի ի կամախ եւ անտի առ Մամուն իշխանն իսմայէլի, որ սպանեալ զեղբայրն Մահմէտ ինքն տիրէր Տաճկաց: Եւ նորա յոյժ պատուեալ զնա, կտրեաց ոռճիկս աւուրն հազար երեք հարիւր եւ վեց կշիռ արծաթոյ եւ զայլ օր ըստ օրէ պարգևս անչափ եւ անկշիռ»³:

Այս տեղեկութիւնը խիստ արժէքաւոր է, որովհետեւ ծագում է Շապուհ Բագրատունու կորսուած երկից, որից քաղել է Վարդանը: Շապուհը ոչ միայն անցքերին ժամանակակից էր, այլ եւ լինելով իշխող տան անդամ մօտէն ծանօթ էր քաղաքական իրադարձութեանց: Ըստ օտար աղբիւրների, Մանուէլը փախել է Արարների մօտ Կիլիկիա-Ասորիքի վրայից, մինչդեռ Հայ պատմագիրը գիտէ որ հալածական

1 Georg., 796; Symeon, 632.
2 Theoph. Cont., 121.
3 Վարդան, էջ 77-78:

իշխանը եկել է նախ Կամախ, Հայաստան, յետոյ միայն անցել է Արարների մօտ: Գիտէ որ փախել է Միքայէլի օրով եւ մեծ ընդունելութիւն գտել ամիրապետի կողմից: Թոչակի խնդիրը եւս ցոյց է տալիս որ մեր պատմագիրը իրազեկ աղբիւրից է քաղել իր տեղեկութիւնները:

Այս դէպքում նախանձի եւ բանասարկութեան պատճառանքը ընկնում է: Փախուստի բուն շարժառիթը մնում է որոնելի: Ամենից հաւանականն է ենթադրել, որ Թոմայի շարժման խառն է եղել Մանուէլը զործով թէ լոկ համակրանքով: Սուովութիւնը զսպելուց յետոյ է որ «Միքայէլ ելանէր ի խնդիր մեծ զորավարին Մանուէլի»:

Հիմ չկար վստահելու յանցապարտ կայսրին, ուստի եւ Հայ զորավարը խոյս տուաւ իր հայրենիքը: Եթէ ճիշդ է այս ենթադրութիւնը, Թոմայի շարժումի հայակական բնաւորութիւնը մի նոր ապացոյց է ստանում Մանուէլի մասնակցութեամբ:

Մի ուրիշ Հայ պատմագիր յիշելով Միքայէլի կռիւը Թոմայի հետ եւ վերջինս պարտութիւնը հայոց 272 (=823 յ. Բ.) թուին, աւելացնում է. «Եւ ապա պատերազմեալ Միքայէլի ընդ տաճիկ զօրուն եւ զբազումս ի նոցանէ սատակեաց ի Կուռն աւանին եւ յաղթեաց նոցա եւ Անկիւռիան»¹:

Հաւանօրէն եւ այս տեղեկութիւնը առնուած է Շապուհ Բագրատունուց: Դժբախտաբար, բնագիրը աղճատուած է թուում, թերեւս Անկիւռիան ուղղելու է առ Կիւռիոն:

Կուռն աւանը բիւզանդական պատմագիրների Կորոն եւ արարական Կուռու կոչուած վայրն է, որ գտնուում էր Կիլիկեան դոներից հիւսիս Արդէ լեռան լանջերի վրայ²: Չարմանալի է, որ արարացի Նակուրի պատմագրի մօտ եւս Կուռու անուան փոխարէն կարդացւում է Անկիւռա³: Սա ասում է որ Մամունը բերուեց այս աւանը 830 թուին, որտեղից փախաւ Մանուէլը:

Մի այլ վկայութեամբ, Թէոփիլ կայսրը արչաւեց Արարների դէմ եւ առաւ Չուպատրա բերդը 1141 սելեւկեան (=829 յ. Բ.) թուին, իսկ հետեւեալ տարին, ուրեմն 830ին, պատրիկ Մանուէլը գլուխ բարձրացրեց կայսեր դէմ եւ անցաւ Արարների կողմը: Նոյն տարին հակայարձակում գործեց եւ խլեց չորս բերդ հազիրան (= յունիս) ամսին⁴:

Այս չորսի թուումն էր հաւանօրէն եւ Կորոնը:

1 Ասողիկ (Ս. Պետրոսի, 1885 թ.), էջ 144:
2 Ramsay, Asia Minor, 355.
3 Վասիլե, «Բիւզանդիա եւ Արարներ», I, 85:
4 Michel le Syrien, 78.

Երեւում է որ այս ժամանակ տեղի ունեցել է եւ Մանուէլի փախուստը համաձայն արար պատմագրի վկայութեան: Ասել է թէ արար եւ ասորի աղբիւրները գրեթէ համերաչխ են, դնելով Մանուէլի փախուստը 830 թուին եւ Կորոնի գրաւման ժամանակ:

Սրանց եւ հայ տեղեկութեան հակասութիւնը կարելի է մասամբ հարթել, ընդունելով որ նախ Միքայէլն է արչաւել եւ առել Կորոն բերդը, ինչպէս Հայն է ասում, յետոյ Մամունը յետ է գրաւել, եւ այս ատեն է, որ փախել է Մանուէլը: Հայը համաձայն չէ վերջին կէտում, եւ փախուստը դնում է աւելի առաջ եւ Միքայէլի կենդանութեան:

Նորագոյն գիտնականներից մէկը, առանց ծանօթ լինելու հայ տեղեկութեան, արդէն այն միտքն է յայտնել, որ Մանուէլ փախած պիտի լինէր Միքայէլի ժամանակ: Անհաւանական է գտնում որ հալածական զօրավարը վստահէր վերադառնալ այն գահակալի մօտ, որից փախուստ էր տուել:

Ինչ վերաբերում է դարձին, բոլոր աղբիւրների վկայութեամբ, այդ տեղի է ունեցել Լուլուն բերդի առումից յետոյ: Լուլուն կամ Լուլու մի կարեւոր ամրութիւն էր Կիլիկեան դռների կամ Կապանի հիւսիսային մուտքի առաջ պաշտպանելու համար Կապանը:

Վարդան պատմագիրը հաղորդում է որ «Մամուն էր ի կողմանս Յունաց զամս⁽⁶⁾ եօթն և առնոյր զանհպելի ամուրն Լուլուայ եւ դառնայ ի Միջագետս. եւ Մանուէլ երթայր դարձեալ ի Յոյնս»²:

Ըստ Միքայէլ Ասորու, Մամուն արչաւեց եւ պաշարեց Լուլուն բերդը 1142 սելեւկեան թուին այսր ամսին, որ է 831 մայիս, բայց չկարողացաւ առնել: Հետեւեալ 1143 թուին, երբ պատրաստում էր գնալ Եգիպտոս, լսեց, որ բերդը անձնատուր է եղել: 1143 տարին հաւասար է 831 հոկտեմբերից մինչեւ 832 հոկտեմբերը: Մամունը փետրուար ամսին 832 թուին արդէն Եգիպտոս էր գտնուում, հետեւապէս բերդն ընկած պիտի լինէր աւելի յառաջ, այն է 831 հոկտեմբերից մինչեւ 832 փետրուարը³:

Վարդանի տեղեկութիւնը թուում է թէ հաստատում է եւ ճշտում այս ժամանակամիջոցը: Հայ պատմագրի խօսքը թէ Մամունը մնաց Յունաց կողմերում զամս եօթն, պատմական հիմ չունի: Հաւանօրէն կարդալու է զամիսս եօթն եւ

1 E. W. Brook, Byz. Zeit. X, 297.
2 Վարդան, էջ 79:
3 Bury, Roman. Empire, 473.

ենթադրելու որ եօթն ամիսը Լուլուայ ամրոցի պաշարման եւ անկման տեւողութիւնն է: Եթէ պաշարումը սկսուած է մայիսից, ինչպէս վկայում է ասորին, ապա առումը կ'ընկնի եօթն ամիս յետոյ՝ նոյեմբերին, նոյն 831 թուին:

Մանուէլի դարձը ուրեմն 831 թ. նոյեմբերից յետոյ է:

V

Մանուէլի դարձի պարագաները եւս անվիճելի չեն: Պատմում են որ Թէոփիլը, երբ դեսպան ղրկեց Արարների մօտ խաղաղութեան դաշն կնքելու, միաժամայն պատուէր տուաւ դեսպանին խօսել Մանուէլի հետ եւ համոզել նրան վերադառնալ: Դեսպանը Յովհաննէս Սինկելլն էր, մի նշանաւոր եկեղեցական եւ ծագումով Հայ, որ յետոյ պատրիարք ընտրուեց:

Ուրիշներն աւանդում են որ դեսպանութիւնը խաղաղութեան համար չէր եւ ոչ բաց եւ արձակ, այլ զաղտնիք էր, շատերին անծանօթ, եւ յատկապէս Մանուէլին յետ բերելու նպատակով էր: Կայսեր գիտութեամբ Յովհաննէսը իբերական (վրական) հնամաշ շոր հագած՝ յարեց Երուսաղէմ ուխտի գնացող կրօնաւորներին, իբրև նրանցից մէկը և այդպէս ծպտուած հասաւ Բաղդադ: Յաջողեց մուրացիկի կերպարանքով ներկայանալ Մանուէլին եւ կատարել կայսեր յանձնարարութիւնը: Որպէս երաշխիք կայսերական խօսքի, տուաւ նրան կայսեր կրծքի խաչը և կնքուած նամակը: Մանուէլ մեծապէս յուզուեց եւ խոստացաւ դառնալ հայրենիք պատեհ առթիւ:

Հայ զօրավարը իր քաջագործութեամբ արդէն գրաւել էր ամիրապետի վստահութիւնը: Մի օր խնդրեց թոյլ տալ արչաւել դէպի Կապաղոզովկիա պատժելու իր թշնամիներին, որոնք ամբաստանել էին իրեն կայսեր առաջ և այն պահուն գտնուում էին Կապաղոզովկիա: Մանուէլ արչաւեց: Նա ծածուկ յայտնեց իր դիտաւորութիւնը Կապաղոզովկիայի զօրավարին եւ խնդրեց որ մի ջոկատ գինուոր դարանամուտ լինեն ապահովելու իր փախուստը:

Յարձակման պահին Մանուէլ շեղուեց դէպի դարանակալ գինուորները եւ անցաւ նրանց կողմը: Մանուէլի հետ էր այդ ժամանակ ամիրապետի որդին: Մանուէլ հրաժեշտ առաւ նրանից, ասելով. «այժմ դու դարձիր, զաւակս, հօրդ մօտ, իսկ ես գնում եմ ոչ այլ ուրեք, բայց եթէ առ իմ կայսրը եւ տէրը»:

Թէոփիլ ընդունեց Մանուէլին գրկաբաց, մեծամեծ պատիւների արժանացրեց, մագիստր(ոս)ութեան աստիճան տուաւ եւ նշանակեց սքոլորների դոմեստիկ(ոս)¹:

Ուրիշները պատմում են, որ Յովհաննէսը ինքն է առաջարկում կայսրին իր պատրաստակամութիւնը գնալ Մանուէլին բերելու: Խնդրում է տալ իրեն բաւականաչափ գանձ, որպէս թէ գերիներին եւ բանտարկեալներին օգնելու, յուսալով որ այդ պատրուակի տակ կը յաջողի տեսակցել նաև Մանուէլի հետ: Կայսրը յօժարում է եւ Յովհաննէսը ուղի է ընկնում Բաղդադ եւ ողորմածութեան քօղի տակ յաջողութեամբ կատարում է իր առաքելութիւնը: Կայսեր ինքնագիր նամակի հետ տալիս է նրան նաև կրծքի խաչը, որով Մանուէլը համոզում է, որ հրաւերը անկեղծ է եւ խոստանում է վերադառնալ:

Մանուէլը խնդրում է ամիրապետին, որ թոյլ տայ արշաւել նրա որդու հետ թշնամու դէմ: Արշաւանքը վերջանում է յաջողութեամբ եւ Մանուէլը հաճելի է դառնում ամիրապետի աչքին եւ աւելի մեծ պատուի արժանանում:

Այսպէս ամիրապետի հաւատքն է ձեռք բերում եւ երբ ծրագրում է փախուստ տալ, նորից առաջարկում է նրան թողնել իրեն մեծ զօրքով եւ նրա որդու ընկերութեամբ գնալ եւ նուաճել ամբողջ Բիւզանդիան: Անատոլիկեան թեմին մօտենալուց յետոյ Մանուէլը զատուում է բանակից որպէս թէ որսի եւ զբօսանքի աղազաւ, առնելով իր հետ ամիրապետի որդուն: Սրան յայտնում է իր ցանկութիւնը, ասելով, որ իր աչքում «աւելի լաւ բան չկայ կեանքում քան հայրենիքը եւ ազգակիցները»: Այնուհետեւ բաժանում է մանուէլ ընկերակցից արտասուքով եւ վերադառնում մայրաքաղաք:

Կայսրը մագիստրոսութեան պատիւ շնորհեց Մանուէլին եւ սքոլաների, այսինքն՝ պալատական զօրքերի, դոմեստիկ նշանակեց, այլ եւ նրա երեխաներին գրկեց մկրտութեան աւագանից²:

Վերջին հանգամանքը պարզում է միւս պատմագրի συγτέχνης բառի բուն նշանակութիւնը որպէս կնքահայր³:

Յիշատակում է նաև Յովհաննէսի մի ուրիշ դեսպանութիւնը Արաբների մօտ: Սրա նպատակն էր յայտնել ամիրապետին Թէոփիլի գահակալութիւնը հօր մահից յետոյ,

1 Genes., 63. Theoph. Cont. 119-121.
2 Georg, 796-798; Symeon, 632-634.
3 Theoph. Cont., 120.

«համաձայն հինաւուրց սովորութեան»: Դեսպանը տարաւ իր հետ թանկագին նուէրներ, մօտ չորս կենդինար ոսկի արաբական դրան պաշտօնեաներին բաշխելու համար: Ամիրապետը գոհ մնաց նուէրներից եւ Յովհաննէսի արտակարգ առատաձեռնութիւնից:

Արեւելցիներին շլացնելու եւ կայսեր հարստութիւնը ցուցադրելու կրկնակի մտահոգութեամբ դեսպանը տարել էր հետը, ի միջի այլ պարգեւների, երկու ոսկէ կոնք, լական, թանկագին քարերով ընդելուզուած: Ճաշից յետոյ ձեռքերը լուանալու համար էին: Կայսերական սուրբալը արդէն ցրնցող տպաւորութիւն էր գործել, շտայլելով աջ եւ ձախ հարուստ նուէրներ ամեն մէկին, որ գալիս էր շնորհաւորելու նրա գալուստը: Ոսկիով լի արծաթէ աման էր պարգեւում նրանց: Իսկ կոնքի դէպքը միանգամայն ապշեցրեց արաբներին:

Միանգամ ճաշից յետոյ, երբ Յովհաննէսը ձեռքերը լուաց կոնքում, պատուիրեց սպասուորին, որ անփութօրէն մի կողմ նետէ ոսկէ կոնքը եւ հնարաւորութիւն տայ գողանալու: Կոնքը անյայտացաւ: Ի զուր անցան բոլոր որոնումները, ամեն ինչ տակնուվրայ արին եւ չկարողացան գտնել: Հասարակութիւնը ցաւ էր յայտնում չքնաղազեղ իրի կորստեան առթիւ: Ամիրապետը պատրաստ էր փոխարինել արժանաւոր ընծաներով:

Սակայն, Յովհաննէսը ձեւացաւ որ իրեն համար մեծ բան չէ կորուստը: Եւ հրամայեց, որ հետեւեալ օրը միւս կոնքը բերեն ձեռքերը լուանալու, կամենալով ցոյց տալ, որ այդպիսի ամաններ շատ ունի: Այս վարմունքը, մանաւանդ վեհանձն վերաբերումը դէպի միւս կոնքի կորուստը, սքանչացրեց նոյն իսկ ամիրապետին: Սա հրամայեց փոխարէնը հարիւր գերի ազատ արձակել, հանել նրանց ցնցոտիները եւ հագցնել նոր և վայելուչ զգեստներ և ընծայարեւել կայսերական դեսպանին: Յովհաննէսը մի անգամ եւս ազնուական դիրք բռնեց, յայտնելով ամիրապետին, որ այդպիսի մի մեծ շնորհ չի կարող ընդունել առանց փոխադարձը վկայելու: Ուստի խնդրեց սպասել, մինչեւ որ մայրաքաղաքից հասնեն նոյնչափ արաբ գերիներ, ազատ արձակուած կայսեր կողմից: Յովհաննէսի այս արդարամիտ շարժումը մեծ հիացում յառաջ բերեց արաբների մօտ և մտերմական յարաբերութիւն հաստատեց, որից յետոյ մեծ հռչակով եւ ընծաներով վերադարձաւ մայրաքաղաք¹:

1 Theoph. Cont. 95-98.

Եթէ արդարեւ այս դեպքանութիւնը Թէոփիլի ինքնա-
կալութեան առթիւ էր, ապա տեղի պիտի ունեցած լինէր
առաջին տարին: Թէոփիլի հայրը մեռաւ, ինչպէս տեսանք,
829 թուի հոկտեմբեր ամսին: Հետեւապէս սրանից յետոյ է
գնելու առաջին դեպքանութիւնը: Իսկ եթէ երկրորդը եւ
պատմական է, չէր կարող ուշ լինել քան 832 թ. ապրիլ ամի-
սը, որովհետեւ այս ժամանակ Յովհաննէսը պատրիարքա-
կան աթոռը նստաւ, մինչդեռ դեպքան էր գնացել որպէս
սոսկ սինկել:

Հաւանական չէ որ կարճ միջոցում բիւզանդական դու-
ռը կրկնակի դեպքանութիւն զրկած լինի Արարներին: Թւում
է որ առաւելութիւն պէտք է տալ միւս տեղեկութեան, որ
գիտէ միայն մի դեպքանութիւն: Սրա դիտարար նպատակն է
եղել միջազգային մի պարտք կատարել, ծանուցանելով նոր
կայսեր գահակալութիւնը: Երեւում է որ առաքելութիւնը
գաղտնի թելադրութիւն ունէր հոգալ միեւնոյն ժամանակ
փախտական գորականի դարձի մասին:

Սրանով հաստատում է այն աւանդութիւնը, թէ Մա-
նուէլը փախել էր ոչ թէ Թէոփիլի ժամանակ, այլ նրա հօր,
քանի որ դեպքանութեան պահին նա արդէն Արարների մօտ
էր: Միւս կողմից աւանդութիւնն ինքը ենթադրել է տալիս
որ այն դեպքանութիւնը, որի նպատակն էր Մանուէլի դար-
ձը, կարող էր նոյնը լինել գահակալութեան դեպքանութեան
հետ:

Մտադրութեան արժանի է պատմագրի այն խօսքը թէ
դեպքանը «աւետեց Մանուէլին կայսեր կարեկցութիւնը եւ
ներումը չարիքների»: Այս նախադասութեան միտքն այն չէ
թէ կայսրը վատութիւն չի արել Մանուէլին, այլ որ կը ներէ
Մանուէլին արդէն կատարած վատութեան համար:

Այս մի ազամայ խոստովանութիւն է որ հայ գորավարը
լոկ զրպարտութեան զոհ չէր, այլ որ լուրջ մեղադրութիւն
էր ծանրանում նրա վրայ: Ի՞նչ կարող էր լինել նրա յանցան-
քը: Արդե՞ք մեղսակից չէր Թոմայի խոզվութեան: Պատ-
մագիրները շատ մեծ համարում ունին Մանուէլի վրայ եւ
ամեն բան չեն յայտնում մեզ, գիտեն լուել: Երեւում է որ
մահապարտ Միքայէլը չէր կարողացել գրաւել Մանուէլի
բարեկամութիւնը, անգամ խնամխանալով նրա տան հետ:
Զօրավարի փախուստը թշնամական լարման հետեւանք էր:

Թէոփիլ խոստանում էր ներում: Արդե՞ք խօսքը վերա-
բերում է Թէոփիլի հետեւեալ դատաստանին:

1 Theoph. Cont., 119.

Նոր գահին տիրանալուց յետոյ Թէոփիլը ժողովեց
Մաքնաւրա պալատում մեծամեծներին եւ յայտարարեց, որ
կանխահաս մահը խափանեց իր հօր Միքայէլի մտադրութիւ-
նը վարձատրելու արժանապէս բոլոր այն անձերին, որոնք
ձեռնառու էին եղել իրեն Լեւոնի սպանութեան դործում: Աւե-
լացրեց որ վարձատրութեան խնդիրը մի պարտք է որ հօրից
մնացել է իր վրայ եւ ինքը կ'ուզէր պարտաճանաչ լինել: Ուս-
տի խնդրեց բոլորին, ով որ մասնակից է եղել Լեւոնի սպա-
նութեան, չթագցնէ, այլ յայտնէ այդ մասին: Ժողովական-
ների միջից իսկոյն բարձրացան յանցագործները եւ պարծե-
նալով խոստովանեցին իրենց մեղսակցութիւնը:

Թէոփիլը հրամայեց անմիջապէս կալանաւորել այդ
մարդկանց եւ յանձնել եպարքոսին, որպէսզի արժանի պա-
տիժ ստանան, քանի որ համարձակուել են Աստուծոյ տաճա-
րը պղծել եւ ձեռք բարձրացնել նրա օժեալի վրայ: Եպարքո-
սը դիտատել տուեց յանցաւորներին¹:

Մի ուրիշ պատմուածով դատաստանը այլ կերպ է եղել:
Թէոփիլը ճիւղաւ սարքեց կրկէսում եւ յետոյ ծերակուտա-
կաններին կանչեց կայսերական օթեակը կրկէսում, այսպէս
կոչուած Կաթիմա: Միեւնոյն պահին պատուիրեց պրոտո-
վեստիար Լեւոն Քամայրակոնին բերել այն ջահը, որ կո-
ւրբուել էր սրի հարուածից Լեւոն կայսեր սպանութեան ժա-
մանակ: Ապա դառնալով ժողովականներին հարց տուաւ.
«ով որ տաճար է մտնում եւ սպանում Աստուծոյ օժեալին,
ի՞նչ պատժի է արժանի»: «Մահուան պատժի», զոչեցին հլու
ծերակուտականները:

Քաղաքի եպարքոսը չյապաղեց դործաւերելու դատա-
վրձիւրը: Ի զուր անցաւ մահապարտների բողոքը եւ բացա-
րութիւնը թէ իրենց սճիրի շնորհիւ է որ Թէոփիլը գահի
վրայ է²:

Ի՞նչ է նշանակում այս անազան դատաստանը, աւելի
քան անսպասելի: Պատմագիրները չեն ուզում տեսնել այս-
տեղ արդարասիրութեան մի գերագոյն տուրք կայսեր կող-
մից: Ընդհակառակը յետին միտք են որոնում կայսեր վար-
մունքի մէջ: Մէկի կարծիքով, կայսրը կողմնակից էր Լեւո-
նի պատկերամարտ ամբարշտութեան, ուստի եւ վճուեց
վրէժխնդիր լինել նրա մահուան³:

Միւս պատմագիրը աւելի խորն է նայում եւ ենթա-

1 Theoph. Cont. 85-86.
2 Georg. 791. Symeon, 625.
3 Georg. 791.

դրում է, որ կայսրի միակ մտահոգութիւնն էր այդպիսի խիստ միջոցով պաշտպանել եւ ապահովել իր թագը նման ոճիրներէց¹:

Գուցէ ճշմարտութեան աւելի մօտ կը լինէր ենթադրել, որ Թէոփիլը ձգտում էր յետնեալ դատաստանով գոհացում տալ հակադիր ոյժերին, եւ իրեն մերձեցնել: Գործուն ոյժերը կենդրոնացած էին հայ շրջաններում առաւելապէս: Սրանց համար Լեւոն Հայի սպանութիւնը քաղաքական մեծ ոճիր էր: Ապացոյց՝ Թոմայի խոչոր շարժումը, որ մեծ ժողովրդականութիւն ունէր: Միքայէլը արդէն մի կարեւոր քայլ էր արել մօտենալու Մամիկոնեան ազդեցիկ տան, պսակելով իր որդուն Թէոփորայի հետ: Թէոփիլի ապաժամ դատավարութիւնը մի ուրիշ փորձ է նոյն ուղղութեամբ եւ նպատակ ունի խմբելու իր շուրջը իր հայ ազգականութիւնը:

Աննչանակ երեւոյթ չէ, որ կոտորած ջահը ցուցադրող պրոտովեստիար Լեւոնն է: Սա ճիշտ այն անձն է, որ նախապէս ծառայել էր Մանուէլի մօտ, եւ յետոյ, որպէս պաշտօնեայ Թէոփիլի արքունիքում, հետամուտ էր ջրելու Մանուէլի դէմ յարուցած ամբաստանութիւնները: Կարծես թէ Լեւոնի սպանողների պատիժը մի նոր քայլ էր գոհացնելու Մանուէլին եւ նրա շրջապատին:

Եթէ այդ քայլը որեւէ կերպ դիւրացրեց Մանուէլի դարձը, Թէոփիլ սխալուած չէր: Պատմագիրների միահամուռ վկայութեամբ Մանուէլը Թէոփիլի թագաւորութեան ամենակարող դէմքն էր, նրա զինուորական փառքն էր:

VI

Մամիկոնեան տոհմիցն էին նաեւ երկու եղբայրներ՝ Ալեքս-Մուշեղ եւ Թէոփոս, բայց ոչ Մանուէլի եւ Թէոփորայի ընտանիքից:

Նախ՝ կանգ առնենք մի ուրիշ անձնաւորութեան վրայ, որ որքան նշանաւոր, նոյնքան եւ առեղծուածային է: Դա պարսիկ կոչուած Թէոփորն է: Առասպելական թանձր մշուշ է նստած սրա ծագման եւ դործունէութեան վրայ, մշուշ, ուր հաղիւ են թափանցում պատմական իսկութեան քանի մի շող:

Պատմում են, որ Թէոփորը Պարսից արքայական տանիցն էր: Երբեմն բիւզանդական մայրաքաղաքն էր եկել դեսպանութեամբ մի ազնուական պարսիկ, ապօրինի սիրային

1 Theoph. Cont., 85.

կապ հաստատել մի կնոջ հետ, որդի ունեցել եւ հեռացել քաղաքից: Պարսից մօտ որպէս թէ հին սովորութիւն կար, որ թագաւորել կարող էր միայն այն անձը, որ սերուած էր իրենց արքայական ցեղից: Սակայն, անընդհատ պատերազմների մէջ թագաւորական տունը բնաջինջ էր եղել եւ թեկնածու չունէին: Հարցովորձ անելով իմացան, որ բիւզանդական մայրաքաղաքում Թէոփոր անունով մէկը կար որ արքայական արիւն ունէր: Պարսիկները մարդ գրկեցին կայսեր քաղաքը, որ որոնեն եւ գտնեն յիշեալ անձին: Խնդրակները տեղեկացան, որ Օքսիա կղզում (Իշխանաց կղզիներից մէկը) ապրում էր իր մօր հետ մի երեխայ, որի դէմբի գծազրութիւնից եւ շարժումներից երեւում էր, որ որոնելի անձը պիտի լինէր: Հարեւանները արդարեւ վկայեցին, որ ժամանակով այդ կնոջ հետ կենակցել է մի պարսիկ եւ նրանց սիրոյ պտուղն էր երեխան: Այս մասին հաղորդեցին կայսրին եւ խնդրեցին, որ երեխային դարձնէ Պարսիկներին: Կայսրը ուրախութիւն յայտնեց գիւտի աւթիւ եւ Թէոփորին ընդունեց արքունիք ազնուավայել կրթութիւն տալու համար:

Ըստ նոյն պատմուածքի մի ուրիշ փոփոխակի, պարսիկը դեսպան չի եղել, այլ մի անձ, որ պատերազմական շփոթի ժամանակ թողել էր հայրենիքը եւ հեռացել կայսերական հողը: Յայտնի չէ, թագաւոր էր թէ թագաւորական տան մերձաւոր: Մայրաքաղաքում ապրել էր չքաւորութեան մէջ եւ վերջը մտել ծառայութեան մի խանութպան կնոջ մօտ: Սրա հետ կապուել էր սիրով եւ ունեցել մի արու զուակի: Մայրաքաղաքում էլ մեռել էր:

Պարսիկները աստեղագիտութեան թէ զիւթութեան միջոցով երեւան են հանում իրենց արեւակից մանկան դոյութիւնը օտար երկրում: Խուզակներ են ուղարկում եւ համոզուում են որ իրօք այդպէս է: Կայսեր հայորդում են եւ նրա հաւանութիւնը անում, որ Պարսիկները ապստամբեն Արարների դէմ եւ անցնեն կայսերական հողը, որպէսզի վայելեն նորագիւտ հայրենակցի իշխանութիւնը, հպատակուեն նրան որպէս արքայական տան շառաւիղի:

Ճիշտ այդ ժամանակները Պարսից տոհմը՝ Բարեկը, հայ պատմիչների Բարանը, հինդ տարի Արարների դէմ մաքառելուց յետոյ, փախել ապաստանել էր կայսրութեան սահմաններում ոչ միայն թշնամու ահից, այլ եւ կարօտալով տեսնել Թէոփորին: Բարեկ եկել էր միջեւ Սինոպ եւ իր հետեւորդներով, որ 7 հազար հօգի էին, հպատակութիւն էր յայտնել կայսեր:

Աւելացնում են նաև, որ Թէոփորը 12 տարեկան էր, երբ յայտնուեց եւ արժուաքիթ էր Կիրոսի նման որ նշան էր նրա պարսիկ ծագման:

Հաւատացնում են որ Թէոփիլ մեծամեծ պատիւներ տուեց պարսիկներին, Թէոփորին մեծարեց պատրիւթեան պատուով եւ իր քրոջ հետ ամուսնացրեց: Փոխտտական պարսիկներին եւս թոյլատրեց կնութեան առնել հոտոմ աղջիկներ, եւ Բաբելի գունդը ցրեց բիւզանդական թեմաների մէջ, սասանձին սուրմաներ կազմելով:

Մեր միւս աղբիւրները բաւականանում են հակիրճ տեղեկութեամբ, թէ Թէոփորը իր հօր հետ փախաւ եկաւ Թէոփիլի մօտ 14 հազար հողու հետ: Սրանց կայսրը զեանդեց միւս թեմաների մէջ սասանձին սուրմաներ կազմելով, իսկ Թէոփորին կնութեան առաւ իր քենուն, այսինքն Թէոդորայի քրոջը²:

Ամբողջ պատմութիւնը սուսպելական է, լուսադոյն գէպքում ժողովրդական մի զրոյց: Այս ակններե է: Սակայն, գիտար է քրքրել եւ որոշել այն պատմական կորիզը, որի շուրջը կծկուել են վիպական թելերը:

Թէոփիլ կայսրի ժամանակ Պարսկաստանը գտնուում էր Արարների իշխանութեան տակ եւ ուրեմն խօսք չի կարող լինել սրեւէ արքայական տան մասին: Ասենք, Բաբելի անունն արդէն երաշխիք է որ հարցը վերաբերում է ոչ թէ Պարսիկներին, այլ պարսիկ աղանդաւորներին, որ կոչուում էին Խուռամ, կամ Սուռամեան: Այս մի կենսունակ եւ ծաւարուն շարժում էր կրօնական եւ հասարակական բնոյթով: Ունէր նաև կոմունիստական ձգտումներ: Այս աղանդաւորները յայտնի էին նմանապէս Մուխամմիր անունով, որ նշանակում է կարմբաղդեստ, որովհետև սիրում էին կարմիր գլխաւ հագնել: Հաւատում էին, որ մի օր իրենց միջից մի թագաւոր պիտի ծնի, որպէս նոր մեսիա կամ մահօգի, եւ իրենց սուաջնորդէ:

Այս ժամանակները արդարեւ ոմն Զաւիգան որդի Սահլի յայտարարել էր եւ ճանաչուել որպէս ակնկալեալ մահօգի, բայց սպանուել էր եւ նրա տեղը անցել էր Բաբելի հիջրի 201 = 816-817 թուին:

Ազանդը ծագել էր Ատրպատականում եւ այստեղից տարածուել, լայն ծաւալ ստացել: Հայաստանը եւս տուժեց այս շարժումից: Բաբելը ամուսնացած էր Սիւնեաց Վասակ իշ

1 Genes. 53-57. Theoph. Cont. 110-112.
2 Leo Gram. 215. Georg, 797. Symeon, 625.

խանի դստեր հետ: Հայերը մեծապոյն հարուածը տուեցին աղանդաւորներին, սպանելով նրանց սուաջնորդներին: Բաբելի նախորդին սպանեց Իսահակ Աշոտեան (Աշոտ Մասիկերի որդին) Կորդուաց լեռներում: Բաբելին ձերբակալեց Սահլ Սմբատեանը եւ յանձնեց Արարներին: Եւ վերջապէս Բաբելի եղբորը Աբղայլահին բունեց իշխան Եսայի Աբու-Մուսէ եւ մատնեց Արարներին:

Սուսլութեան ընթացքին հասանական է որ սպանդաւորները երբեմն անցնէին բիւզանդական հողը անյաջողութեան դէպքում: Յայտնի է որ այդպիսի փախուստ տեղի է ունեցել 829 թուին, այլ եւ 837 թուին: Այս ժամանակն էր որ բունուեց Բաբելը եւ նրա հետևորդների մի մասը անցաւ սահմանը ոմն Նասրի սուաջնորդութեամբ¹:

Այն լուրը թէ Բաբելը նմանապէս փախած լինի Բիւզանդիա եւ հաստատուած Սինոպ, հարկաւ, զուրկ է որեւէ պատմական հիմքից:

Մի ուրիշ աղբիւր վկայում է որ Բաբելը, տեսնելով որ իր կողմնակիցները անցան սահմանը, ինքը եւս ինն հողով գնաց Beth Romaya Ստեփանոսի մօտ²: Եթէ միայն սխալ ընթերցում չէ Romaya, Հոտոմ փոխանակ Ranaya, Առան, այսինքն Աղուանք, պէտք է ենթադրել որ հոտոմ բառը գործ է ածուած լայն իմաստով, որպէս քրիստոնեայ աշխարհ, քանի որ յիշուած Ստեփանոսը Աղուանից իշխան Ստեփանոս Աբլ-Ասաղն է եւ Եսայի Աբու-Մուսէի քեռին: Ստեփանը բերել էր սուել Բաբելին եւ հարուածել Բաղաղայիներին, Բայլականցիներին, ուստի եւ սպանուել էր Դաւոն եւ Շապուհ իշխանների կողմից: Սպանութիւնը կատարուել էր 276 հայ թուականից երեք տարի յետոյ, ուրեմն 279 թ. որ է 830³:

Ասորի պատմագիրը Բաբելի փախուստը Ստեփանի մօտ դնում է սելեւկեան 1148 թ. = 837 յ. Ք.: Այս ժամանակ Ստեփանն կենդանի չէր: Ասորի բնագիրը թերի է: Արար մատենագիրների ասելով Բաբելը ապաստանեց ոչ թէ Ստեփանոսի, այլ Իսա իբն Իւսուֆ իբն Ստեփանոսի մօտ⁴: Սա ոչ այլ ոք է եթէ ոչ Եսայի Աբու-Մուսէն, որ Յովսէփի որդին էր: Իսկ Յովսէփը Ստեփանոսի որդին չէր, այլ քեսայրը, եւ Եսային քուերորդի էր Ստեփանոսի, ինչպէս վկայում է յիշեալ հայ մատենագիրը:

Այսպիսով բիւզանդական վերեւ յիշուած զրոյցի մէջ

1 Michel le Syrien, III, 79-88.
2 Նոյն. էջ 90:
3 Մովսէս Կաղանկատուացի. Գ. 19:
4 Tabari, III, 1223; Weib. II, 301.

պատմական տարրն այն է, որ Խուռամ աղանդաւորներից կամ Բարեկի հեռեւորներէց մի խումբ անցել է բիւզանդական հողը: Բայց աղբիւրները չեն յիշում որ սրանց առաջնորդը եղել է Թէոփորը: Տալիս են ոմն Նասրի անունը, իսկ արարական պատմիչը Նասրի փոխարէն ունի Բարսիս¹, թիւրեւս, կարգալու է Նարսիս:

Շատոնց կարծիք է յայտնուած, թէ փախստականները առաւելապէս հայերէցն էին, որ հաւասարապէս տառապում էին թէ՛ Բարեկի եւ թէ՛ Մամունի խժողութուիւններից²:

Արդարեւ, Բիւզանդացիք յաճախ պարսիկ էին անուանում քաղաքական իմաստով նախկին պարսկական, հետագայում արարական, բաժնի հայերին:

Ուշադրաւ է, որ պարսիկ փախստականները գետեղում են Սինոպի շրջանում, այսինքն՝ Արմենեակեան թեմում, ուրեմն յարում են հայ միջավայրի: Այս կողմնակի նշան է որ գէթ մասամբ հայ պէտք է լինէին նրանք:

Գալով Թէոփորին, մի քան հաստատ է, որ սա նշանակած է եղել փախստականների պետ եւ տնօրէն: Բայց որ ինքը նրանց հետ եկած լինի կամ դաւանական առնչութիւն ունեցած լինի, աւելի քան տարակուսելի է: Հակասական վկայութիւններն արդէն փոստ են որ ճշմարտութիւնը կորած է, տեղի տալով մտահաճ հնարարանութեան:

Սակայն, կայ մէկ ցուցում, որ դուրս է մնացել առապելական հիւսուածքից եւ հէնց դրա համար մօտ է իսկութեան: Պատմագիրներից մէկն ասում է, որ Թէոփորի հայրը ծառայելիս է եղել բիւզանդական զօրքի մէջ³:

Ասել է թէ Թէոփորը փախստական չէր, այլ զօրականի որդի. ուրեմն կրթուած եւ սնուած Բիւզանդիայում:

Գիտնականներից անգամ նրանք, որոնք Թէոփորի զբոյցները համարում են անպատմական եւ հնարածոյ, հակամէտ են ընդունելու նրա պարսիկ ծագումը⁴:

Հիմք չենք տեսնում միանալու այս կարծիքին: Այնտեղ, ուր պակասում են ստոյգ պատմական տեղեկութիւնները եւ դաշտը մնում է ենթադրութիւնների, պէտք է նախընտրութիւն տալ այն ենթադրութեան, որը համերաշխ է ախրոյ շրջապատի ընդհանուր պայմաններին:

Արդ մեզ հետաքրքրոյ շրջանում Հայոց ազգեցութիւնը դանուում էր իր վերասլացքի մէջ: Շուրջը ամենուրեք վրի-

1 Tabari, 1235; Վասիլիւ. I, 114.
2 Finlay, History of Greece, II, 153.
3 Genes., 54.
4 Hirsch., Byz. Studien., 139; Bury, O. C. 253; Վասիլիւ, I, 82:

տում էին հայ նշանաւոր դէմքեր արքունիքում եւ թէ դուրսը պետական անուի բոլորտիքը: Պարսիկ կամ արաբ գործիչներ չենք տեսնում ասպարէզի վրայ եւ դժուար հանգամանք է, որ թ զարում, երբ քրիստոնեայ եւ մուսուլման աշխարհների յարաբերութիւնները այնպէս յարուած էին, մի մուսուլման, թէկուզ պարսիկ, կրօնափոխ լինելով ծառայէր կայսրին եւ առաջնակարգ դիրք գրաւէր: Բացի դրանից անտեսելու չէ բնաւ այն, որ Թէոփորը ամուսնացած էր կայսրուհի Թէոդորայի քրոջ հետ, այսինքն խնամիացած էր հայ ընտանիքի հետ: Տեսանք, որ Թէոդորայի երեք քոյրերից Կալո-Մարիա ամուսնացաւ Արչաւիր պատրիկի հետ, Սոփիա՝ Բարուցիկի: Երրորդ քրոջ, Իրինէի, ամուսնութեան մասին ուղղակի յիշատակութիւն չկայ: Բայց իրաւունք ունինք ենթադրելու որ Իրինէն էր ճիշտ այն անձը, որը Թէոդորայի քոյրն էր եւ որին Թէոփորը կնութեան տուաւ Թէոփորին: Քանի որ Մամիկոնեան տան միւս երկու փեսաները՝ Արչաւիրը եւ Բարուցիկը հայ էին, հաւանական է կարծել նոյնը եւ երրորդ փեսայի՝ Թէոփորի նկատմամբ: Կայսրուհին չէր կարող իր քրոջը տալ մի փախստական պարսիկի: Նա իր հարազատ դստեր համար փեսայ էր ընտրել, ինչպէս կր տեսնենք, Ալիքս-Մուշեղ ականաւոր հային, որ նոյնպէս Մամիկոնեան որեարներէցն էր:

Թէոփորի ինքնակալութեան առաջին տարին, 829-830 թուին, Թէոփորը մասնակից էր նրա արեւելեան ստաջին արչաւանքին Մանուէլ զօրավարի հետ:

Հետեւապէս այդ ժամանակ Թէոփորը չէր կարող 12 տարեկան երեխայ լինել, ինչպէս հաւատացնում է վիպախառն զրոյցը, այլ հասակն առած տղամարդ էր եւ պէտք է շատ յառաջացած, զինուորական սանդուղի բարձր աստիճանները կոխած լինէր, որպէսզի կարենար կայսրի եւ մեծահոգակ զօրավար Մանուէլի հետ խորհրդի նստել եւ ռազմական ծրագրներ մշակել:

Եթէ ընդունենք որ առաջին արչաւանքին Թէոփորը տունուազն 30-35 տարի հասակ ունէր, պէտք է ծնուած լինէր զարու սկզբներին կամ նախորդ ութերորդ դարու վերջերին:

Ստուազապէս յայտնի է որ Հարուն Ռաշիդի (786-809) եւ Կոստանդին 2 կայսեր (780-796) օրով, ուրեմն 786-796 տասնամեակի ընթացքին Հայաստանից մի ստուար զազթականութիւն անցաւ բիւզանդական հողը Շապուհ Ամատունի իշխանի եւ իր որդու Համամի առաջնորդութեամբ: Բազմութեան քանակը 12 հազար էր, այր եւ կին, նախարարներ եւ հեծեալներ: Տայքի վրայից անցան Պոնտոս: Կոստանդին

նրանց ընդունեց, «պատիւ տուաւ նախարարներին եւ նրանց հեծեալներին, եւ միւս խառնիճաղանճ ամբոխը բնակեցրեց բերրի եւ արգաւանդ տեղում»¹:

Թէոփոբի մասին եւս ասուած է որ իր հօր հետ եկաւ կայսեր մօտ 14 հազար փախստականների հետ: Այս գաղթը Թէոփոբի օրով չէր եւ ուրեմն կապ չունէր Խուռամ աղանդաւորների իրական թէ ենթադրական փախուստի հետ: Ոչինչ անպատեհութիւն չեմ տեսնում Թէոփոբի եւ իր հօր գաղթը 14 հազար մարդով նոյնացնելու Շապուհի եւ իր որդու Համամի գաղթի հետ, որ հաշոււմ էր 12 հազար մարդ: Թէոփոբի պատմութիւնը գրի է առնուած տասներորդ դարի կէսերին: Դարուց աւելի ժամանակամիջոցը բաւական էր որ պէտքի հին անցքերը տեղահան լինէին յիշողութեան մէջ եւ Շապուհի դէպքը չփոթուէր եւ ձուլուէր խուռամ պարսիկներին վերագրուած կրկնակի փախուստի հետ:

Չարմանալի է որ արաբական աղբիւրները անձանօք չեն Թէոփոբին, ինչպէս եւ Բիւզանդացիք չեն լիշատակում Նասրին, խուռամեանների ասաջնորդին: Չենք ուզում հետեւցնել որ Թէոփոբը նոյն Նասրն է, այլ որ կլանել է վերջինս պատկերը:

Շապուհի առաջին հանգրուանը եղել է Խաղտեայ կամ Պարխար լեռների այն մասը որը ցայժմ էլ կոչուում է Համ-չէն, այսինքն՝ Համամաչէն ի լիշատակ Համամի: Այս դեռ չէ նշանակում որ Համամը չէր կարող միւս իշխանների նման կայսերական ծառայութեան մէջ մտած լինել:

Հնարաւոր է Թէոփոբի առեղծուածային պատկերը մերձեցնել եթէ ոչ Համամին, դոնէ իր որեւէ կորոս:

Շապուհ պարսիկ անունը, որ նշանակում է արքայուհի, դիւրութեամբ կը լուծէր հանելուկը թէ ինչո՞ւ Թէոփոբը համարուում էր թագաւորական ցեղից սերուած մի այնպիսի ժամանակ, երբ Արեւելքում պարսիկ թէ հայ թագաւորական սան հետք չկար:

Մեր այս ենթադրութիւնը մի փորձ է հանելու Թէոփոբի խորհրդաւոր ծագումը առասպելների միջից եւ դնելու պատմական հողի վրայ:

Միւս կողմից՝ անուրանալի է որ որոշ նմանութիւն կայ Թէոփոբի եւ Մանուէլի կեանքի գլխաւոր գծերի միջեւ: Նմանութիւնը այնքան շօշափելի է որ ակամայ ծնում է կապած, արդեօ՞ք Թէոփոբը նոյն Մանուէլի մի ուրիշ պատկերը չէ, նրա այսպէս ասած վիպական ստուերը:

1 Անունը, վերջին զլուի:

Ինչպէս Թէոփոբը, այնպէս եւ Մանուէլ յարակցութիւն ունի խուռամեանների հետ: Երբ Մանուէլ փախաւ Արաբների մօտ, հոռոմ գերիներից գունդ կազմեց ամիրապետի թոյլտրութեամբ եւ գնաց խուռամ կոչուած աղանդաւորների դէմ կուսելու Խորասանում¹: Նման ձեւով Թէոփոբը ներկայանում է մեզ որպէս պետ այն աղանդաւորների, որոնք կայսրին էին ապաւինել:

Թէոփոբի սկզբի տարին արշաւեց Արաբների դէմ: Չինւորական խորհրդին ներկայ էին Մանուէլ եւ Թէոփոբ: Մանուէլի կարծիքով կայսրը անձամբ չպիտի մասնակցէր կուսին վտանգից խուսափելու համար եւ ճակատը տեղի պիտի ունենար ցերեկը: Թէոփոբը, ընդհակառակը, ասաջարկում էր որ կայսրը իր ներկայութեամբ խրախուսէ զինուորներին եւ որ կուսը բարւոք էր վարել գիշերով:

Ճակատամարտը կատարել էր եւ արեւնահեղ: Կայսերական զօրքը կրունկ դարձրեց, կայսրը մնաց մենակ պատերազմի խանարանում թիկնապահ գնդով եւ Թէոփոբի ձեռքի տակ գտնուած երկու հազար պարսիկներով: Բայց կարողացան ճողոպրել եւ բռնել մօտիկ բլուրը: Երբ գիշերը վրայ հասաւ, Թէոփոբը խորամանկութեան դիմեց, հրամայեց գնդին աղմուկ հանել, փոց հնչել, թմբուկ զարկել, ձեւացնելով թէ նոր զօրքեր են եկել օգնութեան: Արաբները խաբուեցին եւ երկիւղից մի կողմ քաշուեցին, որով հնարաւորութիւն տուին Թէոփոբին եւ կայսեր իջնել բլրից եւ գնալ միանայ գլխաւոր զօրքին: Ծնորհիւ այս հնարամտութեան Թէոփոբը սիրելի դարձաւ Թէոփոբի կայսրին:

Նոյնանման մի դէպք պատմուած է նաեւ Մանուէլի նկատմամբ, այն դէպքը, որ առիթ ունեցանք բերելու վերեւ թէ ինչպէս կայսրը նորից արշաւեց Կապպադոկիա Արարնների դէմ եւ խուճապի ժամանակ մնաց պարսիկուած թշնամու օղակի մէջ: Մանուէլը խանդավառեց զինուորներին մեղունների օրինակով եւ սլացան փրկելու իրենց տիրոջը վտանգաւոր վիճակից: Հակասակ կայսեր կամքին, հատուտորիմ եւ տիրասէր զօրավարը բռնեց նրա ձիու սանձից եւ հանեց ապահով տեղ: Կայսրը շնորհապարտ եղաւ յաւէտ Մանուէլին:

Երկու դէպքն էլ, մեր կարծիքով, պատմական չեն, այլ հնարածոյ, աւելի ճիշտ ասած, զատ զատ անդրադարձումներ են այն իրողութեան, որ տեղի ունեցաւ մի քանի տարի յետոյ Դապիմոնի ճակատում 838 թուին:

1 Theoph. Cont., 118.

Դաղիմոնը այժմեան Թովկատի մօտերքն էր: Արարական բանակը զօրեղ էր եւ ահարկու: Կայսրը ստիպուած էր քաշուել եւ ամրանալ Անդեն կոչուած բլրի վրայ: Մանուէլը սքողանքի, այսինքն պալատական կանոնաւոր զինքերի դամեստիկն էր: Թէոփորը պարսիկ զինքի հրամանատարն էր: Երկու զօրավարներն էլ խորհուրդ տուեցին յարձակողական գործողութիւններն սկսել զիչեր տտեն, բայց կայսրը եւ միւս զօրավարները ընդդիմացան: Կայսերական զօրքը չգիմացաւ արարական գրոհին եւ նահանջեց: Պարտութիւնը ակնյայտնի էր: Պարսիկ զուեղը յուսահատուած փորձեց դաղանի բանակցել արարների հետ, խոստանալով ոչ միայն յիւր կայսրին, այլ եւ նրան մատնել արարների ձեռքը, պայմանով որ իրենց թոյլատրուի դառնալ հայրենիք:

Մանուէլ զօրավարը, որ տեղեակ էր լեզուին, լսեց մատնիչների դաւադրական խօսակցութիւնը թշնամու հետ եւ անմիջապէս կարգադրեց, որ կայսրը հեռանայ, որպէսզի արարների ձեռքը չընկնի: Կայսրը հակառակեց, բայց Մանուէլը բռնի ստիպեց փախչել:

Արդեօ՞ք Թէոփորը ինքը մասնակից էր իր գնդի դաւաճան ծրարներին, պատմագիրները այս կէտում տարաձայն են: Կարծիք կար, որ Թէոփորը առաջարկել էր նախընտրել զիչերուան ճակատը, թագուն նպատակ ունենալով իր գնդով արարների կողմը անցնել: Այս մասին ամբաստանութիւն եղաւ կայսեր եւ Թէոփորը վախենալով պատժից փախաւ Ամաստրիա կնոջով եւ երեխաներով: Կայսրը նաւատորմ զրկեց նրա դէմ, որպէս ըմբոստի: Բայց շուտով ներեց եւ հաշտուեց նրա հետ¹:

Պատմում են նաեւ որ Սողոպետրա քաղաքի վրայ յարձակուելուց եւ աւերելուց յետոյ Թէոփիլ ետ դարձաւ, ուղին բռնելով դէպի մայրաքաղաք, եւ պատուիրեց Թէոփորին, որ սանի պարսիկ զուեղը Սինոպ, գետեղէ այնտեղ եւ յետոյ գայ իրեն մօտ: Պարսիկները որպէս թէ ապստամբեցին եւ բռնադատեցին Թէոփորին իրեն թագաւոր յայտարարել: Հաւատարիմ զօրավարը փախաւ մայրաքաղաք եւ յայտնեց կայսրին գործի էութիւնը: Կայսրը նրան սիրով ընդունեց, բայց հրամայեց ցրել պարսիկ զուեղը, որ այդ ժամանակ աճել էր եւ հաշուում էր 30 հազար մարդ, միւս թեմաների (զօրամասերի) մէջ, կազմելով նրանցից ուրոյն տուրմաներ կամ վաշտեր²:

1 Theoph. Cont., 135. Symeon, 637. Georg, 803.
2 Theoph. Cont., 124.

Այս դէպքը ուրիշ բան չէ քան նախորդի կրկնութիւնը այն աննշան տարբերութեամբ որ փոխուած է տեղի անունը, Սինոպ փոխանակ Ամաստրիայի, եւ պարսից դաւադրութեան տուած է ապստամբական քան դաւաճանական բնոյթ:

Վաւերականը Ամաստրիայի արկածն է թուում, որպէս հետեւանք Դաղիմոնի պարտութեան: Իսկ Անդեն բլրի անցրի արձագանգներն են վերոյիշեալ վիճելի երկու համանման միջադէպերը, ուր մէկի հերոսն է ներկայանում Թէոփորը, միւսի՝ Մանուէլը (հակառակ Հիրչի, որ հաւաստի է համարում Մանուէլի առաջին գործը եւ անվաւեր Անդեն բլրի դէպքը)¹:

Ի նպաստ մեր մեկնութեան է արարական մի տեղեկութիւն, որով հաստատուում է որ կայսրի կեանքը վտանգուած էր Դաղիմոնի ճակատում, միայն զարմանալի է որ ազատարարի գերում երևան է գալիս ոչ թէ Մանուէլը, այլ Նասրը²:

Այսպիսով Մանուէլի եւ Թէոփորի կեանքի գլխաւոր զժերը, որչափ որ պատմութիւնը պահել է, խաչաձեւում են եւ գրեթէ ձուլում: Եթէ անգամ Թէոփիլի ազատումը պատկանում է Նասրին, փաստը մնում է անհերքելի որ միեւնոյն երեւոյթները վերագրուել են թէ՛ Մանուէլին եւ թէ՛ Թէոփորին չնչին փոփոխակներով:

Աննշանակ չէ նաեւ այն պարագան, որ պատմագիրներից ոմանք ասում են որ Թէոփորը կայսեր քեռայրն էր, իսկ ուրիշները համարում են նրան թագուհու քեռայրը: Եթէ մտաբերենք որ Մանուէլը թագուհու հօրեղբայրն էր, կարող ենք կասկածել, արդեօք Թէոփորի անորոշ կապը կայսերական տան հետ մի պղտորուած արձագանգ չէ՞ Մանուէլի իրական ազգակցութեան:

Մանուէլի մահուան մասին երկու տեղեկութիւն կայ: Մէկին նայելով՝ նա կենդանի էր տակաւին 857 թուին Թէոփիլոսի սպանութեան ժամանակ: Միւսը ասում է, որ Մանուէլը մեռաւ այն վէրքից, որ նա ստացել էր Դաղիմոնի կրում 838 թ. կայսրին պաշտպանելիս:

Այս կէտում եւս մի որոշ նմանութիւն ենք շօշափում նրա եւ Թէոփորի մէջ: Պարսիկ զօրավարի մահը նոյնչափ առասպելախառն է որչափ եւ նրա կեանքը: Սրան սպանեց Թէոփիլ կայսրը իր մահուանից յառաջ, ուրեմն նախ քան 20 յունուարի 842 թիւը, երբ պատահեց կայսրի մահը: Պատմագիրն հաղորդում է որ Սինոպի դէպքի առթիւ կայսրը

1 Hirsch., O. C. 145.
2 Masudi, Prairie d'Or, 68; վասիլի, I, 65:

հրամայեց գլխատել Թէոփոբին և աւելացնում է որ մի ուրիշ պատճառ եւս կար սպանութեան:

Ակնարկը վերաբերում է Ամաստրիայի անցքին: Քիչ յետոյ անդրադառնալով այդ անցքին, նոյն պատմագիրը հաղորդում է որ կայսրը ներման պատրուակով իրեն մօտ բերել տուեց ապստամբ զօրավարին, փակեց պալատում, եւ մի օր հրամայեց սպանել, զգալով իր մօտալուտ մահը: Երբ դրութախտ զօրականի դուրսը բերին կայսեր, սա փայելով ձեռքով մեռածի երեսը աւաղեց. «այժմ դու այլեւս այն Թէոփոբը չես եւ ո՛չ ես՝ այն Թէոփոբը»:

Նկատենք անցողակի, որ մեր ենթադրութիւնը թէ Սինոպի եւ Ամաստրիայի դէպքերը միեւնոյն իրողութեան տարբեր արտայայտութիւններն են, հաստատուում է պատմագրի ակամայ խոստովանութեամբ, որով սպանութիւնը անմիջական հետեւանք է համարուում է՛ւ Սինոպի ե՛ւ Ամաստրիայի դէպքի, մի բան, որ ուրիշ ոչինչ չէ նշանակում քան այն, որ յիշած դէպքերը յար եւ նոյնն են:

Սպանութեան մասին շրջում էին եւ ուրիշ լուրեր: Որպէս թէ սպանութիւնը կատարուել էր ո՛չ թէ թագաւորի հրամանով, ապա այն ծովակալի, որը զրկուած է եղել զբաւելու ապստամբութիւնը: Սա ինքնագլուխ գիշերով սպանել էր տուել Թէոփոբին:

Երբ պարսիկ գունդը հարցրեց թէ ի՞նչ եղաւ անհետացած զօրավարը, խարելով հաւատացրին թէ Թէոփոբը մեռած չէ, այլ ապրում է պալատում: Պարսիկները մնացին այն կարծիքին, որ Թէոփոբը տակաւին մահ չէ ճաշակել¹:

Վերջին խօսքերից գիտնականները հետեւցրել են, որ Թէոփոբը իրօք յարակցութիւն է ունեցել պարսիկ աղանդաւորների հետ, գուցէ գերագոյն էակ է ճանաչուել, որի հետեւանքով եւ հաւատացել են որ Թէոփոբը ենթակայ չէ մահուան, այլ որպէս մի նոր Եղիա համբարձել է երկինք²:

Պատմագրի այն խօսքը, թէ Թէոփոբը ապրեց անապահանութեան մէջ կարող էր հիմ ծառայել մոլոր հասկացողութեան: Բարեբախտաբար, հնարաւորութիւն կայ ստուգելու այս կասկածելի տեղեկութիւնը ըստ այն աղբիւրի, որտեղից առնուած է: Այնտեղ ասուած է թէ Թէոփոբի մահը գաղանի եղաւ, ոչ ոք չիմացաւ, ուստի եւ պարսիկները, աւելի ճիշտ պարսիկ աղանդաւոր գունդը որի գլուխն էր Թէոփոբը, մնաց այն հաւատի մէջ թէ զօրավարը տակաւին

1 Gen. 60; Theoph. Cont., 136.
2 Lebeau, Le Bas-Empire, XIII, 153; Bury, O. C. 253.

մահ չի ճաշակել մինչեւ այն ժամանակը. խօսքը այստեղ այն ժամանակուան մասին է, երբ հարցնում էր պարսիկ գունդը, եւ ոչ թէ երբ գրում էր պատմագիրը, ինչպէս հասկացել է միւս պատմագիրը¹:

Հետաքրքրական է որ ոչ կոստանդինեան պատմագիրները ոչինչ չգիտեն Թէոփոբի անմահութեան զրոյցների մասին:

Թէոփոբի մարմինը թաղեցին իր սեփական տանը, Ներսէսի պալատի մօտ²: Թւում է որ այս տեղեկութիւնը եւս թիւր մեկնութեան արդիւնք է: Իսկական աղբիւրն ասում է որ Թէոփոբին թաղեցին Ներսէսի չէնքի մօտերքը մի տեղ, «որ այժմ կոչուում է τῆς θανάσεως»:

Արդ այս չէ նշանակում Թէոփոբի տուն, այլ երկիւղածութեան եկեղեցի: Ի՞նչ կապ կարող էր լինել Թէոփոբի սրբարանի եւ Թէոփոբ անձի միջեւ, արդեօք սրբարանն է պարտ իր անունը Թէոփոբին, թէ ընդհակառակը: Ինական կասկած է ծագում որ ժողովրդական ստուգաբանութիւնը Թէոփոբի եկեղեցու մէջ տեսել է համանուն սրբի հանդրատարան եւ յերիւրել Թէոփոբի պատմութիւնը եւ մանաւանդ նրա անմահութեան առասպելը:

Այս խորհրդաւոր զօրավարի սպանութեան պարագան նմանապէս պարզ չէ: Զանազան լուրեր կային: Յայտնի չէ որոշակի թէ ո՞վ էր սպանողը: Ասում էին որ թագուհու եղբայր Պետրոնն եւ լոգոթետր, այսինքն հոչակաւոր Թէոկրիտալ էին որ գործեցին ոճիրը թագաւորի հրամանով: Ուրիշները վերագրում էին դահճի դերը ծովակալ Օրիփասին:

Թէոփոբը սպանուած էր գաղանի եւ թաղուած գաղանի, գիշերով: Անհասկանալի է այս արտակարգ զգուշութիւնը հանդէպ մի բուն պարսիկներ՝ այնպիսի դարում, երբ միահեծան կայսրները եւ ամենակարող պետական դէմքերը օրցերեկով խողխողում էին առանց որեւէ բողոքի:

Եթէ շարունակենք գուգահեռները, որ գծեցինք Մանւէլի եւ Թէոփոբի կեանքի միջեւ, կր տեսնենք որ որոշ աղբիւր կայ նաեւ նրանց վախճանի մէջ: Մանուէլի մասին նմանապէս լուրեր էին տարածուած, որ նա մեռել էր 838 թուի ճակատում ստացած խոցերից: Մինչդեռ պատմութիւնից երեւում է որ ապրել է այնուհետեւ եւս գոնէ քսան տարի պալատում:

1 Genesisի ἀρχὴ τῶν ὠνδῶν χρόνων, խօսքը, էջ 60. Theoph. Cont., 136, փոխել է ἀρχὴ τῶνδῶν որ նոյնանշանակ է, բայց կարծես տարբերութեան երանդ ունին:
2 Symeon, 646.
3 Georg, 810.

Թէոփորի «անմահութիւնը» ճիշտ այս կարգի երկարու-
կեցութիւն էր, քանի որ սպանուել էր, բայց հաւատացնում
էին թէ տակաւին ապրում է պալատում:

Ահա այս դիտողութիւններն են, որ մաքառում են Թէո-
փորի դէմ: Եթէ նրա մէջ պատմական տարր կայ, բաղկա-
ցած մի կողմից Շապուհի որդու եւ միւս կողմից պարսիկ
Նասրի իրական ստուերներից, ամեն պարագային, այդ
տարրը Մանուէլի շուքի տակ այնքան է աղօտացել, որ Թէո-
փորը դարձել է Մանուէլի վրայական մի երկուորեակը:

VII

Մանուէլից եւ Թէոփորից աւելի պերճ դէմք կար բի-
զանդական արքունիքում: Դա Ալեքս-Մուշեղն էր, Մամիկո-
եան իշխաններից: Շատ գեղեցիկ երիտասարդ էր եւ փեսայա-
ցաւ կայսերական տան: Թէոփիլն ու Թէոդորան հինգ աղջիկ
ունէին, բայց ոչ մէկ արու զաւակ: Որպէսզի ապահովեն գա-
հի ժառանգութիւնը, որոշեցին դուստրներից մէկին՝ Մա-
րիամին տալ կնութեան Ալեքս-Մուշեղին եւ յայտարարել
նրան դահաժառանգ:

Նորափեսան մեծամեծ պատիւների արժանացաւ: Կայս-
րը նրա համար առանձին տիտղոս ստեղծեց, որ է պատրիկ
անթիւպատ, այլ եւ մագիստրութեան պատիւը տուեց եւ կե-
սար հռչակեց: Նոյն նոր տիտղոսն էր, որ շնորհեց կայսրը
նաեւ Բագրատունեաց իշխանին Աշոտին, որ էր որդի Շապու-
հի եւ Թոռն Մսակերի:

Ասողիկ սխարմամբ անուանում է «հիւպատաւորութեան
պատիւ, այսինքն ապուհիւպատ պատրկութիւն», փոխանակ
«անթիւպատ պատրկութեան»: Մի ուրիշ անգամ ուղղում է
իր սխարը, երբ Շապուհ Բագրատունուն, այսինքն մատենա-
գրին, կոչում է «որդի Աշոտոյ անթիպատրիկի», միայն
կարդալու է «անթի(պատ)պատրկի»¹:

Ալեքս-Մուշեղի պատմութիւնը եւս ազատ չէ կնճիռնե-
րից: Նախ ո՞վ է այս իշխանը:

Վերեւ տեսանք որ համանուն մի անձն ըմբոստացաւ
կայսրի դէմ 792 թուին: Նա պահան գնդի պետն էր պալա-
տում կամ ինչպէս կոչում էին վրպի դրունգարը, յետոյ նա
նակուեց զօրավար Արմենեակեան Թեմի: Հաւանօրէն սրա
թոռն էր Ալեքս-Մուշեղը, Թէոդորայի փեսան, եթէ դատելու
լինենք պապի անունը Թոռան փոխանցելու սովորութիւնից:

1 Ասողիկ, էջ 144 եւ 138:

Ալեքս-Մուշեղի ընտանիքը ապրում էր Ակրոպոլ կամ
միջնաբերդ թաղում մի տան, որ կոչւում էր Կրենիտիսսայի
տուն: Կրենիտիսսա իգական ձեւն է Կրենիտէս անուան:
Ալեքս-Մուշեղի տոհմը կրում էր Կրենիտէս մականունը,
նոյն տան անունով, ինչպէս կարծում են Հները:

Կրենիտիսսա, երեւի, Ալեքս-Մուշեղի մայրը կամ տատն
էր: (Ի՞նչ է իսկապէս բառի ծագումը, դժուար է ասել: Ար-
դեօք յունարէն կրենէ «աղբիւր» բառից է, տունը աղբիւրի
մօտ գտնուելու համար: Այս դէպքում սպասելու էր Կրենի-
տիս, - տիդու, մինչդեռ Կրենիտէս, յոգ. սեռ. Կրենիտոն
է: Եթէ աշխարհագրական ծագում ունենար, զարմանայի
չէր լինի նրա մէջ տեսնել ոչ թէ Կարինի, այլ Դեզիք դաւա-
սի Կոնի աւանի անունը):

Թէոդորայի առաջին երեխան տղայ է եղել, բայց մեռել
է մանուկ հասակում խեղդուելով պալատին կից աւազանի
մէջ²: Սրա դամբանը գտնուում էր Ս. Առաքելոց եկեղեցու
մէջ իր քրոջ Մարիամի կողքին, եւ այստեղից էլ գիտենք,
որ անունը Կոստանդին էր³: Մեզ հասել են դրամներ, որոնք
կրում են Թէոփիլի հետ եւ մի անմօրուս պատկեր, որ Կոս-
տանդին ինքն է³:

Այնուհետեւ Թէոդորան ընծայել է իր ամուսնուն հինգ
դուստր, Թեկյա (Թեկղի), Աննա, Անաստասիա, Պուլքերիա
եւ Մարիա (Մարիամ): Յատուկ յիշատակութիւն կայ, որ
Մարիան ամենից կրտսերն էր, կամ, ուրիշ վկայութեամբ,
ամենից սիրելին: Սակայն, Մարիան ոչ մի կերպ չէր կարող
ամենից փոքրը լինել, եթէ իրօք ամուսնացած էր Ալեքս-
Մուշեղի հետ:

Արդարեւ, Թէոդորան հարսնացել էր 821 թուին: Եթէ
Մարիան վերջին երեխան էր, ուրեմն, հաշուած առաջին զա-
ւակը Կոստանդինը, վեցերորդն էր: Հետեւապէս ծնուած կա-
րող էր լինել ամենավաղ ոչ յառաջ քան 827 թիւը: Գիտենք
որ 839 թուին արդէն մեռած էր: Այս հաշուով նա 12 տարե-
կանից պակաս պէտք է լինէր ամուսնութեան պահին, որ
հաւանական չէ: Ճշմարտութեան աւելի մօտ կլինէր ընդու-
նել, որ Մարիամը, ընդհակառակը, անդրանիկ աղջիկն էր:
Ուրիշ առթիւ պատմագիրը խոստովանում է որ փոքր աղ-
ջիկը Պուլքերիան էր:

Երեխաները սովորութիւն ունէին յաճախ այցելելու

1 Theoph. Cont., 88.

2 De Cerimoniis, 645.

3 W. Wroth, Catalogue of the Imperial Byzantine Coins, XLIII.

իրենց տատին, Թէոկտիստէին, որ Թէոդորայի մայրն էր: Սա ապրում էր իր սեփական տանը Սամաթիա թաղում: Տունը կոչւում էր Գաստրիա եւ գտնւում էր ոչ հեռու այժմեան Հայոց Ս. Գէորգ եկեղեցուց: Գաստրիա նշանակում է յունարէն ծաղկաման: Որպէս թէ Հեղինէ թագուհին Երուսաղէմից բերել էր հետը մի ամանում այն ծաղիկները, որ քաղել էր Խաչգիւտի տեղում եւ ամանը ծաղիկներով դրել էր Գաստրիա տան տեղը, որից եւ մնացել է անունը: Ժողովրդական զրոյց է, հարկաւ, առանց պատմական որեւէ ստուգութեան: Այս տունը պատկանում էր Թէոդորայի մօրը՝ Թէոկտիստէին, ասել է թէ Մամիկոնեան տան սեփականութիւն էր: Տունը գնուած էր Նիկեոսաս պատրիկից եւ վերջը վերափոխուեց մենաստանի:

Թէոկտիստէի եւ Թէոդորայի մասին պատմագիրները գովեստով են խօսում, որպէս բարեպաշտ եւ կրօնասէր եւ մանաւանդ պատկերապաշտ կանանց: Նոյն ոգով կրթել էր աշխատում Թէոկտիստէն նաեւ իր մատաղ թոռներին: Թէոփիլն ինքը պատկերամարտ էր, ինչպէս եւ իր ամբողջ շրջապատը: Թէոկտիստէն պատկերները պահում էր ծածուկ մի փակ արկղում: Երբ երեխաները դալիս էին, հանում էր զգուշութեամբ սրբերի պատկերները եւ փոքրիկների գլխին դնում, երեսներին եւ շրթունքներին քսում, որպէսզի մանկութիւնից ընդելանան յարգելու պատկերների սրբութիւնը:

Հայրը մի օր հարցրեց երեխաներին, թէ տատիկը ինչպէ՞ս ընդունեց նրանց եւ ի՞նչ պարգեւ տուաւ: Մեծերը լռեցին, իսկ Պուլքերիան, որ խելճով եւ տարիճով ամենից տրեսաւ էր պատմեց, որ տատիկը իրենց շատ միրգ տուաւ եւ յետոյ արկղից հանեց տիկնիկներ եւ նրանց երեսին ու գլխին դրեց գուրգուրանքով: Այստեղից երեւում է, որ Պուլքերիան էր կրտսերը եւ ոչ Մարիան:

Թէոդորա թագուհին, Մամիկոնեան իշխանուհին, Մարիայի համար նշանած էր ընտրել իրեն արենակից Ալեքս-Մուշեղին, նոյն Մամիկոնեան տոհմից:

Բիւզանդական արքունիքը գաղտնի որոգայթների եւ դաւերի բոյն էր: Պակաս չէին բանսարկու մարդիկ, ընդունակ եւ պատրաստ թափելու շարախօսութեան թոյնը մեծութեան սանդուղի վրայ կանգնած անձերի գլխին:

Թէոփիլն ուղարկեց Ալեքս-Մուշեղին պատերազմական գործով Լոնգորարդիա: Այսպէս էր կոչւում այն Ժամանակ հարաւային Իտալիան: Հայ զօրավարը յաջողութեամբ կատարեց կայսերական պատուէրը, որով աւելի հաճելի դար-

ձաւ արքունիքում: Սակայն, որքան աճում էր կայսեր սէրը, նոյնքան եւ զօրանում էր նախանձորդների չարակամութիւնը: Կայսեր ականջը հասաւ սովորական բամբասանքը, որպէս թէ Ալեքս-Մուշեղ տենչում է թագին եւ որ Այբը երեւի պիտի տիրանայ Թոյին, այսինքն Ալեքսը պէտք է գրաւէ Թէոփիլի գահը: Ամբաստանեալը, զգալով որ անկարող է կարկել չարաբանների բերանը, ցանկութիւն յայտնեց քաշուել քաղաքական ասպարէզից, նախընտրելով մենաստանի անդորրութիւնը: Սակայն, կայսրը ընդդիմացաւ, չուզեց որ իր սիրելի դուստրը այրիանայ: Ալեքս-Մուշեղը մնաց իր պաշտօնում:

Շուտով հանգամանքները փոխուեցին: Թէոդորան նոր արու գաւակ ծնեց, որով ապահովեց գահի յաջորդութիւնը: Մինչ այն մեռաւ Ալեքս - Մուշեղի կինը, Մարիան: Թէոփիլը վերջին սէրն ու յարգանքը տուեց իր դստեր, թաղելով նրան արծաթապատ դագաղի մէջ եւ նրա դամբարանը յայտարարելով պատասպարան նրան ապաւինող յանցաւորների համար: Սգաւոր ամուսինը հագաւ վանականի սեւ զգեստ:

Ուրիշ տեղեկութեան համաձայն, Ալեքս-Մուշեղը ուղարկուեց ոչ թէ Լոնգորարդիա, այլ Սիկիլիա կղզին, եւ ուղարկուեց ստրատելատի (զօրապետի) եւ դուքսի պաշտօնով: Նախանձը եւ դաւերը այստեղից սկիզբ առան: Սիկիլիացիներից ոմանք գնացին մայրաքաղաք եւ փսիսացին պալատում թէ Ալեքս-Մուշեղը իբրեւ թէ մատնում է քրիստոնէութեան շահերը սարակիստներին, այլ եւ ինքը ձգտում է կայսրութեան:

Մինչ ամբաստանութիւնը տեղ հասաւ, Մարիան, սիրելի դուստրը, մեռաւ: Թէոփիլը թաղեց նրան արծաթադարձ դագաղի մէջ եւ դամբարանի համար նոյն կարգադրութիւնն արեց, ինչ որ յիշուեց: Ինչ վերաբերում է Ալեքս-Մուշեղին, կայսրը ուղարկեց Թէոդոր(ոս) Կրիթին(ոս) եպիսկոպոսին Սիկիլիա նրա ետեւից: Եպիսկոպոսը տարաւ Մուշեղին կայսրի շնորհի հետ եւ նրա անձնական լանջախաչը որպէս երաշխիք կայսերական խոստումին: Ալեքս-Մուշեղը հաւատաց եւ ուղի ընկաւ մայրաքաղաք: Սակայն, Թէոփիլը դրժեց իր ուխտը եւ հրամայեց խարազանել Մուշեղին որպէս ապստամբի եւ նետել բանտ, այլ եւ գրաւեց յարքունիքս նրա ինչքը:

Մի օր կայսրը մեծ թափօրով ծերակուտականների ուղեկցութեամբ ելաւ պալատից գնալու Վլաքերնի Սուրբ Աստուածածնի եկեղեցին: Թէոդոր եպիսկոպոսը եւս մտաւ թափօրի մէջ զգեստաւորուած: Երբ կայսրը ծերակոյտի հետ մօտեցաւ սեղանին, Թէոդոր եպիսկոպոսը կարգաց բարձրա-

ձայն 44 Սաղմոսի 5րդ տան առաջին մասը. «լարեա՛, ուզ-
դեա՛ եւ քագաւորեա՛», եւ դառնալով կայսեր, հարցրեց՝
«վասն որոյ, ո՛վ թագաւոր»:

Սա ամօթահար շարունակեց Սաղմոսը. «վասն ոչմար-
տութեան, հեզութեան եւ արդարութեան»:

«Եւ ո՛ւր է քո արդարագատութիւնը, երբ իմ միջոցով
խօսք տուիր Ալեքս-Մուշեղին եւ յետոյ դրժեցիր», ասաց
յանդիմանութեամբ եպիսկոպոսը:

Կայսրը սրտմտած, հրամայեց արտաքսել եկեղեցուց
յանդուզն հոգեւորականին, անողորմ ծեծ տուեց եւ աքսո-
րեց:

Հուսկ յետոյ, երբ մի օր կայսրը մտաւ մայր եկեղեցին,
Յովհաննէս պատրիարքը նախատեց նրան եւ յետ կանչել
տուեց եպիսկոպոսին: Վերջինս այն անարգանքից յետոյ
իրեն արժանի չհամարեց այլեւս եպիսկոպոսութեան, և կայ-
սեր հրամանով յանձն առաւ էկոնոմի (տնտեսի) պաշտօնը
տաճարում:

Հետաքրքրական է որ 824 թուի պատուիրակութեան
մէջ որ Միքայէլ կայսրը ուղարկեց արեւմուտք Լիւզովիկ
կայսեր յիշում է Թէոդոր, էկոնոմ Ս. Սոփիայի¹: Արդեօ՞ք
Թէոդոր Կրիթին եպիսկոպոսը չէր, որ նախապէս էկոնոմ էր
եղել եւ այժմ նորից դառնում էր հին պաշտօնին:

Միաժամանակ կայսրը հանեց բանտից Ալեքս - Մուշե-
ղին, վերադարձրեց նրան գրաւած գոյքերը եւ նախկին պա-
տիւր:

Այս պատմուածքը զանազանում է առաջինից: Այնտեղ
կայսրը հաւատ չէ ընծայում չարախօս լեզուներին, իսկ այս-
տեղ, ընդհակառակը, ոչ միայն ականջ է կախում, այլ եւ
ծանր պատիժ է տալիս: Բացի դրանից երկրորդ պատմուածը
ոչինչ չգիտէ Ալեքս-Մուշեղի կրօնաւորութեան մասին:
Մինչդեռ առաջնում ասուած է որ Մուշեղը կնոջ մահից յե-
տոյ վանք մտաւ, հակառակ թագաւորի ցանկութեան: Վեր-
ջինս ստիպուած տեղի տուաւ եւ իր սիրելի իշխանին նուիրեց
Քրիստոպոլի կայսերական վանքը, նաեւ մերձակայ երկու
վանքերը:

Քրիստոպոլը այժմեան Սկիւտարն է, ծովի միւս ափին
քաղաքի դէմ յանդիման: Ոչ հեռու գտնւում էին պետական
զինանոցները Անթիմոս կոչուած վայրում: Ալեքս-Մուշեղը
մի օր պտոյտի ելնելով տեսաւ այս տեղը եւ շատ հաւանեց:
Ցանկացաւ սեփական մենաստան ունենալ եւ նրանով իր յի-

1 Mansi, XIV, 417.

չատակը անմահացնել: Թէոդորայի, իր թագակիր զոքանչի,
միջնորդութեամբ յաջողեց պարգեւ ստանալ կայսրից Անթի-
մոսի տեղը եւ կառուցեց մի նոր վանք: Այստեղ անցկացրեց
իր կեանքը եւ մեռաւ: Նրա գերեզմանը եւ գերեզմանի վերև
կախուած սրբի պատկերը, նրա կողմից նուիրուած, ան-
վնաս մնացել էին մինչ ժԱ. դարու կէսերը, ինչպէս վկայում
է մեր պատմագիրը¹:

Ալեքս-Մուշեղը ունէր մի եղբայր, Թէոդոս անունով:
Սա եւս նշանաւոր պատրիկ էր եւ վերջը եղբօր վանքը մտաւ,
առաքինի կեանքի հրաշալի օրինակ տուաւ: Վախճանեց նոյն
վանքում եւ թաղուեց եղբօր մօտ:

* * *

Պալատական առաջնակարգ դէմքերից էին նաեւ Կոս-
տանդին Բարուցիկ եւ Թէոդոր Բարուցիկ: Հաւանօրէն եղ-
բայրներ էին եւ Բարուցիկ իրենց հայրանունն էր: Ո՞վ էր
Բարուցիկը եւ երբ էր տարագրուել, յայտնի չէ: Անունը՝
Բաբ, Բաբիկ, Բարոց, Բարդէն, Ժաբան կամ Բաբեկ շար-
քից, որ հին պապ բառի միջին-պարսկական բար ձեւից
ածանցականներ են տոհմական որոշ գրոշմ չէ կրում, որ կա-
րելի լինէր մերձեցնել այս կամ այն նախարարական տան:

Աւելորդ չենք համարում յիշել, որ հնարաւոր է զուգա-
դրել Բարուցիկին այն ըմբօստ իշխանի հետ, որ յայտնի է
վրաց Տարեգրքից, եւ որի անունը, թէեւ կարգացում է
Գաբլուց, բայց դիւրութեամբ կարելի է ուղղել՝ Բարուց:
Նա որպէս թէ Սմբատ Աբլարասի կամ Սոստովանողի եղ-
բայրն էր, ուրեմն Աշոտ Մսակերի որդիներից մէկը: Մի ու-
րիշ իշխան, Գուառամ, ելաւ Գարուցի դէմ եւ Բշեց նրան հո-
ռումց աշխարհը²:

Դժբախտաբար բնագիրը խանդարուած է եւ որոշ կէ-
տերում գոնէ հաւատ չէ ներշնչում: Անվաւեր է եւ ժամանա-
կադրութիւնը, որ կարող ենք անտեսել, արժէք տալով մի-
միայն այն ցուցումներին որ Գաբլուցը Մսակերի որդին է և
Գուառամը Բագրատ Կիւրապաղատի եղբայրն է, ուրեմն
Աշոտ Կիւրապաղատի որդին: Աշոտ Մսակերը մեռած է մին-
չեւ 826 թիւը, իսկ Աշոտ Կիւրապաղատը իր այս կոչումը
պարտական էր Լեւոն Հայ կայսեր (813-820): Երկու ժամա-
նակակից այս Աշոտների զաւակները, Գաբլուց եւ Գուառամ,

1 Theoph. Cont., 109.

2 Brosset, Histoire de la Géorgie, I, 268-269.

կարող են հասակակից լինել եւ 830 թուականներին արդէն հասուն տարիքի մէջ լինել:

Թուում է որ անպատեհութիւն չկայ նոյնացնելու Գարուցին Բարուցի հետ: Սակայն, մի մեծ խոչընդոտ կայ: Վրաց Տարեգրքի ասելով, Գարուցը քչուած պէտք է լինի արեւմուտք Բուղայի արշաւանքներից յետոյ, ուրեմն իններորդ դարի կէսերին: Մինչդեռ Բարուցի որդիները այդ ժամանակ արդէն յայտնի գործիչներ էին արեւմուտքում:

Արդ՝ եթէ հաւատ ընծայենք Տարեգրքի ժամանակագրական նշաններին, պէտք է հրաժարուենք մեր առաջադրած համեմատութիւնից: Բայց քանի որ հիմք չկայ վստահելու Տարեգրքին, պէտք չկայ արհամարհելու մեր ենթադրութիւնը, որքան եւ երկբայական:

Երկու Բարուցիկների յարաբերութիւնը որոշ չէ: Եղբայրներ համարեցինք ի նկատի ունենալով այն պարագան, որ միաժամանակ են երեւում պատմութեան մէջ: Բայց անհաւանական չէ կարծել, որ նրանք հայր եւ որդի են եւ որ Բարուցիկ ոչ թէ Կոստանդնի հօր, այլ իր իսկ հայ անունն է, և որդին թէոդոս պահել է իր վրայ: Սրանով մի աստիճան կը դիւրանայ Բարուցիկի եւ Գարուցի ենթադրական համեմատութիւնը ժամանակագրական տեսակէտից:

Կոստանդին Բարուցիկը ամուսնացած էր Թէոդորայի քրոջ, Սուփիայի հետ, ուրեմն կայսեր քենակալն էր: Ամորիայի պաշարումի ժամանակ գերի ընկաւ արաբների ձեռքը եւ միւս զորավարների հետ ընդունեց մարտիրոսութեան պսակ 845 թուին¹:

Թէոդոս Բարուցիկը ուղարկուեց արեւմուտք Լիւդովիկ Բարեպաշտի մօտ դիւանագիտական կարեւոր յանձնարարութեամբ եւ մեռաւ առաքելութեան ընթացքին 840 թուին:

Կոստանդինը պատրիկ էր եւ պալատական չորս գնդերից մէկի, որ կոչուում էր Վիդլա, պետն էր, դրոնգարը: Այս պաշտօնը գրեթէ միշտ հայ զորականների ձեռքին էր:

Կոստանդինից յառաջ թէ յետոյ նոյն պաշտօնում գտնուում ենք Թադուհու եղբորը, Պետրոնին: Սա դրոնգար է յիշուում Թէոփիլի կեանքից առնուած մի դէպքում: Մի օր, երբ կայսրը իր սովորութեան համաձայն անցնում էր Միջին փողոցով դէպի Վլաքերնի ս. տաճարը եւ ամեն ոք իրաւունք ունէր մօտենալ եւ իր ցաւը յայտնել երկրի տիրոջ, մի կին գանդատուեց կայսեր, որ Պետրոնը նորոգում է իր տունը, բայց այնքան է բարձրացրել, որ բոլորովին կտրել է իր աղբատիկ

1 Theoph. Cont., 135.

հիւղի լոյսը և ուշք չի դարձնում իր բողոքին, քանի որ խեղճ եւ այրի կին է: Կայսրը նշանակեց անմիջապէս մի յանձնաժողով, երեք հոգուց կազմուած, քննելու բողոքը: Քննութիւնը պարզեց որ դանդատաւորը արդար էր: Պետրոնի տունը քանդել տուեց կայսրը և մթերքը յանձնեց այրի կնոջ¹:

Ի դէպ, յանձնաժողովի երեք հոգուց մէկը հայ էր Լեւոն-Սմբատ անունով: Դարձեալ կրկնակի անուն, հայ եւ հոռոմ, եթէ ոչ իր եւ հօր անունը: Կարծում ենք որ սա նոյն անձն է լինելու որ մի ուրիշ տեղ կոչուում է Լեւոն Քամաղրակոն: Այս Լեւոնը Թէոփիլ կայսրի պրոտովեստիարն էր, այսինքն հանդերձապահը, եւ յիշուում է Լեւոն Ե Հայի սպանութեան գործը քննելու պատմութեան մէջ: Երկու դէպքումն էլ Լեւոնի տրուած յանձնարարութիւնը կրում է դատական բնոյթ եւ հաւանօրէն խօսքը միեւնոյն անձի մասին է:

Կոստանդին Բարուցիկի հետ շփոթելու չէ համարուում անձը՝ Կոստանդին - Մանիակ: Երկուսն էլ ժամանակակից գործիչներ էին եւ Կոստանդին-Մանիակը եւս Վիդլի դրոնգար էր: Կրկնակի անուններից Մանիակը, Թերևս, հայ Մանակն է: Նշանաւոր ընտանիք էր Բիւզանդիայում: Մանիակի թոռն էր հռչակաւոր Յովսէփ Գենեսիոս պատմագիրը, որ մեր աղբիւրներից մէկն է, եւ որի հօր անունը Թոմա էր:

Գենեսիոսը չէ մոռանում շեշտել որ Կոստանդին-Մանիակը հայ էր եւ մի մութ ակնարկ է անում նրա Բիւզանդիա զալու առթիւ: Որպէս թէ Մանիակը զրկուած լինէր Թէոփիլի մօտ պատանդի ձեւով եւ յետոյ իր հոգու եւ մարմնի գեղեցկութեան եւ կատարեալ բարեսրտութեան համար նշանակուեց Վիդլի դրոնգար, այլ եւ պատուեց պատրիկութեան պատուով եւ դարձաւ պոստի լոգեթեա²:

Ուշագրաւ է պատմագրի ակնարկը որ Կոստանդինը ուղարկուած էր «իշխանների եւ եղբայրակիցների կողմից» եւ ուղարկուած էր որպէս *ἐπιτελεστικὸς ὑπουργός*: Ի՞նչ բանակցութեան մասին է խօսքը, մութ է: Թէոփիլի օրով (829-842) Հայաստանի զօրաւոր իշխաններն էին Աշոտ Մսակերի որդիները, Սմբատը Շիրակում, Բագարատը Տարօնում, նաև Մսակերի Լեղբորդին Աշոտ Անթիւպատ պատրիկը Սպերում: Վերջինս իր տիրոջ ստացել էր Թէոփիլից 837 թուի արշաւանքի հետեւանքով: Հաւանական է որ կայսրը բանակցութեան մէջ եղած լինի Սպերի իշխանի հետ նախ քան արշաւանքը նրա աջակցութիւնը ապահովելու համար: Այս առ-

1 Symeon, 627-628; Georg, 793.

2 Genes., 81.

Թիւ և Մանիակը կարող էր ուղարկուած լինէր կայսեր իբրև երաշխիք խոստացած օգնութեան: Բազրատունեաց արտաքին քաղաքականութեան համար կարելոր այս կէտը մնում է վարագուրուած:

Գենեսիոսը ներկայացնում է իր պապին համակրելի գծերով եւ առիթ չէ փախցնում գովելու, ինչպէս կը տեսնենք, նրա մարդասէր ոգին: Գիտենք հաստատապէս որ Մանիակը վիզլի դրունգար էր 843 թուին Յովհաննէս պատրիարքի գահընկեցութեան ժամանակ: Մանիակը ամբաստանում էր, որ վիրաւորանք էր պատճառել պատրիարքին: Երևում է որ նա անմիջապէս յաջորդել էր դրունգարութեան պաշտօնում Կոստանդին Բարուցիկին որ գերի էր ընկել 838 թուին: Պետրոնի ստանձնումը նոյն պաշտօնի մնում է խընդրական, եթէ չընդունենք որ 838 և Թէոփիլի մահուան 842 տարուան մէջ է գնելու նրա պաշտօնավարութիւնը: Կարելի է կարծել որ Մանիակը իր երկրորդ անունը պարտական է Կոստանդին-Բարուցիկին այն մտքով, որ նա դրունգարական պաշտօնի հետ կարող էր իւրացրած լինել եւ անունը:

Գենեսիոսը հաւատացնում է, որ իր պապը նաեւ լողութեա եղաւ եւ նոյնը կրկնում է նրան հետեւելով Թէոփանի Շարունակողը¹: Աւելի քան երկբայելի է: Այդ պաշտօնը երկար տարիներ վարեց Թէոկտիստ ներքինին: Նրա մահից յետոյ լողութեաութիւնն անցաւ Սմբատին, Վարդ կեսարի աղջկայ ամուսնուն: Մինչդեռ Կոստանդին-Մանեակը դրունգար է յիշում այդ ժամանակները եւ մնաց այդպէս մինչեւ Վասիլի գահակալութիւնը: Ոչ թէ Մանիակը, այլ իր որդի Թոման նշանակուեց պոստի լողութեա Լեոն 2 (886-911) օրով: Իսկ Թոմայի որդին, պատմագիր Յովսէփը կանիկլիոնի քարտուղար էր, այսինքն դիւանապետ Կոստանդին Օիրանածինի ժամանակ, տասներորդ դարու կէսերին:

Յովսէփ Գենեսիոսի հօրեղբայրը, Թոմայի եղբայրը, եւս կոչում էր Գենեսիոս²:

VIII

Քաղաքական անցքերով հարուստ չէ Թէոփիլի թաղաւորութիւնը: Առժամեայ դադարից յետոյ վերսկսուեցին թշնամական գործողութիւնները արեւելեան սահմանների վրայ: Պատմագիրները հաւատացնում են, որ տասներու

1 Theoph. Cont., 198.
2 Léo Gram., 249.

ճակատ է մղել թշնամու դէմ եւ ամեն անգամ անփառունակ նահանջել: Ահա ինչո՞ւ համար շատերը անուանում էին նրան անբախտ կամ անյաջողակ:

Այս դէպքում անհասկանալի են դառնում մեզ այն գովեստները, որ այնպէս առատօրէն շոայլում են Մանուէլի կամ Թէոփիլի հասցէին որպէս քաջակուռն ռազմիկների, մանաւանդ Մանուէլի, որի անունը դրդողում էր ամբողջ Արեւելքում: Ո՞ր դաշտերում եւ ե՞րբ էր վաստակել այդ հուշակր: Պարտութիւնները պսակ չեն բերում եւ ոչ հերոսներ ստեղծում:

Թուում է թէ պատմագիրները չափազանցնում են Թէոփիլի «անբախտութիւնը»: Պատճառը, անտարախոյս, կայսրի ամբարիշտութիւնն է: Թէոփիլը պատկերամարտների բանակումն էր, ուստի եւ բարեպաշտ պատմագիրները չեն ուզում որ նա աջողակ լինի արտաքին թշնամու դէմ: Նրանց հաւատով, պատկերների դէմ կռուող իշխանը չէր կարող հաճոյ լինել Աստուծուն, որից կախուած է գէնքի յաջողութիւնը: Տասներութ ճակատների հաշիւը չկայ մէջտեղը, որ կարելի լինէր դատել եւ ճշտել վկայութիւնը: Այն արչաւանքները, որ յիշում են, այնքան էլ ձախորդ չեն: Երկու անգամ Թէոփիլը փայլուն յաջողութիւն ունեցաւ եւ մեծ չուքով ու հանդիսաւոր թափօրով տօնեց իր յաղթական դարձը եւ մուտը մայրաքաղաք:

Երկու դէպքումն էլ արչաւանքի մերձաւոր առիթը փախըստական խուռաւ աղանդաւորներն էին, ինչպէս տեսանք վերեւ: Թէոփիլն ուզեց օգտուել Արաբների ներքին խռովութիւններից եւ դուրս ելաւ նրանց դէմ: Ռազմական բեմը սովորաբար կիլիկեան բարձունքների վրայ էր, Տարսոն-Մարաշ-Մելետինէ գծի սահմաններում: Առաջին յարձակումով կայսերական զորքերը դրակեցին Չապեղբա և Մասիս (Մոսպուսեստա) քաղաքները եւ աւարի հարկանելով նահանջեցին 830-831 թ.:

Երեւում է, մի ուրիշ մեծ յաջողութիւն ունեցաւ Սարսիանում, ուր Արաբները գերի տուին մինչեւ քսան եւ հինգ հազար մարդ: Պարզ չէ, թէ ինչպէս էին յառաջացել Արաբները մինչեւ Սարսիան, եթէ նախընթաց ընդհարմանը իրօք իրենք պարտութիւն էին կրել: Սարսիան, Արմենեակեան թեմի հարաւ-արեւմտեան մասն է, Կեսարիայից հիւսիս:

Աւելորդ է կրկնել խնդիրը: Թողնենք արչաւանքի մանրամասնութիւնները: Ամեն պարագային Թէոփիլն իրեն յաղթող էր համարում եւ թուում է որ հիմք չկայ կասկածելու որ

բաւականաչափ գերիներ եւ հարուստ կողոպտւում էին ընկել նրա ձեռքը: Կայսրը հարկաւոր էր համարել տօնելու իր յաղթութիւնը:

Հանդիսական թափօրի նկարագրութիւնը հասել է մեզ: Երբ Թէոփիլը վերադառնալով պատերազմից հասաւ Հիերիա պալատը, որ գտնուում էր Քաղկեդոնի մօտ ուրեմն ասիական ափի վրայ քաղաքի յանդիման, ընդառաջեցին նրան կայսրուհին, քաղաքի եպարքոսը, եւ ամբողջ ծերակուտական կազմը: Գերինները դեռ չէին եկել, ուստի եօթն օր սպասեց այստեղ կայսրը եւ որպէսզի կայսրուհին մենակ չմնայ, քաղաքից բերել տուեցին ծերակուտականների կանանց: Եօթն օրից յետոյ կայսերական շքահանգէսը շարժուեց դէպի Ս. Մամասի վանքը, ուր մնաց եւս երեք օր եւ յետոյ անցնելով Ոսկէ եղջիւրը կանգ առան Վլաքերնի պալատում: Գերինների կարաւանը միացաւ կայսերական խմբին: Վլաքերնի պալատից կայսրը ձիով գնաց մինչեւ Ոսկէ դուռը, ուրեմն պարբայի հիւսիսային անկիւնից մինչեւ հարաւայինը, արդի Եդիպուլէ դուռը: Ոսկէ դռնից սկսուում էր մեծ պողոտան, որ է մեսա, այսինքն միջից փողոց, եւ ձգւում էր ուղիղ մինչեւ Ս. Սոփիայի մայր տաճարը եւ կայսերական մեծ պալատը:

Իրան առջեւ քաղաքի բարձր պաշտօնեաները գլուխ ունենալով եպարքոսին ընծայարեցին կայսեր թանկագին քարերից շինուած մի թագ: Այնուհետեւ շարժուեց թափօրը դէպի Ս. Սոփիա: Փողոցը ամբողջ երկայնութեամբ զարդարւած էր սկարամանդ եւ սնդուս կոչուած պաստառներով, գոյնզգոյն ծաղիկներով եւ վարդերով: Քաղաքը համայն պճնուած էր որպէս հարսանեկան առագաստ, ինչպէս ասում է պատմագիրը: Կայսրը իր վեհութեան մէջ էր, ճերմակ ձի նստած գոհարազարդ տապալակով, գլուխը զարդարած թագով (տիարա), ձեռքին գայիսոն, մէջքը զօտեպնդած սրով, ամբողջ իրանը զրահապատ, թագնուած ոսկեճամուկ պատմուճանի (քիտոն) տակ:

Նրա կողքից գնում էր Ալեքս-Մուշեղը, Մամիկոնեան իշխանը, մեծանուն կեսաբը, նմանապէս սպիտակ ձի հեծած, թանկագին տապալակով, գլխին՝ սաղաւարտ (կասիս) ոսկեհուռ գլխակապով (պերիկեփայայ), սուրը՝ մէջքին, ամբողջապէս զրահաւորուած հանդերձ զանգապաններով եւ բազպաններով, ձեռքին՝ ոսկէ նիզակ:

Կայսրի եւ կեսարի առջեւից գնում էին սենեկապանները (կուբիկուլար) եւ սենեկապետները (պրեպոչիտ), ետեւից՝ ներքինի պրոտոսպաթարները:

Ամբոխը ողջունում էր ցնծութեան ձայներով յաղթա-

կան թագաւորին: Թափօրը հասաւ մայր տաճարի Ս. Սոփիայի առաջ, կանգ առաւ: Կայսրը մտաւ եկեղեցի աղօթելու եւ յետոյ դիմեց դէպի մեծ պալատը: Քալկի կամ պղնձէ դրան դէմուդէմը պատրաստուած էր մի ամբիոն, վրան՝ մի ոսկէ գահ, ոսկէ երգեհոն եւ սրանց միջեւ մի բարձր խաչ, նոյնպէս ոսկէ ընդելուզուած թանկագին քարերով: Երբ կայսրը կոխեց ամբիոնը, ժողովրդականները երգեցին «միայն սուրբ»:

Քաղաքի բնակչութեան կողմից կայսրին նուէր տուին զոյգ ոսկէ բաղկանոցներ, որից յետոյ խօսել սկսեց ամբիոնից ինքը կայսրը, պատմելով եւ նկարագրելով իր յաղթութիւնը¹:

Հանդէսը այն յաղթութեան առթիւ էր, որ տեղի էր ունեցել Թէոփիլի առաջին տարիները 831-32ին, հաւանօրէն, Կիրիկիայի ճակատում:

Նոյն հանդէսները կրկնուեցին մի քանի տարի յետոյ, 837 թուին, մի նոր յաղթութեան առիթով, որ տարել էր Թէոփիլը դարձեալ արեւելեան ճակատում: Վարդ կեսարի մասնակցութիւնը հանդէսին վերաբերում է այս թուին:

Արշաւանքի դրդիչը փախստական Նասրն էր: Աղանդաւորական շարժումը իր վճռական փուլի մէջ էր եւ կրանել էր Արարների ուշադրութիւնը: Կայսրը յարմար դատեց խաղալ դէպի արեւելք եւ ասպատակել թշնամու անպաշտպան սահմանները եւ այնու օգնել, թերեւս, իր դաշնակից խռովարարներին: Արշաւանքի մասին շատ բան չգիտենք: Կայսերական զօրքերը աւերեցին Զապետրա եւ Սամոսատ քաղաքները: Վերջինս համբաւաւոր էր իր հարստութեամբ, եւ որպէս թէ ամիրապետի հայրենիքն էր²:

Ուրիշ վկայութեամբ, մի քանի քաղաքներ գրաւեցին, երկուսը բոլորովին աւերեցին, իսկ Սոգոպետրա կամ Զապետրա, պաշարեցին, որը իբրեւ թէ ամիրապետի հայրենիքն էր³:

Ոչ Սամոսատը եւ ոչ Զապետրան ոչ մի նկատումով հայրենիք չեն կարող նկատուել ամիրապետի համար:

Հայ մատենագրութիւնը պահել է կարեւոր տեղեկութիւն նոյն այս արշաւանքի վերաբերեալ: Թէոփիլի օրով «եղեւ գալուստ հռոմգիբերոյն ի գաւառն Բասեան եւ զբազումս խողխողեցին սրով ի վերայ յարուցեալ գեղաքաղաքին Գոմաճորոյ: Իսկ Թէո(վ)փիլոս գնաց ի Սաղտիս եւ ել ի

1 De Cerimoniis, I, 503-505.
2 Georg, 798.
3 Theoph. Cont., 127.

Ցամաք-կամուրջ և գերեաց զբազումս ի հայոց հանդերձ ընտանեօք իւրեանց. եւ տուեալ գհիւպատաւորութեան պատիւն, այսինքն ապուհիւպատ պատրկութեան Աշոտոյ որդւոյ Շապուհոյ եւ թողու ի Սպեր գաւառի: Եւ ինքն առեալ հարկս ի Թէոդուպոյսեցեաց զարձաւ անդրէն: Եւ ապա եկեալ Հոռոմդի արանցն ի Վանանդ ի գիւղն Կաճկարար կոտորեցան ի ձեռն Սահակայ որդւոյ Իսմայէլի: Եւ ի նոյն ամի եմուտ Թէոփիլոս յԱսորիս եւ էառ զքաղաքն Ուրբելի եւ պատերազմեցաւ ընդ տաճկաց յԱլմուլատ եւ յաղթեաց: Սա ի խաղալն իւրում յարեւելս կոյս ի սահմանս հայոց առնու զԾմու բերդն հայոց, զԱսադին, եւ զՄեծկերտ եւ զԱլբերդ ի գաւառին Գեղամայ եւ զՊողան եւ զՉորրորդ Հայս անապատ առնէ ի մարդոյ եւ յանասնոյ»¹:

Ամբողջ հատուածը բաւական մութ է: Հոռոմդիներ կամ հոռոմդի արանց սուղ ձեւն է ռամիկ հոռոմ դեհ, դեհ-եր, բառի, որ նշանակում է հոռոմ կողմ:

Այս բառը յաճախակի պատահում ենք Շապուհ Բագրատունու անունով հրատարակուած գործի մէջ: Սա Շապուհի կորսուած երկր չէ, այլ նրա հետեւութեամբ կազմուած պատմութիւն է Արծրունեան միջավայրից: Հոռոմդի բառը բնորոշ է Շապուհի գեղջուկ լեզուի համար եւ տեղիք է տատալիս կարծելու որ մեր հատուածը քաղուած է Շապուհից: Նոյն գլխի մէջ Ասողիկը Դաւթի թագի պատմութեան առթիւ յիշում է Շապուհին եւ անուանում է նրան «որդի Աշոտոյ Անթիպատրիկի», ստուգիւ «անթի(պատ)պատրիկի»:

Մի քանի էջ յետոյ, մեզ զբաղեցնող հատուածում, նոյն պատմագիրը Շապուհի հօր Աշոտի ստացած պատիւր, հիւպատաւորութիւնը, բացատրում է որպէս «ապուհիւպատ պատրկութիւն», փոխանակ «անթիպատ պատրկութեան»:

Պէտք է կարծել որ հատուածը մի աղբիւրից չէ առնւած: Տարբեր աղբիւրների նշան է եւ այն, որ Թէոփիլի մասին ասուած է «գնաց ի Սաղտիս» (փոխ. եկն), մինչ միւս մասերում՝ «եղել գալուստ» հոռոմդիերոյն կամ եկեալ հոռոմդի արանց»:

Հատուածը թւում է թէ խօսում է երկու արշաւանքի մասին: Հոռոմները եկան Բասեան եւ Թէոփիլը գնաց (արդեօք Բասենի՞ց, որով հասկանալի կը դառնար «գնացը») Սաղտիք, Աշոտին թողեց Սպեր, հարկ առնելով Կարինցիներից զարձաւ մայրաքաղաք: Երկրորդ անգամ Հոռոմները

1 Ասողիկ, էջ 144:

եկան Վանանդ եւ պարտութիւն կրեցին, իսկ Թէոփիլը արշաւեց Չորրորդ Հայք:

Սակայն, ուրիշ հաւաստի տեղեկութիւն ունինք, որ Չորրորդ Հայքի աւերումը եւ Կարինի հարկապահանջը միաժամանակ եղաւ: Այսպէս, 1148 սելեւկեան տարին որ է 836-837 թիւը, Թէոփիլ արշաւեց եւ աւերեց Չապետրա քաղաքը, Հանձիթ, Արշամուշատ եւ մարդ ուղարկեց Հայաստան հարկ ժողովելու¹:

Մեր հատուածի վերջին մասը վերաբերում է ճիշտ այս արշաւին: Ուրբելի երեւում է տեղական անունն է այն քաղաքի որ Բիւզանդացիք կոչում էին Չապետրա, աւելի լրիւ ձեւով, Սոգոպետրա: Ալմուլատ կարգալու է Աշմուշատ, Ասադին՝ Պադին եւ Ալբերդ հաւանօրէն թերի ընթերցումն է Ա(նդ)դրերդ նշանաւոր ամբութեան, ինչպէս եւ ի գաւառին Գեղամայ պէտք է կարգալ, թերեւս, Անգեղայ:

Այստեղից էր որ կայսրը «գնաց» Սաղտիք, երբ Կարինցիներից հարկ պահանջեց եւ Աշոտին նշանակեց տէր Սպերի: Պարզում է նաեւ որ Չապետրայի հետ յիշուած Սամոսատը իսկապէս Հանձիթի Արշամուշատն է եւ ոչ Կոմմուգենի Սամուսատը, ինչպէս շփոթել է յոյնը:

Ինչ վերաբերում է Բասենի եւ Վանանդի դէպքերին, դրանք պատկանում են մի ուրիշ արշաւանքի: Երեւում է Բասենից Հոռոմներն անցել էին Վանանդ եւ ջարդ կրեւել արար իշխան Սահակից: Սա Թիփիլիսի տէրն էր, Շուայր տանից, յաջորդել էր իր հօրեղբոր Ալիի: Ալի եւ աւագ եղբայրը Իսմայէլ որդին էր Մուտասիմի ժամանակակից էր: Սա թւում է թէ հետզհետէ յառաջացել էր դէպի արեւմուտք, կայսրութեան սահմանակից հողերը: Վտանգը հասկանալի էր, ուստի եւ կայսերական զօրքերը պատուէր էին ստացել յետ մղելու յաւակնոտ արար իշխանին, բայց յաջողութիւն չունեցան:

Արդեօ՞ք այս ընդհարումները կապ չունին Արխագեան արշաւանքի հետ, որի մասին խօսում են պատմագիրները: Երկու պատերազմ է յիշատակում Արխագիայի դէմ, մի անգամ Վարդի եւ Թէոփորի հրամանատարութեամբ եւ միւս անգամ՝ Թէոկոսիս ներքինու: Վերջինս տեղի ունեցաւ Թէոփիլի մահից յետոյ, նրա կնոջ Թէոդորայի կառավարութեան առաջին տարին: Իսկ նախորդ արշաւանքի ժամանակը խնդրական է: Թէոփիլի առաջին տարին բիւզանդական նաւատորմը պարտուեց Թասոս կղզում Արաբների դէմ կռուելիս:

1 Michel le Syrien, III, 88-89.

Այս դէպքից անմիջապէս յետոյ յիշատակուում է Վարդի եւ Թէոփորի արշաւանքը դէպի Աբխազները, ուստի եւ կարծում են որ արշաւանքը տեղի է ունեցել նոյնպէս Թէոփիլի առաջին տարին, 830 թուին:

Պատմագիրը, պէտք է նկատել, յոռետես է Թէոփիլի թագաւորութեան վերաբերմամբ: Յոռետեսութիւնը միտումնաւոր է, կանխակալ: Թէոփիլը պատկերամարտ էր, ուրեմն ամբարիշտ, իսկ ամբարիշտն անարժան է յաջողութեան: Աբխազեան արշաւանքը յիշելուց յետոյ աւելացնում է, որ բնութիւնն անգամ փոխուել էր Թէոփիլի թագաւորութեան ժամանակ, անսովոր չորութեան հետեւում էին հեղեղներ, անպակաս էին սովն ու կարօտութիւնը եւ անգամ երկրաշարժը¹:

Ասել է թէ Վարդի եւ Թէոփորի պարտութիւնը եւս արդիւնք էր բնութեան աղետաբեր խաղերի:

Սելեւկեան 1151 թ. = 839 թ. իսկապէս մեծ երկրաշարժ տեղի ունեցաւ Կարինի շրջանում²: Եթէ յոյն հեղինակի ակնարկը վերաբերում է այս երկրաշարժին, ապա Աբխազիայի արշաւանքը տեղափոխելու է երկրաշարժի տարին, 839 թիւը: Հաւանական է որ այս արշաւանքը նոյնն է, ինչ որ յիշում է Ասողիկը թէ կայսերական զօրքերը պարտութիւն կրեցին Վանանդում Սահակ Իսմայէլացու կողմից: Կարծես թէ աւելի հիմք կայ Աբխազիայի առաջին արշաւանքը դնելու 839 թուին, քան 830, երբ Վարդը դեռ հրապարակ չէր իջած եւ ոչ էլ Թէոփորը, որը, նոյն պատմագրի ասելով, Թէոփիլի ժամանակ էր անցել Արաբներից կայսեր կողմը:

Թէոփիլի 837ի արշաւանքը յաղթական էր: Այս առթիւ նորից կրկնուեցին, ինչպէս յիշեցինք վերեւ, այն հանդէսները, որ կատարուել էին առաջին յաղթութեան ժամանակ: Երեխաները դիմաւորեցին կայսեր, զարդարուած ծաղկէ պսակներով: Կրկէսում ձիարշաւին մասնակցեց ինքը կայսրը եւ այստեղ եւս յաղթեց: Ժողովուրդը ողջունում էր ցնծալից աղակներով, գոչելով. «բարեւ եկար, անյաղթելի ախոյեան»³:

Ուրախութիւնը երկար չտեւեց: Արաբները չէին կարող անպատասխան թողնել ասպատակութիւնները: Նոյն 837ին նրանք վերջ դրին Բաբելի խռովութեան, բռնեցին Հոչակաւոր ապստամբին եւ 838ի յունուար ամսին սպանեցին Բաղդադում: Խալիֆն այժմ ազատ էր և կարող էր մտածել վրէժ-

1 Theoph. Cont., 137.

2 Michel le Syrien, III, 95.

3 Georg, 798-799. De Cerimoniis, 507-508.

խնդրութեան մասին: Գարնանը մեծ զօրքով շարժուեց դէպի կայսերական հողերը, կէտ նպատակի ունենալով հասնել Ամորիա, կայսերական տան հայրենի քաղաքը: Զօրքի հրամատարներն էին երկու նշանաւոր զօրավարներ՝ Ափշին եւ Աշնաս: Սրանց հետ էին իշխանաց իշխանի (Բագարատի) եւ Վասպուրականի իշխանի (Աշոտի) զօրքերը¹:

Առաջին մեծ ընդհարումը կայսերական զօրքերի հետ պատահեց Դաղիմոնի մօտ (այժմեան Թոկատի շուրջը): Կայսրը պարտուեց եւ հազիւ ճողոպրեց շնորհիւ Մանուէլ զօրավարի (ըստ այլ տեղեկութեան Նասրի):

Արաբները անցան Անկիւրիա եւ այնտեղից սուրացին դէպի Ամորիա: Թէոփիլը փորձեց խաղաղութիւն կնքել, խոստանալով վերաչինել Չապետրան, դարձնել գերիներին և անգամ մատնել ասպատակութեան ղեկավարներին: Մուտասիմ ամիրապետը մերժեց եւ հրաման արձակեց բանակին շարժուել: Օգոստոսի սկզբին Ամորիա քաղաքն էլ արդէն պաշարուած էր:

Քաղաքի պաշտպանութիւնը յանձնուած էր Անատոլիկեան թեմի զօրավարին՝ Այետիոսին: Նրան օգնութեան ուղարկեց կայսրը Կոստանդին Բարուցիկին վիզլա գնդի դրունդարին եւ Թէոդոր Կրատեր(ոս)ին, որ ներքինի էր եւ պրոտոսպաթար: Սա նախապէս զրկուած էր պաշտպանելու Անկիւրա քաղաքը, բայց նախ քան տեղ հասնելը քաղաքը արդէն ընկել էր արաբների ձեռքը: Ենթադրուում է որ ինքը Բուկելլարեան թեմի զօրավարն էր այդ ժամանակ, քանի որ իրեն էր յանձնուած Անկիւրայի պաշտպանութիւնը, որ թեմի գլխաւոր քաղաքն էր: Չնայելով որ քաղաքը ապահովուած էր հարկաւոր զինական ոյժերով, բայց և այնպէս տասն եւ հինգօրեայ պաշարումից յետոյ ընկաւ թշնամու ձեռքը: Պատճառը վերագրում է մատնութեան եւ յիշում են անգամ մատնիչների անունները եւ դաւաճանութեան պարագաները: Կարիք չկայ կանգ առնելու նրանց վրայ:

Յաղթողները վայրագաբար վարուեցին քաղաքի հետ: Բնակիչներին կոտորեցին, մի մասը միայն գերի առան, ամբողջ քաղաքը աւերեցին, կողոպտեցին: Չոհերի թիւը հասնում էր մինչեւ երեսուն հազարի, արաբների ասելով, իսկ իրենք բիւզանդացիք հաշուում էին եօթանասուն հազար:

Գերեալների թւումն էին քառասուն եւ երկու նշանաւոր զօրականներ, որոնք տարուեցին Սամառա, Բաղդադի մօտ, եւ բանտի մէջ մնացին գրեթէ եօթն տարի: Արաբների նպա-

1 Genes., 62. Theoph. Cont. 127.

տակն էր բարձր փրկանք ստանալ կայսրից գերիների ազատութեան համար, բայց տեսնելով որ մեծ բան չէր կարելի յուսալ կայսերական առատաձեռնութիւնից, հրամայեցին գլխատել բոլոր 42 նահատակներին յաջորդ ամիրապետի օրով 845 թուին, մարտի 6ին: Անունով յայտնի են միայն վեց հոգի՝ Թէոդոր Կրատեր, Կոստանդին Բարուցիկ, Թէոփիլ, Բասոյ (կամ Վասոյ) Վաղող, Կալլիստ, Դուկ Փոքր Հայքի Կոլոնիա քաղաքի: Այետիոս զօրավարը գլխատուել էր աւելի կանուխ Ամորիայի առումից անմիջապէս յետոյ 224 հիշրի = 839 թուին¹:

Կալլիստը, որ Մելլիսին յայտնի տոհմիցն էր եւ Կորնիայի (այժմ Կարա-Հիսար) տուրմարք կամ դուկ (դուքս), Ամորիայի գերիներից չէր իսկապէս, այլ իր պաշտօնատեղում մատնուել էր արար իշխանութեան տեղացի Պալիկեան աղանդաւորների կողմից եւ մարտիրոսացաւ 42 գերիների հետ մարտի 6ին:

Ամորիայի աղէտը ծանր էր Թէոփիլի եւ ընդհանրապէս քրիստոնեայ աշխարհի համար: Կատաղի թշնամուց վրէժ լուծելու այլ միջոց չկար՝ եթէ ոչ դիմել արտաքին օգնութեան: Թէոփիլ պատգամաւորութիւն ուղարկեց Փրանսիա Լիւզովիկ Բարեպաշտի մօտ:

Ինչպէս յիշեցինք վերեւ, պատգամաւորն էր Թէոդոս Բարուցիկ պատրիկը, եղբայր թէ որդի Կոստանդին Բարուցիկի, որ այդ ժամանակ տակաւին տառապում էր արաբական բանտում: Թէոդոս արդէն համոզել էր Լիւզովիկին, երբ իր յանկարծաճաս մահը ի չիք դարձրեց բոլոր աշխատանքը: Շուտով մեռաւ եւ Լիւզովիկը: Այնուհետեւ շատ չապրեց եւ Թէոփիլը. մի տարուց յետոյ յուսահատ մեռաւ 842 թուին յունուարի 20ին, թողնելով գահը իր կնոջ Թէոդորային եւ տակաւին մանուկ որդուն՝ Միքայէլին: Նոյն տարին մեռանաւ Մուտասիմ ամիրապետը:

Երկու հակառակորդների մահով դադարեց ժամանակաւորապէս եւ թշնամութիւնը երկու պետութիւնների միջեւ:

IX

Միքայէլը հազիւ երեք տարեկան էր, երբ հայրը, Թէոփիլը, մեռաւ: Մայրը, Թէոդորան էր նրա օրինական խնամակալը: Մահուան անկողնում Թէոփիլը կանչեց իր մօտ մեծամեծներին եւ պատուիրեց նրանց հաւատարմութեամբ ծառայել իր որդուն եւ կնոջը:

¹ Վասիլև, «Բիւզանդիա եւ Արաբներ», I, 46 (առևերջն):

Ամորիայի 42 մարտիրոսների վկայաբանութիւններից մէկի մէջ, որը խմբագրուած է Սոփրոնիոս արքեպիսկոպոսի ձեռքով, ասուած է որ նահատակութիւնը կատարուեց Միքայէլի, Թէոդորայի եւ Թեկլայի թաղաւորութեան ժամանակ¹:

Թեկլան Թէոդորայի աւագ դուստրն էր: Ասել է թէ նա յայտարարուած է եղել գահաժառանգ: Նոյնը հաստատում են եւ այն դրամները, որոնց մի երեսին Թէոդորայի գլուխն է, իսկ միւս երեսին՝ Միքայէլի եւ Թեկլայի²:

Սակայն, իրական կառավարիչները ուրիշ անձինք էին, նշանակուած նոյն Թէոփիլի կողմից որպէս «հոգածուններ եւ խնամակալներ»: Դրանք էին Թէոկտիստ ներքինին, որ այդ տուն պոստի լոգոթետ էր, Մանուէլ Մամիկոնեան հուշակաւոր զօրավարը, Թագուհու հօրեղբայրը, այլ եւ Վարդ Մամիկոնեան, Թագուհու եղբայրը³:

Թէոկտիստն այն անձն էր, որ նպաստել էր Միքայէլին սպանելու Լեւոն Ե-ին, եւ որպէս այդպիսին վայելել էր Միքայէլի եւ նրա որդու Թէոփիլի վստահութիւնը եւ այժմ կայսերական տան հաւատարիմ պաշտօնեայ էր համարուում եւ Թագուհու ամուր նեցուկը: Մանուէլի եւ Վարդի աշխատակցութիւնը բացատրելու է ոչ միայն նրանով, որ Թագուհու արենակիցներն էին, այլ եւ որ նշանաւոր դէմքեր էին իրենց անհատական կարողութեամբ:

Թէոփիլի ինդիրը՝ պաշտպանել իր որդուն եւ կնոջը ուղղուած էր իսկապէս երեք խնամակալներին: Անշուշտ, հեռատեսութիւն չէր նրա կողմից բաժանել իշխանութիւնը երեք անձի մէջ եւ փառատենչ մրցութեան ու հակառակութեան դուռ բանալ: Բիւզանդական արքունիքը այն միջավայրը չէր, ուր յարգուէր իրաւունքը եւ կամ պէսպէս հակումներն ու ձգտումները սովոր լինէին միաշաւիղ ընթանալու: Ընդհարումը խնամակալների մէջ անխուսափելի էր:

Երբ Թէոփիլը փչեց իր վերջին շունչը, Մանուէլը, որի հեղինակութիւնը եւ դիրքը բնագծելու համար պատմագիրը կոչում է պրոտոմագիստրոս, առաջին մագիստրոս, հաւաքեց ժողովուրդը եւ զօրքի հաւատարիմ եւ վստահելի զնդերը մեծ կրկէսը եւ դարձաւ նրանց մի ճառով, ուր յիշեցնելով իր

¹ «Skazanie o 42 moutchenikakh», հրատարակուած սկադեփիոս Նիկիտինի ձեռքով Պետրոպոլի Գիտութեանց Ակադեմիայի գործերում, Zapiski Ak. Naouk, série VIII, t. VII, 2 (= 905), p. 52.

² W. Wroth, Catalogue of the Imp. Byzantin Coins, I, XLII և II հատորի տախտակը:

³ Theoph. Cont., 148. ποσυσταται και επιτροποι. Առաջին երկուսը յիշուում են Գենեսիոսի մօտ, էջ 77, երրորդը աւելացնում է Theoph. Cont., 148.

մեծամեծ վաստակները, մշտական սէրն ու խնամքը եւ թէ ինչպէս ինքը միշտ զօրավիգ է եղած եւ երբեք չէ թերացած իր պարտականութեանց մէջ, ասաց, որ այժմ ժամանակ է որ նրանք էլ վկայեն իրենց երախտագիտութիւնը եւ վկայեն ոչ թէ խօսքով միայն հապա եւ գործով: Դրա համար մի բան է լուր պահանջում, շարունակեց ճառախօսը, որ ուխտեն հաւատարիմ մնալ կառավարութեան եւ հնազանդուեն նրա կարգաբերութեանց-

Ամբոխը կարծում էր որ հռչակաւոր զօրավարը ուզում է գրաւել գահը, եւ պատրաստ էր ցնծութեամբ ողջունել նրա քայլը, երբ անսպասելի կերպով հնչեց նորա ձայնը, «կեցցեն Միքայէլ եւ Թէոդորա»:

Հիասթափումը ընդհանուր էր եւ տխուր: Ժողովուրդը ցրուեց գլխիկոր եւ յուսարեկ¹: Անմեկնելի էր թւում Մանուէլի վեհանձն շարժումը, եւ անհասկանալի թէ ինչպէս կարելի էր կամովին հրաժարուել մի փառքից, որի համար ուրիշները արիւն էին թափում եւ ոճիրներ գործում:

Ահա այսպիսի մի անձի վիճակուած էր լծուել աշխատանքի Թէոկտիստի հետ, որ Մանուէլի հակապատկերն էր: Ներքինի էր, ոչ մտաւոր կար ունէր եւ ոչ զինուորական շնորհք եւ բաւական խոհեմ չէր, որ զգար իր նուաստութեան չափը²:

Ներքինիներին յատուկ քսութիւնն ու խարդաւանքը Թէոկտիստի գէնք էր: Ուրիշ հնար չգիտէր պահելու իր դրանիկ բարձր դիրքը քան նենգել եւ զրպարտել վտանգաւոր մրցորդներին: Թէոկտիստի ստորութեան առաջին զոհն եղաւ ինքը Մանուէլը: Դաւեր սարքեց, ստուեր ձգելու նրա հռչակի վրայ, կասկածի տակ առնելով նրա հաւատարմութիւնը: Մանուէլը ալեւորել էր ռազմական դաշտերում եւ ընդել չէր դրանամուտ գործունէութեան: Զգաց, որ խարդախութեան ճակատում լաւ զինուոր չէր, գերադասեց տեղի տալ: Թողեց պալատը, թողեց այնտեղ իրեն յատկացուած բնակարանը եւ քաջուեց իր մասնաւոր տունը Ասպարի աւազանի մօտ (այժմ Չուխուր Բոստան, Կեֆէլէ կոչուած մզկիթի մօտ):

Մանուէլը շարունակեց վարել իր խնամակալական պաշտօնը, յաճախելով արքունիք ամեն անգամ երբ պահանջում էին պետական գործերը:

Թէոկտիստը արժանացաւ թագուհու անսահման վստահութեան: Դրութեան տէրն էր: Պատմութիւնը այնպիսի յիշատակներ չէր արձանագրել, որոնցով կարելի լինէր չափել

1 Genes., 77-78.
2 Theoph. Cont., 202.

ամենազօր ներքինու արժէքը: Ինչ որ յայտնի է, պատուաբեր չէ: Պատերազմական հմտութիւն չունէր, թէեւ ինքնավստահ էր: Սկզբի տարին պէտք էր զօրք ուղարկել Աբխազիա: Թէոկտիստը գլուխ անցաւ եւ չարաչար պարտուեց: Նաւատարմի մի մասը Չախճախուեց փոթորիկից, մի մասն էլ ափ նետուեց, եւ գլխովին ոչնչացաւ: Վատարախա զօրավարը դարձաւ ամօթահար եւ ձեռնուեցաւ:

Պատմագիրը Թէոկտիստի յանցանքը մեղմացնելու համար պատրաստ է ձախորդութիւնը վերագրել արեւի կրկնակի խաւարման¹: Սակայն խաւարումը տեղի է ունեցել 840 ապրիլի 15 եւ 841 հոկտեմբերի 18ին: Եթէ պատմագրի ակնարկը վերաբերում է այդ դէպքերին, ապա Աբխազիայի արշաւը կատարուած պէտք է լինի Թէոկտիստի օրով եւ ոչ Թէոդորայի: Կարծես թէ խօսքը նոյն արշաւանքի մասին է, որը վերեւ յիշուեց որպէս Թէոփորի եւ Վարդի գործ, եւ որը մենք տրամադիր էինք դնելու 841 թուին, երկրաշարժի տարին:

Անյաջողութեան դիպեց եւ միւս արշաւանքը, որը առաջնորդեց նոյն Թէոկտիստը դէպի Կրեակ կղզին: Արարները կորցել էին այս կղզին եւ Թէոդորա կայսրուհին ուզում էր վերագրաւել: Թշնամին անպատրաստ էր դիմադրելու, բայց խորամանկութեան դիմեց, ստույգ լուր տարածելով, որպէս թէ պալատական յեղաշրջում է կայացել եւ թագուհին, վտարելով իր որդուն, տալիս է գահը մի անձի, որի հետ մտադիր է ամուսնանալ: Թէոկտիստն անմիջապէս թուաւ մայրաքաղաք, ձգելով զօրքը իր բախտին: Անցքը տեղի ունեցաւ 843 թուին մարտ ամսին:

Այս դասը եւս անօգուտ անցաւ ներքինի զօրավարի համար, որ ձգտում էր անպատճառ փայլել զինուորական մարզում: Մելիտինի ամիրը յարձակուեց պետական հողերի վրայ: Թէոկտիստը փերստին դաշտ նետուեց: Տաւրոսի յանջերին, Կեսարիայից հիւսիս, Մաւրոպոտամոն (Սեւ Ջուր) կոչուած վայրում զարկուեց թշնամու հետ արիւնահեղ մարտում, պարտութիւն կրեց, վեհերոտութեամբ փախաւ մայրաքաղաք, թողնելով 40 հազարանոց բանակը սոսկալի վրտանգի մէջ: Զօրքի մի մասը անցաւ թշնամու կողմը եւ ընդունեց խալամ: Զօրավարներից մէկը, Թէոփան Փարդանցի, նմանապէս դաւաճանեց, թէեւ հետագայում փախաւ Արարներից եւ մտաւ նորից կայսերական ծառայութեան մէջ: Թէոփանը թշնամացաւ Թէոկտիստի հետ եւ այս թշնամութիւնը, ինչպէս կը տեսնենք, անհետեւանք չմնաց:

1 Theoph. Cont., 203.

Թէոկտիստը, այդ ապիկար զօրավարը, կարողացաւ յանցանքը բարդել ուրիշների վրայ եւ մի անգամ եւս արդարանալ թագուհու առաջ: Քառութեան նոխազ դարձաւ Վարդը, Թէոկտորայի հարազատ եղբայրը: Թէոկտիստը չքաշուեց գործը այնպէս ներկայացնել կայսրուհուն, որպէս թէ Վարդի սաղբանքով է որ զօրքերը կրունկ են դարձրել և ցրուել: Եւ կան պատմարաններ, որ հնարաւոր են գտնուում հաւատ ընծայել այս հրէշաւոր ամբաստանութեան: Թէոկտիստը ոչ միայն համոզեց կայսրուհուն, այլ և յաջողեց հրաման հանել, որ Վարդը անմիջապէս հեռանայ քաղաքից: Վարդը քաշուեց արուարձաններից մէկը եւ այնտեղ հաստատուեց, հեռու արքունիքից: Այսպիսով նա եւս մատնուեց շնորհազուրկ վիճակի, ինչպէս իր հօրեղբայր Մանուէլը:

Վատամարդ ներքինին նենգ եւ պատիր միջոցներով ամբաստնուեց իր դիրքը պալատում եւ առաւել եւս հաճոյացաւ թագուհուն: Վտանգաւոր հակառակորդներին հեռացնելուց յետոյ, պետական առաջին դէմքը դարձաւ, միահեծան տէր շնորհիւ իր հլութեան եւ կայսրուհու կոյր վստահութեան:

Մի մեծութիւն, որ ձեռք է բերուում միջոցների անխորութեամբ, կայուն չէ և պատճառած երջանկութիւնը՝ կարճատեւ: Որքան բարձրանում էր Թէոկտիստը, այնքան սաստկանում էր նրա շուրջը ատելութիւնը: Որպէսզի իր անձը զերծ պահէ սպառնացող փորձանքներից, արտօնութիւն ստացաւ Թէոկտորայից յատուկ տուն շինել Ափսիդ կոչուած տեղում, առընթեր կայսերական ապարանքին: Շէնքը պարբայափակ պարտէզի մէջ էր, բաղանիքով եւ ուրիշ յարմարութիւններով: Երկաթէ մեծ դուռը կապում էր անմիջապէս կից Դափնէ պալատի հետ, որ մեծ ապարանքի մերձաւոր բաժինն էր: Բացի դրանից դրան հսկողութիւնը յանձնուած էր պալատական պահնորդին կամ ինչպէս կոչում էին պապիասին (այսինքն հայրիկին), առաւել ապահովութեան համար²:

Ուր չկայ բարոյական հեղինակութիւն, նիւթական պատնէշները անզօր են սաստելու:

Թէոկտիստը պոստի լողոթեա էր, որ համազօր էր գրեթէ արդի ներքին գործոց մինիստրութեան: Թէոփիլի թագաւորութեան սկզբում այս պաշտօնը գտնուում էր Միրոնի ձեռքին, որ թագուհու կրտսեր եղբոր, Պետրոնի, աներն էր: Նոյն թագաւորի վերջին տարին Թէոկտիստն արդէն ստանձ-

1 Georg, 814-815. Theoph. Cont., 203.
2 Ibid. 815-816

նել էր լողոթեաութիւնը¹: Նա էր այն լողոթեա, որ խառն էր Թէոփորի սպանութեան²:

Թուում է որ Միրոնը եւս զո՛հ է եղել խարդախ ներքինու մեքենայութեան, որի հետեւանքով տիրացել է նրա պաշտօնին: Թերեւս այս է պատճառը, որ Միրոնի փեսան, Պետրոնը, չի երեւում հրապարակի վրայ Թէոկտիստի իշխանութեան ժամանակ: Մինչդեռ Թէոփիլի օրով կարեւոր դիրք ունէր եւ պաշտօն սրպէս վիզլի դրունգար: Թէ որքան յարգի էր այդ պաշտօնը, կարելի է դատել այնու, որ նրանից յետոյ նոյն պաշտօնում տեսնում ենք Կոստանդին Բաբուցիկին, որ պատրիկ էր և թագուհու ջեռայրը: Միմիայն Թէոկտիստի անկումից յետոյ է որ Պետրոնը նորից ասպարէզ կլաւ անգործութիւնից եւ հուշակուեց որպէս տաղանդաւոր զօրական:

Տեսանք, որ Պետրոնի եղբայրը, Վարդը, նոյնպէս հալածուեց պալատից Թէոկտիստի ջանքով 843 թուին: Այս նշանաւոր մարդու անունը պէտք է վերջապէս մաքրել այն սեւ գծերից, որոնցով բծաւորել են նրա յիշատակը հակառակ բանակի պատմագիրները: Թէոկտիստը յաղթուեց պատերազմում, մեղաւորը Վարդն է: Թէոկտիստը գժտուեց Մանուէլի հետ, յանցանքը դարձեալ Վարդի վրայ է ծանրանում: Տակաւին Թէոփիլի օրով որպէս թէ Վարդը մեղանչել է, ո՞ր եւ ինչպէս, յայտնի չէ եւ սրա համար ծեծ էր կերել կայսրից³:

Ամեն ասթիւ պատրաստ են չարաբանելու այն մարդուն, որի տասնամեայ կառավարութիւնը հանդիսանում է ամենափայլուն եւ ամենալուսաւոր շերտերից մէկը բիւզանդական պատմութեան մէջ:

Կայսրուհու քոյրերը եւս խրախուսուած չէին, նման եղբայրներին: Սոփիայի ամուսինը, Կոստանդին Բաբուցիկ, նահատակուեց 845 թուին: Կալմարիայի ամուսինը, Արշաւիր Պատրիկը, նոյնպէս մեռել էր, թողնելով երկու որդի, Ստեփան եւ Վարդ: Սրանք ասպարէզի վրայ չեն: Այրի Կալմարիան սպրում էր քրոջ մօտ արքունիքում եւ իր անձը նուիրել էր ողորմածութեան: Յաճախում էր բանտերը եւ միևիթարում էր խեղճերին ոչ միայն բարոյապէս, այլ և նիւթական օգնութիւն հասցնելով կարօտեալներին: Ժամանակակից Կարմիր Խաչի անդրանիկ դաղափարաբանը հեռաւոր անցեալում եւ փաստացի հիմնադիրը պէտք է համարել

1 Theoph. Cont., 122.
2 Georg, 810.
3 Theoph. Cont., 168.

գեղանի Մարիային, Մամիկոնեան գշխոյի բարեսիրտ աղջրկանը:

Կայսերական տան մերձաւորների զսպուած վիճակը վերադրելու է անշուշտ մեծազօր լուսթեաի քաղաքականութեան: Սակայն, սխալ կը լինէր կարծել որ այդ քաղաքականութեան դարձնողն ինքն էր միայնակ: Թագուհի Թէոդորան անմասն չէր: Մամիկոնեան զաւակ էր, ամբարհաւած և ինքնափտաս, սիրում էր իշխել և հրամայել: Անկախութեան և ինքնիշխանութեան տենչը ստիպել էր նրան թօթափել խնամակալների ճնշող լուծը: Երկու թէ երեք խնամակալներից Թէոկտիստ ներքինին նուազ փտանդաւոր էր, և համակերպուող հաւատարիմ սպասաւորի հլութեամբ: Մանուէլը և Վարդը, թէև աղբակից, երկիւղալի էին, որպէս ինքնուրոյն նկարագրի տէր և արդէն ազդեցիկ անձեր: Թէոկտիստի անձնուիրութիւնը կասկածից դուրս էր, այն անձնուիրութիւնը, որով ծառայել էր Ամորեան տան թագաւորներին, առանց զգալի յաւակնութեան: Նրա համար դժուար չէր համոզել Թէոդորային որ Մանուէլի և Վարդի նման կարող է համբաւաւոր գէմքերը փտասելի յենարաններ չեն գահի համար: Կայսրուհուն մնում էր բնորութիւն անել իր ազդականների և Թէոկտիստի միջև: Նա գերադասեց ներքինուն:

Այս հարցը արդէն դրուած և վճուուած էր 843 թուին պատկերադաշտութեան վերականգնումով: Պատկերամարաքաղաքականութիւնը, որ վերսկսել էր Լևոն Հայը, և որին հետեւել էին Ամորեան կայսրները, լքեց Թէոդորան: Լողութեա Թէոկտիստը, չըջապատուած յոյն հոգեւորականութեամբ, յաջողեց 843ի յեղաշրջումը աւանց դժուարութեան: Թեթև փարանումից յետոյ Թէոդորան զիջաւ Թէոկտիստին, հակասակ իր ամուսնու բռնած գծին և թողած աւանդին, որ նոյնն էր ինչ որ բնուենուած էր հայ շրջաններում: Հայ ազգի Յովհաննէս պատրիարքը գահարկեց եղաւ, հաւատարիմ մնալով իր համոզման: Թէոդորան երես դարձրեց իւրայիններից, յարեց Թէոկտիստի և յոյն շրջաններին, յուսալով նրանց միջոցով ապահովել իր դիրքը և գահը: Յոյն եկեղեցին, ի տրիտուր, սրբերի կարգը դասեց նրան և ցայտմ էլ տօնում է յիշատակը:

Ունկնդրելով հաւատարիմ ներքինու շշունջներին, այնուհետև Թէոդորան չեզոքացրեց Մանուէլին: Պատերազմական փոյերին բնդել մարդը չկարողացաւ տանել պարտական գաղանի փափուքը և մի կողմ քաշուեց: Հերթը հասաւ Վարդին: Սա ևւ մեկուսացաւ, բայց ոչ Մանուէլեան ներդամութեամբ, այլ լի ցատումով ճակատ դնել այդ չար

ողուն, ամենակար ներքինուն, նրան կործանելու համար: Վարդը աշխատեց մօտենալ մանուկ թագաժառանգին: Թէոդորայի և Թէոկտիստի համար ևւ Միքայէլը մտահոգութեան նիւթ էր:

Գահի բուն տէրը աճել էր և արդէն թեւակոխել այն տարիքը, երբ գրադեցնում էին նրան որս, ձխարչաւ և կեանքի միւս զուարճութիւնները: Անգամ կարողացել էր սիրային կապեր հաստատել: Յափշտակութեան աւարկան գեղանի Եւդոկիան էր, Մարտինակ ընտանիքից, դուստր Ինդերի: Պատանի Միքայէլը կաշկանդուած էր բուսն սիրով: Եւդոկիան չքնազազեղ էր և խելացի:

Թէոդորայի մեծագոյն հոգան էր՝ պահել իր ձեռքին որդու զեկը և չթողնել որ ուրիշների ազդեցութեան տակ բնկնէր: Այլապէս կը վտանգուէր իր և իր մինիստրի, Թէոկտիստի, դրութիւնը: Պէտք էր ջանալ նախ խղի Միքայէլի կապը Եւդոկիայից, որը նրա կարծիքով պտաշաճ բնկերուհի չէր թագաժառանգի համար և խորապէս տտելի էր թագուհուն և Թէոկտիստին իր անպարկեշտութեան պտոճառով (շոտձեւու անդամութիւն) : Մայրը աւելի բզձայի հարս պտաւ որդու համար: Անունը նոյնպէս Եւդոկիա էր, դուստր սմն Դեկապոլիտ անձի: Պտակի հանդէսը կատարուեց Դափնէ պարտի Ս. Ստեփանոս եկեղեցում, հարսանեկան տապաստը պտտրաստուած էր Մագնաւրա պալատում, ձերակուտական կոշունքը՝ 19 օքոց (accubitum) անուն գահլիճում: Այս մանրամասնիքը ցոյց է տալիս որ պտամաղիբը տրամադրել է վաւերական ազբիւր:

Ինչպէս երեւում է, Թէոդորան բնտրել էր իր հարսնացու Եւդոկիային նոյն եղանակով, ինչպէս ինքն էր բնտրուել: Պետութեան ամեն կողմերից գեղեցիկ աղջիկներ էր հաւաքել արքունիք և նրանց միջից բնտրել Եւդոկիային: Թեկնածուների թւում յիշում են նաեւ երկու կապպաղովկիացի (իմա՝ Արմենեակեան թեմ) քոյրեր, մէկը ամուսնացաւ յետոյ Վարդի հետ, միւսը, Իրինէն, բնտրեց միանձնական կեանք մրտնելով Քրիստրալանտ վանքը²:

Մայր թագուհու հաշիւները չարդարացան: Ամուսնութիւնը չանջատեց Միքայէլին «անպարկեշտ» Եւդոկիայից: Թէոդորան հեռատես էր և իր նախազգացումը ճմարիա: Եւդոկիան խելքը դլխին աղջիկ էր, գիտէր ինչ էր անում: Ի դուր չէր Թէոդորայի վրդովը, «անպարկեշտ աղջիկը» չարագուշակ էր:

1 Leo Gram., 225-230. Georg. 816.

2 Vita Eirenes, Acta Sanctorum, 28 julii.

Միքայէլն արդէն գիտակցութեան էր հասել որ գահը պատկանում է իրեն, մինչդեռ իշխում էր մայրը եթէ ոչ Թէոկտիստը: Հիմք ունէր արանջալու: Ողորել զեռաստի արքային հնազանդութեան մէջ պահելու համար, մօր ջանքն էր: Այն ինչ թշնամիները շահագրգռուած էին քաջալերելու նրա ընդվզումը: Պայքարն այժմ Միքայէլի շուրջն էր:

Եթէ կար մէկը, որ «մտքի լծակով» կշռում էր մոմենտի ամբողջ կարեւորութիւնը, դա Վարդն էր: Արդարեւ օրինական գահակալն էր միակ հաստատուն յենակէտը տապալելու ներքինի լուսնութեան գերիշխանութիւնը: Վարդը աշխատեց եւ յաջողեց մօտենալ Միքայէլին: Սրա սենեկապանն էր ոմն Դամիան(ոս), ազգով սլաւոն: Թւում է որ այս բնորութիւնը անխորհուրդ չէ եւ ոչ պատահական: Սլաւոն անձնաւորութիւնը նկատուած է որպէս մի անթափանցիկ պտտնէշ հայ ազգեցութիւնների հանդէպ: Վարդը սէր եւ բարեկամութիւն հաստատեց սենեկապանի (սլարակիմոմեն) հետ: Սա էլ բարեխօսեց Միքայէլի առաջ, որ թոյլ տրուի վերջապէս Վարդին վերադառնալ քաղաք: Ապա նուէրներ տալով Թագաւորին շրջապատող անձերին նոյն Դամիանի ձեռնաուրութեամբ յաջողեց մուտ գործել արքունիք Միքայէլի մօտ:

Վարդը մտերմացաւ նաեւ Միքայէլի առաջին հանդերձապահի (պրոտովեստիար) հետ, որ էր Թէոփան Փարզանը կամ Փարզանցին, մի կտրիճ մարդ: Փարզանը — արդի Անգրիկասպեան Ֆերզան կոչուած երկիրն է: Եթէ լսի մականունն չէ (ինչպէս Վարդան Թուրքը), պէտք է կարծել որ Թէոփանը իրօք Ֆերզանցի թուրք կամ պարսիկ էր¹: Ուշագրաւ է. թուրքը հանդերձապահ է կարգուած նոյն գիտաւորութեամբ ինչ որ սլաւոնը՝ սենեկապան:

Վարդը խորհուրդ արեց Դամիանի հետ եւ որոշեցին Թէոկտիստին մէջտեղից վերացնել: Դամիանը խօսեց Միքայէլի հետ, բացատրեց գործի նշանակութիւնը եւ նրա հաւանութիւնն առաւ: Վարդը սենեկապանի բերանով հասկացրեց գեռահաս Թագաւորին, որ ցորժամ Թէոկտիստը Թագուհու հետ է, ունայն պիտի լինի երազել իշխել կամ ինքնազրուի լինել²: Պարզեց նրան, որ գահի օրինական ժառանգը միշտ հետու պիտի պահուի իշխանութիւնից, քանի որ կենդանի է նենդամ լուրջութեամբ, այդ անարգ ներքինին, որ մտադիր է ամուսին գտնել Թէոդորայի կամ նրա դուստրներից մէկի համար եւ նրան յանձնել իշխանութիւնը:

1 Georg, 715 և 820.
2 Leo Gram., 226-236. Georg, 821-822

Միքայէլի սիրտը նետի պէս խոցեց այս մերկացումը: Հրաման տուեց փութով գլուխ բերել դաւադրական գործը:

Վարդն ունէր եւ ուրիշ կուսակիցներ: Նախ իր քոյրը, այրի Կալո-մարիան, ապա իր փեսան, Սմբատը, երեւի, Բագրատունի իշխան, այլ եւ Մելիսեն տանից մի նախկին զօրավար: Սպանութեան ներկայ էր նաեւ Կոստանդին-Մանիակը: Թէոկտիստը սովորութիւն ունէր Արիորենդի բաղանիքը դնալ, յետոյ մտնում էր դիւանատուն, առնում օրուան թրդթերը եւ ուղղում կայսրուհու ապարանքը զեկուցման համար:

Կայսերական պալատը, որ բաղկացած էր մի շարք ընդարձակ շէնքերից, գտնուում էր հիպոսթրոմի կամ կրկէսի (այժմեան Աթ-մայդանի) կողքին արեւելեան կողմից: Թագուհին ապրում էր Քրիստոսիկլինոն կամ ոսկեւրահ կոչուած բաժնում, որի մուտքը կամ գուլթը կազմում էր հորուլիոնը, (այսինքն ժամատունը), ուր գտնուում էր արեւի ժամացոյց: Իսկ գուլթը մտնում էին լուսիակոն սրահից: Թէոկտիստը, ուրեմն, Թագուհու մօտ գնալու համար պէտք է անցնէր լուսիակոն սրահից հորուլիոն: Երբ նա մտաւ յիշեալ սրահ, տեսաւ զարմացմամբ որ Վարդը նստած էր այնտեղ: Կարծես թէ Միքայէլի մօտ էր գնում, կամ արդէն դնացել, գտնուում էր տուն: Մաստիկ խոտից, բայց ոչինչ չասաց, լուռ անցաւ խորհելով յայտնել Թագուհուն եւ նրա հրամանով քշել այնտեղից անկոչ եւ կասկածելի այցելուին:

Կալո-մարիան վերնայարկ սենեակի լուսամուտից, որ տեղից երեւում էր Միքայէլի բնակարանը նոյն Քրիստոսիկլինի բաժնում, պայմանաւորուած նշանը արեց Միքայէլին թէ Թէոկտիստը գալիս է: Հագիւ ոտ դրաւ լուրջութեամբ հորուլիոն, նրա առաջ դուրս եկան Միքայէլը եւ Դամիանը, չթողին որ Թագուհու մօտ գնայ եւ պահանջեցին որ հերթական զեկուցումը ներկայացնէ Միքայէլին: Յիշենք, որ Թէոկտիստը ոչ միայն պոստի լուրջութեամբ էր, այլ եւ այսպէս կոչուած կանիկլիոնի պետն էր: Բառացի նշանակում է Թանաքաման կամ զրչաման պահող, եւ իմաստով համազօր է դիւանապետի պաշտօնին: Թէոկտիստը կարդաց թղթերը ահաճութեամբ եւ բռնադատուեց չգնալ Թագուհու մօտ, այլ յետ դառնալ: Դառնապէս վիրաւորուած, արցունքն աչքերին, քրթմնջալով ընկրկեց եւ մտաւ լուսիական սրահ: Այդ միջոցին տեղից ցատկեց Վարդը, յարձակուեց Թէոկտիստի վրայ, սկսեց հարուածել երեսին եւ փետտել մազերը: Վիզլի դրունդարը, Մանիակը, միջամտել փորձեց, գոչելով, «մի

զարկիր լուսթեաին»։ Դաւազիրները քարչեցին իրենց զոհին մօտիկ Սկիլա սրահր եւ անինայ խողխողեցին¹։

Մի ուրիշ տեղեկութեամբ, երբ Թէոկտիստր գնում էր զեկուցում տալու, լաւսիակոն սրահում Վարդը, որ նստած որպէս թէ հանգստանալու, յանկարծ, դարանամուտ առիժի նման, նետուեց նրա վրայ։ Իսկոյն օգնութեան վազեցին պաշտօնանկ զօրավարներ (ապոստրատեզոս)։ Կալո-մարիայի նշանի վրայ Միքայէլը ելաւ իր բնակարանից եւ հրամայեց սպանել Թէոկտիստին։ Մինչ այն գետնաքարչ տարան լուսթեաին Սկիլա սրահր եւ փակեցին այնտեղ։ Թէոկտրոկայսրուհին, լսելով որ սիրելի միմիսարի կեանքը վտանգի մէջ է, եկաւ նրան փրկելու, բայց ի դուր ջանք։ Պաշտօնանկ զօրավարներից մէկը, Մելիսսեն տոհմից, կանգնեցրեց թագուհուն գոչելով բարկացայտ, «յետ կա՛ց, քաշուիր սենեակըդ, այսօր կուողների օր է»։

Կոստանդին հայ իշխանը, մարդասիրութիւնից մղուած, պահեց Թէոկտիստին Սկիլայի մէջ փակուած եւ չթողեց որ ներս խուժեն զինուորները, սրոնք սպասում էին կարգադրութեան հարեան չէնքում։ Կոստանդինը յոյս ունէր որ ընդհարումը կը լուծուէր Թէոկտիստի աքտորով եւ պէտք չէր լինի արիւն թափել տարապարտուց։ Նոյն կարծիքին էր նաև Վարդը։ Սակայն Միքայէլն ուրիշ խորհրդատուների ազդեցութեամբ աճապարեց սպանել տալ նախ քան թաղուհին կը կարենար աղմուկ բարձրացնել։ Անմիջապէս ներս թափուեցին զինուորները, սրոնք տարիկեան սկիւթներ էին կամ խաղարներ օտարական կոչուած գնդից *εταροι*։ Հսկասակ Կոստանդինի ջանքերին, որ պահում էր դուռը նրանց դէմ, սուբալին ներս, բռնեցին զժբախտ ներքինուն, որ թաղուել էր սեղանի տակ, եւ սրահար արին²։

Կոստանդին բարեսիրտ իշխանը, որ ուզում էր մի կերպ դիւրացնել Թէոկտիստի վիճակը, նոյն դերումն էր ինչ որ վերոյիշեալ Մանիակը, ուրեմն միեւնոյն անձը։ Դաւազրութեան մասնակից պաշտօնանկ զօրավարը Մելիսսեն տանից Վարդի մերձաւորներիցն էր եւ հաւանօրէն այն Փիլոթէոսն էր, որ դաւազրութիւնից յետոյ պրոտոսպաթար նշանակեց, անշուշտ, ի արիտուր իր աջակցութեան³։ Նա մնաց հաւատարիմ Վարդին մինչեւ վերջը եւ յիշատակուած է վերջինիս սպանութեան ժամանակ որպէս նրա բարեկամ, *πρωτοκλις*։

1 Georg, 822.
2 Genes., 87-90.
3 Ibid., 91.
4 Georg, 830; Symeon, 678.

Մելիսսեն տոհմը խնամի էր Վարդի հետ։ Սրա հօրեղբոր Մանուէլի դուստրը ամուսնացել էր ոմն Թէոփիլի հետ, նոյն Մելիսսեն տանից, մականունը Լիդիատէս¹։ Այսպիսով Փիլոթէի բարեկամութիւնը Վարդի հետ աւելի հասկանալի է դառնում։

Վարդի ոճիրը աւելի եւս ծանրացնելու նպատակով, նրան թշնամի պատմագիրները դիմում են Մանուէլի բարձր հեղինակութեան եւ նրա բերանով Սիրիլեան մի անէծք են տալիս Վարդին։ Որպէս թէ Մանուէլ Թէոկտիստի սպանութեան առթիւ ասած լինի. «սուրբ մերկացրիր, Վարդ, պալատում, պահիր վերադ մարմին կոտորելու համար»²։

Այս պիւթիական պատգամը կրկնում է մի ուրիշ պատմագիր աւելի պարզելով. «սուրբ մերկացրիր սպանելու Թէոկտիստին, պահիր վերադ ամենօրեայ սպանութեան համար»³։

Ակնարկը վերաբերում է Վարդի սպանութեան, որ եղաւ 866 թուին։ Մանուէլ այդ ժամանակ արդէն մեռած էր եւ անտեղի է նրան վերադրել մի գուշակութիւն, որ այլ բան չէ քան յերիւրանք post eventum։ Յիշենք նաև որ հայ զօրավարը հիմք չունէր քնքոյշ սէր տածելու դէպի մի ներքինի, որի պատճառով հեռացել էր արքունիքից, եւ ոչ էլ մեծ կարծիք ունենալու նրա վարչական կամ պետական կարողութեան մասին։

Թէոկտիստի կորուստը զգալի էր միմիայն Թէոդորայի համար, որը համարում էր նրան իր իշխանութեան սիւնը։ Գահազուրկ թաղուհին ապրեց երկար եւ ակննատես եղաւ որդու եւ եղբոր անկման եւ աղետայի վախճանին։ Նրան եւս վերադրում են յետնեալ գուշակութիւն։ Երբ լսեց սիրելի ներքինու մահը, Թէոդորան որպէս թէ վազեց հերարձակ իր սպարանքից դէպի սպանութեան տեղը, չկարողացաւ զսպել սրաի դասնութիւնն ու խորին վիշտը եւ նետեց որդու եւ եղբոր երեսին վիրաւորական խօսքեր, «անամօթ եւ ամբարիշտ դազաններ» անուանելով նրանց։ «Դո՛ւ, ապերախտ ծնունդ, ասաց իր որդուն, Թէոկտիստը քեզ համար երկրորդ հայր էր եւ բարիքի փոխարէն չարիք հատուցիր»։ Իսկ «դո՛ւ, նախանխանձոտ եւ չարախինդ դեւ, դարձաւ իր եղբորը, դու արատուորեցիր իմ մաքուր եւ անբիծ իշխանութիւնս։ Վերեւ Աստուած կայ, որ տեսնում է գործած ոճիրները եւ երկուսիդ համար էլ նոյն բռնի մահ է նախապատրաստում»։

1 Vita Nicolai, Migne, P. G., 105, col. 916.
2 Genes., 90.
3 Theoph. Cont., 171.

Լաց ու նզովք անօգուտ էին: Թագուհու խնամակալական իշխանութեան բախար սրոշուած էր ընդմիջտ: Միքայէլ եւ Վարդ անմիջապէս կանչեցին ծերակոյտը եւ նրա հաւանութեամբ յայտարարեցին որ Միքայէլն այսուհետեւ միահեծան ինքնակալ է:

Թէոկտիստի երկու պաշտօնից մէկը, կանխկիրոնի քարտուղարութիւնը, ստանձնեց Վարդը եւ միեւնոյն ժամանակ նշանակուեց սքոլնրի ղոմեստիկ, այսինքն պալատական կարեւոր գնդի պետ: Թէոկտիստի միւս պաշտօնը, լոգոթետութիւնը, քիչ յետոյ տեսնում ենք Վարդի փեսայի, Սմբատի, ձեռքին: Պէտք է կարծել որ անմիջապէս յաջորդել էր Թէոկտիստին:

Թէոգորան չէր ուզում հաշտուել իրականութեան հետ: Ծարունակում էր արտայայտել իր տնտուհն ու ցար: Միքայէլը սկզբում աշխատեց մխիթարել մօրը եւ ամոքել նրա վիշտը, բայց դահճնկեց իշխանուհու բարկութիւնը չէր նրատում եւ աւելի եւս սաստկանում էր որպէս «յորձանք ծովի»:

Կայսրը հարկադրուեց փոխել իր վարմունքը եւ սկսեց նախատել մօրը նոյնչափ, որչափ յտաջ ձեւանում էր սփոփիչ: Ապա կտրուկ միջոցի դիմեց, բաժանեց նրան իր աղջիկներից: Երեք աւագ դուստրներին, Թեկլա, Աննա եւ Անաստասիա, հանեց Կարիան կոչուած պալատից, որ իրենց հայր Թէոփիլ կայսրը շինել էր յատուկ նրանց բնակութեան համար մեծ պալատի շրջանում, և ուղարկեց համանուն մենաստանը Ոսկեղջուրի ափին Վլաքերնի եւ Դեքսոկրատ դրան (այժմ Այա-Կապու) միջեւ: Իսկ կրտսեր աղջկան Պուլքերիային ինակեցրեց իր աւտի վանքում որ կոչուում էր Գաստրիա:

Թագուհի Թէոգորան առայժմ մնաց մեծ պալատում իր նախկին բնակարանում: Բայց շատ չանցած, սրան եւս հեռացրին Գաստրիա, ուր բերին և միւս աղջիկներին եւ հրամայեցին ընդունել վանական սքեմ:

Այս բռնութեան պատճառը որոնելու է Թագուհու անհանդիստ բնաւորութեան մէջ: Նա դեռ չէր հրաժարուել իր կորցրած դիրքը վերականգնելու ունայն յոյսերից: Բաւականին վճռական էր դաւեր նիւթելու համար, թէեւ ժամանակակից պատմագիրը վճռականութիւն չէ տեսնում, այլ լըրջմտութեան պակասութիւն այն վտանգաւոր փորձում, որին խիզախեց Թագուհին: Տակաւին պալատում, եթէ ոչ վանք քաշուելուց յետոյ, Թէոգորա մտածեց դաւադրութիւն կազմել Վարդի կեանքի դէմ: Կարողացաւ կուսակիցներ գտնել նոյնիսկ կայսրի մօտիկ շրջապատում: Իր կողմը ձգեց ախուպետին (պրոտոստարատոր): Վարդը քաղաքի արուարձա-

նում կալուած ունէր Կոսմիդիա կոչուած: Դաւադիրները վճռել էին յարձակուել նրա վրայ կալուածից քաղաք գալուս եւ սպանել: Սակայն, դաւադրութիւնը բացուեց նախ քան գործի անցնելը եւ յանցաւորները զլխատուեցին հրապարակաւ մեծ կրկէսում: Սպանուեց նաեւ ախոռապետը: Սրա տեղն անցաւ Վասիլ Մակեդոնացի Հայր, այն անձը, որին վիճակուած էր կործանել Վարդին եւ հիմը դնել կայսերական նոր հարստութեան: Վարդը արժանացաւ կիւրապալատութեան մեծ պատուին¹:

Պատմում են որ Թէոգորա սովորութիւն ունէր ստէպ այցելելու Վլաքերնի Ս. Աստուածածնի եկեղեցին, որ քաղաքի հիւսիս արեւմտեան ծայրումն էր: Մի օր այնտեղ գնալիս, Պետրոնը, Միքայէլի և Վարդի հրամանով, բռնեց նրան եւ աղջիկները հետ փակեց Կարիան պալատում: Քիչ յետոյ մեռաւ Թէոգորան եւ աղջիկների հետ տեղափոխեցին Գաստրի վանքը նաեւ նրա մարմինը, Վասիլ կայսեր կարգադրութեամբ²:

Այստեղ անճշտութիւններ կան: Ոսքը Կարիան պալատի մասին չէ, այլ համանուն վանքի, ինչպէս տեսանք վերեւ: Թագուհին փոխադրուեց իր մայրական Գաստրիա վանքը իր դուստրների հետ, երբ դեռ կենդանի էր, եւ ոչ թէ մեռնելուց յետոյ մարմինը տարան այնտեղ: Ծուռ չմեռաւ, այլ ապրեց եւ տեսաւ իր որդու սպանութիւնը: Ինչ որ կարեւոր է այս պատմութեան մէջ, այդ Պետրոնի յիշատակութիւնն է, որից հետեւում է որ Թէոգորան չէր վայելում նաև իր այս եղբոր համակրանքը:

Թէոգորայի տապալման տարին բացորոշ չէ: Պատմական տեղեկութիւնները հակասական են եւ խառնաչփոթ: Հաստատ է որ Միքայէլը եւ նրա հետ Թէոգորան գահ բարձրացան 842 թուին յունուարի 20ին, երբ մեռաւ Թէոփիլը: Միքայէլը սպանուեց 867 թ. սեպտեմբերի 24ին³: Ասել է թէ Միքայէլը Թագաւորեց 25 տարի եւ ութ ամիս: Ստոյգ է նաև որ 866 թուի մայիսի 26ից նրան Թագակից դարձաւ Վասիլը եւ միասին իշխեցին մի տարի եւ չորս ամիս: Հետեւապէս Միքայէլը մօր հետ և միայնակ Թագաւորեց 24 տարի և չորս ամիս: Բայց քանի տարի տեւեց մօր ընկերակցութիւնը կամ խնամակալութիւնը եւ երբ սկսուեց իր անկախութիւնը, այստեղ է որ սկսում են աղաղակող տարաձայնութիւնները:

1 Georg, 822-823; Symeon, 657-658.
2 Theoph. Cont., 174.
3 Ibid, 210.

Տրամադրելի վեց աղբիւրներից իւրաքանչիւրը իր սեփական հաշին ունի, որ անյարիր են միմեանց:

Հաշտեցնել այդ թուերը միմեանց հետ առանց բռնագրութիւնի ճիշդերի դժուար է: Նոյնքան դիւրին է նկատել որ աղբիւրներից եւ ոչ մէկը գոհացուցիչ չէ: Արդարեւ, Թէոդորային եւ Միքայէլին զատ զատ տալիս են այնքան տարիներ, որ գումարը դերագանցում է երկուսի թագաւորութեան խկական տեւողութիւնը:

Ուշագրաւ է որ վեցերորդ աղբիւրը յատկացնում է Թէոդորային 15 տարի եւ ութ ամիս, իսկ Միքայէլին 9 տարի, ուրեմն միասին 24 տարի եւ ութ ամիս: Գումարը չի համապատասխանում ո՛չ Թէոդորայի եւ Միքայէլի տարիներին որ է 24 տարի եւ 4 ամիս, եւ ո՛չ իսկ Միքայէլի ամբողջ թագաւորութեան, այսինքն Վասիլի մէկ տարի եւ 4 ամիս ընկերութիւնը եւ հաշուած, որ կազմում է 25 տարի եւ 8 ամիս: Մի դէպքում աւելի է չորս ամիս, միւս դէպքում պակաս մի տարի:

Ամեն պարագային կարելու է 15 տարի եւ 8 ամիս թիւը, փոխանակ 14 տարի 1 ամիս եւ 22 օրուան: Իրաւամբ ենթադրում է որ այստեղ հաշուի է առնուած նաեւ այն ժամանակը, որ Թէոդորան մնացել էր պալատում, Թէոկտիստի սպանութիւնից յետոյ, մինչեւ որ քաջուեց Գաստրիա մենաստանը: Երկու թուերի տարբերութիւնը մօտ մէկ ու կէս տարի է: Հետեւապէս թագուհին 856 թ. մարտի 12ից յետոյ շարունակել է ապրել պալատում եւս մէկ ու կէս տարի, մինչեւ 857 թուի սեպտեմբերի 12:

Ժամանակակից պատրիարքը, Իգնատիոսը, Հռոմայ պապ Նիկողայոսին ուղղած գրութեան մէջ հաղորդում է, որ Միքայէլը Վարդի զրդամբ հրամայեց խուզել Թէոդորայի եւ դուստրների մազը, բայց ինքը բաց է ի բաց մերժեց, տեսնելով որ թագուհին եւ իր դուստրները ցանկութիւն չունէին կրօնաւորական կեանքի և լսկ մի բռնութիւն էր որ դործում էր նրանց վրայ: Պատրիարքը աւելացնում է որ այս իսկ պատճառով իրեն եւս քչեցին աթոռից¹:

Արդ պատրիարքին հեռացրին 858 թուին նոյեմբերի 23ին, որով եւ թագուհու մազ կտրելու հարցը ընկնում է նոյն ժամանակները: Այստեղից հետեւցնում են որ Թէոդորան թողած պիտի լինի պալատը ոչ թէ 857 թուին, այլ 858ին մինչեւ նոյեմբերի 23: Ուրիշ խօսքով, 15 տարի 8 ամիսը սըր

1 Migne, P. G., 105, col. 857.

բազրում է 16 տարի եւ 8 ամիս եւ ուրեմն պակաս տարին լրանում է¹:

Հաւանական կարծիք է: Սակայն ապացոյց չունինք որ պալատից արտաքսուելը եւ կրօնաւորելու բռնութիւնը կատարուած լինի միաժամանակ: Հնարաւոր է որ միմեանցից անջատ վայրկեաններ են: Թէոդորային նախ բնակեցնում են Գաստրիա, ուր բերում են Կարիան վանքից երեք դուստրներն եւս, եւ բոլորը մի տարուց յետոյ բռնադատում են հազնել վանականի սքեմ: Այս դէպքում պակասորդ տարին աւելցնելու է Միքայէլի թագաւորութեան թուին, ինն ուղղելով տասն:

Իսկապէս Թէոկտիստի սպանութեամբ է որ վերջ գրուեց Թէոդորայի կառավարութեան: Պալատից վտարու՛մք եւ կամ կրօնաւորելը երկրորդական պարագաներ են: Յուսահատ թագուհին ապրեց այնուհետեւ դեռ երկար տարիներ անզօր հանդիսատեսի համեստ դերում եւ անհաղորդ քաղաքական ետեւեւին:

X

Ի՞նչ է Թէոդորայի պատմական կշիռը:

Վերջիչենք որ նա կայսերական տունը մտաւ 821 թ.: Այդ օրուանից պետական եւ քաղաքական կեանքին հետեւելու հնարաւորութեան մէջ էր, մանաւանդ որ իր ամուսինը, Թէոփիլը, թագակից էր հօրը նոյն 821 թուից սկսեալ: Չինւորական առաջնակարգ ընտանիքից էր: Մամիկոնեան արիւն ունէր եւ զուրկ չէր տոհմական գծերից: Ինքնուրոյն շարժւածքը, խիզախ ու հրամայական ոգին եւ իշխելու տենչը, յատկութիւններ որ միայն ուսճանալ կարող էին նրա ամբասիր գեղեցկութեան հովանու տակ: Կանացի արտակարգ հմայքը, կնոջ այդ տիրական դէնքը, մնաց ընտանեկան սրբութեան չըջանում եւ հրապարակ չհանուեց փառասիրական եւ քաղաքական նպատակների սպասարկութեան համար: Թէոդորան առաքինի էր եւ այն ժողովրդական մեծ համարումը, որ վայելում էր, պարտական էր իր մաքրութեան: Թէոփիլը որ ի բնէ հակում ունէր գեխութեան եւ շուայտութեան, սեղմուեց վայելչութեան սահմանների մէջ չնորհիւ իր ամուսնու սրբակեցութեան:

Պատմում են, որ մի անգամ միայն Թէոփիլը թուրութիւն ունեցաւ սայթաքելու պգաստութեան ուղից եւ մեղ-

1 Bury, History of the Eastern Roman Empire, App. VII.

աստէր կապ հաստատեց իր կնոջ նախնիներէն մէկի հետ, յափշտակուած նրա սքանչելի գեղով: Վշտի եւ նախատինքի ամպերը նստեցին վիրաւորուած թագուհու դէմքին եւ զղջման բերին անառակ ամուսնուն: Դաւաճանը ստիպուած էր խոնարհել եւ թողութիւն խնդրել նրա տիրամած եւ վեհ պատկերի առաջ¹:

Թէոզորան անպայման ազդեցութիւն ունէր իր մարդու վրայ եւ անմասն չէր նրա գործունէութեան: Մի բնորոշ դէպք է յիշուում որպէս թէ ի փառաբանութիւն Թէոփիլի, բայց էապէս Թէոզորան է, որ արժանի է գովքի: Մեծ պալատի ծովահայեաց պատին յենուած մի վայր կար, ուր յառաջ աւազան է եղել, բայց այն օրից երբ թագաւորի մանուկը խեղդուել է այնտեղ (խօսքը Թէոփիլի եւ Թէոզորայի անդրանիկ երեխայի, Կոստանդնի, մասին է), աւազանը ոչնչացրել էին եւ նրա տեղը շինել բարձրադիր մի պարտէզ առանձին պատշգամով: Այստեղից մի հրաշալի տեսարան էր բացուում դէպի քաղաքի շրջակայքը եւ ծովը, ուր յաճախ դրօսնում էր կայսրը ախորժանքով: Մի անգամ երբ Թէոփիլը գրօսնում էր այնտեղ, կամ ինչպէս ասողներ կան, ընթրում էր, նկատեց մի փարթամ նաւ, ծանրաբեռնուած, բարձրաբերձ կայմերով, որ ջրի վրայ սուրալով արագօրէն փոեց իր մեծութեան լայն ստուերը նաւահանգստի վրայ: Կայսրը զարմացաւ, որովհետեւ նաւահանգստը պայտաւկան Բուկոլիոնն էր, եւ հետաքրքրուեց իմանալ, ո՞ւմ էր պատկանում այն հարուստ նաւը: Ասացին, որ նրա տէրը ոչ այլ ոք է եթէ ոչ ինքը կայսրուհին: Թէոփիլը խռովեց, բայց սքօղեց իր վրդովմունքը, սպասեց մինչեւ այն օրը, երբ սովորութիւն ունէր շրջելով գնալ մինչեւ Վլաքերն եւ ամեն ոք կարող էր մօտենալ եւ իր ցաւը յայտնել երկրի տիրոջ: Երբ հասաւ օրը, կայսրը շեղեց իր ուղին դէպի Բոսպոր (Վոսփոր), ուր կանգնած էր նաւը եւ բարձրացաւ մտաւ նաւը, անցաւ ցռուկը եւ դառնալով իրեն ուղեկից ծերակուտականներին հարցրեց թէ նրանցից ով պէտք ունի գինու, հացի թէ այլ մթերքի: Երկիւղածօրէն պատասխանեցին թէ իրենք ոչ մի բանի կարօտութիւն չեն զգում, յորմէ հետէ գահի վրայ է կայսրը: Թէոփիլը ստիպուած էր պարզել իր միտքը. «մի՞թէ չգիտէք, որ ես, աստուածընտիր կայսրս, դարձել եմ նաւատէր շնորհիւ կնոջս», եւ հառաչելով աւելացրեց՝ «ես հռովմէական կայսրս եւ կինս առեւտրով ենք դրադած»:

Այսպէս խօսելուց յետոյ հրաման տուաւ կրակ դնել եւ

1 Theoph. Cont., 95.

այրել ամբողջապէս նաւը իր ապրանքներով հանդերձ: Միեւնոյն ժամանակ կշտամբեց թագուհուն եւ անգամ սպառնաց մահուան պատիժ տալ, եթէ երբեւէ ձեռնարկէ նման մի գործի¹:

Պատմագիրներից մէկը վկայում է որ նաւի ապրանքը մեծաքանակ էր եւ շատ յարգի եւ խնդրելի շուկայում, բայց եւ այնպէս կայսրը չխնայեց ոչնչացնել բոլորը յանուն արքայական պատուասիրութեան, որի համար թանգ է այն հարստութիւնը որ ձեռք է բերուում խնամելով ժողովուրդը եւ ոչ թէ կլանելով²:

Այս խօսքերի իմաստն այն է թէ Թէոզորայի առեւտրական ձեռնարկը մի տեսակ կեղեքումն էր, երեւի, այն նկատումով որ դրանով նա, ինչպէս ասում են, ուրիշի հացն էր կտրում: Նեղմիտ հայեացք է եւ հաւանօրէն խորթ Թէոփիլին: Կայսրի դժգոհութեան պատճառն այն էր որ թագաւորական տանը վայել չէր համարում վաճառականութեամբ զբաղել:

Երկու տեսակէտն էլ անհիմն են եւ անզօր ուղղելու կայսրուհու հասցէին որեւէ պարսաւ: Քաջալերիչ առեւտրը անհատական ձեռնարկութեամբ եւ հարստացնելու պետական գանձարանը մի գովական ջանք է, որի դէմ գինուէլ կարող է միմիայն հնամենի նախապաշարմունքը: Արքայական կնոջ այս համարձակ քայլը, նախաձեռնող ոգին, բացառիկ երեւոյթ է այն ժամանակների համար եւ պերճախօս վկայական նրա մտաւոր կարողութեան: Ընչաքաղցութիւնը չէր որ մղեց նրան սեփական առեւտրական նաւ ունենալ: Թէոզորան խնայող էր եւ տնտես: Ելմտական աչալուրջ քաղաքականութեամբ կարողացաւ լցնել պետական գանձարանը, որ իր ամուսնու օրով գրեթէ դատարկուած էր: Թէոփիլի բազմաթիւ փառահեղ շէնքերը ամենազնիւ եւ թանգ նիւթերից կլանել էին հսկայական գումարներ:

Երբ Թէոզորան թողնելով գահը պիտի քաշուէր մենաստան, հարկաւոր դատեց, նախ քան պալատից հեռանալը, կանչել ծերակոյտը եւ գանձարանի հաշիւը ներկայացնել: Երեւաց որ թագուհին կարողացել է ամբարել բաւականին խոշոր գումար, 1090 կենդինար ոսկեղրամ եւ երեք կենդինար արծաթ³: Կենդինարը հարիւր լիտր է, իսկ լիտրը պարունակում է 72 դրամ (նոմիսմա), որով 1090 կենդինարը հաւասար է 7,848,000 դրամի, հաշուելով ոսկեղրամը կամ

1 Gen., 76-77; Theoph. Cont., 88.
2 Gen., 76.
3 Gen., 90; Theoph. Cont., 171-172.

նոմիամա մերձ 12 ոսկէ Փր. կը ստանանք 94,176,000 Փր.: Այն ժամանակները ոսկին մօտ հինգ անգամ աւելի թանգ էր քան ներկայումս, ուստի եւ թէոզորայի պահեստի գանձը զնահատելու է մերձաւորապէս 470 միլիոն Փրանկ: Եթէ ի նկատի առնենք, որ պետական ընդհանուր մուտքը տարեկան 100 միլիոնի շուրջն էր, թէոզորայի խնայողութիւնը պատկառելի էր եւ նախանձելի ժամանակակից ֆինանսիստների համար:

Պետական գանձարանի բաւարար վիճակը իրաւունք է տալիս ենթադրելու որ թէոզորայի նաւի զրոյցը պատմական հիմ ունի եւ եթէ իսկութիւնն չէ, գրական հաւատարիմ դողանջ է այն ջանքերին, որոնցով թագուհին խրախուսած պէտք է լինի ծովային առեւտուրը, գիտակցելով նրա կարեւորութիւնը պետական տնտեսութեան բարգաւաճման համար: Զրոյցս ցոյց է տալիս նաեւ որ թէոզորան հետաքրքրւում էր պետական գործերով դեռ ամուսնու օրով եւ ուրեմն այն վայրկեանին, երբ տէրութեան բախտն իր ձեռքն անցաւ, անսիրտ էլ համբակ ոմն չէր: Պատասխանատու էր իր օրով տիրական քաղաքականութեան:

Թէոզորայի գործունէութեան հաշուեկշիռը բարդ չէ: Փայլուն գործեր չկան հրապարակի վրայ: Արտաքին ճակատում պարծենալու հիմ չունէր: Թշնամուն չէր ըմբերանել կամ ծունկի բերել, թէեւ խոստովանելու է որ խաղաղութիւնը չէր վտանգուել տարապարտուց եւ ոչ պետութեան սահմաններն էին տուժել:

Ի՞նչ որ կազմում է թագուհու փառապսակը, այդ իր եկեղեցական քաղաքականութիւնն է: Նա էր պատկերապաշտութեան ախոյեանը: Երեսուն տարուց հետէ անտեսած պատկերները նորէն եկան եւ շարուեցին պաշտամունքի սեղանի վրայ շնորհիւ թագուհու: Հների ասելով, բարեպաշտութեան յաղթանակն էր, եւ թէոզորան արժանի ամեն փառաբանութեան, արժանի սրբերի դասը թառելու: Նոյնը երկրորդում են եւ նոր պատմագէտներից շատերը:

Սակայն, յայտնի է, որ հակառակ բանակը եւս գործում էր բարեպաշտութեան անունով: Զգացումը, որքան եւ յարդի, բաւական չէ պատկերների հանդոյցը քակելու եւ մեկնելու համար: Մեր նպատակից դուրս է կրկտել հարցի տեսաբանութիւնը, կանգ առնել նրա ծագման եւ զարգացման վերայ: Մեզ հետաքրքրում է այժմ հարցի յեղաշրջումը թէոզորայի օրով եւ թէոզորայի դիրքը: Արդեօ՞ք լուր բարեպաշտութեան մի տուրք էր պատկերների վերականգնումը թէ քաղաքական աստառ եւս կար նրա մէջ:

Սկսած 815 թուից եկեղեցական կեանքը հոսում էր խաղաղ իր ընդգրկած հունի մէջ: Ի՞նչ էր պատճառը որ յանկարծ զարթնեցին հանգած կրքերը եւ խմբուեցին թէոզորայի շուրջը:

Հին պատմագիրները լուրջ պատասխան չունին այս հարցին: Երեւում է որ իրենք եւս տեղեակ չէին գործի հանգամանքներին: Հարկադրուած էին որոնել այս կամ այն մեկնութիւնը համաձայն իրենց հասկացողութեան: Տրամադիր են մեծ կշիռ տալու թագուհու եւ իր մերձաւորների կրօնական համոզումներին:

Հաւատացնում են, որ թէոզորան եւ իր մայրը թէոկտիստէն ի ծնէ ջերմեռանդ պատկերապաշտներ էին, բայց ստիպուած էին դադարի պահել իրենց զգացմունքը թէոփիլի կենդանութեան: Մի ենթադրութիւն, իսպառ կամայական, որը հաստատելու համար պէտք էր դիմել հնարածոյ եւ թեթեւամիտ զրոյցների օգնութեան:

Այսպէս, պատմում են որ պալատում ապրում էր մի խղճուկ արարած, մի ոչնչութիւն, նոյնքան արհամարհելի որքան Հոմերոսի Թերսիտը: Անունը Դենդեր(իս), ծաղրածու եւ զուարճախօս, որ կատակներով եւ անդուռն բերանով զուարթացնում էր թէոփիլ կայսրին:

Մի անգամ մտնելով թագուհու ննջարանը, այս խեղկատակը նկատեց որ թագուհին համբուրում է պատկերներ եւ դնում իր աչքերին: Կեղծելով որ իբրեւ թէ ոչինչ չէ հասկանում, հարցրեց թէ այդ ի՞նչ է: «Իմ անոյշ տիկնիկներս են, պատասխանեց թագուհին, որոնց ես այնքա՛ն սիրում եմ»:

Թէոփիլը ճաշի վրայ էր երբ մօտեցաւ Դենդերիսը: «Ու՞ր ես կորել», հարցրեց կայսրը: Միմոսը պատասխանեց որ Մանայի մօտ էր (այդպէս էր կոչում թէոզորային) եւ պատմեց իր տեսածը թէ որպէս կայսրուհին հանում էր բարձի տակից փոքրիկ տիկնիկներ եւ համբուրում:

Կայսրը բարկացած վեր կացաւ տեղից եւ գնաց ուղիղ թէոզորայի մօտ, սկսեց նախատինք թափել եւ անուանել նրա արածը կռապաշտութիւն: Ամուսնուն հանգստացնելու համար թագուհին ստեց ասելով որ կասկածներդ անտեղի են: «Ես եւ իմ նաժիշտներս նայում էինք հայելու մէջ եւ Դենդերը տեսնելով մեր փոքրիկ պատկերները հայելում, կարծել է թէ տիկնիկներ են եւ եկել յիմարաբար մոլորեցրել է զեզ»:

Թէոփիլի բարկութիւնն իջաւ: Թէոզորան մի օր լաւ ծեծել տուեց Դենդերին, սաստելով որ խելքը գլխին պահէ և

տիկնիկների մասին չիօսի այլևս: Անցաւ մի քանի ժամանակ եւ կայսրը հարցրեց ծաղրածունին թէ արդեօք Մանան դարձեալ փաղաքշո՞ւմ է տիկնիկներին: Մի ձեռքը բերանին դնելով, միւսը՝ ետելը, շննջաց. ս՛ս, լո՛ւո, լուռ կենանք տիկնիկների մասին¹:

Նման կերպով ապացուցանել են փորձել եւ Թէոդորայի մօր, Թէոկտիստէի, բարեպաշտութիւնը պատկերների խնրում: Արդէն առիթ ունեցանք յիշելու վերեւ, ինչպէս Թէոկտիստէն, երբ իր թոռները այցելութեան էին գալիս, հանում էր արկղի մէջ պահած սուրը պատկերները եւ համբուրել տալիս երեխաներին:

Մանուէլ զօրավարը, Թէոդորայի հօրեղբայրը, որ կրօնական խնդիրներից հեռու կանգնած գինուորական էր, նա եւս որպէս թէ հակուում է պատկերների կողմը հետեւեալ առթիւ: Մի անգամ ծանր հիւանդացաւ, գրեթէ մահամերձ, և կանչեց Ստուդիոնի վանքի կրօնաւորներից մէկին որ թաղման պատրաստութիւն տեսնէ: Վանականը համոզեց հիւանդին որ անպայման կ'առողջանայ, եթէ խոստանայ վերահաստատել հայածուած պատկերները²:

Թէ որքան շինծու է այս գրոյցը, երևում է նրանից որ մի ուրիշ տեղեկութեամբ հիւանդացողը Մանուէլը չէր, այլ իր կինը, Հեղինէն, եւ բուժողը՝ Նիկողայոս վանականը Ստուդիոնի միաբանութիւնից: Հիւանդութիւնն էլ այն էր, որ երեխաները մեռած էին ծնում³:

Մանուէլը բուժուեց հիւանդութիւնից հրաշքով եւ ջանաց կատարել իր յանձնառութիւնը: Նախ դիմեց թագուհուն, նրան համոզելու համար: Չնայելով այն հաւաստիացումին թէ Թէոդորան, իր մայրը եւ քոյրերն ու եղբայրները գլխովին համակիր էին պատկերապաշտութեան, Մանուէլի առաջարկը չոգելորեց թագուհուն և չգայթակղեցրեց նրան իսկոյն եւ եթ: Պէտք էր բեկանել նրա ընդդիմութիւնը: «Իմ ամուսինս, երանեալ կայսրը, բաւականաչափ իմաստուն էր եւ գիտէր ինչ որ հարկաւոր էր անել, առարկում էր թագուհին: Արդ՝ ի՞նչպէս մենք անտեսենք նրա սահմանած կարգը եւ հետեւենք ուրիշ ուղղութեան»⁴:

Թէոդորայի վարանումը փայլուն փաստ է որ պատկերների խնդրում նա համերաշխ էր իր սիրելի ամուսնու հետ և այլ համոզմունք չէ դաւանել քան ինչ որ ընդունուած էր և

1 Theoph. Cont., 91.
2 Gen., 79; Theoph. Cont., 148.
3 Migne, P. G., 105, col. 916
4 Gen., 80.

հանրացած պետական շրջաններում նախորդ կայսրների օրով: Ակներեւ է որ նրա մասին յերիւրած գրոյցները պատմական հիմ չունին: Թէոդորան խոնարհեց Մանուէլի նախածեռնութեան առաջ, երբ լսեց նրա սպառնական նախազգուշացումը: «Եթէ չհողաս վերականգնել պատկերների պաշտումը, խրոխտաց Մանուէլը, այլ կերպ կը տնօրինուի, Աստուծոյ օգնութեամբ, այն ամենը ինչ վերաբերում է ողջմտութեան եւ քո թագաւորութեան»:

Այս խօսքերը մի ակամայ խոստովանութիւն են որ պատկերապաշտներն ունէին նաեւ քաղաքական շարժառիթներ: Կրօնական յեղաշրջումը նկատուում էր նրանց կողմից որպէս միջոց ապահովելու դահը: Միայն մի բան ուղղելու է, որ այս տեսակէտը չէր կարող պատկանել Մանուէլ զօրավարին եւ սպառնալից խօսքերը ի դուր են դրուած նրա բերանը: Խնամակալի կոչումով դահը պաշտպանելու համար նա պէտք չունէր որեւէ կողմնակի նեցուկի: Բաւական էր ժողովրդական ընդհանուր համակրութիւնը, որ նրա կողմն էր, ինչպէս երեւաց կրկէսի հանդէսում:

Մանուէլի դերը անպայման չափազանցրած է պատկերապաշտութեան խնդրում: Նա ոչ մի կերպ չէր կարող նախածեռնողը լինել: Իսպառ արժէք չէ տալու այն տեղեկութեան, իբրև թէ Մանուէլին բժշկող վանականը նրա վաղեմի բարեկամն էր, ծանօթ տակաւին այն ժամանակից, երբ նա Արմենեակեան թեմի սպարապետն էր, եւ կամ այն որ Մանուէլը նախ խորհրդակցել է իր ընկեր-խնամակալների հետ եւ նրանց հաւանութիւնն առնելուց յետոյ դիմել Թէոդորային: Սրանք նոր աղբիւրի շիթեր չեն, այլ բանաբաղի ինքնարուխ յաւելումներ մեզ արդէն ծանօթ, եւ նրա կողմից կրկնուած, տեղեկութեան¹:

Մանուէլին վերապահած դերը և այս առթիւ հիւսուած պատմածները հեռու են իսկութիւնից: Անգամ վիճելի է, արդեօ՞ք Մանուէլը կենդանի էր այդ ժամանակ: Կասկածը, տեսանք վերեւ, հնարաւոր է: Նրա վրայ շատ բան է կուտակուած: Պատկերապաշտութեան վերականգնումի պատիւն էլ աւելացրել են, ըստ երեւոյթին, այն պատճառով, որ հայ զօրավարը իր բարոյական նկարագրով մի հեղինակաւոր վեհութիւն էր, մի բարձունք, որտեղից դիւրին էր դիտել եւ նրա լոյսով մեկնել այն երեւոյթները, որոնց համար բաւարար բացատրութիւն չունէին այլուստ:

1 Theoph. Cont., 148-149.

գականները եւ մերձաւորները, հօրեղբայրը, եղբայրները, քոյրերը, փեսաները եւ մի շարք այլ հայեր: Պատրիարքական աթոռի վրայ էր Յովհաննէս հայ պատրիարքը, Թէոփիլի եւ Թէոդորայի անձնական բարեկամը եւ նրանց երեխաների կնքահայրը:

Եթէ գահին վտանգ կար, այդ կարող էր ծագել միայն այս շրջանից: Թէոկտիստի ակնարկը ուղղուած է գահի շուրջը վիտացող ոյժերի հասցէին եւ ամենից առաջ շօշափում է Մանուէլի, Վարդի անձնաւորութիւնները: Միւս կողմից պալատական մթնոլորտը եւ պետական շրջանները տողորւած էին պատկերամարտ ոգիով: Եկեղեցու աչքում եւս պատկերամարտութիւնը համարուում էր կայունացած դրութիւն: Մակայն, Բիւզանդիան այնպիսի մի միջավայր էր, ուր փառքի եւ մեծութեան դոները բաց էին բոլորի առաջ, միայն խիզախել էր հարկաւորը, ուստի եւ տեւական երեւոյթները ձանձրալի էին թւում եւ ցնցումները պատրիչ: Կարելի էր նորից արծարծել պատկերների խնդիրը, դժգոհ ոյժերը հրապարակ հանել: Հակառակորդներին ընկճելու եւ ոչնչացնելու միջոց է: Թէոկտիստ յոյս ունէր, որ Թէոդորային շրջապատող հայ կարող դէմքերը, որոնք վտանգաւոր էին Թէոկտիստի համար եւ ոչ թագուհու, պաշտպան կը հանդիսանան ընդունուած դաւանանքին եւ կ'ընդդիմանան պատկերների ընդունելութեան: Այս դէպքում դժուար չէր նրանց ամբարիշտ յայտարարել կայսերական հաճութեամբ եւ այսպիսով հարուածել եւ վարկարեկել նաեւ նրանց քաղաքական հռչակը:

Այնուհետեւ Թէոկտիստի դիրքը կ'ամրանար արքունիքում եւ Մեթոդիոսը կ'արժանանար պատրիարքութեան: Այս հաշուի մէջ ենք տեսնում պատկերների անակնունելի վերակենդանութեան քաղաքական շարժառիթը:

Մեթոդիոսը գործի գլուխ անցած սկսեց նախապատրաստական աշխատանքները՝ յաջողցնելու նոր ժողովի գումարումը: Նախապատրաստութիւնը տեւեց մի տարի: Վերջապէս կայացաւ մեծ դատաստանը 843 թուի մեծ պասի առաջին կիրակին, մարտի 11ին: Թողնենք մանրամասնութիւնները: Ժողովը հրաժարեցրեց Յովհաննէս պատրիարքին եւ նրա տեղը ընտրեց Մեթոդիոս եպիսկոպոսին: Թագուհի Թէոդորայի հրամանով Կոստանդին Հայր, վիզլի դրունգար եւ պատմագիր Գենեսիոսի պապը, ներկայացաւ Յովհաննէս պատրիարքին եւ առաջարկեց միանալ ժողովին, ընդունել նրա որոշումները պատկերապաշտութեան մասին եւ մնալ

պատրիարքական աթոռի վրայ: Հակառակ դէպքում պէտք է թողնէր աթոռը: Յովհաննէսը դիտնական էր եւ սկզբունքի տէր, անյողդողդ մնաց կայսերական սպառնալիքի դէմ եւ իջաւ աթոռից, պահելով իր համոզումը, յամօթ բոլոր նրանց, որոնք ամեն ջանք ու ճիգ են թափել սեւացնելու նրա յիշատակը: Յովհաննէսի հաստատամտութեան առաջ գուշատուում է այն լուսապսակը, որ կեղծ Չերմեոանդութիւնը հիւսել է Մեթոդիոսի գլխին: Նրա թշնամիները արատաւորեցին իրենք իրենց, ծանր և բիրտ վիրաւորանք հասցնելով հրաժարուած պատրիարքին: Զինուորներ զրկեցին հեռացնելու նրան պատրիարքարանից: Նրանցից մէկը սրով վիրաւորեց պատրիարքին: Հակառակորդները ասում են, որ Յովհաննէսը ինքն է իրեն դանակով վիրաւորել եւ մեղը ուրիշների վրայ ձգել¹:

Ուրիշ լուրերի համաձայն Յովհաննէս պատրիարքը իրօք ցանկացել էր վերջ տալ իր կեանքին: Այնչափ խուովել եւ վրդովել էին նրան աղետալի դէպքերը²:

Պատրիարքին վիրաւորել էին զինուորները, այս է ճշմարտութիւնը հակասական տեղեկութիւնների մէջ:

Մեթոդիոսի և ընդհանրապէս ժողովականների յեղյեղուկ նկարագրի համար շատ բնորոշ է եւս մի հանգամանք: Երբ ժողովը որոշեց նղովք կարգաւ բոլոր պատկերամարտներին, կայսրուհին պահանջեց որ Թէոփիլի անունը հանուի ցուցակից եւ նրան մինչեւ անգամ ներումն շնորհուի: Ծառայամիտ ձակուեց իր պատկերամարտ մեղքերից: Նրանց հլութիւնը եւ ապօրինի վարմունքը արդարացնելու համար հիւսուած են մի շարք գրոյցներ, որոնցից մի քանիսը դոնէ աւելի ծանրացնում են դործած յանցանքը քան մեղմացնում: Նախ որ պէս թէ Թէոդորան յայտնել է ժողովին որ իր ամուսինը կերները, որ ինքը Թէոդորան մօտեցրել է նրա շուրթերին³:

Պատմում են նաեւ որ թագուհին գաղտնի խօսակցութեան ընթացքին հաւատացրել է Մեթոդիոսին և Լեսբոսցի երկու եղբայր Սիմէոն և Գէորգ կրօնաւորներին, որ Մեթոդիոսի անձնական բարեկամներն էին, թէ հանդուցեալ Թէոփիլ կայսրը թողել է eulogia, այսինքն աջահամբոյր, նրանց համար այն պայմանով, որ իրեն չանիծեն որպէս հերետի-

1 Theoph. Cont., 151; Acta Davidis, Analecta Bollandiana, XVIII, 209.
2 De Exsilio S. Nicephori, Migne, P. G. 100, col. 164.

3 Theoph. Cont., 153.

կոսի: Սիմէոնը համաձայնել է եւ նրան հետեւել են միւսները¹:

Դարձեալ Թէոդորան համոզում է որ երազ է տեսել թէ ինչպէս Թէոփիլին շղթայակապ տանում են մի մարդու առաջ, որի ճակատին Քրիստոսի պատկերն էր: Թագուհին լալիս է եւ աղերսում իր ամուսնու համար եւ դատաւորը հրամայում է հրեշտակներին քակել նրա շղթաները:

Աջահամբոյրի խոստումը բաւական էր որ Մեթոդիոսը հնար գտնէր սէր սպիտակացնելու: Մի անգամ նա կազմում է բոլոր հերետիկոսների ցուցակը և դնում սեղանի վրայ: Թէոփիլի անունը եւս մտցրած է լինում ցուցակի մէջ: Յանկարծ երազ է տեսնում, մի մարդ մօտենում է նրան եւ ասում որ Թէոփիլին ներել է: Արդարեւ, երբ մօտենում է սեղանին, նկատում է որ ցուցակի մէջ Թէոփիլի անունը անյայտացել է եւ տեղը մնացել է բաց²:

Այս եւ նման գրոյցներ, որքան եւ տափակ եւ անարւեստ, մի մի հայելի են, ուր արտափայլում են ուղղափառութեան մասին ճառող, մեղաւորն ու արդարը զատող, եկեղեցականութեան դէմքերը իրենց սեպուհ խորշոմներով՝ դիւրաթեք բնաւորութիւն, չողոմարար եւ հաճոյակատար հակումներ, ուր իր տեղն ունի նաեւ կաշառակերութիւնը եւ անգամ անբարոյականութիւնը:

Նրանց բարձր մասին գաղափար տալու համար բաւական է յիշել Մեթոդիոսի քսամնելի արկածը, որը պատմելիս կխորշելի է: Նորընտիր պատրիարքին՝ Մեթոդիոսին վարկաբեկելու համար, պատկերամարտները լուր տարածեցին որ նա սիրային յարաբերութիւն է ունեցել մի կնոջ հետ, որը խոստովանում է իր մեղսակցութիւնը: Թէոկտիստը և Մանուէլը անյարմար դրութեան մէջ էին: Մեթոդիոսի բարեկամները հերքում էին մեղադրութիւնը, ասելով որ կինը կաշառուած է հակառակորդ բանակի կողմից եւ նրա վկայութիւնը ստաջող է: Սակայն կինը անանուն ոմն չէր, այլ այն Մետրոփանի մայրն էր, որ յետոյ Չմիւռնիայի եպիսկոպոս եղաւ: Հասարակութիւնը շուարած էր եւ յուզումը տարածուում էր:

Մեթոդիոս պատրիարքը չուզենալով ուղղափառութեան վարկը ձգել եւ գայթակղութեան քար դառնալ, ուրիշ աւելի վայելուչ միջոց չգտաւ արդարանալու քան մերկանալ հրապարակաւ իր ամօթանքը եւ ցոյց տալ որ, մարմնապէս արա-

1 Acta Davidis, Analecta Bollandiana, XVIII, 244.
2 De Theophanis absoluteione, Analecta Byzantino-russ'ca.

տաւոր լինելով, անատակ էր վերադրուած յանցանքին: Սըրբազան հայրը պատմեց նաեւ առանց ամօթխածութեան իր դժբախտութեան ծագումը, որ անվայել է մեզ կրկնել: Թագուհի Թէոդորան զիջեց, բայց փոխարէնը հրամայեց երկու հարիւր հարուած տալ մտրակով թշուառ պատրիարքին¹:

Այսպիսի մի միջավայրում, ուր բարեպաշտութեան անունով կարելի էր ամեն ոճիր գործել, Թէոկտիստ եւ Թէոդորան, յենուելով Մեթոդիոսի և նման հայրերի հեղինակութեան, գլուխ բերին պատկերապաշտութեան յաղթանակը:

Յոյն եկեղեցին եւ յունամիտ պատմաբանները հին եւ նոր կարող են ողջունել ՏԱՅ թուի յեղաշրջումը: Բայց բիւզանդական պետականութեան եւ քաղաքակրթութեան հետեւող միտքը պէտք է եւ իրաւունք ունի մօտենալ հարցին այլ զնահատականով եւ չափով:

Պատկերամարտութիւնը ոչ այն ծամածուռ գծերով, ինչպէս ներկայացնում են նրա ռիւերիմ եւ աչառու թշնամիները, այլ իր իրական պատկերով սեփականութիւն էր այն ժամանակուան լուսամիտ եւ կիրթ հասարակութեան: Պատկերապաշտութիւնը հրէշաւոր կերպարանք էր ստացել: Բաւական է յիշել, որ քահանաները քերում էին պատկերների ներկը, խառնում հաղորդութեան եւ տալիս հաւատացեալներին:

Պատկերամարտութիւնը մի նախարձակ ճառագայթ էր Պաւլիկեան զօրաւոր շարժման: Իսկ այս շարժումը ըստ հուստեան ի՞նչ էր, եթէ ոչ անդրանիկ փորձ՝ մտցնել բանակաւորութեան ճրագը եկեղեցու մէջ եւ նրա լուսով մաքրել, դտել կրօնական զգացումը եկեղեցական ծէսերի եւ անրմբունելի խորհուրդների ծանրութիւնից: Պատկերների վերականգնումը դարձաւ մի նշանաբան ընդդէմ մտքի եւ խղճի ազատութեան: Սկսուեց հալածանք:

Նոյն Թէոդորան և Թէոկտիստը մեծ զօրք զրկեցին արեւելք Պաւլիկեանների դէմ և ոչնչացրին մօտ հարիւր հազար մարդ, ինչպէս արձանագրում են պատմագիրները: Հետեւանքները շատ ծանր եղան պետութեան համար: Բռնութիւնն ու հալածանքը նետեցին Պաւլիկեաններին հարեւան մուսուլուս պետութեան գիրկը: Պաւլիկեանները որ բնական ամբարտակ էին Արաբների դէմ, դարձան նրանց դաշնակիցներ եւ մեծամեծ հարուածներ հասցրին կայսրութեան:

1 Genesis, 82-83.

Ինչ վերաբերում է հարցի քաղաքական կողմին, նա թագնուած է մեր աչքերից: Պատմագիրները լուծում են, կամ ոչինչ չգիտեն: Նորագոյն գիտնականները եւս կարծես թէ տրամագիր չեն, գոնէ վարանոտ են, քաղաքական նշանակութիւն տալ պատկերների շուրջը եւացող հակամարտութեան: Դժուար թէ կարելի է բաժանորդել այս տեսակէտը: Ամեն մի երեւոյթ որ ազդել է քաղաքական ոյժերի դասաւորման վրայ, նպաստելով թէ վնասելով, անպայման քաղաքական ազդակ է: Ուրանալ պատկերների հարցի նմանօրինակ ազդեցութիւնը դէմ է պատմութեան տուեալներին: Իր ծագումից մինչեւ անկումը այդ հարցը բոլոր քաղաքացիական կռիւների ժամանակ բեմի վրայ է եւ գործօն դերում: Լեւոն Իսաւրացու մահից յետոյ, երբ Արտաւազդ հայ իշխանը յափըշտակել ուզեց դահլ օրինաւոր ժառանգի ձեռքից, յայտարարեց իրեն հետեւորդ պատկերապաշտութեան եւ 742 թուին վերականգնեց նախորդի օրով խափանած պաշտամունքը: Այս գործողութիւնը ուրիշ նպատակ չունէր քան քարչել իր կողմը ընդդիմադիր եւ դժգոհ տարրերը: Արտաւազդը Լեւոնի փեսան էր եւ մերձաւոր գործակիցը: Նրա կենդանութեան չխոյսացաւ պատկերամարտութեան դէմ, պէտք չունէր, կրօնական զգացումը չվրդովեց: Բայց ապստամբելով դահաժառանգի Կոստանդին Կոպրոնիմի դէմ, յանկարծ փոխեց իր կրօնական դէմքը: Պատճառը միմիայն քաղաքական նկատումներն էին եւ ոչ եկեղեցական որեւէ նախանձախնդրութիւն: Թումա Գաղիւրացին, որ շատ հեռու էր կրօնական խնդիրներից, ծառանալով Միքայէլ Ամորացու դէմ 821-824 թուերին, հնարաւոր գտաւ կոչ անել ուղղափառութեան ընդդէմ պատկերամարտ կայսրի:

Քաղաքական հաշիւ կար եւ Թէոկտիստի քայլի մէջ եւ ուղղուած էր պալատական հայ շրջանների դէմ: Կրկնում ենք, հակամարտ բանակների բախումը չէ արձանագրուած եւ վարագուրուած է մեզնից: Բայց յաջորդող դէպքերը բարձրացնում են վարագոյրը եւ ցոյց են տալիս որ Թէոկտիստի վարկը մեծապէս շահեց նոր քաղաքականութիւնից: Դիրքը ամրացաւ պալատում: Անհամեմատ աւելի փայլուն և վաստակաւոր դէմքերը կամայ թէ ակամայ քաշուեցան հրապարակից, թողին իրենց բարձր դիրքերը: Յովհաննէս պարիարքից յետոյ չքացան պալատական սրահներից եւ պետական դիւաններից պրոտոմագիստր Մանուէլը, մեծ պատրիկ Վարդ եւ Պետրոն եղբայրները եւ միւս հայ նշանաւոր գործիչները:

Թէոկտիստը դարձաւ Թէոդորայի ամենագօր մինիստրը: Սակայն նրան վիճակուած չէր վայելել իր յաղթութիւնը լիովին:

Մամիկոնեան կտրիճները սովոր չեն անպատիժ թողնել ո՛չ ուրիշների անարգ յաղթութիւնները եւ ո՛չ իրենց անարժան պարտութիւնները:

Վարդ Մամիկոնեանը սպանեց Թէոկտիստին 856 թուին: Գրաւեց նրա բարձր եւ սկսեց մի փայլուն գործունէութիւն, որպէսզի պանծացնի իր արիւնոտ ձեռքը՝ զրելով նրանով իր անունը բիւզանդական քաղաքակրթութեան ոսկեմատեանի մէջ:



ՎԱՍԻԼ ՀԱՅԱԶՆ

(ՄԵԾԱԳՈՐԾ ԿԱՅՍԻՐ 867-886)

I

Անողորմ սպանութիւն էր, որ կատարուեց սեպտեմբերի 4ին 867 թուին:

Ս. Մամաս պալատում մեծ կոչունք էր: Պալատը դանում էր Ոսկեղջիւրի միւս ամիրն, այժմեան Գալատայում, որն այն ատենները դեռ քաղաքի մէջ չէր, արուարձան էր: Երիտասարդ եւ զուարճասէր Միքայէլ կայսրը սիրում էր մերթ ընդ մերթ վրդովել մենաւոր ապարանքի լուծիւնը աղմկալից խնջոյքներով:

Այս անգամ վերջին խրախճանքն էր որ վայելում էր կենսասէր թագակալը: Գինուց արբած, ախորժանքից թրմրած, կայսրը քաշուեց ննջարան: Խոնջութեան նիրհը արդէն կոխել էր, երբ շառաչիւնով ներս խուժեցին չարամիտ դաւադիրները: Մի խումբ հայեր էին Վասիլի առաջնորդութեամբ: Կայսրը արթնեց, կարծես, նրա համար որ տեսնէ ողբերգական վախճանը իր տակաւին երիտասարդ կեանքի: Մահապարտ սուրբերը շողացին եւ թշուառ զոհն ընկաւ անշընչացած:

Մինչ սպանուածի մայրը, գահազուրկ թէոդորան, եւ սեւազգեստ քոյրերը արցունք էին թափում արենաշաղախ դիակի վրայ, չարագործները շտապեցին անցնել Ոսկեղջիւրը: Մութ գիշեր էր, փոթորիկը ունում էր, ծովը խռովալոյզ՝ զարկում էր կատաղի ալիքները նաւին, որ տանում էր դաւադիրներին միւս ամիր, ուր սպասում էին համախոհները: Միասին սուրացին եւ մտան Բուկոլէոն, մեծ պալատի նաւամատոյցը: Այնտեղ եւս սպասողներ կային: Շարժուեցին դէպի մեծ պալատը եւ անարգել գրաւեցին:

Վասիլը հռչակուեց կայսր միահեծան:

Միքայէլին շատ բան էր պարտական նոր կայսրը: Սպանել բարերարին ապերախտ, ծանր գործ է: Սակայն սովորութիւն է արմատացած՝ դատել գործը ըստ հետեւանքն-

րի: Վասիլի ոճիրը տանում էր դէպի մեծութիւն, բաց էր անում պետութեան համար մի նոր եւ փառաւոր շրջան, երբ բիւզանդական քաղաքակրթութիւնը հասաւ իր գագաթնակէտին: Արիւնոտ ձեռքերը չգտան դատապարտողներ: Հասկանալի է: Պատմութեան լաւագոյն էջերը, փայլուն մեծագործութիւնները, վերասլացիկ երազները, գրեթէ բոլորը ողողուած են արիւնով:

Վասիլը, շատերի նման, անպարտ էր: Ասում են, պատասխանատուն ինքը չէր իր գործերի համար, այլ նախախնամութիւնը, որի հլու գործիքը լինելով, կատարում էր միայն այն, ինչ որ թելադրում էր վերին անտեսանելի գործութիւնը: Այսպէս է ներկայանում մեզ Վասիլը հէնց սկզբից այն սքանչելի գրոյցի մէջ, ուր նա երեւում է առաջին անգամ պատմութեան բեմի վրայ:

Տակաւին պատանի, լքեց Վասիլը հայրենի տունը եւ ճանապարհ ընկաւ դէպի մայրաքաղաք: Յոյս ունէր աշխատանք գտնել եւ օգնութեան գալ իր մօրը եւ դեռահաս եղբայրներին ու քոյրերին: Յուպը ձեռին, մախաղն ուսին, ոտով կտրեց երկար ուղին եւ կանգ առաւ մայրաքաղաքի պարիսպների առաջ: Ոսկի դրան մօտ էր, ուր եւ Ս. Դիոմեդի վկայարանը: Երեկոյեան դէմ էր, արեւը քաշում էր իր վերջին ճառագայթները: Շուտով մութը կոխեց: Ուղեւորը, յոգնած ճանապարհի նեղութիւնից, պառկեց վանքի պատի տակ եւ քուն մտաւ:

Գիշերը աստուածային մի ձայն արթնացրեց վանականներից մէկին. «վե՛ր կաց, գնա, ներս հրաւիրի՛ր կայսրին»: Կոստանդին Ծիրանածնի ասելով, վանականը մենաստանի վանահայրն էր եւ խորհրդաւոր ձայնը Ս. Դիոմեդ վկայինն էր: Վանականը գնաց, բայց դրանը կայսր չտեսաւ, այլ մի գեղջուկ փոշոտ ճանապարհորդ: Դարձաւ եւ քնեց:

Երկրորդ անգամ հնչեց միեւնոյն ձայնը նոյն պատուէրով: Վանականը նորից վեր կացաւ, գնաց, բայց դարձեալ կայսր չտեսաւ, փակեց դուռը եւ պառկեց քնելու: Շատ չանցաւ եւ մի ուժգին հարուած իջաւ նրա կողքին եւ լսուեց նոյն ձայնը. «գնա՛ եւ ներս բե՛ր նրան, որ պառկած է դրան մօտ: Նա ինքն է կայսրը»:

Երկիւղած վանականը գնաց եւ հրաւիրեց ներս աղքատ ուղեւորին: Յաջորդ օրը տարաւ բաղանիք, մաքրեց փոշուց, դարմանեց հոգածութեամբ եւ եղբայրական ուխտ կնքեց նրա հետ:

Այսպէս, նախախնամութեան ընտրեալը մտաւ քաղաքը

գամանքից եւ գլուխ բերել իրենց ծրագիրը: Անցնում են Գանուբ գետը, ուղղուելով դէպի ծովափ, ուր սպասում էին կայսերական նաւերը:

«Մակեդոնացիք», ուրեմն, գերիները, առաջնորդ էին ընտրել Կորդելին, որը, ինչպէս երևում է, գաղտնի յանձնարարութիւնը կատարելուց յետոյ, վերադարձել էր մայրաքաղաքից իր տեղը: Բուլղարները փորձում են արգելել գերիների փախուստը, բայց պարտուում են կուռում: Նրանց օգնութեան է գալիս հարեւան մի ժողովուրդ, որ մի անգամ կոչուում է հունգար, երկրորդ անգամ՝ թուրք, եւ երրորդ՝ չոնն: Սրանց գէժ եւս արիարար պաշտպանուում են փախուստականները, կուռելով երեք օր շարունակ եւ չորրորդ օրը յաջողում են նաւ նստել: Մի վերջին յարձակում է տեղի ունենում թշնամու կողմից, բայց մի կտրիճ երիտասարդ, Լեւոն Գոմոստ անունով, իր մի քանի ընկերներով դիմադրում է եւ քշում: Այս Լեւոնը յետոյ նշանակուում է Փեդերատների, կամ օտարներից կազմուած գնդի պետ, հետեւաբար:

Ինչպէս երեւում է, այս պատմութիւնը քաղուած է մի վաւերական լաւ աղբիւրից, բայց քաղողը շատ բան չփոթել է: Թէոփիլի ժամանակ Բուլղարաց թագաւորը Վալդիմերը չէր, այլ Մալամիր եւ սա էր Կրումի թոռը, մինչդեռ Վալդիմեր (Վալդիմիր) Բորիսի որդին էր եւ յաջորդը:

Հաւանօրէն Վալդիմեր սխալ ընթերցումի արդիւնք է: Միւսնոյն ժամանակ յիշուում է եւ Միքայէլ Բուլղարը, այսինքն Բուլղարաց թագաւորը: Միքայէլ քրիստոնէական անուն է Բոգորիսի (Բորիսի), որ Մալամիրի եղբօրորդին էր եւ յաջորդը: Շատ կարելի է որ Միքայէլ ընթերցումը եւս վրիպակ է փոխանակ Մալամիրի, եթէ միայն չենք ուզում ենթադրել, որ Միքայէլ Բոգորիսը կարող էր արշաւանքի վարող լինել ոչ իրեւ թագաւոր, այլ զօրավար, Մալամիրի թագաւորութեան ժամանակ: Միքայէլ Բոգորիս գահ բարձրացաւ, հաւանօրէն, 852 թուին: Հետեւապէս չէր կարող մասնակից լինել 837 թուի անցքերին որպէս թագաւոր:

Գերութեան առաջնորդները հայեր են: Կորդելը հայ է, ինչպէս վկայում է որդու Վարդ անունը: Հայ է նաեւ Կէօշէօզ որ երեւում է հայ բառ է: Սա նշանակուում էր Կորդելի կողմից իրեն տեղապահ, եւ չի յիշատակուում հետագայում թէ ի՛նչ եղաւ: Իսկ փախուստի ժամանակ զօրավարներ են յիշուում Կորդիլ եւ Յանց թէ Ճանճ:

Արդեօ՞ք Վարդը սպանուել էր կուռում: Այս մասին յի-

շտակութիւն չկայ: Հաւանական է որ Յանց թէ Ճանճ հէնց նոյն Վարդն լինի: Կրկնակի անուններից մէկն իսկական անունն է, միւսը մականուն, փութ անուն:

Ճշմարտութիւնից հեռու չենք լինի, եթէ ասենք որ Լեւոն Գոմոստը եւս հայ պէտք է լինէր: Հետեւաբարքները սովորաբար հայերից էին, եւ նրանց ձեռքի տակ զանուած գնդի մէջ հայերը նուազ թիւ չէին կազմում:

Բուլղարները գերեցին 813 թուին տասնեակ հազար մարդ Արքիանուպոլից: Ուրիշ աղբիւրից գիտենք, որ հետեւեալ տարին նոյնպէս մեծ գերութիւն հանեցին, ասպատակ սփռելով մինչեւ Արկադիոպոլ եւ դարձին գերի տարան 50 հազար ամբոխ: Թէ սրանց ոչ աննշան մասը հայեր էին, երևում է ոչ միայն նրանից, որ առաջնորդները, ինչպէս տեսանք հայ էին, այլ եւ որ աւարի եւ կողոպուտի մէջ յիշատակուում են յատկապէս «հայկական բանուածներ եւ ազնիւ զորքեր, զգեստեղէն եւ պղնձեղէն»:

Արքիանուպոլի գերիների մէջ էր նաեւ քաղաքի եպիսկոպոսը, Մանուէլը: Նրա հետ էին նաեւ Վասիլի ծնողներն ու ինքը մանուկ Վասիլը: Մանուէլ եպիսկոպոսը բուլղարներից շատերին դարձրեց քրիստոնէայ: Սակայն, Կրումի յաջորդը Մուտրագոն թշնամացաւ եպիսկոպոսին, փորձեց ուրանալ տալ քրիստոնէական հաւատը եւ վերջը մարտիրոսական մահով սպանեց նրան: «Վասիլի ազգականներից շատերը եւ նահատակուեցին, անմասն չմնալով մարտիրոսութեան պատուից», աւելացնում է պատմագիրը:

Գերիների թւում էր եւ մի անձն Կինամոն անունով: Սկզբում սիրելի եղաւ Օմուրտագին (որ նոյն Մուտրագոնն է) Բուլղարաց թագաւորին, բայց յետոյ բանտարկուեց, չուղենալով կրօնափոխ լինել եւ սպանուեց յաջորդ թագաւորի Մալամիրի օրով նմանապէս մարտիրոսական մահով:

Կինամ(ոն) պարթեւական անուն է, Kinnama, որ նշանակում է «մարդ, որի անունը քէն է», քինասինգիր: Պէտք է ենթադրել որ Կինամը եւս հայ էր: Հաւանօրէն Մանուէլ եպիսկոպոսն իսկ հայ էր: Անունը թէեւ սուրբբերեանական է, բայց այդ ձեւով աւելի հայկական է, ընդունուած շատ հնուց Մամիկոնեան տան մէջ: Նրա հետ են Վասիլի ծնողները եւ ազգականները, որոնցից ոմանք բաժնակից եղան նրա մարտիրոսութեան:

Գերութեան զոհերը, ինչպէս երեւում է, մեծ մասամբ հայեր էին:

Նրբ Վասիլը վերադարձաւ իր բուն երկիրը, մտաւ ծառայութեան Մակեդոնիայի զօրավարի մօտ, որ մեղ ծանօթ

Իր մերձաւորներից մէկը, որ գիտէր մեկնել երազներ, բացատրեց թէ այս դարձանալի երազը գուշակում է որդուն մեծ եւ փայլուն ապագայ: Մի ուրիշ անգամ երազում տեսաւ թէ ինչպէս մի ծերունի մարդ, որի բերանից բոց էր ելնում, ասաց պարզ եւ որոշակի թէ սիրելի որդիդ Վասիլը մի օր պիտի առնէ իր ձեռքը կայսերական իշխանութեան գայիտներ: Մայրը ապշած՝ հարցրեց թէ ո՞վ է խօսողը: Պատասխանեց, «ես եմ Եղիա» եւ չքացաւ: Այս աստուածային ներշնչումներից յետոյ մայրը համաձայնեց թողնել որդուն օտարութիւն:

Վասիլի կենսագիրը չի յիշում որ իր պապը, նախ քան մայրաքաղաք գալը, ծառայել է Մակեդոնիայի զօրավարի, Յանցի, մօտ:

Վասիլին ուղեւորուեց մայրաքաղաք «Թրակիական Մակեդոնիայից»: Ուշադրութեան արժանի է այս աստուածներ, որով հեղինակին ուզում է հարթել ծանօթ աշխարհադրական դժուարութիւնը:

Պատանին կանգ առաւ Ոսկէ դրան մօտ Ս. Դիոմեդի եկեղեցում: Երազատես վանականի անունը Նիկոլայոս էր: Սա մի եղբայր ունէր բժիշկ, որ դարձանում էր Թէոփիլից իշխանին: Թէոփիլիցը Վարդի եւ Թէոդորա կայսրուհու ազգականներից էր, որեմն հայ: Թէոփիլիցը նշանակում է փոքրիկ Թէոփիլ, այլապէս Թէոփիլիկոս, կամ Թէոփիլիդիոն, մականուն էր Paideuomenos: Բժիշկը դալով Ս. Դիոմեդ իր եղբոր մօտ, տեսաւ Վասիլին եւ հիացաւ նրա արտաքին տեսքից: Հետաքրքրուեց իմանալ, ո՞վ է նա: Եղբայրը պատմեց իր տեսիլը, խնդրելով գաղտնիք պահել:

Բժիշկը մի օր, երբ ճաշի էր Թէոփիլիցի մօտ, լսեց որ սա պէտք ունի մի կարիճ ձիապանի իր ախոռի համար: Առանց վարանելու յանձնարարեց Վասիլին: Տանտէրը իսկոյն եւ եթ մարդ զրկեց նրա ետեւից:

Թէոփիլիցը շատ հաւանեց Վասիլին: Սոչորագեղ երիտասարդ էր, զանգուր մազերով, մեծ գլխով, որի պատճառով եւ անուանեց նրան Kephala, մեծագլուխ: Աւելի յարմար ձիապան չէր կարելի երեւակայել: Թէոփիլիցը կարգեց նրան պրոտոստրատոր, ախոռապետ:

Միքայէլը դեռահաս կայսրը նոր էր փեսայացել: Բուկելարեան Թեմի զօրավարը նրան նուէր էր բերել մի քաջատոհմիկ եւ տաքարիւն նժոյգ: Մտադրութիւն ունենալով արշաւի հանել կրկէսում, կայսրը ուզեց նախապէս քննել, նախել աստամներին եւ որոշել տարիքը եւ ընդհանրապէս ընդ-

լանալ բնաւորութեան: Սակայն, ոչ կայսրը եւ ոչ ուրիշ որ եւ է մէկը չկարողացան մօտենալ ձիուն, այնքան կատաղի էր: Թէոփիլիկ, որ ներկայ էր, ասաց կայսրին թէ իր մօտ մի պատանի կայ, արի եւ քաջ ձիավարժ, նա միայն կարող է սանձահարել այս ապերասան կենդանուն:

Միքայէլը պատուէր տուեց իր սենեկապանին, որ դնայ Երկաթէ դուռը (Siderapyla – Դեմիր կապու) եւ բերի Վասիլին շտապով: Վասիլ եկաւ, մօտեցաւ ձիուն, մի ձեռքով բռնեց սանձը, միւսով սկսեց շփել ականջը: Կատաղի երկվարը հյուս եւ խոնարհ էր որպէս ոչխար: Կայսրը դո՛ւ մնաց, ասաւ արի երիտասարդին իր մօտ ստրատորի, ձիապանի, պաշտօնով եւ միեւնոյն ժամանակ պատուիրեց հետերաքը Անդրէասին ընդունել նրան օտարականներից բաղկացած զնդի մէջ:

II

Փէորգի Շարունակողը, առաջին անգամ յիշում է Վասիլին ձիու դէպքի առթիւ, Միքայէլի ամուսնութիւնից յետոյ: Զիւռ դէպքը տեղի է ունեցել ամուսնութիւնից «քիչ յետոյ»: Միքայէլ ծնուած էր 839 թուին, ամուսնանալու համար պէտք է գոնէ 15 տարեկան լինէր, ընդունելով հանդերձ պատմագիրների վկայութիւնը, թէ Միքայէլը չուտ էր հասել արբունքի: Այս հաշուով ամուսնութիւնը կայացած պիտի լինի ոչ յառաջ քան 854-855 տարիները: Ենթադրենք որ ձիու պատմութիւնը վերաբերում է նոյն 855 թուին:

Թէոփիլիցը յանձնարարելով Վասիլին կայսրի ուշադրութեան, անուանում է սրան *νεώτερος*, այսինքն՝ պատանի, դեռահաս: Եթէ Վասիլը ծնուած էր 812 թուին, այդ պահուն, ուրեմն, 43 տարեկան պիտի լինէր: Արդ՝ ի՞նչպէս կարող էր Թէոփիլից 43 տարեկան մարդուն կոչել *νεώτερος* պատանի:

Հաւանական չէ նաեւ որ 15 ամեայ մատաղ կայսրը ձիապան վերցնէ 43 տարեկան, հասակն արդէն կոտրած մարդու: Ակնհերեւ է որ Վասիլը չէր կարող ծնուած լինել 812ին: Եթէ ծնունդը գնենք գերեզարձի տարին, 836ին, համաձայն եթէ ծնունդը գնենք գերեզարձի տարին, 836ին, համաձայն վերեւ յայտնած ենթադրութեանս, Վասիլը մեծ կը լինի Միքայէլից միմիայն երեք տարով, 19 տարեկան պատանի, հասակակից եւ արդարեւ *νεώτερος*: Միքայէլը, երբ ներկայացրեց իր նոր ձիապանին կայսրուհուն, ասաց. «տե՛ս,

դի եւ Միքայէլի ըմբիշներինց: Հանդէս է գալիս Վասիլը եւ փրկում իր տիրոջ ինքնասիրութիւնը: Կոստանդին պատրիկը երեւում է նոյն դերում, ինչ որ յիշում է Կոստանդին կայսրը, այսինքն յարդ է բերում եւ սփռում յատակի վրայ, որ պէսզի Վասիլի ստքը չսահէ եւ չընկնի: Բուլղարը չզօրեց բարձրացնել Վասիլին, մինչդեռ վերջինս ոչ միայն բարձրացրեց, այլ եւ արագ շարժումով պտտեց եւ գլորեց kata podrezan ձեւով, այսինքն՝ ոտ տալով, այնպէս ուժգին որ բուլղարի ուշքը դնաց եւ ջրով սթափեցրին:

Վասիլի յաղթութեան մասին Անտիգոնը պատմում է իր հօրը՝ Վարդին, սա էլ Միքայէլին: Իսկոյն կանչում է կայսրը Վասիլին երկու ուրիշ ըմբիշների հետ: Հաւանում է մանաւանդ Վասիլին, որի արտաքինը այնքան տպաւորիչ էր: Վասիլ արժանանում է մեծամեծ շնորհների եւ կարգում ստրատոր: Այդ ժամանակն էր որ Թէոդորա կայսրուհին պիշ պիշ նայելով Վասիլին բացազանչեց. «որդի՛ս, իցիւ թէ տեսած չլինէի այսօր սրան. այս մարդը քանդելու է մեր սունը, ինչպէս որ հայրդ նախագուշակել է»:

Երկրորդ դէպքը, նոյն պատմագրի ասելով, տեղի ունեցաւ, երբ Վասիլն արդէն գահի վրայ էր:

Բուլղար թագաւորը մի հուշակաւոր ըմբիշ ունէր, որ անպարտելի էր համարւում: Մի օր սրան զրկեց մայրաքաղաք մրցութեան: Վասիլ կայսրը չկարողացաւ տանել որ մի օտար ըմբիշ արատաւորէ հոսոմէական անուներ: Ինքը արտեան ելաւ ծպտուած: «Ակիւթը», ուրեմն բուլղարացին, փորձեց բարձրացնել «Մակեդոնացուն», բայց չկարողացաւ: Մինչ Վասիլը զրկեց նրան ուժեղ ձեռքերի մէջ, բարձրացրեց եւ դարկեց գետին այնպիսի սաստկութեամբ, որ բուլղարը ուշաթափուեց եւ «չառ ջուր ու գինու կաթիլներ եւ վարդաջուր սրակեցին, մինչեւ որ ուշքի բերին: Ականջից եւ քթից արիւն էր հոսում»:

Կայսրի ըմբշութիւնն ինքն ըստ ինքեան անհատաւոր է: Ամբողջ պատմութիւնը այլ բան չէ քան արձագանդ առաջինի: Պատմիչի պապը Կոստանդին պատրիկը ներկայ է եղել մրցութեան եւ կարելի էր յուսալ որ իր թոքը ստոյգ տեղեկութիւն կ'ունենար եղելութեան մասին, հիմնուած բնաւանկան աւանդութեան վրայ: Թւում է թէ թոք գերադասել է հաճոյակատար լինել քան ճշմարտասէր: Կոստանդին Միրանաճին, որի պատուէրով գրել է իր պատմութիւնը, զուր գալու համար, չափազանցրել է իր եռանդը դովարանելու Վասիլին, յօրինելով նոր փաստ նրա ըմբիշական կարողութեան:

Ուշադրութեան արժանի է, որ Թէոդորայի մարդաբէական երկիւղը առաջին ըմբշամարտից յետոյ, Կոստանդին Միրանաճինը յիշատակում է ըստ ըզմի տրիչ տութիւ եւ ուրիշ պայմաններում: Նրա ասելով մի անգամ որոտէր Միքայէլ կայսրը գնաց սրսի Արմամենոտարիս կոչուած վայրը եւ յետոյ ճաշ պատուիրեց եւ հրաւիրեց իր մօրը, ազգականներին եւ ծերակուտական մեծամեծներին: Կանչեց նաեւ Վասիլին, որ այդ պահին պրոտոսարատոր էր: Երբ Վասիլ տեսան տեսեց, կայսրուհի Թէոդորան աչքերը սեւեւեց նրա վրայ, կարծես թափանցել էր ուզում նրա ներսը: Յսնկարձցնդուեց եւ ուշաթափ եղաւ: Ջրով եւ վարդաջրով ուշքի բերին: Հիւրերը շիթուած հեռացան: Միքայէլը մօտեցաւ մօրը եւ հարցրեց ուշադնացութեան պատճառը:

Ահա այդ ժամանակ էր, որ յուզուած կայսրուհին յայտնեց իր նախազգացումը Վասիլի նկատմամբ: «Ինձ թրւում է, ասաց թագուհին, որ սա է այն անձը, որ կործանելու է մեր սունը: Հօրիցդ լսել եմ որ մէկը պիտի մեզ խորտակի: Նշաններից երեւում է որ Վասիլն է լինելու մեր ժառանգորդը: Կարծես, աչքովս տեսնում եմ մեր անկումը: Այս զգացումը այնպէս խռովեց ինձ, որ ուշքս կորցրի»:

Կայսրը հանդատացրեց մօրը ասելով. «կատկածդ անտեղի է, մա՛յր իմ: Այս մարդը հասարակ եւ անկիրթ ոմն է, օժտուած միմիայն ուժով ինչպէս հին Սամսոնը, եւ ուրիշ ոչինչ: Մի Ենօք է կամ Ներրովթ մեր ժամանակներում ծրնած: Աւելորդ է երկիւղդ եւ կատկածներդ»:

Այսպէս Վասիլը փրկուեց փորձանքից, Աստուծոյ ինամքով, եզրակացնում է պատմիչ-թոքը:

Թէոփիլին վերաբերեալ ակնարկը կապ ունի այն դուշակութեան հետ, որ արաբ հարցուկ կինը արել էր Թէոփիլին, թէ իրենից յետոյ թագաւորելու են կինը եւ որդին եւ ապա իշխանութիւնը անցնելու է Մարտինեակ տան:

Սրատական է տեսնել թէ որպիսի ազատութեամբ են վերաբերում պատմիչները միեւնոյն նիւթերին, վաւեր թէ անվաւեր: Ամեն մէկը իր ճաշակի համաձայն շրջանակ է յօրինել շրջուն զրոյցները զետեղելու համար: Վիպական վերաբերում է քան պատմական, եւ պատճառը Վասիլին դովարանելու, հերոսացնելու ձգտումը չէ միայն, այլ եւ ստոյգ տեղեկութիւնների սցութիւնը, անիրադեկութիւնը:

Հարազատ չէ թւում մեզ նաեւ Վասիլի եւ տիկին Դանէլիսի բարեկամութեան միջադէպը, որ աւանդում է միմիայն իր թոքը, Կոստանդին Միրանաճինը: Թէոփիլիցը մի անգամ գնաց Պելոպոնէս պետական գործով Միքայէլի եւ Վարդի

յանձնարարութեամբ: Վասիլ ուղեկցեց նրան: Արեայի Պատրաս քաղաքում Թէոփիլից այցելեց Անդրէաս առաքելի տաճարը եւ աղօթեց: Վասիլ զրազած լինելով, չկարողացաւ ընկերանալ նրան, այլ այցելեց նոյն տաճարը առանձին, Քիյեատոյ:

Հիւրընկալ վանականը ոչ մի յարգանք եւ ուշադրութիւն ցոյց չտուեց Թէոփիլիցի եւ կամ նրա միւս ուղեկիցներին նկատմամբ: Իսկ երբ Վասիլն եկաւ, վանականը դիմաւորեց նրան եւ ընդունեց արքայավայել կերպով: Ներկաները զարմացան: Լուրր հասաւ տեղացի հարուստ եւ ազնուական կնոջ, որ այրի էր եւ ամուսնու անունով կոչուում էր Դանէլիս: Սա ճանաչում էր վանականին, դիտէր, որ մարդարէական շնորհ ունի: Կանչեց իր մօտ եւ հարցրեց Թէ ի՞նչ է պատճառը, որ այնպէս ուշադիր է եղել մի անծանօթ օտարականի, եւ այնպիսի մեծարանք ցոյց տուել, որին երբեք չի արժանացրել ոչ իր որդուն եւ ոչ թոսին: Վանականը ասաց Թէ հասարակ անձն չէ նա, որին ինքը տեսաւ, այլ հոտովական մեծ կայսր, Աստուծոյ ընտրածը պէտք է յարգուի եւ մարդկանց կողմից:

Թէոփիլիցը վերջացնելով իր դործերը զարձաւ քաղաք, Վասիլը տկարութեան պատճառով չկարողացաւ հետեւել նրան եւ մնաց այնտեղ մի աւտամանակ: Տիկին Դանէլիսը այդ միջոցին համակրութեան եւ յարգանքի նշաններ ցոյց տուեց Վասիլին «որպէս մէկը, որ բարի հողում սերմեր է ցանում որպէսզի առատ հունձք ստանայ ժամանակին»: Մեծամեծ նուէրներով օժտեց, անթիւ ոսկի, հաղուտակէն, ծառաներ թուով 300, պարզեւեց: Փոխարէնը այլ բան չէր պահանջում քան որ հոգեւոր եղբայրութեան ուխտ հաստատէ իր որդի Յովհաննէսի հետ: Վասիլը դժուարութեամբ համաձայնեց ընդունել Դանէլիսի շնորհները եւ խոստացաւ նրան իր երկրի տէր դարձնել, եթէ երբ եւ է կայսր դառնայ, ինչպէս դուշակել էր վանականը: Այս անսպասելի դանձն էր որ հնարաւորութիւն տուեց Վասիլին կայսրած գնել Մակիդոնիայում եւ ապահովել իր մերձաւորներին: «Նա, որ հարուստ էր առաքինութեամբ, այս կերպով ձոխացաւ նաեւ ինչքով եւ դրամով», նկատում է պատմագիրը:

Որպիսի՞ զուգադիպութիւն: Վասիլի հայրը դործ ունէր Ադրիանուպոլսի մի այրի կնոջ հետ, ինքը Վասիլը՝ մի ուրիշ այրիի հետ հեռաւոր Պատրասից: Մութ պատմութիւն է: Կարծես Թէ այրի կնոջ մասին մի խուլ զրոյց է եղել, բաւականին անորոշ, մոտացուած, որ յայտնի չէ եղել ստուգօրէն, հօր հետ է կապ ունեցել Թէ որդու: Կոստանդին Միրանածի

նր մշակել է այդ նիւթը ըստ իր սովորութեան մասն հանելով եւ հօրը եւ որդուն: Հայրը ամուսնանում է այրիի հետ, իսկ որդին միմիայն բարեկամ է, աւելի շուտով հոգեւոր որդի Դանէլիսի:

Արդեօք, որքա՞ն արժանահաւատ է վերջինս: Պատմագիրն ինքը եւս վստահ չէ, Թէ ի՞նչ էր օտարուհու արտակարգ բարեսրտութեան շարժառիթը: Վախենալով որ շահի կամ արգելուած սիրոյ կասկածը շարատաւորէ նրանց յարաբերութիւնը, շտապում է կանխել, հաւատացնելով որ Դանէլիսը «սերմում էր որ յետոյ հնձի» եւ որ իր շնորհների վախարէն այլ բան չէր պահանջում քան որ Վասիլը եղբայրաւայ իր որդու հետ: Այս զգացումը աւելի եւս կասկած է յարուցանում: Երկու շարժառիթից եւ ոչ մէկը համոզիչ չէ: Վանականի գուշակութիւնը հնարուած է յետին թուով Վասիլի թագաւորելուց յետոյ, իսկ եղբայրութեան խնդիրը, հաւանօրէն, արձագանգ է այն իրողութեան, որ Դանէլիսի որդին պրոտոսպաթարի, առաջին սուսերակրի, պատիւ ստացաւ Վասիլի օրով:

Պատմուածքի իսկական իմաստը կայանում է նրանում, որ բացատրուի Վասիլի հարստութեան պարագան: Այս պատճառով եւ Դանէլիսի նիւթական միջոցները առասպելական չափազանցութեան են հասցրած: Այստեղից մի բան է հետեւում, որ Վասիլ իրապէս խոշոր կալուածատէր է եղել Մակեդոնիայում: Այն ինչ ժողովրդական երեւակայութեան մէջ Վասիլ դուրս է բերուած որպէս չքաւոր ընտանիքի զաւակ, որ իր անձնական աշխատանքով եւ ձեռներէցութեամբ նուաստ վիճակից բարձրանում է մինչեւ կայսերական դասը: Պատմագիրներն ընդունել են այս վիպական պատկերը հերոսի մանկութեան եւ որպէսզի կարելի լինի մեկնել նրա հարստութիւնը, այսինքն իրական վիճակը, Կոստանդին Միրատութիւնը, այսինքն իրական վիճակը, Կոստանդին Միրանածինը յօրինել է Դանէլիսի զրոյցը: Այս խնդրին նորէն կը դառնանք ստորեւ: Այժմ հետեւենք դեռ Վասիլի յառաջդիմութեան:

Չիւղ դէպքից յետոյ, տեսանք, որ Վասիլ նշանակուեց կայսերական ստրատոր կամ ձիապան, մօտաւորապէս 856 թուին: Ըստ Գենեսիոսի, այս տեղի ունեցաւ ըմբշամարտութիւնից յետոյ: Վասիլ արդէն ձիապան էր Միքայէլի մօտ, երբ առիթ ունեցաւ զսպելու, կալսրի պատուէրով, նրա կատաղի ձին այնպիսի դիւրութեամբ «որպէս Ալեքսանդրը՝ Բուկիֆալին կամ Բերլլերուֆոնը՝ Պեզասին»:

Երբ Վարդի դէմ մահափորձ եղաւ Թէոդորայի թեյալրութեամբ եւ կայսեր պրոտոստրատորի մասնակցութեամբ,

վերջինս պատժուեց եւ նրա տեղն անցաւ Վասիլը մերձ 858 թուին: Վասիլի կեանքի այս շրջանից պատմում են հետեւեալ սխրալի գործը:

Մի անգամ Միքայէլ կայսրը որսի ելաւ Փիլոպատին տեղը: Պրոտոստրատորը, ախոսապեա Վասիլն ընթանում էր առջեւից, ընդունուած սովորութեան համաձայն, գօտից կախած վարզը (bardoukion): Աղմուկի վրայ անտասից դուրս պրծաւ մի ամեհի գայլ: Բոլորը շփոթուած էին: Վասիլ նետեց վարզը եւ ձեղքեց գազանի գլուխը: Վարդ կեսարը, որ կայսրի ուղեկիցների թւումն էր, ասաց այս առթիւ իր մտերիմ բարեկամներին. «այս մարդը վերջ պիտի տայ մեր տոհմին»:

Պատմում են նաեւ որ Վարդը, անվստահ իր սպազային, հարցնում էր յաճախ Լեւոն մեծ փիլիսոփային որ հայ էր եւ համարարանի տեսուչ, գալոց օրերի մասին: «Ես տեսնում եմ, պատասխանում էր իմաստասէրը, որ ձեր տոհմը պիտի ջնջուի մի շատ երիտասարդ անձից» νεανίσκος: Իսկ երբ տեսաւ Վասիլին, մատով ցոյց տուեց Վարդին ասելով. «սա է, որ պիտի լինի ձեր ժառանգորդը»:

Այնուհետեւ Վարդը սկսեց դաւեր սարքել Վասիլի դէմ, բայց ի դուր, որովհետեւ, ինչպէս կարծում է պատմագիրը, անկարելի է փոխել ինչ որ տնօրինուած է վերին նախախնամութեամբ: Այս զրոյցի ատաղձը տալիս է Գենեսիոս, յիշելով համառօտակի, որ մի անգամ կայսրը որսի էր եւ յանկարծ անտասից դուրս վազեց մի եղջերու: Վասիլը ձգեց վարզը եւ ջարդեց ետի ոտները: Նոյնն արեց եւ մի անազին գայլի վերաբերութեամբ:

Կարեւորը զրոյցը չէ, այլ Լեւոն փիլիսոփային վերագրուած այն խօսքը թէ Վարդի կործանողը պիտի լինի մի շատ երիտասարդ մարդ: Մի նոր փաստ, մի ակամայ խոստովանութիւն, որ Վասիլն այնքան հասակաւոր չէր, երբ գահ բարձրացաւ: Մեր կասկածը եւ սրբագրութիւնը արդարանում է: Վերեւ պարզած հաշուով 866 թուին, երբ Վարդը սպանուեց, Վասիլ 30 տարեկան պիտի լինէր:

Պրոտոստրատոր Վասիլը յառաջանալով ստացաւ սենեկապետութեան բարձր պաշտօնը (parakoimomenos): Դամիանոս ներքինին, որ այդ պաշտօնն ունէր, նպաստել էր Վարդին սպանել թէ՛նկտիստ ամենազօր մինիստրին եւ կառավարութեան ղեկը ստանձնել: Դամիանոսը, չստանալով ակնկալած պաշտօնն ու պատիւը, գժտուեց Վարդի հետ, որի հետեւանքով պաշտօնանկ եղաւ, կայսեր հրամանով, և քաշուեց մենաստան: Նրա տեղը բռնեց Վասիլ: Դամիանոսի արձակու-

մին Վարդն արդէն կեսար էր, իսկ այդ պատուին արժանացել էր 862 թ. ապրիլի 26ին: Վասիլի սենեկապետութեան հասնելը այս թուից յետոյ է, հաւանօրէն, ոչ շատ ուշ: Միեւնոյն ժամանակ նա ստացաւ պատրկութեան աստիճան: Վասիլ չուտով շահեց կայսրի սէրն ու համակրութիւնը: Վարդը բաւականին փորձ ունէր եւ խորամտութիւն որ զգար թէ որքան վտանգաւոր ախոյեան էր նոր սենեկապետը: Իսկ վերջինս տեսնում էր որ երկրի իրական տէրը կայսրը չէր, այլ մեծագօր կեսարը: Սա միայն կարող էր խոչընդոտ լինել իր վաւաստենչ ձգտումներին:

Սկսում է սքօղուած մրցութիւնը երկու ախոյեանների մէջ: Վասիլ յաջողեց նախ անջատել Վարդից Սմբատին, որ մեծ լուրջութեամբ պաշտօնն ունէր եւ Վարդին մօտ մարդ էր, որպէս նրա փեսան: Սմբատը կուրացաւ Վասիլի խոստումից թէ Վարդի տապալուելուց յետոյ կեսարի մեծ դերքը կը արուի նրան:

Սմբատի միջոցով Վասիլ հասկացրեց Միքայէլին որպէս թէ կեսարը գաղտնի դաւեր է նիւթում նրա դէմ, կամենալով յափշտակել գահը: Անհիմն ամբաստանութիւնը թունաւորեց կայսրի միտքը: Միամտօրէն ձեռք տուեց իր հարազատ քեռու եւ ամուր նեցուկի թշնամիներին, կործանեց նրան աւանդ մտածելու որ իր արածը ոչ միայն ոճիր էր, այլ մի օրհասական սխալ, որ տանում էր դէպի իր սեփական կործանումը:

Վարդի սպանութեան պարագան պժգայի է: 866 թուի Կարնան Միքայէլ կայսրը շարժուեց զօրքով դէպի Թրակեսեան թեմր եւ բանակեց Մեանդեր գետի հովտում Կիպի (պարտէզ) կոչուած տեղում: Յայտարարուած էր, որ կայսրը գնում է Կրետէ կղզու մուսուլման իշխանութեան վրայ: Արդե՞՞ք լուրջ արշաւանք էր թէ լոկ պատրուակ նախադձած ոճրագործութեան համար, յայտնի չէ: Այստեղ Վարդը ոճրագործութեան համար, յայտնի չէ: Այստեղ Վարդը սպանուեց նենպօրէն: Մանրամասնութեանց մասին խօսել ենք ուրիշ յօդուածում: Յիշենք միայն, որ պատմագիրներից ճշգրտի Շարունակողը սպանութիւնը վերագրում է Սմբատի որդի Գարունակողը սպանութիւնը վերագրում է Սմբատի եւ Վասիլին, Գենեսիոսը Վասիլի անունը չի տալիս, իսկ կոստանդին Միրանաձինը մեղապարտ է համարում Միքայէլին: Վասիլը սուրբ մերկացնում է որպէս թէ կայսրի հրամանով և նրան պաշտպանելու համար: Գենեսիոսը նոյն գեղարտում են ի նպաստ իրենց պապերի, բայց ոչ ճշմարտութեան:

Սպանութեան մասին Միքայէլ կայսրը զրում է բանա-

կից Փոտ պատրիարքին: Հեռատես պատրիարքը խորհուրդ է տալիս կայսրին վերադառնալ անմիջապէս մայրաքաղաք: Անտարակոյս, հաւատ չունէր Վասիլի վրայ եւ կասկածում էր որ կայսրը եւս կարող է զոհ գնալ նրա փառասիրութեան: Միքայէլը վերադարձաւ: Մի ամիս չքաշեց եւ Վասիլը հրաշակուեց կայսր, գահակից Միքայէլին: Թագադրութեան հանդէսի նկարագրութիւնը հասել է մեզ:

Հոգեպայտեան շաբաթ երեկոյեան, 866 թուին մայիսի 26 կայսրը առաջին հանդերձապետի Ռենտակի միջոցով պատուիրեց Փոտ պատրիարքին որ Վասիլին յայտարարէ թագակից կայսր: Հետեւեալ օրը եկեղեցում երկու դահ էր պատրաստուած: Ժողովուրդը զարմացած էր թէ ի՞նչ է նշանակում այս անսովոր երեւոյթը: Շուտով երեւաց կայսրը, ետեւից գնում էր Վասիլը բռնած սկարամանգ եւ սուր, ինչպէս յատուկ էր պարակիմոնենի պաշտօնին: Կայսրը մտաւ կայսերական դռնից առանց հանելու թագը, ինչպէս սովորութիւն էր, այլ այնպէս անցաւ մինչեւ սեղան: Թագը գլխին բարձրացաւ աստիճանները, ստորեւ կանգնած էր Վասիլ եւ քիչ հեռու Վասիլից՝ Լեւոն Կաստոր անունով քարտուղարը ձեռքին մի թուղթ, ապա Միքայէլի սենեկապան Անգուրէսը, այլ եւ ժողովրդապետները իրենց կուսակիցներով:

Լեւոն քարտուղարը սկսեց կարդալ թուղթը, որի բովանդակութիւնն էր. «Վարդ կեսորը դաւեր էր սարքել ինձ սպանելու եւ այս նպատակով ինձ քաղաքից դուրս տարաւ: Եթէ պաշտպան չունենայի Սմբատին եւ Վասիլին, կենդանի չէի լինի: Մեռաւ Վարդը իր իսկ ոճիրի հետեւանքով: Այժմ ցանկանում եմ, որ պարակիմոնեն Վասիլը, նա որ հաւատարմութեամբ պաշտպանեց իշխանութիւնս եւ փրկեց ինձ թշնամուց սիրելով ինձ, ցանկանում եմ որ նա պահպան լինի տէրութեանս և հոգածու ու բոլորի կողմից փառաբանուի որպէս կայսր»:

Վասիլը յուզմունքից արտասուեց: Կայսրը հանեց դըրխից թագը եւ տուաւ պատրիարքին: Պատրիարքը գրեց սեղանի վրայ, օրհնեց: Սենեկապանները հազգրին Վասիլին դիետեսիոն զգեստը եւ ցանգիա կօշիկները: Վասիլը հանեց իր քղամիդը եւ ձգեց կայսրի ոտքերի տակ: Ելաւ սեղանից պատրիարքը, առաւ թագը եւ գրեց կայսրի գլխին, յետոյ հանեց եւ տուեց թագը կայսրի ձեռքը եւ սա պսակեց Վասիլին: Ամբոխը ողջունեց աղաղակելով՝ կեցցէ Միքայէլը, կեցցէ Վասիլը:

III

Վարդի փեսան, Սմբատը, որ իր աջակցութեան փոխարէն յոյս էր տածում ստանալ կեսարի պատիւ, հիասթափուեց, երբ տեսաւ որ խաղալիկ է եղել Վասիլի ձեռքին եւ լըցուեց ատելութեամբ ու դառնութեամբ: Խորհուրդ արին Գէորդ Ստրատելատի հետ, որ Պեգանի որդին էր, եւ յաջորդ օրը խնդրեց որ իրեն ստրատեգ կարգեն, այսինքն թեմ տան: «Յաջորդ օրը» ասելով հասկացուեց է խորհրդակցութեան յաջորդ օրը եւ ոչ թագադրութեան:

Սմբատի խնդիրը մնաց անհետեւանք: Ընդհակառակը, նրանից խլեցին լուծութեալ պաշտօնը եւ յանձնեցին ոմն Գումերի: Գէորդին տուին Օփսիկեան թեմը: Երկուսն էլ դժգոհ մնացին եւ ըմբոստացան իշխանութեան դէմ: Սկսեցին գրգռել ժողովուրդը, հրդեհել դաշտերն ու այգիները, բողոքելով Վասիլի կայսերացումի դէմ: Կայսրները հրաման արձակեցին միւս ստրատեգներին, այսինքն միւս թեմերի զօրավարներին, զսպել ապստամբութիւնը: Գործը յանձնեցին Նիկիփոր Մալէին զօրավարին: Սա խոհեմութեամբ վարուեց, գրաւոր շրջաբերականներ ցրեց զօրքերին յանձնարարելով գործել գաղտուկ, աշխատել խեղդել ըմբոստութիւնը աւելի խորամանկութեամբ քան արձակ դիմադրութեամբ, որպէսզի շարժումը մեծ ծաւալ չստանայ եւ քաղաքացիական խրտուսմների առիթ չտայ: Շուտով բռնեցին Գէորդ Պեգանին: Բարձրագոյն հրամանով մայրաքաղաքի եպարքոսը, Կոստանդին Միարը (Myares), կուրացրեց նրան եւ բռնադատեց կանգնել հրապարակի վրայ եւ մի աման ձեռքին ոլորմութիւն հայցել անցորդներին:

Երեսուն օր անցած նոյն Մալէինը ձերբակալեց Սմբատին Եկեղեաց գաւառում մի պանդոկի մէջ եւ բերեց ներկայացրեց կայսրին Ս. Մամաս պալատում: Պատմում են որ բերին նաեւ դժբախտ Գէորդ Պեգանին, ձեռը տուին մի խեցեմորթեայ ծխանոց (բուրվառ), մէջը ծծումբ, եւ ստիպեցին ծխել Սմբատի առաջ: Սմբատի աչքի մէկը հանեցին, աջ ձեռքը կտրեցին, նստեցրին Լաւսոս կոչուած պալատի առաջ եւ մի աման դրին թելի տակ, որ անցորդները ողորմութեան լուման ձգեն որպէս մուրացիկի: Երեք օրից յետոյ արձակեցին երկու յանցաւորներին իրենց տները, նշանակելով նրանց վրայ յատուկ հսկողութիւն:

Ուրիշ տեղեկութեամբ Սմբատը չուզենալով ապրել քաղաքում խնդրեց Թրակեսեան թեմի զօրավարութիւնը եւ ստացաւ: Իսկ Պեգանը նշանակուեց Օփսիկեան թեմը: Նիկի-

փոր Մալէինի անունը չի յիշատակուամ, ինչպէս եւ Եկեղեաց
 գաւառը: Սմբատը բունում է Լայնաքար կոչուած բերդում
 Πατρία πέτρα. որ յայտնի չէ թէ որտեղ է գտնուում: Հա-
 ւանօրէն Թրակեսեան թեմում: Պեգանը փախաւ Կոտիայոն
 Κοτύαιον, երեւի արդի Քեօթահիա: Այս տեղեկութեանց
 հեղինակը, Կոստանդին Ծիրանածինը, հաւառացնում է որ
 Վասիլը յետոյ ներեց յանցաւորներին եւ մինչեւ անգամ հրա-
 ւիրում էր նրանց կայսերական սեղանին: Գենեսիոսը չէ յի-
 շում Սմբատի եւ Պեգանի խոռվութիւնը:

Երկար չտեւեց միասնական կառավարութիւնը զոյգ
 կայսրների: Մի տարի եւ մի քանի ամիս էր անցել, երբ Վա-
 սիլը սպանեց նաեւ Միքայէլին եւ տիրացաւ միայնակ կայ-
 սերական գահին:

Միքայէլը նկարագրի տէր անձ չէր: Մանուկ հասակից
 անձնատուր էր ցոփ եւ զեղիս կեանքի: Վարդի օրով քիչ էր
 պարապել պետական գործերով: Մոլի գուարձութիւնները
 աւելի մեծ տեղ էին բռնում նրա հոգսերի մէջ քան կառավար-
 չական գործերը: Սիրում էր յատկապէս ձիարշաւ: Ս. Մա-
 մաս պալատում մասնաւոր արշաւարան կար, ուր անձամբ
 մասնակցում էր վազքին: Պատմում են որ մի անգամ խաղի
 ժամանակ հրանշանները ազդարարեցին որ թշնամին մտել է
 երկիրը: Լեւոն մեծ փիլիսոփան հնարել էր մի տեսակ ժամա-
 ցոյց, որի միջոցով նշան էր տրուում Կիլիկիայից մայրաքա-
 ղաք, երբ Արարները յարձակում էին: Կայսրը հրամայել
 էր լուել եւ չհրապարակել զոյժը, մինչեւ որ ձիարշաւը չվեր-
 շանայ:

Անհաւատալի են թւում այն արտառոց գրոյցները որ
 հիւսուել են զուարճասէր կայսրի ժամանցի շուրջը: Տղայա-
 կան խաղեր եւ կատակներ էր սարքում: Մօտիկ ընկերը եւ
 գործակիցը իր սիրելի խեղկատակն էր, անունը՝ Թէոփիլ,
 իսկ փութ անունը՝ Խոզ Γρύλλος: Միքայէլը կոչում էր նրան
 Հիմերիոս, որ նշանակում է յունարէն սիրելի: Խաղերը եր-
 բեմն անվայել եւ մինչև իսկ պիղծ բնաւորութիւն էին կրում:
 Հիմերիոսը ձեւանում էր պատրիարք, Միքայէլ Կոլոնիոյ
 արքեպիսկոպոս, 11 հոգի հագնում էին եպիսկոպոսական
 զգեստ եւ միասին ներկայացնում էին ծաղրանքով պատարա-
 դը, ձեռնադրութեան թէ կարգալուծութեան ծէսերը: Պատ-
 մում էին որ նրանց լիտիութիւնն այնտեղ էր հասնում որ
 ծաղրում էին անգամ հաղորդութեան խորհուրդը, մանանեի
 եւ քացախ տալով որպէս սրբութիւն: Չէին խնայում նոյնիսկ
 պատրիարքին: Մի օր, երբ Իգնատիոս պատրիարքը եկեղե-

ցական թափօրով գնում էր դէպի մօտիկ արուարձանը, յան-
 կարծ տեսնում է իր դէմ ծպտեալ ծաղրապատրիարք, նստած
 էջի վրայ եւ շրջապատուած ընկերակիցներով, նրանց մէջ-
 տեղը ինքը Միքայէլ կայսրը: Նուազով եւ երգեցողութեամբ
 ելնում են պատրիարքի առաջ որպէս թէ սաղմոս են երգում
 և իրենց անձոննի ձայներով խանգարում իսկական թափօրը:

Միքայէլը չէր խորշում վիրաւորել մինչիսկ հարազատ
 եւ կրօնասէր մօր նուիրական զգացումները: Մի անգամ խա-
 բեց մօրը թէ պատրիարքը սպասում է նրան պալատում եւ
 խնդրում է գալ օրհնութիւն ստանալ: Այն ինչ պատրիարքը
 այլ ոք չէր բայց եթէ ինքը Խոզ Թէոփիլը, կայսերական ծաղ-
 րածուն, որ պատրիարքի պէս հագնուած նստել էր գահի
 վրայ, Միքայէլի կողքին: Կայսրուհին արդարեւ եկաւ եւ
 պատրիարքի տեղ ընդունելով անարգ միմոսին, չոգեց առա-
 ջը օրհնութեան համար: Այդ միջոցին կեղծ պատրիարքը
 չըջեց ետեւը դէպի կայսրուհին... Թագուհին ամօթահար
 հեռացաւ անիծելով իր անարժան որդուն:

Ասում են, որ Միքայէլը սիրում էր կրկնել թէ Հիմե-
 րիոսը իր պատրիարքն է, Փոտը՝ կեսարի (Վարդի) եւ Իգ-
 նատիոսը՝ քրիստոնեաների:

Այսպիսի վատ գոյներով է նկարագրում Միքայէլին
 Կոստանդին Ծիրանածինը, որպէսզի արդարացնէ Վասիլի
 գործած ոճիրը: Իր հաւաքած գրոյցները Միքայէլի անվայել
 վարմունքների մասին, անշուշտ, գունաւորուած են, բայց
 անհիմն չեն: Ուրիշ եւ անկախ աղբիւրից վկայութիւն ունինք
 մայրաքաղաքում կատարուող նման այլանդակութիւնների
 վերարբերեալ: Ճիշտ այս խնդրին է նուիրուած 869 թուի եկե-
 ղեցական ժողովի կանոններից մէկը, ուր յիշատակում է
 կեղծ-թափօրը, միայն Միքայէլի անունը չի տալիս, այլ վե-
 րագրում է ծերակուտական աշխարհականներին: Սրանք
 սանրում էին իրենց մագերը հոգեւորականների նման, հագ-
 նում էին եպիսկոպոսական զգեստներ եւ ձեւացնում էին թէ
 ինչպէս են ընտրուում, ձեռնադրում եւ կարգազուրկ լինում
 եկեղեցականները: Ժողովը յանցանքը բարդում է Փոտ
 պատրիարքի վրայ որ թոյլ է գտնուել եւ կտրուկ միջոցներ
 չէ ձեռք առել այս խեղկատակութիւնների դէմ:

Գէորգ վանականի շարունակողը, որ գերծ է կայսերա-
 կան տան ազգեցութիւնից, չի յիշում Միքայէլի անպատիւ
 խեղկատակութիւնները եւ տալիս է նրա սպանութեան ման-
 րամասն նկարագրութիւնը:

Միքայէլը ձիարշաւ ունէր Ս. Մամասի պալատական
 կրկէսում: Մասնակցում էր ինքը, Կոստանդին պատրիկ Հա-

յր՝ պատմագիր Գենեսիոսի պապը, եւ երկու ուրիշ անձ, Ագալիան եւ Կրուսաս անուանով: Կայսրը կապոյտ կուսակցուցութեան կողմից էր, Կոստանդինը՝ սպիտակ, Ագալիան՝ կանաչ եւ Կրուսաս՝ կարմիր: Յաղթողը կայսրն էր: Այս առթիւ ճաշ էր պատրաստուած եւ հրաւիրուած էին նաեւ Վասիլ եւ իր կինը՝ Եւզոկիա Ինգերին, կայսրի նախկին սիրուհին: Ճաշի ժամանակ Վասիլիսկիան կոչուած պատրիկը սկսեց շոգոթորթել կայսրին, գովաբանելով նրա վարպետութիւնը կառարչաւի արուեստում: Աւելի մեծ հրճուանք չէր կարելի պատճառել ունայնասէր կայսրին:

Գովքից հիացած, Միքայէլ հրամայեց Վասիլիսկիանին հանել իր ոտներից ցանգիա (zangia) կայսերական կարմիր կօշիկները եւ ինքը հագնել: Վասիլիսկիան քաշուած էր կատարել ինքնակալի հրամանը, հայեացքը ձգելով Վասիլի կողմը: Կայսրը բարկացաւ եւ սաստեց հնազանդուել իր հրամանին: Թէեւ Վասիլ յօժարութեան նշան ցոյց չտուեց, բայց Վասիլիսկիանը հազաւ կօշիկները:

Կայսրը ձայնեց Վասիլին. «Աստուած վկայ, կօշիկները սրան աւելի են սազում քան քեզ: Մի՞թէ իրաւունք չունեմ, ինչպէս քեզ կայսր դարձրի, մի ուրիշին եւս նոյնն անել»:

Եւզոկիա, տեսնելով որ կայսրը զայրացած է Վասիլի վրայ եւ անմիտ քայլ է անում, ասաց նրան արտասուաթոր. «Կայսերական պատիւը, ո՛ր տէր իմ, վե՛հ բան է, եւ մենք անարժան ենք որ կրում ենք այդ պատիւը, բայց եւ այնպէս վայել չէ այդքան ստորացնել կայսերական պատիւը»:

Կայսրի պատասխանը մխիթարական չէր. «մի՛ վշտանար, ասաց նա, ես ուզում եմ Վասիլիսկիանին եւս կայսր յայտարարել»:

Վասիլի զայրոյթն ու կսկիծը չափ չունէր: Երկու կայսրներին յարաբերութիւնները այդ օրից լարուեցին: Փոխադարձ վստահութիւնը կորաւ: Այդ հողի վրայ է ծագել, թերեւս, այն գրոյցը թէ երբ մի անգամ Միքայէլ որսի ելաւ, մի անծանօթ վանական մօտեցաւ եւ մի թուղթ տուեց նրան, որով զգուշացնում էր կայսրին Վասիլի դաւադրութիւնից:

Միքայէլի սիրտը ա՛հ եւ ատելութիւն ընկաւ: Ինքը եւս հետամուտ եղաւ վերջ դնել վտանգաւոր կեանքին: Վասիլն աւելի վճռական գտնուեց:

Սեպտեմբերի 24ն էր, 867 տարին, եւ Միքայէլ նոյն Ս. Մամասի պալատում ճաշի էր հրաւիրել Վասիլին իր կնոջ Եւզոկիայի հետ: Միքայէլը սիրում էր խմել: Գինու ազդեցութիւնն զգալի էր, երբ Վասիլ վեր կացաւ սեղանից, գնաց կայսերական ննջարանը եւ ծռեց սողնակը իր աճուելի ուժով

այնպէս որ այլեւս չէր կարելի փակել դուռը: Դարձաւ եւ շարունակեց ճաշը:

Միքայէլ բոլորովին գինովցած էր, ելաւ սեղանից եւ կռթնած Վասիլի թեւին ուղղուեց դէպի իր ննջարանը: Վասիլ համբուրեց ձեռքը եւ հեռացաւ: Կայսրի ննջարանումն սիլ համբուրեց ձեռքը եւ հեռացաւ: Կայսրի ննջարանումն էր Վասիլիսկիանը, որ կայսեր հրամանով փոխարինում էր առաջին հանդերձապահին, Ռենտակին: Սա բացակայ էր, միւս սպասաւորների հետ դնացել էր որսի եւ պատուէր ունէր կայսրից արդիւնքը տանել մայր թաղուհուն՝ Թէոդորային, որի մօտ ճաշի էր հրաւիրուած յաջորդ օրը:

Սենեկապաններից Իգնատիոսը ուզեց փակել ննջարանի դուռը, բայց տեսաւ որ հնարաւոր չէ: Կասկած ընկաւ սիրտը, նստեց անկողնու վրայ եւ սկսեց փետել իր մազերը:

Գինուց թուլացած կայսրը քնած էր արդէն խոր քնով որպէս մեռեալ: Յանկարծ ներս մտաւ մեծ աղմուկով Վասիլ իր ընկերներով միասին: Դուռը բաց էր: Իգնատիոսը դողաւ՝ բարձրացաւ տեղից որ արգիլէ մուտքը: Պետրոս Բուլհարը, դաւադիրներից մէկը, յառաջ անցաւ Վասիլի թեւի տակից դէպի կայսերական անկողինը, բայց արգելուեց նոյն Իգնատիոսի կողմից:

Շփոթից արթնեց կայսրը: Դաւադիրներից Յովհաննէս Խալդը խկոյն վրայ բերեց սուրը եւ կտրեց կայսրի ձեռքը: Միւս դաւադիրը՝ Յակովբիկ Առաքելի *Ἰωαννῆς* պարսիկ ապելատը *απελάτης* վիրաւորեց սրով Վասիլիսկիանին եւ յետ մղեց:

Վասիլի երկու եղբայրները՝ Մարիան եւ Սմբատ եւ եղբորորդին՝ Ասիլայ *Ἀσὶλαὺς*, մի ուրիշ անձն Վարդ անուանով, այլ եւ Կոստանդին Տօքսար պահպանում էին գլխուտոր մուտքը, որի հետեւանքով Միքայէլի սպասաւորներից ոչ ոք չի մացաւ թէ ի՞նչ է կատարուած ներսը, կայսեր ննջարանում:

Դաւադիրները մի վայրկեան տատամսեցին, չգիտէին, ի՞նչ անեն, սպանեն կայսրին թէ թողնեն այդպէս հաշմանդամ: Ասիլայ այն միտքը յայտնեց, որ եթէ Միքայէլ կենդանի մնայ, դժուար թէ իրենք կարողանան կենդանի մնալ: Վասիլին հաճելի լինելու համար, գնաց ննջարան, տեսաւ որ Միքայէլ թէեւ ձեռքերը կտրուած էին, բայց անկողնում ընկած, աղաչում էր խղճալ, ողորմել իրեն: Ասիլայ ուշ չդարձրեց, մօտեցաւ եւ սրի հարուածով թափեց փորոտիքը:

Դաւադիրները շտապեցին գնալ եւ դրաւել մեծ պալատը: Ծովը ալեկոծ էր: Իջան Ոսկեղջիւրի ափը, մտան պարսիկ Եւրոգի տունը, միասին շարժուեցին Բուկուլէոնի նաւահանգիստը եւ այնտեղից մտան պալատը: Եւրոգ ասաց իր

չակի. «Մարիանոս եղբայր նորա (Վասիլի), Մմբատիոս եւ Վարդաոս եղբարք նորա, Ասիլէոն (Ասիլայոն) եղբորորդի նորա»:

Գէորգի Շարունակողը, Ասիլայի սպանութեան պատմութիւնը անելիս անուանում է նրան «եղբորորդի կայսեր»: Հետեւապէս վերեւ բերուած տողերում «եղբորորդի Վասիլի» ասելով հասկացում է Վասիլ կայսրը եւ ոչ Վասիլ սեկտորը: Բացի դրանից յիշեալ գիտնականի ուշադրութիւնից սպրդել է այն հանգամանքը, որ Ս. Եւփիմէ վանքում թաղուած էին Վասիլ կայսրի մայրը եւ երկու եղբայրները՝ Մարիան եւ Մմբատ, որոնց մասին ասուած է, անշուշտ տապանագիրներէ հիման վրայ, թէ Մարիանոսն էր Դոմեստիկոս սքոլաների, Մմբատիոսը՝ եղբայր նորա, երկուսն էլ՝ եղբարք Վասիլի կայսեր:

Գիտնականի կասկածը ծագել է այն դիտողութիւնից թէ ինչու պատմագիրը յանձնարարում է Վարդին, որպէս հայր Վասիլ սեկտորի եւ ոչ ուղղակի եղբայր Վասիլ կայսրի: Սակայն մեղ թուում է որ քննելի հատուածում եղբայր-ի փոխարէն պէտք է կարդալ եղբարք. այն ժամանակ կը հարթուի երկու պատմագիրների առերեւոյթ հակասութիւնը: Այսպէս՝ «Մարիանոս եւ Վարդաոս՝ հայր Վասիլ սեկտորի, եւ Մմբատ եղբարք ձձէլօքս (եւ ոչ եղբայր ձձէլօքս) Վասիլի», որով եղբարք բառը կը վերաբերի ոչ միայն Մմբատին, այլ եւ Մարիանին ու Վարդին: Վարդը այլուստ յայտնի չէ եւ պատմագրի օրով նշանաւոր անձն է եղած նրա որդին՝ Վասիլ սեկտորը:

Աւելորդ չենք համարում նկատել որ տապանագրերից ծանօթ է ոմն «Վարդ, որդի Վասիլի, Ծիրանածնի պապի»: Եթէ միայն Վարդը Վասիլի որդիներից մէկի՝ Կոստանդինի հայկական անունը չէ, պէտք է կարծել, որ խօսքը Վասիլի եղբոր Վարդի մասին է: Զարմանալի է որ Ասիլայի մասին ասուած է որ Վասիլի եղբորորդին է, բայց հօր անունը չի յիշատակում:

Ո՞ր եղբոր որդին էր: Արդեօ՞ք, բացի Մարիանից, Սըմբատից եւ Վարդից, մի ուրիշ եղբայր եւս ունեցել է Վասիլը: Աւելի քան հաւանական է, որովհետեւ եթէ Ասիլայը այս երեքից որեւէ մէկի զաւակը լինէր, պատմագիրը զանց չէր անի յիշելու:

Դաւադիրներից երկուսը՝ Եւլոգ եւ Ապելատ կոչում են պարսիկ, բայց սրանք պարսիկ չեն, այլ պարսկահայ: Այդպէս էին կոչուած ոչ բիւզանդացի հայերը: Իններորդ դարում, արարական իշխանութեան ժամանակ, դժուար է

երեւակայել որ մի պարսիկ բիւզանդական ծառայութեան մէջ մտնէ, քրիստոնէութիւն ընդունելով: Ապելատ յատուկ անուն չէ՞:

Վասիլի հետ էր նաեւ Արտաւազդը, որ հետերարք էր, այսինքն օտարներից կազմուած գնդի պետ: Արտաւազդից առաջ նոյն պաշտօնումն էր Անդրէասը, նա, որ Միքայէլ կայսրի հրամանով ընդունեց Վասիլին օտարական գնդի մէջ: Անդրէասը յետոյ ստատելատ էր նշանակուել, այսինքն թեմ էր ստացել կառավարելու եւ այդ պաշտօնումն էր երբ կալանաւորեց ապստամբ Յովհաննէս Խալդին, ինչպէս տեսանք վերեւ: Հաւանական է որ Խալդիքի մօտիկ թեմերից մէկի պետն էր:

Վասիլի եղբայր Մարիանը պայտատական հեծեալ գնդերի, սքոլաների, դոմեստիկ էր: Արտաւազդը օտարական գնդի ղրուին էր: Պետական երկու կարեւոր գորագնդերն էին եւ բնական է որ նրանց աջակցութեամբ դիւրին էր յեղաշրջում կատարել: Վերեւ թուած անձերը Վասիլին ծանօթ եւ բարեկամ էին, անշուշտ, երբ ինքը ծառայում էր օտարական զնդում Անդրէասի օրով: Յեղաշրջումը պատահական արկած չէր, այլ ծրագրուած գործ էր, որ համակրութիւն էր վայելում ղինուորական շրջաններում: Պակաս չէին, հարկաւ, եւ թշնամիները, որոնք աշխատել են ամեն միջոցով թէ՛ ազաւաղել յեղաշրջումի բնաւորութիւնը եւ թէ՛ եղծել Վասիլի պատկերը:

Խառն ու չիտթ տեղեկութիւնները եւ նպատակաւոր զրոյցները, յօրինուած Վասիլի անուան շուրջը չար թէ բարի դիտաւորութեամբ, գովելու թէ դարովելու ցանկութեամբ, ծածկել են մեզնից նրա իսկական ծագումը եւ յաջողութեան պատճառներն ու պարագաները:

IV

Ծագման վերաբերող զրոյցները կապուած են Փոտ պատրիարքի անուան հետ: Վասիլի իշխանութեան առաջին տարին Փոտը ընկաւ պատրիարքական գահից եւ վերստին դրաւեց 877 թուին, իր հակառակորդ Իգնատի մահից յետոյ: Փոտի գահընկեցութիւնը հետեւանք էր Վասիլի ընդգրկած եկեղեցական քաղաքականութեան: Հոռոմի հետ հաշտ եւ խաղաղ ապրելու համար, նոր կայսրը չկասեց զոհել պատրիարք

1 Տես այս մասին մեր յօդուածը, Les fonds historiques de l'épopée byzantine, Byz. Zeit. XXIX.

Փոտին, որ պապականութեան թշնամի էր եւ պառակտման գլխաւոր պատճառը: Շնորհազուրկ պատրիարքը շատ ջանք թափեց վերականգնելու իր դիրքը, որի համար ամենից յառաջ հարկաւոր էր ձեռք բերել կայսրի սէրն ու համակրութիւնը:

Իզնատի, Փոտի ախոյեանի, կենսագիրը, Նիկիտ Պափլագոնացին, պատմում է որ կայսրին հաճոյանալու դիտաւորութեամբ Փոտը կազմել էր կեղծ եւ կայսրի ինքնասիրութիւնը շոյող մի ծննդաբանութիւն:

Գահազրկութիւնից յետոյ նախկին պատրիարքը աքսորուեց Սկեսի վանքը: Այստեղ էր որ նա գործեց հռչակաւոր կեղծիքը, հնարելով մի զրոյց, որի հիմամբ Վասիլը սերում էր հայոց Տրդատ Թագաւորից, Լուսաւորչի նշանաւոր գործակցից: Փոտը մտերիմ էր կայսերական մատենադարանի պետ ոմն Թէոփան Սփենոդեմոն կոչուած վանականին, որ պալատական հոգեւորականութեան մէջ էր հաչուում եւ յայտնի էր խորին գիտութեամբ ու իմաստութեամբ: Սրա միջոցով Փոտը իր կազմած ծննդաբանական գրութիւնը անցրեց կայսերական մատենադարան: Գրութիւնը մագաղաթի վրայ էր, աղեքսանդրեան տառերով, այսինքն երկաթագիր: Հեղինակը աշխատել էր տալ հնամենի գրքի ձեւ: Ծննդաբանութիւնը հասցրած էր մինչեւ Վասիլի հայրը, որի մասին ասուած էր թէ մի որդի պիտի ունենայ, որպիսին է Վասիլը եւ անունը պիտի լինի Բեկլաս (BEKLAS):

Նիկիտ Պափլագոնացին մեկնում է թէ Բեկլաս արուեստական բառ է, կազմուած Վասիլի (B-), իր կնոջ Եւզոկիայի (E-), եւ նրանց Կոստանդին (K-), Լեւոն (L-), Ալեքսանդր (A-) ու Ստեփան (-S) որդիների անունան սկզբնատառերից՝ B-e-k-l-a-s :

Մատենադարանապետ Թէոփանը մի օր, երբ որոնում էր կայսեր պահանջած մի գիրք, յայտնեց նրան, որ դիպւածով մի գիրք է գտել, հին գրերով գրուած եւ դժուար վերծանելի: Թէոփանը ի նկատի ունէր Փոտի գիրքը: Յոյց տալով կայսրին նորագիւտ հնութիւնը, աւելացրեց որ մի մարդ կայ միայն որ կարող է կարդալ այս գիրքը: Այդ մարդը աքսորական Փոտ պատրիարքն է: Անմիջապէս գիրքը զրկեցին Փոտին: Սա պատրուակ բռնեց թէ մինչեւ կայսրին անձամբ չտեսնէ, չի կարող ասել թէ ի՞նչ գիրք է եւ ի՞նչ է նրա բովանդակութիւնը: Վասիլ կայսրի հետաքրքրութիւնը շարժուած էր: Պատուիրեց բերել աքսորական պատրիարքին արքունիք: Փոտը կարդաց խորհրդաւոր գիրքը որպէս թէ հրեշ

տակի թելադրութեամբ եւ մեծ բաւականութիւն պատճառեց կայսրին: Այս առթիւ նորից սիրելի դարձաւ Վասիլին:

Այս տափակ զրոյցի մէջ մի բան կայ ստոյգ, որ Փոտ գիտնական պատրիարքը աշխատել է լուսաբանել Վասիլի ծագումը: Մնացածը անմիտ յերիւրանք է: Փոտը ոչ միայն որպէս գիտուն անձ, այլ եւ հայորդի լինելու հանգամանքով որպէս Արչաւի Կամսարականի ջրով որդի եւ Վարդ կեսարի մտերիմը մօտիկ ծանօթ էր հայ չրջաններին եւ ուրեմն ի վիճակի էր ստուգել եւ պարզել Վասիլի ծննդաբանութիւնը:

Գիտութեամբ հռչակուած պատրիարքն այնքան զուրկ չէր հնարագիտութիւնից որ չկարողանար աւելի իմաստալից բան առաջարկել կայսրին քան BEKLAS խղճուկ բառախաղը: Վասիլն էլ այնքան պարզամիտ չէր, որ հաւատար եւ ուշադրութեան առնէր այս ակներեւ խաբկանքը:

Զրոյցը զուրկ է մինչեւ իսկ ինքնօրինակ լինելու թարմութիւնից:

Ճիշտ այդպիսի մի դէպք պատմում են Մեթող(իոս) եպիսկոպոսի կեանքից: Թէոփիլ կայսրի օրով Մեթողը բանտարկուած էր մի նկուղի մէջ երկու աւազակի հետ եւ ազատուեց հետեւեալ առթիւ: Կայսր Թէոփիլը, որ սիրում էր գիր ու զրականութիւն, մի անգամ պալատական մատենադարանում մի գիրք տեսաւ, բայց չկարողացաւ կարդալ: Դիմեցին Յովհաննէս պատրիարքին եւ Լեւոն նշանաւոր փիլիսոփային, երկուսն էլ հայ էին: Սրանք խոստովանեցին որ դժուարանում են վերծանել: Կայսրը շատ վշտացաւ եւ անհանգրստութիւնից կորցրեց ախորժակը: Այդ միջոցին սենեկապաններից մէկը խորհուրդ տուաւ դիմել շնորհազուրկ եւ բանտի մէջ փակուած Մեթող եպիսկոպոսին: Այդպէս էլ արին: Երբ սենեկապանը մօտենում էր գիրքը ձեռին, Մեթողը գոչեց հեռուից. «ողջամբ դալը, եղբայր Յովհաննէս (այսպէս էր սենեկապանի անունը), դիտեմ որ զրկուած ես Թէոփիլի կողմից: Ին՛ք թուղթ եւ թանաք»: Մեթողը առաւ գրիչը եւ գրեց երեք տեսակ մեկնութիւն: Թէոփիլ կայսրը գոհ մնաց, ազատեց բանտից, բնակեցրեց իր մօր պալատում եւ շատ մտերմացաւ հետը:

Այս պատմութիւնը եւս հեռու է վաւերական լինելուց: Մեթողը եւ Փոտը մեծ գիտութեան տէր էին եւ այդպէս էլ ճանաչուած էին ընդհանրութեան կողմից, ուստի եւ միեւնոյն զրոյցը կառչել է նրանց անուան որպէս ապացոյց նրանց անբաւ գիտութեան: Զրոյցի իմաստն է վեր հանել գիտութեան նշանակութիւնը: Գիտութիւնը նկատուում է մի այնպիսի ոյժ, որի առաջ բացուում են պալատական դռները նոյն

խակ շնորհագուրկների համար: Մեթոդի զրոյցը, հաւանօրէն, նախագոյն է քան Փոտի: Ծանօթ զրոյցը յարմարացրի են Փոտին, աշխատելով միեւնոյն ժամանակ շողոքորթութեան ստուեր ձգել նրա գիտութեան վրայ:

Ինչպէս երեւում է, Փոտի թշնամիները զգացել են զրոյցի տկարութիւնը, ուստի հնարել են մի ուրիշ եւ աւելի խակամիտ զրոյց նոյն խնդրի առթիւ, այսինքն թէ ինչպէս Փոտը վերագրուեց Վասիլի սէրն ու բարեհաճութիւնը:

Փոտը մի բարեկամ վանական ունէր, անունը Թէոդոր Սանդարբեն: Ստուգիոն վանքի միաբաններիցն էր եւ Փոտի առաջին պատրիարքութեան ժամանակ (858-867) վանահայր էր կարգուել նոյն հաստատութեան: Երբ Փոտը գահակեց եղաւ, Սանդարբենը եւս քուեց վանքից: Փոտի երկրորդ պատրիարքութեան ժամանակ Սանդարբենը եպիսկոպոս նշանակուեց Եւխալիտ քաղաքի Արմենեակեան թեմամ (Ամասիայի մօտ, այժմեան Չորում):

Պատմում են որ Սանդարբենը հրաշագործ էր եւ վհուկութեան ձիրք ունէր: Նա հաշտեցրեց Փոտին Վասիլ կայսրի հետ, գիմելով հետեւեալ կախարդութեան: Սանդարբենը խորհուրդ տուաւ Փոտին մերձենալ կայսերական սենեկապաններից մէկին ու մէկին եւ նրա միջոցով սրսկել կայսեր անկողնու վրայ այն ջուրը, որ ինքը կր պատրաստէ: Ազդեցութիւնը կը լինի բարերար: Կայսրը կը սկսէ վերաբերել նրան առաջուան պէս սիրով: Յետոյ պէտք է աշխատէր որ Սանդարբենը տեսնէ անձամբ կայսրին: Այն ժամանակ Փոտը կը վերահաստատուէր իր նախկին դիրքում:

Փոտը կատարեց իր բարեկամի մոռական խրատները: Ներգործութիւնը անյապաղ էր: Յաջորդ առաւօտեան կայսրը զրկեց իր երեխաներին Փոտի մօտ ստանալու նրա օրհնութիւնը: Այնուհետեւ սկսեց շնորհել ոսկի եւ այլ պարգեւներ, հրաւիրեց Մազնուրա պալատը բնակութեան, եւ մտերմացաւ հետը սերտ բարեկամութեան կապերով:

Կախարդ վանականը, Թէոդոր Սանդարբենը, երեւում է, արեւելցի էր: Վկայ է ոչ միայն անունը, այլ եւ այն պարագան, որ կոչուում է «մանիքեցի եւ որդի Մանիքեցու», «մողպետ» (արքիմաղ): Նրա առաջարկած վհուկութիւնը ծանօթ է եւ գործ է ածուում հայ ժողովրդի մօտ, սիրած տղայի կամ աղջկայ փոխադարձ սէրը գրաւելու նպատակով: Հաւանական է որ Սանդարբենը հայ է ծննդեամբ թէ ծագումով: Այս զրոյցի համաձայն Փոտի եւ Վասիլի հաշտութիւնը պէտք է վերագրել Սանդարբենի վհուկութեան:

Կեղծ ծննդաբանութեան մասին խօսք չկայ: Ոչ մէկը եւ

ոչ միւսը արժանի չեն որեւէ վստահութեան: Թւում է որ Փոտը երբեք չէր գժտուել կայսրի հետ, որ հաշտութեան պէտք ունենար: Պատրիարքական գահը թողնելուց յետոյ էլ նա շարունակեց վայելել կայսրի սէրն ու յարգանքը որպէս գիտուն եւ առաքինի անձն: Կայսրի պատուէրով, Փոտը հաստատուեց պալատում եւ ստանձնեց նրա որդիների դաստիարակութիւնը:

Վասիլը հեռացրեց Փոտին գահից քաղաքական նպատակներով, չուզենալով լարել իր յարաբերութիւնները Պասիլի հետ, որի համակրութիւնը պէտք էր ծրագրուած նուաճումների համար: Անձնական թշնամութիւն չունէր, թէեւ հիմ ունէր կասկածով նայել նրա վրայ, որպէս Վարդ կեսարի բարեկամի:

Այս բոլորը չեն ժխտում որ Փոտը իրօք կազմել էր Վասիլի ծննդաբանութիւնը: Շարժառիթը ամեն դէպքում այն չէր, ինչ որ թելադրում են յիշեալ զրոյցները: Նախ ծանօթանանք Փոտին վերագրած գործին: Ի՞նչ է նրա հնարած ծննդաբանութիւնը:

Փոտի իսկական գործը մեզ չի հասել: Թշնամիների ասելով, նա աշխատել էր ցոյց տալ որ Վասիլը Տրդատ Թագաւորի ցեղից էր: Նրան են վերագրում նաեւ Beklas անհանձար գիւտը:

Վասիլին մօտիկ պատմագիրները եւս նոյն կարծիքին են որ Վասիլը Արշակունեաց տոհմից է, բայց չեն յիշում Փոտի անունը: Գինեսիոսը վկայում է որ Վասիլ սերում էր Պարթեւաց Արշակ եւ նրա շառաւիղ Տրդատ Թագաւորներից եւ միեւնոյն ժամանակ ցեղակից էր Փիլիպպոս եւ Աղեքսանդր Մակեդոնացիներին: Վերջին կապը զուտ աշխարհագրական է:

Կոստանդին Ծիրանածինը միակ պատմագիրն է որ տալիս է իր պապի ծննդաբանութիւնը, թէեւ դարձեալ առանց պատրիարք Փոտի անունը յիշելու: Բայց երեւում է որ քաղաւած է Փոտին վերագրուած գործից:

Ըստ այդ ծննդաբանութեան Վասիլը ծագում էր «Մակեդոնների երկրից», իսկ ցեղով հայ Արշակունիներից էր: Առաջին Արշակը, որ Թագաւորեց Պարթեւների վրայ եւ մեծ հռչակ ստացաւ փառքի եւ առաքինութեան ասպարէզում որպէս թէ օրէնք էր սահմանել, որ ոչ ոք չէր կարող իշխել Պարթեւների, Հայերի եւ Մարացիների վրայ, եթէ Արշակունի ծագում չունէր: Այս օրէնքի համաձայն Արշակի սերունդները տիրեցին երկար ժամանակ յիշեալ ժողովուրդներ-

րին: Երբ մեռաւ նա, որ Թագաւորում էր Հայոց վրայ, խոտ-վուժիւն ծագեց ժառանգների մէջ:

Ահա այս միջոցին էր որ Արտաւան եւ Կլիէն *Κλειώνης* ոչ միայն զրկուեցին հայրական իշխանութիւնից, այլ եւ զգացին որ իրենց կեանքը վտանգի մէջ է: Հարկադրուած թողին հայրենի երկիրը եւ չուեցին դէպի կայսերական մայրաքաղաքը: Գահի վրայ էր Լեւոն կայսրը (457-474): Սա ընդունեց փախստական իշխաններին, սիրալիբ վերաբերում ցոյց տուաւ եւ իրենց ազնուական ծագման վայել բնակութիւն եւ ապրուստ տրամադրեց մայրաքաղաքում: Երբ Պարսից Թագաւորն իմացաւ, որ իշխանները ապաստանել են կայսեր մօտ եւ բարեմիտ ընդունելութիւն գտել, անմիջապէս ապսպրեց գրով որ վերադառնան հայրենիք, խոստանալով դարձնել նրանց սեփական իշխանութիւնը: Թագաւորը յոյս ունէր այդ զիջումով պահել հայ ժողովուրդը հպատակութեան մէջ: Լուրը հասաւ կայսրին: Սա հասկացաւ Պարսից Թագաւորի գաղտնի նպատակները եւ կարգադրեց որ ընթացք չտան իշխանների դարձի խնդրին, որ բնաւ չէր համապատասխանում կայսերական շահերին: Կայսրի հրամանով նրանց փոխադրեցին աւելի հեռու եւ ապահով տեղ, Մակեդոնիայի Նիկէ քաղաքը:

Անցան տարիներ: Սարակինոսների տէրութիւնը զօրացաւ եւ Ամիր-ալ-Մումինը միեւնոյն փորձը կրկնեց յետ բերելու փախստական Արշակունի իշխաններին: Թղթով հրաւիրեց նրանց գալ եւ տիրանալ իրենց նախնիքների ժառանգութեան:

Այդ ժամանակ կայսրը Հերակլն էր (610-641): Սա եւ ընդդիմացաւ փախստականների դարձին, որը պիտի ծառայէր Արաբների քաղաքական նպատակներին: Հայ ժողովուրդը կապուած էր անխզելի սիրով Արշակունիների տան եւ եթէ սրանց ժառանգները վերադառնային եւ յարէին արաբական իշխանութեան, կայսերութեան շահերը պիտի տուժէին: Այս նկատումով Հերակլ կայսրը հրամայեց Նիկէից տեղափոխել Մակեդոնիայի Փիլիպպոն քաղաքը, աւելի հեռու եւ աւելի անդորր բնակավայր: Մի առժամանակ այդտեղ մնացին, յետոյ անցան եւ հաստատուեցին Ադրիանուպոլ քաղաքում, աւելի լուսաւոր կենտրոնում:

Տարիներ յետոյ, երբ գահի վրայ էր Կոստանդին կայսրը իր մօր Իրինէի հետ (780-797), *Μαϊκτες* անուն մի անձ, Արշակի արիւնից, եկաւ մայրաքաղաք դեսպանութեան թէ ուրիշ գործի աղազաւ: Սա պատահեց Լեւոն անունով մի հա-

յի եւ տեսնելով որ նա եւս հասարակ ոմն չէ, այլ ազնուական նշանաւոր ծագում ունի, մտերմացաւ հետը: Լեւոնը ընդունեց նրան իր ընտանիքը եւ վերջը իր աղջիկներից մէկին փեսայացրեց: Այդ ամուսնութիւնից ծնեց Վասիլի հայրը:

Վասիլի հայրը մարմնով գեղեցիկ էր եւ ուժեղ, հոգով առաքինի, շատ շատերի համար նախանձելի փեսայ: Ադրիանուպոլ կար մի ազնուական եւ գեղանի կին, որ ամուսնու մահից յետոյ ապրում էր ամբասիր այրիութեան մէջ: Լուրեր էին պտտում, ո՛չ արհամարհելի, որ նա Կոստանդին Մեծի արիւնից էր: Այրին շատ հաւանեց Վասիլի հօրը եւ իր դստերն կնութեան տուաւ նրան: Ազնիւ եւ ամօթխած կին էր:

Ահա այս զոյգից ծնեց Վասիլը, հօր կողմից Արշակի շառաւիղներից, մօր կողմից՝ Մեծն Կոստանդինի, երկու կողմից էլ՝ Աղեքսանդր Մեծի փայլն ունէր: Ծննդեան ժամանակ նախագուշակ նշաններ երեւցին ապագայ փառքի: Առաջին մազի հետ տեսան դլխի շուրջը կարմիր թելեր, եւ խանձարուրքը՝ ծիրանագոյն: Մինչեւ այդ ժամանակ Արշակի սերունդները պահել էին Ադրիանուպոլում իրենց ազգային բնոյթը, կազմելով առանձին տուն, թէեւ յաճախ խառն ամուսնութիւններ էին կայացել: Պատմում է ապա Կրումի արշաւանքը Ադրիանուպոլ քաղաքի վրայ եւ Վասիլի ծնողների գերութիւնը եւ դարձը, որին արդէն ծանօթ ենք:

Անվատահելի պատմութիւն է: Պատմողն ինքը անհաւանական է գտել, որ Արտաբանի եւ Կլիէնի սերունդը հայ մնային օտար միջավայրում դարերի ընթացքում, ուստի կանխում է ցրել ամեն տարակուսանք, ասելով որ Արշակի սերունդները պահել էին իրենց ազգութիւնը Ադրիանուպոլում հակառակ խառն ամուսնութեան դէպքերին: Թրակիայում, անտարակոյս, շատ հայ կար: Զ դարու վերջերը Մաւրիկ կայսրը հոծ գաղթականութիւն հանեց Հայաստանից եւ հաստատեց Թրակիա հայ իշխանների հրամանատարութեան տակ: Նոյնն արեց Ը դարում Կոստանդին կայսրը (741-775), Կարինի շրջանից հայեր տեղափոխելով Թրակիա:

Բազմաթիւ հայ գործիչներ կային պետական բոլոր ասպարէզներում, մասնաւորապէս զինուորական: Երկու դէպք զիտենք միայն երբ յիշում են յատկապէս Արշակունի իշխաններ: Յուստինիանոսի դարաշրջանում յայտնի եղաւ Արտաւանը, Յովհաննէս Արշակունի Թագաւորագնի որդին, որ տիրում էր Կարինի շրջանում: Արտաւանը սկզբում թշնամի էր կայսերական իշխանութեան, յետոյ հաշտուեց եւ անցաւ

մայրաքաղաք, ուր այնքան յառաջացաւ որ անգամ փորձեց տիրանալ կայսերական գահին:

Յաջորդ է դարում ծանօթ է Վաղենտինոս կամ Վաղենտին պատրիկը, որը պաշտպանեց Հերակլի թոռի կոստանդինի գահակալական իրաւունքը եւ յաջողեց նրան գահ նստեցնել: Ծուտով սակայն ըմբոստացաւ նրա դէմ, եւ ուզեց գահը խլել, բայց ձախողեց գոհուելով իր յանդուգն ձեռնարկին:

Բիւզանդական պատմիչները, որ մեծ ուշադրութեան են արժանացրել Վաղենտինին, չեն յիշում նրա հայ ծագումը: Բարեբախտաբար Սեբէոսը պահել է մեզ նրա յիշատակը եւ անուանում է նրան Արչակունի. «կարգէ ի վերայ զաւրաց իւրոց զաւրավարս զՎաղենտինոսն, որ կոչէր Արչակունի»:

Արչակունեաց տանից էր նաեւ Մանուէլ զօրավարը որ ժամանակակից էր Վաղենտինին: Նոյն հայ պատմագիրն ասում է որ կոստանդին կայսրը սիրեց Սմբատ իշխանին, որ Բագրատունի էր եւ որդի Վարազտիրոցի, որդւոյ Սմբատի Բագմայաղթի: Կայսրը Սմբատին դրունգար նշանակեց եւ «ես նմա կին ի տանէն Արչակունեաց եւ յիւրոց մերձաւորաց»: Սմբատի կինը Մանուէլի դուստրն էր, ինչպէս վկայում է նոյն Սեբէոսը անուանելով Մանուէլին աներ Սմբատի. «սպանեն զԳէորդ մագիստրոսս եւ զՄանուէլ զայրն առաքինի որ էր աներ Սմբատայ ասպետի որդւոյ մեծի Սմբատայ Խոսրովայ Ծումն կոչեցելոյ»: Սմբատ ասպետը Վարազտիրոցի որդին էր եւ սա որդի էր Սմբատի Խոսրով-Ծումի, այսինքն Բագմայաղթի: Ուստի ընագիրը պէտք է ուղղել «աներ Սմբատայ ասպետի որդւոյ Վարազտիրոցի որդւոյ մեծին Սմբատայ» եւայլն:

Ուրիշ Արչակունի անձեր չեն յիշում ոչ Հայաստանում եւ ոչ դուրսը: Բիւզանդական հայերի տոհմական ծագումը դժուար է որոշել հաստատապէս, եթէ օգնութեան չեն գալիս հայ աղբիւրները դրական ցուցումով: Նախարարական տները տոհմական անուններ ունէին մի յայտնի չափով իւրայատուկ, որոնց միջոցով կարելի է երբեմն որոշել թէ ով ո՞ր տոհմին է պատկանում: Սակայն յաճախ անունները փոխանցւում են ամուսնութեան հետ, որով աւելի դժուարանում է օգտուել անունների ուղեցոյցից: Լեւոն Իսաւրացու փեսան Արտաւազդը, որ նրա մահից յետոյ թեկնածեց գահին 742 թուին, մի հօրեղբոր որդի ունէր, անունը Տրդատ: Արդեօք Արտաւազդն ու Տրդատը Արչակունի տան շառաւիղ էին:

Արտաւազդը, ճշմարիտ է, Մամիկոնեան անուն է, բայց

կարող էր անցած լինել Արչակունի իշխանի: Տոհմական անունները երբեմն ցատկում էին մի տոհմից միւսը, հաւանօրէն, ամուսնութեան միջոցով: Սմբատ ասպետի աները, ինչպէս տեսանք, Արչակունի լինելով հանդերձ, կրում էր Մամիկոնեան անուն՝ Մանուէլ: Յայտնի է այս անունով եւ մի Բագրատունի իշխան, որ էր հայր Սմբատ ասպետի, այն իշխանի որ 591 թուին ապստամբեց կայսեր դէմ եւ կրկէսում հռչակուեց անօրինակ սիրագործութեամբ:

Ըստ անունների որոշել տոհմը կարելի է փոքր ի շատէ վստահօրէն միայն այն ժամանակ, երբ յայտնի են հօր եւ որդու եւ կամ եղբայրների անունները: Այլապէս եզրակացութիւնները կը մնան միշտ խնդրական, ինչպէս Արտաւազդի դէպքում:

Ինչ եւ լինի, բացի Արտաւանից եւ Վաղենտինեանից, այլ եւ Մանուէլից, ուրիշ Արչակունի դէմքեր ծանօթ չեն ոչ ազգային եւ ոչ օտար մատենագրութեան մէջ:

Վասիլի ծննդաբանութեան մէջ յիշուած երկու անձերից Արտաւանը, հաւանօրէն, արձագանգ է Յովհաննէսի որդու Արտաւան Արչակունու: Ժամանակով իրարից հեռու չեն: Ըստ ծննդաբանութեան, Արտաւանը փախաւ Հայաստանից Բիւզանդիա Լեւոն կայսրի (457-474) ժամանակ: Իսկ պատմական Արտաւանը ապրում էր 2 դարի առաջին կէսին:

Արտաւանի ընկերն էր ոմն Կլիէն, Κλαύδιος անծանօթ այլուստ, եւ անունը խորթ, անպայման խաթարուած: Յայտնի են Արտաւան եւ Դղակ, ուղղելի Գղակ, Gylakes իշխանները, որոնց սպանեց Պապ Թագաւորը: Սրանք համապատասխանում են Փաւստոսի Մուշեղ Մամիկոնեանին եւ Գղակ մարդպետին եւ, ի հարկէ, չեն կարող նոյնանալ Արտաւանի եւ Կլիէնի հետ: Մի ուրիշ Gilakios Գղակ հայ իշխան ժամանակակից էր 2 դարի Արտաւան Արչակունուն, նոյնպէս բիւզանդական բանակի մէջ: Վասիլի ծննդաբանութեան հեղինակը կարող էր այստեղից առած լինել Արտաւան եւ Կլիէն անունները, եթէ միայն վերջինս աղաւաղ եւ կամ սիալ ընթերցում է Գիլակի:

Նոյն ծննդաբանութեան մէջ Արչակունիների նախահաւին վերագրւում է մի օրէնք, որ մտացածին է, բայց համապատասխան իրական դրութեան, որով Պարթեւների ժամանակ Պարսից, Մարաց եւ Հայոց թագաւորները Արչակունեաց տոհմից էին: Արտաւան Արչակունին նախ քան Բիւզանդիա անցնելը իր փեսայ Վասակ Մամիկոնեանի հետ, կոուել էր Յուստինիանոսի դէմ, դժգոհ նրա քաղաքականութիւնից:

Այս առթիւ դիմել էին Պարսից թագաւոր Սոսրուլի օգնութեան, որին ի միջի այլոց գանգատուում էին որ վերջին Արշակունի թագաւորը զիջել է Թէոդոս կայսրին իր իշխանութիւնը մի պայմանով որ իր մերձաւորները մնան ազատ եւ չենթարկուեն որեւէ հարկատուութեան:

Թւում է թէ այս արտունջի մի այլ ձեւակերպումն է այն օրէնքը որ վերագրուում է առաջին Արշակին եւ որի համաձայն նրա սերունդը պիտի թագաւորէր, բայց վերջին հայ Արշակունի թագաւորի մահից յետոյ խլրտումներ ծագեցին եւ պատճառ եղան Արտաւանի եւ Կլիէնի տարազրութեան: Վասիլի կենսագիրը թագաւորի անկումը եւ խոտվութիւնները դնում է Լեւոն կայսրի ժամանակ (457-474), այսինքն՝ Վարդանանց շարժումից յետոյ եւ Վահանանցի սկիզբը: Գիւտ կաթողիկոսի օրով պարսիկ կարգերից դժգոհ հայ իշխանները գաղտնի ժողովներ էին ունենում կաթողիկոսի մօտ, որպէսզի մի հնար գտնեն օրուան չարիքի դէմ: Ծրագրում էին «փախչել յօտարութիւն եւ երբեմն ի խնդիր լինել օգնականութեան եւ ապստամբել: Առաքէին գաղտ եւ պատգամաւորս միանգամ եւ երկիցս առ թագաւորն Յունաց Լեւոն (457-474), որոյ թէպէտ եւ յանձն առեալ կամէր օգնել յերկարէր ժամն եւ խափանէին խորհեալքն»¹:

Գործի ղեկավարներն էին Բաբիկ Սիւնի եւ Առնակ Ամատունի: Հաւանօրէն, սրանք էին նաեւ Լեւոն կայսրի մօտ զննցող պատգամաւորները: Եթէ Արտաւան եւ Կլիէն պատմական անձերի ստուերներ լինէին, կարող էինք նրանց համեմատել Բաբիկի եւ Առնակի հետ: Մակայն, ոչ մի երաշխիք չկայ պատմական համարելու այս անձերը եւ եթէ անգամ համարենք, անկարելի է ընդունել որ նրանց սերունդն յարատեւէր Բիւզադիայում մինչև Հերակլի ժամանակ, այնուհետեւ տեղափոխուէր մակեդոնական Նիկէ եւ Փիլիպպոն քաղաքները, ապա անցնէր Ազրիանուպոլ, եւ երեք դար շարունակ օտարութեան մէջ ղեկերելով, պահէր անաղարտ ոչ միայն իր հայ ազգութիւնը, այլ եւ Արշակունի արիւնը: Այս կատարեալ առասպել է:

Կենսագիրը հաւատացնում է որ Ազրիանուպոլի Արշակունիներից Μαυροϋց եկաւ մայրաքաղաք եւ ծանօթացաւ Լեւոն Հայի հետ եւ ամուսնացաւ նրա դստեր հետ: Այս պատահեց Կոստանդինի եւ Իրինէի օրով, պէտք է կարծել, նրանց միասնական կառավարութեան տարիները 780-797 թուին: Maiktes, անկասկած, Հմայեակ անուան սխալ ընթերցումն

¹ Վազար Փարպեցի (Թեֆլիս, 1907 թ.), էջ 247:

է: Պէտք է կարգաւ Maiakes կամ Maikes, Հմայեակ կամ Հմայեկ (ժողովրդական ձեւ): Արդեօ՞ք Հմայեակը եւ Լեւոնը նոյնպէս հնարած անձնաւորութիւններ են, ինչպէս Արտաւան եւ Կլիէն, թէ առնուած են իրականութիւնից:

Կոստանդինի հօր Լեւոն կայսրի (775-780) օրով հարիւր հազարանոց բանակը շարժուեց դէպի արեւելք Արարների դէմ: Հինգ զօրավարներից չորսը հայ էին. Արտաւազգ, ստրատեգ Անատոլիկեան թեմի, Տաճատ Անձեւացի՝ Բուկելարեանի, Վարազտիրոց Բազրատունի՝ Արմենեակեանի եւ Գրիգոր Մուշեղակ՝ Օփսիկեանի: Արտաւազգը Հմայեակ Մամիկոնեանի որդին էր: Maiktes կարծես թէ պահել է այս Հմայեակ Մամիկոնեանի յիշողութիւնը: Իսկ եթէ ուզենք արժէք տալ այն ցուցումին թէ Maiktes-ը մայրաքաղաք եկաւ Կոստանդինի եւ Իրինէի (780-787) ժամանակ, ապա պէտք է ենթադրել որ խօսքը Արտաւազգի որդու մասին է, որը կարող էր իր պապի անունով Հմայեակ կոչուած լինել:

Գալով Հմայեակի աներոջ Լեւոնին, թւում է թէ այլ ոք չէ եթէ ոչ այն անձը, որ յետոյ դահ բարձրացաւ Լեւոն Նանունով: Լեւոնը Արմենեակեան թեմի ստրատեգ Վարդպատրիկի որդին էր: Վարդն ընկաւ 791 թուին բուլղարական ճակատում: Նրա որդին Լեւոնը մասնակից էր Միքայէլ Ռանգարէ կայսեր արշաւանքին ընդդէմ Բուլղարաց Կրում թագաւորի 813 թուին:

Միքայէլը պարտութիւն կրեց Ազրիանուպոլի ճակատամարտում, զօրքերը ձգեցին նրան դահից եւ կայսր հուշակեցին Լեւոն Հային 813 թուին: Հաւանական է կարծել, որ Հմայեակը, Լեւոնի փեսան, նրա բանակում լինէր եւ մասնակից Ազրիանուպոլի կռիւներին: Թերեւս այս է պատմական հիմ ծառայել այն աւանդութեան որով Հմայեակը համարում է Ազրիանուպոլցի եւ շատախղ հնում աստ հաստատուած Արշակունի իշխանների:

Ազրիանուպոլումն է որ Հմայեակի որդին ամուսնացաւ տեղացի մի այլի կնոջ աղջկայ հետ, որից ունեցաւ Վասիլին: Եստ զարմանալի է որ Վասիլի կենսագիրը չգիտէ կամ գտնէ չի տալիս նրա հօր եւ մօր անունը: Մակեդոնացի գերութեան դարձի հերոսների՝ Կորդուլի, իր սրղու Վարդի, Ցանցի եւ Լեւոն Գոմոստի անունները պահուել են, բայց Վասիլի ծնողների անունը անտես է արուել, մինչդեռ գերութեան ամբողջ պատմութիւնը ուրիշ նպատակ չունի քան ցոյց տալ որ Վասիլի ծնողները դերիների թւում էին եւ ինքը Վասիլը այդ ժամանակ նորածին մանուկ էր:

Վասիլի մօր անունը դիտենք նրա տապանագրից: Նա

կոչում էր Պանկալօ, Ամենագեղ և թաղուած էր Ս. Եփրեմէի եկեղեցում իր միւս երկու որդիներին՝ Սմբատի եւ Մարիանի հետ: Հնարաւոր է որ Պանկալօ Ազրիանուպոլցի այրի կնոջ դուստրն էր, բայց այրին, հարկաւ, ոչ մի կապ չունէր Կոստանդին Մեծի հետ: Հօր կողմից արենակից Տրդատ թագաւորի, ի՞նչ արգելք, եթէ մօր դժով էլ սերէր Տրդատի ժամանակակից Կոստանդին Մեծից: Աւելի պանծալի ծննդական չէր կարելի յօրինել Վասիլի համար, սերելով նրան երկու անդրանիկ քրիստոնեայ թագաւորներից: Դժուար է հաւատալ այս վառ երեւակայութեան թուիչքին:

Պանկալօ, անպայման, հայ էր ծագումով, ինչպէս երեւում է իր որդիների անուններից, որոնցից Սմբատը զուտ հայկական է, իսկ Մարիանը՝ ընդունուած Մամիկոնեան տան: Մանուէլ, Վարդ կեսար եւ Պետրոն եղբայրների հայրը կոչում էր Մարիան: Նոյն անունը կրում էր Պետրոնի որդին, որին Վասիլ եպարքոս նշանակեց մայրաքաղաքի: Բացի դրանից, հայ աղբիւրից դրական տեղեկութիւն ունինք, որ Վասիլի մայրը հայ էր: «Վահան ոմն եպիսկոպոս Տարօնոյ ասէր նմա թէ Արշակունի իցէ, զի մայրն հայ էր եւ կատարել թուէր տեսլեանն Սահակայ սրբոյ՝ նստիլ թագաւոր Արշակունի»:

Այս վկայութիւնն այն իմաստը չունի թէ Վասիլը հայ էր միայն մօր կողմից: Հօր ծագումը վէճի նիւթ չէր, ուստի եւ պատմագիրը ոչինչ չէ ասում այս մասին: Տարածայնութիւնը վերաբերում էր մօրը, որը ծնուած լինելով Ազրիանուպոլ, կարծւում էր ոմանց կողմից թէ հայ չէ: Ահա այս կարծիքը հերքելու եւ ամեն կասկած փարատելու համար շեշտում է որ մայրը եւս հայ էր, համաձայն Տարօնի եպիսկոպոս Վահանի վկայութեան:

Ո՞վ էր Վասիլի հայրը եւ ինչո՞ւ նրա անունը չգիտէ կամ չի յիշում Կոստանդին Ծիրանածինը: Զարմանալի չէ, որ պապի անունը գիտէ թէ՛ հօր թէ՛ մօր կողմից, բայց հօր անունը չգիտէ: Արդեօ՞ք գերութեան զրոյցի մէջ յիշուած Կորդուլն ու իր որդին Վարդը ազգական չէին Վասիլին:

Եթէ Լեւոնը, Վասիլի հաւր, իրաւ Լեւոն Ե կայսրն է, ինչպէս մեզ թւում է, հասկանալի է թէ ինչո՞ւ Վասիլի կենսագիրը սքօղել է իր պապի արենակցութիւնը պատկերամարտ կայսրին: Բնաւ ցանկալի չէր բարեպաշտ Վասիլին կապել աւելի քան ամբարիշտ համարուած Լեւոն Ե-ի հետ: Բայց որ հաւանական է նրանց մէջ ցեղակցութիւն որոնել, որո՞չ հիմ են տալիս նաեւ յատուկ անունները, որ ընդհա-

նուր են երկու աններին: Լեւոն Ե-ի որդիներից մէկը կոչում էր Սմբատ, միւսը՝ Վասիլ: Երբ Սմբատը յայտարարուեց գահաժառանգ, անունը փոխեց Կոստանդին: Արդ՝ Լեւոն, Սմբատ, Կոստանդին, Վասիլ անունները սեփական են Վասիլի տան: Նրա եղբայրը կոչում էր Սմբատ, աւագ որդին՝ Կոստանդին, որի ծննդեան անունը թերեւս Վարդ էր, ինչպէս մեկնեցինք վերեւ: Լեւոն Ե-ի հօր անունը եւս Վարդ էր:

Աւելորդ չէ թերեւս յիշել նաեւ այն հանգամանքը, որ Լեւոն Ե թաւ մօրուս ունէր եւ գանգուր մագեր: Վասիլի մասին եւս ասուած է որ մագերը գանգուր էին: Արդեօ՞ք դիպւածական երեւոյթ է թէ ժառանգական նշան:

Եթէ իրաւացի է մեր ենթադրութիւնը, որ Վասիլ Լեւոնի աղջկայ թոռն էր, ապա նա չէր կարող ծնուած լինել 812 թուին: Պատմում են որ 866 թուին մայիսի 25ին, երբ Միքայէլ կայսրը յաջորդ օրը պիտի հռչակէր Վասիլին թագակից, կատակասէր կայսրը հրամայեց պառկեցնել նոր կայսրին եւ 30 հարուած տալ մտրակով: Կատակը ծանր եկաւ Վասիլին, բայց դիմացաւ, որովհետեւ երիտասարդ էր, ասում է պատմագիրը:

Որքան եւ արտառոց է թւում այս կատակը, բայց պատշաճում է թեթեւսուլիկ եւ տղայամիտ Միքայէլին, եւ տարակուսանքի տեղիք չի տալիս: Պատմողը լսել է, անշուշտ, իրենց տանը, իր Կոստանդին պապից, որ Վասիլի բարեկամն էր եւ աղանատես նրա յաջողութեան: Թւում է թէ կատակը մի իմաստ ունէր. Վասիլը, հաւանօրէն, թեւակոխում էր 30 տարին, եւ 30 հարուած նրա 30 տարուան թիւն էր: «Երիտասարդ լինելով, դիմացաւ ցաւին» խօսքերը ապացուցանում են որ ամեն պարագային «երիտասարդը» 30 տարուց աւելի չէր կարող լինել:

Այս հաշուով Վասիլ ծնուած պիտի լինէր 836 թուին, հակառակ որ աւանդութիւնը տալիս է 812 թիւը: Իսկ Միքայէլ ծնուած էր 839 թուին, ասել է թէ երեք տարով միայն կրտսեր էր Վասիլից: Գրեթէ հասակակից էին, որով հասկանալի է եւ նրանց ընկերական մերձաւորութիւնը եւ միասնական ղուարճութիւններն ու խաղերը:

V

Վասիլը, եթէ իրօք Հմայեակի եւ Լեւոնի սերնդից էր, չէր կարող Արշակունի համարուել: Հմայեակը Մամիկոնեան

տանից էր եւ Լեւոնը՝ Արծրունեաց: Գիտնական պատրիարքը, անպայման, մեղանչել է ճշմարտութեան դէմ, եւ ստիպւած է եղել զիմելու մարգարէական տեսիլի օրնութեան: Վասիլի թագադրութեան առթիւ 866 թուին, նրա կենսագիրը նկատում է. «Եւ այսպիսով կատարուեց այն մարգարէութիւնը որ արել էր 350 տարի առաջ Իսահակ նշանաւոր հոգեւորականը, նա որ ինքն եւս Արշակունեաց ցեղից ծաղկով տեսել էր երազ թէ այնքան տարուց յետոյ Արշակի սերնդից մէկը պիտի առնէ Հսոմէական կայսրութեան գալիստները»:

Հայ մատենագիրը եւս պատմում է որ 325 հ. թ. = 876 Վասիլի կողմից եկաւ Աշոտ իշխանաց իշխանի մօտ Նիկիոս անուն կայսերական ներքինին խնդրելու Աշոտից թագ: Տարօնի եպիսկոպոս Վահանը «ասէր նմա թէ Արշակունի իցէ եւ կատարել թուէր տեսլեանն Սահակայ սրբոյ՝ նստիլ թագաւոր Արշակունի եւ կամէր պսակիլ ի Բագրատունւոյն»:

Ս. Սահակի տեսիլը յայտնի է: Վերջին Արշակունի թագաւորի Արտաշէսի հետ ընկաւ նաեւ Ս. Սահակը: Երբ նախարարները եկան նորից խնդրելու որ ստանձնէ հայրապետութիւնը, Ս. Սահակը հրաժարուեց, ասելով որ շատ վաղ տեսիլ է երեւացել իրեն, որով վերին կանխասացութիւնը յայտնում է թէ թագաւորութիւնը եւ հայրապետութիւնը զադարելու են Արշակունի եւ Գրիգորի տանից, «յուսցէ մերձ ընդ մերձ թագաւորութիւն յազգէդ Արշակունեաց եւ քահանայութիւն ի ցեղէ արժանաւոր քահանայապետին Գրիգորի»: Տեսիլն երեւացել է «յառաջ քան զձեռնադրելն զիս յեպիսկոպոսութիւն», այսինքն՝ նախ քան կաթողիկոսանալը:

Սակայն, միեւնոյն տեսիլն աւետել է, որ դարձեալ պիտի նորոգուէր թէ Արշակունի թագաւորութիւնը եւ թէ հայրապետութիւնը Գրիգորի տան. «մերձ յերեւումն պղծոյն անապատի դարձեալ յառնէ թագաւոր յազգէդ Արշակունեաց եւ նորոյի աթոռ հայրապետութեան ի շառաւիղէ սրբոյն Գրիգորի»: Թէ երբ պէտք է կատարուի, որոշուած է ճշտիւ. «Յայսմ հետէ մինչեւ ի վախճան աշխարհիս երեք տասներեակք ամաց ե կէս տասներեկի համասօտեացի ի վերայ ամենայն աշխարհի մինչեւ յերեւումն պղծոյն անապատի եւ լինին սոքա յայտնապէս թուով ամք երեքհարիւր յիսուն»:

Ս. Սահակի տեսիլի աղերսը Վասիլի թագաւորելուն աւելի քան խորհրդաւոր է: Շատ կարեւոր է բանասիրական տեսակէտից: Խնդիրը կնճռոտ է: Վասիլ գահ բարձրացաւ 866ին: Այսանդից 350 տարի յետ հաշուելով, կը սասանանք

516 թիւը, այն ինչ Սահակը ապրում էր մի դար յառաջ: Եթէ յառաջանանք տեսիլից, որ երեւացել է նախ քան Սահակի հայրապետանալը, ուրեմն ոչ ուշ քան 400 թիւը, կը հասնենք մինչեւ 750 թուականը: Այս դէպքում տեսիլի ակնարկը չի կարող վերաբերուել Վասիլին:

Ուշադրութեան արժանի է, որ ութերորդ դարի կէսերին, հայ-արաբական ընդհարումների սուր վայրկեանին, լուրեր էին տարածուած թէ արաբական պետութեան վերջը հասել է. «մի ոմն Մոնոզոն, մոլորութեան հուլան շարժեալ, մարգարէանայր սնտոխս եւ ընդունայն ասելով. «ասա մերձեալ է ժամանակ փրկութեան ձերոյ, զի այժմ ընդհուպ դարձցի գաւազան թագաւորութեանն միւս անգամ ի տուն թորգոմայ»:

Ութերորդ դարի կէսին, ուղիղ 750 թուականին Օմմայյեան տունը զիջաւ իշխանութիւնը Արբասեաններին ներքին կսիւններից յետոյ: Այս յեղաշրջումի շրջանին է վերաբերում կամ աւելի ճիշտ այստեղից են ծայր տուել յիշեալ լուրերը արաբական իշխանութեան մասին: Հայոց ապստամբական շարժումը 750-775 տարիներին գուցէ սնուած էր մասամբ այն հաւատով որ Արաբների վերջը մօտենում է: Հիմք կայ կարծելու որ այս առեւնները յօրինուած լինի մեզ հետաքրքրող տեսիլը Ս. Սահակի անունով:

Վասիլի շրջապատում, գլխաւորապէս Փոտի Չանքերով, փորձել են տեսիլը յարմարեցնել Վասիլի դէպքին եւ նրանով հիմնաւորել նոր կայսրի Արշակունի ծագումը:

Տեսիլի թելադրանքն այն է թէ Արշակունի եւ Լուսաւորչի տոհմերը պիտի վերստին ծաղկեն Հայաստանում: Եթէ ընդունենք որ Բիւզանդիան եւ խնդրի նիւթ է, այն ժամանակ կարելի է աւելի յառաջ գնալ եւ ենթադրել որ տեսիլը պարտական է իր ծագումը Վասիլի դահակալութեան:

Ուրիշ խօսքով՝ Փոտին վերագրուած գաղտնի դրութիւնը, որ կայսերական գրադարանի մէջ պահել էր, այլ քան չէր եթէ ոչ Սահակի տեսիլը, որ յօրինել էր դիտուն պատրիարքը ցոյց տալու համար, որ Վասիլը արքայական եւ այն էլ պարթեական ծագում ունէր եւ արժանի էր իրեն վիճակւած մեծութեան:

Այս կեղծիքը Փոտր կատարած պիտի լինէր 867-875 տարիների ընթացքում, այսինքն զահրնկէցութիւնից մինչեւ Նիկիոսի գալուստը Աշոտի մօտ: Վենետիկի հայրերից Կարապետ Տէր Սահակեան որ նահատակուեց Տրապիզոնում մեծ եղեռնի օրերին, այն կարծիքն էր պաշտպանել իր մի

ուշագրաւ յօդուածում թէ Սահակի տեսիլը յօրինուած է Բիւզանդիայում Վասիլի գահակալութեան առթիւ:

Այս կարծիքին դէմ է թուում, սակայն, այն պարագան որ տեսիլն արդէն ծանօթ է Սահակ Զորափորեցի կաթողիկոսի օրով խմբագրուած մի գործի, որ հասել է մեզ յունարէն թարգմանութեամբ: Սահակի տեսիլը, *ὄρασις*, յիշատակուած է այնտեղ: Խորենացին եւս տեղեակ է տեսիլին. «հարկաւորեալ պատմեաց զտեսիլն որ յառաջ քան զբազում ժամանակս երեւութացաւ նմա ի քունս ապագայիցն յայտնութիւնք»:

Սակայն ոչ յոյն գործի եւ ոչ Խորենացու հակիրճ խօսքերից չի երեւում թէ ի՞նչ էր տեսիլի էութիւնը: Արդեօ՞ք նրանց գիտցած տեսիլի մէջ յիշատակութիւն կար Արշակունեաց գահի եւ Լուսաւորչի տան վերանորոգման մասին, թէ խօսքը վերաբերում էր միմիայն այդ երկու տոհմերի մօտալուտ անկման: Այս է կարեւորը:

Մեզ թուում է որ տեսիլքի հին հարազատ խմբագրութեան մէջ ոչ Արշակունի եւ ոչ Լուսաւորչի տոհմի վերերեւման մասին խօսք չէր կարող լինել, այլ միմիայն նրանց անկման: Ս. Սահակ իր հրաժարականը հիմնաւորելու համար պատմում է թագաւորութեան եւ հայրապետութեան տխուր վախճանը եւ բնաւ պատճառ չունէր սփոփել ըմբոստ աղերսողներին լաւագոյն ապագայի յուսով:

Տեսիլն կարող էր վերախմբագրուած լինել Վասիլի գահակալութեան առթիւ եւ հետեւապէս Փոտին վերագրելու միտքը բնաւ անհաւանական չէ:

Ամեն պարագային Վասիլի Արշակունի ծագումը երկբայելի է: Ի հարկէ հայ նախարարական տներից շատերը արենակցական կապեր ունենալով Արշակունի տան հետ կարող էին յաւակնել արքայական ծագման, ինչպէս օրինակ Սենեքերիմ Արծրունու դուստրը որ հարս գնաց Վրաց արքունիք, իրեն համարում էր Արշակունի: Գոնէ վրաց աւանդութիւնն այդպէս է ներկայացնում: Թերեւս նման երեւոյթով Վասիլն եւս իրեն Արշակունի էր հռչակել: Իր որդի եւ յաջորդ Լեւոն կայսրը ակնարկում է իր հօր ազնուական ծագումը իր դամբանականի մէջ: Կայսերական տան մէջ, երեւում է, ընդունելութիւն էր գտած որ Վասիլ սերում է Տրրդատից: Ժամանակները մեծ հաւատ չէին ընծայում այս յաւակնութեան եւ գաղափարը վերագրում էին Փոտ պատրիարքին:

Միայն արարացի մատենագիր Տարարին է թուում համաժա Փոտին, ընդունում է որ Վասիլն արքայական շառաւիղ էր, բայց անուանում է նրան սլաւոն, «որովհետեւ մայրը սլաւոն էր»:

Տարարին գտնւում է, անտարակոյս, Փոտի կազմած ծննդարանութեան ազդեցութեան տակ: Սլաւոն բառով ակնարկում է Վասիլի մօր Ադրիանուպոլցի լինելը: Թրակիան եւ Մակեդոնիան ողողուած էին այդ ժամանակները սլաւոնական ազգարնակութեամբ, ուստի եւ յաճախ Սլաւոնիա անունն են տալիս այդ երկրներին:

Տարարին (923) ժամանակակից էր Եւտիքիոս Աղեքսանդրիոյ պատրիարքը, յայտնի Սայիդ-իբն-ալ-Բադրիկ անունով (940): Սա ասում է որ Վասիլը «արքայական ծագում չունէր, որովհետեւ սլաւոն էր»: Նոյնը կրկնում է եւ Մասուդի (950), որ Վասիլն արքայական տնից չէր, այլ սլաւոն էր, կամ երկրորդում է Տարարիի խօսքերը թէ Վասիլը սլաւոն էր կոչւում, որովհետեւ մայրը սլաւոնուհի էր:

Սլաւոն այս դործածութեամբ նոյնանիչ է Վասիլի մակեդոնացի կոչման: Նման վկայութիւնները առանձին արժէք չունին, քանի որ սոսկ ենթադրութիւններ են բացատրելու թէ ինչո՞ւ մակեդոնացի էր կոչւում Վասիլը: Պատճառը միայն այն չէր որ մայրը որպէս թէ մակեդոնացի էր, այլ Աղեքսանդր Մակեդոնացուն նմանելու յաւակնութիւնն եւս կար: Մայրը ամեն պարագային սլաւոն չէր ազգով, այլ շատ շատ սլաւոն երկրից էր, այսինքն՝ Ադրիանուպոլցի: Այս լուրերի դէմ էր բողոքում Վահան Եպիսկոպոսը, ինչպէս վերեւ յիշեցինք, յայտարարելով որ Վասիլն Արշակունի էր, «զի մայրն հայ էր»:

Վասիլի ծագման մասին մի ուրիշ աւանդութիւն է եղել հայ շրջաններում, որ պահուել է Ասողիկի մօտ. «զՍա ասեն ի Տարօնոյ ի դեղձէն Թլայ»: Այս խօսքերն այնպէս չպիտի հասկանալ թէ Վասիլ հասարակ գիւղացի էր: Մի անգամ ընդ միշտ թողնելու է այն միտքը թէ Վասիլն աննշան ծագում ունէր, ինչպէս տրամադիր են ցոյց տալու եւ բիւզանդական աղբիւրները: Բոյրը այն հայերը որոնք դերակատարներ են հանդիսանում բիւզանդական պատմութեան մէջ, գրեթէ բացառապէս պատկանում էին հայ ազնուականութեան դասին: Նրանց խոշոր մասը Մամիկոնեան տանիցն էին: Ութերորդ դարից, երբ ասպարէզը զիջան Բագրատունիներին, ստիպւեցին քաշուել Բիւզանդիա: Իսկ դրանից յառաջ Մամիկոն-

կաններին մղում էր արեւմուտք իրենց հակումը դէպի քրիստոնեայ մեծ պետութիւնը:

Տարօնը Մամիկոնեանների սեփականութիւն էր հնուց, բայց հետագայում անցաւ Բագրատունի տան: Ութերորդ դարի քաղաքական շարժումների ժամանակ Տարօնը արդէն Բագրատունիների իշխանութեան տակ էր: Այստեղ տիրում էր Աշոտ Բագրատունին, որդի Իսահակի, այն Աշոտը որ հակառակ կացաւ ապստամբութեան: Տարօնի շրջանի նոր կենտրոնն էր Խլաթ քաղաքը: Տակաւին նախընթաց դարում Բագրատունիները սա էին դրել Տարօնում: Այստեղ փախաւ Վարազ-Տերոց ասպետը պարսկական հալածանքից, անշուշտ ապաստան որոնելով իր կալուածում:

Հաւանական է որ Մամիկոնեան հանդուդ տան վերջին կայծերը մնացած լինէին Թիւ աւանում, եւ այստեղից քաշուած Բիւզանդիա, Բագրատունիների ճնշման տակ: Եթէ Փոտի յիշած Հմայեակ անձը եւեւակայութեան պտուղ չէ, նա է որ հեռացած պիտի լինի Տարօնի Թիւ դիւղից: Հակառակ դէպքում, այսինքն՝ եթէ Հմայեակը պատմական դէմք չէ, պէտք է կարծել, որ Թիւից գաղթած ընտանիքը Բագրատունի տոհմից էր:

Այսպիսով Վասիլի Արշակունի ծագումը անսպաշապանելի է պատմականօրէն, քանի որ այդ տոհմը վաղուց մարտն էր:

Հրապարակի վրայ էին երկու հինաւուրց եւ ականաւոր իշխանական տները՝ Մամիկոնեան եւ Բագրատունի, մինը փայլում էր Բիւզանդիայում, միւսը՝ Հայաստանում: Սրանցից էր ծագում հաւանօրէն եւ Վասիլի ընտանիքը: Հմայեակ անունը ի նպաստ Մամիկոնեան արեան է իսկ Սմբատ, որ Վասիլի եղբոր անունն էր, թեքում է դէպի Բագրատունի տունը:

Մակեդոնական քաղաքները եւ Ագրիանուպոլը լոկ առժամեայ բնակավայր էին Վասիլի ծնողների համար: Այստեղի ռազմական ճակատներում սովորական էր զորականների համար սրել իրենց սրերը եւ ապա ճանապարհ բաց անել դէպի պետական բարձր պաշտօնները, անգամ դէպի կայսերական գահը:

Կան գիտնականներ, որոնք ժխտելով Վասիլի Արշակունի ծագումը, պատրաստ են ուրանալու անխոհեմաբար եւ նրա հայ լինելն ընդհանրապէս: Մանաւանդ սլաւոն պատմագէտները դիւրաթեք են տեսնելու Վասիլի մէջ սլաւոնական արիւն: Մի շարք գիտուններ, ինչպէս Շաֆարիկ, Խոմեա-

կով, Դրինով, Չերտկով եւայլն, չեն քաշուել յայտարարելու որ Վասիլը զուտ սլաւոն էր կամ յունացած սլաւոն ընտանիքից:

Այս կանխակալ կարծիքներին մի անգամ ընդ միշտ վերջ տուեց մի նոր ազբիւր, Եւթիմիոսի Վարքը, որանդ ասուած է. «Ստիլիանոսը որ կոչուած էր հայերէն *Ζαούτζης* մակեդոնացի էր, բայց ծագումով հայ, ինչպէս եւ ինքը կայսրը»:

Այս անձը Վասիլի եւ իր որդու եւ յաջորդի՝ Լեւոնի սիրելին էր եւ վերջինս օրով հասաւ պետական բարձր դիրքի, կոչուելով թագաւորահայր: Այլ եւ զուսարը ամուսնացաւ Լեւոն կայսրի հետ: Ստիլիանոսի հայ անունը՝ Չաուցաս կարծում են որ չաուշ բառն է: Սխալ է: Թւում է թէ Ստիլիանոսը մեղ ծանօթ *Τζούτζης* զօրավարի որդին կամ մօտ ազգականն է եւ *Ζαούτζη* կարգալու է *Τζούτζης*: Տեսանք, որ նա Մակեդոնիայի ստրատեղ էր եւ նրա մօտ ծառայել էր պատանի Վասիլը:

Եւթիմիոսի Վարքի բացորոշ վկայութիւնը այլեւս կասկած եւ դեղեւումն չի թողնում Վասիլի հայ ծագման նկատմամբ:

Տարածայնութիւններ կան հնուց նաեւ Վասիլի ընտանեկան կամ աւելի ճիշտ ամուսնական կեանքի մասին: Վասիլ գահ բարձրացաւ այնպիսի պայմաններում, որ համակրութիւն վայելել չէր կարող լայն շրջաններում: Գործած ոճիրը ծանր էր եւ տպաւորութիւնը դեռ թարմ: Նպաստաւոր գետին կար չար սերմնացանների համար: Վասիլի թշնամի բերանները չչամեցին վայրահաչ զրոյցներով եւ ստայօղ լուրերով արատաւորել նրա անունն ու ընտանեկան պատիւը:

Վասիլը ամուսնացած էր, երբ մտերմացաւ Միքայէլ կայսրի հետ: Պատմում են որ Միքայէլ բաժանեց նրան իր կնոջից, որի անունն էր Մարիամ, եւ ամուսնացրեց Եւդոկիա Ինգլերի հետ, որ իր հարճն կամ սիրուհին էր: Ասում են որ Միքայէլը պայման էր դրել Վասիլին, որ սա լոկ անուանական ամուսին լինէր, թողնելով ամուսնական իրաւունքը Միքայէլին: Ի տրիտուր վերջինս դրեց Վասիլի տրամադրութեան տակ իր զրոջը՝ Թեկլային:

Վասիլ չորս որդի ունէր եւ չորս դուստր: Չար լեզուները զրպարտում էին, որպէս թէ առաջին երկու որդիները Կոստանդին եւ Լեւոն Միքայէլից էին եւ ոչ Վասիլից:

Կոստանդինը համարում էր Լուգովիկի դստեր Իրմին-

գարդի փեսայ: Այս առթիւ Պոլիս էր եկել Լուզովիկի ղեսպանը:

Կոստանդին մեռաւ 879 թուին, խնամախօսութիւնը վերաբերում է 870 կամ 871 տարիներին: Այս միջոցին Կոստանդինը գոնէ 15 տարեկան պիտի լինէր, որպէսզի փեսայացու համարուէր: Ասել է թէ ծնուած պէտք է լինէր 855 թուին, մինչդեռ Վասիլ ամուսնացաւ Եւզոկիայի հետ Վարդ կեսարի սպանութիւնից քիչ յառաջ, մերձ 865 թ.: Վարդի եւ Վասիլի թշնամութիւնը ծագեց Միքայէլի եւ Վասիլի մտերմական յարաբերութեան պատճառով եւ յանդեց Վարդի սպանութեան: Արդ Վասիլի եւ Եւզոկիայի ամուսնութիւնից 10 տարի յառաջ ծնուած Կոստանդինը ինչպէ՞ս կարող էր կապ ունենալ այդ ամուսնութեան հետ: Պարզ է որ Կոստանդինը առաջին կնոջից էր, Մարիամից, եւ ոչ Եւզոկիայից եւ հետեւապէս անտեղի և անհիմն էին տարածուած չարամիտ լուրերը: Պատմագիրները, սքճանադրելով հանդերձ այս լուրերը, աւելի հաւանական են համարում, որ Կոստանդինը Վասիլի որդին է:

Նոյնչափ եւ անհիմն է եւ Լեւոնի վերաբերեալ լուրը: Եթէ հաւատանք պատմագիրներին, Միքայէլ կայսրը մերձաւոր կապեր ունէր Եւզոկիա Ինդերի հետ նախ քան իր օրինաւոր ամուսնութիւնը: Այս կապը խցելու համար էր որ թէոզորա կայսրուհին եւ ներքինի թէոկոստար որոյնցին ամուսնացնել ղեռահաս Միքայէլին մի ուրիշ Եւզոկիայի հետ, որ աւելի համեստ էր, Դեկապոլիտ բնտանիքից: Թէոկոստար սպանուեց 856 թուին: Ուրեմն Միքայէլի ամուսնութիւնը ղենել է գոնէ 855 կամ 854 թուին: Իսկ Վասիլն կնութեան առաւ Եւզոկիա Ինդերին, ինչպէս յիշեցինք, 865ին կամ քիչ յառաջ: Արդ Միքայէլն ապրում էր Եւզոկիայի հետ աւելի քան 10 տարի եւ ոչ մի դաւակ չունեցաւ նրանից, եւ ոչ իր օրինաւոր կնոջից: 865ին Եւզոկիան անցաւ Վասիլի գիրկը եւ հետեւեալ 866 թուին սեպտեմբերի 1ին ծնեց Լեւոնին: Եւ այնուհետեւ պարզեւեց նրան եւս երկու որդի եւ չորս դուստր: Կարելի՞ է կասկածել, որ հայրը Վասիլը չէր, այլ Միքայէլը: Հարկաւ ոչ, եթէ միայն չենք ուզում մեղանշել ուղղամտութեան դէմ:

Աւելին կ'ասենք: Եւզոկիայի պատմութիւնն ամբողջապէս զրպարտութիւն է: Վասիլի պատճառով առելի են դուրս բերել եւ Եւզոկիային, որ իր բախտը կապել էր Վասիլին: Վերջնիս վիրաւորելու եւ ստորացնելու նպատակով է որ նրա կնոջը ներկայացնում են որպէս Միքայէլի հարձ: Եթէ Մի-

քայէլ կայսրը այնպէս սիրում էր Եւզոկիային, ի՞նչն էր արգելում ուղղակի կին առնել նրան եւ ոչ թէ գիշանել ուրիշին, վերապահելով իրեն կենակցելու դադաագողի իրաւունքը մի անբնական և աւելի քան կատակերգական ձեւի տակ:

Մայրաքաղաքի թեթեւամիտ զրոյցները հասել էին մինչեւ Աղեքսանդրիա: Եւտիքիոս պատրիարքը պատմում է որ Վասիլին հարցրին թէ ինչո՞ւ սպանեց Միքայէլին եւ պատասխանն եղաւ հետեւեալը: Միքայէլը որպէս թէ սիրահարուել էր մի կնոջ և Վասիլին հրամայեց ամուսնանալ նրա հետ, պայմանով որ մերձենալու իրաւունքը պատկանի իրեն Միքայէլին: Չէր ուզում որ իր կինը իմանայ իր ապօրինի կապը, իսկ պսակուել նրա հետ չէր կարող իր կնոջ կենդանութեան: Վասիլը կատարեց կայսրի պատուէրը, բայց յետոյ զղջաց եւ սպանեց նրան:

Այս պատճառաբանութիւնը ոչ մի արժէք չունի: Բիւզանդական արքունիքը առաքինութեան պարտէզ չէր եւ ոչ էլ օրինապահութեան: Ինքը Միքայէլ ցոփ եւ անառակ իշխանի տիպար էր: Եթէ լուրջ ցանկութիւն ունենար, կը թողնէր կնոջը եւ այլ կին կ'առնէր, ինչպէս արել են ուրիշ կայսրներ իրենից առաջ եւ յետոյ: Կինը, մայրը անգոր էին խափանել նրա քմահաճոյքը: Պատրիարքներն անգամ խաչով ու անէծքով նահանջում էին կայսերական կրօնի առաջ:

Եւտիքիոսի պատմութիւնը մի բան է ցոյց տալիս, որ չըջուն լուրերի համաձայն քաղաքական յեղաշրջումը տեղի է ունեցել սիրային հողի վրայ: Ուրիշ խօսքով, Միքայէլ արգելեալ տոփանք է տածել դէպի Վասիլի կինը եւ պատժուել է իր ապօրինի վարմունքի համար ամուսնուց:

Այս պարագան եւս առաւել ոյժ է տալիս մեր տարակուսանքին որ Եւզոկիան բնաւ այնպիսի թեթեւամիտ կին չէր, ինչպէս մեզ աւանդում են, եւ գուցէ երբեք հարձ չէ եղած Միքայէլի: Եւզոկիան յօժարակամ եւ ոչ Միքայէլի հրամանով ընտրել էր Վասիլին: Հակառակ դէպքում, վերջինս, գահ բարձրանալուց յետոյ, նրան չէր պահի:

Վասիլի կեանքը պէտք ունի աւելի քննական ուսումնասիրութեան եւ անկողմնակալ լուսաբանութեան քան եղել է ցարդ: Մեզ հասած պատմութիւնը մի ստամած կոյտ է զրոյցների, ամբաստանութիւնների եւ խեղաթիւրումների: Պէտք է քրքրել, քննել անաչառ աչքով, նպատակաւոր յերիւրանքներից պատմական եղելութիւնները յստակօրէն վեր հանելու համար: Վասիլի եւ նման գործիչների ծագման խնդիրը աւելորդ մանրակտկտանք չէ պատմութեան համար, ինչպէս կա-

րոյ է թուել շատերին: Բիւզանդականութիւնը ինչով որ զանազանում էր իր նախորդ քաղաքակրթութիւնից պարսական էր այլացեղ ազգերի միահամուռ գործակցութեան միեւնոյն պետական օղակում: Որոշել այս կամ այն ազգային տարրի բերած նպաստը նշանակում է լուսարանել, հասկանալ բիւզանդականութիւնը:

Մասնաւորելով խօսքս հայերի վրայ, մեր նպատակն է պարզել, թէ ի՞նչ էին ներկայացնում հայ գործիչները, որ փայլում էին պետութեան պատասխանատու դիրքերում արտասովոր եւ անօրինակ կորովով մտքի եւ զէնքի: Արդեօ՞ք բախտի ստահակներ էին, թափառաշրջիկ ասպետներ, որ հայրենիքից հալածական, արկածներ էին որոնում մեծ ճանապարհների վրայ, առանց փոյթ ունենալու հետեւանքների մասին, թէ ընդհակառակը հայ շինարար ոգու կրողներն էին, գիտակից աշխատաւորներ, որ ջանք չէին խնայում պետական նոր շէնքի կառուցման համար եւ իրաւամբ հանդիսանում են նրա իսկական ճարտարապետները:



ՀԱՅ ԳԻՏԱԿԱՆ ԴԵՄՔԵՐ ԲԻԻԶԱՆԴԻԱՅՈՒՄ

I

Իններորդ դարը շատ նշանաւոր շրջան է Բիւզանդիայի պատմութեան մէջ: Ոչ միայն քաղաքական այլ եւ մտաւոր կեանքը նոր ոգի եւ շունչ առաւ: Դարաւոր թմրութիւնից յետոյ վերջապէս սթափուեց գիտական միտքը եւ հին, մոռացւած գիտութիւնները երեւան եկան, թափ տալով իրենցից անտարբերութեան փոշին:

Այս մեծ գործում եւս, ինչպէս քաղաքական ասպարէզում, կարապետող ոյժերը հայ արիւն ունէին: Նրանց ենք պարտական, նրանց նախաձեռնող ոգուն եւ մտաւոր կարողութեան գիտութեանց յառնումը Բիւզանդիայում:

Կրթութեան հին ճրագները, որ տակաւին սուկայծում էին Ե դարում պետութեան զանազան կենտրոններում, հանգան գրեթէ բոլորքեան յաջորդ դարում Յուստինիանոսի օրով: Բացի Կոստանդինուպոլսի համալսարանից, որ հաստատուած էր 425 թուին Թէոդոս Բ-ի ժամանակ, կային բարձրագոյն դպրոցներ նաեւ Աթէնք, Ալեքսանդրիա, Անտիոք, Բերիւթ (Բէյրութ), Եդեսիա եւ Կեսարիա¹:

Յուստինիանոսը իր կենտրոնաձիգ քաղաքականութեամբ աղետարեք եղաւ գիտութեան համար: Նա փակեց Աթէնքի համալսարանը 529 թուին, աւելի ճիշտ արգելեց փիլիսոփայութեան և իրաւագիտութեան դասաւանդութիւնը: Վերացրեց իրաւագիտութեան ուսուցումը բոլոր քաղաքներում, վերապահելով այդ միմիայն մայրաքաղաքին եւ մասամբ Բերիւթին:

Եթէ չհաշուենք Եդեսիայի դպրոցը որ փակուեց Չենոն կայսրի հրամանով 489 թուին, միւսները մեծապէս տուժեցին Յուստինիանոսի դարաշրջանում և անչքացան: Ողձալի

¹ Սերէոսը, էջ 131, խօսելով Քաղքեղոնի ժողովի մասին ասում է որ ներկայ էին մեծ առաջնորդ վարդապետներ Քարուեստաւոր քաղաքացի Եգիպտացուց և Աղեքսանդրացուց եւ Հոովմայեցուց և Կեսարացուց և Աթենացուց և Կիւլիկեցուց:

Այստեղ արուեստաւոր բառը համապատասխանում է յայն *τέχνας τέχνη*, և նշանակում է գիտական: Այսպէս է կոչում մեր պատմադիրը այն քաղաքները, ուր բարձրագոյն դպրոցներ կային եւ յայտնի էին իրենց հռչակով:

պայմաններում քարչ տուրն իրենց գոյութիւնը մինչեւ որ կուլ գնացին իսպառ արարական հեղեղի մէջ: Մնաց միայն մայրաքաղաքի համալսարանը, որպէս եզակի հնոց գիտութեան: Սակայն եւ նա շուտով կորցրեց իր փայլը եւ շնորհիւ մի շարք անգրագէտ եւ անուսումնասէր գահակալների բոլորովին մոռացութեան տրուեց եւ բնաջինջ եղաւ: Ուսումն ու գրագիտութիւնը, զրկուելով պետական հովանաւորութիւնից եւ խնամքից, քաջուեցին վանքերը, տանելով իրենց հետ եւ գիտութեան վերջին բեկորները:

Այլեւս խնդիր չկար հելլէն գիտութիւնների մասին եւ չէր էլ կարող լինել: Մենաստանի պատերը, բնական է, որ չէին կարող հիւրընկալել այն գիտական յանգումները որոնք հեթանոս աշխարհայեացքի ծնունդ էին: Քրիստոնեայ գիտունին խորթ պիտի թուէին եւ խորշելի հեթանոս մտքի բնագիտական նուաճումները, տեսական կառուցումներն ու փիլիսոփայական յայտնութիւնները: Ս. Գիրքը իր սեփական պատասխաններն ունէր այն հարցերին, որոնք տոչորում էին հին մարդկութիւնը:

Թէոդոսեան համալսարանի ծրագրից կարելի է տեսնել թէ քրիստոնեայ պետութիւնը ի՞նչ էր կարելոք համարում իրեն համար հին գիտութիւններից: Համալսարանը ունէր 31 պրոֆեսոր. 3 հոգի աւանդում էին լատին ճարտասանութիւն, 10 հոգի՝ լատին քերականութիւն, 5 հոգի՝ յունական ճարտասանութիւն եւ 10 հոգի՝ յունական քերականութիւն, 2 հոգի՝ իրաւաբանական գիտութիւններ եւ մի հոգի՝ փիլիսոփայութիւն:

Գլխաւոր առարկաներն են ուրեմն քերականութիւն եւ ճարտասանութիւն կամ հռետորական արուեստ, եւ մասամբ օրէնքների գիտութիւն: Յիշեալ համալսարանի բացման ժամանակ 425 թուին պետական լեզուն լատիներէնն էր, իսկ յունարէնը պետական եկեղեցու լեզուն էր: Երկուսն էլ պէտք էր գիտենալ, ուստի եւ համալսարանական դասաւանդութեան առարկայ էին:

Սակայն, լատիներէնը շուտով վերացաւ, եւ յունարէնը գրաւեց նաեւ պետական լեզուի պատիւը: Այն երկիրները, որոնք կազմում էին Բիզանդական տէրութիւնը, իսկապէս լայնատարած կապեր չունէին լատիների եւ Յոյների հետ ո՛չ լեզուական եւ ո՛չ արեւնական: Սրանց իրաւունքը պետութեան վրայ գլխաւորապէս քաղաքակրթական էր եւ ո՛չ ցեղային: Եթէ ի վերջոյ նախընտրութիւնը տրուեց յունարէնին, պատճառը, անշուշտ, եկեղեցին էր: Քրիստոնէութիւնը ընտրել էր յոյն լեզուն որպէս իր քարոզչութեան գործիք:

Սելեւկեան շրջանից սկսած յունարէնը դարձել էր միջազգային յարաբերութեանց եւ մանաւանդ կիրթ քաղաքացիութեան լեզու Առաջաւոր Արեւելքում: Նա մտաւ բնականորէն նաեւ եկեղեցին: Իսկ եկեղեցին պարտադրեց նրան պետութեան: Բիզանդական պետականութիւնը արդէն իսկ հռովմէականի եկեղեցականացումն էր որոշ չափով եւ իմաստով: Բնակչութեան հոծ մեծամասնութիւնը չզիտէր յունարէն լեզուն: Յոյները որ հաստատուած էին ծովեզրեայ եւ մասամբ ներքին վաճառաշահ քաղաքներում իրենք եւս պէտք ունէին սովորելու գրական յունարէնը, որից բաւականին հեռացել էր խօսուն բարբառը:

Այսպիսի պայմաններում հասկանալի է թէ ինչո՞ւ քերականութիւնը այնպիսի կարելոք տեղ է բռնում դասաւանդութեան մէջ: Ընդունուած ձեռնարկ էր Դիոնեսիոս Թրակացու քերականութիւնը: Դիոնեսիոս ապրում էր երկրորդ դարում Քրիստոսից առաջ, բայց նրա երկը մեծ հռչակ եւ ժողովրդականութիւն ստացաւ բիզանդական շրջանում: Յոյներին հետեւեցին Հայերը, Ասորիները եւ Թարգմանեցին իրենց լեզուով Թրակացու քերականութիւնը: Քերական գրականութիւնը շատ հարուստ է, որ նշան է թէ մեծ պահանջ կար:

Հների մօտ, ինչպէս եւ Դիոնեսիոսի, քերականութիւն չէր նշանակում միայն այն, ինչ որ այժմ հասկանում ենք այդ բառով, այլ աւելի ընդարձակ իմաստ ունէր: Նա ամփոփում էր իր մէջ նաեւ գրականութիւնն ու պատմութիւնը, այսինքն, մօտ էր արդի բանասիրութեան, կամ պատմա-բանասիրական գիտութեանց: Թէոդոսեան համալսարանի 31 պրոֆեսորներից 25ը զբաղուած էին քերական դասերով:

Միւս նշանաւոր առարկան ճարտասանութիւնն էր, որից անբաժան էր տրամախօսութիւնը կամ դիալեկտիկան: Վերջինս ոչ այլ ինչ էր եթէ ոչ վիճարանելու արուեստը հարց ու պատասխանի ձեւով: Կուռ լեզու, ճարտար խօսք, ներհուն գիր, ահա ինչ էր պէտք մանաւանդ քրիստոնէական եկեղեցուն: Սրանք գնահատելի գէնքեր էին պաշտպանելու քրիստոնէական վարդապետութիւնը ընդդէմ հեթանոս իմաստասէրների, որոնք գիտէին գործ ածել նոյն գէնքերը կատարեալ հմտութեամբ: Ճարտասանական ու վիճարանական արուեստը հարկաւոր էր ոչ միայն հեթանոս աղանդաւորների, այլ եւ քրիստոնեայ հերձուածների դէմ պայքարելիս: Ճարտասանութեան վերջին գործածութիւնը մուսուլման ուլեմաների դէմ էր, որոնց հետ ստէպ ընդհարում էին եկեղեցու շատագովները:

Բնորոշ է Բարսեղ Կեսարացու այն նշանաւոր համեմատութիւնը թէ ինչպէս որ քաղաքները բարձր պարիսպներ ունին պաշտպանութեան համար, այնպէս էլ կրօնն ունի պարիսպ եւ այդ պարիսպն է դիւրեկտիկան, որը թոյլ չէ տալիս թշնամիներին աւերում գործել եւ կամ յափշտակել այնպէս զիւրութեամբ կրօնական դաւանանքը:

Դիւրեկտիկայի կարողութիւնը ձեռք բերելու համար պէտք էր դիմել Արիստոտէլի երկերին: Պորփիրի ներածութիւնը, Արիստոտէլի Ստորագութիւնը, Պերիարմէնիասը եւ միւս աշխատութիւնները դարձան ուսումնասիրութեան առարկաներ: Գրականութեան այս ճիւղը շատ զարգացաւ եւ ոչ միայն յոյն, այլ և ասորի և հայ լեզուներով: Մերձաւոր նպատակը կրօնական - եկեղեցական խնդիրների եւ վէճերի մէջ հմտութիւն ձեռք բերելն էր: Կարելի է կրկնել, որ գիտութիւնը արդարեւ աստուածարանութեան աղախինն էր եւ ծառայում էր նրա անմիջական շահերին:

Հնութեան իսկական նուաճումները ստոյգ գիտութեանց ասպարէզում օրուայ պահանջ չէին համարում, այնպիսի գանձեր էին, որ գնահատող չունէին, ապրանքներ, որ սպառող չունէին: Դրանք էին համարողութիւն (մաթիմատիկէ), երկրաչափութիւն, աստեղարաչափութիւն, որոնք երաժշտութեան հետ միասին կազմում էին մի միութիւն Tetraktis կամ quadri vium կոչումով, այսինքն՝ քառեակ կամ ինչպէս Գրիգոր Մագիստրոսն է կոչում Բառիցն արուեստ: Այս գիտութեանց է նայում յայտնի փակագիրը Խորենացու մօտ, որպէս զԱ առ Բ, զԹ առ Փ, զԵ առ Ե, զԵ առ Թ, այսինքն է Աստղարաչափութիւն առ Քաղղէացիս, Թուականութիւն առ Փիւնիկեցիս, Երկրաչափութիւն առ Եգիպտացիս, Երաժշտութիւն առ Թրակացիս:

Եկեղեցական իմաստութիւնը պէտք չզգաց այս գիտութեանց եւ սրանք մնացին ձեռագիրների մէջ, հեռու հանրային հարցասիրութեան շրջանից:

Հելլէն գիտութեան վիճակը քրիստոնէութեան միջավայրում նկարագրում է մի արաբ մատենագիր հետեւեալ խօսքերով: «Հին Յոյների ժամանակ եւ բիւզանդական միապետութեան առաջին դարերում, գիտութիւնը շարունակեց աճել եւ զարգանալ: Գիտնականները եւ փիլիսոփաները, որ մեծ յարգանք եւ ուշադրութիւն էին վայելում, պարապում էին բնագիտութեամբ, մարդու մարմնի, մտքի եւ հոգու ուսումնասիրութեամբ: Պարապում էին նաեւ քառեակ գիտութիւններով, այսինքն՝ ուսողութեամբ (մաթիմատիկէ), որ է թուերի գիտութիւն, երկրաչափութեամբ, որ է ծաւալի

եւ ձեւերի չափումը, աստղարաչափութեամբ կամ երկնային մարմինների գիտութեամբ, եւ երաժշտութեամբ, որ է հընչիւններ դաշնաւորելու արուեստ: Գիտութիւնները պատիւ ունէին եւ համաշխարհային համարում: Նստած հաստատուն եւ փառահեղ պատուանդանի վրայ, նրանք բարձրանում էին օրէցօր, երբ քրիստոնէական կրօնը երեւան եկաւ Յոյների մօտ: Օրհասական մի հարուած էր գիտութեան շէնքի համար: Նրա բարձունքը տապալուեց, եւ վարդապետութիւնները անհետացան: Ինչ որ պարզել էին հին Յոյները չքացաւ, եւ այն գիւտերը որ արդիւնք էր հների հանճարին, այլանդակուեցին»¹:

Նոյն միտքը յայտնում է նաեւ Գրիգոր Մագիստրոսը իր նամակներից մէկում հետեւեալ համարձակ խօսքերով. «Եթէ ձկնորսացն եմ աշակերտ, սակայն ոչ եմ անտեղեակ Աթենացուցն ստորագութեանց եւ հելլենական հանճարոյ, սակայն հաւատք մեր ծածկեցիմ զիմաստութիւն»: Նրան քաջածանօթ են «քառիցն արուեստք»:

Գիտութեանց անմխիթար դրութիւնը տեւեց դարեր, մինչեւ որ թ դարում վերածնեց գիտական միտքը եւ գործունէութիւնը: Հին ծառը բողբոջեց անհատական ջանքերով եւ արժանացաւ պետական հովանաւորութեան: Անդրաքիկ գիտնականը եւ մեկեցաւ, երկուսն էլ հայ էին:

II

Հայկական շրջանը բիւզանդական պատմութեան մէջ սկսում է ոչ թէ Վասիլ Մակեդոնացուց, այլ Լեւոն Ե կայսրից, այսինքն ոչ թէ Թ դարու վերջից, այլ սկզբից:

Լեւոն կայսրի սպանութեամբ հայ ազդեցութիւնը չտկարացաւ: Միքայէլ Թլուատը այն անձը չէր, որ կարենար որեւէ մեծագործութեամբ մեղմացնել իր գործած ոճիրը: Ամեն նկատումով ցած էր իր զոհից: Թէոփիլն աւելի կարող եւ գիտակից իշխան էր քան իր անկիրթ հայրը Միքայէլ Թլուատը, եւ աւելի զգաստ եւ շրջանկատ քան իր որդին Միքայէլ արբշիւրը: Ամեն պարագային նրա յաւակնութիւնները աւելի զօրեղ էին քան իր կարողութիւնները: Թէոփիլի կիներ էր Թէոդորա, Մամիկոնեան իշխանուհին: Սրա հօրեղբայրը Մանուէլ Մամիկոնեանը Արմենեակեան թեմի ստրատեգ էր տակաւին Լեւոն Ե-ի ժամանակ եւ պետութեան առաջին զինւորական ղէմքն էր եւ մնաց մինչեւ իր կեանքի վերջը Միքա-

1 Masoudi, Les Prairies d'Or, II, 320.

յէլ Գ-ի օրով: Թէոդորայի քոյրերը իրենց ամուսիններով Արչաւիւր պատրիկ եւ Կոստանդին Բարուցիկ, եւ եղբայրները՝ Վարդ եւ Պետրոն ամենապործօն ոյժերն էին Ամորրեան հարստութեան ժամանակ:

Կարելի է ասել որ Մամիկոնեան տան փայլուն շրջան էր: Վարդ Մամիկոնեանը այնքան պերճացաւ, որ օրինական ճանապարհով պիտի յաջորդէր վերջին Ամորրացուն, իր քեռորդուն, եւ նոր հարստութեան հիմը պիտի ձգէր, եթէ միայն քմահաճ բախտը այլապէս չտնօրինէր եւ չխլէր նրանից կայսերական թագը մատուցանելու նրա աւելի երջանիկ ախոյեանին եւ հայրենակցին, Վասիլ մեծագործ Հային:

Ահա այս Վարդն էր, որ մեկենաս հանդիսացաւ գիտութեանց: Կիրթ եւ ուսումնասէր մարդ էր, սիրում էր գիտութիւնը եւ գիտնականների հասարակութիւնը: Նրա մեկենասութիւնը անհատական համակրութեան սահմանում չմնաց, այլ հասաւ պետական բարձրութեան: Պետական հովանաւորութիւնը սիրուց գիտութեանց վրայ, բաց անելով առաջին համալսարանը Մագնարա կոչուած պալատում: Վարդի թշնամիներն անգամ խոստովանում են նրա արժանիքը, նրա խոշոր եւ անգնահատելի ծառայութիւնը կրթութեան ասպարէզում: Այն գիտնականը, որ նորարաց դպրոցի գլուխն անցաւ, Լեւոն մեծ փիլիսոփան էր: Նա եւ հայ էր եւ ինչպէս կը տեսնենք նախարարական մեծ տոհմից: Վարդի մտերիմ բարեկամն էր, գուցէ եւ գիտական հաստատութեան բուն հեղինակը: Նրան հաւատաց Վարդը իր ձեռնարկի տեսչութիւնը: Ո՞վ էր Լեւոնը:

Նշանաւոր կեանքերը ներկայանում են ստէպ նոյնիսկ մերձաւոր սերնդի յիշողութեան մէջ, մանաւանդ Բիւզանդիայում, վիպախառն դժերով: Լեւոնի պատմութիւնը եւս ազատ չէ զրուցային պաճուճանքներից:

Մեծ գիտնականը ապրում էր սկզբում գրեթէ անյայտութեան մէջ կամ ծանօթ էր անձուկ շրջանում: Ուսումնասիրել էր բոլոր գիտութիւնները եւ յաջողել ձեռք բերել այնպիսի մի խոր հմտութիւն որ անմատչելի էր ուրիշ որեւէ մէկին: Փիլիսոփայութիւնը եւ իր քոյր գիտութիւնները՝ թուաբանութիւն, աստեղաբաշխութիւն, երկրաչափութիւն եւ երաժշտութիւն հաւասարապէս ընտանի էին նրան: Բնական հարուստ ձիրքերը, տոկուն աշխատութիւնը եւ մենաւոր կեանքը, ահա այն պայմանները, որոնց շնորհիւ դիզել էր իր մտաւոր գանձերը եւ հասել գիտութեան ծայր կէտին: Քաջուելով կեանքի ժխորից, ընտրել էր մի ազբատ տնակ, ուր ընդունում էր եւ ուսուցանում ամեն մարդու, որ դալիս

էր նրա մօտ սովորելու ինչ որ ցանկանում էր: Բազմաթիւ աշակերտողներ ունեցաւ: Նրանցից մէկը պատճառ եղաւ, որ մեծալաստակ գիտնականը, այդ թագուն գանձը, յայտնի դառնար պետական շրջաններում եւ իր չքաւոր հիւղից փոխադրուէր կայսերական պալատը:

Լեւոնի աշակերտներից մէկը, որ սովորել էր երկրաչափութիւն, մտել էր մի ստրատեգի (զօրավարի) մօտ գրագրի պաշտօնով: Երբ զօրավարը պատերազմի դնաց Արարների դէմ, առաւ իր հետ նաեւ գրագրին: Սա գերի ընկաւ եւ տըրւեց մի նշանաւոր արարի որպէս սպասաւոր:

Այդ ժամանակ ամիրապետը Մամունն էր: Նա յայտնի էր իր կրթասիրութեամբ: Մասնաւոր սէր ունէր յունական գիտութեանց եւ մանաւանդ երկրաչափութեան: Մի անգամ խօսակցութեան ընթացքին գերի սպասաւորը իմացաւ իր տիրոջից, որ ամիրապետը հետաքրքրում է գիտական հարցերով: Առանց քաջուելու յայտնեց, որ ինքը գիտէ երկրաչափութիւն եւ կ'ուզենար ծանօթանալ ամիրապետի ուսուցիչ գիտնականներին: Արար իշխանը լուրը հասցրեց Մամունին: Սա, որ ծարաւի էր գիտութեան, հրամայեց բերել տղային եւ հարցրեց թէ որքան ճիշտ է նրա ասածը: Յայիֆը չծածկեց իր թերահաւատութիւնը, ասելով որ երկնքի տակ աւելի կարող գիտուններ չկան, քան իր ուսուցիչները: Երիտասարդ ծառան աւելի եւս ցանկաղաւ անպատճառ ծանօթանալ այդ գովուած գիտնականներին: Ամիրապետը յարգեց նրա խնդիրը եւ տեսակցութիւնը կայացաւ: Արար գիտնականները գծեցին եռանկիւնիներ եւ յառանկիւնիներ, թուեցին Եւկլիդէի կանոնները և սկսեցին գիտնականի յըջութեամբ շարել անուններ թէ այս բանը այսպէս է կոչուում, այն՝ այնպէս: Բայց թէ ինչո՞ւ է այդպէս կոչուում, եւ կամ ի՞նչ է իմաստը եւ պատճառը, չգիտէին: Լեզուներն էին, որ շարժում էին, բայց էութիւնը չէին լքմբոնում:

Հոռոմ գերին հասկացրեց որ նրանց գիտութիւնը թերի եւ անկատար է, քանի որ պատճառարանել չեն կարող: Յետոյ ինքը սկսեց տալ հարկաւոր մեկնութիւնը եւ բացատրութիւնը: Ամենքը ապուշ կտրեցին եւ հիաղումով հարցրին թէ ո՞րտեղ է ամբարել այդ գիտութիւնը եւ թէ արդեօք իրեն նման գիտուններ չաւ կա՞ն Բիւզանդիայում: Գերին պատասխանեց, որ ինքը ուրիշ շատ յատերի հետ համարում է աշակերտների թւում եւ ոչ իսկական ուսուցիչների: Հետաքրքրութեան իմանալ, ո՞վ է եղել իր ուսուցիչը: Աւելի եւս գարմացան, երբ լսեցին որ ուսուցիչը Լեւոն անունով մեծ փիլիսոփան է, որ դեռ կենդանի է եւ ապրում է չքաւորու-

Թեան մէջ, բազմութեան անյայտ եւ անծանօթ վիճակում: Մամունը շատ յուզուեց եւ իսկոյն եւ եթ նամակ գրեց Լեւոնին հետեւեալ բովանդակութեամբ.

«Պտղից ճանաչեցինք ծառը, աշակերտից՝ ուսուցիչը: Քանի որ փիլիսոփայական խորունկ գիտութեամբ, առաքինի վարքովդ անծանօթ ես մնացել հայրենակիցներիդ, եւ ցայժմ չես քաղել գիտութեանդ եւ իմաստութեանդ պտուղները, այլ եւ ոչ մի մեծարանքի չես արժանացել նրանց կողմից, լաւ կը լինի որ բարեհաճես գալ մեզ մօտ եւ հաղորդակից անես մեզ քո վարդապետութեանդ: Եթէ յօժարես գալ, համակ սարակինոսաց ազգը կը ճկէ իր վիզը ձեր առաջ եւ այնպիսի հարստութեամբ, այնպիսի ճոխ նուէրներով կը պատուէ ձեզ, որին ոչ մէկ մահկանացու չէ արժանացել»:

Մամունը նամակը տուաւ հոռոմ ծառային, սիրաշահեց ընծաներով եւ պատուիրեց տանել նամակը իր ուսուցչին: Խոստացաւ նորից ընծաներ տալ եւ անդամ ազատ արձակել գերութիւնից, միայն թէ ողորջէ, համոզէ փիլիսոփային թողնել հայրենի հողը:

Գերին եկաւ կայսերական քաղաքը եւ գտաւ իր ուսուցչին: Երբ տեսաւ նրա պայծառ եւ ջերմ երեսը, խանդաղատեց, սկսեց լալ եւ ողջադուրել, թանալ արտասուքով երեսը, վիզն ու կուրծքը: Ուսուցիչը չճանաչեց եւ մնաց ապշած օտարականի վարմունքից: Գերութեան մէջ քաշած տարիները փոխել էին նրա կերպարանքը: Երբ երիտասարդը յիշեցրեց իր անունը եւ թէ ե՞րբ եւ ի՞նչ է սովորել, փիլիսոփան ճանաչեց: Նամակը յանձնեց նրան: Սակայն Լեւոնը վախենալով որ թշնամի վեհապետից ստացած նամակը կարող էր կասկածներ յարուցանել անխորժ հետեւանքներով, բարւոք համարեց հաղորդել եղելութիւնը մեծ լոգոթետին, որ էր Թէոկտիստ ներքինին:

Այս առթիւ լոգոթետը ծանօթացաւ Լեւոնին եւ իր կողմից յայտնեց ամեն ինչ Թէոփիլ կայսրին: Սա հետաքրքրուեց գործով, կանչեց իր մօտ Լեւոնին, թոշակ կապեց նրան, պատուիրելով դասախօսել Քառասուն Մանկանց եկեղեցում: Ահա այս կերպ մեծ փիլիսոփան դուրս եկաւ անյայտութիւնից եւ հռչակ ստացաւ մայրաքաղաքի մտաւորական եւ պաշտօնական շրջաններում:

Պատմում են նաեւ, որ Մամունը տեսնելով որ իր հրաւերը ձախողեց եւ Լեւոնին չթողին հեռանալ իր տեղից, նամակ գրեց նրան, ուր առաջադրեց մի քանի երկրաչափական, աստեղագիտական եւ ուրիշ խրթին հարցեր, և խնդրեց ուղարկել նրանց լուծումը: Լեւոնը բացատրեց ինչ որ պահանջուում

էր, լուծեց դիւրութեամբ խնդիրները եւ միեւնոյն ժամանակ մի քանի գուշակութիւններ արեց և բոլորը նամակով ուղարկեց ամիրապետին:

Նամակը մեծ հիացք պատճառեց ամիրապետին: Այնպիսի բարդ եւ խրթին խնդիրների լուծումը որ տուել էր Լեւոնը, մի նոր ապացոյց էր նրա անզուգական գիտութեան:

Մամունը մի անգամ եւս փորձեց իր մօտ բերելու այդ նշանաւոր գիտունին եւ նամակ գրեց ոչ նրան, այլ այս անգամ կայսրին:

«Կը կամենայի ինքս գալ ձեզ մօտ, գրում է Պալիֆան, բարեկամութիւնս վկայելու եւ միեւնոյն ժամանակ աշակերտելու ձեզ: Բայց Աստուծոց տրուած իշխանութիւնս եւ բազմաթիւ հպատակներս չեն ներում հեռանալ, ուստի խնդրեմ զրկես ինձ մօտ կարճ ժամանակով այն մարդուն, որ այնպէս հռչակուած է փիլիսոփայութեան եւ միւս գիտութիւնների մէջ: Թող գայ ապրէ ինձ մօտ եւ որպէս ուսուցիչ աւանդէ իր գիտութիւնն ու հաղորդ անէ ինձ իր առաքինութեան, ինձ, որ այնպէս սիրահար եմ թէ մէկին թէ միւսին: Ձի կարելի բնաւ մերժել այն պատճառով, որ ես միեւնոյն լեզուն չունիմ ձեզ հետ եւ օտար եմ ձեր հաւատին: Խնդիրները յարգում են բարի եւ ազնիւ բարեկամների մէջ, մանաւանդ երբ խնդրողը այնպիսի ոք է որպէս ես: Պատրաստ եմ նաեւ ի տրիտուր նուիրաբերել քսան կենդինար ոսկի եւ դաշն եւ խաղաղութիւն կնքել ընդմիջտ եւ անքակտելի»:

«Այսպէս բարձր էր գնահատում Մամունը, նկատում է պատմագիրը, Լեւոնի գալուստը եւ հասարակութիւնը»:

Թէոփիլ կայսրը մերժեց ամիրապետի խնդիրը: Նա գտաւ որ խեղճ բան չէ բնտանի բարիքը տալ թշնամուն, զիջանել օտարին այն գանձը, որով Բիւզանդացիք միշտ փայլել են եւ զարմանքի եւ յարգանքի նիւթ եղել:

Կայսրը մեծ փառքի արժանացրեց Լեւոնին, հրամայելով Յովհաննէս պատրիարքին ձեռնադրել նրան մետրոպոլիտ Թեսսալոնիկէի: Պատրիարքը կատարեց կայսերական պատուէրը, մօտէն ճանաչելով Լեւոնին որպէս իր ազգականի:

Թեսսալոնիկէ Լեւոնը մեծ հռչակ ստացաւ մի դէպքի առթիւ: Տարիներ շարունակ անբերրիութիւն էր տիրում երկրում, սերմերը չորանում էին և ոչինչ չէին տալիս: Ժողովուրդը թշուառութեան մէջ էր և տառապում էր սովից: Լեւոնը ինչ ինչ աստեղագիտական դիտողութեանց հետեւելով, ճշտիւ որոշեց թէ երբ պէտք է սերմել որպէսզի արդիւնք տայ: Գիւղացիք այնպէս էլ վարունցին: Առատ հունձք ու-

նեցան եւ գոհունակութեամբ փառաբանեցին իրենց գիտնական մետրոպոլիտի անունը:

Լեւոնի համբար ալնքան մեծացաւ, որ շատ շատերի համար հանելուկ էր թէ ի՞նչպէս մարդ կարող է հասնել այդպիսի կատարելութեան բոլոր գիտութիւններէ մէջ: Լեւոնն ինքը պատմել էր իր մտերիմներից մէկին թէ ի՞նչ կերպ էր ձեռք բերել իր գիտութիւնը: Քերականութիւն եւ քերթոյութիւն սովորել էր Կոստանդինուպոլսում, ճարտասանութիւն, փիլիսոփայութիւն եւ թուականութիւն՝ Անդրոսկզում:

Այստեղ մի գիտուն մարդ կար, որի մօտ պարապեց Լեւոնը, բայց չգտաւ ինչ որ որոնում էր: Սկզբնական գիտելիքներ ձեռք բերեց միայն եւ հեռացաւ: Շրջեց զանազան վայրեր, անցաւ վանքից վանք, քրքրեց թափթփած ձեռագիրներ, քննեց զննեց եւ ինչ որ հարկաւոր համարեց առաւ հետը եւ բարձրացաւ լեւոնների գագաթները եւ խորին առանձնութեան մէջ սկսեց ուշի ուշով ուսումնասիրել հաւաքած գրքերը: Այս եղանակով հասաւ ծայր գիտութեան եւ վերադարձաւ մայրաքաղաք եւ հետամուտ եղաւ գիտութեան սերմերը ցանել ուսումնաստենչ հոգիներում:

Այս էր Լեւոնի գրադմունքը մինչեւ եպիսկոպոսանալը: Երեք տարի միայն վարեց մետրոպոլիտութիւն եւ երբ գահընկեց եղաւ, վերադարձաւ վերստին գիտական եւ մանկավարժական գործին: Մագնաւրա պալատի դպրոցի պետ նշանակեց: Երեք աշակերտներից թէոդորոսը աւանդում էր երկրաչափութիւն, թէոդիգիոսը աստղաբաշխութիւն եւ Կոմիտասը քերականութիւն:

Նրանց հովանաւորն էր Վարդը իր առատաձեռն օգնութեամբ եւ գիտութեան սիրով: Յաճախ այլցելում էր դպրոցը, խրախուսում էր աշակերտներին, որով «թեւեր տուեց գիտութիւններին»: Նրանք թեւաւորուեցին և յառաջ սլացան:

Այս պատմութեան մէջ կան ստոյգ և անվաւեր կէտեր: Կասկածելի է ամենից առաջ Լեւոնի եւ Մամունի ծանօթութեան պարագան: Մի ուրիշ տեղեկութեամբ միջնորդի դեր կատարողը Լեւոնի աշակերտներից այն անձն էր, որ Ամորիայի պաշարման ժամանակ 838 թուին պաշարուած բանակի մէջ էր: Կամենալով անցնել Արաբների կողմը եւ այդպիսով փրկուել վերահաս կորուստից, նա, որ աստղաբաշխ էր, մի կերպ իմաց տուաւ թշնամուն, որ եթէ երկու օր եւս շարունակեն պաշարումը, քաղաքը կ'առնեն: Այդպէս էլ եղաւ: Ամորիան ընկաւ, նշանաւոր զինուորական գէմքերը մասամբ կոտորուեցին, մի մասն էլ գերի ընկան Արաբների ձեռքը:

Մատնիչ աշակերտը Լեւոն փիլիսոփայի, փրկեց իր կեանքը անարդ գնով եւ ապաւինեց Արաբներին: Նրանից էր որ ամիրապետը իմացաւ Լեւոն գիտնականի գոյութեան մասին: Նամակ գրեց թէոփիլին եւ գերիներից մէկի ձեռքով զրկեց Կոստանդինուպոլիս եւ ինդրեց թոյլ տալ մեծ փիլիսոփային դալ իր մօտ, խոստանալով մեծամեծ պատիւներ: Թէոփիլը այդ ժամանակ միայն իմացաւ որ իր պետութեան մէջ այդպիսի մի խոշոր գիտնական կայ եւ փոխանակ ամիրապետին ուղարկելու, կարգադրեց որ Մագնաւրա պալատում դասախօսութիւններ կարգայ աշակերտներին: Ամեն գիւրութիւն տուաւ նրան: Լեւոնը թեսասլոնիկէի մետրոպոլիտ եղաւ:

Նոյնը կրկնում է բառացի մի ուրիշ պատմագիր աւելացնելով միայն որ Լեւոնը ձեռնադրութիւն ստացաւ Մեթոգիոս պատրիարքից¹:

Այս վերջին տեղեկութիւնը միանգամայն սխալ է: Լեւոնը մետրոպոլիտական աթոռից ընկաւ որպէս պատկերամարտութեան առաջնորդներից մէկը 843 թուին, երբ պատկերապաշտութիւնը վերահաստատուեց: Եւ որովհետեւ միայն երեք տարի մնաց աթոռի վրայ, հետեւապէս ընտրուած պէտք է լինէր 839-40 թուին: Մեթոգիոսը յաջորդեց Յովհաննէս պատրիարքին, որ նոյն պատճառով գահը թողեց 843 թուին, եւ մնաց չորս տարի ուրեմն 843-847: Պարզ է որ նա չէր կարող Լեւոնի ձեռնադրութեան հեղինակը լինել:

Առաջին աղբիւրը ոչինչ չէ ասում թէ երբ գերի ընկաւ Լեւոնի աշակերտը, մինչդեռ երկրորդը գիտէ որ Ամորիայի պաշարումի ժամանակ էր, 838 թուին: Այս դէպքում գերին չէր կարող դորձ ունենայ Մամունի հետ, որ մեռել էր 833 թուին եւ ոչ էլ թուղթ բերել Լեւոնին: Անհաւանական է որ անցքը տեղի ունեցած լինէր Մամունի օրով, երբ Լեւոնը տակաւին երիտասարդ էր, ինչպէս կր տեսնենք, և անպատրաստ ապագայ կոչման: Մամունի միջամտութիւնը Լեւոնի կեանքի մէջ, նրա նամակագրութիւնը, ոչ մի հաւատ չեն ներշնչում եւ համարելու է հնարածոյ գրոյց: Հիմը կամ առիթն այն է եղել որ Մամունը իրօք սիրող էր գիտութեան եւ մեծ հովանաւոր: Թերեւս գիտական որեւէ առաքելութիւն ունեցած լինի Բիւզանդիա: Արաբները յարգում էին յոյն գիտուցած լինի Բիւզանդիա: Արաբները յարգում էին թարգմանութեամբ իւրացնել: Միւս կողմից, իրենց գիտութեան ծարաւը, եթէ ոչ պաշարը, կարող էր արձագանգ տալ բիւզանդական մտաւոր շրքը:

1 Symeon, 640.

ջաններում: Երկու հարեւան պետութեանց աղերսը կրթութեան ասպարէզում այս կամ այն չափով բնական է եւ գրեթէ անվիճելի: Հաւանական է որ այս գետնի վրայ բուսած լինի Լեւոնի եւ Մամունի գրադրութեան գրոյցը:

Վստահելի չէ թուում Լեւոնի կենսագրութեան մէջ նաեւ այն տեղեկութիւնը, թէ նա կարօտութեան մէջ էր ապրում եւ ստիպուած էր իր կեանքը հայթայթել մասնաւոր դասաւանդութեամբ մինչեւ որ ծանօթացաւ արքունիքին: Վստահելի չէ այս պարագան, որովհետեւ Լեւոնը հասարակ տանից չէր: Նա մեծատան զաւակ էր: Բաւական է ասել, որ Յովհաննէս պատրիարքի եղբորորդին էր, *ἐξ ὀδελφός*, ինչպէս վկայում է իր կենսագիրը¹: Իսկ Յովհաննէսը «եկտր և կամ օտարական չէր, այլ բնիկ էր, կայսերական քաղաքի շառաւիղ, եւ ոչ աննշան, այլ խիստ ազնուական տոհմից, որ կոչւում էր Մորաքարցամ»²:

Յովհաննէսը մի եղբայր ունէր, անունը Արշաւիր, որին Թէոփիլ կայսրը պատրկութեան պատիւը շնորհեց: Արդե՞ք սրա որդին էր Լեւոն փիլիսոփան թէ մի ուրիշ եղբոր զաւակ էր:

Այստեղ պիտի կանգ առնենք Յովհաննէս պատրիարքի կեանքի եւ գործունէութեան վրայ: Այս կարեւոր է ոչ միայն Լեւոնի ընտանեկան միջավայրը պարզելու նկատմամբ, այլ եւ այն պատճառով, որ Յովհաննէս ինքը մի կարկառուն դէմք է իր կրթութեամբ եւ գիտական պատրաստութեամբ:

III

Յովհաննէս երեւան եկաւ Լեւոն Ե Հայի ժամանակ եւ խոշոր դեր ունեցաւ նրա եկեղեցական քաղաքականութեան մէջ: Յու է որ պատմագիրները պատկանում են հակառակ ուզողութեան, ուստի եւ անկողմնակալ չեն Յովհաննէսի եւ նման խորհողների վերաբերմամբ: Փառաբանել իրենց կուսակիցներին եւ լուտանք թափել հակառակորդների գլխին բնական բան է համարւում: Այն լեզուն, որ գործ են անում Յովհաննէսի դէմ, ինքնին վկայում է որ արհամարհելի ւխտյեան չէ եղել:

Երբ Լեւոնը դահ բարձրացաւ 813 թուին եւ հետամուտ էր վերականգնել պատկերամարտութիւնը, որ խափանուել էր 787 թուի ժողովով, աչք ածեց շուրջը քաջ տեսաբան գրու-

1 Theoph. Cont., 185.
2 Ibid., 154.

նելու, ընտրութիւնն ընկաւ մի երիտասարդ եկեղեցականի վրայ: Այդ Յովհաննէսն էր, անբաւ գիտութեան տէր, որի համար եւ կոչւում է Քերական:

Յաջորդ 814 թուին կայսրի պատուէրով Յովհաննէսը ձեռնամուխ եղաւ նախապատրաստական աշխատանքների: Պէտք է նիւթեր հաւաքել յառաջիկայ ժողովի համար: Կայսերական գրատունները նրա տրամադրութեան տակ էին: Գլխաւոր աղբիւրը կազմում էին 753 թուի ժողովի արձանագրութիւններն ու գործերը, ուր ամբարուած էին հին հայրեւրից քաղած բոլոր կարեւոր վկայութիւնները ընդդէմ պատկերների: Աշխատանքը կատարւում էր պալատում, ուր յատուկ սենեակ էր յատկացրած եւ անպակաս էր ճոխ սեղանը, ինչպէս կծու ակնարկում են հակառակորդ գրիչները¹:

Ժողովը կայացաւ: Նիկիփոր պատրիարքը ընկաւ աթոռից: Հարկաւոր էր նոր ընտրութիւն: Թեկնածուների մէջ էր նաեւ Յովհաննէսը, բայց չընտրուեց, որովհետեւ դեռ երիտասարդ էր²: Յովհաննէսի մերձաւոր էր Թէոդոտիոս Կասսիտերաս Մելիսսեն տնից, որի հայրը Միքայէլ ստրատեգ էր Անատոլիկեան թեմի եւ Կոպրոնիմ կայսեր քենեկալը: Միւս գործակիցն էր մի երրորդ կարեւոր դէմք, Կոստանդին Կասսիմատ, կարգաթող քահանայի որդի, որ սկզբում ուսուցիչ էր քերականութեան եւ իրաւաբանութեան եւ վերջը հոգեւոր կոչւում ընդունեց Անտոն անունով:

Պատրիարք ընտրուեց նախ Թէոդոտիոս, նրա մահից յետոյ Անտոնը և յետոյ աթոռն անցաւ Յովհաննէսին 832 թուին: Միքայէլ շարունակեց իր նախորդի յարգալիւր վերաբերումը դէպի Յովհաննէս, գնահատելով նրա դիրքը պատկերների խնդրում և նրա խորին գիտութիւնը: Յովհաննէսին ենք պարգաստիարակ իր որդու Թէոփիլին: Յովհաննէսին ենք պարտական Թէոփիլի լաւագոյն յատկութիւնները, մանաւանդ նրա սէրը դէպի գիտութիւնն ու արուեստը: Թէոփիլ սիրեց իր ուսուցչին, կարգեց նրան սինկելլ եւ յետոյ բարձրացրեց պատրիարքական աթոռ:

Յովհաննէսը անմասն չմնաց քաղաքական կեանքին: Երբ Թէոփիլը կամեցաւ իր գահակալութեան առթիւ ընդունւած դեսպանութիւն ուղարկել արաբական արքունիքը, յարմարագոյն անձը դատեց այս առաքելութեան համար Յովհաննէսին: Կատարեալ հմտութիւն ունէր քաղաքական եւ պետական գործերի մէջ, ճարտարախօս էր եւ անհամեմա-

1 Vita Nicephori, ed. Boour, 165.
2 Scriptor incertus, 359.

տելի վիճարան: Հայ լինելով, ծանօթ էր արեւելեան բարձրին եւ նիստ ու կացին, թերեւս, անտեղեակ չէր անդամ արարական լեզուին: Դեռ պանական պատասխանատու պաշտօնի համար աւելի յաջող ընտրութիւն չէր կարելի անել:

Մեր խնդրից դուրս է թէ ի՞նչպէս կատարեց իր յանձնարարութիւնը, մանաւանդ որ ուրիշ տեղ խօսել ենք այս մասին¹: Յիշենք միայն, որ Յովհաննէսը բերեց Բաղդաստից տեղական արքունիքի յատակագիծը և կայսրը նոյն ոճով շինել տուեց Բրիտանի պալատը: Եէնքը կառուցուեց համաձայն Յովհաննէսի բերած օրինակի, և հսկողութիւնը յանձնուեց Պատրիկ անունով ճարտարապետին: Եէնքը այնքան հարազատ էր իր կառավարին ձեւով եւ զարդարանքներով, որ դժուար էր զանազանել: Թէոփիլը պատուեց ճարտարապետին պատրկութեան աստիճանով²:

Երկրորդ անգամ վիճակուեց Յովհաննէսին զնալ Բաղդաստ: Այս անգամ խաղաղութեան դաշն կնքելու նպատակով էր եւ միեւնոյն ժամանակ գաղտնի յանձնարարութիւն ունէր բանակցել Մանուէլ Մամիկոնեան հռչակաւոր զօրավարի հետ, եւ համոզել վերադառնալ հայրենիք եւ կայսերական ծառայութեան³: Թէոփիլ գոհ մնաց նրա յաջողակ դեսպանութիւնից եւ երբ մեռաւ Անտոն պատրիարքը, Յովհաննէս աթոռը ժառանգեց որպէս միակ արժանաւոր թեկնածու: Պատրիարքութիւնը վարեց 832-843 տարիները: Թէոփիլի մահից յետոյ նրա այրին, կայսրուհի Թէոդորան, անսայով Թէոկտիստ լողթեաի սաղրանքին, վերականգնեց պատկերների պաշտամունքը: Պատրիարքը մնաց անսասան իր համոզումների մէջ և գերադասեց թողնել աթոռը: Նրան հեռացրին Կլիդիոն անունով մի վանք Վոսիորի ափին եւ մեռաւ, հաւանօրէն, յառաջ քան 860 թիւը:

Յովհաննէսի վրայ ծանրանում է վատանունութեան արատը: Կրօնաւորները, մանաւանդ միջնադարեան, անդերազանցելի վարպետներ են հակառակորդներ վատարանելու, ամեն զնով սևացնելու յոռի արուեստի մէջ: Վա՛յ նրան, ով որ չար բախտ կ'ունենայ նրանց լեզուի եւ գրչի տակ ընկնելու: Քրիստոնէական ներողամտութեան եւ կամ սոսկ արդարադատութեան սովորական պահանջը մոռացում է: Յովհաննէսը պատկերաւարտ բանակումն էր: Այս արդէն բաւական է որ հակախոհները զրախօսեն եւ ամեն տեսակ

1 «Մամիկոնեան իշխանուհին բիզանդական գահի վրայ» յօդուածում:
2 Theoph. Cont., 98.
3 Genes., 63; Theoph. Cont., 119.

մեղքեր բարդեն մի եկեղեցականի վրայ, որն արժանացել էր պատրիարքական մեծ կոչման:

Պատկերների խնդրում իսկապէս մեծ տարբերութիւն չկար բարեկամ եւ թշնամի կոչուած բանակների մէջ: Վէճը յարգելու թէ պաշտելու շուրջն է եւ միջին հաշտարար կէտ գտնելը դժուար չէր: Սակայն կրօնաւորները գիտեն բորբոքել կրքեր եւ սերմանել ատելութիւն այնտեղ, ուր փոքր ինչ զգաստ վերաբերումը բաւական է որ սանձէր չարաթոյն բերանները:

Յովհաննէսը, ինչպէս յիշեցինք վերեւ, մեծատան զաւակ էր, համբաւաւոր տոհմից: Պատանի օրերից սքեմ էր հագել և հետագայում վանահայր էր Ս. Սարգիս և Բակքոս վանքի, որ պալատական եկեղեցիների թուումն էր եւ հոգեւորականութիւնը հաշուում էր կայսերական կղերի մէջ¹:

Ընտանեկան պայմանները հնարաւորութիւն էին տուել նրան ստանալ բազմակողմանի եւ խոր կրթութիւն: Յովհաննէսի սովորական մակննդունն էր Grammatikos, Քերական²: Նշանակում է իր ժամանակուայ գիտութեանց ամբողջական շրջանն անցել էր, որովհետեւ քերական բառը ընդարձակ իմաստ ունի, ինչպէս վերեւ բացատրեցինք: Նրա կատարի թշնամիները, որ կամովին կուրութեամբ զլանում են նրա մէջ որեւէ լաւ յատկութիւն տեսնել, չեն վարանում խոստովանելու նրա բարձր կրթութիւնը եւ մտաւոր գերազանցութիւնը:

Եւշտում են նրա logiotes, մտացի պերճախօսութիւնը, որի համար սիրելի էր Միքայէլ Թլուատին³:

Եւշտում են որ նա հմուտ էր քաղաքականութեան, զիտէր ի՞նչ է նշանակում քաղաքական բարեկարգութիւն, անվեհեր ընդդիմախօս էր, վարպետ հակաճառութեան արուեստում:

Բարձր կարողութիւն ունէր իմաստասիրական եւ դիալեկտիկական, ուստի եւ նրան էին յանձնում խելքի բերելու այն յամառ կրօնաւորներին որոնք հակառակ էին տիրող եկեղեցական գծին⁴:

Այս այսպէս լինելով հանդերձ Յովհաննէսի թշնամի պատմադիրները, կրօնական թէ կուսակցական կրքերից կուրացած, անուանում են նրան ոչ թէ Յովհաննէս, այլ Յաննէս: Այսպէս էր կոչուում Մովսէսի հետ մրցող եգիպտական

1 Genes., 83; Theoph. Cont., 154
2 Theoph. Cont., 32; Georg, 766; Symeon, 635.
3 Theoph. Cont., 154.
4 Ibid., 96 և 102.

կախարդ ջուրմերից մէկը: Ասել է թէ Յովհաննէսը սովորական մարդ չէր, այլ կախարդ էր: Անուանում են նաեւ Սիմովն, ակնարկելով այսանուն մոգին: Հաւատացնում են որ մանկութիւնից դեռ ունէր եւ խելագար էր: Փութ անունը որպէս թէ Հիւլիլաս էր կամ Հիզիլաս, որ նշանակում է երբայեցերէն իբրեւ թէ կարապետ կամ արրանեակ սատանայի: Համբաւուած էր լեկանագուշակութեան *λεκανομαντεία*, դեղագիտութեան *θεαρμακεία* եւ պղծագործութեան արուեստի մէջ²:

Պատմում են դարձեալ, որ Յովհաննէսը մի եղբայր ունէր Արշաւիր անունով: Սա պատրիկ էր եւ քաղաքից դուրս Վոսփորի ափին մի տուն ունէր Փոկասի վանքի մօտ: Հոյակապ շինութիւն էր, սիւնազարդ գաւթով, բաղանիքով եւ ամեն այն յարմարութեամբ, որ վայել էր ազնուական մի ձեռակերտի: Յովհաննէս պատրիարքը յաճախ այցելում էր այս տունը եւ օթեւանում: Նա ունէր այստեղ նաեւ մի աշխատանոց ստորերկրեայ յարկի մէջ, ուր իջնում էին առանձին սանդուղով եւ դռնով: Մի տեսակ թաքստոց էր, ուր Յովհաննէսը որպէս թէ անձնատուր էր լինում զեղխութեան, «պղծելով միանձնուհիներ եւ այլապէս պարկեշտ աղջիկներ»: Այնտեղ պարապում էին նաեւ գուշակութիւններով, դիմելով զանազան հնարքների եւ կախարդական միջոցների, ինչպէս լեարդագննութիւն, լեկանագուշակութիւն, դիւթութիւն, հոգեխօսութիւն, այսինքն մեռածների ոգիները կանչելով: Թէոփիլ կայսրն իսկ մասնակցում էր այդ խորհրդաւոր զբաղմունքներին շատերի թւում³:

Թեթեւամտութիւն կը լինէր որեւէ արժէք տալ այս վայրախօսութիւններին: Երբ Յովհաննէսն ընկաւ եւ աթոռ բարձրացաւ Մեթողիոս եպիսկոպոսը, սրա դէմ ամբաստանութիւն եղաւ որ սիրային կապ է ունեցել մի կնոջ հետ: Կարծում են որ ամբաստանողները Յովհաննէսի բանակիցն էին: Մեթողիոսը արդարացաւ, թոյլ տալով անվայել վարմունք, այսինքն մերկացրեց իր ամօթանքը եւ ցոյց տուաւ որ ինքը մարմնապէս անընդունակ էր վերագրուած մեղագործութեան:

Արդ եթէ Յովհաննէսը իրօք սիրային արատ ունենար, Մեթողիոսի կողմնակիցները չէին խնայի և նոյն նախատինքը կը կարդային իրենց հակառակորդին: Սակայն այսպիսի բան չեղաւ: Պարզ է որ Յովհաննէսին վերագրուած խայտառ-

1 Scriptor incertus de Leone Bordae filio, 349; Symeon, 606.
 2 Georg, 766; Symeon, 606.
 3 Theoph. Cont., 156-153.

կութիւնները ստոյգ չեն եւ շաղփաղփ բերանների ու թունոս մտքերի յերիւրանք են:

Պատրիարքի վճուկութիւնը ապացուցանելու համար բերում են մի օրինակ: Մի անգամ մի բարբարոս ժողովուրդ յարձակուեց եւ աւերեց բիւզանդական հողերը երեք թագաւորների կամ պետերի առաջնորդութեամբ: Թէոփիլ կայսրը լքուած, չգիտէր ինչ անէր: Դիմադրելու ոյժ չունէր: Յովհաննէսը քաջալերեց կայսրին եւ խոստացաւ կատարեալ յաջողութիւն, եթէ լսէ հետեւեալ խորհրդին:

Կրկէսի պղնձէ արձաններից մէկի վրայ ցցեց երեք գլուխ եւ հմայեց որ նրանք երեք հրոսակների դուռխներ դառնան: Յետոյ ընտրեց երեք կտրիճ եւ ուժեղ երիտասարդ մի մի մուրճ ձեռքերին եւ պատուիրեց որ գիշերով նշանակած ժամին մօտենան արձանին եւ այնպէս ուժգին զարկեն որ միանգամից երեք գլուխներն էլ թոցնեն: Այդպէս էլ արին: Յովհաննէսը ինքը եւս գնաց այնտեղ ծպտուած աշխարհիկ հագուստով, որ չճանաչեն նրան եւ սկսեց հմայել. մուրճաւորները խփեցին հուժկու թափով: Արձանի երկու գլուխը ընկան եւ փշրուեցին, իսկ երրորդը մնաց կախ արձանից հարուածի թուրութիւնից:

Քիչ ժամանակից յետոյ երեք հրոսակ թագաւորները գժտուեցին, երկուսը կործանուեցին, իսկ երրորդը փախաւ վիրաւորուած: Մնացածները վճատուեցին, թողին եւ հեռացան¹:

Յովհաննէս պատրիարքը զարգացած մարդ էր եւ որքան էլ ենթակայ լինէր իր դարու նախապաշարումներին եւ սնտոի հաւատալիքներին, դժուար է ենթադրել, որ այսպիսի խորհուրդներ տար Թէոփիլին: Ուշադրութեան արժանի է որ նոյնպիսի մի դէպք պատմուած է մի ուրիշ Յովհաննէսի վերաբերեալ, որ աստղաբաշխական գիտութիւն ունէր եւ ապրում էր Ռոմանոս Լեկապէնի ժամանակ: Բուլղարաց թագաւոր Սիմէոնը 927 թուին եկաւ Բիւզանդիայի վրայ եւ նեղ դրութեան մէջ ձգեց կայսրին: Այն ժամանակ Յովհաննէս աստղաբաշխը ասաց նրան, թէ այսինչ արձանը, որ նայում է արեւմուտք, Սիմէոնի անդրին է, եթէ նրա գլուխը կտրես, նոյն ժամայն կը մեռնի Սիմէոնը: Այդպէս էլ արին եւ Սիմէոնը մեռաւ²:

Երկու Յովհաննէսների կախարդութեան դէպքերը միմեանց հետ առնչութիւն ունին: Թւում է որ մէկը ձեռուած է միւսի վրայ: Որի՞ն է տալու առաջնութիւնը, պարզ է: Յով-

1 Theoph. Cont., 155-156; Symeon, 649-650.
 2 Theoph. Cont., 41; Symeon, 740.

հաննէս աստղաբաշխի օրինակը վերաբերում է որոշ ժամանակի եւ որոշ արշաւանքի եւ զոհի անունը եւ ազգութիւնը նմանապէս պահուած են: Մինչդեռ Յովհաննէս պատրիարքի ղէպքը միանգամայն դիմազուրկ է. «ոմն ազգ անհաւատ եւ եւ եղջերիկ», երեք անանուն պետ, անյայտ է արշաւանքի ժամանակը: Այս անհաւատ ազգը, հարկաւ, Բուլղարացիք են: Հաւանական ենք համարում, որ պատրիարքի ղէպքը ուրիշ բան չէ եթէ ոչ Յովհաննէս աստղաբաշխի փորձի ընդօրինակումը, պատրիարքին վարկարեկ անելու նպատակով:

Երեւում է որ արեւելքից հին կրօնական հաւատալիքների եւ նախապաշարմունքների տակաւին կենդանի մնացած հետքերը սփռուել էին մինչեւ Բիւզանդիայի մայրաքաղաքը: Ուշագրաւ է մի ուրիշ օրինակ նոյն մտաշխարհից: Թէոփոր Սանդարարեն անձը, որ Փոտ պատրիարքի բարեկամն էր, երբ որ Փոտը կորցրեց աթոռը եւ շնորհազուրկ եղաւ Վասիլ կայսրի աչքում, աշխատեց վերականգնել Փոտի եւ Վասիլի բարեկամութիւնը: Այս նպատակով խորհուրդ տուեց Փոտին, որ կայսրի սենեկապաններից մէկի մտերմութիւնը դրաւ եւ նրա միջոցով սրսկել տայ կայսրի անկողնու վրայ այն ջուրը, որ ինքը հմայել է: Սրանով իսկոյն եւ եթ կայսրի սէրը կը վերադառնայ ղէպի Փոտը: Այնուհետեւ բաւական է որ Սանդարարենը մի խօսք ասէ կայսրին, և Փոտը նորից կը ստանայ իր նախկին դիրքը¹:

Արդ այսպիսի մի սովորութիւն ցայժմ գոյութիւն ունի հայ ժողովրդի մէջ: Երբ մատաղ աղջիկ կամ տղայ ուզում են սիրած էակի սէրը շահիլ կամ ինչպէս ասում են սիրտը գողանալ, միջնորդ բարեխօս կանանց ձեռքով աշխատում են ջուր սրսկել անկողնու վրայ այն անձի, որի սէրը պէտք է գրաւել: Թէոփոր Սանդարարենը, որ կոչւում է «Մանիքեցի եւ որդի Մանիքեցու», «հրաշագործ եւ կանխասաց», հաւանօրէն արեւելքի է եւ թերեւս հայ: Իրեն վերագրուած հմայութիւնը եւս պէտք է կարծել որ արեւելքից է մտել Բիւզանդիա, ինչպէս եւ զոյգ Յովհաննէսների՝ Քերականի եւ Աստղաբաշխի առաջարկած եւ սարքած կախարդանքը:

Հետաքրքրական է որ Վասիլ կայսրի որդու Ալեքսանդրի մասին եւս պատմում են որ վհուկները հաւատացրել էին, որ վարազի պղնձէ արձանը, որ կար կրկէսում, նրա պատկերն է, *στοιχείον*, յուռութ²: Այս նշանակում է եթէ արձանը կոտորուի, Ալեքսանդրը կը մեռնի:

1 Symeon, 693-694.
2 Theoph. Cont., 379.

Στοιχείον բառը յուռութքի իմաստով գործածուած կարելի է համեմատել հայերէն գիր եւ գիր կապել դարձուածների հետ: Յունարէն բառը նշանակում է տառ, գիր: Այժմ էլ պիւղերում ընդունուած է որ գիր կապող պառաւները որ եւ է խորհրդաւոր եւ շատ անգամ անիմաստ բառեր գրում են, փաթաթում մի կտոր չորի մէջ եւ կարում օրինակ երկխանների մէջքին որ չար աչքը խափանուի եւ այլն:

Յովհաննէս Քերականին եւ պատրիարքին կախարդ համբաւելու եւ նրան գերբնական զօրութիւն վերագրելու պատճառը բացատրելու է նրանով որ նա արեւելքի էր, մոզերի եւ քաղեանների աշխարհից, եւ գիտուն էր: Յովհաննէսը հայ էր, եղբօր անունն Արշաւիր էր: Այս արդէն բաւական է որ նրա հայ ծագումը ամեն տարակուսանքից վեր համարուի: Հօր անունը նոյնպէս յայտնի է եւ հայկական է: Յովհաննէսը որդին էր Պանկրատիոս Սկիաստէսի¹:

Պանկրատիոս յունական ձեւն է հայերէն Բագրատ անւան: Ո՞վ է այս Բագրատը եւ ի՞նչ է նշանակում Սկիաստէս մականունը: Կոստանդին Զ կայսրը 792 թուին արշաւանք գործեց Բուլղարների դէմ: Նրա բանակումն էին ի միջի այլոց Վարդ հայազն իշխանը, Արմենական թեմի ստրատեզը և ապագայ կայսրի՝ Լեւոն Ե Հայի հայրը և ոմն «Պանկրատ(իոս) սոււտ-մարգարէ եւ աստղաբաշխ»: Պանկրատը կանխասացութեան շնորհ ունէր եւ գուշակել էր որ կայսրը պիտի յաղթէ Բուլղարներին: Կոստանդինը վստահանալով իր բարեկամի այնքան քաջալերիչ գուշակութեան, հոգ չտարաւ ճակատը յարգարելու որպէս հարկն էր և անխոհեմ ու անզգոյշ յարձակումով պարտութիւն կրեց: Բուլղարները Կարդամ թագաւորի առաջնորդութեամբ մեծ ջարդ տուին կայսրին: Շատ շատերն ընկան եւ նրանց թլում Վարդ զօրավարը եւ աստղաբաշխ Պանկրատը²:

Այս Պանկրատը Յովհաննէս Քերականի հայր Պանկրատն է, հայ Բագրատը: Լեւոն Ե կայսրի եւ Յովհաննէսի մերձաւորութիւնը, հետեւապէս, ոչ միայն գաղափարական համերաշխութեան արդիւնք էր, այլ ընտանեկան մտերմութեան: Նրանց հայրերը, որ ընկան միեւնոյն ճակատամարտում, չէին կարող ծանօթ չլինել միմեանց, որպէս զէնքի ընկերներ եւ մանաւանդ հայեր:

Յովհաննէս 815 թուին համարում էր երիտասարդ հայրապետական աթոռը գրաւելու համար: Եթէ ընդունենք որ

1 Symeon, 606, բաղած անանուն հեղինակի De Leone Bardae (Լեւոն Ե մասին) 7րդից, էջ 349:
2 Theophanes, 725 (հրատ. Բոննի):

այդ ժամանակ 25-30 տարեկան էր, որ մեծ հասակ չէ պարհարքութեան համար, նա ծնուած պէտք է լինի 785-790 տարիները: Ասել է թէ հօր սպանութեանը մի քանի տարեկան երեխայ էր: Յովհաննէսի հօր Բագրատի փութ անունը՝ Սկիաստէս նոյնպէս մի թել է որ տանում է մեզ դէպի աստղաբաշխ եւ սուտ-մարգարէ Բագրատը: Σκιάστης Ապոլլոնի մակդիրներից մէկն է, եթէ միայն յունարէն բառ է, եւ գործ է անուած Ապոլլոնի փոխարէն եւ նշանակում է գուշակ, գուշակութեան ձիրք ունեցող: Այս մտքով Սկիաստէս կատարելապէս նոյնն է ինչ որ սուտ-մարգարէ, ψευδοπροφήτης որպէս կոչում են աստղաբաշխ Բագրատին: Միեւնոյն անունը, միեւնոյն կամ հոմանիշ կոչումը: Բնական է կարծել որ խօսքը միեւնոյն անձի մասին է:

Ուսումնական մարդիկ, մանաւանդ արտաքին գիտութեանց հետեւողները, յաճախ էին կնքում նման ծաղրական կոչումներով: Յովհաննէս Քերականին նմանեցնում էին Տրոփոնիոսի, այն անձի որ համարում էր Դելփեան տաճարի հիմնադիրը եւ որի անունը հոմանիշ է պատգամախօս բառին: Սանդարարենը, անշուշտ, գիտնական դէմք էր, գուցէ եւ այդ էր պատճառը նրա եւ Փոտի բարեկամութեան: Նա եւս «հրաշագործի եւ կանխատեսի», τεραστίας και προορατικός համբաւ ունէր եւ համեմատում էր Ապոլլոնի հետ²:

Ապոլլոնեան արուեստը քրիստոնէի աչքում մի տեսակ կախարդութիւն էր, ուստի եւ գիտնականները, որոնց վերագրում է այդ արուեստը, կախարդներ են: Նրանք գաղտնի կապ ունեն դեւերի հետ: Յովհաննէսի հովանաւորն էր Հիւլիաս (թէ Հիւլիլաս) գեւը: Փոտ պատրիարքը իր անբաւ գիտութիւնը ստացել էր Լերուփաս կոչուած սատանայից³:

Ով որ որակում է այսպիսի յատկութիւններով, կարելի է ասել, նա գիտուն անձն է, հմուտ մանաւանդ արտաքին գիտութեանց եւ ոչ միայն Ս. Գրքի: Արտաքին գիտութիւնները համարում էին հեթանոսական ժառանգութիւն, սատանայի գեղմունք: Գուշակութեան եւ հմայութեան ձիրքերը նոյնպէս սատանայական են, որպէս հեթանոս գիտութիւնների ծնունդ:

Բագրատը, որ սուտ-մարգարէ է կոչում, այն կարգի գիտնականներից էր, որ զբաղւում էին արտաքին եւ մասնաւորապէս բնական գիտութեամբ: Անպացոյց որ նա աստղաբաշխ էր:

1 Theoph. Cont., 156.
 2 Symeon, 693; Georg, 846.
 3 Symeon, 672-673.

Եթէ ճշմարիտ է մեր ենթադրութիւնը որ այս Բագրատը ուրիշ չէր եթէ ոչ Բագրատ Սկիաստէս կոչուածը եւ Յովհաննէս Քերականի հայրը, ապա պարզ է, որ Յովհաննէս եւ իր եղբայր Արշաւիրը ոչ միայն ազնուական տոհմից էին, այլ եւ ուսումնական ընտանիքից: Հօրից ժառանգել էին սէր եւ ծարաւ գիտութեան եւ նրա ստեղծած շրջապատից քաղել առաջին հոգեւոր պտուղները:

Արշաւիրը, ինչպէս տեսանք, Վոսփորի ափին Ս. Փոկաս վանքի մօտ մի շքեղ ապարանք ունէր, ուր գտնւում էր եւ Յովհաննէսի աշխատանոցը¹:

Ուրիշ տեղեկութեամբ, Յովհաննէսը մի տուն ունէր քաղաքից դուրս, որ կոչւում էր Տրուլոս (Troulos) եւ ուր կատարւում էին սատանայական զոհարերութիւններ եւ գուշակութիւններ²:

Այսպիսի դրաղմունքներ տեղի էին ունենում Արշաւիրի տանը: Թւում է որ խօսքը նոյն տան մասին է և Տրուլոս ուրիշ տուն չէ եթէ ոչ Արշաւիրի ապարանքը Վոսփորի ափին (Troulos, երեւի, trouillos բառն է, որ նշանակում է գմբէթ: Թերևս, Արշաւիրի տունը գմբէթաւոր էր արևելեան ոճով): Արշաւիրի տան համար ասուած է, որ հետագայում գնեց Արշաւիրից Վասիլ Հայր, երբ պարակիմոմենոս էր, եւ մենաստան դարձրեց ինչպէս եւ Փոկասի վանքը հիմնովին նորոգեց³: Մինչդեռ Յովհաննէսի տունը՝ Տրուլոս մնաց անբնակ եւ անտէր որպէս երբեմնեան սատանայական բոյն⁴: Կարծես, տարբեր տներ են: Սակայն պէտք է նկատել, որ կոստանդին Միրանաձինը, թուելով մի առ մի Վասիլի չի նութիւնները, յիշում է Փոկասի վերանորոգութիւնը, բայց ոչինչ չէ ասում Արշաւիրի տան մասին⁵: Ուստի չի կարելի աներկբայ համարել, որ Վասիլը իրօք վանք դարձրած լինի հուշակաւոր ապարանքը:

Պատրիարքական աթոռից ընկնելուց յետոյ Յովհաննէսի կեանքը մութ է, ոչինչ յայտնի չէ: Գիտենք միայն որ իր աքսորում՝ Կլիդիոն վանքում ինչ ինչ պատկերներ էր փճացրել, որի պատճառով թէոգորա կայսրուհին հրամայել էր երկու հարիւր հարուած տալ և քշել Փսիքա վանքը⁶: Մահից յետոյ եւս հանգիստ չգտաւ դժբախտ եկեղեցականը: Պատմում են որ Միքայէլ արքայի կայսրը հանեց նրա մարմինը

1 Theoph. Cont., 156.
 2 Georg, 799; Symeon, 635.
 3 Theoph. Cont., 157.
 4 Georg, 799; Symeon, 635.
 5 Vita Basilli., 340.
 6 Theoph. Cont., 151.

դերեզմանից Կոստանդին Կալային կայսրի աճիւնի հետ եւ կրկէսում ձիարշաւի ժամանակ մերկացրեց քահանայական զգեստներէից, ինչպէս թաղել էին, անարգեց անշունչ դիակը բարբարոսաբար խարազանելով եւ յետոյ կրակի ճարակ տուեց¹:

Մեղաւորը Միքայէլ կայսրը չէր: Նա, անշուշտ, բարոյականութեան տիպար չէր, բայց այն հիւանդոտ մոլեռանդութիւնը չունէր կրօնական խնդիրներում, որ ընդունակ լինէր այսպիսի մի քսումնելի գործի առանց կողմնակի սաղրանքի: Նրա ետեւ թաքնուած էին Յովհաննէսի ոխերիմները, որոնք զինուորագրուել էին պատկերներին, բայց մոռացել քրիստոնէական ոգին: Ի՞նչ պայծառ հայելի է նրանց հրէշաւոր պատկերի համար այս մի հատիկ դէպքը: Սրանից յետոյ ի՞նչ արժէք կարող են ունենալ այն անմիտ եւ չարամիտ վայրբանութիւնները Յովհաննէսի անուան շուրջ այդպիսի մի խայտառակ մթնոլորտում:

Միքայէլը սպանուեց 867 թուին: Հետեւապէս, Յովհաննէսի մահը սրանից յառաջ է: Չի կարելի ասել, որ նոր էր մեռած, երբ Միքայէլ հանեց նրա մարմինը: Միաժամանակ անարգուեց եւ Կոստանդին Կոպրոնիմի մարմինը, իսկ սա մեռած էր 775 թուին: Հաւանական է թերեւս կապել Յովհաննէսի մահը Արշաւիրի տան վաճառման հետ: Հոչակաւոր ապարանքի վաճառումը բացատրելու է թերեւս նրանով, որ Յովհաննէսը մեռել էր: Նրա կենդանութեան դժուար թէ վաճառուէր այն օթեւանը, ուր գտնուում էր նրա աշխատանոցը: Տունը գնեց Վասիլը երբ պարակեմոմին էր (սենեկապետ): Այդ պաշտօնին նա հասել էր Վարդի դէմ կատարուած մահափորձի հետեւանքով 858-9 թուերին: Յովհաննէսի մահը եւ տան վաճառումը ղենելու է այդ թուից յետոյ եւ 867ից յառաջ: Այժմ դառնանք նորէն Լեւոն փիլիսոփային:

IV

Լեւոնը Յովհաննէս Քերականի եղբորորդին էր եւ ուրեմն Բագրատ աստղաբաշխի թոռը: Յովհաննէսի եղբայրը պատրիկ Արշաւիրն էր, նշանաւոր ապարանքի տէրը: Արդեօք Լեւոնը սրա որդի՞ն էր թէ մի ուրիշ եղբոր, որի անունը չեն տալիս պատմագիրները:

Բագրատ անունը բացառապէս Բագրատունեաց տոհմական սեփականութիւնն է: Աստղաբաշխը անտարակոյժ

1 Georg, 834; Symeon, 681.

նոյն տոհմիցն է: Արշաւիր անունը յատուկ է Կամսարական տան: Եթէ Բագրատի որդին կրում է Արշաւիր անունը, այդ կարելի է բացատրել մայրական զծով, այսինքն՝ որ մայրը, ուրեմն Բագրատի կինը Կամսարական տոհմից էր:

Վարդան մոնոտարատեգից յետոյ, որ փորձեց գրաւել կայսերական դահը 802 թուին, մի ուրիշ հայ Արշաւիր անունով նոյն քայլն արեց 808 թուին: Սա պատրիկ էր եւ պաշտօնով քուեստոր: Սրա դուստրը՝ Թէոդոսիա կնութեան էր տրուած Լեւոն Ե Հային: Անհաւանական չէ որ Բագրատը եւս նման կապով խնամացած լինէր Արշաւիրի տան հետ եւ այստեղ Արշաւիր անունն անցած Բագրատի որդուն: Արշաւիր քուեստորը կարող էր որդի եւ մօտ ազգական լինել Ներսէս Կամսարականի, որ ընկաւ 785 թուին, Բագրատ սպարապետի եւ Տաճատ Անձեւացու հետ: Վերջինս Բուկիլլարեան թեմի զօրավար էր եւ Իրենէ կայսրուհու դաւերից խուսափելով ապաստանեց Արարների մօտ 782 թուին եւ յիշեալ երկու հայ իշխանների հետ ելաւ կուռի ընդդէմ Հոնաց եւ Պազարաց եւ երեքն էլ մնացին պատերազմի դաշտում Դերբենտի մօտ 785 թուի ամառը:

Այս իշխանների՝ Ներսէս Կամսարականի եւ Բագրատ սպարապետի որդիներն (եւ կամ մօտ ազգականներն) ենք համարում Արշաւիր քուեստորին եւ Բագրատ աստղաբաշխին: Վերջինք որ Բագրատը սպանուեց բուլղարական ճակատում Արշաւիրի փեսայի՝ Լեւոն Ե կայսրի հօր՝ Վարդ պատրիկի հետ: Վարդը Արծրունեաց տնիցն էր: Թուում է թէ այս երեք տները՝ Կամսարական, Բագրատունի եւ Արծրունի մօտ էին միմեանց խնամէական կապերով: Միայն այս կերպ կարելի է մեկնել, որ Բագրատի որդին կրում էր Արշաւիր անունը: Գուցէ Բագրատի թոռը՝ Լեւոն փիլիսոփայն իր անունը պարտական է Լեւոն Ե կայսրին: Արդեօ՞ք Լեւոնը Արշաւիրի որդին էր, թէ Յովհաննէս Քերականը մի երկրորդ եղբայր ունէր, եւ սա էր հայրը Լեւոն փիլիսոփայի — մնում է մութ:

Այս Արշաւիրը շիոթելու չէ այն համանուն մեծ պատրիկի հետ, որ Թէոդորա կայսրուհու քրոջ՝ Կալոմարիայի ամուսինն էր, ուրեմն Մամիկոնեան փեսայ: Թէոկոտիստ ներքինու սպանութեանը, 856 թուին, Կալոմարիան սպրում էր պալատում իր քրոջ մօտ եւ գործակից էր իր եղբոր Վարդին ընդդէմ Թէոկոտիստի: Երեւում է որ այդ միջոցին Կալոմարիան արդէն կորցրել էր իր ամուսնուն եւ որպէս այրի կին քաշուել էր արքունիք քրոջ մօտ: Մինչդեռ Յովհաննէսի եղբայր Արշաւիրը տակաւին կենդանի էր, երբ Վասիլ պարա-

կիմոմեն էր: Իսկ այդ պաշտօնը նա ստացաւ Թէոկտիստի սպանութիւնից եւ Վարդի մահափորձից յետոյ մօտ 858-9ին: Ասել է թէ Կալոմարիայի ամուսին Արչաւիրը ուրիշ անձ է քան Յովհաննէսի եղբայր Արչաւիրը: Հնարաւոր է որ առաջինը կապ ունենար Արչաւիր քուեստորի հետ որպէս որդի կամ թոռն կամ մօտ ազգական: Նախարարական անուններն իրենց տոհմական իրաւունքներն ունէին եւ պահում էին ցորչափ որ յիշում էին իրենց ծագումը:

Եթէ ընդունենք որ Յովհաննէսը եւ Արչաւիրը կարող էին Արչաւիր քուեստորի աղջկայ թոռներն լինել, դուրս կը գայ որ Լեւոն Ե նրանց մօրաքրոջ ամուսինն էր: Այս դէպքում եւս հասկանալի կը դառնայ Յովհաննէսի եւ Լեւոն Ե-ի բարեկամութիւնը, որպէս արդիւնք ոչ միայն կրօնական համերաշխութեան (պատկերների խնդրում), այլ եւ ընտանեկան ծանօթութեան:

Յովհաննէսի մասին ասուած է որ «ծագում էր ոչ որեւէ աննշան, այլ չափազանց ազնուական շառաւիղից»¹: Եթէ արդարեւ Յովհաննէսը արեւնակից էր Արչաւիր քուեստորին, ինչպէս ենթադրեցինք, ապա հասկանալի է որ Յովհաննէսի ծագումը որակւում է այսպիսի բառերով: Արչաւիր քուեստորը հասարակ անձ չէր, դահի թեկնածու, ազդեցիկ ծերակուտական: Քուեստորի պաշտօնը պահանջում էր յոյն եւ լատին լեզուների քաջ գիտութիւն և գրական շնորհք և իրաւաբանական հմտութիւն:

Աստղաբաշխ Բագրատի, Քերական Յովհաննէսի եւ օրէնսգէտ քուեստոր Արչաւիրի կիրթ եւ ուսումնական տանիցն էր Լեւոն փիլիսոփան: Մեծատան զաւակ բառի իսկական մտքով: Եթէ անգամ թողնենք մեր ենթադրութիւնները Արչաւիր քուեստորի եւ նոյնիսկ Բագրատի վերաբերեալ, բաւական է յիշել Յովհաննէսի եւ Արչաւիրի գրական շրջանը, նրանց Տրուլոս տունը որ մտաւորական մի ժամատեղի էր, որպէսզի կարելի լինի ասել որ Լեւոնը՝ նրանց եղբորորդին, սնուել եւ մեծացել էր վերին աստիճանի նպաստաւոր պայմանների մէջ: Մանկութիւնից արդէն Հնարաւորութիւն ունէր հետաքրքրուելու եւ ապրելու մտաւոր կեանքով: Աղքատութեան մասին եւս խօսք չի կարող լինել: Կենսագրի այն խօսքերը թէ Լեւոնը կարօտութեան մէջ էր ապրում եւ իր կեանքը հայթայթում էր մասնաւոր դասերով մի թշուառ տնակում եւ անյայտութեան մէջ կորած, ոչ մի կերպ չեն համապատասխանում իրականութեան: Տրուլոսի ապարան

1 Theoph. Cont., 254.

քի մթնոլորտը հեռու էր եւ չքաւորութիւնից եւ անյայտութիւնից: Այնտեղ էր մեծացած Լեւոնը: Ոչ միայն նիւթապէս անկարօտ էր, այլ ընդհակառակն շնորհիւ նիւթական հնարաւորութիւնների նա կարողացել էր շրջել կարեւոր կենտրոնները, հասնել մինչեւ Անդրոս, քրքրել հին ձեռագրատուններ եւ յազուրդ տալ իր ուսումնական ծարաւին: Քերականութիւն, քերթողութիւն եւ ճարտասանութիւն սովորել էր մայրաքաղաքում եւ աւելի հմուտ ուսուցիչ չէր կարող ունենալ քան իր հօրեղբայրը որ Քերական էր կոչւում, անշուշտ, իր հմտութեան համար: Այնուհետեւ շրջեց հեռաւոր տեղեր, գիտութեան պակասը լրացնելու սեփական աշխատանքով եւ ուսումնասիրութեամբ: Աղքատութեան եւ անյայտութեան պատկերը, որ տալիս է մեզ նրա կենսագիրը, լոկ վիպական զարդարանք է, զուրկ պատմական հիմքից:

Ընտանեկան բարենպաստ պայմաններն էին պատճառ որ Լեւոն Թեսսալոնիկէի մետրոպոլիտ նշանակուեց, ինչպէս երեւում է, տակաւին երիտասարդ հասակում: Եթէ իր հօրեղբայրը հարկաւոր տարիքը չունէր պատրիարքութեան համար 815 թուին, ուրեմն պակաս էր քան 25-30 տարեկան, ապա նրա եղբորորդին՝ Լեւոնը նոյն 815ին մանուկ պէտք է եղած լինէր եւ 840 թուին, երբ մետրոպոլիտ եղաւ, հազիւ 30 տարեկան: Կենսագրի պատմութիւնը որ Լեւոնը յարաբերութեան մէջ էր Մամունի հետ, երբ մի աղքատ հիւզում դասեր էր տալիս, նոյնպէս մեղանշում է իսկութեան դէմ: Մամուն մեռաւ 833 թուին: Լեւոնը չէր կարող ծնուած լինել յառաջ քան 810 թուականը: Մամունի օրով, հետեւապէս, տակաւին պատանի էր եւ չէր կարող ոչ դասատու լինել եւ ոչ էլ նրա հետ թղթակցել:

Լեւոնի գիտական եւ մանկավարժական գործունէութիւնը սկսւում է ամենայն հաւանականութեամբ մետրոպոլիտութիւնից հրաժարելուց յետոյ 843 թուին: Այդ ժամանակ Վարդը թէեւ Միքայէլ Թագաժառանգի երեք խնամակալներից մէկն էր, բայց քաղաքական գործերում ազդեցիկ չէր: Թէոկտիստ ներքին լողութեան պաշտօնում գրաւել էր Թէոդորա Թագուհու վստահութիւնը եւ չեզոքացրել Վարդի ազդեցութիւնը պետական գործերում: Վարդը ստիպուած սահմանափակել էր իր գործունէութիւնը նուիրուելով դիւանաւորապէս կրթական աշխատանքի: Մեծ հոգ տարաւ վերականգնողական արտաքին կամ աշխարհիկ գիտութիւնները: Այս նպատակով հիմնեց դպրոց նախ Քառասուն Ման

1 Theoph. Cont., 185.

կանց եկեղեցում եւ ապա Մազնաւրա պալատում եւ ղեկավարութիւնը յանձնեց Լեւոն փիլիսոփային:

Լեւոնի յայտնութիւնը չէր կարող տեղի ունեցած լինել Թէոփիլի օրով, ինչպէս հաւատացնում է նրա կենսագիրը: Նոյնպէս սխալ է թէ Թէոկտիստն էր նրա առաջին հովանաւորը¹: Կենսագիրը բարեկամ չէ Վարդին: Նա կողմնակից է Վասիլի եւ ներշնչուած Կոստանդին Միրանաձնի կողմից: Վարդի անունը նաեմացնելու մտահոգութեամբ, Լեւոնի պաշտպան է դուրս բերում Թէոկտիստին եւ նրան է վերադրում Քառասուն Մանկանց եկեղեցու դասաւանդութեան նախաձեռնութիւնը: Թէոկտիստը չէր կարող նեցուկ լինել Լեւոնին Թէոփիլի կենդանութեան՝ ժամանակազրական տեսակէտով: Չէր կարող նրան հովանաւորել նաեւ Թէոփիլից յետոյ՝ եկեղեցական քաղաքականութեան հետեւանքով: Լեւոնը զրկուեց եպիսկոպոսական աթոռից որպէս պատկերաժարա 843 թուին պատկերապաշտութեան յաղթանակով: Նոր քաղաքականութեան ոգին ինքը Թէոկտիստն էր: Ի՞նչպէս կարելի է ընդունել, որ մոլեռանդ ներքինին խրախուսելը իր ընկաւձ հակաուկորդին թէկուզ մի ուրիշ ասպարէզում: Յովհաննէս պատրիարքի օրինակը, որ ընկաւ աթոռից նոյն պայմաններում, հիմք չէ տալիս կարծելու որ այլապէս եւ աւելի ներողամտօրէն պիտի վարուէին նրա եղբորորդու Լեւոնի հետ:

Լեւոնի գիտական եւ մանկավարժական գործունէութիւնը 843ից յետոյ է եւ նրա մեկենասը Վարդն է: Եթէ ճիշտ է որ սկզբում Լեւոնը դասախօսում էր Քառասուն Մանկանց եկեղեցում, (ինչպէս հաւատացնում է Թէոփանի Շարունակողը, մինչդեռ Գէորգ եւ Սիմէոն չեն յիշում), այս եւս վերագրելու է Վարդին:

Մազնաւրայի համալսարանի բացումը նոյն պատժազիրը² ղնում է 843 թուին: Քանի որ այս թուից առաջ հնարաւոր չենք համարում Լեւոնի դասախօսութիւնը, աւելի հեշտ կը լինէր այս թուից հաշուել Քառասուն Մանկանց եկեղեցու դպրոցի գործունէութիւնը, իսկ Մազնաւրայի դասընթացը ղնել Վարդի խնամակալութեան տարիները՝ 856-866: Այս տասնամեակում Վարդը միահեծան տէր էր իշխանութեան եւ կառավարում էր երկիրը իր քեռորդու՝ Միքայէլի անունով: Այս շրջանին է պատկանում Լեւոնի եւ իր դպրոցի փայլուն եւ բեղմնաւոր գործունէութիւնը: Նրա մերձաւոր աշխատակիցներն էին Թէոդոր, Թէոդեզիոս եւ Կոմիտաս:

1 Theoph. Cont., 189.
2 Ibid., 192.

որոնք ստանձնել էին երկրաչափութեան, աստղաբաշխութեան եւ գրականութեան դասերը: Սրանք Լեւոնի պատրաստած աշակերտներիցն էին, հաւանօրէն, Քառասուն Մանկանց դպրոցի շրջանաւարտներից:

Դպրոցի տեսչութիւնը կեդրոնացած էր Լեւոնի ձեռքին: Տարաբախտաբար նրա գրուածներից գրեթէ ոչինչ չի հասել մեզ: Բայց թէ ի՞նչ ուղղութիւն ունէր նոր ուսմունքը եւ ի՞նչ ոգի, այդ մասին շատ պայծառ գաղափար է տալիս մի երգիծաբանութիւն, որ ուղղուած է նրա դէմ: Երգիծաբանական գրուածքի հեղինակը այլ ոք չէ թէ ոչ Լեւոնի աշակերտներից մէկը, ոմն Կոստանդին: Սա հիասթափուած այն գիտութիւնից, որ ստացել էր, հրապարակ է գալիս, իր ուսուցչի մահուանից յետոյ, մերկացնելու նրա գիտութեան հակաքրիստոնէական ոգին: Այս խնդրին է նուիրուած իր գործը, որ կրում է հետեւեալ վերնագիրը՝ Լեւոն փիլիսոփայի դէմ, Կոստանդին աշակերտից: Գրուած է Հոմերեան չափով:

Աւելորդ չենք համարում բերել ամբողջական թարգմանութիւնը տող առ տող:

1

Հազար ու մի բան գիտես, որչափ նախնի մարդիկ
Աւանդել են պերճախօս ճաւերում արտաքին խմաստութեան
մասին:

Բայց հոգիդ կորաւ, երբ որ խմեցիր աղի ջուրը,
Ո՛վ թշուառական, ամբարշտութեան ծովում լողալիս:
Դու թողիր ամենապայծառ եւ գերափառ հաւատը
Քրիստոնէութեան, լուսաւոր աւագանից յետոյ, ո՛վ եղո՛ւկ:
Ուրանալով սարսափելի եւ վսեմ խորհուրդը,
Սուրբ Գրքի ամենազօր հրաշագործութիւնը,
Գլորուեցիր հելլեն (հեթանոս) ապականութեան հրէշաւոր
վիհը,

Եւ կուր եղար հոգեկուլ գաղանների, ո՛վ Լեւոն:
Ով չի խղճայ քեզ, չի ողբայ անկումդ,
Ով է որ չի արտասուի, տեսնելով թէ ի՞նչ օրի ես հասել:
Այլեւս չես կարող յենել տկարացած ոտդ այն վէճին,
Ուր քայլելը հաստատուն է եւ անխափան:
Այժմ պաշտում ես, ո՛վ մորոս, անթիւ աստուածներ,
Հրաժարուելով լուսացնցուղ երրորդութիւնից:

.

2

Լսեցէք, ծնունդք մարդկան, Քրիստոսի մեծանուն ժողովուրդ,

Դուք անգէտ էք այս մարդու ուրացութեան. Ձեռն է նրա աստուածը, որի կինն է Հերա, Ձեւը, որ անչափ սիրահար է կուսական անկողինների, Ձեւը եւ մի ամբողջ վոհմակ երկնայինների, Որպէս թւում է հոչակաւոր Մելեսածինը (=Հոմերը):

Արդ եկէ՛ք, բոլորեքեանդ ազնիւ ընկերներ, Այսպէ՛ս ասենք նրան միաբերան. Կորի՛ր, չարագլուխ, իջի՛ր Հադէսի խաւար տունը, Կորի՛ր հանդերձ իմաստութեամբ, թշուառութեամբդ եւ ամբարշտութեամբդ,

Գնա՛ չարաղեա Պիրիփլեգեթոնի մօտ, լայնարձակ Տարտարուք,

Ուր կարող ես տեսնել Քրիսիպաներ, Սոկրատներ, Պրոկլներ, Պղատոններ, Արիստոտէլներ, Եպիկուրներ, Եւ ջո բարեկամ՝ Եկկլիդներ եւ աստղարաշխ Պտղոմէոսներ, Այլ եւ իսկական իմաստութեան թագուհի Հոմերեան մուսան, ինչպէս եւ Հեսիոդներ եւ Արատներ:

3

Արժանի ես, որ յաւիտենական հուրը քեզ բոլորէ Այն զարմանալի խմբի հետ, Որոնց մարդարէ ես համարում, սիրում, եւ համախոհ եմ նրանց գաղտնի խաբէութեանց: Այս ամենը, ե՛ս Կոստանդինս, ջո Կալլիոպի կաթով Կուշտ սնուած, գիտութիւն ամբարեցի. Եւ սրտիդ գաղտնիքը ուսումնասիրելով Հուսկ ուրեմն հասկացայ սքօղուած չարիքը:

Ապերախտ աշակերտի գրութիւնը բոլորովին հակառակ նպատակի է ծառայում, քան կարծում էր հեղինակը: Աւելի պերճախօս ապացոյց չէր կարելի տրամադրել բնորոշելու Լեւոնի եւ իր համալսարանի գիտական ոգին: Երգիծանք է, այլ լաւագոյն վկայականը Լեւոնի ազատ եւ անկաշկանդ մտածութեան:

Նախ ուշադրութեան արժանի է դասախօսութեան լի-

դարձակ շրջանակը: Դասական գրականութիւնը խոշոր տեղ էր բռնում համալսարանի ծրագրում: Ոչ միայն Հոմեր եւ Հեսիոդ, ապա գրեթէ բոլոր կարեւոր փիլիսոփայական ուղղութիւնների հիմնադիրները՝ Սոկրատ, Պղատոն, Արիստոտէլ, Եպիկուր եւ Պրոկլ ուսումնասիրութեան նիւթ էին: Առանձնապէս շեշտուած են Եկկլիդն ու Պտղոմէոսը, որպէս բարեկամ Լեւոնի: Ասել է թէ Լեւոնի մասնագիտութիւնն էր երկրաչափութիւնն ու աստղարաշխութիւնը:

Դասականութիւնը ներշնչուած է եղել ազատամիտ ոգով, զերծ կրօնական մտքի որեւէ կապանքից, կանխակալ կարծիքներից: Այսպիսի վերաբերումն կարող էր այն տպաւորութիւնը գործել մանաւանդ քրիստոնէական ոգով տոգորուած մտքերի վրայ թէ դասախօսը համակրում է հեթանոս կրօնական աշխարհայեացքին: Մինչդեռ ճշմարտութիւնն այն է որ բուն գիտական մերձեցում են ցոյց տուել ուսումնասիրելի խնդիրների նկատմամբ:

Կոստանդինի մերկացումները աշակերտական ոխի, վիրաւորուած ինքնասիրութեան ժայթքում չեն: Նրա տրտունջը անհատական, մասնակի երեւոյթ չէ, այլ հասարակական որոշ խաւերի տրամադրութեան արտայայտութիւն: Հելլեն գիտութիւնները խորշելի էին նկատուում, աւելի ճիշտ երկիւղալի: Կարծում էին որ նրանք խարխլում են քրոստոնէական հաւատի հիմքը, գայթակղեցնում են ճշմարիտ հաւատացեալներին: Հարկաւ, չափազանցութիւն է այն մեղադրանքը թէ Լեւոնը երկրպագում էր Ձեւսին եւ նրա երկնային փառակիցներին: Հաւաստին այն է, որ Լեւոնի մեկնակէտը քրիստոնէական դաւանանքը չէ եղել:

Կոստանդինի գրութիւնը առաջին ակնարկից այն տպաւորութիւնն է թողնում, կարծես երգիծանքը ուղղուած է ոչ թէ Լեւոնի դէմ, այլ մի տեսակ հեգնութիւն է այն անձերի հասցէին, որոնք հոչակաւոր գիտունի մասին վայր ի վերոյ կարծիքներ ունէին: Սակայն նոյն հեղինակից մնացել է մեզ մի երկրորդ գրութիւն նոյն նիւթի մասին, որից երեւում է որ խայթոցը ուղղուած է իրօք Լեւոնի դէմ:

Ինչպէս երեւում է, Կոստանդինի ամբաստանութիւնը ծանր է եկել գոնէ որոշ շրջաններում: Դատապարտելի են համարել, որ աշակերտը այդպիսի ապերախտ գործ կատարէ իր հոգեւոր ծնողի վերաբերեալ: Այս տրտունջները ստիպել են Կոստանդինին հանդէս գալ մի պատասխան-գրութեամբ: Վերնագիրն է՝ «Լեւոն փիլիսոփայի պաշտպանութիւնը, որի համաձայն նա պաշտում է Քրիստոսին եւ անիծում հելլեն կամ հեթանոս աստուածներին»:

1 Migne, P. G., 107, c. LXI.

Այս վերնագիրը վաւերական չէ, քանի որ չէ համապատասխանում գրութեան բովանդակութեան: Լեւոնը չէ որ պաշտպանում է իրեն Կոստանդինի դէմ, ինչպէս հասկացել է վերնագրի հեղինակը, անտարակոյս, անուշադիր ընթերցումի հետեւանքով: Նոյն Կոստանդինն է, որ յիշելով իր դէմ եղած զժգոհութիւնները, նորից սկսում է խալթել իր ուսուցչին եւ ապացուցանել որ ինքը արդար է եւ հիմնաւոր իր ամբաստանութեանց մէջ: Ահա ի՞նչ է գրում Կոստանդինը:

«Շատեր նախատում են ինձ չար լեզուով, այսպէս ծաղրելով. ա՛յ քեզ գրութիւն, ի՛նչ պատուական վարձադին հատուցիր ուսմանդ համար. լաւ դասագին տուիր նրան, որ երկրորդ հայրդ էր, ո՛վ քաջ, ստացած կրթութեանդ փոխարէն արձան կանդնեցիր մշտնջենական, ասելով՝ ի՛նչ մորոտ, ի՛նչ հայհոյիչ, ի՛նչ ուրացող է քրիստոնէական հաւատի նա, Լեւոնը: Ուրիշներն էլ մեղադրում են ինձ, թերեւս անդէտ լինելով իմ լուրջ եւ հաստատուն հիմքերիս: Համարձակում են ասել որ սուտ են խօսքերը, թշնամիներից թելադրուած չարամտօրէն, որոնցից ես որպէս թէ կաշառուած ամբաստանել եմ ի դուր տեղը իմ հանդուցեալ ուսուցչիս: Ես ականջ եմ դնում նման դատարկաբանութիւնների որքան հնարաւոր է, դիմանում եմ համբերութեամբ»¹:

Կոստանդինը անցնում է այնուհետեւ յարձակողականի: Բացատրում է հանգամանօրէն իր վերաբերումը դէպի հելլեն դիտութիւնն ու հեթանոս աշխարհը: Յայտարարում է որ «ճշմարտութեան միակ աղբիւրն է Աստուծոյ բանը, վկայ է Քրիստոսը»: Նզովք է կարգում նրանց, որոնք ժխտում են այս ճշմարտութիւնը, որոնք չեն երկրպագում «աստուծուն յերիս անձինս եւ մի բնութիւն»:

Ուշագրաւ են մանաւանդ հետեւեալ խօսքերը, որով վերջացնում է գրութիւնը. «Ահա ինչու այժմեանից սիրում եմ ճարտասանութիւնը, բնորեցի Փոտ եպիսկոպոսին ծերունի ուսուցիչ, որն ինձ սնեց աստուածային բխմանց կաթով»:

Հետաքրքրական է Լեւոնի եւ Փոտի հակադրութիւնը: Լեւոնը հելլեն գիտութեան ներկայացուցիչ է, Փոտը՝ քրիստոնէական: Սակայն, գիտենք, որ Փոտը, հռչակաւոր Գրադարանի հեղինակը, մեծ սիրահար էր դասական գրականութեան: Հակադրութեան իմաստն այն է որ Լեւոն հելլեն քառեակ կոչուած գիտութիւնների մասնագէտ էր, մինչ Փոտը՝ գերադասում էր պատմական գործերը: Սրանից հետե-

ւում է որ թշնամանքի առարկան շասական գրականութիւնը չէր ընդհանուր առմամբ, այլ միմիայն բնական գիտութիւնները: Կարծում էին որ այս գիտութիւնները համաձայն չեն Սուրբ Գրքի շատ կէտերին: Հելլեն գրականութիւնը միշտ ուսումնասիրութեան նիւթ է եղել այս կամ այն չափով բիզանդական շրջանում եւս: Ինչ որ արհամարհուած էր կամ անտեսուած, այդ քառեակ կոչուած գիտութիւններն էին: Եւ սրանց յարութիւնն է որ տրտունջի տեղիք է տալիս եկեղեցական շրջաններում: Լեւոնի նշանակութիւնը կենդրոնանում է հէնց այս կէտում:

Կոստանդինի ակնարկից երեւում է որ Լեւոնն արդէն մեռած էր, երբ վատամարդ աշակերտը ելաւ նրա դէմ: Լեւոնի մահուան տարին յայտնի չէ: Գիտենք որ կենդանի էր դեռ Վասիլի կայսրութեան առաջին տարիները: Թւում է թէ այնուհետեւ երկար չէ ապրել: Վասիլի օրով մեծ երկրաշարժ տեղի ունեցաւ մայրաքաղաքում, Պոլիեկտոսի տօնին, եւ տեւեց 40 տիւ եւ գիշեր: Շատ եկեղեցիներ փլեցին, ի թիւս որոց եւ Սիգմա կոչուած Ս. Աստուածածնի եկեղեցին: Պատմում են որ Լեւոն փրկիստփան եւս Սիգմա եկեղեցումն էր երկրաշարժի ժամանակ: Նա անմիջապէս նախազգուշացրեց աղօթողներին խորհուրդ տալով դուրս գալ եկեղեցուց: Նրանք չլսեցին, մնացին եկեղեցում և զոհ գնացին մեծ արկածին: Ինքը Լեւոնը սակայն փրկուեց, ապաստանելով ուրիշ երկու անձի հետ եկեղեցու սիւներից մէկի տակ¹:

Պոլիեկտոսի յիշատակը տօնուում է յունուարի 9ին: Երկրաշարժը տեղի ունեցաւ Վասիլի երրորդ տարին, ուրեմն 870 թուին²: Հաւանական է հակառակ իմաստով ըմբռնել այս պատմութիւնը, այսինքն՝ ենթադրել որ Լեւոնը ինքը կործանուել է երկրաշարժի ժամանակ միւս հաւատացեալների հետ Սիգմա տաճարում: Տարօրինակ է, որ Լեւոնը ուրիշներին խրատում է ելնել եկեղեցուց, բայց ինքը մնում է եկեղեցում:

Լեւոնին վերագրած խրատը եւ իր փրկութիւնը համարելու է հնարածոյ: Գիտնականի մեծ հռչակը չէ ներել որ բնութեան գաղտնիքներին գիտակ անձը զոհ համարուի երկրաշարժի: Ուստի խեղաթիւրել են իսկական պատահարը, Լեւոնին փրկութիւն տալով սիւնի տակ, եւ աղօթողների կործանումը վերագրելով այն հանգամանքին, որ չեն անստացել

1 Georg, 840; Symeon, 688.

2 Sym. 688: Սրա ժամանակադրութիւնը վստահելի չէ, բայց այս դպէքում հիշտ է թւում նշանակած տարին:

Լեւոնի կանխիչ խորհրդին: Չրոյցի մէջ, կրկնում ենք, պահ-
լած ենք համարում Լեւոնի մահուան պարագան Սիդմայի Ս.
Աստուածածնի եկեղեցում երկրաշարժի ժամանակ 870 թուի
յունուարի 9ին:

Կոստանդինը իր գրութեան մէջ, որ երեւացել է Լեւոնի
մահից յետոյ, վկայում է որ ինքը այնուհետեւ ուսուցիչ է
ընտրել Փոտին: Սա կարող էր դասերով զբաղուել, հարկաւ,
ոչ պատրիարքութեան ժամանակ, այլ երբ հրաժարուած էր
գահից: Արդ, Փոտը թողեց գահը 867ին եւ նորից գրաւեց
879ին: Ուրեմն այս միջոցին պէտք է Կոստանդինը նրա մօտ
ուսանէր, եւ այս միջոցին, ուրեմն, Լեւոնը պէտք է արդէն
մեռած լինէր: Այս դիտողութիւնը եւս նպաստաւոր է մեր
ենթադրութեան, որ Լեւոնը վախճանած էր 870ին:

V

Լեւոնը բիւզանդահայ էր, ծնուած եւ մեծացած մայ-
րաքաղաքի մթնոլորտում: Իր ձգտումներով, ուսումնատենչ
ոգով, կարելի էր ասել, տեղական պտուղ է: Սակայն մոռա-
նալու չէ որ նրա պապն էր Բագրատ աստղաբաշխը, որ իր
գիտութիւնը պարտական չէր բիւզանդական մայրաքաղա-
քին, այլ բերել էր իր հետ իր հայրենիքից՝ Հայաստանից:
Իրաւունք ունենք ենթադրելու որ նրա արիւնը խօսում էր
որոշ չափով եւ Լեւոնի մէջ: Պօսքս միայն ժառանգականու-
թեան մասին չէ, այլ եւ ընտանեկան աւանդութեան:

Առանց նպատակ ունենալու հայ եւ բիւզանդական մտա-
ւոր յարաբերութիւնների խնդիրը շօշափելու, կ'ուզէի մի-
այն մի զուգահեռ գծել Լեւոնի եւ մի ուրիշ հայ գիտնականի
միջեւ, երկուսի հոգեկան սերտութիւնը երեւան բերելու հա-
մար: Այդ գիտնականը Անանիա Շիրակացին է: Սա ապրել է
եօթներորդ դարում եւ հայ դպրութեան մէջ նոյն տեղն է
գրաւում, ինչ որ Լեւոնը՝ բիւզանդական: Նա է ստոյգ գի-
տութիւնների առաջին սերմնացանը հայ անցեալում: Բաթ-
րախտաբար, նրա կեանքը ծանօթ է մեզ աւելի քան որեւէ
ուրիշ հին մատենագրի, եւ ծանօթ է շնորհիւ իր իսկ գրքի:
Ահա ի՞նչ է պատմում Անանիան իր մասին:

Իր կրթութիւնը մի քանի շրջան ունի: Առաջին շրջանը
որակում է հետեւեալ կարճ եւ իմաստալից խօսքերով. «Իր-
վանդակեցի գղապրութիւն մերոյ ազգիս Հայաստանեայց եւ
հմուտ եղեալ Աստուածաշունչ Գրոց»...

Ասել է թէ ուսումնասիրեց նախ հայրենի դպրութիւնը,

իրենից յառաջ յայտնի գրական գործերը, եւ Ս. Գրքի հմ-
տութիւն ձեռք բերեց:

Սակայն սրանով չյագեցաւ իր ուսումնական ծարաւը:
Ուզում էր ծանօթանալ համարողական արուեստին, «յոյժ
կարօտեալ արուեստիս համարողական, խորհեցայ թէ ոչինչ
համարի բան իմաստասիրութեան առանց թուոյ, կարծելով
զսա մայր ամենայն իմաստից»:

Ճիշտ Լեւոն փիլիսոփայի վիճակը, որ մայրաքաղա-
քում ճարտասանութիւն եւ քերականութիւն ուսանելուց յե-
տոյ, երազում էր ընկան գիտութիւններ ձեռք բերել: Ինչ-
պէս որ Լեւոնը Կ. Պոլսում մարդ չգտաւ, որի մօտ սովորէր,
նոյնպէս եւ Անանիան. «ի Հայս ոչ գտի, ասում է նա, մարդ
գիտակ իմաստասիրութեան եւ ոչ գիրք արուեստից գտի յաշ-
խարհիս»: Ի՞նչ անէր: Լեւոնի պէս սկսեց ճանապարհորդել,
ուրիշ տեղ հայթայթելու գիտութիւնները:

Ճանապարհ ընկաւ դէպի Յունաց աշխարհը, հասաւ
Թէոդոսիուպոլիս: Այստեղ ծանօթացաւ Եղիազարոս անու-
նով մի մարդու, որ շատ հմուտ էր եկեղեցական գիտու-
թեան: Սրանից իմացաւ որ Չորրորդ Հայքում մի նշանաւոր
գիտնական կար, համարող, այսինքն՝ մաթիմատիկ, անունը
Քրիստոսատուր: Անանիան գնաց Քրիստոսատուրի մօտ եւ
պարապեց վեց ամիս, ոչ աւելի, որովհետեւ շուտով համոզ-
ւեց, որ Քրիստոսատուրը առանձին գիտութիւն չունէր, «ոչ
ունէր գրովանդակ արուեստ այլ աստի եւ անտի ծայրաքաղ»:

Անանիա վճռեց գնալ Կ. Պոլիս: Այստեղ պատահեց ծա-
նօթների, որոնք տեղեկանալով նրա նպատակներին, ասա-
ցին, որ ի գուր նեղութիւն է կրել եւ այսքան հեռաւոր ծա-
նապարհ եկել: Զարմացան, որ Անանիան չգիտէր որ Տրա-
պիզոն քաղաքում կար շատ նշանաւոր գիտնական անձ՝ անու-
նը Տիւբիկոս, որ քաջ գիտակ էր նաեւ հայերէն դպրութեան:
Նր Տիւբիկոս, որ քաջ գիտակ էր նաեւ հայերէն դպրութեան:
Այնքան հռչակուած էր, որ մայրաքաղաքից այնտեղ են
գնում ուսումնաձարաւ պատանիները իրենց կրթութիւնը
կատարելագործելու համար:

Արդարեւ, Պոլսի պատրիարքի պատուէրով, ոմն Փի-
լագր սարկաւազ մի խումբ տղաներ պիտի տանէր Տրապիզոն
Տիւբիկոսի մօտ ուսանելու: Անանիան օգտուեց բարեյաջող
դէպքից եւ միացաւ խմբին, «նաւակից եղաւ»: Եկաւ Տրապի-
զոն եւ ներկայացաւ Տիւբիկոսին, որ Ս. Եւգինեայ կոյսի
վկայարանում հաստատուած, պարապում էր դասաւանդու-
թեամբ:

Անանիան մնաց այնտեղ ութ տարի եւ մեծ հմտութիւն

ձեռք բերեց իր ցանկացած գիտութիւնների մէջ: Բազմակողմանի կրթութիւն ստացաւ, ծանօթանալով շատ և շատ գրութեանց «որ չէին թարգմանեալ ի Հայս, զի կայր անչափ զբեանք, գաղտնիք եւ յայտնիք, արտաքինք, արուեստական եւ պատմագիրք, բժշկականք եւ ժամանակագիրք, զի չէինչ զիրք որ առ նմա ոչ գտանէր»:

Տիւրքիոսը գիտէր նաեւ հայերէն եւ ծանօթ էր հաղպուրթեան: Անանիան հիացումով է խօսում նրա հայերէն մասին: Այնքան քաջ հայագէտ էր, որ յունարէնից թարգմանելիս, չէր քաշքշում ուրիշ թարգմանիչների պէս, այլ արպէս սահուն էր թարգմանում եւ արագ, կարծես թէ թարգմանում, այլ հայերէն գրած բան է կարդում («ոչ զգերումն առնէր որպէս զայլ թարգմանիչան, հայերէն ը թեռնոյր լեզու իբրեւ զհայերէն գրեալան»):

Այս փայլուն գիտնականի մօտ Անանիան գտաւ ինչ որ որոնում էր, շտեմարանեց անբաւ գիտութիւն եւ դարձաւ հայրենիք ուսուցանելու ուրիշներին: «Հօր արուեստս արբերի մեր աշխարհը, ասում է Անանիան, առանց որեւէ մէկ ձեռնառութեան, եւ ոչ ոք շնորհակալութիւն անգամ չյայտնեց աշխատութեանցս համար»: Տրտունջով արձանագրում է, որ շատերը եկան աշակերտելու, բայց դեռ ուսումը չուարտած, հեռացան աւանդելու ուրիշներին այն, ինչ որ իրենք տակաւին լաւ չէին իւրացրած: «Կեղծաւորք եւ անփառք ցուցանել զկերպարանս գիտութեան եւ կոչել ի մարդկանէ ռարբի: Եւ ասին ի վերայ իմ պարսաւանս որք յինքն յերիւրեալք»:

Պարսաւոդներն, անշուշտ, իր նախկին աշակերտների էին, որոնք ստալոգ լուրեր էին տարածում իրենց ուսուցիչ մասին: Արդեօք նոյն կարգի յերիւրանք չէի՞ն, ինչ որ Լեւոնի աշակերտ Կոստանդինը եւ իր նմաններն էին տարածում: Անանիան շատ դառնացած է երեւում այդ յերիւրանքի թիւ եւ տրտունջը թափում է Հայերի գլխին, ասելով՝ «Սիրեն Հայքս իմաստ կամ գիտութիւն, այլ ծոյլք են եւ անբացողք»: Եթէ «իմաստ եւ գիտութեան տակ» մեր հեղինակը հասկանում է բնագիտական ուսմունքները, թերեւս, իր տունք ունի տրտնջալու, այլապէս վշտացած սրտի չափազանցութիւն է, եթէ ոչ բացարձակ ամբաստանութիւն, ուրանալ Հայի հարցասիրութիւնը: Անանիայի մասնագիտութիւնն էր «Արուեստք քառիցն», ինչպէս կոչում է Գրիգոր Մագիսարոսը, բաղկացած թուարանութիւնից, երաշտա-

կանութիւնից, երկրաչափութիւնից եւ աստեղարանչափութիւնից:

Որքան էլ մոռացութեան տրուէին Անանիայի սիրած գիտութիւնները, բայց եւ այնպէս չէին կարող անհետանալ բնաւին: Սակաւաթիւ հետեւորդների միջոցով կը պահուէր նրա աւանդը: Բագրատ աստղարաշխարհաւանօրէն Անանիայի թանկագին աւանդի պահնորդներիցն է եւ իր գիտութիւնը պարտական է ոչ մայրաքաղաքին, այլ րօարել էր այնտեղ Հայաստանից:

Մագնաւրայի դպրոցի ոգին, որ պատուաստել էր Լեւոնը, չհանգաւ նրա մահից յետոյ: Հայերը եւս անմասն չմնացին հետագայ յառաջագիմութեան: Յաջորդ 10րդ դարում գիտութիւնն ու համալսարանը լուսամիտ մեկենաս ունեցան յանձին թագակալ գիտնականի՝ Կոստանդին Միրանածնի, որ Վասիլ Հայի թոռն էր: Նպատակ չունենք հետեւելու գիտութեանց զարգացման հետագայ դարերում: Կ'ուզէինք յիշել միայն մի ուրիշ հայ անուն, մի ակնանւոր մաթիմատիկ, որ ապրում էր բիւզանդական քաղաքակրթութեան վերջալոյսին: Գիտութեան արշալոյս եւ վերջնական խաւարում — երկու չրջանում էլ առկայծում են հայ անուններ:

Փարիզի Ազգային Մատենադարանում կայ մի յունարէն ձեռագիր թիւ 2A28, որ բովանդակում է մաթիմատիկական երկեր: Ի միջի այլոց կայ երկու յօդուած, աշխատութիւն մի հայ թուարանի: Անունն է Նիկողայոս Արտաւազդ Ռարգաս (նոր արտասանութեամբ Ռաւդաս): Առաջին յօդուածի, թուղթ 194, վերնագիրն է. «Կարծ եւ պարզ դաս համարողական գիտութեան, գրեց Կ. Պոլսում Զմիւռնացի Նիկողայոս Արտաւազդ, Ռարգաս կոչեցեալ, թուարան եւ երկրաչափ, ի խնդրոյ յոյժ յարգելի պաշտօնեայի խնդրագրոյ տէր Գէորգ Մաշտոց»:

Միւս յօդուածի, թուղթ 225, վերնագիրն է. «ամենասիրեցեալ բարեկամիս Կլաղմենցի Թէոդոր ԴՅαβουχο ինդրում է Նիկողայոս Արտաւազդ Զմիւռնացին, Ռարգասը, Բիւզանտիսից»: (Կ. Պոլսից)

Կրկնակի անուններից մէկը զուտ հայկական է՝ Արտաւազդ, որից երեւում է որ արեւելքից նոր է եկած եւ Զմիւռնիայում վերակոչուած Նիկողայոս: Մականունը՝ Ռարգաս: Արտաւազդը գրել է իր գործը ոմն Գէորգի խնդրքով, որ կոչում է Մաշտոց: Ի՞նչու ար չէ կոահել, որ Սաչիկ անունն է, փաղաքականը Սաչատուր անունան, եւ ծաօթ 10րդ դարուց, երբ նոյնիսկ կաթողիկոսներից մէկը կրում էր նոյն

անունը: Ոչ միայն Գէորգ Սաչիկը, այլ եւ միւս անձը՝ Թէո-
 դորը հայ են: Τζαβούχη ոչ այլ ինչ է եթէ ոչ Չաւուշ բառը:
 Թէոդորը այդպէս է կոչուում, երեւի, այն պատճառով, որ
 պալատական չաւուշ է եղել: Գէորգ Սաչիկը նմանապէս պա-
 լատական պաշտօնեայ էր, որպէս պետ այն դիւանի, ուր
 մտնում էին կայսեր անունով տուած խնդրագիրները:

Այսպէս մի հայ գիտնական գրում է իր աշխատութիւն-
 ները իր երկու հայրենակիցների առաջարկութեամբ: Սրբին
 գրութիւններ չեն: Մի յօդուածում բացատրում է թուարա-
 նական չորս գործողութիւնները՝ գումարում, հանում, բա-
 ժանում եւ բազմապատկում: Միւսը վերաբերում է կոտո-
 րակների բաժանման եւ բազմապատկման կանոններին եւ թէ
 ի՛նչպէս պէտք է հանել քառակուսի արմատ:

Փրանսացի մի գիտնական մի փոքրիկ հետազօտութիւն
 է նուիրել Նիկողայոս Արտաւազդի Ռարդասին, ուր ծանրա-
 նում է գլխաւորապէս քառակուսի արմատ հանելու եղանակի
 վրայ: Դուրս է գալիս որ այն եղանակը որ գերմանացի Գիւն-
 թեր գիտնականը վերագրում է նոր ժամանակուան մաթի-
 մատիկներին՝ Օպպերմանին եւ Ալեքսէեւին, իսկապէս պատ-
 կանում է Արտաւազդին¹: Այս արդէն հայկական մի հին հա-
 մեստ տուրք է մաթեմատիկական գիտութեան:

Արտաւազդը ծանօթ է նաեւ իր մէկ երկրաչափական
 աշխատութեամբ, որ գտնուում է Փարիզի մի ուրիշ յոյն ձե-
 ոագրի մէջ God. Suppl. Grec.682: Ապրել է մեր գիտնականը
 14րդ դարում, Անդրոնիկ Պալէոլոգ կայսեր ժամանակ: Նա
 կենդանի էր տակաւին 1341 թուին, ինչպէս երեւում է իր
 մէկ հաշուից: Որոշելով Չատիկը Քրիստոսի 6849 տարին,
 երբ արեւի 17րդ շրջանն էր եւ լուսնի 9րդ, Արտաւազդ կո-
 չում է այդ տարին ներկայ: Հաշուից երեւում է որ խօսքը
 1341 թուի մասին է, երբ Չատիկն ընկաւ ապրիլի 8: Յայտնի
 է որ Անդրոնիկ Պալէոլոգի որդին Միքայէլը ամուսնացած
 էր Հայկական Կիլիկիայի թագաւոր Հեթում Բ-ի քրոջ Մա-
 րիամի հետ, որից ունեցաւ մի որդի՝ Անդրոնիկ Գ, որ դահ
 բարձրացաւ 1328 թուին եւ կառավարեց մինչեւ 1341:

Բնական հարց է ծագում, արդեօք Գէորգ Սաչիկը,
 Թէոդոր Չաւուշը եւ ինքն Արտաւազդ Ռարդասը այն անձե-
 րից չէի՞ն, որոնք ուղեկցել էին հայ արքայադստեր դէպի
 կայսերական մայրաքաղաքը: Մարիամի հետ էր եւ իր քոյ-

ըը, որ պիտի հարսնանար Արեւմտեան մի իշխանագունի,
 բայց ճանապարհին մեռաւ: Ռարդաս մականունը թւում է
 ինձ որ այլ բան չէ քան կրճատում սարգոֆորոս բառի, որ
 նշանակում է մանկլաւիկ, (բառացի դաւազանակիր): Հաւա-
 նական է որ Սաչիկի եւ Չաւուշի նման Արտաւազդը եւս կայ-
 սերական պալատի պաշտօնեաներից էր: Հայ անունները, որ
 տակաւին չեն կորցրել այս անձերը, նշան են, որ նոր են եկել
 արեւելքից եւ հնաբնակ չեն Բիւզանդիայում:

Այսպիսով ստոյգ գիտութեանց այն ջանք, որ տեսնում
 ենք Անանիա Ծիրակացու ձեռքին Երդ դարում, և որը Բագ-
 րատի միջոցով, թերեւս, անցաւ Լեւոն փիլիսոփային եւ
 փայլեց Մագնաւրա պալատում, տակաւին անկայծում էր մի
 համեստ հայ շրջանում Բիւզանդիայի մայրաքաղաքի մէջ
 կայսրութեան կործանման նախօրէին:



1 P. Tannery, Manuel Moshopoulos et Nicolas Rhabdas, Bulletin des
 Sciences Mathématiques; 2 Série, 8. 1884.

in
uy
է
ց'
դ
"'
ի
դ

ը
հ
է
լ
լ
լ

Բ Ո Վ Ա Ն Դ Ա Կ Ո Ի Թ Ի Ի Ն

ԵՐԿՈՒ ԽՕՍՔ	52
ՆԻԿՈՂԱՅՈՍ ԱԴՈՆՑ	7
ԲԱՂԱՔԱԿԱՆ ՀՈՍԱՆՔՆԵՐ ՀԻՆ ՀԱՅԱՍՏԱՆՈՒՄ	9
ԲԱԳՐԱՏՈՒՆԵԱՑ ՓԱՌՔԸ	17
ՀԱՅ ՀԻՆ ՇԻՆԱԿԱՆՈՒԹԻՒՆԸ	49
ՀԱՅԱՍՏԱՆԻ ՈՍԿԵՀԱՆՔԸ	157
ՀԻՆ ՀԱՅՈՑ ԱՇԽԱՐՀԱՅԵԱՑՔԸ	206
ԱՐՏԱԻԱՆ ԱՐՇԱԿՈՒՆԻ	223
ՎԱՐԴ ՄԱՄԻԿՈՆԵԱՆ	297
ՄԱՄԻԿՈՆԵԱՆ ԻՇԽԱՆՈՒՀԻՆ ԲԻԻԶԱՆԴՈՎԱՆ ԳԱՀԻ ՎՐԱՑ	320
ՎԱՍԻԼ ՀԱՅԱԶՆ	354
ՀԱՅ ԳԻՏԱԿԱՆ ԴԷՄՔԵՐ ԲԻԻԶԱՆԴՈՎԱՅՈՒՄ	452
	501